

রোকেয়া-রচনাবলী

বেগম রোকেয়া সাখাওয়াত হোসেন
প্রণীত

আবদুল কাদীর
সম্পাদিত

বাংলা একাডেমী : ঢাকা

ROKEYA RACHANAVALI (Works of Begum Rokeya Sakhawat Hossain) by Begum Rokeya Sakhawat Hossain. Published by Bangla Academy, Dacca-2, Bangladesh,

প্রথম সংস্করণ
অগ্রহায়ণ, ১৩৭৮
[ডিসেম্বর, ১৯৭১]

কাজলে রান্ধি, পরিচালক, প্রকাশন-মুদ্রণ-বিক্রয় ডিভিশন, বাংলা একাডেমী,
ঢাকা কর্তৃক প্রকাশিত এবং ইম্পেরিয়াল প্রেস, ১০, হাটখোলা রোড, ঢাকা-৩

প্রসঙ্গ-কথা

বেগম রোকেয়া সাখাওয়াত হোসেন বাংলা সাহিত্যে একটি অনন্যসাধারণ নাম। দেশান্তরবোধে অনুপ্রাণিতা বেগম আর. এস. হোসেন বাংলার অধঃ-পত্নিতা নারী সমাজকে মুক্তির সত্য-সুন্দর পথে পরিচালিত করবার উদ্দেশ্যে ত্যাগের একটি উজ্জ্বল আদর্শ প্রতিষ্ঠা করেছিলেন। তাঁর এই আত্মত্যাগ কেবল-মাত্র সমাজসেবার মধ্যে সীমাবদ্ধ ছিলো না—বরং তাঁর চেতনার বিমূর্ত প্রকাশ আমরা দেখতে পাই সাহিত্য-সাধনার মধ্যেও। চিন্তার গভীরতায় এবং সৃষ্টির প্রসারতায় তাঁর প্রতিটি রচনা আমাদের জাতীয় জীবনে সুদূরপ্রসারী প্রভাব বিস্তার করেছে। এদিক থেকে তাঁর সমগ্র রচনার নব মূল্যায়নের প্রয়োজনীয়তাকে অস্বীকার করা যায় না। বাংলা একাডেমীর পক্ষ থেকে তাই 'রোকেয়া-রচনাবলী' প্রকাশের প্রচেষ্টা আশা করি সুধী মহলে প্রশংসিত হবে। রচনাবলীর সংকলক-সম্পাদক কবি আবদুল কাদিরের নিরলস প্রচেষ্টা নিঃসন্দেহে ধন্যবাদার্থ। আমাদের জাতীয় জীবন-দর্শনে এই রচনাবলী সহায়ক হবে বলেই আমার বিশ্বাস।

রোকেয়া রচনাবলীর বহুল প্রচার আমাদের একান্ত কাম্য।

ময়হারুল ইসলাম

মহাপরিচালক

বাংলা একাডেমী : ঢাকা।

সম্পাদকের নিবেদন

বেগম রোকেয়া সাখাওয়াত হোসেনের সমগ্র রচনাবলী এক খণ্ডে প্রকাশের একটি বিস্তারিত পরিকল্পনা আমি উপস্থাপন করলে পর ১৯৬৮ খ্রীস্টাব্দের ২৮শে ডিসেম্বর তারিখে কেন্দ্রীয় বাংলা-উন্নয়ন-বোর্ডেব কার্যকর সংসদের ৩৭তম সভায় তাঁর গ্রন্থাবলী মুদ্রণের সিদ্ধান্ত গৃহীত হয়। তদনুসারে তাঁর মৃত্যুর ৪০ বৎসর পরে 'রোকেয়া-রচনাবলী' প্রকাশিত হলো।

১৮৮০ খ্রীস্টাব্দে রংপুর জেলার অন্তঃপাতী পায়রাবন্দ গ্রামে রোকেয়ার জন্ম হয়। তাঁর পিতা জহীর মোহাম্মদ আবু আলী সাবের সম্ভ্রান্ত ভূস্বামী ছিলেন। পায়রাবন্দ গ্রামে 'সাড়ে তিন শত বিঘা লাখেরাজ জমির মাঝখানে' ছিল তাঁর 'সুবৃহৎ' বসতবাটি। সাবের সাহেব 'বিলাসী', 'অপব্যায়ী' ও 'সংরক্ষণশীল' ছিলেন। তাঁর দুই পুত্র : আবুল আসাদ ইব্রাহিম সাবের ও খলীল সাবের এবং তিন কন্যা : করিমুল্লাহা, রোকেয়া ও হোমেরা। দুই পুত্র কলকাতা সেন্ট-জেভিয়ার্স কলেজে উচ্চশিক্ষা লাভ করেন,—তাঁদের মনের উপর ইংরেজী শিক্ষা ও সভ্যতার প্রচুর প্রভাব পড়ে! জ্যেষ্ঠ ইব্রাহিম সাবেরের ব্যক্তিগত তত্ত্বাবধানে করিমুল্লাহা ও রোকেয়া ইংরেজী শিক্ষায় অনেকখানি অগ্রসর হন। রোকেয়া তাঁর উপন্যাস : 'পদ্মরাগ' এই অগ্রজের নামে উৎসর্গ করতে গিয়ে বলেন : 'দাদা! আমাকে তুমিই হাতে গড়িয়া তুলিয়াছ।'

করিমুল্লাহার জন্ম ১৮৫৫ খ্রীস্টাব্দের এপ্রিল মাসে এবং মৃত্যু ১৯২৬ খ্রীস্টাব্দের ৬ই সেপ্টেম্বর। বাল্যকালে বাংলা পুস্তক পাঠের প্রতি করিমুল্লাহার অত্যধিক আসক্তি দেখে তাঁর 'পড়াই বন্ধ' ক'রে দেওয়া হয় এবং তাঁকে "বালিয়াদীতে মাতামহের প্রাসাদে" পাঠিয়ে দিয়ে তাঁর "বিবাহের আয়োজন" হ'তে থাকে। মাত্র ১৪ বৎসর বয়সেই ময়মনসিংহের দেলদুয়ারে তাঁর বিবাহ হয়ে যায়। দুঃখের বিষয়, বিবাহের ৯ বৎসর পরেই তিনি বিধবা হন। তাঁর দুই দেশখ্যাত পুত্র : স্যার আবদুল করিম গজনভী ও স্যার আবদুল হালিম গজনভী তাঁর প্রেরণা ও তত্ত্বাবধানেই

উচ্চশিক্ষা লাভ করেছিলেন। এই মহিয়সী মহিলার নামে রোকিয়া তাঁর 'মতিচূর' দ্বিতীয় খণ্ড উৎসর্গ করেন। তিনি উৎসর্গ-পত্রে উল্লেখ করেন যে, বাল্যে তাঁর বাংলা ভাষা শিক্ষার ব্যাপারে আনুকূল্য করেছিলেন একমাত্র করিমুল্লেশা এবং 'চৌদ্দ বৎসর ভাগলপুরে' ও 'কলিকাতায় ১১ বৎসর উর্দু স্কুল পরিচালনা'-কালে বাংলা ভাষার পরিবেশ থেকে সম্পূর্ণ বিচ্যুত হয়েও তিনি যে বাংলা সাহিত্যের অনুশীলন অব্যাহত রাখতে পেরেছেন তা কেবল করিমুল্লেশার প্রেরণায়।

রোকিয়া আনুমানিক ১৬ বৎসর বয়সে বিহারের অন্তর্গত ভাগলপুরের সৈয়দ সাখাওয়াত হোসেনের সহিত পরিণয়-সূত্রে আবদ্ধ হন। সাখাওয়াত তখন ডেপুটী ম্যাজিস্ট্রেট। তৎপূর্বে তিনি কৃষিশিক্ষার বৃত্তি নিয়ে ইংলণ্ডে গিয়েছিলেন এবং 'অনেকগুলি প্রাইজ ও মেডেল' নিয়ে এসেছিলেন। স্বনাথ্যাত সাহিত্যিক ও শিক্ষাবিদ ভূদেব মুখোপাধ্যায়ের সুপারিশক্রমেই তিনি সেই বৃত্তিলাভ করেছিলেন, —ভূদেবের পুত্র শ্রীমুকুন্দদেব মুখোপাধ্যায় ছিলেন হুগলী কলেজে (১৮৭৪-৭৫) ও পাটনা কলেজে (১৮৭৭) সাখাওয়াতের সহাধ্যায়ী ও ঘনিষ্ঠ সূহৃৎ। সাখাওয়াতের প্রথম বিবাহ হয়েছিল তাঁর 'মাতার পছন্দমতো' বিহারের এক আত্মীয়-ঘরে; সেই স্ত্রী অল্পবয়সেই একটি মাত্র কন্যা রেখে মারা যান। মুকুন্দদেব লিখেছেন—

“সাখাওয়াৎ সেই কন্যার একটি বি. এ. পাশ-করা ছেলের সহিত বিবাহ দিয়াছিল; সে কন্যাটিও এখন আর জীবিত নাই। [১৯১৬]

“বিপন্নক হইয়া সাখাওয়াৎ দ্বিতীয়বার বংপুনে সম্রাট ঘরে সুশিক্ষিতা বাঙালী মুসলমান কন্যা বিবাহ করেন।...দ্বিতীয় বিবাহে কোন সন্তান জীবিত থাকে নাই। কিন্তু দ্বিতীয় পত্নী ইংরাজী ও বাঙ্গালার বিশেষ ব্যুৎপন্ন এবং সুগৃহিণী এবং ধীর গম্ভীর সাখাওয়াৎ পাবিবাবিক জীবনে সুখী হইয়াছিল।...

“মিতব্যয়ী সাখাওয়াতের সত্তর হাজার টাকা সঞ্চিত হইয়াছিল। তিনি পত্নীর দ্বারা একটি মুসলমান বালিকা-বিদ্যালয় পরিচালনার জন্য ১০ হাজার টাকা দিবেন; পত্নীকে দশ হাজার দিবেন এবং বাড়ী এবং অধিকাংশ টাকা কন্যাকে জীবদ্দশায় লিখিয়া দিবেন এইরূপ পরামর্শ স্থির করিয়াছিলেন এবং সেইরূপই অনেকটা করিয়াছিলেন বলিয়া শুনিয়াছি। কলিকাতায় চিকিৎসার্থ গিয়া সাখাওয়াতের দেহান্ত হয়। সুশিক্ষিতা মিসেস রোকিয়া হোসেন এইরূপ ইংরাজী শিখিয়াছিলেন যে, সাখাওয়াতের কথামত ইংরাজীতে লিখিয়া তাঁহার সরকারী কার্যের অনেকটাই সাহায্য করিতে পারিতেন এবং বাঙ্গালাতে মহরম সঘন্ডে একখানি ও মতিচূর নামে আর একখানি পুস্তক লিখিয়াছিলেন। পত্নীর সাহায্যে তাঁহার পারিবারিক জীবন সুখের হইয়াছিল বলিয়া তিনি মুসলমানদের বহু-বিবাহ, নাচ বুজরা প্রভৃতির প্রকৃত প্রতিষেধক ভাবে 'স্ত্রীশিক্ষার' একান্ত পক্ষপাতী ছিলেন।

ভাঁহার অসামান্য এবং পতিব্রতা পত্নী স্বামীর সেই ইচ্ছা পূর্ণ করার জন্য কলিকাতায় বালিকা-বিদ্যালয় পরিচালনা করিয়া পবিত্রাত্মা স্বর্গীয় সাখাওয়াতের স্মৃতির পূজা করিতেছেন।”

—[আমার দেখা লোক, ১৩-৩৪ পৃ:]

খান বাহাদুর সৈয়দ সাখাওয়াত হোসেন বি. এ., এম. আর. এ. এম্, ১৯০৯ খ্রীস্টাব্দের ৩রা মে লোকান্তরিত হন। তার পাঁচ মাস পরে রোকেয়া মাত্র পাঁচটি ছাত্রী নিয়ে ভাগলপুরে প্রথম সাখাওয়াৎ মেমোরিয়াল গার্লস্ স্কুলের ভিত্তিপত্তন করেন। কিন্তু সেখানে তিনি বেশীদিন থাকতে পারেননি। সাখাওয়াতের প্রথম পক্ষের কন্যা ও জামাতা তাঁর ঘর-বাড়ী ও বিষয়-সম্পত্তির অধিকার নিয়ে এমন অশোভন আচরণ শুরু করে যে, রোকেয়া অতিষ্ঠ হয়ে অগত্যা ১৯১০ খ্রীস্টাব্দের শেষ ভাগে চিরদিনের জন্য সাধের স্বামীর ভিটা ত্যাগ ক’রে কলকাতায় চলে আসেন। ১৯১১ খ্রীস্টাব্দের ১৬ই মার্চ কলকাতায় আলিউল্লাহ লেনের একটি ছোট বাড়ীতে আটজন ছাত্রী নিয়ে নূতনভাবে স্কুল আরম্ভ করেন। পরে ৮৬এ, লোয়ার সার্কুলার রোডের বাড়ীতে তা স্থানান্তরিত হয়। রোকেয়ার অক্লান্ত সাধনায় স্কুলটি একটি প্রথম শ্রেণীর শিক্ষা-প্রতিষ্ঠানে উন্নীত হয়েছে। ১৯৩২ খ্রীস্টাব্দের ৯ই ডিসেম্বর প্রত্যুষে অকস্মাৎ হৃদযন্ত্রের ক্রিয়া বন্ধ হয়ে প্রায় ৫৩ বৎসর বয়সে তাঁর তিরোধান ঘটে; তার পূর্বরাত্রেও প্রায় এগারোটা পর্যন্ত তাঁকে স্কুলের কাগজপত্রের নথির মধ্যে কার্যনিরত দেখা গিয়েছিল।

তাঁর মৃত্যুর কয়েকদিন পরেই, ১৯৩২ খ্রীস্টাব্দের ২৫শে ডিসেম্বর তারিখে কলকাতা এলবার্ট হলে বঙ্গীয় মুসলমান সাহিত্য-সম্মেলনের পঞ্চম অধিবেশন অনুষ্ঠিত হয়। তাতে অভ্যর্থনা-সমিতির সভাপতির অভিভাষণে সৈয়দ এমদাদ আলী বলেন :

“সাখাওয়াত মেমোরিয়াল গার্লস্ স্কুল আজও দাঁড়াইয়া আছে, কিন্তু মিসেস্ রোকেয়া সাখাওয়াত হোসেন আর নাই। যে-নারী অবলীলায় সকলের আকোশ সহ্য করিয়া, সমাজের নানা মলিনতার কথা, নারীর নানা দুঃখের কথা তীব্র ভাষায় প্রকাশ করিবার সাহস রাখিতেন, তিনি আর নাই।.....তাঁহার প্রতি আমাব শ্রদ্ধা অপবিসীম ছিল, কারণ তিনি একটা মহৎ উদ্দেশ্যের প্রেরণা বইয়া কাজ করিতেন; সে-কাজের ভিত্তিবে আমরা যে স্মরণীয় নিহিত দেখিতাম তাহার ফলেই তাঁহার দেওয়া আঘাত আমাদের তখনকার ক্ষুদ্র সাহিত্যিক-সঙ্ঘের প্রত্যেকের মনে কুল হইয়া ফুটিয়া উঠিত। বৃত্ত্যু আজ তাঁহাকে অমর করিয়া দিয়াছে। তাঁহার স্মৃতির উপরে আজ বাংলার মুসলমান সমাজ যে-শ্রদ্ধাঞ্জলী দিতেছেন, বাংলার কোন মুসলমান পুরুষের বৃত্ত্যুতে গেরূপ করিয়াছেন বলিয়া জানি না। ইহা শুধু যুগ-লক্ষণ নহে, ইহা আমাদের আগরণের লক্ষণ।”

উক্ত সম্মেলনের সাহিত্য-শাখার সভাপতির অভিভাষণে কাজী আবদুল ওদুদ বলেন :

“এ যুগের মুসলমান সাহিত্যিকদের মধ্যে চিন্তাব ক্ষেত্রে বিশেষ গৌরবের আসন এই তিন জনে—মিগেস আর. এন্. হোসেন, কাজী ইব্রাহীম হক ও নুতফর রহমান।...মিগেস্ আব. এন্. হোসেনের প্রতিভা এফালের ভগ্নহৃদয় মুসলমানের জন্য যেন এক দৈব আশ্বাস। নিবাত নিরুপ মুসলমান অন্তঃপূর্বে যদি এহেন বুদ্ধির দীপ্তি, মাজিত রুচি, আত্মনির্ভরতা ও লিপিকুণলতার জন্ম হয়, তবে আছো ভয় কেন বাংলার মুসলমানের ষোচে না? তবে আছো কেন নিজেকে পবিষেষ্টেনে সন্তান ও জগতের অধিবাসী বলে পরিচিত করবার সাহস তার হয় না?”

॥ ২ ॥

বেগম রোকেয়া তাঁর ‘বায়ুবানে পঞ্চাশ মাইল’ লেখাটিতে বলেছেন যে, ১৯০৫ খ্রীস্টাব্দে Sultana's Dream রচিত হয়। ১৯০৫ খ্রীস্টাব্দেই তাঁর ‘মতিচূর’ আত্মপ্রকাশ করে। তাই ‘বিজ্ঞাপন’-এ বলা হয় : “মতিচূরের প্রবন্ধসমূহ পূর্বে ‘নবপ্রভা’, ‘মহিলা’ ও ‘নবনূর’ মাসিক পত্রিকায় প্রকাশিত হইয়াছিল।” তাতে অন্তর্ভুক্ত সাতটি প্রবন্ধের মধ্যে ‘স্বীকৃতির অবনতি’, ‘নিরীহ বাদশাহী’, ‘অর্ধাঙ্গী’, ‘বোরকা’ ও ‘গৃহ’ যথাক্রমে ১৩১১ ভাদ্রে, ১৩১০ মাঘে, ১৩১১ আশ্বিনে, ১৩১১ বৈশাখে ও ১৩১১ আশ্বিনে ‘নবনূর’ পত্রিকায় প্রকাশিত হয়েছিল। প্রথম প্রবন্ধ : ‘পিপাসা’ ১৩২৯ সালের ১৬ ভাদ্র তারিখে কাজী নজরুল ইসলামের সম্পাদিত ১ম বর্ষের ৭ম সংখ্যক (বিশেষ ‘মোহরম সংখ্যা’) অর্ধসাপ্তাহিক ‘ধুমকেতু’তে পুনর্মুদ্রিত হয়েছিল। ১৩১৩ সনে ‘নবনূর’-র কয়েকটি সংখ্যায় ‘মতিচূর’ গ্রন্থের যে-বিজ্ঞাপন বের হয় তাতে বলা হয় যে, “লেখিকার প্রথম রচনা ‘পিপাসা’ (মোহরম)।” গ্রন্থে তার শিরোনাম : ‘পিপাসা’ এবং উপ-শিরোনাম : ‘মহরম’। মুকুলদেব বলেছেন : ‘মিগেস্ রোকেয়া হোসেন বাঙ্গালাতে মহরম সম্বন্ধে একখানি ও মতিচূর নামে আর একখানি পুস্তক লিখিয়াছিলেন।” কিন্তু নাস্তবিকই ‘মহরম’ বিষয়ে রোকেয়া কোনো পৃথক পুস্তক প্রণয়ন করেছিলেন কি না, তা সন্ধান করা যেতে পারে।

১৩২৫ অগ্রহায়ণে ১ম বর্ষের ১ম সংখ্যক ‘সওগাত’ পত্রিকায় ‘বর্তমান বঙ্গীয় মুসলমান সাহিত্যিকগণের সংক্ষিপ্ত পরিচয়’ বিভাগে ‘মিগেস্ আর. এন্.

হোসেন' প্রসঙ্গে বলা হয় :

“ইনি কলিকাতার প্রসিদ্ধ সাধাওয়াৎ মেমোরিয়াল বালিকা-বিদ্যালয়ের প্রধানা শিক্ষয়িত্রী। বঙ্গীয় মুসলমান মহিলাগণের মধ্যে ইনিই সর্বপ্রধানা লেখিকা। ‘নবনূর’, ‘নবপ্রভা’, ‘মহিলা’, ‘অন্তঃপুর’ প্রভৃতি বিভিন্ন মাসিক পত্রিকায় এক সময়ে ইঁহার বহু মূল্যবান প্রবন্ধ প্রকাশিত হইয়াছিল। ইনি ‘মতিচূব’ নামে একখানি বাঙ্গালা এবং Sultana's Dream নামে একখানি ইংরাজী পুস্তক প্রণয়ন করিয়া সাহিত্য-সাধনায় সফলতা লাভ করিয়াছেন।”

উপরোক্ত ‘অন্তঃপুর’ পত্রিকায় প্রকাশিত রোকেয়ার লেখা এবং ১৯১৩ জ্যৈষ্ঠে ৪র্থ বর্ষের ২য় সংখ্যক ‘নবনূরে’ প্রকাশিত তাঁর ‘আশা-জ্যোতিঃ’ সংগ্রহ করা আবশ্যিক।

‘মতিচূর’ প্রথম খণ্ডের দ্বিতীয় প্রবন্ধ : ‘স্ত্রীজাতির অবনতি’ ১৩১১ ভাদ্রের ‘নবনূরে’ প্রকাশিত হয়েছিল ‘আমাদের অবনতি’ শিরোনামে। মূল প্রবন্ধের ২৩শ থেকে ২৭শ পর্বস্ত পঁচটি অনুচ্ছেদ গ্রহে পরিবর্তিত হয়ে সে-স্বলে নূতন সাতটি অনুচ্ছেদ সংযোজিত হয়েছে। পরিত্যক্ত অনুচ্ছেদ-পঞ্চক নিম্নে উদ্ধৃত হলো।

“আমাদের যথাসম্ভব অধঃপতন হওয়ার পর দাসত্বের বিরুদ্ধে কখনও মাথা তুলিতে পারি নাই ; তাহার প্রধান কারণ এই বোধ হয় যে, যখনই কোন ভগ্নী মস্তক উত্তোলনের চেষ্টা করিয়াছেন, অমনই ধর্মের দোহাই বা শাস্ত্রের বচন-রূপ অস্ত্রাবাতে তাঁহার মস্তক চূর্ণ হইয়াছে। অবশ্য একথা নিশ্চয় বলা যায় না, তবে অনুমানে ঐরূপ মনে হয়। আমরা প্রথমতঃ যাহা সহজে মানি নাই, তাহা পরে ধর্মের আদেশ ভাবিয়া শিরোধার্য করিয়াছি। এখন ত অবস্থা এই যে, ভূমিষ্ঠ হওয়া মাত্রই শুনিতে পাই : ‘প্যাট্ ! তুই জগ্নেছিষ্ গোলাম, থাক্‌বি গোলাম !’ স্তত্রঃ আমাদের আত্মা পর্বস্ত গোলাম হইয়া যায়।

“শিশুকে মাতা বলপূর্বক ঘুম পাড়াইতে বসিলে, ঘুম না পাওয়ায় শিশু যখন মাথা তুলিয়া ইতস্ততঃ দেখে, তখনই মাতা বলেন : ‘ঘুমা শিগ্গীর ঘুমা ! ঐ দেখ জুজু !’ ঘুম না পাইলেও শিশু অন্ততঃ চোখ বুজিয়া পড়িয়া থাকে। সেইরূপ আমরা যখনই উন্নত মস্তকে অতীত ও বর্তমানের প্রতি দৃষ্টিপাত করি, অমনই সমাজ বলে : ‘ঘুমাও, ঘুমাও, ঐ দেখ নরক !’ মনে বিশ্বাস না হইলেও অন্ততঃ আমরা মুখে কিছু না বলিয়া নীরব থাকি।

“আমাদিগকে অন্ধকারে রাখিবার জন্য পুরুষগণ ঐ ধর্মগ্রন্থগুলিকে ঈশ্বরের আদেশপত্র বলিয়া প্রকাশ করিয়াছেন। কোন বিশেষ ধর্মের নিগূঢ় মর্ম বা আধ্যাত্মিক বিষয় আমার আলোচ্য নহে। ধর্মে যে সামাজিক আইন-কানুন বিধিবদ্ধ আছে, আমি কেবল তাহারই আলোচনা করিব, স্তুরাং ধার্মিকগণ নিশ্চিত থাকুন। পুরাকালে যে ব্যক্তি প্রতিভাবলে দশ জনের মধ্যে পরিচিত হইয়াছেন, তিনিই আপনাকে দেবতা কিম্বা ঈশ্বর-প্রেরিত দূত বলিয়া প্রকাশ করিয়াছেন। এবং অসভ্য বর্বরদিগকে শিক্ষা দিতে চেষ্টা করিয়াছেন। ক্রমে যেমন পৃথিবীর অধিবাসীদের বুদ্ধি-বিবেচনা বৃদ্ধি হইয়াছে, সেইরূপ পয়গাম্বরদিগকে (অর্থাৎ ঈশ্বর-প্রেরিত মহোদয়দিগকে) এবং দেবতাদিগকেও বুদ্ধিমান হইতে বুদ্ধিমত্তর দেখা যায় ॥

‘তবেই দেখিতেছেন, এই ধর্মগ্রন্থগুলি পুরুষ-রচিত বিধি-ব্যবস্থা ভিন্ন আর কিছুই নহে। মুণিদের বিধানে যে-কথা শুনিতে পান, কোন স্ত্রী মুণির বিধানে হয়ত তাহার বিপরীত নিয়ম দেখিতে পাইতেন। কিন্তু স্ত্রীলোকদের সেরূপ যোগ্যতা কই যে, মুণি ধর্মি হইতে পারিতেন? যাহা হউক, ধর্মগ্রন্থসমূহ ঈশ্বর-প্রেরিত কি না, তাহা কেহই নিশ্চয় বলিতে পারে না। যদি ঈশ্বর কোন দূত রমণী-শাসনের নিমিত্ত প্রেরণ করিতেন, তবে সে দূত বোধ হয় কেবল এশিয়ায় সীমাবদ্ধ থাকিতেন না। দূতগণ ইউরোপে যান নাই কেন? আমেরিকা এবং সুমেরু হইতে কুমেরু পর্যন্ত যাইয়া ‘রমণী জাতিকে নরের অধীন থাকিতে হইবে’ ঈশ্বরের এই আদেশ শুনান নাই কেন? ঈশ্বর কি কেবল এশিয়ারই ঈশ্বর? আমেরিকায় কি তাঁহার রাজত্ব ছিল না? ঈশ্বর-দত্ত জলবায়ু ত সকল দেশেই আছে, কেবল দূতগণ সর্বদেশময় ব্যাপ্ত হন নাই কেন? যাহা হউক, এখন আমাদের আর ধর্মের নামে নত মস্তকে নরের অযথা প্রভুত্ব সহ্য উচিত নহে। আরও দেখ, যেখানে ধর্মের বহুজন অতিশয় দৃঢ়, সেইখানে নারীর প্রতি অত্যাচার অধিক। প্রমাণ—সতীদাহ। (পাদটীকা : ‘একজন কুলীন ব্রাহ্মণের নৃত্য হইলে তাঁহার ণতাধিক পত্নী সহমৃত্যু হইতেন কি?’) যেখানে ধর্মবন্ধন শিথিল, সেখানে রমণী প্রায় পুরুষের ন্যায় উন্নত অবস্থায় আছেন। এখানে ধর্ম অর্থে ধর্মের সামাজিক বিধান বন্ধিতে হইবে।

“কেহ বলিতে পারেন যে, ‘তুমি সামাজিক কথা বলিতে গিয়া ধর্ম লইয়া টানাটানি কর কেন?’ তদন্তরে বলিতে হইবে যে, ‘ধর্ম’ শেষে আমাদের দাসত্বের বন্ধন দৃঢ় হইতে দৃঢ়তর করিয়াছে; ধর্মের দোহাই দিয়া পুরুষ এখন রমণীর উপর প্রভুত্ব করিতেছেন। তাই ‘ধর্ম’ লইয়া টানাটানি করিতে বাধ্য হইলাম। এজন্য ধার্মিকগণ আশ্রয় ক্রমা করিতে পারেন।”

—[নবনূর, ২য় বর্ষ, ৫ম সংখ্যা, ২১৬-২১৮ পৃ:]

বেগম রোকেয়ার ‘আমাদের অবনতি’ প্রবন্ধের প্রতিবাদ ক’রে, ১৩১১ আশ্বিনের ‘নবনূরে’ এন্স. এ. আল-মুসাভী লেখেন ‘অবনতি প্রসঙ্গে’; তাতে বলেন—

“নারী কখনও সমস্ত বিষয়ে পুরুষের সমতুল্য হইতে পারে না—তাহা হইলে স্বভাবের বিরুদ্ধাচরণ করা হইবে।”

১৩১১ কাतिकের ‘নবনূরে’ নওশের আলী খান ইউমফজী লেখেন ‘একেই কি বলে অবনতি?’ তিনি বলেন—

“পাঠিকাগণ। সত্যই কি আপনারা দাসী? ...অলঙ্কারগুলি কি সত্যই আপনারদের দাসত্বের নিদর্শন? ...পোশাকগুলি ছিঁড়িয়া ফেলিয়া বিবসনা না সাজিলে কি প্রকৃত উন্নতি সাধিত হইতে পারিবে না? ...

“আপনাদিগকে “অন্ধকারে রাখিবার জন্য পুরুষগণ ঐ ধর্মগ্রন্থগুলিকে ঈশ্বরের আদেশপত্র বলিয়া প্রকাশ করিয়াছেন, * * * পুরাকালে যে ব্যক্তি প্রতিভা-বলে দশ জনের মধ্যে পরিচিত হইয়াছেন তিনিই আপনাকে দেবতা বা ঈশ্বর-প্রেরিত দূত বলিয়া প্রকাশ করিয়াছেন, * * * (পৃথিবীর অধিবাসীদের বুদ্ধি-বিবেচনা বুদ্ধির সহিত) পয়গাম্বরদিগকে * * * বুদ্ধিমান হইতে বুদ্ধিমত্তর (হইতে) দেখা যায়। তবেই দেখিতেছেন এই ধর্ম-গ্রন্থগুলি পুরুষ-রচিত বিধিব্যবস্থা ভিন্ন আর কিছুই নহে।” এ অনাহত গর্হিত কথাগুলি বলিবার কি প্রয়োজন ছিল? এ অবাস্তর কথাগুলি না লিখিলে কি আপনারদের অবনতির কারণ অনুসন্ধান কোণ বাধা জন্মিত? ...

“আপনারা স্বাধীন হউন ভাল কথা, কিন্তু স্বাধীনতার অপব্যবহার না করেন, ইহাই প্রার্থনীয়।”

১৩১২ জ্যেষ্ঠের 'নবনুরে' বেগম রোকেয়া লেখেন 'ব্রাতা-ভগ্নী' শীর্ষক 'কথোপ-কথন'। তার এক স্থানে বলা হয়েছে—

“কৃত্রিম অন্তঃপুর-বন্ধন মোচন হইলে সমাজে অবাধে স্ত্রীশিক্ষা প্রচলিত হইতে পারে। তখন এ শিক্ষার গতিরোধ করা অসম্ভব হইবে।” এই বাদানুবাদ-প্রসঙ্গে ১৩১২ ভাদ্রের 'কোহিনুরে' বিবি ফাতেমা লেখেন 'দু'টি কথা।' তাতে তিনি মন্তব্য করেন—

“গত আশ্বিন-কাতিকের 'নবনুরে' মিঃ আল্-মুসাভী ও ইউসফজী সাহেবের লিখিত প্রবন্ধদ্বয়ের প্রতিবাদ করাই যে ভগিনী হোসেনের মুখ্য উদ্দেশ্য, তাহা 'ব্রাতা-ভগ্নী' প্রবন্ধটি পাঠ করিলেই সহজে অনুমিত হয়। এখন জিজ্ঞাসা করি, উহা দ্বারা আমাদের লাভ হইবে কি?... ভগিনী হোসেনকে আমরা আমাদের সমাজের মুখপাত্র বলিয়া জানি। একরূপ অবস্থায় তাঁহার নিকট এ-প্রকার বাহ্যিক কথা শুনিতে কখনই আমরা আশা করি না।”

১৩১২ সালের নবনুরের বাধিক সূচীপত্রে দেখা যায় যে, তাতে 'গ্রন্থ-সমালোচনা' লেখেন মুন্সী আবদুল করিম সাহিত্যবিহারদ ও সম্পাদক সৈয়দ এমদাদ আলী। ১৩১২ ভাদ্রে 'গ্রন্থ-সমালোচনা' বিভাগে 'মতীচুর' প্রসঙ্গে বলা হয়—

“মতীচুর,— মিসেস্ আর. এন্স. হোসেন প্রণীত। মূল্য ৮০ আনা।...মতীচুরের প্রবন্ধগুলি যখন প্রথমে নবনুরে প্রকাশিত হয়, তখন তাহা পাঠে আমাদের সহিষ্ণুতার বাধ টুটিয়া গিয়াছিল।...এই উত্তেজনার ভাব কথঞ্চিৎ প্রশমিত হইলে পর গ্রন্থখানি পুনরায় পাঠ করি এবং সেই সময় মতীচুর সম্বন্ধে হৃদয়ে একটু অনুকূল ধারণা জন্মো।...লেখিকার সকল কথা না হইলেও অনেক কথাই নিরেট সত্য এবং মতীচুর প্রকৃত মতীচুরই বটে।...এই গ্রন্থের ভাষা সরল ও প্রাঞ্জল এবং রচনাভঙ্গি (style) অতি মনোরম। কোন পুরুষ লেখকের পক্ষেও এইরূপ ভাষায় গ্রন্থ রচনা করা শ্লাঘার বিষয়। লেখিকা তাঁহার বক্তব্য ভালো করিয়াই বলিতে পারিয়াছেন। তাঁহার পূর্বে কোন মুসলমান লেখকও এতগুলি সামাজিক বিষয়ের আলোচনা করেন নাই।...

“মতীচুর-রচয়িত্রীর একটি দোষের কথা এস্থলে বিশেষভাবে উল্লেখ-যোগ্য। তাঁহার গ্রন্থে মাদ্রাজের Christian Tract Society-র প্রকাশিত

Indian Reform সম্বন্ধীয় পুস্তিকাসমূহ দ্বারা অনুপ্রাণিত বলিয়াই আমাদের ধারণা। খৃষ্ট-ধর্ম প্রচার করিতে আসিয়া আমাদের সম্বন্ধে পাদ্রী সাহেবগণ যাহা বলেন বা বলিয়াছেন, লেখিকার নিকট তাহা অস্বাস্ত সত্যরূপেই পরিগণিত হইয়াছে। তাঁহার মতে আমাদের সবই কু, আর ইউরোপ-আমেরিকার সবই সু।।...

“সমাজ-সংস্কার করা এক কথা, আর সমাজকে বেদম চাবুক মারা আর এক কথা। চাবুকের চোটে সমাজ-দেহে ক্ষত হইতে পারে, কিন্তু তদ্বারা সমাজের কোন ক্ষতি বা অভাব পূরণ হয় না। মতীচূর-রচয়িত্রী কেবল ক্রমাগত সমাজকে চাবুকাইতেছেন, ইহাতে যে কোন সুফল ফলিবে আমরা এমত আশা করিতে পারি না।।...

মতীচূরের ‘পিপাসা’ ও ‘গৃহ’ এই দুইটি নিবন্ধই আমাদের সর্বাপেক্ষা ভালো লাগিয়াছে। ভালো লাগিয়াছে অর্থ এই যে, আমরা ইহা পড়িয়া হৃদয়ে কিছু সত্য, কিছু ধ্রুব বিষয়ের ধারণা করিতে পারিয়াছি।।... ‘সুগৃহিণী’ সম্বন্ধে আমাদের যৎকিঞ্চিৎ বক্তব্য আছে। আমরা ‘সুগৃহিণী’ চাই সত্য, কিন্তু আমরা এমন গৃহিণী চাই না, যাঁহারা কেবল সারাদিন Horticulture, Chemistry বা Physics নিয়া ব্যস্ত থাকিবেন।।... ‘আমাদের অবনতি’ সম্বন্ধে আমাদের নূতন কিছু বলিবার নাই। পূর্বে দুই-একজন এ-বিষয়ে সোরগোল করিতে গিয়া এখনও খোঁচা খাইতেছেন দেখিয়া আমরা পূর্বাচ্ছেই সাবধান হইয়াছি।’

—[নবম, ৩য় বর্ষ ৫ম সংখ্যা, ২৩৮—২৪০ পৃ:]

বেগম রোকেয়া সমাজ ও সংসারের সকল ক্ষেত্রে নারীর ন্যায্য অধিকার প্রতিষ্ঠার জন্য যে স্বাধীনতা-আন্দোলনের প্রবর্তন করেন, পাশ্চাত্যে তার পুরোধা (the pioneer of the woman's rights movemant) ছিলেন Mary Wollstonecraft (১৭৫৯—৯৯ খ্রী:)। এই ক্ষণজন্মা মহিলা তাঁর A Vindication of the Rights of Woman (১৭৯২ খ্রী:) গ্রন্থের উৎসর্গ-পত্রে বলেন :

Contending for the rights of woman, my main argument is built on this simple principle, that if she be not prepared by education to become the companion of man, she will stop the progress of knowledge and virtue ; for truth must be common to all, or it will be inefficacious with respect to its influence on

general practice...They (women) may be convenient slaves, but slavery will have its constant effect, degrading the master and the abject dependent.

নারীর প্রকৃতিগত দৌৰ্বল্য, নমনীয়তা কমনীয়তা, প্রেমকলা, রূপচর্চা, feminine delicacy, natural frailty of woman প্রভৃতি বিষয়ে রোকেশার পরিচ্ছন্ন চিন্তা-ভাবনার সঙ্গে উপরোক্ত গ্রন্থের বহু মন্তব্যের মিল দেখে মনে বাস্তবিকই বিস্ময় লাগে। Mary Wollstonecraft ইউরোপে যে প্রবল ভাবালোলনের সূচনা করেন, জন্ম স্টুয়ার্ট মিল (১৮০৬-৭৩) যুক্তিনিষ্ঠ প্রাজ্ঞল ভাষায় তাঁর যুগান্তকারী গ্রন্থ The Subjection of Woman (১৮৬৯) লিখে তাকে সার্থকভাবে প্রবাহিত করেন প্রশস্ত জন-সমর্থনের পথে। তারই ফলে ১৯২৮ খ্রীস্টাব্দে গ্রেট ব্রিটেনে পুরুষের সমান ভিত্তিতে নারীর ভোটাধিকার লাভ মঞ্জুর হয়েছে,—যুক্তরাষ্ট্রে পাশ হয়েছে উনিশতম সংশোধনী। কিন্তু সে-তুলনায় রোকেশার প্রচেষ্টা কতখানি সফল হয়েছে, তা সহৃদয় গবেষকেরা নিরূপণ করবেন।

॥ ৩ ॥

১৯২১ খ্রীস্টাব্দে 'মতিচূর' দ্বিতীয় খণ্ড আত্মপ্রকাশ করে। তাতে ১০টি প্রবন্ধ অন্তর্ভুক্ত হয়েছে। তন্মধ্যে 'নূর-ইসলান' ১৩২২ জ্যৈষ্ঠ ও আষাঢ়ের আল-এসলামে, 'সৌরজগৎ' ১৩২২ ফাল্গুন ও চৈত্রের নবনূরে, 'নারীস্বষ্টি' ১৩২৫ পৌষের ও 'নার্স নেনী' ১৩২৬ অগ্রহায়ণের সপ্তমীতে, 'শিশুপালন' ১৩২৭ কাतिकের, 'মুক্তিফল' ১৩২৮ শ্রাবণের ও 'স্বষ্টিতত্ত্ব' ১৩২৭ শ্রাবণের বঙ্গীয় মুসলমান সাহিত্য-পত্রিকায় প্রকাশিত হয়েছিল। 'মতিচূর' ২য় খণ্ড সম্পর্কে ১৩২৮ অগ্রহায়ণের 'মোসলেস ভারতে' বলা হয়—

“পুস্তকখানি পড়িলেই বোঝা যায়, গ্রন্থকর্তা আত্মবিশ্বাসলিপ্সায় প্রণোদিত হইয়া লেখনী ধারণ করেন নাই; পক্ষান্তরে ত্রয়োদর্শনের ফলে তাঁহার হৃদয়ে যে বেদনার সুর বাজিয়া উঠিয়াছে, তাহাকেই তিনি নানা কথায় নানা ছলে ব্যক্ত করিবার চেষ্টা করিয়াছেন।...

'জ্ঞানফল' ও 'মুক্তিফল' দুইটি রূপকথা। রূপকথা রচনায় নারীজাতি যে সিদ্ধহস্ত, এ-কথা আদমের যুগ হইতে প্রমাণিত হইয়া আসিতেছে। আমাদের আলোচ্য গ্রন্থেও গ্রন্থকর্তা ঔপনিষদিক্রমে সে হাত-বশ: হইতে বঞ্চিত

হন নাই। ইহাতে সাময়িক ও রাজনৈতিক নানা বিষয়ের প্রতিবিম্ব আছে। উভয় প্রবন্ধেরই মুখ্য উদ্দেশ্য : নারীজাতিকে তাহার ন্যায্য অধিকার হইতে বঞ্চিত করিয়া সমাজের কী কতি হইয়াছে, তাহাই পাঠক-পাঠিকার স্বরণ করাইয়া দেওয়া। গৌণ উদ্দেশ্য : নারী-পুরুষ উভয়কে দেশের কল্যাণের জন্য আত্মপ্রতিষ্ঠায় অনুপ্রাণিত করা।...

‘ডেনিশিয়া-হত্যা’ ও ‘নার্স নেলী’তে লেখিকার শক্তি আপন স্বাভাবিক গতি পাইয়া অতি মনোহর সুতিতে পরিষ্ফুট হইয়াছে। নারী না হইলে বোধ হয় নারীর কথা এমন সুন্দর করিয়া বলা যায় না। একটিতে পুরুষ কর্তৃক নির্ধাতিত নারীর হৃদয়ের মর্মস্পর্শী চিত্র; আর একটিতে নারীকে অজ্ঞতার অন্ধকারে বদ্ধ করিয়া রাখার যে কি অবিমূষ্যকারিতা তাহাই অঙ্কিত করিয়া দেখান হইয়াছে।...এই ব্যথার ছবিখানির পশ্চাতে জুড়িয়া দেওয়া হইয়াছে একটি বৈজ্ঞানিক প্রবন্ধ : ‘শিশুপালন’। প্রত্যেক রমণীর এই প্রবন্ধটি পাঠ করা কর্তব্য।

মোটের উপর গ্রন্থের ভাষা অতি সুন্দর ও সরস। রচনার বিশুদ্ধতা প্রত্যেক সুধী পাঠককে প্রীতিদান করিবে।...মুসলমান নারী-সমাজ এ গ্রন্থের জন্য যে আপনাদিগকে গৌরবান্বিতা বোধ করিবেন তাহাতে আমাদের সন্দেহ নাই।”

১৩২৯ বৈশাখের বঙ্গীয় মুসলমান সাহিত্য-পত্রিকায় এই গ্রন্থখানি সম্বন্ধে বলা হয়—

“...লেখিকা সামাজিক, আধ্যাত্মিক ও কাল্পনিক সাহিত্যের নানা বিভাগেই লেখনী চালনা করিয়াছেন। ভাব ও ভাষায় তাহার লেখা সহজেই পাঠকের চিত্ত আকর্ষণ করে। নারী জাতির দুঃখ-দৈন্যে ব্যথিত হইয়া লেখিকা যে সরস মধুর ভাষায় এই গ্রন্থ রচনা করিয়াছেন তাহা বড়ই মর্মস্পর্শী হইয়াছে। ‘মুজিকল’ রূপকথাটি Political caricature হিসাবে বিশেষ উপভোগ্য হইয়াছে।...”

১৩২৯ বৈশাখের ‘সহচরে’ও গ্রন্থখানির উচ্ছসিত প্রশংসা করা হয়। ১৩২৯ ভাদ্রের ‘সহচরে’ পুনরায় তার প্রশংসা বলা হয়—

“...নারীর ব্যথা-বেদনার প্রতিচ্ছবি। অন্ধ নারী-সমাজের জাগরণ দানের বজ্রবাণী। লেখা অতি সুন্দর, রচনা-ভঙ্গী অতি চমৎকার।...”

এই গ্রন্থের শেষ প্রবন্ধ : 'স্ট্রিটস' প্রথমে বঙ্গীয় মুসলমান সাহিত্য-পত্রিকায় 'পুরুষ-স্ট্রিট অবতারণা' শিরোনামে প্রকাশিত হয়েছিল ; কিন্তু গ্রন্থভুক্তি-কালে তার পাঠ বহুলাংশ পরিবর্তিত ও পরিবর্ধিত হয়েছে। এ লেখাটিকে 'নারী-স্ট্রিট' প্রবন্ধের পদ্বিপূরক বলা যেতে পারে। এ দু'টি রস-রচনায় রয়েছে যে 'গ্যাটারার', তার সাক্ষাৎ মহিলাদের লেখায় সচরাচর পাওয়া যায় না।

১৩১৬ বৈশাখের তৃতীয় সপ্তাহে রোকেয়ার স্বামী লোকান্তরিত হন। মনে হয়, অতঃপর ৫/৬ বৎসর কাল রোকেয়ার লেখনী প্রায় স্তব্ধ ছিল এবং এক 'গৌর-জগৎ' ছাড়া এই গ্রন্থের অবশিষ্ট লেখাগুলি পরবর্তী পর্যায়ে রচিত। এই পর্যায়ে তাঁর রচনায় তীব্রতার হাস হয়ে 'হিউমার' পেয়েছে বৃদ্ধি। এ-কথা ভাবতে আমার স্বতঃই ইচ্ছা করে যে, মঞ্জিতমনা স্থিতধী সৈয়দ সাখাওয়াত হোসেনের প্রবন্ধেই রোকেয়া 'আমাদের অবনতি' ও Sultana's Dream লিখতে প্রবুদ্ধ হয়েছিলেন, এবং সেক্ষেপে প্রসঙ্গ পরিবেশের অভাবেই তেমন মুক্তভাবদীপ্ত নির্ভীক চাকল্যকর রচনা তাঁর তীক্ষ্ণ লেখনী থেকে আর নির্গত হলো না !!

১৯০৮ খ্রীস্টাব্দে Sultana's Dream পুস্তিকা-আকারে বের হয় ; লেখিকা-কৃত তারই বঙ্গানুবাদ : 'সুলতানার স্বপ্ন'। Sultana's Dream সম্বন্ধে ১৩২৮ মাঘের বঙ্গীয় মুসলমান সাহিত্য-পত্রিকার 'গ্রন্থ-পরিচয়' বিভাগে বলা হয়—

“এই ছোট গল্পটি ইংরাজীতে লিখিত। 'মতিচূর'-রচয়িত্রীকে আমরা বাংলা সাহিত্যের একজন স্ননিপুণ লেখিকা বলিয়াই জানিতাম, কিন্তু এমন সরল সুল্লর ইংরাজীও লিখিতে পারেন তাহা আমাদের জানা ছিল না। আলোচ্য বইটিতে কোন এক সুলতানার স্বপ্ন-ছলে যে গল্পটি বলা হইয়াছে তাহা খুবই কোতূকাবহ হইয়াছে। সংসারে নারী যে পুরুষের প্রাধান্য না মানিয়াও স্বচ্ছন্দে বিচরণ করিতে পারে, জ্ঞান ও বিজ্ঞানের অনুশীলনে কৃতিত্ব দেখাইতে পারে, এমন কি বিদেশীর আক্রমণ হইতে স্বদেশের গৌরব রক্ষা করিতে পারে, তাহাই লেখিকা দেখাইয়াছেন। আমরা ভরসা করি, ইংরাজী-শিক্ষিত মুসলমান সমাজে এই পুস্তকের আদর হইবে।...”

রোকেয়ার Sultana's Dream-এ স্বাধীন স্বনির্ভর নারী-সমাজের যে রম্য fantastic কল্পছবি ধ্যানদৃষ্টিতে তুলে ধরা হয়েছে, তার সঙ্গে মিলিয়ে দেখা যেতে পারে পরবর্তীকালে Anthony M. Ludovici-র লেখা Lysistrata, or Woman's Future and Future Woman পুস্তকের প্রতিপাদ্য ভবিষ্যৎ নারী-

জীবনের দৃশ্যাবলী। তা থেকেও স্পষ্ট প্রতীয়মান হয় যে, রোকেয়া ছিলেন সুদূরদৃষ্টির অধিকারিণী। কিন্তু শুধু জ্ঞানের দৃষ্টিতে ভাষার নয়, প্রেমের মাধুর্যেও তাঁর অন্তর ছিল সদা স্নিগ্ধ। পবিত্রতা ও মানবিকতা তাঁর মনোলোকে অনাহত রেখেছিল আনন্দ ও সৌন্দর্যের সচ্ছন্দ সঞ্চার,—তারই বলে তাঁর ব্যক্তিগত হৃদয়ে পেরেছিল দুচমুল ও অনমনীয়। শুধু তাঁর রচনাবলীতেই নয়, তাঁর প্রতিষ্ঠিত সাধাওয়াত মেমোরিয়াল গার্লস্ স্কুল পরিচালনার ব্যাপারেও তাঁর এই প্রবল ব্যক্তিগত ও মধুর চরিত্রের উজ্জ্বল পরিচয় পাওয়া যায়।

॥ ৪ ॥

বেগম রোকেয়া ‘অবরোধবাসিনী’ শিরোনামে ‘অবরোধের’ বিষয়ে তাঁর ‘ব্যক্তিগত কয়েকটি ঘটনার বর্ণনা পাঠিকা ভগিনীদিগকে উপহার’ দেন ১৩৩৫ কাতিক, ১৩৩৬ ভাদ্র, ১৩৩৭ শ্রাবণ ও ১৩৩৭ ভাদ্রের মাসিক মোহাম্মদীতে। এই রচনাটির ‘প্রতিবাদ’ করে ১৩৩৮ শ্রাবণের মাসিক মোহাম্মদীতে জনৈক লেখক বলেন :

“অবরোধ-প্রথার নিন্দা করিতে যাইয়া মাননীয় লেখিকা কতকগুলি উপকথার অবতারণা না করিলেই বোধ হয় পাঠকগণ বেশী সুখী হইতেন।”

রোকেয়া অবরোধ-প্রথার উচ্ছেদ চেয়েছিলেন ; কিন্তু নারী পর্দা—অর্থাৎ স্করুটি ও শালীনতা—বিসর্জন দিবে, এটা তিনি কোনোদিনই কাম্য মনে করেননি। অতি-আধুনিক রীতির বেলম্নাপনা তাঁর কাছে কিরূপ শ্রেয়ের বিষয় ছিল, তাঁর ‘উন্নতির পথে’ শীর্ষক রম্যরচনাটিতেও তার অভিব্যক্তি ইঙ্গিতবহ ও তাৎপর্যময়। লেখাটি এখানে সম্পূর্ণ চয়ন করা হলো।

উন্নতির পথে

আজকাল সবাই উন্নতি করেছে—যেদিকে তাকাই কেবল দেখি উন্নতি আর উন্নতি। কেবল আমি অধর্ব্ব বুড়ো অচল হয়ে বসে আছি। তাই ভাবি আর বেশী করে ভাত খাই, আর ভাবি যে কি করে আমার উন্নতি হবে।

চশমাটা ভালো ক'রে মুছে নিয়ে খবরের কাগজ পড়ছিলেন । হঠাৎ একটা বিজ্ঞাপনে নজর পড়লো—‘ক্রুশেন সল্ট’ খেলে সস্তর বছরের বুড়ো কুড়ি বছরের তরুণ হয়ে যায় । বাস্—এক শিশি কিনে খাওয়া আরম্ভ করলুম ।

ভাই ! কি বলবো—এক হপ্তা ‘ক্রুশেন সল্ট’ খেতে না খেতে একেবারে আঠারো বছরের তরুণের মতো গায়ে স্ফুতি হলো ! তখন ভাবলুম, আর এ বুড়োদের সঙ্গে অর্ধবর্ষ হয়ে থাকি নয়—যাই তরুণদের সঙ্গে মিশতে ।

নাঠি ফেলে দিয়ে সোজা হয়ে হাঁটতে হাঁটতে গিয়ে দেখি : মেলা তরুণ এক জায়গায় জড় হয়ে গান করছে—

“নগ্ন শির, সজ্জা নাই, লজ্জা নাই ধড়ে,
কাছা কোঁচা শত বার খসে খসে পড়ে—”

বা: । আমার বড় ভালো লাগলো— বিশেষত: আমি বাষট্টি বছর এগিয়ে এসেছি কি না—অর্থাৎ আমার বয়স আশি বছর ; কিন্তু এক হপ্তা ওষুধ খেয়ে যে একেবারে আঠারো বছরের তরুণ হয়ে গেছি— তাই প্রাণে আর স্ফুতি ধরে না ।

তরুণকে বলুম, “ভাই, আমি দাড়ী গৌফ চেষ্টে ফেলে (শিং কাটিয়ে) তোমাদের সঙ্গে মিশতে এসেছি । আমার তোমার সঙ্গে উন্নতির পথে নিয়ে চল ।”

সে বললে, “বেশ, এগ ।”

পরদিন আমি একটা মোটর নিয়ে তরুণের কাছে গেলুম । সে হেসে বললে, “এখন আর মোটর নয় । আমার এরোপ্লেনে চল । এরোপ্লেনটা ঘন্টায় ৬০,০০০ মাইল চলে ।”

আমি অবাক হয়ে বললুম, “ভায়া ! পৃথিবীর গতি ঘন্টায় ৭২০ মাইল, আর তোমার এরোপ্লেনের গতি ঘন্টায় ৬০,০০০ মাইল ?”

তরুণ বললে, “কি জান দাদা ! পৃথিবী বুড়ো হয়ে গেছে—সে আর আমাদের উন্নতির গতির সঙ্গে পেরে ওঠছে না ।”

যাক, আমাদের 'প্লেন বোঁ বোঁ ক'রে রওয়ানা হলো । তাতে আরও অনেক যাত্রী ছিল— ইরানী, তুরানী, তুর্কী, আল্‌বানিয়ান, ইরাকী,

কাবুলী ইত্যাদি ইত্যাদি । কেবল তরুণ নয়, তরুণীরাও ছিল । সবাই নওজোয়ান,— বুড়ো (আমি ছাড়া আর) একটাও না । আমার মাথার ভিতর কেবলই গুঞ্জন করছিল—

‘নগ্ন শির, সজ্জা নাই, লজ্জা নাই ধড়ে,
কাছা কোঁচা শত বার খসে খসে পড়ে—’

কখনও ঐ গানটাই উলট-পালট হ’য়ে মনে ভেসে বেড়াচ্ছিল—

‘পাগড়ী নাই, টুপি নাই, লজ্জা নাই ধড়ে—’ ইত্যাদি ।

ও বাবা ! কতক্ষণ পরে দেখি কি, সত্য সত্যই তরুণদের কাছা-কোঁচা একেবারে খসে পড়ে গেছে—আর—

রোদ বৃষ্টি হিম হতে বাঁচাইতে কায়
একমাত্র হ্যাট তার রয়েছে মাথায় !

শেষে দেখি, সোবহান্ আল্লাহ্ ! তরুণীরাও অর্ধ দিগম্বরী !!

যাক, হ্যাট দিয়ে লজ্জা যদি না-ও নিবারণ হয়, তবু রোদ বৃষ্টি হিম হতে মাথাটা বাঁচাবে । কিন্তু তরুণীদের মাথায় যে হ্যাটও নাই । আর চেপে থাকতে না পেরে ব’লে ফেল্‌লুম,— “ভাই তরুণ, উন্নতির পথে চলেছ, তা উলঙ্গ হয়ে কেন ?”

সে বললে, “আমরা এখন দেশোদ্ধার করতে চলেছি—আমাদের কি আর কাছা-কোঁচা জ্ঞান আছে ? তুচ্ছ বেশ-ভূষা, তুচ্ছ বাস—সব বিসর্জন দাও স্বাধীনতা পাবার আশায় । আমরা চাই কেবল উন্নতি আর উন্নতি ।”

চুপ ক’রে থাকা আমার ধাতে নেই—আমি মরণ-কালে যমের সঙ্গেও গল্প করবো । তুরানী তরুণকে বল্‌লুম, “তোমরা ত ভাই নিজের দেশেই আছ, তোমরা স্বাধীন, তবে কাপড় ছাড়লে কেন ?”

সে বললে, “এ কোথাকার ওল্ড ফুল । পৃথিবী যে চক্রাকার পথে ভ্রমণ করে—অর্থাৎ যেখান থেকে যাত্রা করেছে, ঘুরে আবার সেইখানে এসে পৌঁছবে—এ তাও জানে না ।”

পরে আমি কাবুলী তরুণকে বল্‌লুম, “ভাই ! তোমরা ত চিরস্বাধীন, তবে কাপড় ছাড়লে কেন ?”

সে আমাকে বুঝিয়ে বললে যে, তাদের দেশ আবর্জনার ভ’রে গেছে, এখন তাঁ’রা দেশের পঙ্কোদ্ধার করছে । পাগড়ী ও প্রকাণ্ড কাবুলী

পায়জামা, আর চুল, দাড়ী—এ সব নিয়ে কাজ করতে গেলে, কাপার ছিটার (চুল, দাড়ী, পাগড়ী, পায়জামা) সব বিদিকিচ্ছি হ'য়ে যাবে যে ! তাই কেবল হ্যাট ছাড়া দেশে আর কোনো আবরণই থাকবে না ।

বোঁ বোঁ ক'রে 'প্লেন উন্নতির পথে ছুটেছে । এখন দেখি কি, সেই তুরানী তরুণের কথাই সত্য, অর্থাৎ 'প্লেনটা চক্রাকার পথে যুরে ক্রমে কালিদাসের বণিত শকুন্তলার যুগে—যখন মুণি-কন্যারা গাছের বাকল পরভেন, তাও আবার সব সময় লম্বায় চওড়ায় যথেষ্ট হ'ত না ব'লে টেনে টেনে পরতে হ'ত—সেই যুগে এসে পড়েছে । তরুণীদের দিকে আর চাওয়া যায় না ।

আমি মিনতি ক'রে বল্লুম, “ভায়া তরুণ ! দয়া ক'রে তোমার 'প্লেনটা থামাও, আমি এইখানে নেবে পড়ি ।”

ইরানী তরুণ হাসতে হাসতে বললে, “দাদা ! এখনই কি হয়েছে—কোল ভীলের যুগ দেখেই ভয় পাচ্ছ ? এখনও ত গায়ে রঙ মাখার যুগে এসে পৌঁছায়নি ।”

আমি কাকুতি ক'রে বল্লুম, “দোহাই ভায়া তরুণ ! আর না । আমি বুঝতে পেরেছি : তোমরা এখন আদি-মাতা হজরত হাবার যুগে এসে পড়বে । আদি-পিতা অভিশপ্ত হ'য়ে স্বর্গ থেকে বিতাড়িত হ'য়ে গাছের তিনটা পাতা চেয়ে' নিয়ে—একটায় তহবন্দ, একটা দিয়ে জামা আর একটা দিয়ে মাথা ঢাকবার টুপী করেছিলেন । আর আদি-মাতা তাঁর লম্বা চুল খুলে দিয়ে সমস্ত গা ঢেকেছিলেন । কিন্তু এখনকার তরুণীদের মাথায় ত চুলও নেই—এরা কি দিয়ে গা ঢাকবে ?”

—[মাসিক মোহাম্মদী, পৌষ, ১৩৩৫]

১৯২৯ খ্রীস্টাব্দে Everyman's Library-র ৮২৫-সংখ্যা রূপে বেরী ওল্‌স্টোনক্রাক্টের A Vindication of the Rights of Woman এবং জন্ স্টুয়ার্ট মিলের The Subjection of Woman একত্রে প্রকাশিত হয় ; তার Introduction-এ প্রফেসর George E. G. Catlin প্রতীচ্যে নারীর অধিকার-আন্দোলনের অনুকূল ও প্রতিকূল ভাবধারাসমূহের বিশদ পর্যালোচনা ক'রে Vindication of the Rights of Woman বইখানির অপরিমাণ মূল্য ও দুনিবার

প্রভাব প্রতিপন্ন করেছেন ; অথচ তাঁর মতে বইখানি well-planned, well-presented ও well-written নয়—তা লিখতে লেখিকার মাত্র ছয় সপ্তাহ সময় লেগেছিল। নারীর ব্যক্তি-স্বাধীনতা, ন্যায়ানুমোদিত রাজনৈতিক অধিকার, আর্থনৈতিক স্বনির্ভরতা ও জাতীয় শিক্ষার চিন্তাই রোকেয়ার চিন্তকেও রেখেছিল সদাআগ্রত ; অথচ তাঁর রচনায় প্রচারধর্মিতার উর্ধ্ব প্রতিভাত তার সাহিত্যগুণ। তাঁর ‘পদ্মরাগ’ উপন্যাসের ‘সিদ্ধিকা’ এক চমৎকার সৃষ্টি ; এই চরিত্রে নারীর হৃদয়-রহস্যের অতলতা ও দুর্জয় অভিমান যে শাস্ত্রী ও লিপিকুশলতার সঙ্গে অঙ্কিত হয়েছে তা আমাদেরকে বিস্মিত ও মুগ্ধ করে। গল্প বা কথিকার আকারে তিনি যে-সকল ‘স্যাটারার’ লিখেছেন, সেগুলি মুখ্যতঃ উদ্দেশ্যমূলক ও শিক্ষাত্মক (didactic) হলেও শিল্প-বিচারেও প্রায়শঃ রসোত্তীর্ণ। তাঁর কোনো কোনো কথায় তীক্ষ্ণতা আছে ; কিন্তু তাকেও মহিমাম্বিত করেছে একটি মমতাময়ী নারীচিত্র,—বাঙলা সাহিত্যে দুর্লভ সেই চিত্রের স্পর্শ।

বেগম শামসুন নাহারের ‘রোকেয়া-স্বীবনী’তে রোকেয়ার ৫ খানি ও বেগম মোশাফেকা মাহমুদের ‘পত্রে রোকেয়া-পরিচিতি’তে তাঁর ১৩ খানি পত্রে সঙ্কলিত হয়েছে। একখানি পত্রে রোকেয়া বাংলাদেশে একটি ‘নারী-বিশ্ববিদ্যালয় স্থাপন’ প্রসঙ্গে বলেন—

“আমাদের বাংলাদেশ, আহা রে। আমি যদি কিছু টাকা (ধর, মাত্র দুই লক্ষ) পাইতাম, তবে কিছু করিয়া দেখাইতে পারিতাম।”

এদেশে একদিন হয়ত নারী-বিশ্ববিদ্যালয় প্রতিষ্ঠিত হ’বে ; কিন্তু আজ এদেশবাণী ‘রোকেয়া নারী-মহাবিদ্যালয়’ স্থাপন ক’রে এই দেশবরেণ্যা নারীর অমর স্মৃতির প্রতি যথোচিত শ্রদ্ধা প্রদর্শন করতে পারেন।

তাঁর Sultana’s Dream, মতিচূর, পদ্মরাগ প্রভৃতি অনুল্য পুস্তক বহুদিন থেকেই দুপ্রাপ্য। আজ ‘রোকেয়া-রচনাবলী’ প্রকাশের ফলে তাঁর চিন্তাধারা ও সাহিত্যসাধনার সঙ্গে দেশের যুব-সম্প্রদায় পরিচিত হ’য়ে যদি জাতিগঠনে প্রবুদ্ধ হন, তা হ’লেই এই উদ্যোগের সার্থকতা হ’বে সন্দেহপ্রসারী।

ঢাকা

৯ই ডিসেম্বর, ১৯৭২

আবদুল কাদীর



বেগম রোকেয়া সাখাওয়াত হোসেন

[জন্ম : ১৮৮০

মৃত্যু : ১৯৩২]

সূচী'৭এ

বতিচুর, ১ম খণ্ড	—	—	৫
বতিচুর, ২য় খণ্ড	—	—	৭৫
পুস্তকাকারে-অপ্রকাশিত প্রবন্ধাবলী	—	—	২৪৯
রসনা-পূজা	—	—	২৫১
ঈদ-সম্বলম	—	—	২৫৮
সিসেম ফাঁক	—	—	২৬০
চাষার বুকু	—	—	২৬২
এতি শির	—	—	২৬৭
রঙ ও সোনা	—	—	২৭৫
বঙ্গীর নারী-শিক্ষা সমিতি	—	—	২৭৭
লুকানো রতন	—	—	২৮৫
রাণী ভিখারিনী	—	—	২৮৯
উন্নতির পথে	—	—	(১৯)
বেগম গুরাজীর সহিত সাক্ষাৎ	—	—	২৯৩
সুবেহ্ সাদেক	—	—	২৯৮
ধ্বংসের পথে বঙ্গীর মুসলিম	—	—	৩০১
হাজার ময়দানে	—	—	৩০৭
বায়ুযানে পঞ্চাশ মাইল	—	—	৩১১
নারীর অধিকার	—	—	৩১৪
পদ্মরাগ (উপন্যাস)	—	—	৩১৭
অবরোধবাসিনী	—	—	৪৬৯

ছোট-গল্প ও রস-রচনা	—	—	
বাতা-ভগ্নী	—	—	৫১৩
তিন কুঁড়ে	—	—	৫২৯
পরী চিবি	—	—	৫৩২
বলিগর্ভ	—	—	৫৩৭
পঁয়ত্রিশ বণ খানা	—	—	৫৪৪
বিয়ে-পাগলা বুড়ে	—	—	৫৪৮
কবিতাবলী	—	—	৫৫৫
Sultana's Dream	—	—	৫৭৩
পরিশিষ্ট			
বোকেয়া-পরিচিতি	—	—	৫৮৯

মতিচূর

১৩১২

নিবেদন

মতিচূরের কোন কোন পাঠকের সমালোচনায় জানা যায় যে, তাঁহারা মনে করেন, মতিচূরের ভাব ও ভাষা অন্যান্য খ্যাতনামা গ্রন্থকারদের গ্রন্থ হইতে গৃহীত হইয়াছে। পূর্ববর্তী কোন কোন পুস্তকের সহিত মতিচূরের সাদৃশ্য দর্শনে পাঠকদের ওরূপ প্রতীতি হওয়া স্বাভাবিক নয়।

অপরের ভাব কিম্বা ভাষা স্বায়ত্ত করিতে যে সাহস ও নিপুণতার প্রয়োজন, তাহা আমার নাই। সুতরাং তাদৃশ চেষ্টা আমার পক্ষে অসম্ভব। কালীপ্রসন্ন বাবুর 'ব্রাহ্মবিদ্যোদ' আমি অদ্যাপি দেখি নাই, এবং বঙ্কিম বাবুর সমুদয় গ্রন্থ পাঠের সুযোগও প্রাপ্ত হই নাই। যদি অপর কোন গ্রন্থের সহিত মতিচূরের সাদৃশ্য ঘটিয়া থাকে, তাহা সম্পূর্ণ দৈব ঘটনা।

আমিও কোন উদ্‌ মাসিক পত্রিকায় কতিপয় প্রবন্ধ দেখিয়া চমৎকৃত হইয়াছি—উক্ত প্রবন্ধাবলীর অনেক অংশ মতিচূরের অবিকল অনুবাদ বলিয়া ভ্রম জন্মে। কিন্তু আমার বিশ্বাস, সে প্রবন্ধসমূহের লেখিকাগণ বঙ্গভাষায় অনভিজ্ঞা।

ইংরাজ মহিলা মেরি করেলীর 'ডেলিশিয়া-হত্যা' (The Murder of Delicia) উপন্যাসখানি মতিচূর রচনার পূর্বে আমার দৃষ্টিগোচর হয় নাই; অথচ তাহার অংশবিশেষের ভাবের সহিত মতিচূরের ভাবের ঐক্য দেখা যায়।

এখন প্রশ্ন হইতে পারে, কেন এরূপ হয়? বঙ্গদেশ, পাঞ্জাব, ডেকান (হায়দরাবাদ), বোম্বাই, ইংলণ্ড—সর্বত্র হইতে একই ভাবের উচ্ছ্বাস উদ্ভিত হয় কেন? তদন্তরে বলা যাইতে পারে, ইহার কারণ সম্ভবতঃ ব্রিটিশ সাম্রাজ্যের অবলাবৃন্দের আধ্যাত্মিক একতা।

কতিপয় সহৃদয় পাঠক মতিচূরে লিখিত ইংরাজী শব্দ ও পদের বাঙ্গালা অর্থ না লেখার ত্রুটি প্রদর্শন করিয়াছেন। এবার যথাসম্ভব ইংরাজী শব্দসমূহের মর্মানুবাদ প্রদত্ত হইল। যঁহারা মতিচূরে যে কোন ভ্রম দেখাইয়া দিয়াছেন, তাঁহাদের নিকট আমি কৃতজ্ঞ আছি।

মতিচূরে আর যে-সকল ত্রুটি আছে, তাহার কারণ লেখিকার বিদ্যাবুদ্ধির দৈন্য এবং বহুদশিতার অভাব। গুণগ্রাহী পাঠক-পাঠিকাগণ তাহা মার্জনা করিবেন, এরূপ আশা করা যায়।

বিনীতা
প্রভুকর্তা।

বিজ্ঞাপন

মতিচূরের প্রবন্ধসমূহ পূর্বে 'নবপ্রভা', 'মহিলা' ও 'নবনূর' মাসিক পত্রিকায় প্রকাশিত হইয়াছিল।

এবার প্রবন্ধগুলি সংশোধিত ও অনেক স্থলে পরিবর্তিত হইয়াছে।

সূচীপত্র

বিষয়		পৃষ্ঠা
১. পিপাসা : মহরম	...	৯
২. স্ত্রীজাতির অবনতি	...	১৭
৩. নিরীহ বাদশাহী	...	৩১
৪. অর্ধাজী	...	৩৫
৫. স্নগুহিণী	...	৪৫
৬. বোরকা	...	৫৬
৭. গুহ	...	৬৩

পিপাসা

মহরম

কা'ল বলেছিলে প্রিয়। আমারে বিদায়
দিবে, কিন্তু নিলে আজ আপনি বিদায়!
* * * *

দুঃখ শুধু এই—ছেড়ে গেলে অত্যাগায়
ডুবাইয়া চিরতরে চির পিপাসায়!

যখন যেনিকে চাই, কেবলি দেখিতে পাই,—
“পিপাসা, পিপাসা” লেখা স্বল্প ভাষায়।
শ্রবণে কে যেন ঐ “পিপাসা” বাজায়।

প্রাণটা সত্যই নিদারুণ তৃষ্ণানলে জ্বলিতেছে। এ জ্বালার শেষ নাই, বিরাম নাই, এ জ্বালা অনন্ত। এ তাপদগ্ধ প্রাণ যে দিকে ষ্টীপাত করে, সেই দিকে নিজের হৃদয়ের প্রতিবিম্ব দেখিতে পায়। পোড়া চক্ষে আর কিছুই দেখি না। পুষ্পময়ী শস্যশ্যামলা ধরণীর আনন্দময়ী মূর্তি আমি দেখি না। বিশ্ব জগতের মনোরম সৌন্দর্য আমি দেখি না। আমি কি দেখি, শুনিবে? যদি হৃদয়ে ফটোগ্রাফ তোলা যাইত, যদি চিত্রকরের তুলিতে হৃদয়ের প্রতিকৃতি অঙ্কিত করিবার শক্তি থাকিত,—তবে দেখাইতে পারিতাম, এ হৃদয় কেমন! কিন্তু সে উপায় নাই।

ঐ যে মহরমের নিশান, তাজিয়া প্রভৃতি দেখা যায়, চাক চোল বাজে, লোকে ছুটাছুটি করে, ইহাই কি মহরম? ইহাতে কেবল খেলা, চর্চাচক্ষে দেখিবার তামাসা। ইহাকে কে বলে মহরম? মহরম তবে কি? কি জানি, ঠিক উত্তর দিতে পারিলাম না। কথাটা ভাবিতেই পারি না,—ও-কথা মনে উদয় হইলেই আমি কেমন হইয়া যাই,—চক্ষে অন্ধকার দেখি, মাথা ঘুরিতে থাকে। স্মরণে বলিতে পারি না—মহরম কি!

আচ্ছা তাহাই হউক, ঐ নিশান তাজিয়া নইয়া খেলাই হউক; কিন্তু ঐ দৃশ্য কি একটা পুরাতন শোকস্মৃতি জাগাইয়া দেয় না? বায়ু-হিল্লোলে নিশানের কাপড় আন্দোলিত হইলে, তাহাতে কি স্পষ্ট লেখা দেখা যায় না—“পিপাসা,

পিপাসা” ? উহাতে কি একটা হৃদয়-বিদারক শোকস্মৃতি জাগিয়া ওঠে না ? সকল মানুষই মরে বটে—কিন্তু এমন মরণ কাহার হয় ?*

একদিন স্বপ্নে দেখিলাম—স্বপ্নে মাত্র, যেন সেই কারবালায় গিয়াছি। ভীষণ মরুভূমি, তপ্ত বালুকা, চারিদিক ধূ ধূ করিতেছে; সমীরণ ‘হায় হায়’ বলিয়া ঘুরিয়া বেড়াইতেছে, যেন কাহাকে খুঁজিতেছে! আমি কেবল স্তনিতে পাইলাম—“পিপাসা, পিপাসা”। বালুকা-কণায় অঙ্কিত যেন “পিপাসা, পিপাসা”! চতুর্দিক চাহিয়া দেখিলাম, সব শূন্য, তাহার ভিতর “পিপাসা” মূর্তিমতী হইয়া ভাসিতেছে!

সে দৃশ্য অতি ভয়ঙ্কর—তথা হইতে দূরে চলিলাম। এখানে যাহা দেখিলাম, তাহা আরও ভীষণ, আরও হৃদয়বিদারক! দেখিলাম—মরুভূমি শোণিত-রঞ্জিত। † রক্ত-প্রবাহ বহিতে পারে নাই—যেমন রক্তপাত হইয়াছে, অমনি পিপাসু মরুভূমি তাহা শুষ্ক লইয়াছে! সেই রুধির-রেখায় লেখা—“পিপাসা, পিপাসা!”

* একদা জয়নাল আবদীন (হোসেনের পুত্র) জটনক কসাইকে জিজ্ঞাসা করিলেন, “ছাগল জবেহ করিতে আসিয়াছ, উহাকে কিছু খাওয়াইবাছ?” কসাই উত্তর করিল, “হাঁ, ইহাকে এখনই প্রচুর জলপান করাইয়া আনিলাম।” ইহা শুনিয়া তিনি বলিলেন, “তুমি ছাগলটাকে প্রচুর জলপানে জুগুপ্ত করিয়া জবেহ করিতে আনিয়াছ; আর শিমর আমার পিতাকে তিন দিন পর্যন্ত জলাভাবে পিপাসায় দগ্ধ করিয়া জবেহ করিয়াছে।”

কারবালার যুদ্ধের সময় জয়নাল বোগে ভুগিতেছিলেন বলিয়া শহীদ (সমরশায়ী) হন নাই।

‡ ধর্মগুরু মহাশয় মোহাম্মদের (স:) সূত্র্য পব, ক্রমানুয়ে আশুবকর সিদ্দিক, ওমর খাত্তাব ও ওসমান গনি “খলিফা” হইলেন। চতুর্থ বাসে আলী খলিফা হইবেন, কি মোমাবীয়া খলিফা হইবেন, এই বিষয়ে মতভেদ হয়। একদল বলিল, “মোমাবীয়া হইবেন”; এক দল বলে, আলী মোহাম্মদের (স:) জামাতা, তিনি সিংহাসনের ন্যায় অধিকারী। এইরূপে বিবাদে সূত্রপাত হয়।

অতঃপর মোমাবিয়ার পুত্র এজিদ্, আলীর পুত্র হাসান ও হোসেনের সর্বনাশ করিতে বন্ধ-পরিকর হইল। এজিদ্ মহাশয় হাসানকে কৌশলে বিষ পান করাইয়া হত্যা করে। ইহার এক বৎসর পরে মহাশয় হোসেনকে ডাকিয়া (নিমন্ত্রণ করিয়া) কারবালায় লইয়া গিয়া যুদ্ধ বধ করে।

কেবল যুদ্ধ নহে—এজিদের দল-বল ইউফ্রেতীজ নদী ঘিরিয়া রহিল, হোসেনের পক্ষের কোন লোককে নদীর জল লইতে দেয় নাই। পানীয় জলের অভাবেই তাঁহারা আধমরা হইয়াছিলেন। পরে যুদ্ধের নানে একই দিন হোসেন আত্মীয় স্বজনসহ নিহত হইলেন। এ কথাই মতভেদ আছে; কেহ বলেন, তিন দিন যুদ্ধ হয়, কেহ বলেন একই দিন যুদ্ধ করিয়া সকলে সমরশায়ী হইয়াছেন। নদীর জল হইতে হোসেনকে বঞ্চিত করিয়া এজিদ্ অশেষ নিষ্ঠুরতা প্রকাশ করিয়াছে।

অষ্টাদশ বর্ষীয় নবীন যুবক কাসেম (হাসানের পুত্র) সূত্র্য পূর্ব রাত্রে হোসেনের বন্যা সন্ধিনাকে বিবাহ করেন। কারবালা যখন সন্ধিনাকে নববধু বেশে দেখিল, তাহার ক্রয় ঘট

নবীন যুবক আলী আকবর (হোসেনের পুত্র) যুদ্ধে ক্লান্ত হইয়া পিতার নিকট পিপাসা জানাইতে আসিয়া কাতর কণ্ঠে বলিতেছেন—“আল্-আংশ। আল্-আংশ॥” (পিপাসা, পিপাসা।) ঐ দেখ, মহাশয় হোসেন স্বীয় রসনা পুত্রকে চষিতে দিলেন, যদি ইহাতে তাঁহার কিছুমাত্র তৃপ্তি হয়। কিন্তু তৃপ্তি হইবে কি,—সে রসনা যে শুষ্ক— নিতান্ত শুষ্ক! যেন দিক দিগন্তর হইতে শব্দ আসিল,—“পিপাসা পিপাসা”।

মহাশয় হোসেন শিশু পুত্র আলী আসুগরকে কোলে লইয়া জল প্রার্থনা করিতেছেন। তাঁহার কথা কে শুনে? তিনি দীন নয়নে আকাশপানে চাহিলেন,— আকাশ মেঘশূন্য নির্মল,—নিতান্তই নির্মল। তিনি নিজের কষ্ট,—জল পিপাসা অগ্নান বদনে সহিতেছেন। পরিজনকে সাঙ্ঘনা বাক্যে প্রবোধ দিয়াছেন। সকিনা প্রভৃতি বালিকারা জল চাহে না—তাঁহারা বুঝে, জল দুঃস্থাপ্য। কিন্তু আসুগর বুঝে না—সে দুঃস্থাপ্য শিশু, নিতান্ত অজ্ঞান। অনাহারে জলাভাবে মাতার স্তন্য শুকাইয়া গিয়াছে—শিশু পিপাসায় কাতর।

শহরবানু (হোসেনের স্ত্রী) অনেক যন্ত্রণা নীরবে সহিয়াছেন—আজ আসুগরের যাতনা তাঁহার অসহ্য। তিনি অনেক বিনয় করিয়া হোসেনের কোলে শিশুকে

পরেই তাঁহাকে নববিধবা বেশে দেখিয়াছিল। যেদিন বিবাহ, সেই দিনই বৈধব্য। হায় কার-বালা! এ দৃশ্য দেখার চেয়ে অন্ধ কেন হও নাই?

পুরুষগণ ত যুদ্ধ করিতেছিলেন, আর ললনাগণ কি করিতেছিলেন?—একজনের জন্য শোক করিতেছিলেন, আর একটির সমরশায়ী হওয়া সংবাদ পাইলেন!—কাসেমের জন্য কাঁদিতেছিলেন, আলী আকবরের মৃতদেহ পাইলেন! শোকোচ্ছ্বাস কাসেমকে ছাড়িয়া আকবরের দিকে ধাবিত হইল,—আকবরের মাথা কোলে লইয়া কাঁদিতেছিলেন, শিশু আসুগরকে শর-বিদ্ধ অবস্থায় প্রাপ্ত হইলেন। এক মাতৃ-স্বদয়—আকবরকে কোল হইতে নামাইয়া আসুগরকে কোলে লইল—কত সহ্য হয়? পুত্রশোককে আকুল আছেন,—কিছুক্ষণ পরে সর্বস্বধন হোসেনের ছিন্ন মস্তক (শত্রু উপহার পাঠাইল) পাইলেন, তাই দেখিতেছেন, ইতোমধ্যে (হোসেনের কন্যা) বালিকা ফাতেমা পিতার মাথা দেখিয়া কাঁদিয়া আকুল হইল, শহরবানু তাঁহার জন্য সান্ত্বনার উপায় খুঁজিতেই ছিলেন—ফাতেমার শ্বাসরোধ হইল। স্মৃধায় পিপাসায় কাতর বালিকা কত সহিবে? হঠাৎ প্রাণত্যাগ করিল। শহরবানু এখন সকিনার অশ্রু বুছাইবেন, না ফাতেমাকে কোলে লইবেন?

আহা! এত যে কেহই সহিতে পারিবে না। আমার শোকসন্তপ্ত পুত্রশোকাতুরা ভগিনীগণ ফাতেমা একবার শহরবানু ও জয়নবের শোকরাশির দিকে দৃষ্টিপাত কর। তোমরা একজনের শোককেই বিহ্বল হও—দশদিক অন্ধকার দেখ। আর এ যে শোকসমূহ! আঘাতের উপর আঘাত। ফাতেমা এক সময় একজনের বিরহে প্রাণ ভরিয়া কাঁদিতে পার, তাঁহাদের সে অবসর ছিল না।

দিয়া জল প্রার্থনা করিতে অনুরোধ করিলেন। বলিলেন,—“আর কেহ জল চাহে না; কেবল এই শিশুকে একটু জল পান করাইয়া আন। শত্রু যেন ইহাকে নিজ হাতে জল পান করায়,—জলপাত্রটা যেন তোমার হাতে নাই দেয়”।

মহাত্মা হোসেন শ্রীর কাতরতা এবং শিশুর দুরবস্থা দেখিয়া, জল প্রার্থনা করিতে বাধ্য হইয়াছেন। কাতরস্বরে বলিলেন, “অমি বিদেশী পথিক,

এক জমনব কি কবিবেন বল, নিজের পুত্রের জন্য কাঁদিবেন, না শ্রিয় ব্রাহ্মপুত্রদের দিকে চাহিবেন, না সব ছাড়িয়া ভ্রাতা হোসেনের ক্ষত ললাটখানি অশ্রুবারায় ধুইবেন? সেখানে অশ্রু ব্যতীত আর জল ত ছিল না।

বীরহৃদয়। একবার হোসেনের বীরতা সহিষ্ণুতা দেখ। ঐ দেখ, তিনি নদীবক্ষে বাঁড়াইয়া—আর কোন যোদ্ধা নাই, সকলে সমরশায়ী, এখন যুদ্ধক্ষেত্রে তিনি একা। তিনি কোন মতে পথ পরিষ্কার করিয়া নদী পর্যন্ত গিয়াছেন। ঐ দেখ অস্ত্রলি ভরিয়া জল তুলিলেন, বুধি পান করেন; না, পান ত করিলেন না।—যে জলের জন্য আগর তাঁহারই কোলে প্রাণ হারাইয়াছে, আকবর তাঁহার রসনা পর্যন্ত চুষিয়াছেন—সেই জল তিনি পান করিবেন? না—তিনি জল তুলিয়া দেখিলেন, ইচ্ছা করিলে পান করিতে পারেন। কিন্তু তাহা না করিয়া নদীর জল নদীতেই নিক্ষেপ করিলেন। বীরের উপশুক্ত কাজ ॥

*

*

*

*

মহরমের সময় স্নানি-সম্প্রদায় শিয়াদলে আমোদের জন্য যোগ দেয় না। এ কথা যে বলে, তাঁহার ভুল,—শোচনীয় ভুল। আলী ও তদীয় বংশধরগণ উভয় সম্প্রদায়েরই মান্য ও আদরণীয়। তাঁহাদের শোচনীয় মৃত্যু স্মরণ সময়ে কোন্ প্রাণে স্নানিগণ আনন্দ করিবে? আনন্দ করে বলকনল, সঙ্কদয় স্নানিদল মহরমকে উৎসব বলে না।

শিয়াদের বাহ্য আড়ম্বর স্নানিগণ ভাল মনে করেন না। বৎস করাঘাত কবিলে বা শোক-বস্ত্র পরিধান করিলেই যে শোক করা হইল, স্নানিদের এরূপ বিশ্বাস নহে। মতভেদের কথা এই যে, শিয়াগণ হস্তরতা আয়ত্বা - ক্রান্তের বিবাতা সিংহাসন আলীকে না দিয়া মেয়াদীয়াকে দিচ্ছিলেন বলিয়া আয়ত্বাকে নিন্দা করে। আমরা আয়ত্বার (আলীর সংশাস্তিত্বী হওয়া ব্যতীত আর) কোন দোষ দেখি না। চতুর্থ বলিকা কে হইবেন, ধর্মগুরু মোহাম্মদ (দঃ) তাঁহার নাম স্মরণ না বলিয়া অঙ্গুলি নির্দেশ করিয়া দেখাইয়াছেন। সে নির্দিষ্ট ব্যক্তি নোয়াবীয়া কিম্বা আলী তাঁহার উভয়ে একই স্থানে দণ্ডায়মান ছিলেন। তাই মতভেদ হইল। কেহ বলিল “চতুর্থ বলিকা নোয়াবীয়া,” কেহ বলিল “আলী”।

আয়ত্বা হিংসা করিয়া বলেন নাই, সিংহাসন নোয়াবীয়া পাইবেন। তিনি ঐ অনুমানের কথাই বলিয়াছিলেন মাত্র। স্নানিগণ মাননীয়া আয়ত্বার নিন্দা গহ্য করিতে পারেন না; শিয়া স্নানিভে এইটুকু কথার মতভেদ। এই বিষয় লইয়াই দলাদলি।

তোমাদের অতিথি, আমার প্রতি যত ইচ্ছা অত্যাচার কর, সহিতে প্রস্তুত
আছি, কিন্তু এ শিশু তোমাদের নিকট কোন দোষে দোষী নহে। পিপাসায়
ইহার প্রাণ ঠণ্ডাগত—একবিন্দু জল দাও। ইহাতে তোমাদের দয়াধর্মের
কিছুমাত্র অপব্যয় হইবে না।” শক্রগণ কহিল, “বড় বাড়াবাড়ি আরম্ভ
করিয়াছে,—শীঘ্র কিছু দিয়া বিদায় কর।”

বিপক্ষ হইতে শিশুর প্রতি জলের পরিবর্তে তীর বৃষ্টি হইল !!

“পিয়াস লাগিয়া জনদে সাধিনু, বজ্র পড়িয়া গেল।”

উপলব্ধ অতিথি-অভ্যর্থনা বটে! হোসেন শর-বিদ্ধ আসগরকে তাহার জননী
কোলে দিয়া বলিলেন, “আসগর চিরদিনের জন্য তৃপ্ত হইয়াছে। আর জল
জল বনিয়া কাঁদিয়া কাঁদাইবে না। আর বলিবে না—‘পিপাসা, পিপাসা’!
এই শেষ!” * * *

শহরবানু কি দেখিতেছেন? কোলে পিপাসু শর-বিদ্ধ আসগর, সম্মুখে রুধি-
রাজ কলেবর ‘শহীদ’ (সমরশায়ী) আকবর। অমন চাঁদ কোলে লইয়া ধরণ
গরবিণী হইয়াছিল—যে আকবর ক্ষত বিক্ষত হইয়া, পিপাসায় কাতর হইয়া
মৃত্যুকালে এক বিন্দু জল পায় নাই। শোণিত-ধারায় যেন লেখা আছে
“পিপাসা, পিপাসা”। শহীদের মুদ্রিত নয়ন দুটি নীরবেই বলে যেন “পিপাসা,
পিপাসা”!! দৃশ্য ত এইরূপ নর্মভেদী তাহাতে আবার দর্শক জননী!—আহা !!

যে ফুল ফুটিত প্রাতে,—নিশীথেই ছিনু হ’ল,

শিশিরেব পরিবর্তে রুধিরে আধুত হ’ল।

আরও দেখিলাম,—মহাত্মা হোসেন সমরশায়ী। সমরক্ষেত্রে কেবলই পিপাসী
শহীদগণ পড়িয়া আছেন। তাঁহাদের শুষ্ক কণ্ঠ যেন অক্ষয় ভাষায় বলিতেছে
“পিপাসা, পিপাসা”। জয়নব (হোসেনের ভগিনী) মুক্ত কেশে পাগলিনী প্রায়
ব্রাতার নিকট বিদায় চাহিতেছেন। ডাকিয়া, উঠচঃস্বরে ডাকিয়া বলিতেছেন,—
“ভাই। তোমাকে মরুভূমে ফেলিয়া যাইতেছি। আসিয়াছিলাম তোমার সঙ্গে
—যাইতেছি তোমাকে ছাড়িয়া। আসিয়াছিলাম অনেক রক্তে বিভূষিত হইয়া—
যাইতেছি শূন্য হৃদয়ে! তবে এখন শেষ বিনায় দাও। একটি কথা কও, তবে
যাই। একটিবার চক্ষু মেলিয়া দেখ—আমাদের দূরবস্থা দেখ, তবে যাই।”
জয়নবের দুঃখে সমীরণ হায় হায় বলিল,—দূর-দূরান্তরে ঐ হায় হায় শব্দ
প্রতিশ্রবিত হইল। * * *

এখন আর স্বপ্ন নাই—আমি জাগিয়া উঠিয়াছি। দূরে শৃগালের কর্কশ শব্দে শুনিলাম—“পিপাসা, পিপাসা”! একি, আমি পাগল হইলাম নাকি? কেবল “পিপাসা” দেখি কেন? কেবল “পিপাসা” শুনি কেন?

আমার প্রিয়তমের সমাধিস্থানে যাইলাম। বনপথ দিয়া যাইতে শুনিলাম, তরুলতা বলে “পিপাসা, পিপাসা”। পত্রের মর্মর শব্দে শুনিলাম “পিপাসা, পিপাসা”! প্রিয়তমের গোর হইতে শব্দ আসিতেছিল—“পিপাসা, পিপাসা”! ইহা অতি অসহ্য। প্রিয়তম মৃত্যুকালে জল পায় নাই—চিকিৎসকের নিষেধ ছিল। স্মরণং পিপাসী মরিয়াছে।

আহা! এমন ডাক্তারী কে রচনা করিয়াছেন? রোগীর প্রতি (রোগ বিশেষে) জল-নিষেধ ব্যবস্থা কোন্ হৃদয়হীন পাষণেণের বিধান? যখন রোগীকে বাঁচাইতে না পার, তখন প্রাণভরিয়া পিপাসা মিটাইয়া জল পান করিতে দিও। সে-সময় ডাক্তারের উপদেশ শুনিও না। নচেৎ আমারই মত আজীবন পিপাসায় দগ্ধ হইবে।

কোন রোগী মৃত্যুর পূর্বদিন বলিয়াছিল, “বাবাজান! তোমারই সোরাহির জল দাও।” রোগী জানে, তাহার পিতার সোরাহির জল অবশ্যই শীতল হইবে। পিতা তাহার আসন্নকাল জানিয়া স্বহস্তে সোরাহি আনিয়া দিলেন। অন্যান্য মিত্ররূপী শত্রুগণ তাহাকে প্রচুর জল সাধ মিটাইয়া পান করিতে দেয় নাই। ঐ রোগীর আত্মা কি আজ পর্যন্ত কারবালার শহীদদের মত “পিপাসা পিপাসা” বলিয়া ঘুরিয়া বেড়ায় না? না; স্বর্গস্থখে পিপাসা নাই! পিপাসা—যে বাঁচিয়া থাকে, তাহারই। অনন্ত শাস্তি-নিদ্রায় যে নিদ্রিত হইয়াছে, পিপাসা তাহার নহে! পিপাসা—যে পোড়া স্মৃতি লইয়া জাগিয়া থাকে, তাহারই!!

কিন্তু কি বলিতে কি বলিতেছি,—আমার হৃদয়ানন্দ মৃত্যুর পূর্বদিন গোপনে জননীর নিকট জল চাহিয়াছিল। ডাক্তারের নিষেধ ছিল বলিয়া কেহ তাহাকে জল দিত না। জননী ভয়ে ভয়ে অল্প জল দিয়াছিলেন। মৃত্যুকালে সে তৃষ্ণায় অত্যন্ত কাতর ও অধীর হইয়াছিল—হায়! না জানি সে কেমন পিপাসা!

হৃদয়ানন্দ জানিত, আমি তাহাকে জল দিব না। আমি চিকিৎসকের অন্ধ আজ্ঞাবহ দাস, তাহাকে জল দিব না। তাই সে আমার উপস্থিত থাকা সময় জল চাহিতে সাহস করে নাই। কি মহতী সহিষ্ণুতা! জলের পরিবর্তে চা চাহিল। শীতল জলের পিপাসায় গরম চা। চা তখনই প্রস্তুত হইয়া আসিল। যে ব্যক্তি চা পান করাইতেছিল, সে চা’র পেয়ালার কড়া ধরিতে পারিতেছিল না—পেয়লা এত তপ্ত ছিল। আর সেই পিপাসী সে পেয়লাটি দৃষ্ট

হস্তে (যেন কত আদরের সহিত জড়াইয়া) ধরিয়া চা পান করিতে লাগিল !! আহা ! না জানি সে কেমন পিপাসা ! অনলরচিত পিপাসা !! কিম্বা গরলরচিত পিপাসা !!

সে সময় হয় ত তাহার শরীরে অনুভব শক্তি ছিল না,—নচেৎ অত গরম পেয়াদা ও' কেমন হস্তে সহিবে কেন? আট বৎসরের শিশু—নদীর পুতুল, তাহার হাতে গরম পেয়াদা!—আর সেই তপ্ত চা—স্বাস্থ্য ভাঙ্গ থাকিলে নিশ্চল গলায় ফোঁকা হইত! আর ঐ মাখন-গঠিত কচি হাত দুটি জলিয়া গলিয়া যাইত!! সেই চা তাহার শেষ পথ্য—আর কিছু খায় নাই।

আক্ষেপ এই যে, জন কেন দিলাম না। রোগ সারিবার আশায় জন দিতাম না।—বোগ যদি না সারিল, তবে জন কেন দিলাম না? এই জন্মই ত রাত্রি দিন শুনি—“পিপাসা, পিপাসা”! ঐ জন্মই ত এ নরকযন্ত্রণা ভোগ করি। আর সেই গরম চা'র পেয়াদা চক্ষের সম্মুখে মূন্দিয়া বেড়ায়, হৃদয়ে আঘাত করে, প্রাণ দগ্ধ করে। চক্ষু মুদ্রিত করিলে দেখি—অন্ধকারে জ্যোতির্ময় অক্ষরে লেখা—“পিপাসা, পিপাসা”!

নিশীথ সময়ে গৃহছা'নে উঠিলাম। আকাশনগ্ন পবিষ্কার ছিল কোটা কোটা তারকা ও চন্দ্র হীরক প্রভায় জ্বলিতেছিল। আমার পোড়া চক্ষে দেখিলাম—ঐ তারকা-অক্ষরে লেখা—“পিপাসা, পিপাসা”। আমি নিজের পিপাসা নইয়া ব্যস্ত, তাহাতে আবার বিশৃঙ্খল পিপাসা লেখাম—পিপাসা ওমাং! বোধ হয় নিজের পিপাসার প্রতিবিম্ব দেখিতে পাই মাত্র,—আর কেহ পিপাসী নহে। এ অথবা বিশৃঙ্খল সত্যই পিপাস্ত!

কুসুমকাননে আমি কি দেখিতে পাই? কুসুম হেলিয়া মূন্দিয়া বলে—“পিপাসা, পিপাসা”। লতায় পাতায় লেখা—পিপাসা, পিপাসা”! কুসুমের মনোমোহিনী মূ' হাসি আমি দেখি না। আমি দেখি, কুসুমের স্ববাংশু-পিপাসা।

বিহগ-কুজনে আমি কি শুনিতে পাই? ঐ “পিপাসা, পিপাসা”! ঐ একই শব্দ নানাভাবে নানানরূপে শুনি, - প্রভাতে ভৈরবী, নিশীথে বেহাগ - কিন্তু কথা একই। চাতক পিপাসার কাতর হইয়া ডাকে - “ফটিক জন”। কোকিল ডাকিয়া উঠে “কুহু”, ঐ কুহুস্বরে শত প্রাণের বেদনা ও হৃদয়ের পিপাসা ঝরে! এ কি, সফলে আমাকে পিপাসার ভাষা শুনা'য় কেন? আহা! আমি কোথায় যাই? কোথায় যাইলে “পিপাসা” শুনিব না?

চল হৃদয়, তবে নদী তীরে যাই, - সেইখানে হয় ত 'পিপাসা' নাই। কিন্তু ঐ শুনি। স্নিগ্ধসলিলা গঙ্গা কুলকুল স্বরে গাহিতেছে। “পিপাসা, পিপাসা” আপন মনে গাহিয়া বহিয়া যাইতেছে! একি তুমি স্বয়ং জন, তোমার আবার পিপাসা কেমন? উত্তর পাইলাম, 'মাগর-পিপাসা'। আহা! তাই ত, সংসারে তবে

সকলেই পিপাসু? হইতে পারে, সাগরের—যাহার চরণে, জাহবি। তুমি আপনান্ন প্রাণ চানিতে যাইতেছ, তাহার পিপাসা নাই। তবে দেখা যাউক।

একদিন সিদ্ধুতেটে সিক্ত বালুকার উপর বসিয়া সাগরের তরঙ্গ গণনা করিতে-ছিলাম। উম্মিমালা কি যেন যাতনায়, কি যেন বেবনায় ছটফট করিয়া গড়াইয়া গড়াইয়া আছাড়িয়া পড়িতেছিল। এ অস্থিরতা, এ আকুলতা কিসের জন্য? সবিষ্ময়ে সাগরকে জিজ্ঞাসা করিলাম—

তব 'ওই সচঞ্চল লহরীমালায়
কিসের বেবনা লেখা?—পিপাসা জানায়।
পিপাসা নিবৃত্ত হয় সলিল-কূপায়,
বলহে জলবি! তব পিপাসা কোথায়?

আবার তাহার গভীর গর্জনে শুনিলাম, “পিপাসা, পিপাসা”! হায়! এই পোড়া পিপাসার আনার আমি দেশান্তরে পলাইয়া আসিলাম, এখানেও ঐ নিষ্ঠুর কথাই শুনিতে পাই। চকু মুদ্রিত করিলাম—ঐ তরঙ্গে তরঙ্গে আব পিপাসা দেখিতে ইচ্ছা ছিল না। সমুদ্র আবার গভীর গর্জন করিল। এবারও তাহার ভাষা বুদ্ধি-লাম,—স্পষ্ট শুনিলাম,—“পিপাসা, পিপাসা”!।

“পিপাসা পিপাসা”—মূর্খ মানব! জান না এ কিসের পিপাসা? কোথায় শুনিয়াছ সাগরের পিপাসা নাই? এ হৃদয়ের দুর্দান্ত পিপাসা কেমন কবিয়া দেখাইব? আমার জনন যত গভীর, পিপাসাও তত প্রবল! এ সংসারে কাহার পিপাসা নাই? পিপাসা পিপাসা—এটুকু বুঝিতে পার না? পানীর ধন-পিপাসা, মানীর মান-পিপাসা, নংসাবীর সংসাব-পিপাসা। নারিনীর তপন-পিপাসা, চকোরীর চঞ্জিকা-পিপাসা! অনলবও তীব্র পিপাসা আছে! আহা! এই মোটা কথা বুঝ না? পিপাসা না থাকিলে ব্রহ্মাও ঘুরিত কি লক্ষ্য করিয়া? আমার হৃদয়ে অনন্ত প্রণয়-পিপাসা,—যতদিন আছি, পিপাসাও থাকিবে। প্রেমিকের প্রেম-পিপাসা,—প্রকৃতির ঈশ্বর-পিপাসা! এইটুকু কি বুঝিতে পার না? * * *

তাই বটে, এত দিনে বুদ্ধিলাম, আমার হৃদয় কেন সদা ছ ছ করে, কেন সদা কাতর হয়। এ হৃদয়ের পিপাসা তুচ্ছ বারি পিপাসা নহে। ইহা অনন্ত প্রেম-পিপাসা। ঈশ্বর একমাত্র বাঞ্ছনীয়, আর সকলে পিপাসী—ঐ বাঞ্ছনীয় প্রেমময়ের প্রেম-পিপাসী!!

আমি তবে বাতুল নহি। আমি যে পিপাসা দেখি, তাহা সত্য—কল্পিত নহে। আমি যে পিপাসা শুনি, তাহাও সত্য—কল্পনা নহে! ঈশ্বর প্রেম, এ বিশ্বজগৎ প্রেম-পিপাসু।

স্ত্রীজাতির অবনতি

পাঠিকাগণ! আপনারা কি কোন দিন আপনাদের দুর্দশার বিষয় চিন্তা করিয়া দেখিয়াছেন? এই বিংশ শতাব্দীর সভ্যজগতে আমরা কি? দাসী! পৃথিবী হইতে দাস ব্যবসায় উঠিয়া গিয়াছে শুনিতে পাই, কিন্তু আমাদের দাসত্ব গিয়াছে কি? না। আমরা দাসী কেন?—কারণ আছে।*

আদিমকালের ইতিহাস কেহই জানে না বটে; তবু মনে হয় যে পুরাকালে যখন সভ্যতা ছিল না, সমাজবন্ধন ছিল না, তখন আমাদের অবস্থা একরূপ ছিল না। কোন অস্ত্রাত কারণ বশতঃ মানবজাতির এক অংশ (নর) যেমন ক্রমে নানা-বিঘনে উন্নতি করিতে লাগিল, অপর অংশ (নারী) তাহার সঙ্গে সঙ্গে সেরূপ উন্নতি করিতে পারিল না বলিয়া পুরুষের সহচরী বা সহধর্মিণী না হইয়া দাসী হইয়া পড়িল।

আমাদের এ বিধব্যাপী অধঃপতনের কারণ কেহ বলিতে পারেন কি? সম্ভবতঃ স্ত্রীজাতির অভাব ইহার প্রধান কারণ। স্ত্রীজাতি স্ত্রীবিধা না পাইয়া সংসারের সকল প্রকার কার্য হইতে অবসর লইয়াছে। এবং ইহাদিগকে অক্ষম ও অকর্মণ্য দেখিয়া পুরুষজাতি ইহাদের সাহায্য করিতে আরম্ভ করিল। ক্রমে পুরুষ-পক্ষ হইতে যতই বেশী সাহায্য পাওয়া যাইতে লাগিল, স্ত্রী-পক্ষ ততই অধিকতর অকর্মণ্য হইতে লাগিল। এদেশের ভিক্ষুদের সহিত আমাদের বেশ তুলনা হইতে পারে। একদিকে ধনাঢ্য দানবীরগণ ধর্মোদ্দেশ্যে যতই দান করিতেছেন, অন্যদিকে ততই অধম ভিক্ষুসংখ্যা বাড়িতেছে। ক্রমে ভিক্ষাবৃত্তি অলসদের একটা উপ-জীবিকা হইয়া দাঁড়াইয়াছে। এখন আর তাহারা ভিক্ষা গ্রহণ করাটা লজ্জাজনক বোধ করে না।

এরূপ আমাদের আত্মদান লোপ পাওয়ায় আমরাও অনুগ্রহ গ্রহণে আর সঙ্কোচ বোধ করি না। সুতরাং আমরা অলসের,—প্রকারান্তরে পুরুষের—দাসী হইয়াছি। ক্রমশঃ আমাদের মন পশু দাস (enslaved) হইয়া গিয়াছে। এবং

*কেহ কেহ বলিতে পাবেন যে, নারী নরের অধীন থাকিবে, ইহা ঈশ্বরেরই অভিপ্রেত—ভিনি প্রথমে পুরুষ সৃষ্টি করিয়াছেন, পরে তাহাব সেবা শুশ্রূষার নিমিত্ত নারীর সৃষ্টি হয়। কিন্তু এ বলে আমরা ধর্মগ্রন্থের কোন মতামত লইয়া আলোচনা করিব না—কেবল সাধারণের সহজ বুদ্ধিতে যাহা বুঝা যায়, তাহাই বলিব। অর্থাৎ স্বকীয় মত ব্যক্ত করিতেছি মাত্র।

আমরা বহু কাল হইতে দাসীপনা করিতে করিতে দাসঘে অভ্যস্ত হইয়া পড়িয়াছি। এইরূপে আমাদের স্বাবলম্বন, সাহস প্রভৃতি মানসিক উচ্চবৃত্তিগুলি অনুশীলন অভাবে বার বার অন্ধুরে বিনাশ হওয়ায় এখন আর বোধ হয় অন্ধুরিতও হয় না। কাজেই পুরুষজাতি বলিতে স্ত্রীবিধা পাইয়াছেন; “The five worst maladies that afflict the female mind are: indocility, discontent, slander, jealousy and silliness. * * * Such is the stupidity of her character, that it is incumbent on her, in every particular, to distrust herself and to obey her husband.” (Japan, the Land of the Rising Sun.)

(ভাবার্থ— স্ত্রীজাতীর অন্তঃকরণের পাঁচটি দুরারোগ্য ব্যাধি এই—[কোন বিষয় শিক্ষার] অযোগ্যতা, অসন্তোষ, পরনিন্দা, হিংসা এবং সূত। * * * নির্বোধ স্ত্রীলোকের কর্তব্য যে প্রত্যেক বিষয়ে নিজেকে অবিশ্বাস করিয়া স্বামীর আদেশ পালন করে)।

তারপর কেহ বলেন “অতিরঞ্জন ও মিথ্যা বচন রমণী-ভিষ্কার অলঙ্কার।” আমাদের কাছে কেহ “নাকেস-উন্-আকেল” এবং কেহ “জিজ্ঞানহীন” (unreasonable) বলিয়া থাকেন। আমাদের ঐ সকল দোষ আছে বলিয়া তাঁহারা আমাদের কেহ জ্ঞান করিতে লাগিলেন। এরূপ হওয়া স্বাভাবিক। একটা উদাহরণ দেখুন। এদেশে জামাতা খুব আদরনীয়—এমন কি ডাইনীও জামাই ভালবাসে। তবু “ধনজামাইয়ের” সেকরূপ আদর হয় না। তাই দেখা যায়, আমাদের যখন স্বাধীনতা ও অধীনতাজ্ঞান বা উন্নতি ও অবনতির যে প্রভেদ তাহা বুদ্ধিবীর সমর্থ্যটুকুও থাকিল না, তখন কাজেই তাঁহারা ভূস্বামী, গৃহস্বামী প্রভৃতি হইতে হইতে ক্রমে আমাদের “স্বামী” হইয়া উঠিলেন।* আর আমরা ক্রমশঃ

* “Although the Japanese wife is considered only the *first servant of her husband*, she is usually addressed in the house as the honorable mistress, Acquaintance with European customs has awakened among the more educated classes in Japan a desire to raise the position of women” (Japan.)

ভাবার্থ—(যদিও জাপানে স্ত্রীকে স্বামীর প্রধান সেবিকা মনে করা হয় কিন্তু সচরাচর তাহাকে গৃহস্থিত অপর সকলে মাননীয় গৃহিণী বলিয়া ডাকে। যাহা হউক আশা ও স্বপ্নের বিষয় এই যে, এখন ইউরোপীয় নীতি-নীতির সহিত পরিচিত শিক্ষিত সমাজে ক্রমশঃ রমণীর অবস্থা উন্নত করিবার আকাঙ্ক্ষা জাগ্রত হইতেছে।)

“দাসী” শব্দ অনেক শ্রীমতী আপত্তি করিতে পারেন। কিন্তু জিজ্ঞাসা করি, “স্বামী” শব্দের অর্থ কি? দানকর্তাকে “দাতা” বলিলে সেনন গ্রহণকর্তাকে “গ্রহীতা” বলিতেই হয়,

তীহাদের গৃহপালিত পশুপক্ষীর অন্তর্গত অথবা মূল্যবান সম্পত্তি বিশেষ হইয়া পড়িয়াছি।

সভ্যতা ও সমাজবন্ধনের সৃষ্টি হইলে পর সামাজিক নিয়মগুলি অবশ্য সমাজপতিদের মনোমত হইল। ইহাও স্বাভাবিক। “জোর যার মুলুক তার”। এখন জিজ্ঞাসা করি, আমাদের অবনতির জন্য কে দোষী ?

আর এই যে আমাদের অতিপ্রিয় অলঙ্কারগুলি—এগুলি দাসত্বের নিদর্শন বিশেষ। এখন ইহা সৌন্দর্যবর্ধনের আশায় ব্যবহার করা হয় বটে; কিন্তু অনেক মান্যগণ্য সেইরূপ একজনকে ‘স্বামী, পুত্র, ঈশ্বর’ বলিলে অপরকে ‘দাসী’ না বলিয়া আর কি বলিতে পারেন ? যদি বলেন স্ত্রী পতি-পুত্র-পাশে আবদ্ধ হওয়ার তাঁহার সেবিকা হইয়াছেন, তবে ওঙ্কপ সেবাপ্রত গ্রহণে অবশ্য কাহারও আপত্তি হইতে পারে না। কিন্তু পুরুষও কি ঐরূপ পারিবারিক প্রেমে আবদ্ধ হইয়া তাহাদের প্রতিপালনরূপ সেবাপ্রত গ্রহণ করেন নাই ? দরিদ্রতন মঞ্জুবাটও সমস্ত দিন অনশনে পরিশ্রম কবিয়া সন্ধ্যায় দুই এক আনা পয়সা পারিশ্রমিক পাইলে বাহারে গিয়া পথমে নিজের উদর-সেবার জন্য দুই পয়সার মুড়ি বুড়কীর শ্রদ্ধ করে না। শ্রমং তন্দুরা চাউল জাউল কিনিয়া পত্নীকে আনিয়া দেয়। পত্নীটি রন্ধনের পর ‘স্বামী’কে যে ‘একমুঠা-আধপেটা অনুমান করে, পতি বেচারি তাহাতেই সস্ত্র হয়। কি চমৎকাম আশ্রয়তাগ! সমাজ তবু বিবাহিত পুরুষকে “প্রেম-দাস” না বলিয়া স্বামী বলে কেন ?

হাঁ, আরও একটা প্রয়োজনীয় কথা মনে পড়িল; যে সকল দেবী স্ত্রীকে “দাসী” বলায় আপত্তি করেন এবং কথায় কথায় সীতা সাবিত্রীর দোহাই দেন তাঁহার কি ভাবনেন না যে, হিন্দুসমাজেই এমন এক (বা ততোধিক) শ্রেণীর কুলীন আছেন, যাঁহারা কন্যা ক্রয় করিয়া বিবাহ করেন ? যাহাকে অর্থ দ্বারা “ক্রয়” করা হয়, তাহাকে “ক্রীতদাসী” ভিশু আব কি বলিতে পারেন ? এখানে বরদিগের পাণবিক্রয়ের কথা কেহ উল্লেখ করিতে পারেন বটে, কিন্তু সাধারণে “বর বিক্রয় হয়” এরূপ বলে না। বিশেষতঃ বরের পাণই বিক্রয় হয়, স্বয়ং বর বিক্রীত হন না। কিন্তু কন্যা বিক্রয়ের কথায় এ যুক্তি খাটে না; কারণ অষ্টম হইতে দশম বর্ষীয়া বালিকার এমন বিশেষ কোনওণ বা ‘পাণ’ থাকে না, যাহা বিক্রয় হইতে পারে। সূতরাং বালিকা স্বয়ং বিক্রীতা হয়ঃ একদা কোন সম্রাজ্ঞ প্রাসঙ্গীক সহিত আলাপ পূসঙ্গে ঐ কথা উঠায়, আমি তাঁহাকে জিজ্ঞাসা করিয়া-ছিলাম “কেন ওঁদের সম্বন্ধে কুলীন কি পাওয়া যায় না যে যেয়ে কিনতে হয়?” তদুত্তবে মহিলাটি বলিয়াছিলেন, “পাওয়া যাবে না কেন? ওঁদের ঐ কেনা-বাটাই নিয়ম। এ যেমন ওর যেন কিনে বিয়ে ক’রলে, আবার এর বোনকে আর একজনকে কিনে নিয়ে বিয়ে ক’রবে।”

স্বস্তির মতে অলঙ্কার দাসত্বের নিদর্শন (originally badges of slavery) ছিল।* তাই দেখা যায় কারাগারে বন্দীগণ পায় লৌহনিমিত্ত বেড়ী পরে, আমরা (আদরের জিনিস বলিয়া) স্বর্ণরৌপ্যের বেড়ী অর্থাৎ “মল” পরি। উহাদের হাতকড়ি লৌহ-নিমিত্ত, আমাদের হাতকড়ি স্বর্ণ বা রৌপ্য-নিমিত্ত চুড়ি! বলা বাহুল্য, লোহার বাল্যও বাদ দেওয়া হয় না। কুকুরের গলে যে গলাবন্ধ (dog-collar) দেখি, উহারই অনুকরণে বোধ হয় আমাদের জড়োয়া চিক নিমিত্ত হইয়াছে। অশু হস্তী প্রভৃতি পশু লৌহ শৃঙ্খলে আবদ্ধ থাকে, সেইরূপ আমরা স্বর্ণ-শৃঙ্খলে কন্ঠ শোভিত করিয়া মনে করি “হার পরিয়াছি”। গো-স্বামী বলদের নাসিকা বিদ্ধ করিয়া “নাকাদড়ী” পরায়, এদেশে আমাদের স্বামী আমাদের নাকে “নোলক” পরাইয়াছেন॥ ঐ নোলক হইতেছে “স্বামী”র অস্তিত্বের (সখবার) নিদর্শন! অতএব দেখিলেন ভগিনী! আপনাদের ঐ বহুল্য অলঙ্কারগুলি দাসত্বের নিদর্শন ব্যতীত আর কি হইতে পারে? আবার মজা দেখুন, হার শরীরে দাসত্বের নিদর্শন যত অধিক, তিনি সমাজে উতোষিক মান্যা গণ্যা!

এই অলঙ্কারের জন্য লজ্জাকুলের কত আগ্রহ! যেন জীবনের সুখ সমৃদ্ধি উহারই উপর নির্ভর করে! তাই দরিদ্রা কামিনীগণ স্বর্ণরৌপ্যের হাতকড়ি না পাইয়া কাচের চুড়ি পরিয়া দাসী-জীবন সার্থক করে। যে (বিধবা) চুড়ি পরিতে অধিকারিণী নহে, তাহার মত হতভাগিনী যেন এ জগতে আর নাই! অভ্যাসের কি অপার মহিমা! দাসত্বে অভ্যাস হইয়াছে বলিয়া দাসঘসূচক গহনাও ভাল লাগে। অহিফেন তিরু হইলেও আফিংটির অতি প্রিয় সামগ্রী। মাদক দ্রব্যে যতই সর্বনাশ হটক না ফেন, মাতাল তাহা ছাড়িতে চাহে না। সেইরূপ আমরা অঙ্গে দাসত্বের নিদর্শন ধারণ করিয়াও আপনাকে গৌরবান্বিতা মনে করি—গর্বে স্ফীতা হই।

অলঙ্কার সব্বন্ধে যাহা বলিলাম, তাহাতে কোন কোন ভগ্নী আমাকে পুরুষ-পঙ্কেই গুপ্তচর মনে করিতে পারেন। অর্থাৎ ভাবিবেন যে, আমি পুরুষত্বের টাকা স্বর্ণকারের হস্ত হইতে রক্ষা করিবার জন্য হয়ত এক্রপ কৌশলে ভগ্নী-

কোন বিশেষ সম্প্রদায়ের মান বা বিশেষ কোন ধর্মের উল্লেখ করিবার আমাদের আবেদন ইচ্ছা ছিল না, কিন্তু কৃতকিকদিগো কুতর্ক নিবারণের নিমিত্ত এইরূপ ক্রীতদাসী ওরফে দেবীর পুন্যাদিতে বাধ্য হইলাম। এইজন্য আমরা নিজেই দুঃখিত। কিন্তু কর্তব্য অবশ্যপালনীয়।

* পশ্চিমাকালের অনেক শব্দ-উল-ওলা (জাকউলা সাহেব) বলেন “নখ নাকেল এর (নাকাদড়ী)-ই রূপান্তর।”

দিগকে অলঙ্কারে বীতশ্রদ্ধ করিতে চেষ্টা করিতেছি। কিন্তু তাহা নয়, আমি আপনাদের জন্যই দু'কথা বলিতে চাই। যদি অলঙ্কারের উদ্দেশ্য পুরুষদের টাকার শ্রদ্ধ করাই হয়, তবে টাকার শ্রদ্ধ করিবার অনেক উপায় আছে। দুই একটি উপায় বলিয়া দিতেছি।

আপনার ঐ জড়োয়া চিকটা বাড়ীর আনুরে কুকুরটির কণ্ঠে পরাইবেন। আপনি যখন শকটারোহণে বেড়াইতে যান, তখন সেই শকটবাহী অশ্বের গলে আপনার বহুমূল্য হার পরাইতে পারেন। বালা ও চুড়িগুলি বসিবার ঘরের পর্দার কড়া (drawing room-এর curtain ring) রূপে ব্যবহার করা যাইতে পারে। তবেই “স্বামী” নামধারী নরবরের টাকার বেশ শ্রদ্ধ হইবে!! অলঙ্কারের মুখ্য উদ্দেশ্য ঐশ্বর্য্য দেখান বহুত নয়। ঐরূপে ঐশ্বর্য্য দেখাইবেন। নিজের শরীরে দাসত্বের নিদর্শন ধারণ করিবেন কেন? উক্ত প্রকারে গহনার সন্যাসহার করিলে প্রথম প্রথম লোকে আপনাকে পাগল বলিবে, কিন্তু তাহা গ্রহ্য না করিলেই চলিবে।* এ পোড়া সংসারে কোন্ ভাল কাজটা বিনা ক্লেশে সম্পাদিত হইয়াছে? “পৃথিবীর গতি আছে” এই কথা বলাতে মহাত্মা গ্যালিলিও (Galileo)কে বাতুলগারে যাইতে হইয়াছিল। কোন্ সাধুলোকটি অনায়াসে নিজ বক্তব্য বলিতে পারিয়াছেন? তাই বলি, সমাজের কথায় কর্ণপাত করিবেন না। এ জগতে ভাল কথা বা ভাল কাজের বর্তমানে আদর হয় না।

বাস্তবিক অলঙ্কার দাসত্বের নিদর্শন তিনু আর কিছুই নহে। যদি অলঙ্কারকে দাসত্বের নিদর্শন না ভাবিয়া সৌন্দর্যবর্ধনের উপায় মনে করা যায়, তাহাই কি কম নিলনীয়? সৌন্দর্যবর্ধনের চেষ্টাও কি মানসিক দুর্বলতা নহে? পুরুষেরা ইহা পরাজয়ের নিদর্শন ভাবেন। তাঁহারা কোন বিষয়ে তর্ক কবিত্তে গেলেন, “আমার কথা প্রমাণিত করিতে না পারিলে আমি চুড়ি পরিব”! কবিবর সা'দী পুরুষদের উৎসাহিত করিবার জন্য বলিয়াছেন, “আয় মরদ! বকুশিদ, জামা-এ-জান্না ন পুষিদ”। অর্থাৎ ‘হে বীরগণ! (জয়ী হইতে) চেষ্টা কর, রমণীর পোষাক পরিও না।’ আমাদের পোষাক পরিলে তাহাদের অপমান হয়। নেখা যাউক সে পোষাকটা কি—কাপড় ত তাঁহাদের ও আমাদের প্রায় একই প্রকার। একখণ্ড শূতি ও একখণ্ড সাড়ির দৈর্ঘ্য ও প্রস্থে কিছুমাত্র তারতম্য আছে কি? যে দেশে পুরুষ পা-জামা পরে, সে দেশে নারীও পা-জামা

* অলঙ্কার পরা ও উক্তরূপে টাকার শ্রদ্ধ করা একই কথা। কিন্তু আশা করা যায় যে উক্ত প্রকারে টাকার শ্রদ্ধ না করিয়া টাকার সন্যাস করাই অনেকে ন্যাযসঙ্গত মনে করিবেন।

পরে। “Ladies’s jacket” শুনা যায়, “Gentlemen’s jacket”ও শুনিতে পাই! তবে “জামা-এ-জান্না” বলিলে কাপড় না বুঝাইয়া সম্ভবতঃ রমণীসুলভ দুর্বলতা বুঝায়।

পুরুষজাতি বলেন যে, তাঁহারা আমাদের কাছে “বুকের ভিতর বুক পাতিয়া বুক দিয়া চাকিয়া” রাখিয়াছেন, এবং একরূপ সোহাগ আমরা সংসারে পাইব না বলিয়া ভয় প্রদর্শন করিয়া থাকেন। আমরা তাই সোহাগে গলিয়া-চলিয়া বহিয়া যাইতেছি! ফলতঃ তাঁহারা যে অনুগ্রহ করিতেছেন, তাহাতেই আমাদের সর্বনাশ হইতেছে। আমাদের কাছে তাঁহারা হৃদয়পিষ্টরে আবদ্ধ করিয়া জ্ঞান-সূর্য্যালোক ও বিস্কন্ধ বায়ু হইতে বঞ্চিত রাখিয়াছেন, তাহাতেই আমরা ক্রমশঃ মরিতেছি। তাঁহারা আরও বলেন, “তাহাদের স্মৃতির সামগ্রী, আমরা মাথায় বহিয়া আনিয়া দিব—আমরা থাকিতে তাহারা দুঃখ সহ্য করিবে কেন?” আমরা ঐ শ্রেণীর বক্তাকে তাঁহাদের অনুগ্রহপূর্ণ উক্তির জন্য ধন্যবাদ দিই; কিন্তু ব্রাতঃ! পোড়া সংসারটা কেবল কবির স্মৃতিময়ী কল্পনা নহে—ইহা জটিল কুটিল কঠোর সংসার! সত্য বস্তু—কবিতা নহে—

“কাব্য উপন্যাস নহে—এ মম জীবন,
নাট্যালা নহে—ইহা প্রকৃত ভবন—”

তাই যা কিছু মুশকিল!! নতুবা আপনাদের কৃপায় আমাদের কোন অভাব হইত না। বঙ্গবাহা আপনাদের কল্পিত বর্ণনা অনুসারে “ক্ষীণাঙ্গী, কোমলাঙ্গী, অবলা, ভয়-বিহ্বলা—” ইত্যাদি হইতে হইতে ক্রমে সূক্ষ্ম শরীর (Aerial body) প্রাপ্ত হইয়া বাহ্যরূপে অনায়াসে আকাশে বিলীন হইতে পারিতেন। কিন্তু প্রকৃত অবস্থা তদ্রূপ স্মৃতির নহে; তাই এখন মিনতি করিয়া বলিতে চাই—

“অনুগ্রহ করে এই কর, অনুগ্রহ কর না মোদের।”

বাস্তবিক অত্যধিক যত্নে অনেক বস্তু নষ্ট হয়। যে কাপড় বহু যত্নে বহু করিয়া রাখা যায়, তাহা উই-এর ভোগ্য হয়। কবি বেশ বলিয়াছেন—

“কেন নিবে গেল বাতি?

আমি অধিক যত্নে চেকেছিলাম তাকে,

জাগিয়া বাসর রাত্তি,

তাই নিবে গেল বাতি,

স্মরণ্য দেখা যায়, তাঁহাদের অধিক যত্নই আমাদের সর্বনাশের কারণ।

বিপৎসঙ্কুল সংসার হইতে সর্বদা সুরক্ষিতা আছি বলিয়া আমরা সাহস, ভয়সা, বল একেবারে হারাইয়াছি। আত্মনির্ভর ছাড়িয়া স্বামীদের নিতান্ত মুখাপেক্ষী

হইয়া পড়িয়াছি। সামান্য হইতে সামান্যতর বিপদে পড়িলে আমরা গৃহকোপে
সুকাইয়া গগনভেদী আর্তনাদে রোদন করিয়া থাকি।। ব্রাত্মহোদয়গণ আবার
আমাদের “নাকি কান্নার” কথা তুলিয়া কেমন বিক্রপ করেন, তাহা কে না জানে?
আর সে বিক্রপ আমরা নীরবে সহ্য করি। আমরা কেমন শোচনীয়রূপে
ভীর্ণ হইয়া পড়িয়াছি, তাহা ভাবিলে ঘৃণায় লজ্জায় মৃতপ্রায় হই।*

ব্যগ্র ভল্লুক তনুরে থাকুক, আরসুলা জলোকা প্রভৃতি কীট পতঙ্গ দেখিয়া আমরা
ভীতিবিহ্বলা হই! এমন কি অনেকে মুচ্ছিত হন। একটি ৯।১০ বৎসরের বালক
বোতলে আবদ্ধ একটি জলোকা লইয়া বাড়ী শুদ্ধ স্ত্রীলোকদের ভীতি উৎপাদন করিয়া
আনন্দ ভোগ করে। অবলাগণ চীৎকার করিয়া দৌড়িতে থাকেন, আর বালকটি

* সেদিন (গত ৯ই এপ্রিলের) একখানা উর্দু কাগজে দেখিলাম:—

তুরস্কের স্ত্রীলোকেরা স্মলতান-সমীপে আবেদন করিয়াছেন যে, “চারি প্রাচীরের ভিতর থাকি
ব্যতীত আমাদের আর কোন কাজ নাই। আমাদেরকে অস্ততঃ এ পরিমাণ শিক্ষা দেওয়া হউক,
বাহার সাহায্যে যুদ্ধের সময় আমরা আপন আপন বাটি এবং নগর পুরুষদের মত বশুক কামান
চারা রক্ষা করিতে পারি। তাঁহারা ঐ আবেদনে নিম্নলিখিত উপকারগুলি প্রদর্শন করিয়াছেন:—

(১) প্রধান উপকার এই যে, নগরাদি রক্ষা করিবার জন্য অনেকগুলি সৈন্য নিযুক্ত থাকার
বুদ্ধিক্ষেত্রে সৈন্য সংখ্যা কম হওয়ায় যে ক্ষতি হয়, তাহা আর হইবে না। (বেহেতু
“অবলা”গণ নগর রক্ষা করিবেন।)

(২) সন্তানসন্ততিবর্গ শৈশব হইতেই বুদ্ধবিদ্যায় অভ্যস্ত হইবে। পিতামাতা উভয়ে সেপাহী
হইলে শিশুগণ ভীর্ণ, কাপুরুষ হইবে না।

(৩) তাঁহারা বিশেষ এক নব্বুনার উর্দি (uniform) প্রস্তুত করিবেন, যাহাতে চকু ও
নালিকা ব্যতীত মুখের অবশিষ্ট অংশ এবং সর্বাঙ্গ সম্পূর্ণ আবৃত থাকিবে।

(৪) অবরোধপ্রথার সম্মান রক্ষার্থে এই স্থির হইয়াছে যে, অস্ততঃ তিন বৎসর পর্যন্ত প্রত্যেক
পরিবারের সৈনিক পুরুষেরা আপন আপন আত্মীয় রমণীদিগকে বুদ্ধ শিক্ষা দিবেন। অতঃপর
বুদ্ধশিক্ষাপ্রাপ্ত মহিলাগণ বুদ্ধশিক্ষা দিবার জন্য ঘরে ঘরে দেখা দিবেন। উক্ত মহিলাগণ ইহাও
লিখিয়াছেন যে, “আমরা উর্দির (uniform-এর) খরচের জন্য গবর্নমেন্টকে কষ্ট দিব না।
কেবল বশুক এবং অন্যান্য অস্ত্রশস্ত্র সরকার হইতে পাইতে আশা করি।” দেখা যাউক, স্মলতান
মহোদয় এ দরখাস্তের কি উত্তর দেন।

উপরোক্ত সংবাদ সত্য কি না, সেজন্য সেই পত্রিকাখিনি দায়ী। কিন্তু আমাদের বিশ্वास,
তুরস্ক-রমণীদের ওরূপ আকাঙ্ক্ষা হওয়া একেবারে অসম্ভব নহে। ইতিহাসে স্তন্য বান, পূর্বে
স্তন্যদান বুদ্ধ করিতেন। একটা যেমন তেমন “মুসলমানী পুঁধির” পাতা উল্টাইলেও আমরা দেখিতে

সহাস্যে বোতল হস্তে তাঁহাদের পশ্চাৎ ধাবিত হয়। এমন তামাসা আপনারা দেখেন: নাই কি? আমি দেখিয়াছি—আর সে কথা ভাবিয়া ষ্ণণায় লজ্জায় মরমে মরিতেছি। সত্য কথা বলিতে কি, সে সময় বরং আনন্দ বোধ করিয়াছিলাম; কিন্তু এখন সে কথা ভাবিলে শোণিত উত্তপ্ত হয়। হায়! আমরা শারীরিক বল, মানসিক সাহস, সব কাহার চরণে উৎসর্গ করিয়াছি? আর এই দারুণ শোচনীয় অবস্থা চিন্তা করিবার শক্তিও আমাদের নাই।

ভীকৃতার চিত্র ত দেখাইলাম, এখন শারীরিক দুর্বলতার চিত্র দেখাইব। আমরা এমন জড় “অচেতন পদার্থ” হইয়া গিয়াছি যে, তাঁহাদের গৃহসজ্জা (drawing room-এর ornament) বই আর কিছুই নহি। পাঠিকা! আপনি কখন বেহারের কোন ধনী মুসলমান ঘরের বউ-ঝি নামধেয় জড়পদার্থ দেখিয়াছেন কি? একটি বহুবর্ণের সাহেবার প্রতিকৃতি দেখাই। ইহাকে কোন প্রসিদ্ধ বাবুঘরে (museum-এ) বসাইয়া রাখিলে রমণীজাতির প্রতি উপযুক্ত সম্মান প্রদর্শন করা হইত। একটা অঙ্কার কক্ষে দুইটি মাত্র ঘর আছে, তাহার একটি রুদ্ধ এবং একটি মুক্ত থাকে। স্তত্রঃ সেখানে (পর্দার অনুরোধে?) বিস্তৃত বায়ু ও সুর্ধরশ্মির প্রবেশ নিষেধ। ঐ কুঠরীতে পর্য্যঙ্কের পাশে যে রক্তবর্ণ বানাত ন্তিত তক্তপোষ আছে, তাহার উপর বহুবিধ স্বর্ণালঙ্কারে বিভূষিতা, তাধুলরাগে রঞ্জিতাধরা, প্রসন্নাননা যে জড় পুস্তলিকা দেখিতেছেন, উহাই দুর্লভবর্ণের (অর্থাৎ বেগমের পুত্রবধু)। ইহার সর্বাঙ্গে ১০২৪০ টাকার অলঙ্কার! শরীরের কোন অংশে কত ভরি সোনা বিরাজমান, তাহা স্পষ্টরূপে বলিয়া দেওয়া আবশ্যিক মনে করি।

- ১। মাথায় (সিঁথির অলঙ্কার) অর্ধ সের (৪০ ভরি)।
- ২। কর্ণে কিঞ্চিৎ অধিক এক পোয়া (২৫ ভরি)।
- ৩। কর্ণে দেড় সের (১২০ তোলা)।
- ৪। স্ককোমল বাহুলতায় প্রায় দুই সের [১৫০ ভরি]।

পাই—(বুছ করিতে যাইয়া)—

“জয়ন্তন নামে বাপশাহজাদী কয়েদ হইল যদি,
আর যত আরব্য সওয়ার” ইত্যাদি।

বলি, এবেশের যে সনাতনপুঁতিগণ “লেডীকোরানী” হওয়ার প্রত্যাশা শুনিলে চমকিয়া উঠেন (shocked হন)—যাঁহার অবলার হস্তে পুতুল সাজান ও কুলের মালা গাঁথা ব্যতীত আর কোন শ্রবসাধ্য কার্যের ভার দেওয়ার কল্পনাই করিতে পারেন না, তাঁহার ঐ লেডীবোঝা হওয়ার প্রত্যাশা শুনিলে কি করিবেন? বুর্হা যাইবেন না ত?

৫। কাটিদেশে প্রায় তিন পোয়া (৬৫ ভরি)।

৬। চরণযুগলে ঠিক তিন সের (২৪০ ভরি) স্বর্ণের বোঝা।।

বেগমের নাকে যে নখ দুলিতেছে, উহার ব্যাস সার্থ চারি ইঞ্চি* পরিহিত পা-জামা বেচার। সল্‌মা চুন্ধিকর কারুকার্য ও বিবিধ প্রকারের (গোটা পাট্টার) ভারে অবনত। আর পা-জামা ও দোপাট্টার (চাদরের) ভারে বেচারী বধু ক্লান্ত।

ঐরূপ আট সের স্বর্ণের বোঝা লইয়া নড়াচড়া অসম্ভব, সূতরাং হতভাগী বধুব্বেগম জড়পদার্থ না হইয়া কি করিবেন? সর্বদাই তাঁহার মাথা ধরে; ইহার কারণ ত্রিবিধ—(১) সূচিকণ পাটা বসাইয়া কম্বিয়া বেশবিন্যাস, (২) বেণী ও সিঁথির উপর অলঙ্কারের বোঝা, (৩) অর্ধেক মাথায় আটা-সংযোগে আক্শা (রৌপ্যচূর্ণ) ও চুন্ধিক বসান হইয়াছে, ব্রুগ চুন্ধিক দ্বারা আচছাদিত। এবং কপালে রাস্কের বিচিত্র বর্ণের চাঁদ ও তারা আটা-সংযোগে বসান হইয়াছে। শরীর যেমন জড়পিণ্ড, মন ততোধিক জড়।

এই প্রকার জড়পিণ্ড হইয়া জীবন ধারণ করা বিড়ম্বনা মাত্র। কারণ কোনরূপ শারীরিক পরিশ্রম না করায় বেগমের স্বাস্থ্য একেবারে মাটি হয়। কক্ষ হইতে কক্ষান্তরে বাইতে তাঁহার চরণধর শ্রান্ত ক্লান্ত ও ব্যথিত হয়। বাহ্যিক সম্পূর্ণ অকর্মণ্য। অজীর্ণ, কুখামলা প্রভৃতি রোগ তাঁহার চির সহচর। শরীরে শক্তি না থাকিলে মনেও শক্তি থাকে না। সূতরাং ইহাদের মন এবং মস্তিষ্ক উভয়ই চির-রোগী। এমন স্বাস্থ্য লইয়া চিররোগী জীবন বহন করা কেমন কষ্টকর তাহা সকলেই বুঝিতে পারেন।

ঐ চিত্র দেখিলে কি মনে হয়? আমরা নিজের ও অপরের অবস্থা দেখিয়া-শুনিয়া চিন্তা করিলে যে শিক্ষালাভ করি, ইহাই প্রকৃত ধর্মোপদেশ। সময় সময় আমরা পাখী শাখী হইতে যে সদুপদেশ শুদ্ধজ্ঞানলাভ করি, তাহা পুঁথিগত বিদ্যার অপেক্ষা শ্রেষ্ঠ। একটি আতার পতন দর্শনে মহাশয় বিউটন বেজ্ঞানলাভ করিয়া-ছিলেন, সে জ্ঞান তৎকালিন কোন পুস্তকে ছিল না। ঐ বধুব্বেগমের অবস্থা চিন্তা করিতে গিয়া আমি আমাদের সামাজিক অবস্থার এই চিত্র আঁকিতে সক্ষম হইলাম। বাহা হউক, আমি উক্ত বধুব্বেগমের জন্য বড় দুঃখিত হইলাম, ডাবিলাস, “অভাগীর ইহলোক-পরলোক—উভয়ই নষ্ট।” যদি ঈশ্বর হিসাব-নিকাশ করেন যে, “তোমার মন, মস্তিষ্ক, চক্ষু প্রভৃতির কি সদ্যবহার করিয়াছ?” তাহার উত্তরে বেগম কি বলিবেন? আমি তখন সেই বাড়ীর একটি মেয়েকে বলিলাম, “তুমি যে হস্ত পদ দ্বারা কোন পরিশ্রম কর না, এজন্য খোদার নিকট কি প্রার্থনা করিবে?”

* কোন কোন নখের ব্যাস ছয় ইঞ্চি এবং পরিধি ন্যূনাতম ১৯ ইঞ্চি হয়।

(explanation) দিবে ?” সে বলিল, ‘আপুকা ক’হনা ঠিক হায়’—এবং সে যে সময় নষ্ট করে না, সতত চলা-ফেরা করে, আমাকে ইহাও জানাইল। আমি পুনরায় বলিলাম, “তুমি ঘুরা-ফেরা করিলেই ব্যায়াম হয় না। তুমি প্রতিদিন অন্ততঃ আধ ঘন্টা দৌড়ানোড়ি করিও।” দৌড়ানোড়ি কথাটার উত্তরে হাসির একটা গরুরা উঠিল। আমি কিন্তু ব্যথিত হইলাম, ভাবিলাম, “উল্টা বুখ্‌লি রাম।” কোন বিষয়ে জ্ঞান-লাভ করিবার শক্তিটুকুও ইহাদের নাই। আমাদের উন্নতির আশা বহুদূরে—ডরগা কেবল পতিতপাষন।

আমাদের শয়ন-কক্ষে যেমন সূর্যালোক প্রবেশ করে না, তদ্রূপ মনোকক্ষেও জ্ঞানের আলোক প্রবেশ করিতে পায় না। যেহেতু আমাদের উপযুক্ত স্কুল কলেজ একপ্রকার নাই। পুরুষ যত ইচ্ছা অধ্যয়ন করিতে পারেন—কিন্তু আমাদের নিমিত্ত জ্ঞানরূপ সুখাতাওয়ারের দ্বার কখনও সম্পূর্ণরূপে উন্মুক্ত হইবে কি? যদি কোন উদারচেতা মহাত্মা দয়া করিয়া আমাদের হাত ধরিয়া তুলিতে অগ্রসর হন, তাহা হইলে সহস্র জনে বাধা-বিধি উপস্থিত করেন।

সহস্র জনের বাধা ঠেলিয়া অগ্রসর হওয়া একজনের কার্য নহে। তাই একটু আশার আলোক-দীপ্তি পাইতে-না-পাইতে চির নিরাশার অন্ধকারে বিলীন হয়। স্ত্রী-শিক্ষার বিরুদ্ধে অধিকাংশ লোকের কেমন একটা কুসংস্কার আছে যে, তাঁহার “স্ত্রীশিক্ষা” শব্দ শুনিলেই “শিক্ষার কুফলের” একটা ভাবী বিভীষিকা দেখিয়া শিহরিয়া উঠেন। অশিক্ষিত স্ত্রীলোকের শতদোষ সমাজ অমানবদনে করা করিয়া থাকে, কিন্তু সানান্য শিক্ষাপ্রাপ্তা মহিলা দোষ না করিলেও সমাজ কোন কল্পিত দোষ শতগুণ বাড়াইয়া সে বেচারীরঐ “শিক্ষার” বাড়ে চাপাইয়া দেয় এবং শত কণ্ঠে সমস্বরে বলিয়া থাকে “স্ত্রীশিক্ষাকে নমস্কার”।

আজি কালি অধিকাংশ লোকে শিক্ষাকে কেবল চাকুরী লাভের পথ মনে করে। মহিলাগণের চাকুরী গ্রহণ অসম্ভব; সুতরাং এই সকল লোকের চক্ষে স্ত্রীশিক্ষা সম্পূর্ণ অনাবশ্যিক।

কাঁকা তর্কের অনুরোধে আবার কোন নেটীভ খ্রীস্টিয়ান হয় ত মনে করিবেন যে, রমণীর জ্ঞান-পিপাসাই মানবজাতির অধঃপাতের কারণ। যেহেতু শাস্ত্রে (Genesis-এ) দেয়া যায়, আদিমাতা হাভা (Eve) জ্ঞানবৃক্ষের ফল ভক্ষণ করিয়া-ছিলেন বলিয়া তিনি এবং আদম উভয়েই স্বর্গচ্যুত হইয়াছেন।*

*পরন্তু ইউরোপীয় খ্রীস্টানদের বিশ্বাস যে, Eve অভিনশা হইয়াছিলেন সত্য, কিন্তু খ্রীস্ট আদিয়া নারীজাতিকে সে অভিশাপ হইতে মুক্তি দিয়াছেন। তাঁহার বলেন, “Through woman came curse and sin; and through woman came blessing and salvation also.” ভাষার্থ—নারীর দোষে অগতে অভিশাপ ও পাপ আদিয়াছে এবং নারীর কল্যাণেই আনীর্বাধ এবং মুক্তিও আদিয়াছে। পুরুষ খ্রীস্টের পিতা হয় নাই, কিন্তু রমণী খ্রীস্টের মাতৃপদ প্রাপ্তে গৌরবাধিতা হইয়াছেন।

যাহা হউক “শিক্ষার” অর্থ কোন সম্প্রদায় বা জাতিবিশেষের “অল্প অনু-
করণ” নহে। ঈশ্বর যে স্বাভাবিক জ্ঞান বা ক্ষমতা (faculty) দিয়াছেন,
সেই ক্ষমতাকে অনুশীলন দ্বারা বৃদ্ধি (develop) করাই শিক্ষা। ঐ গুণের
সহ্যাবহার করা কর্তব্য এবং অপব্যবহার করা দোষ। ঈশ্বর আমাদেরকে হস্ত,
পদ, চক্ষু, কর্ণ, মনঃ এবং চিন্তাশক্তি দিয়াছেন। যদি আমরা অনুশীলন দ্বারা
হস্তপদ সৰল করি, হস্ত দ্বারা সংকার্য করি, চক্ষুদ্বারা মনোযোগ সহকারে
দর্শন (বা observe) করি, কর্ণ দ্বারা মনোযোগ পূর্বক শ্রবণ করি, এবং চিন্তা-
শক্তি দ্বারা আরও সুকৃতাভাবে চিন্তা করিতে শিখি—তাহাই প্রকৃত শিক্ষা। আমরা
কেবল “পাশ করা বিদ্যা”-কে প্রকৃত শিক্ষা বলি না। দর্শনশক্তি বৃদ্ধি বা
বিকাশ সম্বন্ধে একটা উদাহরণ দিতেছি :

যেখানে অশিক্ষিত চক্ষু ধূলি, কর্দম ব্যতীত আর কিছুই দেখিতে পায় না,
সেখানে (বিজ্ঞানের) শিক্ষিত চক্ষু অনেক মনোরম চমৎকার বস্তু দেখিতে পায়।
আমাদের পদদলিত যে কাদাকে আমরা কেবল মাটি, বালি, কয়লার কালি
ও জনমিশ্রিত পদার্থ বলিয়া তুচ্ছ জ্ঞান করি, বিজ্ঞানবিন্ তাহা বিশ্লিষ্ট করিলে
নিম্নলিখিত বস্তু চতুষ্টয় প্রাপ্ত হইবেন। যথা—বালুকা বিশ্লেষণ করিলে সাদা
পাথর বিশেষ (opal); কর্দম পৃথক করিলে চিনে বাসন প্রস্তুত করণোপযোগী
মৃত্তিকা, অথবা নীলকান্তমণি; পাথর-কয়লার কালি দ্বারা হীরক এবং জন
দ্বারা একবিন্দু নীহার। দেখিলেন, ভগিনি। যেখানে অশিক্ষিত চক্ষু কর্দম দেখে,
সেখানে শিক্ষিত চক্ষু হীরা-মাণিক দেখে! আমরা যে এহেন চক্ষুকে চির-অন্ধ
করিয়া রাখি, এজন্য খোদার নিকট কি উত্তর দিব?

মনে করুন, আপনার দাসীকে আপনি একটা সম্ভার্জনী দিয়া বলিলেন,
“যা, আমার অধুক বাড়ী পরিষ্কার রাখিস্।” দাসী সম্ভার্জনীটা আপনার দান
মনে করিয়া অতি যত্নে জরির ওয়াড়ে ঢাকিয়া উচ্চস্থানে তুলিয়া রাখিল—কোন
কালে ব্যবহার করিল না। এদিকে আপনার বাড়ী ক্রমে আবর্জনাপূর্ণ হইয়া
বাসের অযোগ্য হইল। অতঃপর আপনি যখন দাসীর কার্যের হিসাব লইবেন,
তখন বাড়ীর দুরবস্থা দেখিয়া আপনার মনে কি হইবে? শতমুখী ব্যবহার করিয়া
বাড়ী পরিষ্কার রাখিলে আপনি খুশী হইবেন, না তাহার প্রতি ভক্তি প্ৰদর্শন
করিলে সন্তুষ্ট হইবেন?

বিবেক আমাদেরকে আমাদের প্রকৃত অবনতি দেখাইয়া দিতেছে—এখন
উন্নতির চেষ্টা করা আমাদের কর্তব্য।

আমাদের উচিত যে, স্বহস্তে উন্নতির দ্বার উন্মুক্ত করি। এক স্থলে আকি বলিয়াছি, “ভরসা কেবল পতিতপাবন”; কিন্তু ইহাও স্মরণ রাখা উচিত যে, উর্ধ্বে হস্ত উত্তোলন না করিলে পতিতপাবনও হাত ধরিয়া তুলিবেন না। ঈশুর তাহাকেই সাহায্য করেন, যে নিজে নিজের সাহায্য করে (“God helps those that help themselves”)। তাই বলি আমাদের অবস্থা আমরা চিন্তা না করিলে আর কেহ আমাদের জন্য ভাবিবেন না। ভাবিলেও তাহাতে আমাদের ষোল আনা উপকার হইবে না।

অনেকে মনে করেন যে, পুরুষের উপাঞ্জিত ধন ভোগ করে বলিয়া নারী তাহার প্রভু সহ্য করে। কথাটা অনেক পরিমাণে ঠিক। বোধ হয়, খ্রীষ্টিয়তা প্রথমে শারীরিক শ্রমে অক্ষম হইয়া পরের উপাঞ্জিত ধনভোগে বাধ্য হয় এবং সেইজন্য তাহাকে বশতক নত করিতে হয়। কিন্তু এখন খ্রীষ্টিয়তার মন পর্যন্ত দাস (enslaved) হওয়ার দেখা যায়, যে স্থলে দরিদ্রা খ্রীলোকেরা সূচিক বা দাসীবৃত্তি দ্বারা অর্থ উপার্জন করিয়া পতি পুত্র প্রতিপালন করে, সেখানেও ঐ অকর্মণ্য পুরুষেরাই “স্বামী” থাকে। আবার যিনি স্বয়ং উপার্জন না করিয়া প্রভূত সম্পত্তির উত্তরাধিকারিণীকে বিবাহ করেন, তিনিও ত. খ্রীর উপর প্রভুত্ব করেন এবং খ্রী তাঁহার প্রভুত্বে আপত্তি করেন না।* ইহার কারণ এই যে, বহুকাল হইতে নারী-হৃদয়ের উচ্চ বৃত্তিগুলি অন্ধুরে বিনষ্ট হওয়ার, নারীর অন্তর, বাহির, বুদ্ধিহীন, হৃদয় সবই “দাসী” হইয়া পড়িয়াছে। এখন আর আমাদের স্বাধীনতা, গুজবিতা বলিয়া কোন বস্তু নাই—এবং তাহা লাভ করিবার পূর্বস্তু লক্ষিত হয় না। তাই বলিতে চাই :

“অতএব জাগ, জাগ গো ভগিনি।”

প্রথমে জাগিয়া উঠা সহজ নহে, জানি; সমাজ মহাগোলযোগ বাধাইবে, জানি; ভারতবাসী মুসলমান আমাদের জন্য “কংল”-এর (অর্থাৎ প্রাণদণ্ডের) বিধান দিবেন এবং হিন্দু চিন্তানল বা তুঘানলের ব্যবস্থা দিবেন, জানি।** (এবং

* বর্ধীর কোন কোন সনাজের খ্রীলোক যে স্বাধীনতার দাবী করিয়া থাকেন, তাহা প্রকৃত স্বাধীনতা নহে—কাঁকা আঙুরাজ মাত।

† *সনাজের সমঝদা? (reasonable) পুরুষেরা প্রাণদণ্ডের বিধান নাও দিতে পারেন, কিন্তু “unreasonable” অবলাসরলাগণ (বাঁহারা যুক্তিতর্কের দ্বার ধারেন না,; তাঁহারা) শতযুধী ‡ আইস-বঁটির ব্যবস্থা নিশ্চয় দিবেন, জানি।।

ভগ্নীদিগেরও জাগিবার ইচ্ছা নাই, জানি।) কিন্তু সনাজের কল্যাণের নিমিত্ত জাগিতে হইবেই। বলিয়াছি ত, কোন ভালো কাজ অনায়াসে করা যায় না। কারামুক্ত হইয়াও গ্যালিলিও বলিয়াছিলেন, কিন্তু যাহাই হউক পৃথিবী ঘুরিতেছে [“but nevertheless it (Earth) does move”]!! আমরাদিগকেও ঐরূপ বিবিধ নির্ধাতন সহ্য করিয়া জাগিতে হইবে। এস্থলে পাসী নারীদের একটি উদাহরণ দিতেছি। নিম্নলিখিত কতিপয় পংক্তি এক খণ্ড উর্দু সংবাদপত্র হইতে অনূদিত হইল :

এই পঞ্চাশ বর্ষের মধ্যে পাসী মহিলাদের অনেক পরিবর্তন হইয়াছে। বিলাতী সভ্যতা, যাহা তাঁহারা এখন লাভ করিয়াছেন, পূর্বে ইহার নাম মাত্র জানিতেন না। মুসলমানদের ন্যায় তাঁহারাও পর্দায় (অর্থাৎ অন্তঃপুরে) থাকিতেন। রোদ্দ ও বৃষ্টি হইতে রক্ষা পাইবার নিমিত্ত তাঁহারা ছত্র ব্যবহারে অধিকারিণী ছিলেন না। প্রথর রবির উত্তাপ সহিতে না পারিলে জুতাই ছত্ররূপে ব্যবহার করিতেন!! গাড়ীর ভিতর বসিলেও তাহাতে পর্দা থাকিত। অন্যের সম্মুখে স্বামীর সহিত আলাপ করিতে পাইতেন না। কিন্তু আজিকালি পাসী মহিলাগণ পর্দা ছাড়িয়াছেন! খোলা গাড়ীতে বেড়াইয়া থাকেন। অন্যান্য পুরুষের সহিত আলাপ করেন। নিজেরা ব্যবসায় (দোকানদারী) করেন। প্রথমে যখন কতিপয় ভঙ্গলোক তাঁহাদের স্ত্রীকে (পর্দার) বাহির করিয়াছিলেন, তখন চারিদিকে ভীষণ কলরব উঠিয়াছিল। ধবলকেশ বুদ্ধিমানগণ বলিয়াছিলেন, “পৃথিবীর ধ্বংস-কাল উপস্থিত হইল”!

কই পৃথিবী ত ধ্বংস হয় নাই। তাই বলি, একবার একই সঙ্গে সকলে স্বাধীনতার পথে অগ্রসর হও,—সময়ে সবই সহিয়া যাইবে। স্বাধীনতা অর্থে পুরুষের ন্যায় উন্নত অবস্থা বৃদ্ধিতে হইবে।

এখন প্রশ্ন হইতে পারে, কি করিলে লুপ্ত রত্ন উদ্ধার হইবে? কি করিলে আমরা দেশের উপযুক্ত কন্যা হইব? প্রথমতঃ সাংসারিক জীবনের পথে পুরুষের পাশাপাশি চলিবার ইচ্ছা অথবা দৃঢ় সংকল্প আবশ্যিক এবং আমরা যে গোলাম জাতি নই, এই কথায় বিশ্বাস স্থাপন করিতে হইবে।

পুরুষের সমকক্ষতা* লাভের জন্য আমরাদিগকে যাহা করিতে হয়, তাহাই করিব। যদি এখন স্বাধীনভাবে জীবিকা অর্জন করিলে স্বাধীনতা লাভ হয়,

*আমাদের উন্নতির ভাব বুঝাইবার জন্য পুরুষের সমকক্ষতা বলিতেছি। নচেৎ কিসের সহিত এ উন্নতির তুলনা দিব? পুরুষদের অধর্ষাই আমাদের উন্নতির আদর্শ। একটা পরিবারের পুত্র ও কন্যায় যে প্রকার সমকক্ষতা থাকা উচিত, আমরা তাহাই চাই। যেহেতু পুরুষ সনাজের পুত্র,

তবে তাহাই করিব। আবশ্যিক হইলে আমরা লেডী-কেরানী হইতে আরম্ভ করিয়া লেডী-ব্যাজিস্ট্রেট, লেডী-ব্যারিস্ট্রার, লেডী-জজ—সবই হইব। পঞ্চাশ বৎসর পরে লেডী Viceroy হইয়া এ দেশের সমস্ত নারীকে “নারী” করিয়া ফেলিব। উপার্জন করিব না কেন? আমাদের কি হাত নাই, না পা নাই, না বুদ্ধি নাই? কি নাই? যে পরিশ্রম আমরা “স্বামী”র গৃহকার্যে ব্যয় করি, সেই পরিশ্রম দ্বারা কি স্বাধীন ব্যবসায় করিতে পারিব না?*

আমরা যদি রাজকীয় কার্যক্ষেত্রে প্রবেশ করিতে না পারি, তবে কৃষিক্ষেত্রে প্রবেশ করিব। ভারতে বর দুর্লভ হইয়াছে বলিয়া কন্যা দ্বারা কান্দিয়া মন্নি কেন? কন্যাগুলিকে সুশিক্ষিতা করিয়া কার্যক্ষেত্রেও ছাড়িয়া দাও, নিজের অনুব্রত উপার্জন করুক। কার্যক্ষেত্রেও পুরুষের পরিশ্রমের মূল্য বেশী, নারীর কাজ সম্ভার বিক্রয় হয়। নিম্নশ্রেণীর পুরুষ যে কাজ করিলে মাসে ২১ বেতন পায়, ঠিক সেই কাজে স্ত্রীলোকে ১২ পায়। চাকরের খোরাকী মাসিক ৩, আর চাকর-রাণীর খোরাকী ২। অবশ্য কখন কখন স্ত্রীলোককে পারিশ্রমিক বেশী পাইতেও দেখা যায়।

যদি বল, আমরা দুর্বলভুজা, মূর্খ, হীন বুদ্ধি নারী। সে দোষ কাহার? আমাদের। আমরা বুদ্ধিবৃত্তির অনুশীলন করি না বলিয়া তাহা হীনতেজ হইয়াছে। এখন অনুশীলন দ্বারা বুদ্ধিবৃত্তিকে সতেজ করিব। যে বাছ-সত্য পরিশ্রম না করার হীনবল হইয়াছে, তাহাকে খাটাইয়া সবল করিলে হয় না? এখন একবার

আমরা সনাতনের কন্যা! আমরা ইহা বলি না যে, “কুমারের মাথার যেমন উকীষ দিয়াছেন, কুমারীর মাথায়ও তাহাই দিবেন।” বরং এই বলি, কুমারের মস্তক শিরশ্রাণে সাজাইতে যতখানি যত্ন ও ব্যয় করা হয়, কুমারীর মাথা চাকিবার ওড়নাখানা পুষ্পতের নিমিত্তও ততখানি যত্ন ব্যয় করা হউক।”

*কিন্তু আবাদিগকে তাহা করিতে হইবে কেন? কৃষক-প্রজা থাকিতে জমীদার কাঁধে লাঙ্গল নইবেন কেন? শুধু রাজার চাকর ছাড়া আর কিছু উচ্চতরের কার্য কি আমরা করিতে পারি না? কেরানী ইত্যাদির কথা কেবল উদাহরণ স্বরূপ বলা হইল। যেমন স্বর্ণের বর্ণনার বলিতে হয়—সেখানে শীত নাই,—গ্রীষ্ম নাই, কেবল চির বসন্ত বিরাজমান থাকে। স্বর্ণোদ্যানে মরকত, লতিকার হীরক-প্রসূন ফোটে ॥ তাই আমাদের উচ্চ আশা বুঝাইবার নিমিত্ত লেডী-ভাইসরর হইবার কথা না বলিলে কিসের সহিত আমাদের সে উচ্চতরের কার্যের উপমা দিব?

আবার ইহাও বলি, লেডী-কেরানী হওয়ার কথা কেবল বঙ্গদেশে যেমন shocking বোধ হয়, সেস্থল অন্যত্র বোধ হয় না। আমেরিকার লেডী-কেরানী বা লেডী-ব্যারিস্ট্রার প্রভৃতি বিরল নহে। এবং এমন একদিনও ছিল, যখন অন্যান্য দেশের মুসলমান সমাজে “স্ত্রী-কবি, স্ত্রী-দার্শনিক স্ত্রী-ঐতিহাসিক, স্ত্রী-ঔষধানিক, স্ত্রী-বক্তা, স্ত্রী-চিকিৎসক, স্ত্রী-সামাজিকবিদ” প্রভৃতি কিছুই অভাব ছিল না। কেবল বঙ্গীয় সোসাইটি-সমাজে ওস্তাদ রবীন্দ্র নাহি।

জ্ঞানচর্চা করিয়া দেখি ত এ অনুর্বর মস্তিষ্ক (dull head) স্মৃতিহীন হয় কি না।

পরিণেমে বলি, আমরা সনাজেরই অর্ধঅঙ্গ। আমরা পড়িয়া থাকিলে সমাজ উঠিবে কিরূপে? কোন ব্যক্তির এক পা বাঁধিয়া রাখিলে, সে খোঁড়াইয়া খোঁড়াইয়া কতদূর চলিবে? পুরুষদের স্বার্থ এবং আমাদের স্বার্থ তিনু নহে—একই। তাঁহাদের জীবনের উদ্দেশ্য বা লক্ষ্য যাহা, আমাদের লক্ষ্যও তাহাই। শিশুর জন্য পিতামাতা—উভয়েরই সমান দরকার। কি আব্যাস্তিক জগতে, কি সাংসারিক জীবনের পথে—সর্বত্র আমরা যাহাতে তাঁহাদের পাশাপাশি চলিতে পারি, আমাদের এরূপ গুণের আবশ্যিক। প্রথমতঃ উন্নতির পথে তাঁহারা ভ্রতবেগে অগ্রসর হইলেন—আমরা পশ্চাতে পড়িয়া রহিলাম। এখন তাঁহারা উন্নতিরাজ্যে গিয়া দেখিতেছেন সেখানে তাঁহাদের সঙ্গিনী নাই বলিয়া তাঁহারা একাকী হইয়া আছেন। তাই আবার কিরিয়া দাঁড়াইতে বাধ্য হইতেছেন এবং জগতের যে সকল সনাজের পুরুষেরা সঙ্গিনীসহ অগ্রসর হইতেছেন, তাঁহারা উন্নতির চরনসীমায় উপনীত হইতে চানিয়াছেন। আমাদের উচিত যে, তাঁহাদের সংসারের এক গুরুতর বোঝা বিশেষ না হইয়া আমরা সহচরী, সহকর্মিনী, সহধর্মিনী ইত্যাদি হইয়া তাঁহাদের সহায়তা করি। আমরা অকর্মণ্য পুতুল-জীবন বহন করিবার জন্য সৃষ্ট হই নাই, একথা নিশ্চিত।

ভরসা করি আমাদের স্বেযোগ্য ভগ্নীগণ এবিষয়ে আলোচনা করিবেন। আন্দোলন না করিলেও একটু গভীরভাবে চিন্তা করিয়া দেখিবেন।

নিরীহ বাঙ্গালী

আমরা দুর্বল নিরীহ বাঙ্গালী। এই বাঙ্গালী শব্দে কেমন স্মৃতির ভরল কোমল ভাব প্রকাশ হয়। আহা! এই অমিয়াসিক্ত বাঙ্গালী কোন্ বিধাতা গড়িয়াছিলেন? কুসুমের সৌকুমার্য, চঞ্জের চক্ৰিকা, মধুর মাধুরী, যুথিকার সৌরভ, স্মৃতির নীরবতা, ভুধরের অচলতা, নবনীর কোমলতা, সলিলের তরলতা—এক কথায় বিশ্বজগতের সমুদয় সৌন্দর্য এবং সিদ্ধতা লইয়া বাঙ্গালী গঠিত হইয়াছে, আমাদের নামটি যেমন শ্রুতিমধুর তদ্রূপ আমাদের সমুদয় ক্রিয়াকলাপও সহজ ও সরল।

আমরা শ্রুতিমতী কবিতা—যদি ভারতবর্ষকে ইংরাজী ধরনের একটি অটালিকা মনে করেন, তবে স্বদেশে তাহার বৈঠকখানা (drawing room) এবং বাঙ্গালী তাহাতে সাজসজ্জা (drawing room suit)। যদি ভারতবর্ষকে একটা সরোবর মনে করেন, তবে বাঙ্গালী তাহাতে পদ্মিনী। যদি ভারতবর্ষকে একখানা উপন্যাস মনে করেন, তবে বাঙ্গালী তাহার নামিকা! ভারতের পুরুষসমাজে বাঙ্গালী পুরুষিকা! * অতএব আমরা স্মৃতিমান কাব্য।

আমাদের খাদ্যভ্রব্যগুলি,—পুঁইশাকের ডাঁটা, সজিনা ও পুঁটি সংস্যের ঝোল—অতিশয় সরস। আমাদের খাদ্যভ্রব্যগুলি—মৃত, দুগ্ধ, ছানা, নবনীত, ক্ষীর সর, সন্দেশ ও রসগোল্লা—অতিশয় সুস্বাদু। আমাদের দেশের প্রধান ফল, আত্র ও কাঁঠাল—রসাল এবং মধুর। অতএব আমাদের খাদ্যসামগ্রী ত্রিগুণাত্মক—সরস, সুস্বাদু, মধুর।

আমাদের গুণ অনুসারে শরীরের পুষ্ট হয়। তাই সজিনা যেমন বীজবহুল, আমাদের দেহে তেমনই ভুঁড়িটি স্থূল। নবনীতে কোমলতা অধিক, তাই আমাদের স্বভাবের ভীকৃত্য অধিক। শারীরিক সৌন্দর্য সম্বন্ধে অধিক বলা নিঃপ্রয়োজন; এখন পোষাক-পরিচ্ছদের কথা বলি।

আমাদের বর অঙ্গ যেমন তৈলসিক্ত নবনিগঠিত স্নেকোমল, পরিধেয়ও তদ্রূপ অতি সুস্বাদু শিমলার ধূতি ও চাদর। ইহাতে বায়ুসঞ্চালনের (Ventilation-এর) কোন বাধা-বিধি হয় না! আমরা সময় সময় সভ্যতার অনুরোধে কোট শাট ব্যবহার করি বটে, কারণ পুরুষমানুষের সবই সহ্য হয়। কিন্তু আমাদের অর্ধাঙ্গী—হেমঙ্গী, ক্షাঙ্গিগণ তদনুকরণে ইংরাজ-ললনাদের নীলচ্ছ পরিচ্ছদ (শেরিজ জ্যাকেট) ব্যবহার করেন না। তাঁহারা অতিশয় সুকুমারী ললিতা লচ্ছাবতী লতিকা, তাই অতি মসৃণ ও সুস্বাদু “হাওয়ার শাডী” পরেন। বাঙ্গালীর সকল বস্ত্রই সুন্দর, স্বচ্ছ ও সহজলব্ধ।

বাঙ্গালীর গুণের কথা লিখিতে হইলে অনন্ত মসী, কাগজ ও অক্লান্ত লেখকের আশ্রয়। তবে সংক্ষেপে দুই চারিটা গুণের বর্ণনা করি।

ধনবৃদ্ধির দুই উপায়, বাণিজ্য ও কৃষি। বাণিজ্য আমাদের প্রধান ব্যবসায়। কিন্তু তাই বলিয়া আমরা (আরব্যোপন্যাসের) সিন্ধুসাগরের ন্যায় বাণিজ্যপোত

*“নামিকা” বলিয়া আমি ব্যাকরণের নিয়মভঙ্গ করি নাই। কারণ, অনেকে বাঙ্গালী পুরুষকে “বেচারী” বলে। উর্দু ভাষায় পুরুষকে “বেচার” ও স্ত্রীলোককে “বেচারী” বলে। যদি আমরা “বেচারী” হইতে পারি, তবে “পদ্মিনী”, “নামিকা ও পুরুষিকা” হইলে দোষ কি?

অনিশ্চিত ফললাভের আশায় অনন্ত অপার সাগরে ভাসাইয়া দিয়া নৈরাশ্যের ঝঞ্ঝাতে ওতপ্রোত হই না। আমরা ইহাকে (বাণিজ্য) সহজ ও স্বল্পায়াস-সাধ্য করিয়া লইয়াছি। অর্থাৎ বাণিজ্য-ব্যবসায়ের যে কঠিন পরিশ্রম আবশ্যিক, তাহা বর্জন করিয়াছি। এই জন্য আমাদের দোষানে প্রয়োজনীয় জিনিস নাই, শুধু বিলাস-দ্রব্য—নানাবিধ কেশতৈল ও নানাধকার রোগবর্ধক ঔষধ এবং রাঙা পিত্তলের অলঙ্কার, নকল হীরার আংটি, বোতাম ইত্যাদি বিক্রয়ার্থে মজুদ আছে। ঠিক্ণ ব্যবসায়ের কায়িক পরিশ্রম নাই। আমরা খাঁটি সোনা-রুপা বা হীরা-জওয়াহেরাৎ রাখি না, কারণ টাকার অভাব। বিশেষতঃ আজি কালি কোন্ জিনিসটার নকল না হয়?

যখনই কেহ একটু যত্ন পরিশ্রম স্বীকার পূর্বক “দীর্ঘকেশী” তৈল প্রস্তুত করেন, অমনই আমরা তদনুকরণে “হৃৎকেশী” তৈল আবিষ্কার করি। যদি কেহ “বৃক্ষকেশী” তৈল বিক্রয় করেন, তবে আমরা “শুভ্রকেশী” বাহির করি। “কুস্তনীনের” সঙ্গে “কেশলীন” বিক্রয় হয়। বাজারে “মস্তিষ্ক গিঁড়কারী” ঔষধ আছে, “মস্তিষ্ক উষ্ণকারী” দ্রব্যও আছে। এক কথায় বলি, যত প্রকারের নকল ও নিষ্প্রয়োজনীয় জিনিস হইতে পারে, সবই আছে। আমরা ধান্য তণ্ডুলের ব্যবসায় করি না, কারণ তাহাতে পরিশ্রম আবশ্যিক।

আমাদের অন্যতম ব্যবসায়—পাশ বিক্রয়। এই পাশ বিক্রেতার নাম “বর” এবং ক্রেতাকে “শুগুর” বলে। এক একটী পাশের মূল্য কত জান? “অর্ধেক রাজস্ব ও এক রাজকুমারী”। এম, এ, পাশ অমূল্যরত্ন, ইহা যে সে ক্রেতার ক্রেয় নহে। নিতান্ত সস্তা দরে বিক্রয় হইলে, মূল্য—এক রাজকুমারী এবং সমুদয় রাজস্ব। আমরা অলস, তরলমতি, শ্রমকাতর, কোমলাঙ্গ বাঙ্গালী কিনা, তাই ভাবিয়া দেখিয়াছি সশরীরে পরিশ্রম করিয়া মুদ্রালাভ করা অপেক্ষা Old fool শূগুরের যথাসর্বস্ব লুণ্ঠন করা সহজ।

এখন কৃষিকার্যের কথা বলি। কৃষি দ্বারা অল্প বৃদ্ধি হইতে পারে। কিন্তু আমরা ভাবিয়া দেখিয়াছি কৃষিবিভাগের কার্য (Agriculture) করা অপেক্ষা মস্তিষ্ক উর্বর (Brain culture) করা সহজ। অর্থাৎ কর্কশ উর্বর ভূমি কর্ষণ করিয়া ধান্য উৎপাদন করা অপেক্ষা মুখস্থ বিদ্যার জোরে অর্থ উৎপাদন করা সহজ। এবং কৃষিকার্যে পারদর্শিতা প্রদর্শন করা অপেক্ষা কেবল M. R. A. C. পাশ করা সহজ। আইনচর্চা করা অপেক্ষা কৃষি-বিষয়ে জ্ঞানচর্চা করা কঠিন। অথবা রৌদ্রের সময় ছত্র হস্তে কৃষিক্ষেত্র পরিদর্শন জন্য ইতস্ততঃ ভ্রমণ করা অপেক্ষা টানাপাখার তলে আরাম কেদারায় বসিয়া দুর্ভিক্ষ

সমাচার (Famine Report) পাঠ করা সহজ। তাই আমরা অনুরোধপাদনের চেষ্টা না করিয়া অর্থ উৎপাদনে সচেষ্ট আছি। আমাদের অর্থের অভাব নাই, সুতরাং অনুকষ্টও হইবে না। দরিদ্র হতভাগা সব অনুভাবে মরে মরুক, তা'তে আমাদের কি?

আমরা আরও অনেক প্রকার সহজ কার্য নির্বাহ করিয়া থাকি। যথা—

(১) রাজ্য স্থাপন করা অপেক্ষা “রাজা” উপাধি লাভ সহজ।

(২) শিল্পকার্যে পারদর্শী হওয়া অপেক্ষা B. Sc. ও D. Sc. পাশ করা সহজ।

(৩) অল্পবিস্তর অর্থব্যয়ে দেশে কোন মহৎ কার্য দ্বারা খ্যাতি লাভ করা অপেক্ষা “খাঁ বাহাদুর” বা “রায় বাহাদুর” উপাধিলাভ জন্য অর্থ ব্যয় করা সহজ।

(৪) প্রতিবেশী দরিদ্রদের শোক-দুঃখে ব্যথিত হওয়া অপেক্ষা, বিদেশীয় বড় লোকদের মৃত্যুদুঃখে “শোক সভার” সভ্য হওয়া সহজ।

(৫) দেশের দূভিক্ষ নিবারণের জন্য পরিশ্রম করা অপেক্ষা, আমেরিকার নিকট ভিক্ষা গ্রহণ করা সহজ।

(৬) স্বাস্থ্যরক্ষায় যত্নবান হওয়া অপেক্ষা স্বাস্থ্য নষ্ট করিয়া ঔষধ ও ডাক্তারের হস্তে জীবন সমর্পণ করা সহজ।

(৭) স্বাস্থ্যের উন্নতি দ্বারা মুগ্ধশ্রীর প্রকৃষ্টতা ও সৌন্দর্য বর্ধন করা (অর্থাৎ healthy & cheerful হওয়া) অপেক্ষা (শুধক গণ্ডে!) কালিডোর, মিল্ক অড রোজ ও ভিনোলিয়া পাউডার (Kalydore, Milk of Rose ও Vinolia powder) মাখিয়া সুন্দর হইতে চেষ্টা করা সহজ।

(৮) কাহারও নিকট প্রহারলাভ করিয়া তৎক্ষণাৎ বাহুবলে প্রতিশোধ লওয়া অপেক্ষা মানহানির মোকদ্দমা করা সহজ ইত্যাদি।

তারপর আমরা মৃত্তমান আলস্য—আমাদের গৃহিণীগণ এ বিষয়ে অগ্রণী। কেহ কেহ শ্রীমতীদিগকে স্বহস্তে রন্ধন করিতে অনুরোধ করিয়া থাকেন। কিন্তু বলি, আমরা যদি রোদ্রতাপ সহ্য করিতে না পারি, তবে আমাদের অর্ধাঙ্গীগণ কিরূপে অগ্নির উত্তাপ সহিবেন? আমরা কোমলাঙ্গ—তঁাহারা কোমলাঙ্গী; আমরা পাঠক, তঁাহারা পাঠিকা; আমরা লেখক, তঁাহারা লেখিকা। অতএব আমরা পাচক না হইলে তঁাহারা পাচিকা হইবেন কেন? সুতরাং যে লক্ষ্মীছাড়া দিব্যাঙ্গনাদিগকে রন্ধন করিতে বলে, তাহার ত্রিবিধ দণ্ড হওয়া উচিত। যথা তাহাকে (১) তুখানলে দণ্ড কর, অতঃপর (২) জবেহু কর, তারপর (৩) কাঁসী খাও!!

আমরা সকলেই কবি—আমাদের কাব্যে বীররস অপেক্ষা করুণরস বেশী। আমাদের এখানে লেখক অপেক্ষা লেখিকার সংখ্যা বেশী। তাই কবিতার ক্ষেত্রে বিনা কারণে অশ্রুপ্রবাহ বেশী বহিয়া থাকে। আমরা পদ্য লিখিতে বসিলে কোন বিষয়টা বাদ দিই? “ভগ্ন শূর্ণ”, “জীর্ণ কাঁথা”, “পুরাতন চাটজুতা”—কিছুই পরিত্যজ্য নহে। আমরা আবার কত নূতন শব্দের সৃষ্টি করিয়াছি; যথা—“অতি শুভ্রনীলাধর”, “শাশ্রুসজল নয়ন” ইত্যাদি। শ্রীমতীদের করুণ বিলাপ-পুলাপপূর্ণ পদ্যের “অশ্রুজলের” বন্যায় বঙ্গদেশ ধীরে ধীরে ডুবিয়া যাইতেছে! স্মরণে দেখিতেছেন, আমরা সকলেই কবি।

আর আশ্রুপ্রশংসা কত করিব? এখন উপসংহার করি।*

অর্ধাজী

কোন রোগীর চিকিৎসা করিতে হইলে প্রথমে রোগের অবস্থা জানা আবশ্যিক। তাই অবনাজাতির উন্মূতির পথ আবিষ্কার করিবার পূর্বে তাহাদের অবনতির চিত্র দেখাইতে হয়। আমি “ক্রীজাতির অবনতি” শীর্ষক প্রবন্ধে ভগিনীদিগকে জানাইয়াছি যে, আমাদের একটা রোগ আছে—দাসহ। সে রোগের কারণ এবং অবস্থা কতক পরিমাণে ইতোপূর্বে বর্ণনা করা হইয়াছে। এক্ষণে আমরা দেখাইতে চেষ্টা করিব, সেই রোগ হওয়ার আমাদের সামাজিক অবস্থা কেমন বিকৃত হইয়াছে। ঔষধ পথ্যের বিধান স্থানান্তরে দেওয়া হইবে।

এইখানে গোঁড়া পর্দাপ্রিয় ভগ্নীদের অবগতির জন্য দু একটা কথা বলিয়া রাখা আবশ্যিক বোধ করি। আমি অবরোধ প্রথার বিরুদ্ধে দণ্ডায়মান হই নাই। কেহ যদি আমার “ক্রীজাতির অবনতি” প্রবন্ধে পর্দা-বিষেয় ছাড়া আর কোন উদ্দেশ্য দেখিতে না পান, তবে আমাকে মনে করিতে হইবে, আমি নিজের ননোভাব উত্তমরূপে ব্যক্ত করিতে পারি নাই, অথবা তিনি প্রবন্ধটি ননোযোগ সহকারে পাঠ করেন নাই।

*গত ১৩১০ সালে “নিরীহ বাঙ্গালী” লিখিত হইয়াছে। সূত্রের বিষয় বর্তমান সালে আর বাঙ্গালী “পুস্তিকা” নহেন। এই পাঁচ বৎসরের মধ্যে এমন শুভ পরিবর্তন হইবে, ইহা কে জানিত? জগদীশ্বরকে ধন্যবাদ, এখন আমরা সাহসী বাঙ্গালী।

সে প্রবন্ধে প্রায় সমগ্র নারীজাতির উল্লেখ আছে। সকল সমাজের মহিলা-গণই কি অবরোধে বলিনী থাকেন? অথবা তাঁহারা পর্দানশীন নহেন বলিয়া কি আমি তাঁহাদিগকে সম্পূর্ণ উন্নত বলিয়াছি? আমি মানসিক দাসত্বের (enslaved মনের) আলোচনা করিয়াছি।

কোন একটা নূতন কাজ করিতে গেলে সমাজ পুথকত: গোলযোগ উপস্থিত করে, এবং পরে সেই নূতন চালচলন সহিয়া লয়, তাহারই দৃষ্টান্ত স্বরূপ পাসী মহিলাদের পরিবর্তিত অবস্থার উল্লেখ করিয়াছি। পূর্বে তাঁহারা ছত্র ব্যবহারেরও অধিকারিণী ছিলেন না, তারপর তাঁহাদের বাড়াবাড়িটা সীমা লঙ্ঘন করিয়াছে, তবুত পৃথিবী ধ্বংস হয় নাই। এখন পাসী মহিলাদের পর্দামোচন হইয়াছে সত্য, কিন্তু মানসিক দাসত্ব মোচন হইয়াছে কি? অবশ্যই হয় নাই। আর ঐ যে পর্দা ছাড়িয়াছেন, তাহা দ্বারা তাঁহাদের স্বকীয় বুদ্ধি-বিবেচনার ত কোন পরিচয় পাওয়া যায় না। পাসী পুরুষগণ কেবল অঙ্কভাবে বিলাতী সভ্যতার অনুকরণ করিতে যাইয়া স্ত্রীদিগকে পর্দার বাহিরে আনিয়াছে, ইহাতে অবলাদের জীবনীশক্তি ত কিছু পরিচয় পাওয়া যায় না—তাঁহারা যে জড়পদার্থ, সেই জড়পদার্থই আছেন। পুরুষ স্বখন তাঁহাদিগকে অন্ত:পুরে রাখিতেন, তাঁহারা তখন সেইখানে থাকিতেন। আবার পুরুষ স্বখন তাঁহাদের “নাকের দড়ী” ধরিয়া টানিয়া তাঁহাদিগকে মাঠে বাহির করিয়াছেন, তখনই তাঁহারা পর্দার বাহির হইয়াছেন! ইহাতে রমণীকুলের বাহাবুরী কি? ঐরূপ পর্দা-বিরোধ কখনই পুশংসনীয় নহে।

কলম্বস স্বখন আমেরিকা আবিষ্কার করিতে কৃতসঙ্কল্প হন, তখন লোকে তাঁহাকে বাতুল বলে নাই কি? নারী আপন স্বহ-স্বামি স্বকিয়া আপনাকে নরের ন্যায় শ্রেষ্ঠ জ্ঞান করিতে চাহে, ইহাও বাতুলতা বই আর কি?

পুরুষগণ স্ত্রীজাতির প্রতি যতটুকু সম্মান প্রদর্শন করেন, তাহাতে আমরা সম্পূর্ণ তৃপ্ত হইতে পারি না। লোকে কালী, শীতলা প্রভৃতি রাক্ষস-প্রকৃতির দেবীকে ভয় করে, পূজা করে, সত্য। কিন্তু সেইরূপ বাষিনী, নাগিনী, সিংহী প্রভৃতি “দেবী”ও কি ভয় ও পূজা লাভ করে না? তবেই দেখা যায় পূজাটা কে পাইতেছেন,—রমণী কালী, না রাক্ষসী নৃশুমালিনী?

নারীকে শিক্ষা দিবার জন্য গুরুলোকে সীতা দেবীকে আদর্শরূপে দেখাইয়া থাকেন। সীতা অবশ্যই পর্দানশীন ছিলেন না। তিনি রামচন্দ্রের অর্ধাকী, স্বামী, পুণয়িনী এবং সহচরী। আর রামচন্দ্র প্রেমিক, ধার্মিক,—সবই। কিন্তু রাম সীতার প্রতি যে ব্যবহার করিয়াছেন, তাহাতে প্রকাশ পায় যে, একটি

পুতুলের সঙ্গে কোন বালকের যে-সম্বন্ধ, সীতার সঙ্গে রামের সম্বন্ধও প্রায় সেইরূপ। বালক ইচ্ছা করিলে পুতুলকে প্রাণপণে ভালোবাসিতে পারে; পুতুল হারাইলে বিরহে অধীর হইতে পারে; পুতুলের ভাবনায় অনিদ্রায় রজনী যাপন করিতে পারে; পুতুলটা যে ব্যক্তি চুরি করিয়াছিল, তাহার প্রতি খড়গহস্ত হইতে পারে; হারান পুতুল ফিরিয়া পাইলে আত্মলাদে আটখানা হইতে পারে; আবার বিনা কারণে রাগ করিয়াও পুতুলটা কাদায় ফেলিয়া দিতে পারে,—কিন্তু পুতুল বালকের কিছুই করিতে পারে না, কারণ, হস্তপদ খাকা সত্ত্বেও পুতুলিকা অচেতন পদার্থ। বালক তাহার পুতুল স্বেচ্ছায় অনলে উৎসর্গ করিতে পারে, পুতুল পুড়িয়া গেল দেখিয়া তুমি লুটাইয়া ঝুলি-ঝুলিত হইয়া উঠেচ; স্বরে কাঁদিতে পারে !!

রামচন্দ্র “স্বামিস্বের” ঘোল আনা পরিচয় দিয়াছেন !! আর সীতা?—কেবল প্রভু রামের সহিত বনযাত্রার ইচ্ছা প্রকাশ করিয়া দেখাইয়াছেন যে, তাঁহারও ইচ্ছা প্রকাশের শক্তি আছে। রাম বেচারি অবাধ বালক, সীতার অনুভব-শক্তি আছে, ইহা তিনি বুঝিতে চাহেন নাই, কেননা, বুঝিয়া কাঁদ করিতে গেলে স্বামিস্বটা পূর্ণমাত্রায় খাটান যাইত না;—সীতার অমন পবিত্র হৃদয়খানি অবিশ্বাসের পদাঘাতে দলিত ও চূর্ণ করিতে পারা যাইত না!

আচ্ছা, দেশ কালের নিয়মানুসারে কবির ভাষায় স্বর মিলাইয়া না হয় মনিয়া লই যে, আমরা স্বামীর দাসী নহি—অর্ধাঙ্গী। আমরা তাঁহাদের গৃহে গৃহিণী, স্বরণে (না হয়, অন্তত: তাঁহাদের চাকুরী উপলক্ষে যথা তথা) অনুগামিনী, স্তম্ভ-দুঃখে সমভাগিনী, ছায়াতুল্যা সহচরী ইত্যাদি।

কিন্তু কলিযুগে আমাদের ন্যায় অর্ধাঙ্গী লইয়া পুরুষগণ কিরূপ বিকলাঙ্গ হইয়াছেন, তাহা কি কেহ একটু চিন্তাচক্ষে দেখিয়াছেন? আক্ষেপের (অথবা “প্রভু”দের সৌভাগ্যের) বিষয় যে, আমি চিত্রকর নহি—নতুবা এই নারীরূপ অর্ধাঙ্গ লইয়া তাঁহাদের কেমন অপরূপ মূর্তি হইয়াছে, তাহা আঁকিয়া দেখাইতাম।

গুরুকেশ বুদ্ধিমানগণ বলেন যে, আমাদের সাংসারিক জীবনটা দ্বিচক্র শকটের ন্যায়—ঐ শকটের এক চক্র পতি, অপরটি পত্নী। তাই ইংরাজী ভাষায় কথায় কথায় স্ত্রীকে অংশিনী (“partner”), উত্তমার্ধ (“better half”) ইত্যাদি বলে। জীবনের কর্তব্য অতি গুরুতর, সহজ নহে—

“সুকঠিন গার্হস্থ্য ব্যাপার

স্বশৃঙ্খলে কে পারে চালাতে?

রাজ্যশাসনের নীতি নীতি

সুক্লেভাবে রয়েছে ইহাতে।”

বোধ হয় এই গাঁইছ্য ব্যাপারটাকে মন্তকস্বরূপ কল্পনা করিয়া শাস্ত্রকারগণ পতি ও পত্নীকে তাহার অঙ্গস্বরূপ বলিয়াছেন। তবে দেখা যাউক বর্তমান যুগে সমাজের মূর্তিটা কেমন।

মনে করুন, কোন স্থানে পূর্বদিকে একটি বৃহৎ দর্পণ আছে, যাহাতে আপনি আপাদমস্তক নিরীক্ষণ করিতে পারেন। আপনার দক্ষিণাঙ্গভাগ পুরুষ এবং বামাঙ্গভাগ স্ত্রী। এই দর্পণের সম্মুখে দাঁড়াইয়া দেখুন—

আপনার দক্ষিণ বাহু দীর্ঘ (ত্রিশ ইঞ্চি) এবং স্থূল, বামবাহু দৈর্ঘ্যে চব্বিশ ইঞ্চি এবং ক্ষীণ। দক্ষিণ চরণ দৈর্ঘ্যে ১২ ইঞ্চি, বাম চরণ অতিশয় ক্ষুদ্র। দক্ষিণ স্কন্ধ উচ্চতায় পাঁচ ফিট, বাম স্কন্ধ উচ্চতায় চারি ফিট। (তবেই মাথাটা সোজা থাকিতে পারে না, বাম দিকে ঝুকিয়া পড়িতেছে। কিন্তু আবার দক্ষিণ কর্ণ-ভারে বিপরীত দিকেও একটু ঝুকিয়াছে।) দক্ষিণ কর্ণ হস্তিকর্ণের ন্যায় বৃহৎ, বাম কর্ণ রাসভকর্ণের ন্যায় দীর্ঘ। দেখুন!—ভাল করিয়া দেখুন, আপনার মূর্তিটা কেমন! যদি এ মূর্তিটা অনেকের মনোমত না হয়, তবে দ্বিচক্র শটকের গতি দেখাই। যে শকটের এক চক্র বড় (পতি) এবং এক চক্র ছোট (পত্নী) হয়, সে শকট অধিক দূরে অগ্রসর হইতে পারে না;—সে কেবল একই স্থানে (গৃহ-কোণেই) ঘুরিতে থাকিবে। তাই ভারতবাসী উন্নতির পথে অগ্রসর হইতে পারিতেছেন না।

সমাজের বিধি-ব্যবস্থা আমাদের অবস্থা হইতে সম্পূর্ণ পৃথক রাখিয়াছে; তাঁহাদের সুখ-দুঃখ এক প্রকার, আমাদের সুখ-দুঃখ অন্য প্রকার। এস্থলে বাবু রবীন্দ্রনাথ ঠাকুরের “নবদম্পতীর প্রেমালাপ” কবিতার দুই চারি ছত্র উদ্ধৃত করিতে বাধ্য হইলাম:

“বর। কেন সখি কোণে কাঁদিছ বসিয়া ?

“কনে। পুষ্টি মেনিটারে ফেলিয়া এসেছি ঘরে।

* * *

“বর। কি করিছ বনে কুলুভবনে ?

“কনে। খেতেছি বসিয়া চোপা কুল।

* * *

“বর। অগৎ ছানিয়া, কি দিব আনিয়া জীবন করি ক্ষয় ?

তোমা তরে সখি, বল করিব কি ?

“কনে। আরো কুল পাড় গোটা ছয়।

* * *

“বর। বিরহের বেলা কেননে কাটিবে?

“কনে। দেব পুতুলের বিয়ে।”

সুতরাং দেখা যায় কন্যাকে একরূপ শিক্ষা দেওয়া হয় না, যাহাতে সে স্বামীর ছায়াতুল্যা সহচরী হইতে পারে। পুত্রদের বিদ্যার গতির সীমা নাই, স্ত্রীদের বিদ্যার দোড় সচরাচর “বোধোদয়” পর্যন্ত।

স্বামী যখন পৃথিবী হইতে সূর্য ও নক্ষত্রের দূরত্ব নাপেন, স্ত্রী তখন একটা বালিশের ওয়াড়ের দৈর্ঘ্য প্রস্থ (সেলাই করিবার জন্য) নাপেন! স্বামী যখন কল্পনা-সাহায্যে সূর্যর আকাশে গ্রহনক্ষত্রমালা-বেষ্টিত সৌরজগতে বিচরণ করেন সূর্যমণ্ডলের ঘনফল তুল্যদণ্ডে ওজন করেন এবং ধুমকেতুর গতি নির্ণয় করেন স্ত্রী তখন রন্ধনশালায় বিচরণ করেন, চাউল ভাল ওজন করেন এবং রাঁধুণীর গতি নির্ণয় করেন। বলি জ্যোতির্বেত্তা মহাশয়, আপনার পাশে আপনার সহ-ধমিনী কই? বোধ হয়, পৃথিবী যদি আপনার সঙ্গে সূর্যমণ্ডলে যান, তবে তথায় পঁহুঁছিব্বার পূর্বেই পশ্চিমদেহে উভাপে বাষ্পীভূত হইয়া যাইবেন। তবে সেখানে গ্রহণীর না যাওয়াই ভাল !!

অনেকে বলেন, স্ত্রীলোকদের উচ্চশিক্ষার প্রয়োজন নাই। মেয়েরা চর্বা-চোষ্য রাঁবিতে পারে, বিবিধ প্রকার সেলাই করিতে পারে, দুই-চারিখানা উপন্যাস পাঠ করিতে পারে, ইহাই যথেষ্ট। আর বেশী আবশ্যিক নাই। কিন্তু ডাক্তার বলেন যে, আবশ্যিক আছে, যেহেতু মাতার দোষ গুণ লইয়া পুত্রগণ ধরাধামে অবতীর্ণ হয়। এইজন্য দেখা যায় যে, আমাদের দেশে অনেক বালক শিক্ষকের বৈরাগ্যভাড়া কণ্ঠস্থ বিদ্যার জোরে এফ. এ., বি. এ. পাশ হয় বটে; কিন্তু বালকের মনটা তাহার মাতার সহিত রাঁধাঘরেই ঘুরিতে থাকে! তাহাদের বিদ্যা পরীক্ষায় এ কথাটির সত্যতার উপলক্ষ হইতে পারে।*

* “দাসী” পত্রিকা হইতে কৃতকগুলি প্রশ্নোত্তর উদ্ধৃত করিবার লোভ সঞ্চার করিতে পারিতেছি না—

প্রশ্ন। When was Cromwell born (ক্রমওয়েলের জন্ম কখন হইয়াছিল)?

উত্তর। In the year 1649 when he was fourteen years old ১৬৪৯ সালে যখন তিনি চৌদ্দ বৎসরের ছিলেন)।

প্রশ্ন। Describe his continental policy (তাহার রাষ্ট্রনীতি বর্ণনা কর)।

উত্তর। He was honest and truthful and he had nine children (তিনি সাধু প্রকৃতি এবং সত্যবাদী ছিলেন এবং তাহার নয়জন সন্তানসম্পত্তি ছিল)।

আবার জটনক বন্ধু তাঁহার ছাত্রকে উত্তর দক্ষিণ প্রভৃতি দিগ্‌নির্দেশের কথা (cardinal points) বুঝাইতেছিলেন। শেষে তিনি প্রশ্ন করিলেন, যদি তোমার দক্ষিণ হস্ত পশ্চিমে এবং বাম হস্ত পূর্বে থাকে, তবে তোমার মুখ কোন্ দিকে হইবে? উত্তর পাইলেন, “আবার পশ্চাৎ দিকে!”

বাঁহারা কন্যাব ব্যায়াম করা অনাবশ্যক মনে করেন, তাঁহারা দৌহিত্রকে ফুটপুট “পাহল-ওয়ান” দেখিতে চাহেন কি না? তাঁহাদের দৌহিত্র ষুধিটা ঝাইয়া ঝাপড়টা মারিতে পারে, এরূপ ইচ্ছা করেন কি না? যদি সেরূপ ইচ্ছা করেন, তবে বোধ হয়, তাঁহারা স্কুমারী গোলাপ-লতিকায় কাঁঠাল ফলাইতে চাহেন!! আর যদি তাঁহারা ইচ্ছা করেন যে দৌহিত্রও বলিষ্ঠ না হয়, বরং পয়জার পেটা হইয়া নত মস্তকে উটচোখের বলে, “মাং মাঝো! চোচ্ লাগ্তা হায়!!” এবং পয়জার লাভ শেষ হইলে দূরে গিয়া প্রহাবকর্তীকে শাসাইয়া বলে যে, “কায় মারতা ধা? হার নাশিষ করেগা!” তাহা হইলে আমি তাঁহাদিগকে আনাব বক্তব্য বুঝাইতে অক্ষম।

খ্রীষ্টিয়ান-সমাজে যদিও খ্রীশ্কার যথেষ্ট সুবিধা আছে, তবু রমণী আপন স্বামি যোল আনা ভোগ করিতে পার না। তাহাদের মন দাস্য হইতে মুক্তি পায় না। স্বামী ও স্ত্রী কতক পরিমাণে জীবনের পথে পাশাপাশি চলিয়া থাকেন বটে; কিন্তু প্রত্যেক উত্তমার্ধী (Better half) তাঁহার অংশীর (Partner-এর) জীবনে আপন জীবন মিনাইয়া ত্যাগী হইয়া যান না। স্বামী যখন ঋণজালে জড়িত হইয়া ভাবিয়া ভাবিয়া মরনে মরিভেছেন, স্ত্রী তখন একটা নূতন টুপীর (bonnet-এর) চিন্তা করিতেছেন। কারণ তাঁহাকে কেবল মূর্তিরতী কবিতা হইতে শিক্ষা দেওয়া হইয়াছে—তাই তিনি মনোরমা কবিতা সাজিয়া থাকিতে চাহেন। ঋণদায়ক গদ্য (prosaic) অবস্থা তিনি বুঝিতে অক্ষম।

প্রশ্ন। What is the adjective of ass (গর্দভের বিশেষণ কি)?

উত্তর। Assansole (আগানসোল)।

প্রশ্ন। Who was Chandra Gupta (চন্দ্রগুপ্ত কে)?

উত্তর। Chandra Gupta was the grand daughter of Asoka (চন্দ্রগুপ্ত অশোকের দৌহিত্রী)।

“পন্নীস্কারহস্য। ‘কলা ঝলসাইতে লাগিল’ ইহার ইংরাজী অনুবাদ করিতে বলা হইয়াছিল। একজন ছাত্র লিখিয়াছেন, ‘roasted some plantations’? আর একজন লিখিয়াছেন, ‘roasted some plantagenets’; অপর একজন লিখিয়াছেন, ‘roasted some plaintiffs’ কেহ মনে করিবেন না যে, ইহা কল্পিত উত্তর। গত্য সত্যই একই উত্তর পাওয়া গিয়াছে।”

এখন মুসলমান সমাজে প্রবেশ করা যাউক : মুসলমানের মতে আমরা পুরুষের “অর্ধেক”, অর্থাৎ দুইজন নারী একজন নরের সমতুল্য। অথবা দুইটি ভ্রাতা ও একটি ভগিনী একত্র হইলে আমরা “আড়াই জন” হই। আপনারা “মহম্মদীয় আইনে” দেখিতে পাইবেন যে বিধান আছে, পৈতৃক সম্পত্তিতে কন্যা পুত্রের অর্ধেক ভাগ পাইবে। এ নিয়মটি কিন্তু পুস্তকেই সীমাবদ্ধ। যদি আপনারা একটু পরিশ্রম স্বীকার করিয়া কোন ধনবান মুসলমানের সম্পত্তি বিভাগ করা দেখেন, কিম্বা জমীদারী পরিদর্শন করিতে যান, তবে দেখিবেন, কার্যতঃ কন্যার ভাগে শূন্য (০) কিংবা যৎসামান্য পড়িতেছে।

আমি এখন অপাধিব সম্পত্তির কথা বলিব। পিতার স্নেহ, বন্ধ ইত্যাদি অপাধিব সম্পত্তি। এখানেও পক্ষপাতিতার মাত্রা বেশী। ঐ বন্ধ, স্নেহ, হিতৈষিতার অর্ধেকই আমরা পাই কই? যিনি পুত্রের সুশিক্ষার জন্য চারি জন শিক্ষক নিযুক্ত করেন, তিনি কন্যার জন্য দুই জন শিক্ষয়িত্রী নিযুক্ত করেন কি? যেখানে পুত্র তিনটা (বি. এ. পর্যন্ত) পাশ করে, সেখানে কন্যা দেড়টা পাশ (এণ্ট্রান্স পাশ ও এফ. এ. ফেল) করে কি? পুত্রদের বিদ্যালয়ের সংখ্যা করা যায় না, বালিকাদের বিদ্যালয় সংখ্যায় পাওয়াই যায় না। যেস্থলে ভ্রাতা “শমস্-উল-ওলামা”* সেস্থলে ভগিনী “নজম্-উল্-ওলামা” হইয়াছেন কি? তাঁহাদের অন্তঃপুর-গগনে অসংখ্য “নজমুনুসা” “শাম্-গনুসা” শোভা পাইতেছেন বটে। কিন্তু আমরা সাহিত্য-গগনে “নজম্-উল্-ওলামা” দেখিতে চাই।

আমাদের জন্য এ দেশে শিক্ষার বন্দোবস্ত সচরাচর এইরূপ—প্রথমে আরবীয় বর্ণমালা, অতঃপর কোরআন শরীফ পাঠ। কিন্তু শব্দগুলির অর্থ বুঝাইয়া দেওয়া হয় না, কেবল স্মরণশক্তির সাহায্যে টিমাপাখীর মত আবৃত্তি কর। কোন পিতার হিতৈষণীর মাত্রা বৃদ্ধি হইলে, তিনি দুহিতাকে “হাফেজা” করিতে চেষ্টা করেন। সমুদয় কোরআনখানি যাঁহার কণ্ঠস্থ থাকে, তিনিই “হাফেজ”। আমাদের আরবী শিক্ষা ঐ পর্যন্ত। পারস্য এবং উর্দু শিখিতে হইলে, প্রথমেই “করিমা ববখশা এ বরহালে মা” এবং একেবারে (উর্দু) “বানাতন্ নাস্” পড়।** একে আকার

* “শম্-উল্-ওলামা”, পণ্ডিতদের উপাধি বিশেষ। ঐ শব্দগুলির অনুবাদ এইরূপ হয়—শম্, Sun; ওলামা, (“আলম” শব্দের বহুবচন) learned men. এইরূপ নজম্-উল্-ওলামা অর্থে the “star” of the learned men (বা women) বুঝিতে হইবে।

**এইখানে একটি দশম বর্ষের বালিকার গল্প বনে পড়িল। পরীক্ষার অনেকেই বাড়াই ধান জলিবার জন্য “ডানানী” নিযুক্ত হয়। সেই বালিকা “বানাতন্ নাস্” পড়িতে বাইয়া হোসেন-

ইকার নাই, তাতে আবার আর কোন সহজ পাঠ্যপুস্তক পূর্বে পড়া হয় নাই, সুতরাং পাঠের গতি দ্রুতগামী হয় না। অনেকের ঐ কয়খানি পুস্তক পাঠ শেষ হওয়ার পূর্বেই কন্যা-জীবন শেষ হয়। বিবাহ হইলে বালিকা ভাবে, “বাহা হোক, পড়া হইতে রক্ষা পাওয়া গেল।” কোন কোন বালিকা রন্ধন ও সুচীকর্মে সুনিপুণা হয়। বঙ্গদেশেও বালিকাদিগকে রীতিমত বঙ্গভাষা শিক্ষা দেওয়া হয় না। কেহ কেহ উর্দু পড়িতে শিখে, কিন্তু কলম ধরিতে শিখে না। ইহাদের উন্নতির চরম সীমা সল্ফা চুমকির কারুকার্য, উলের জুতা-মোজা ইত্যাদি প্রস্তুত করিতে শিক্ষা পর্যন্ত।

যদি ধর্মগুরু মোহাম্মদ (দ:) আপনাদের হিসাব-নিকাশ লয়েন যে, “তোমরা কন্যার প্রতি কিরূপ ন্যায় ব্যবহার করিয়াছ?” তবে আপনারা কি বলিবেন?

পয়গম্বরদের ইতিহাসে শুনা যায়, জগতে যখনই মানুষ বেশী অত্যাচার-অনাচার করিয়াছে, তখনই এক-একজন পয়গম্বর আসিয়া দুষ্টের দমন ও শিষ্টের পালন করিয়াছেন। আরবে স্ত্রীজাতির প্রতি অধিক অত্যাচার হইতেছিল; আরববাসিগণ কন্যাহত্যা করিতেছিল, তখন হজরত মোহাম্মদ (দ:) কন্যাকুলের রক্ষকস্বরূপ দণ্ডায়মান হইয়াছিলেন। তিনি কেবল বিবিধ ব্যবস্থা দিয়াই ক্ষান্ত থাকেন নাই, স্বয়ং কন্যা পালন করিয়া আদর্শ দেখাইয়াছেন। তাঁহার জীবন ফাতেমা-মর করিয়া দেখাইয়াছেন—কন্যা কিরূপ আনরণীয়া। সে আদর, সে স্নেহ জগতে অতুল।

আহা! তিনি নাই বলিয়া আমাদের এ দুর্দশা। তবে আইস ভগিনীগণ! আমরা সকলে সম্মুখে বলি:

“করিমা ববখশা-এ বরহালে মা।” করিম (ঈশ্বর) অবশ্যই কৃপা করিবেন। যেহেতু “সাধনায় সিদ্ধি।” আমরা ‘করিমের’ অনুগ্রহ লাভের জন্য যত্ন করিলে অশ্যই তাঁহার করুণা লাভ করিব। আমরা ঈশ্বর ও মাতার নিকট প্রাতাদের ‘অর্ধেক নহি। তাহা হইলে এইরূপ স্বাভাবিক বন্দোবস্ত হইত—পুত্র যেখানে দশমাস

আবার মেজাজের বর্ণনাটা হৃদয়ঙ্গর করা অপেক্ষা ভানানীদের ধানভানা কাজটা সহজ মনে করিত। তাই স্নেহোপ পাইলেই সে চোঁকিশালে গিয়া দুই এক সের ধানের শ্রাঙ্ক করিত! সে ধান্য হইতে ততুল পরিষ্কার পাওয়া যাইত না—তাহা “whole meal” ময়দার ন্যায় ধান্য-তুল-ততুল মিশ্রিত এক প্রকার অস্বস্ত সাবগ্ৰী হইত। যে রোগীদের জন্য হোলমিল ময়দার ব্যবস্থা দেওয়া হয়, তাঁহাদের জন্য উক্ত হোল-মিল-ততুলচূর্ণ অবশ্যই উপকারী ষাদ্য, সন্দেহ নাই।

স্থান পাইবে, দুহিতা সেখানে। পাঁচ মাস। পুত্রের জন্য যতখানি দুগ্ধ আমদানী হয়, কন্যার জন্য তাহার অর্ধেক। সৈরুপ ত নিয়ম নাই। আমরা জননীর সুস্থ-মমতা ভ্রাতার সমানই ভোগ করি। মাতৃ-হৃদয়ে পক্ষপাতিতা নাই। তবে কেমন করিয়া বলিব, ঈশুর পক্ষপাতী? তিনি কি মাতা অপেক্ষা অধিক করুণাময় নহেন?

আমি এবার রন্ধন ও সূচীকার্য সম্বন্ধে বাহা বলিয়াছি, তাহাতে আবার যেন কেহ মনে না করেন যে, আমি সূচীকর্ম ও রন্ধনশিল্পের বিরোধী। জীবনের প্রধান প্রয়োজনীয় বস্তু অনুবস্তু; সুতরাং রন্ধন ও সেলাই অবশ্য শিক্ষণীয়। কিন্তু তাই বলিয়া জীবনটাকে শুধু রান্নাঘরেই সীমাবদ্ধ রাখা উচিত নহে।

স্বীকার করি যে, শারীরিক দুর্বলতা বশতঃ নারীজাতি অপর জাতির সাহায্যে নির্ভর করে। তাই বলিয়া পুরুষ “প্রভু” হইতে পারে না। বারণ, জগতে দেখিতে পাই, প্রত্যেকেই প্রত্যেকের নিকট কোন-না-কোন প্রকার সাহায্য প্রার্থনা করে, যেন একে অপরের সাহায্য ব্যতীত চলিতে পারে না। তরুলতা যেমন বৃষ্টির সাহায্যপ্রার্থী, মেঘও সেইরূপ তরুর সাহায্য চায়। জল বৃদ্ধির নিমিত্ত নদী বর্ষার সাহায্য পায়, মেঘ আবার নদীর নিকট ঋণী। তবে তরঙ্গিনী কাদম্বিনীর “স্বামী”, না কাদম্বিনী তরঙ্গিনীর “স্বামী”? এ স্বাভাবিক নিয়মের কথা ছাড়িয়া কেবল সামাজিক নিয়মে দৃষ্টিপাত করিলেও আমরা তাহাই দেখি।

কেহ সুত্রধর, কেহ তন্তুবায় ইত্যাদি। একজন ব্যারিষ্টার ডাক্তারের সাহায্য-প্রার্থী, আবার ডাক্তারও ব্যারিষ্টারের সাহায্য চাহেন। তবে ডাক্তারকে ব্যারিষ্টারের স্বামী বলিব, না ব্যারিষ্টার ডাক্তারের স্বামী? যদি ইহাদের কেহ কাহাকে “স্বামী” বলিয়া স্বীকার না করেন, তবে শ্রীমতীগণ জীবনের চিরসঙ্গী শ্রীমান-দিগকে “স্বামী” ভাবিবেন কেন?

আমরা উত্তমার্ধ (better halves) তাঁহারা নিকৃষ্টার্ধ (worse halves), আমরা অর্ধাঙ্গী, তাঁহারা অর্ধাঙ্গ। অবলার হাতেও সমাজের জীবন-মরণের কাঠি আছে, যেহেতু “না জাগিলে সব ভারত-ললনা” এ ভারত আর জাগিতে পারিবে না। প্রভুদের ভীরুতা কিম্বা তেজস্বিতা জননীর ইচ্ছার উপর নির্ভর করে। তবে কেবল শারীরিক বলের দোহাই দিয়া অদূরদর্শী ভ্রাতৃমহোদয়গণ যেন শ্রেষ্ঠত্বের দাবী না করেন।

আমরা পুরুষের ন্যায় সুশিক্ষা অনুশীলনের সম্যক সুবিধা না পাওয়ার পশ্চাতে পড়িয়া আছি। সমান সুবিধা পাইলে আমরাও কি শ্রেষ্ঠত্ব লাভ করিতে

পারিতোষ না? আশৈশব আত্মনিন্দা স্তুতিতেছি, তাই এখন আমরা অন্ধভাবে পুরুষের শ্রেষ্ঠতা স্বীকার করি এবং নিজেকে অতি তুচ্ছ মনে করি। অনেক সময় “হাজার হোক ব্যাটা ছেলে” বলিয়া ব্যাটা ছেলেদের দোষ ক্ষমা করিয়া অন্যায় প্রশংসা করি। এই ত ভুল।*

আমি ভগিনীদের কল্যাণ কামনা করি, তাঁহাদের ধর্মবন্ধন বা সমাজবন্ধন ছিন্ন করিয়া তাঁহাদিগকে একটা উন্নুক্ত প্রান্তরে বাহির করিতে চাই না। মানসিক উন্নতি করিতে হইলে হিন্দুকে হিন্দু বা খ্রীস্টানকে খ্রীস্টানী ছাড়িতে হইবে, এমন কোন কথা নাই। আপন আপন সম্প্রদায়ের পাথক্য রক্ষা করিয়াও মনটাকে স্বাধীনতা দেওয়া যায়। আমরা যে কেবল উপযুক্ত শিক্ষার অভাবে অবনত হইয়াছি, তাই বৃদ্ধিতে ও বুঝাইতে চাই।

অনেকে হয়ত ভয় পাইয়াছেন যে, বোধ হয় একটা পত্নী-বিদ্রোহের আয়োজন করা হইতেছে। অথবা নলনাগণ দলে দলে উপস্থিত হইয়া বিপক্ষকে রাজকীয় কার্যক্ষেত্র হইতে তাড়াইয়া দিয়া সেই পদগুলি অধিকার করিবেন—শামলা, চোগা, আইন-কানুনের পাঞ্জি-পুঁথি লুটিয়া লইবেন। অথবা সদলবলে কৃষিক্ষেত্রে উপস্থিত হইয়া কৃষকগুলিকে তাড়াইয়া দিয়া তাহাদের শস্যক্ষেত্রে দখল করিবেন, হাস গরু কাড়িয়া লইবেন, তবে তাঁহাদের অভয় দিয়া বলিতে হইবে—নিশ্চিত্ত থাকুন।

পুরুষগণ আমাদিগকে স্মৃশিক্ষা হইতে পশ্চাৎপদ রাখিয়াছেন বলিয়া আমরা অকর্মণ্য হইয়া গিয়াছি। ভারতে ভিক্ষু ও ধনবান—এই দুই দল লোক অলস; এবং ভদ্রমহিলার দল কর্তব্য অপেক্ষা অল্প কাজ করে। আমাদের আরাধ-প্রিয়তা খুব বাড়িয়াছে। আমাদের হস্ত, মন, পদ, চক্ষু ইত্যাদির সচ্যবহার করা হয় না। দশজন রমণীরই একত্র হইলে ইহার উহার—বিশেষত: আপন আপন অর্ধাক্ষের নিন্দা কিংবা প্রশংসা করিয়া বাকপটুতা দেখায়। আবশ্যিক হইলে কোমলও চলে।

আশা করি এখন “স্বামী” স্থলে “অর্ধাক্ষ” শব্দ প্রচলিত হইবে।

*এখানে অনেক নারীহিংস্র মহাত্মার উদ্গাথা মনে পড়িল। তিনি (১৯০৫ খ্রীস্টাব্দের কোন নাগিক পত্রিকায়) লিখিয়াছেন:

“জগতের ভোম্বাদের নিন্দাপ্রতি এতদূর উচ্চরূপে গাওয়া গিয়াছে যে, শেষে ভোম্বরাও জগতের কথা বিশ্বাস করিয়া ডাবিলে যে, ‘আমরা বাস্তবিক বিশ্বালাভের উপযুক্ত নহি।’ সুতরাং স্বর্গভার কুল ভোগের নিমিত্ত ভোম্বরা নত মস্তকে প্রস্তুত হইলে।”

কি চন্দকার সভা কথা। জগদীশ্বর উক্ত কবিকে দীর্ঘজীবী করুন।

সুগৃহিণী

ইতিপূর্বে আমি “স্ত্রী-জাতির অবনতি” প্রবন্ধে আমাদের প্রকৃত অবস্থার চিত্র দেখাইতে প্রয়াস পাইয়াছি কিন্তু সত্য কথা সর্বদাই কিঞ্চিৎ শ্রুতিকটু বলিয়া অনেকে উহা পছন্দ করেন নাই।* অতঃপর “অধাকী” প্রবন্ধে আমি দেখাইতে চেষ্টা করিয়াছি যে, নারী ও নর উভয়ে একই বস্তুর অঙ্গবিশেষ। যেমন একজনের দুইটি হাত কিংবা কোন শব্দের দুইটি চক্র, স্ত্রুতরাং উভয়ে সমতুল্য, অথবা উভয়ে মিলিয়া একই বস্তু হয়। তাই একটিকে ছাড়িয়া অপরটি সম্পূর্ণ উনুত্তিলাভ করিতে পারিবে না। এক চক্ষুবিশিষ্ট ব্যক্তিকে লোকে কানা বলে।

যাহা হটক, আধ্যাত্মিক সমকক্ষতার ভাষা যদি স্ত্রীলোকেরা না বুঝেন, তবে উচ্চ আকাঙ্ক্ষা বা উচ্চতাবের কথায় কাজ নাই। আজি আমি জিজ্ঞাসা করি, আপনাদের জীবনের উদ্দেশ্য কি? বোধ হয় আপনারা সমস্বরে বলিবেন,

“সুগৃহিণী হওয়া”

বেশ কথা। আশা করি, আপনারা সকলেই সুগৃহিণী হইতে ইচ্ছা করেন, এবং সুগৃহিণী হইতে হইলে যে যে গুণের আবশ্যিক, তাহা শিক্ষা করিতে যথাসাধ্য চেষ্টাও করিয়া থাকেন। কিন্তু আজ পর্যন্ত আপনাদের অনেকেই প্রকৃত সুগৃহিণী হইতে পারেন নাই। কারণ, আমাদের বিশেষ জ্ঞানের আবশ্যিক, তাহা আমরা লাভ করিতে পারি না। সমাজ আমাদের উচ্চশিক্ষা লাভ করা অনাবশ্যিক মনে করেন। পুরুষ বিদ্যালয় করেন অনু উপার্জনের আশায়, আমরা বিদ্যালয় লাভ করিব কিসের আশায়? অনেকের মতে আমাদের বুদ্ধি বিবেচনার প্রয়োজন নাই। যেহেতু আমাদের অন্ত-চিন্তা করিতে হয় না, সম্পত্তি রক্ষার্থে মোকদ্দমা করিতে হয় না, চাকরীলাভের জন্য সার্টিফিকেট তিক্ষা করিতে হয় না, “নবাব রাজা” উপাধিলাভের জন্য শ্রেতাঙ্গ প্রভুদের খোসামোদ করিতে হয় না, কিংবা

* কেহ আবার শ্রুতিবাদ করিতে যাইয়া সগর্বে বলিয়াছেন, “ভারতে হিন্দুর আরাধ্য দেবতা নারী, তাঁহাঃ নারীরই উপাসক।” বেশ। বলি, হিন্দুর আরাধ্য দেবতা কোন্ জিনিসটি নহে? পুঙ্জনীয় বস্তু বলিতে চেতন, অচেতন, উদ্ভিত্ ইহার কোন্ পদার্থটিকে বাদ দেওয়া যায়? হনুমান এবং গো-জাতিও কি উপাস্য দেবতা নহে? তাই বলিয়া কি ঐ সকল পশুকে তাঁহাদের “উপাসক মানুষ” অপেক্ষা শ্রেষ্ঠ বলা হইয়া থাকে?

কোন সময়ে দেশরক্ষার্থে রণক্ষেত্রে অবতীর্ণ। হইতে হইবে না। তবে আমরা উচ্চশিক্ষা লাভ (অথবা Mental culture) করিব কিসের জন্য? আমি বলি, স্নগৃহিণী হওয়ার নিমিত্তই স্মৃশিক্ষা (Mental culture) আবশ্যিক।

এই যে গৃহিণীদের ঘরকন্যার দৈনিক কার্যগুলি, ইহা সূচারূপে সম্পাদন করিবার জন্যও ত বিশেষ জ্ঞান-বুদ্ধির প্রয়োজন। চিন্তা করিলে দেখা যায় যে, প্রকৃতপক্ষে তাঁহারাই সমাজের হত্নী, কত্নী ও বিধাত্নী, তাঁহারাই সমাজের গৃহলক্ষ্মী, ভগিনী এবং জননী।

ঘরকন্যার কাজগুলি প্রধানতঃ এই :

- (ক) গৃহ এবং গৃহসামগ্রী পরিষ্কার ও স্নন্দররূপে সাজাইয়া রাখা।
- (খ) পরিমিত ব্যয়ে সূচারূপে গৃহস্থালী সম্পন্ন করা।
- (গ) রন্ধন ও পরিবেশন।
- (ঘ) সূচিকর্ম।
- (ঙ) পরিজনদিগকে যত্ন করা।
- (চ) সন্তানপালন করা।

এখন দেখা যাউক, ঐ কার্যগুলি এদেশে কিরূপ হইয়া থাকে এবং কিরূপ হওয়া উচিত। আমরা ধনবান এবং নিঃস্বদিগকে ছাড়িয়া মধ্যম অবস্থার লোকের কথা বলিব।

গৃহস্থানা পরিষ্কার ও অল্পব্যয়ে স্নন্দররূপে সাজাইয়া রাখিতে হইলে বুদ্ধির দরকার। প্রথমে গৃহনির্মাণের সময়ই গৃহিণীকে স্বীয় সলিকা * (taste) দেখাইতে হইবে। কোথায় একটি বাগান হইবে, কোন স্থানে রন্ধনশালা হইবে ইত্যাদি তাঁহারই পসন্দ অনুসারে হওয়া চাই। ভাড়াটে বাড়ী হইলে তাহার কোন কামরা কিরূপে ব্যবহৃত হইবে, সে বিষয়ে সলিকা চাই। যেহেতু তিনি গৃহের অধিষ্ঠাত্রী দেবী। কিন্তু বলি, কয় জন গৃহিণীর এ জ্ঞান আছে? আমরা এমন গৃহিণী যে গৃহ-ব্যাপারই বুঝি না। আমাদের বিস্মেন্নায়ই গলৎ।

* উর্দু ভাষায় "সলিকা" manner, taste, নিপুণতা, যোগ্যতা ইত্যাদি অর্থে ব্যবহৃত হয়। সলিকা শব্দের ন্যায় বেয়েলী ভাষায় "কাজের ছিরি" কথা চলিত আছে যটে, কিন্তু ভাষাতে সলিকার সমুদয় ভাব প্রকাশ হয় না। তাই সুবিধার নিমিত্ত এ শব্দটাকে বাঙ্গালার প্রবেশ করাইতে চাই। "আরজী" "তহবিল" "মাহসুল" (মাসুল) ইত্যাদি শব্দ বহুকাল হইতে বাঙ্গালার প্রচলিত আছে। "সলিকা"ও চলুক। "সায়েহেব সলিকা" অর্থে বাহার সলিকা আছে (Person of taste) ব্যাখ্যা।

গৃহ নির্মাণের পর গৃহসামগ্রী চাই। তাহা সাজাইয়া গুছাইয়া রাখার জন্যও সলিকা চাই। কোথায় কোন্ জিনিসটা থাকিলে মানায় ভাল, কোথায় কি মানায় না, এ সব বুঝিবার ক্ষমতা থাকা আবশ্যিক। একটা মেয়েলী প্রবাদ আছে, “সেই ধান সেই চাউল, গিন্ণী গুণে আউল ঝাউল” (এলো মেলো)। ভাঁড়ার ঘরে সচরাচর দেখা যায়, মাকড়সার জাল চাঁদোয়ারূপে শোভা পাইতেছে। তেঁতুলে তণ্ডুলে বেশ মেশামিশি হইয়া আছে, কোথাও ধনের সহিত মৌরী মিশিয়াছে। চিনি খুঁজিয়া বাহির করিতে এক ঘণ্টা সময় লাগে। চারি দিক বন্ধ থাকে বলিয়া ভাঁড়ার ঘরের দ্বার খোলা মাত্র বন্ধ বায়ুর এক প্রকার দুর্গন্ধ পাওয়া যায়। অভ্যাসের কৃপায় এ দুর্গন্ধ গিন্ণিদের অপ্রিয় বোধ হয় না।

অনেক শ্রীমতী পান সাজিতে বসিয়া ঘাঁতির খোঁজ করেন; ঘাঁতি পাওয়া গেলে দেখেন পানগুলি ধোওয়া হয় নাই। পানের ডিবে কোন ছেলে কোথায় রাখে তার ঠিক নাই। কখন বা খয়ের ও চূণের সংমিশ্রণে এক অস্ত্রুত পদার্থ প্রস্তুত হইয়া থাকে। পান থাকে ঘটিতে, সুপারি থাকে একটা সাজিতে, খয়ের হয়ত থাকে কাপড়ের বাস্কে। অবশ্য ‘সাহেবে সলিকা’গণ এক্রূপ করেন না। ভাঁহাদের পানের সমস্ত জিনিস যথাস্থানে স্বেচ্ছজিত থাকে।

কেহ বা চাঁর পাত্র (tea-pot) মৎস্যধাররূপে ব্যবহার করেন, ময়দা চালিবার চালনীতে পটল, কুমড়া প্রভৃতি তরকারি কুটিয়া রাখা হয়। পিতলের বাটিতে তেঁতুলের আচার থাকে। পূর্বে মুসলমানেরা “মোকাবা” (পাত্র বিশেষ, যাহাতে চুল বাঁধিবার সরঞ্জাম থাকে) রাখিতেন, আজিকালি অনেকে toilet table রাখেন। ইঁহাদের “মোকাবায়” কিংবা টেবিলের উপর চিরুনী তৈল (toilet সামগ্রী) ছাড়া আরও অনেক জিনিস থাকে, যাহার সহিত কেশবিন্যাস সামগ্রীর (toilet-এর) কোন সম্পর্ক নাই।

পরিমিত ব্যয় করা গৃহিণীর একটা প্রধান গুণ। হতভাগা পুরুষেরা টাকা উপার্জন করিতে কিরূপ শ্রম ও যত্ন করেন, কতখানি মাখার ঘাম পায় ফেলিয়া এক একটু পয়সার মূল্য (পারিশ্রমিক) দিয়া থাকেন, অনেক গৃহিণী তাহা একটু চিন্তা করিয়াও দেখেন না। উপার্জন না করিলে স্বামীর সহিত ঝগড়া করিবেন, যথাসাধ্য কটুকাটব্য বলিবেন, কিন্তু একটু সহানুভূতি করেন কই? ঐ শ্রমাজিত টাকাগুলি কন্যার বিবাহে বা পত্রের অনুপ্রাশনে কেবল সাধ (আমোদ) আশ্বাদে ব্যয় করিবেন, অথবা অলঙ্কার গড়াইতে ঐ টাকা দ্বারা স্বর্ণকারের উদরপুতি করিবেন। স্বামী বেচারী এক সময় চাকরীর আশায় সার্টফিকেট কুড়াইবার জন্য ঘরে ঘরে ঘুরিয়া, বহু আয়াসে সামান্য বেতনের চাকরী প্রাপ্ত হইয়া প্রাণ-

পণে পরিশ্রম করিয়া যে টাকা কয়টি পক্ষীর হাতে আনিয়া দেন, তাহার অধিকাংশ মল ও নুপুরের বেশে তাঁহার কন্যাদের চরণ বেড়িয়া রুণু খুনু রবে কাঁদিতে থাকে। হায় বালিকে! তোমার চরণশোভন সেই মল গড়াইতে তোমার পিতার হৃদয়ের কতখানি রক্ত শোষিত হইয়াছে, তাহা তুমি বুঝ না।

স্বামীর আয় অনুসারে ব্যয় করাই অর্থের সধ্যবহার। ইউরোপীয় মহিলাদের কথার মূল্য বেশী, তাই একজন কাউন্টেসের (Countess) উক্তি উদ্ধৃত করা গেল:

“The first point necessary to consider in the arrangement and ordering of a lady’s household, is that everything should be on a scale exactly proportionate to her husband’s income”. (ভার্বার্থ—বাড়ীঘর সাজাইবার সময় গৃহিণী সর্বপ্রথমে এই বিষয়ে দৃষ্ট রাখিবেন যে, তাঁহার গৃহস্থালীর যাবতীয় সামগ্রী যেন তাঁহার স্বামীর আয় অনুসারে প্রস্তুত হয়। তাঁহার গৃহসজ্জা দেখিয়া যেন তাঁহার স্বামীর আর্থিক অবস্থা ঠিক অনুমান করা যাইতে পারে)।

সুশিক্ষা প্রাপ্ত না হইলে আমরা টাকার সধ্যবহার শিখিব কিরূপে? গৃহিণীরা যে স্বামীকে ভালোবাসেন না, আমি ইহা বলিতেছি না। তাঁহারা স্বামীকে প্রাণের অধিক ভালোবাসেন, কিন্তু বুদ্ধি না থাকা বশত: প্রকৃত সহানুভূতি করিতে পারেন না। কবিবর সাদী বুদ্ধিহীন বন্ধু অপেক্ষা বুদ্ধিমান শত্রুকে শ্রেষ্ঠ বলিয়াছেন। বাস্তবিক জ্ঞীদের অঙ্কপ্রেমে অনেক সময় পুরুষদের ইষ্ট না হইয়া অনিষ্ট সাধিত হয়।

কেহ আবার পরিমিত ব্যয় করিতে যাইয়া একেবারে কৃপণ হইয়া পড়েন, ইহাও উচিত নহে।

গৃহিণীর রত্ন শিক্ষা করা উচিত, এ কথা কে অস্বীকার করেন? একটা প্রবাদ আছে যে, জ্ঞীদের রান্না তাঁহাদের স্বামীর রুচি অনুসারে হয়। গৃহিণী যে খাদ্য প্রস্তুত করেন, তাহার উপর পরিবারস্থ সকলের জীবনধারণ নির্ভর করে। সূর্য রাঁধুনীরা প্রায়ই “কালাই”* রহিত তাম্রপাত্রে দধি মিশ্রিত করিয়া যে কোর্নি প্রস্তুত করে, তাহা বিধ ভিনু আর কিছু নহে; মুগলমানেরা প্রায়ই অরুচি, ক্ষুধামালা ও অজীর্ণ রোগে ভুগিয়া থাকেন, তাহার কারণ খাদ্যের দোষ ছাড়া আর কি হইতে পারে? এ সৰ্ব্বদেও সেই কাউন্টেসের (Countess) উক্তি স্মরণ:

*“কালাই” শব্দের বাতালি কি হইবে? ইংরেজীতে Tinning বলে।

“Bad food, ill-cooked food, monotonous food, insufficient food, injure the physique and ruin the temper. No lady should turn to the more tempting occupations or amusements of the day till she has gone into every detail of the family commissariat and assured herself that it is as good as her purse, her cook, and the season can make it.” (ভাবার্থ—কোন মহিলাই প্রথমে স্বীয় পরিবারস্থ ব্যক্তিবর্গের আহারের সুবন্দোবস্ত এবং রন্ধনশালা পরিদর্শন না করিয়া যেন অন্য কোন বিষয়ে মনোযোগ না করেন। তাঁহার আর্থিক অবস্থানুসারে খাদ্য-সামগ্রী যথাসাম্য স্ক্রুচিকর হইয়া থাকে কি না, এ বিষয়ে তাঁহার দৃষ্টি রাখা কর্তব্য। ঘড়ী ঋতুর পরিবর্তনের সহিত আহার্যবস্তুরও পরিবর্তন করা আবশ্যিক। ভোজ্য-দ্রব্য যথাবিধি রন্ধন না হইলে কিম্বা সর্বদা একই প্রকার খাদ্য এবং অখাদ্য ভোজন করিলে শরীর দুর্বল এবং নানা রোগের আধার হইয়া পড়ে)।

সুতরাং রন্ধনপ্রণালীর সঙ্গে সঙ্গেই গৃহিণীর ডাক্তারী ও রসায়ন (Chemistry) বিষয়ক সাধারণ জ্ঞান আবশ্যিক। কোন খাদ্যের কি গুণ, কোন্ বস্তু কত সময়ে পরিপাক হয়, কোন ব্যক্তির নিমিত্ত কিরূপ আহার্য প্রয়োজন, এ সব বিষয়ে গৃহিণীর জ্ঞান চাই। যদি আহারই যথাবিধি না হয়, তবে শরীরের পুষ্টি হইবে কিসের দ্বারা? অযোগ্য ধাত্রীর হস্তে কেহ সন্তান-পালনের ভার দেয় না, তরুণ অযোগ্য রাঁধুণীর হাতে খাদ্য দ্রব্যের ভার দেওয়া কি কর্তব্য? রন্ধনশালায় চতুর্দিকে কাদা হইলে সেই স্থান হইতে সতত দূষিত বাষ্প উঠিতে থাকে; বাড়ীর লোকেরা দুগ্ধ এবং অন্যান্য খাদ্যের সহিত ঐ বাষ্প আশ্রয় করে। কেবল আহারের স্থান পরিষ্কৃত হইলেই চলিবে না; যে-স্থানে আহার করা হয়, সে জায়গায় বায়ু (Atmosphere) পর্যন্ত যাহাতে পরিষ্কৃত থাকে, গৃহিণী সে বিষয়ে দৃষ্টি রাখিবেন।

অনেকে শাকসবজী খাইতে ভালোবাসেন। বাজারের তরকারি অপেক্ষা গৃহজাত তরকারী অবশ্য ভালো হয়। গৃহিণী প্রায়ই শিম, লাউ, শশা, কুম্ভাণ্ড স্বহস্তে বপন করিয়া থাকেন। যদি তাঁহারা উদ্যান প্রস্তুত-প্রণালী (Horticulture) অবগত থাকেন, তবে ঐ লাউ কুম্ভার কি সমধিক উন্নতি হইবে না? অন্ততঃ কোন্ স্থানের মাটি কিরূপ, কোথায় শশা ভালো ফলিবে, কোথায় লঙ্কা ভালো হইবে, গৃহিণীর এ জ্ঞানটুকু ত থাকা চাই।

অনেকেই ছাগল, কুস্তুট, হংস, পারাবত ইত্যাদি পালন করেন, কিন্তু সেই সকল জন্তু পালন করিবার রীতি অনেকেরই জানেন না। উহাদের নিমিত্ত নির্দিষ্ট স্বতন্ত্র স্থান না থাকায় উহারা বাড়ীর মধ্যেই ঘুরিয়া চরিয়া বেড়ায়। কাজেই বাড়ী-খানাকে পশুশালা বা পশুপক্ষীদের “ময়লার ঘর” বলিলেও অত্যুক্তি হয় না। যাহাতে এই জন্তুগুলি রুগ্ন না হয় তাহা হটপুট থাকে এবং গৃহ নোঙ্গরা করিতে না পারে, তৎপ্রতি গৃহিণীর দৃষ্টি থাকা আবশ্যিক। উহাদের বাসস্থানও পরিষ্কৃত এবং হাওয়ার (airy) হওয়া উচিত। নচেৎ রুগ্ন পশুপক্ষীর মাংস খাওয়ায় অনিষ্ট বই উপকার নাই। তবেই দেখা যায়, এক রন্ধন শিক্ষা করিতে যাইয়া আমাদিগকে উদ্ভিদবিজ্ঞান, রসায়ন ও উদ্ভাপত্য (Horticulture, Chemistry ও Theory of Heat) শিখিতে হয়।

অনের পরই বস্ত্র—না, মানুষ বস্ত্রকে অনু অপেক্ষা অধিক প্রয়োজনীয় মনে করে। শীতগ্রীষ্মানুযায়ী বস্ত্র প্রস্তুত কিংবা সেলাই করা গৃহিণীর কর্তব্য। পূর্বে তাঁহারা চরখা কাটিয়া সূতা প্রস্তুত করিতেন। এখন কলকারখানার অনুগ্রহে কাপড় সুলভ হইয়াছে বটে, কিন্তু নিজ নিজ taste (পসন্দ) অনুসারে সেলাই করিতে হয়। এজন্যও সুশিক্ষা লাভ আবশ্যিক। আপনারা হয়ত মনে করিবেন যে, আমার সব কথাই স্ফটীছাড়া। এতবাল হইতে নিরক্ষর দরজীরা ভালোই সেলাই করিয়া আসিতেছে, সেলাই-এর সঙ্গে সুশিক্ষার সম্বন্ধ কি? সেলাই-এর সহিত পড়ার সাক্ষাৎ সম্বন্ধ নাই বটে, কিন্তু অনুষঙ্গিক (indirect) সম্বন্ধ আছে। পড়িতে (বিশেষতঃ ইংরাজী) না জানিলে সেলাইয়ের কল (sewing machine-এর) ব্যবস্থাপত্র পাঠ করা যায় না। ব্যবস্থা না বুঝিলে মেশিন (machine) ঘারা ভালো সেলাই করা যায় না। কেবল হাতে সেলাই করিলে লেখাপড়া শিখিতে হয় না, সত্য। কিন্তু হাতের সেলাই-এর সহিত মেশিন-এর সেলাইয়ের তুলনা করিয়া দেখিবেন ত কোনটি শ্রেষ্ঠ? তাহা ছাড়া মেশিন ঘারা অল্প সময়ে এবং অল্প পরিশ্রমে অধিক সেলাই হয়। অতএব, মেশিন চালনা শিক্ষা করাই শ্রেয়ঃ। এতদ্ব্যতীত ক্যানভাস (Canvas)-এর জুতা, পশমের মোজা, শাল প্রভৃতি কে না ব্যবহার করিতে চাহেন? এই প্রকারের সূচিকার্য ইংরাজী (Knitting ও Crochet সম্বন্ধীয়) ব্যবস্থাপত্রের সাহায্য ব্যতীত সূচারূপে হয় না। ঐ ব্যবস্থাপত্রকে পাঠে শিক্ষায়ত্ত্বীর বিনা সাহায্যে সূচিকার্যে সুনিপুণ হওয়া যায়; কাপড়ের ছাঁটকাট সবই উৎকৃষ্ট হয়। কাপড়ের কাটছাঁটের জন্যও ত বুদ্ধির দরকার। কাপড়, পশম, জুতা ইত্যাদির পরিমাণ জানা থাকিলে, একজোড়া মোজার জন্য তিন জোড়ার পশম কিনিয়া অনর্থক অপব্যয় করিতেও হয় না।

পরিবারভুক্ত লোকদের সেবায় করা গৃহিনীর অবশ্য কর্তব্য। প্রত্যেকের সুখ-সুবিধার নিমিত্ত নিজের ক্ষুদ্র স্বার্থ ত্যাগ করা রমণী-জীবনের ধর্ম। এ কার্যের জন্যও সুশিক্ষা (training) চাই। সচরাচর গৃহিনীরা পরিজনকে সুখ দিবেন ত দূরের কথা, তাঁহাদের সহিত ছোট ছোট বিষয় লইয়া কৌদল-কলহে সময় কাটাইয়া থাকেন। শাশুড়ীর নিন্দা ননদিনীর নিকট, আবার ননদের কুৎসা যারতার নিকট করেন, এইভাবে দিন যায়।

কেহ পীড়িত হইলে তাহার যথোচিত সেবা করা গৃহিনীর কর্তব্য, রোগীর সেবা অতি গুরুতর কার্য। যথারীতি গুণ্ণা-প্রণালী (nursing) অবগত না হইলে এ বিষয়ে কৃতকার্য হওয়া যায় না। আমাদের দেশে অধিকাংশ রোগী ঔষধ-পথ্যের অভাব না হইলেও গুণ্ণার অভাবে মারা যায়। অনেক স্থানে নিরক্ষর সেবিকা রোগীকে মালিশের ঔষধ খাওয়াইয়া দেয়। কেহ বা অসাধনাতা-বশতঃ বিষাক্ত ঔষধ হেথানে-সেথানে রাখে, তাহাতে অবোধ শিশুরা সেই ঔষধ খাইয়া ফেলে। এইরূপ ভ্রমের জন্য চিরজীবন অনুতাপে দগ্ধ হইতে হয়। কেহ বা রোগীর নিদ্রা ভঙ্গ করিয়া পথ্য দান করে, কেহ অত্যধিক শ্বেহবশতঃ তিন চারি বারের ঔষধ একবারে সেবন করায়। এরূপ ঘটনা এদেশে বিরল নহে। ডাক্তারী বিষয়ে সেবিকার উপযুক্ত জ্ঞান থাকা আবশ্যিক, একথা কেহ অস্বীকার করেন কি? ডাক্তারী না জানিয়া গুণ্ণা করিতে যাওয়া যা, আর স্বর্ণকারের কাজ শিখিয়া চর্মকারের কাজ করিতে যাওয়াও তাই।

কিন্তু ডাক্তারী জান বা না জান, রোগীর সেবা সকলকেই করিতে হয়। এমন দুহিতা কে আছেন, যিনি অশুধারায় জননীর পদ প্রক্ষালন করিতে করিতে ভাবেন না যে, “এত যত্ন পরিশ্রম সব বার্থ হ’ল; আমার নিজের পরমায়ু দিয়াও যদি মাকে বাঁচাইতে পারিতাম।” এমন ভগিনী কে আছেন, যিনি পীড়িত ভ্রাতার পার্শ্বে বসিয়া অনাহারে দিন যাপন করেন না? এমন পত্নী কে, যিনি স্বামীর পীড়ার জন্য ভাবিয়া ভাবিয়া নিজে আধমরা হন না? এমন জননী কে আছেন, যিনি জীবনে কখনও পীড়িত শিশু কোলে লইয়া অনিদ্রায় রজনী যাপন করেন নাই? যিনি কখনও এরূপ রোগীর সেবা করেন নাই, তিনি প্রেম শিখেন নাই। না কাঁদিলে প্রেম শিক্ষা হয় না।

বিপদের সময় প্রত্যুৎপন্নমতিত্ব রক্ষা করা অতি আবশ্যিক। এই গুণটা আমাদের অনেকেরই নাই। আমরা কেবল হায়! হায়! করিয়া কাঁদিতে জানি! বোধহয় আশা থাকে যে, অবলার চক্ষের জল দেখিয়া শমনদেব সদয় হইবেন। অনেক সময় দেয়া যায়, রোগী এ দিকে পিপাসায় ছট্‌ফট্‌ করিতেছেন,

সেবিকা ওদিকে বিলাপ করিয়া (নানা ছন্দে বিনাইয়া বিনাইয়া) কাঁদিতেন। হায় সেবিকে, এ সময় রোগীর মুখে কি একটু দুধ দেওয়ার দরকার ছিল না? এ সময়টুকু যে দুধ না খাওয়াইয়া রোগদনে অপব্যয়িত হইল, ইহার ফলে রোগীর অবস্থা বেশী মন্দ হইল।

এ স্থলে একটি পতিপ্রাণা গৃহিণীর কথা মনে পড়িল। একদা রাত্রিতে তাঁহার স্বামীদেবের বৃকে ব্যথা হইয়াছিল; সেজন্য তিনি দুর্ভাবনায় সমস্ত রাত্রি জাগিয়া ছিলেন। পরদিন প্রভাতে কবিরাজ আসিয়া বলেন, “এখন অবস্থা মন্দ, রাত্রেই বৃকে একটুকু সর্ষের তৈল মাশিশ করিলে এরূপ হইত না।” গৃহিণী অনিদ্রায় নিশি যাপন করিলেন, একটু তৈলমর্দন করিলেন না। কারণ, এ জ্ঞানটুকু তাঁহার ছিল না। ঐ অজ্ঞানতার ফলে ত্রিবিধ অনিষ্ট সাধিত হইল, (১) স্বামীর স্বাস্থ্য বেশী খারাপ হইল; (২) নিজে অনর্থক রাত্রি জাগরণে অসুস্থ হইলেন; (৩) চিকিৎসকের জন্য টাকার অপব্যয় হইল। কারণ, রাত্রে তৈল মাশিলেই ব্যথা সরিয়া যাইত, চিকিৎসক ডাকিবার প্রয়োজন হইত না।

এখন যদি আমি বলি যে, গৃহিণীদের জন্য একটা “জেনানা মেডিকেল কলেজ” চাই, তবে বোধ হয় অসঙ্গত হইবে না।

সন্তান পালন—ইহা সর্বপেক্ষা গুরুতর ব্যাপার। সন্তান-পালনের সঙ্গে সঙ্গেই সন্তানের শিক্ষা হইয়া থাকে। একজন ডাক্তার বলিয়াছিলেন যে, “মাতা হইবার পূর্বেই সন্তানপালন শিক্ষা করা উচিত। মাতৃকর্তব্য অবগত না হইয়া যেন কেহ মাতা না হন।” যে বেচারীকে ত্রয়োদশ বর্ষ বয়ঃক্রমে মাতা, ছাব্বিশ বৎসর বয়সে মাতামহী এবং চল্লিশ বৎসরে পুত্রমাতামহী হইতে হয়, সে মাতৃ-জীবনের কর্তব্য কখন শিখিবে?

শিশু মাতার রোগ, দোষ, গুণ, সংস্কার সকল বিষয়েরই উত্তরাধিকারী হয়। ইতিহাসে ষত মহৎ লোকের নাম শুনা যায়, তাঁহারা প্রায় সকলেই স্ত্রীমাতার পুত্র ছিলেন। অবশ্য অনেক স্থলে স্ত্রীমাতার কুপুত্র অথবা কুমাতারও স্ত্রীপুত্র হয়। বিশেষ কোন কারণে ওরূপ হয়। স্বভাবতঃ দেখা যায়, মাতার গাছে মাতাই ফলে, জাম ফলে না। শিশু স্বভাবতঃ মাতাকে সর্বপেক্ষা অধিক ভালোবাসে, তাঁহার কথা সহজে বিশ্বাস করে। মাতার প্রতি কার্য, প্রতি কথা শিশু অনুকরণ করিয়া থাকে। প্রতি কোঁটা দুগ্ধের সহিত মাতার মনোগত ভাব শিশুর মনে প্রবেশ করে। কবি কি চমৎকার ভাষায় বলিতেছেন:

“—দুগ্ধ হবে পিয়াও জননী,
শুনাও সন্তানে, শুনাও তখনি,
বীর-গুণগাথা বিক্রম-কাহিনী,
বীরগর্বে তার নাচুক ধরনী।”

তাই বটে, বীরাজনাথ বীর-জ্ঞানী হয়। মাতা ইচ্ছা করিলে শিশু-হৃদয়ের বৃত্তিগুলি সম্বন্ধে রক্ষা করিয়া তাহাকে তেজস্বী, সাহসী, বীর, ধীর সবই করিতে পারেন। অনেক মাতা শিশুকে মিথ্যা বলিতে ও সত্য গোপন করিতে শিক্ষা দেয়, ভবিষ্যতে সেই পুত্রগণ ঠগ, জুয়াচোর হয়। অযোগ্য মাতা কারণে-অকারণে প্রহার করিয়া শিশুর হৃদয় নিস্তেজ (spirit low) করে, ভবিষ্যতে তাহারা শ্রেতাঙ্গের অর্ধচন্দ্র ও সবুট পদাঘাত নীরবে—অক্লেশে সহ্য করে। কোন মজুরের পৃষ্ঠে জটনক গৌরাজ নূতন পাদুকা ভাঙ্গিয়া ভগ্ন জুতার মূল্য আদায় না করায় সেই কুলী 'নৌতুন জুতা দিয়া মারলো—দাম ডী লইল না' বলিয়া সাহেবের প্রশংসা করিয়াছিল! বলা বাহুল্য যে, অনেক 'ভদ্রলোকের' অবস্থাও তদ্রূপ হইয়া থাকে।

অতএব, সম্মান পালনের নিমিত্ত বিদ্যা-বুদ্ধি চাই, যেহেতু মাতাই আমাদের প্রথম, প্রধান ও প্রকৃত শিক্ষয়িত্রী। হৃষ্টপুষ্টি বলিষ্ঠ পুত্র লাভ করিতে হইলে প্রথমে মাতার স্বাস্থ্যের উন্নতি করিতে হইবে।

কেবল কাজ লইয়াই ১৬।১৭ ঘণ্টা সময় কাটান কষ্টকর। মাঝে মাঝে বিশ্রামও চাই। সেই অবসর সময়টুকু পরনিন্দায়, বৃথা কোঁদলে কিংবা ভাস খেলায় না কাটাইয়া নির্দোষ আমোদে কাটাইলে ভালো হয় না কি? সে জন্য চিত্র ও সঙ্গীত শিক্ষা করা উচিত। যিনি এ বিষয়ে পারদর্শিনী হইতে চাহেন, তাঁহাকেও বর্ণমালার সহিত পরিচয় করিতে হইবে। চিত্রের বর্ণ, তুলির বর্ণনা, সঙ্গীতের স্বরলিপি সবই পুস্তকে আবদ্ধ। অথবা সুপাঠ্য পুস্তক অধ্যয়নে কিংবা কবিতা প্রভৃতি রচনায় অবসর সময় যাপন করা শ্রেয়ঃ।

প্রতিবেশীর প্রতি গৃহিণীর কর্তব্য সম্বন্ধেও এক্ষেত্রে দুই চারিকথা বলা প্রয়োজন বোধ করি। অতিথি সংকার ও প্রতিবেশীর প্রতি সদয় ব্যবহারের জন্য এক কালে আরব জাতি পুসিদ্ধ ছিলেন। কথিত আছে, আরবীয় কোন ভদ্রলোকের আবাসে ইঁদুরের বড় উৎপাত ছিল। তাঁহার জটনক বন্ধু তাঁহাকে বিড়াল পুষিতে উপদেশ দেওয়ায় তিনি বলিলেন যে, বিড়ালের ভয়ে ইঁদুরগুলি তাঁহার বাড়ী ছাড়িয়া তাঁহার প্রতিবেশীদিগকে উৎপীড়ন করিবে, এই আশঙ্কায় তিনি বিড়াল পোষণে না।

আর আমরা শুধু নিজের সুখ-সুবিধার চিন্তায় ব্যস্ত থাকি, অপরের অসুবিধার বিষয় আমাদের মনে উদয়ই হয় না। বরং কাহারও বিপদের দ্বারা আমাদের কিছু লাভ হইতে পারে কি-না, সেই কথাই পূর্বে মনে উদয় হয়! কেহ দুঃসময়ে কোন জিনিস বিক্রয় করিতে বাধ্য হইয়াছেন, কেতা ভাবেন এই সুযোগে

জিনিসটি বেশ স্থলভ পাওয়া যাইবে। ঈদূশ ক্ষুদ্র ক্ষুদ্র স্বার্থে দৃষ্ট রাখা শিক্ষিত সমাজের শোভা পায় না। অথবা এক জনে হয়ত ক্ষণিক ক্রোধের বশবর্তী হইয়া তাঁহার ভালো চাকরনীটাকে বিদায় দিয়াছেন, তৎক্ষণাৎ অপর একজন গৃহিণী সেই বিতাড়িতা চাকরনীকে হাত করিতে চেষ্টা করেন। কিন্তু আদর্শ গৃহিণী সে স্থলে সেই পরিচারিকাকে পুনরায় তাহার প্রভুর বাড়ী নিযুক্ত করিতে প্রয়াস পাইবেন। প্রতিবেশিনীর বিপদকে নিজের বিপদ বলিয়া মনে করা উচিত।

আর প্রতিবেশিনীর পরিধি বৃহৎ হওয়া চাই—অর্থাৎ প্রতিবেশী বলিলে যেন কেবল আমাদের ঘরস্থিত গৃহস্থ না বুঝায়। বঙ্গদেশের প্রতিবেশী বলিতে পাঞ্জাব, অধোধ্যা, উড়িষ্যা—এ-সবই যেন বুঝায়। হইতে পারে পাঞ্জাবের একদল ভ্রমলোক কোন কারখানায় কাজ করেন, সেই কারখানার কর্তৃপক্ষকে তাঁহার বিশেষ কোন অভাবের বিষয় জানাইতে বারম্বার চেষ্টা করিয়া অকৃতকার্য হওয়ায় ধর্মঘট করিতে বাধ্য হইলেন। ঐ ধর্মঘটকে যেন উড়িষ্যা বা মাদ্রাজের লোক নিজেদের কার্যপ্রাপ্তির স্বযোগ ভাবিয়া আক্ল দিত না হন। স্ত্রীগৃহিণী আপন পতি পুত্রকে তাব্দূশ ধর্মঘট স্থলে কার্য গ্রহণে বাধা দিবেন। আর স্মরণ রাখিতে হইবে, আমরা শুধু হিন্দু বা মুসলমান কিম্বা পারসী বা খ্রীষ্টিয়ান অথবা বাঙ্গালী, মাদ্রাজী, নাড়ওয়ারী বা পাঞ্জাবী নহি—আমরা ভারতবাসী। আমরা সর্বপ্রথমে ভারতবাসী—তারপর মুসলমান, শিখ বা আর কিছু। স্ত্রীগৃহিণী এই সত্য আপন পরিবার মধ্যে প্রচার করিবেন। তাহার ফলে তাঁহার পরিবার হইতে ক্ষুদ্র স্বার্থ হিংসা-ব্বেষ ইত্যাদি ক্রমে তিরোহিত হইবে এবং তাঁহার গৃহ সেব-ভবন সদৃশ ও পরিষ্কন নেবতুল্য হইবে। এমন ভারত-মহিলা কে, যিনি আপন ভবনকে আদর্শ দেবালয় করিতে না চাহিবেন?

দরিদ্রা প্রতিবেশিনীদিগকে নানা প্রকারে সাহায্য করাও আমাদের অন্যতম কর্তব্য। তাহাদের সূচিশিল্প এবং চরকায় প্রস্তুত সুত্রের বস্ত্রাদি উচিত মূল্যে ক্রয় করিলে তাহাদের পরম উপকার করা হয়। এইরূপে এবং আরও অনেক প্রকারে তাহাদের সাহায্য করা যাইতে পারে; বিস্তারিত বলা বাহুল্য মাত্র।

আমি বলিতে ভুলিয়া গিয়াছিলান, বালক-বালিকাদিগকে ভৃত্যের প্রতি সদয় ব্যবহার শিক্ষা দেওয়া আবশ্যিক। সচরাচর দেখা যায়, বড় ঘরের বালকেরা ভারী দাস্তিক হয়, তাহারা চাকরকে নিতান্ত নগণ্য কি-যেন-কি মনে করে। বেতনভোগী হইলেও ভৃত্যবর্গ যে মানুষ এবং তাহাদেরও স্বীয় পদানুসারে মান-অপমান জ্ঞান আছে, স্কুমারমতি শিশুদিগকে একথা বুঝাইয়া দেওয়া উচিত। অনেক গৃহিণী নিজের পুত্রকন্যার দোষ বুঝেন না, তাঁহারা চাকরকেই অথবা শাসন করেন। ওরূপে শিশুকে প্রশ্রয় দেওয়া অনায়।

উর্দু “বানাতন্ নাস্” গ্রন্থে বর্ণিত নবাব-নন্দিনী হোসেন-আরা অন্যায় আদরে এমন দুর্দান্ত হইয়া উঠিয়াছিল যে, তাহার দৌরাত্নে দাসী, পাচিকা প্রভৃতি সেবিকাংশ জাহি জাহি করিত !* যাহাতে বালিকারা বিনয়ী এবং শিষ্টশাস্ত্র হয়, এ বিষয়ে অ মাদের দৃষ্টি রাখা কর্তব্য।

*হোসেন-আরার বাল-স্বলভ হৃদয়ের বর্ণনা বেশ আমোদপ্রদ। পাঠিকাদিগকে একটু নবুনা উপহার দিই :

হোসেন-আরা পিতা-মাতা জ্যেষ্ঠ ভ্রাতা-ভগিনী—কাহাকেই ভয় করিত না। সমস্ত বাড়ি সে মাথায় তুলিয়া রাখিত ! একদিন তাহার বড় মাসী শাহজাহানী বেগম তাহাদিগকে দেখিতে আসিয়াছেন। পরিচারিকার দল হয় ত ডাবিল, ছোট বেগমের (হোসেন-আরার মাতার) নিকট অভিযোগে বিশেষ কোন ফল হয় না ; বড় বেগম নবাগতা, তাঁহাকে দেখিয়া হোসেন-আরার চপলতা কিঞ্চিৎ দমিয়া যাইবে। শাহজাহানী বেগম শিবিকা হইতে অবতরণ করিবা মাত্র ক্রমাশুরে দুই চারি অভিযোগ উপস্থিত হইল।

নরবেগম কাঁদিয়া আসিয়া বলিল, “দেখুন, ছোট সাহেবজাদী (হোসেন-আরা) এমন পাধর ছুঁড়িয়া মারিয়াছেন ভাগ্যক্রমে আমার চক্ষু নষ্ট হয় নাই।”

সোসন আসিয়া বলিল, “দেখুন, ছোট সাহেবজাদী আমার বলিলেন, ‘দেখি সোসন তোরা জিহ্বা, যেই আমি জিহ্বা বাহির করিলাম এমনি তিনি আমার চিবুকে এমন জ্বারে মুষ্টিগাধত করিলেন যে, আমার সমস্ত দাঁত রসনায় বিদ্ধ হইয়াছিল।”

গোলাপ চীৎকার করিয়া কাঁদিয়া উঠিল, “হায়, আমার কান রক্তাক্ত করিয়া দিলেন।”
রজনশালা হইতে পাচিকা উচচঃস্ববে বলিল, “এই দেখুন, ছোট সাহেবজাদী তরকারির হাড়িতে মুঠা ডালিয়া ছাই দিতেছে ! ঐ সব শুনিয়া বড় বেগম ডাকিলেন, “হোসনা ! এখানে আইস।” হোসনা তৎক্ষণাৎ আসিল ত ; কিন্তু আসিয়া মাসীকে নমস্কার করিবে ত পূর্বের কথা,—হাতে ছাই, পায় কাদা—এই অবস্থায় সে হঠাৎ মাসীর গলা জড়াইয়া ধরিল। তিনি সাদরে বলিলেন, “হোসনা ! তুমি বড় দুষ্ট হইয়াছ।”

হোসনা তখন উপস্থিত দাসীকে লক্ষ্য করিয়া বলিল, “এই সম্বল পেছী বৃথি কোন কথা আপনাকে লাগাইয়াছে ?” এই বলিয়াই সে মাসীর জোড় হইতে লাফাইয়া উঠিয়া নির্দোষ সম্বলের কেশাকর্ষণ করিয়া প্রহার আরম্ভ করিল। “আঁ ! ও কি কর ! কি কর !” বলিয়া বড় বেগম ধারণার নিষেধ করিলেন, কিন্তু সে কিছুই শুনিল না।

পরে হোসেনা আর জেনানা মক্তবে (পাঠশালার) প্রেরিত হইয়া অশিক্ষা প্রাপ্ত হইয়াছিল। এতদ্বারা লেখক মহোদয় দেখাইয়াছেন যে, এমন অবাধ্য অনন্য বালিকাও শিক্ষার গুণে ভাল হয়। আমাদের বিশৃঙ্খল শিক্ষা স্পর্শবলি, যাহাকে স্পর্শ করে সেই স্ববর্ণ হয়।

পরিশেষে বলি প্রেমিক হও, ধার্মিক হও বা নাস্তিক হও, যাই হইতে চাও তাহাতেই মানসিক উন্নতির (mental culture-এর) প্রয়োজন। প্রেমিক হইতে গেলে নিভর, ন্যায্যপরতা, মাণ্ডকের* নিমিত্ত আত্মবিসর্জন ইত্যাদি শিক্ষণীয়। নতুবা নির্বোধ বন্ধু হইলে কাহারই উপকার করিতে পারিবে না। ধর্মসাধনের নিমিত্ত শিক্ষা-দীক্ষার প্রয়োজন, কারণ, “কে বে-ইন্স্মে নাভওয়ঁ। খোদার শেনাখ্ত’—অর্থাৎ জ্ঞান না হইলে ঈশ্বরকে চেনা যায় না। অন্যত্র পুর্বাদ আছে, “মুর্খের উপসনা ও বিষানের শয়নাবস্থা সমান।” অতএব দেখা যায় যে, রমণীর জন্য আজ পর্যন্ত যে সব কর্তব্য নির্ধারিত আছে, তাহা সাধন করিতেও বুদ্ধির প্রয়োজন। অর্থ উপার্জনের নিমিত্ত পুরুষদের যেমন মানসিক শিক্ষা (mental culture) আবশ্যিক, গৃহস্থালীর জন্য গৃহিণীদেরও তদ্রূপ মানসিক শিক্ষা (mental culture) প্রয়োজনীয়।

ইতর শ্রেণীর লোকদের মত যেমন-তেমন ভাবে গৃহস্থালী করিলেও সংসার চলে বটে, কিন্তু সেরূপ গৃহিণীকে স্নগৃহিণী বলা যায় না; এবং ঐ সব ডোম-চামারের পুত্রগণ যে কালে “বিদ্যাসাগর”, “বিদ্যাভূষণ” বা “তর্কালঙ্কার” হইবে এক্ষণে আশাও বোধ হয় কেহ করেন না।

আমি আমার বক্তব্য শেষ করিলাম। এখন সাধনা দ্বারা সিদ্ধি লাভ করা আপনাদের কর্তব্য। যদি স্নগৃহিণী হওয়া আপনাদের জীবনের উদ্দেশ্য হয়, তবে স্ত্রীলোকের জন্য সুশিক্ষার আয়োজন করিবেন।

বোরকা

আমি অনেকবার শুনিয়াছি যে, আমাদের “অসন্য অবরোধ-পুখা”ই নাকি আমাদের উন্নতির অন্তরায়। উচ্চশিক্ষা প্রাপ্ত ভগ্নীদের সহিত দেখা সাক্ষাৎ হইলে তাঁহারা প্রায়ই আমাকে “বোরকা” ছাড়িতে বলেন। বলি, উন্নতি জিনিসটা কি? তাহা কি কেবল বোরকার বাহিরেই থাকে? যদি তাই হয় তবে বুঝিবে যে জ্বেলেনী, চামারনী, কি ডুমুনী প্রভৃতি স্ত্রীলোকেরা আমাদের অপেক্ষা অধিক উন্নতি লাভ করিয়াছে?

*মাণ্ডক—বাহ্যকে ভালোবাসা বার; beloved object.

আমাদের ত বিশ্বাস যে, অবরোধের সহিত উন্নতির বেশী বিরোধ নাই। উন্নতির জন্য অবশ্য উচ্চশিক্ষা চাই। কেহ কেহ বলেন যে, ঐ উচ্চশিক্ষা লাভ করিতে হইলে এক. এ. বি. এ. পরীক্ষার জন্য পর্দা ছাড়িয়া বিশ্ব-বিদ্যালয়ে (University Hall-এ) উপস্থিত হইতে হইবে। এ যুক্তি মন্দ নহে। কেন? আমাদের জন্য স্বতন্ত্র বিশ্ববিদ্যালয় (University) হওয়া এবং পরীক্ষক স্ত্রীলোক হওয়া কি অসম্ভব? যতদিন এইরূপ বন্দোবস্ত না হয়, ততদিন আমাদের পাশ করা বিদ্যা না হইলেও চলিবে।

অবরোধ-প্রথা স্বাভাবিক নহে—নৈতিক। কেন-না, পশুদের মধ্যে এ নিয়ম নাই। মনুষ্য ক্রমে সভ্য হইয়া অনেক অস্বাভাবিক কাজ করিতে শিখিয়াছে। যথা—পদশ্রদ্ধে ভ্রমণ করা স্বাভাবিক, কিন্তু মানুষে সুবিধার জন্য গাড়ী পাঙ্কী প্রভৃতি নানাপ্রকার যানবাহন প্রস্তুত করিয়াছে। সাঁতার দিয়া জলাশয় পার হওয়া স্বাভাবিক কিন্তু মানুষে নানাবিধ জলযান প্রস্তুত করিয়াছে। তাহার সাহায্যে সাঁতার না জানিলেও অনায়াসে সমুদ্র পার হওয়া যায়। ঐরূপ মানুষের “অস্বাভাবিক” সভ্যতার ফলেই অস্তঃপুরের সৃষ্টি।

পৃথিবীর অসভ্য জাতির অর্ধ-উলঙ্গ অবস্থায় থাকে। ইতিহাসে জানা যায়, পূর্বে অসভ্য খ্রিষ্টনের অর্ধনগ্ন থাকিত। ঐ অর্ধনগ্ন অবস্থার পূর্বে গায় রঙ মাখিত। ক্রমে সভ্য হইয়া তাহারা পোষাক ব্যবহার করিতে শিখিয়াছে।

এখন সভ্যতাভিনিয়ন্ত্রী (civilized) ইউরোপীয়া এবং ব্রাহ্ম-সমাজের ভগ্নী-গণ মুখ ব্যতীত সর্বাঙ্গ আবৃত করিয়া হাটে-মাঠে বাহির হন। আর অন্যান্য দেশের মসলমানেরা (ষরের বাহির হইবার সময়) মহিলাদের মুখের উপর আরও একখণ্ড বস্ত্রাবরণ (বোরকা) দিয়া ঐ বস্ত্রাবরণকে সম্পূর্ণ উন্নত (perfect) করিয়াছেন। যাঁহারা বোরকা ব্যবহার করেন না, তাঁহারা অবগুণ্ঠনে মুখ চাকেন।

কেহকেহ বোরকা ভারী বলিয়া আপত্তি করেন। কিন্তু তুলনায় দেখা গিয়াছে ইংরাজ মহিলাদের প্রকাণ্ড প্রকাণ্ড হ্যাট অপেক্ষা আমাদের বোরকা অধিক ভারী নহে।

পর্দা অর্থে ত আমরা বুঝি গোপন হওয়া, বা শরীর ঢাকা ইত্যাদি—কেবল অস্তঃপুরের চারি-প্রাচীরের ভিতর থাকা নহে। এবং ভালমতে শরীর আবৃত না করাকেই “বে-পর্দা” বলি। যাঁহারা ষরের ভিতর চাকরদের সম্মুখে অর্ধ-নগ্ন অবস্থায় থাকেন, তাঁহাদের অপেক্ষা যাঁহারা ভালমত পোষাক পরিয়া মাঠে বাজারে বাহির হন, তাঁহাদের পর্দা বেশী রক্ষা পায়।

বর্তমান যুগে ইউরোপীয়া ভগ্নীগণ সভ্যতার চরম সীমায় উঠিয়াছেন; তাঁহাদের পর্দা নাই কে বলে? তাঁহাদের শয়নকক্ষে, এমন কি বসিবার ঘরেও কেহ বিনা অনুমতিতে প্রবেশ করে না। এ প্রথা কি দোষণীয়? অবশ্য নহে। কিন্তু এদেশের যে ভগ্নীরা বিলাতী সভ্যতার অনুকরণ করিতে যাইয়া পর্দা ছাড়িয়াছেন, তাঁহাদের না আছে ইউরোপীয়াদের মত শয়নকক্ষের স্বাতন্ত্র্য (bed-room privacy), না আছে আমাদের মত বোরকা।

কেহ বলিয়াছেন যে, “সুন্দর দেহকে বোরকা জাতীয় এক কদম ঘোমটা দিয়া আপাদমস্তক ঢাকিয়া এক কিস্তুতকিমাকার জীব সাজা যে কি হাস্যকর ব্যাপার যাঁহারা দেখিয়াছেন, তাঁহারা ই বুঝিতে পারিয়াছেন”—ইত্যাদি। তাহা ঠিক। কিন্তু আমাদের বিশ্বাস যে, রেলওয়ে প্ল্যাটফরমে দাঁড়াইয়া কোন সম্ভ্রান্ত মহিলাই ইচ্ছা করেন না যে, তাঁহার প্রতি দর্শকবৃন্দ আকৃষ্ট হয়। স্তত্রাং ঐরূপ কুৎসিত জীব সাজিয়া দশকের শূণ্য উদ্বেক করিলে কোন ক্ষতি নাই। বরং কুলকামিনীগণ মুখমণ্ডলের সৌন্দর্য দেখাইয়া সাধারণ দর্শকমণ্ডলীকে আকর্ষণ করাই দোষণীয় মনে করিবেন।

ইংরাজী আদব-কায়দাও (etiquette) আমাদেরকে এই শিক্ষা দেয় যে, ভদ্রমহিলাগণ আড়ম্বর-রহিত (simple) পোষাক ব্যবহার করিবেন—বিশেষতঃ পদব্রজে ভ্রমণ কালে চাকচিক্যময় বা জাঁকজমক-বিশিষ্ট কিছু ব্যবহার করা তাঁহাদের উচিত নহে।*

নিমন্ত্রণ ইত্যাদি রক্ষা করিতে যাইলে মহিলাগণ সচরাচর উৎকৃষ্ট পরিচ্ছদ ও বহুমূল্য অলঙ্কার ব্যবহার করিয়া থাকেন। গাড়ি হইতে নামিবার সময় ঐ পরিচ্ছদ রূপ আভরণ কোচম্যান্ দ্বারবান প্রভৃতির দৃষ্টি হইতে গোপন করিবার জন্য একটা সানাসিধা (simple) বোরকার আবশ্যিক হয়। রেলওয়ে ভ্রমণকালে সাধারণের দৃষ্টি (public gaze) হইতে রক্ষা পাইবার জন্য ঘোমটা কিম্বা বোরকার দরকার হয়।

সময় সময় ইউরোপীয়া ভগ্নীগণও বলিয়া থাকেন, “আপনি কেন পর্দা ছাড়েন না (Why don't you break off purdah)?” কি জ্বালা! মানুষে

*ঐ উপদেশে আমরা কোরান শরীফের অষ্টাদশ “পারার” “সুন্না নুরের” একটি উক্তির প্রতি-
ধ্বনি শুনিতে পাই। যথা—“বিশ্বাসী স্ত্রীলোকদিগকে বল, তাহারা যেন পৃষ্টি সতত নীচের দিকে
রাখে (অর্থাৎ চকুল নমনে ইতস্ততঃ না দেখে।) এবং তাহারা যেন আভরণ (বিশেষ বিশেষ
ব্যক্ত বাস্তীভ) অন্য লোককে না দেখায়।”

নাকি পর্দা ছাড়িতে পারে? ইহাদের মতে পর্দা অর্থে কেবল অস্তঃপুরে থাকা বুঝায়। নচেৎ তাঁহারা যদি বুঝিতেন যে, তাঁহারা নিজেও পর্দার (অর্থাৎ privacy-র) হাত এড়াইতে পারেন না, তবে ওরূপ বলিতেন না। যদিও তাঁহাদের পোষাকেও সম্পূর্ণ পর্দা রক্ষা হয় না, বিশেষতঃ সন্ধ্যা-পরিধেয় (evening dress) ত নিতান্তই আপত্তিজনক। তবু তাহা বহু কামিনীর একহারা মিছি শাড়ী অপেক্ষা শ্রেষ্ঠ।

তারপর অস্তঃপুর ত্যাগের কথা—অস্তঃপুর ছাড়িলে যে কি উন্মতি হয়, তাহা আমরা ত বুঝি না। প্রকারান্তরে উক্ত স্বাধীন্য রমণীদেরও ত শয়নকক্ষরূপ অস্তঃপুর আছে।

মোটের উপর আমরা দেখিতে পাই সকল সভ্য জাতিদেরই কোন-না-কোন রূপ অবরোধ-প্রথা আছে। এই অবরোধ-প্রথা না থাকিলে মানুষ ও পশুতে প্রভেদ কি থাকে? এমন পবিত্র অবরোধ-প্রথাকে যিনি “জঘন্য” বলেন, তাঁহার কথার ভাব আমরা বুঝিতে অক্ষম।

সভ্যতা (civilization)-ই জগতে পর্দা বৃদ্ধি করিতেছে। যেমন পূর্বে লোকে চিঠিপত্র কেবল ভাঁজ করিয়া পাঠাইত, এখন সভ্য (civilized) লোকে চিঠির উপর লেফাফার আবরণ দেন। চাষারা ভাতের খালা ঢাকে না; অপেক্ষাকৃত সভ্যালোকে খাদ্য-সামগ্রীর তিন চারি পাত্র একখানা বড় খালায় (tray-তে) রাখিয়া উপরে একটা “খানপোষ” বা “সরপোষ” ঢাকা দেন; যাহারা আরও বেশী সভ্য তাঁহাদের খাদ্যবস্তুর প্রত্যেক পাত্রের স্বতন্ত্র আবরণ থাকে। এইরূপ আরও অনেক উদাহরণ দেওয়া যাইতে পারে, যেমন টেবিলের আবরণ, বিছানার চাদর, বালিশের ওয়াড় ইত্যাদি।

আজিকালি যে সকল ভগ্নী নগ্নপদে বেড়াইয়া থাকেন, তাঁহাদেরই আত্মীয়া স্ফূর্তিতা (enlightened) ভগ্নীগণ আবার সভ্যতার পরিচায়ক নোজা জুতার ভিতর পদযুগল আবৃত করেন। ক্রমে হাত ঢাকিবার জন্য দস্তানার সৃষ্টি হইয়াছে। তবেই দেখা যায়—সভ্যতার (civilization-এর) সহিত অবরোধ-প্রথার বিরোধ নাই।

তবে সকল নিয়মেরই একটা সীমা আছে। এদেশে আমাদের অবরোধ-প্রথাটা বেশী কঠোর হইয়া পড়িয়াছে। যেমন অবিবাহিতা বালিকাগণ স্ত্রীলোকের সহিতও পর্দা করিতে বাধ্য থাকেন। কখন কোন প্রতিবেশিনী আসিয়া উপস্থিত হইবে, এই ভয়ে নবম বর্ষীয়া বালিকা প্রাঙ্গণে বাহির হয় না। এইভাবে সর্বদা গৃহকোণে বন্দিনী থাকায় তাহাদের স্বাস্থ্য ভঙ্গ হয়। দ্বিতীয়তঃ, তাহাদের

সুশিক্ষার ব্যাঘাত হয়। যেহেতু খুব ঘনিষ্ঠ সম্পর্কীয়া আত্মীয়ীয়া ব্যতীত তাহার অন্য কাহাকেও দেখিতে পায় না, তবে শিখিবে কাহার নিকট? নব বধুদের অন্যান্য পর্দাও উল্লেখযোগ্য। তাঁহারা বিবাহের পর প্রথম দুই চারি মাস কেবল “জড় পুস্তলিকা” সাজিয়া থাকিতে বাধ্য হন। ঐরূপ কৃত্রিম অন্ধ ও বোবা হইয়া থাকায় কেমন অসুবিধা ভোগ করিতে হয়, তাহা যে সশরীরে ভোগ করে, সেই জানে! কথিত আছে, কোন সময় একটি সম্ভ্রান্ত পরিবারের নব বধুর পৃষ্ঠে ঘটনা ক্রমে বৃশ্চিক দংশন করে—তিনি সে যন্ত্রণা নীরবে সহ্য করিয়াছিলেন। তৃতীয় দিবস “চৌখী”র স্নানের সময় অন্য স্ত্রীলোকেরা তাঁহার পৃষ্ঠে ক্ষত দেখিয়া দুঃখিত হইয়াছিল। আজিকালি বৃদ্ধাগণ খুব প্রশংসার সহিত ঐ বধুটির উপমা দিয়া থাকেন! বোধ হয় বৃশ্চিকটা খুব বিষাক্ত ছিল না।

যাহা হউক, ঐ সকল কৃত্রিম পর্দা কম (moderate) করিতে হইবে। অনেক পরিবারে মহিলাগণ ঘনিষ্ঠ কুটুম্ব ব্যতীত অপর কাহারও বাটী যাতায়াত করেন না। ইহাতে পাঁচ রকমের স্ত্রীলোকের সহিত দেখা সাক্ষাৎ হইতে পারে না বলিয়া তাঁহারা একেবারে কুপমগ্ন হইয়া থাকেন। অন্তঃপুরিকাদের পরস্পর দেখা শুনা বৃদ্ধি হওয়া বাঞ্ছনীয়। পুরুষেরা যেমন সকল শ্রেণীর লোকের সহিত আলাপ করিয়া থাকেন, আমাদেরও তজ্জপ করা উচিত। অবশ্য তাহাদিগকে আনরা ভদ্র-শিষ্ট বলিয়া জানি, কেবল তাঁহাদের সঙ্গে মিশিবে,—তাঁহারা যে-কোন ধর্মাবলম্বিনী (মিহদী, নাসান্না, বুৎপদন্ত বা মা'ই) হউন, ক্ষতি নাই। এই যে “গয়ের মজ্জহব” বিশিষ্ট স্ত্রীলোকের সহিত পর্দা করা হয়, ইহা ছাড়িতে হইবে। আমাদের ধর্ম ত ভদ্রপ্রবণ নহে, তবে অন্য ধর্মাবলম্বিনী স্ত্রীলোকের সঙ্গে দেখা হইলে ধর্ম নষ্ট হইবে, ঐরূপ আশঙ্কার কারণ কি?

আনরা অন্যান্য পর্দা ছাড়িয়া আবশ্যিকীয় পর্দা রাখিবে। প্রয়োজন হইলে অবগুণ্ঠন (ওরফে বোরকা) সহ মাঠে বেড়াইতে আমাদের আপত্তি নাই। স্বাস্থ্যের উন্নতির জন্য শৈলবিহারে বাহির হইলেও বোরকা সঙ্গে থাকিতে পারে। বোরকা পরিয়া চলাফেরায় কোন অসুবিধা হয় না। তবে সে জন্য সামান্য রকমের একটু অভ্যাস (practice) চাই; বিনা অভ্যাসে কোন্ কাজটা হয়?

সচারাচর বোরকার আকৃতি অত্যন্ত মোটা (coarse) হইয়া থাকে। ইহাকে কিছু সূদর্শন (fine) করিতে হইবে। জুতা কাপড় প্রভৃতি যেমন ক্রমশঃ

উন্নতি প্রাপ্ত হইয়াছে, সেইরূপ বোরকারও উন্নতি প্রার্থনীয়। যে বোচার (বোরকা) স্মরণ আরব হইতে এদেশে আসিয়াছে, তাহাকে হঠাৎ নির্বাসিত করিলেই কি আমরা উন্নতির সর্বোচ্চ চূড়ায় উঠিব?

সম্প্রতি আমরা যে এমন নিস্তেজ, সঙ্কীর্ণমনা ও ভীক হইয়া পড়িয়াছি, ইহা অবরোধে থাকার জন্য হয় নাই—শিক্ষার অভাবে হইয়াছে। সুশিক্ষার অভাবেই আমাদের হৃদয়বৃত্তিগুলি এমন সঙ্কুচিত হইয়াছে। ললনাকুলের তীক্ষ্ণতা ক্রমে বালকদের হৃদয়ে সংক্রমিত হইতেছে। পঞ্চম বর্ষীয় বালক যখন দেখে যে, তাহার মাতা পতঙ্গ দর্শনে মুছিতা হন, তখন কি সে ভাবে না যে, পতঙ্গ বাস্তবিকই ভয়ানক কোন বস্তু?

এইখানে বলিয়া রাখি যে, কীট-পতঙ্গ দেখিয়া মুছা যাওয়ার দোষে কেবল আমরা দোষী নহি। স্মৃত্যু ইংরাজ রমণীও এ অপবাদ হইতে মুক্তি পান না। “গালিভারের ভ্রমণ” নামক পুস্তক (“Gullivers’ Travels”-এ) দেখা যায়, যখন ডাক্তার গালিভার “ব্রবডিঙ্গন্যাগ” (Brobdingnag)-দের দেশে গিয়া শস্যক্ষেত্রে সভয়ে বিচরণ করিতেছিলেন, তখন একজন ব্রবডিঙ্গন্যাগ তাঁহাকে হাতে তুলিয়া লইয়া আপন স্ত্রীকে দেখাইতে গেল। ইংরাজ-ললনা যেমন কীট-পতঙ্গ বা মাকড়সা দেখিয়া ভীত হন, ব্রবডিঙ্গন্যাগ রমণীও তরুণ ডাক্তার গালিভারকে দেখিয়া ভয়ে চীৎকার করিয়া উঠিল। কারণ, দীর্ঘকায় ব্রবডিঙ্গন্যাগ রমণী ডাক্তারকে একটি ক্ষুদ্র কীট-বিশেষ মনে করিয়াছিল!! তাই বলি, পর্দা ছাড়িলেও পতঙ্গ-ভীতি দূর হয় না।

পতঙ্গ-ভীতি দূর করিবার জন্য প্রকৃত সুশিক্ষা চাই—যাহাতে মস্তিষ্ক মন উন্নত (brain ও mind cultured) হয়। আমরা উচ্চশিক্ষা প্রাপ্ত না হইলে সমাজও উন্নত হইবে না। যতদিন আমরা আধ্যাত্মিক-জগতে পুরুষদের সমকক্ষ না হই, ততদিন পর্যন্ত উন্নতির আশা দুরাশা মাত্র। আমাদের সকলপ্রকার জ্ঞানচর্চা করিতে হইবে।

শিক্ষার অভাবে আমরা স্বাধীনতা লাভের অনুপযুক্ত হইয়াছি। অযোগ্য হইয়াছি বলিয়া স্বাধীনতা হারাইয়াছি। অদূরদর্শী পুরুষেরা ক্ষুদ্র স্বার্থ রক্ষার জন্য এতদিন আমাদের শিক্ষা হইতে বঞ্চিত রাখিতেন। এখন দূরদর্শী ভ্রাতাগণ বুঝিতে পারিয়াছেন যে, ইহাতে তাঁহাদের ক্ষতি ও অবনতি হইতেছে। তাই তাঁহারা আগিয়া উঠিতে ও উঠাইতে ব্যস্ত হইয়াছেন। আমি ইতঃপূর্বেও বলিয়াছি যে, “নর ও নারী উভয়ে মিলিয়া একই বস্তু হয়। তাই একটিকে

ছাড়িয়া অপরাট সম্পূর্ণ উন্নতি লাভ করিতে পারিবে না।” এখনও তাহাই বলি এবং আবশ্যিক হইলে ঐ কথা শতবার বলিব।

এখন ভ্রাতাদের সমীপে নিবেদন এই,—তাহারা যে টাকার শ্রদ্ধ করিয়া কন্যাকে জড় স্বর্ণ-মুক্তার অলঙ্কারে সজ্জিত করেন, ঐ টাকা দ্বারা তাহাদিগকে জ্ঞান-ভুষণে অলঙ্কৃত করিতে চেষ্টা করিবেন। একখানা জ্ঞানগর্ভ পস্তক পাঠে যে অনির্বচনীয় সুখ লাভ হয়, দশখানা অলঙ্কার পরিলে তাহার শতাংশের একাংশ সুখও পাওয়া যায় না। অতএব শরীর-শোভন অলঙ্কার ছাড়িয়া জ্ঞান-ভুষণ লাভের জন্য ললনাদের আগ্রহ বৃদ্ধি হওয়া বাঞ্ছনীয়। এ অনূল্য অলঙ্কার—

“চোরে নাহি নিতে পারে করিয়া হরণ,
জ্ঞানি নাহি নিতে পারে করিয়া বণ্টন,
দান কৈলে ক্ষয় নাহি হয় কদাচন,
এ কারণে বলে লোকে বিদ্যা মহাধন।”

আমি আরো দুই চারি পংক্তি বাড়াইয়া বলি:

অনলে না পারে ইহা করিতে দহন,
সলিলে না পারে ইহা করিতে মগন,
অনন্ত অক্ষয় ইহা অমূল্য রতন,—
এই ভূষা সঙ্গে থাকে যাবত জীবন!

তাই বলি অলঙ্কারের টাকা দ্বারা “জেনানা স্কুলের” আয়োজন করা হউক। কিন্তু ভগ্নীগণ যে স্কুল লাভের জন্য সহজে গহনা ত্যাগ করিবেন, একরূপ ভরস-হয় না। দুঃখের কথা কি বলিব,—আমার ভগ্নীদিগকে বোধ হয় এক প্রকার গৃহ সামগ্রীর মধ্যে গণনা করা হয়। তাই টেবিলটা যেমন ফুল-পাতা দিয়া সাজান হয়; জানালার পর্দাটা যেমন ফুলের মালা, পুঁতির মালা বা তরুণ অন্য কিছু দ্বারা সাজান হয়, সেইরূপ গৃহিণী আপন পত্রবধূটিকেও একরাশি অলঙ্কার দ্বারা সাজান আবশ্যিক বোধ করিয়া থাকেন। সময় সময় ভ্রাতৃগণ আমাদের কাছে “সোনা-রূপা রাখিবার স্তম্ভ (stand) বিশেষ” বলিয়া বিক্রয় করিতেও ছাড়েন না। কিন্তু “চোর না শুনে ধরম কাহিনী!”

যাহা হউক, পদা কিন্তু শিক্ষার পথে কাঁটা হইয়া দাঁড়ায় নাই। এখন আমাদের শিক্ষয়িত্রীর অভাব আছে। এই অভাবটি পূরণ হইলে এবং স্বতন্ত্র স্কুল-কলেজ হইলে যথাবিধি পর্দা রক্ষা করিয়াও উচ্চশিক্ষা লাভ হইতে পারে।

প্রয়োজনীয় পর্দা কম করিয়া কোন মুসলমানই বোধ হয় শিক্ষাক্ষেত্রে অগ্রসর হইবেন না।*

আশা করি, এখন আমাদের উচ্চশিক্ষা-প্রাপ্তা ভগ্নীগণ বৃদ্ধিতে পারিয়াছেন যে, বোরকা জিনিসটা মোটের উপর মন্দ নহে।

গৃহ

গৃহ বলিলে একটা আরাম-বিরামের শান্তি-নিকেতন বুঝায়—যেখানে দিবা-শেষে গৃহী কর্মক্রান্ত শ্রান্ত অবস্থায় ফিরিয়া আসিয়া বিশ্রাম করিতে পারে। গৃহ গৃহীকে রৌদ্র-বৃষ্টি-হিম হইতে রক্ষা করে। পশু-পক্ষীদেরও গৃহ আছে। তাহারাও য স্ব গৃহে আপনাকে নিরাপদ মনে করে। ইংরাজ কবি মনের আবেগে গাহিয়াছেন :

“Home, sweet home;
There is no place like home.
Sweet sweet home.”

পিপাসা না থাকিলে জল যেমন উপাদেয় বোধ হয় না, সম্ভবতঃ সেইরূপ গৃহ ছাড়িয়া কতকদিন বিদেশে না থাকিলে গৃহ-স্মৃৎ মিষ্ট বোধ হয় না। বিরহ

*এই সন্দর্ভটি লিখিত হইবার পর বর্তমান ছোটলাট Sir Andrew Fraser-এর “The purdah of ignorance”-নীর্ধক বক্তৃতার অংশবিশেষ দৃষ্টিনোচর হইল। তিনি বলেননাছেন : Let the efforts of educationists be first directed to the instruction of our girls *within the purdah*, and let woman begin to exercise her chastening influence on society in spite of the system of seclusion, which only time can modify and violent efforts to shake which can only arouse opposition to female education, instead of doing any immediate practical good in the direction, of emancipation of women” (গত ৮ই মার্চের “Telegraph” সংবাদপত্র হইতে উদ্ধৃত হইল।)

আমাদের মতের সহিত ছোটলাট বাহাদুরের মতের কি আশ্চর্য সাদৃশ্য দেখা যায়।

না হইলে মিলনে স্মৃতি নাই। পুরুষেরা যদিও সর্বদা বিদেশে যায় না, তবু সমস্ত দিন বাহিরে সংসারক্ষেত্রে থাকিয়া অপরাহ্নে গৃহে ফিরিয়া আসিবার জন্য উৎসুক হয়—বাড়ী আসিলে যেন হাঁফ ছাড়িয়া বাঁচে।

আবাস বিশ্লেষণ করিলে দুই অংশ দেখা যায়—এক অংশ আশ্রয়স্থান, অপরাংশ পারিবারিক জীবন (অর্থাৎ Home)। গৃহরচনা স্বাভাবিক; বিহগ-বিহগী পরস্পরে মিলিয়া নীড় নির্মাণ করে, শৃগালেরও বাসযোগ্য গর্ত প্রস্তুত হয়! ঐ নিলয়ও গর্তকে আলয় বলা যাইতে পারে, কিন্তু তাহা প্রকৃত “গৃহ” নয়। সে যাহা হউক,—পশুদের “গৃহ” আছে কি না, এস্থলে তাহা আলোচ্য নয়।

এখন আমাদের গৃহ সম্বন্ধে দুই একটি কথা বলিতে চাই। আমাদের সামাজিক অবস্থার প্রতি দৃষ্টিপাত করিলে দেখি, অধিকাংশ ভারত নারী গৃহস্থে বঞ্চিত। যাহারা অপরের অধীনে থাকে, অভিভাবকের বাটিকে আপন ভবন মনে করিতে যাহাদের অধিকার নাই, গৃহ তাহাদের নিকট কারাগার তুল্য বোধ হয়। পারিবারিক জীবনে যে স্মৃতি নহে, যে নিজেকে পরিবারের একজন গণ্য (member) বলিয়া মনে করিতে সাহসী নহে, তাহার নিকট গৃহ শাস্তি-নিকেতন বোধ হইতে পারে না। কুমারী, সধবা, বিধবা—সকল শ্রেণীর অবলার অবস্থাই শোচনীয়। প্রমাণ স্বরূপ কয়েকটি অন্তঃপুরের একটু একটু নমুনা দিতেছি। এক্রূপে অন্তঃপুরের পর্দা উঠাইয়া ভিতরের দৃশ্য দেখাইলে আমার ভ্রাতৃগণ অত্যন্ত ব্যথিত হইবেন, সন্দেহ নাই। কিন্তু কি করি—নালীঘায় অন্তঃচিকিৎসার একান্ত প্রয়োজন। ইহাতে রোগীর অতীব যত্নণা হইলেও তাহা রোগীর সহ্য করা উচিত। উপরের চর্মা বরণ খানিকটা না কাটিলে ভিতরের ক্ষত দেখাইব কিরূপে? তাই ভ্রাতাদের নিকট অন্তঃপুরের কোন কোন অংশের পর্দা তুলিবার জন্য অনুমতি প্রার্থনা করি।

আমি ইহা বলি না যে, আমাদের সমাজের গুণ মোটেই নাই। গুণ অনেক আছে, দোষও বিস্তর আছে। মনে করুন, একজনের এক হাত ভালো আছে, অন্য হাতে নালীঘা হইয়াছে। এক হাত ভালো আছে বলিয়া কি অন্য হাতের চিকিৎসা করা উচিত নহে? চিকিৎসা করিতে হইলে রোগের বিস্তারিত বিবরণ প্রকাশ করা আবশ্যিক।

অন্য আমরা সমাজ-অঙ্গের ক্ষতস্থলের আলোচনা করিব। সমাজের সুস্থ অংশ নিশ্চিত থাকুক। আমাদের সমাজে অনেক স্মৃতি পরিবার আছেন, তাঁহাদের বিষয় আমাদের আলোচ্য নহে—তাঁহারা সুখে-শান্তিতে সুমাইতে থাকুন। আমুন পাঠিকা। আমরা লৌহ-প্রাচীর-কেষ্টিত অন্তঃপুরের নিভৃত কক্ষগুলি পরিদর্শন করি।

১। বলিয়াছি ত, কখন বিদেশে না গেলে গৃহ-আগমন স্মৃষ্ণ অনুভব করা যায় না। আমরা একবার (বেহারে) জামালপুরের নিকটবর্তী কোন শহরে বেড়াইতে গিয়াছিলাম। সেখানে আমাদের জনৈক বন্ধুর বাড়ী আছে। সে বাটার পুরুষদের সহিত আমাদের আত্মীয় পুরুষদের বন্ধুত্ব আছে বলিয়া শরাকত* উকিলের বাড়ীর ত্রীলোকদিগকে দেখিতে আমাদের আগ্রহ হয়। দেখিলাম, মহিলা কয়টি অতিশয় শাস্ত শিষ্ট মিষ্টভাষিনী, যদিও কুপমণ্ডক। তাঁহারা আমাদের যথোচিত অভ্যর্থনা করিলেন। সেখানে শরাকতের পত্নী হসিনা, ভগ্নী জমিলা, জমিলার কন্যা ও পুত্রবধু প্রভৃতি উপস্থিত ছিলেন। অতঃপর জমিলাকে যখন আমাদের বাসায় যাইতে অনুরোধ করিলাম, তখন তিনি বলিলেন যে, তাঁহারা কোন কালে বাড়ীর বাহির হন না, ইহাই তাঁহাদের বংশগৌরব। কখনও ঘোড়ার গাড়ী বা অন্য কোন যান-বাহনে আরোহণ করেন নাই। শিবিকা-আরোহণের কথায় “হাঁ” কি “না” বলিয়াছিলেন, তাহা আমার ঠিক মনে নাই। আমি সবিম্বয়ে বলিলাম, “তবে আপনারা বিবাহ করিয়া শুম্বর বাড়ী যান কিরূপে? আপনার ভ্রাতৃবধু আসিলেন কি করিয়া?” জমিলা উত্তর দিলেন, “হাঁনি আমাদের আত্মীয়-কন্যা—এ পাড়ায় কেবল আমাদেরই গোঞ্জির বাড়ী পাশাপাশি দেখিবে।” এই বলিয়া তিনি আমাকে অন্য একটা ঘরে লইয়া গিয়া বলিলেন, “এই আমার কন্যার বাড়ী; এখন আমার বাড়ী চল।” তিনি আমাকে একটা অপ্ৰশস্ত গলির (ইহার একদিকে ঘরবাড়ী, অন্যদিকে উচ্চ প্রাচীর) ভিতর দিয়া ধুরাইয়া ফিরাইয়া লইয়া গেলেন। তাঁহার সকল কক্ষ দেখাইলেন। কক্ষগুলি “অসুস্পশ্য” বলিয়া বোধ হইল। অতঃপর একট ঘর খুলিলে দেখিলাম, অপরদিকে হসিনার পুত্রবধু আছে।—জমিলা বলিলেন, “দেখিলে, এই ঘরের ওপার্শ্বে আমার ভাইএর বাড়ী, এপার্শ্বে আমার বাড়ী। ও-কক্ষে বৃথা কেন বলিয়া এ ঘরটি বন্ধ রাখি। আমাদের সওয়ারীর দরকার হয় না কেন, তাহা এখন বুঝিলে?” ঐরূপে সকল বাড়ীই প্রদক্ষিণ করা যায়। সমস্ত মহান্নাটা পর্যটন করা আমার অভিপ্রেত না থাকায়, আমরা গৃহতুল্য বাসায় ফিরিয়া আসিলাম। জমিলা বলিয়াছেন, তিনি শীঘ্রই মক্কা শরীফ যাইবেন,—এ পাপদেশে তাঁহার আর থাকিবার ইচ্ছা নাই। আমরা আশা করি, তিনি মক্কা শরীফ হইতে ফিরিয়া আসিলে গৃহ-আগমন স্মৃষ্ণটা অনুভব করিবেন।

*এ প্রবন্ধে উল্লিখিত ব্যক্তিদের নামগুলি কল্পিত। বঁনার স্মৃষ্ণের নিমিত্ত এক্ষণ নাম দেওয়া হইল।

পাঠিকা কি মনে করেন যে, হসিনা বা জমিলা গৃহে আছেন? অবশ্য না; কেবল চারি প্রাচীরের ভিতর থাকিলেই গৃহে থাকা হয় না। এদেশে বাসরঘরকে “কোহ্বর” বলে, কিন্তু “কবর” বলা উচিত। বাড়ীখানা ত শরাফতের, সেখানে যেমন এক পাল ছাগল আছে, হংস কুন্তুট আছে, সেইরূপ একদল স্ত্রীলোকও আছেন! অথবা স্ত্রীলোকদের “বন্দিনী” বলা যাইতে পারে। যেহেতু তাঁহাদের পারিবারিক জীবন নাই। আপনার নিজের বাড়ীর কথা মনে করুন। তাহা হইলে হসিনার অবস্থা বুঝিবেন।

২। অনেক পরিবারের গৃহিণীদের সম্বন্ধে একরূপ বলা যাইতে পারে—“বাহার নিঁয়া হক্‌ত হাজারী, ঘরমে বিবি কাহাৎ কি মারী”—অর্থাৎ বাহিরে ত যথেষ্ট জাকজমক—যেন স্বামী সাত হাজার সেনার অধিনায়ক; আর অন্তঃপুরে গৃহিণী দুর্ভিক্ষ-প্রপীড়িতা!! বাহিরে বৈঠকখানা আছে, আস্তাবল আছে—অনেক কিছু আছে, আর ভিতরে গৃহিণীর নমাজের উপযুক্ত স্থান নাই।

৩। এখন আমরা অন্তঃপুরের ক্ষতস্থল দেখাইব। সাধারণতঃ পরিবারের প্রধান পুরুষটি মনে করেন, গৃহখানা কেবল “আমার বাটী”—পরিবারস্থ অন্যান্য লোকেরা তাঁহার আশ্রিতা।* মালদহে কয়েকবার আমরা একজনের বাটীতে যাতায়াত করিয়াছি। গৃহস্বামী কলিমের স্ত্রীকে আমরা কখনও প্রফুল্লমুখী দেখি নাই। তাঁহার স্ত্রী মুখখানি নীরবে আমাদের আন্তরিক সহানুভূতি আকর্ষণ করিত। ইহার কারণ এই—কয় বৎসর অতীত হইল, কলিম স্বীয় ভায়রাভাই-এর সহিত বিবাদ করিয়াছেন; তাহার ফলে কলিমের পত্নী স্বীয় ভগ্নীর সহিত দেখা করিতে পান না। তিনি এতটুকু ক্ষমতা প্রকাশ করিয়া বলিতে পারেন না, “আমার ভগ্নী আমার নিকট অবশ্য আসিবেন।” হয়! বাটী যে কলিমের! তিনি যাহাকে ইচ্ছা আসিতে দিবেন, যাহাকে ইচ্ছা আসিতে দিবেন না। আবার ওদিকে ও বাটীখানা সলিমের! সেখানে কলিমের পত্নীর প্রবেশ নিষেধ।

বলা বাহুল্য, কলিমের স্ত্রীর অনু, বস্ত্র বা অলঙ্কারের অভাব নাই। বলি, অলঙ্কার কি পিতৃমাতৃহীনা অবলার একমাত্র ভগ্নীর বিচ্ছেদ-যন্ত্রণা তুলাইতে পারে? সুলিলাম, তিনি সপত্নী-কন্টক হইতেও বিমুক্ত নহেন। একরূপ অবস্থায়

*কোন বিশেষ ব্যক্তি বা বিশেষ কোন ঘটনা আমাদের লক্ষ্য নহে। এদিক ওদিককার সত্ৰ ঘটনাসমূহ হইতে উপকরণ সংগ্রহ করিয়া একটা সাধারণ চিত্র অঙ্কিত হইল মাত্র। ইহাতে কোন নদীর একধারে নগরকুলিত আশ্রুকানন অন্য তীরে (আমেরিকার) নামেগারা ফলস-এর উচিষ্ঠিত নীহারাবৃত পত্রহীন উল্লসাজি দেখিও কেহ চিত্রকরকে আনাড়ী মনে করিবেন না—যেহেতু নদী, আশ্রুকানন, তৃষ্ণারাবৃত ওল্লস—এ সবই সত্য।

তাঁহার নিকট গৃহ কি শান্তি-নিকেতন (sweet home) বলিয়া বোধ হয়? তিনি কি নিভূতে নীরবে দীর্ঘনিশ্বাস ফেলিয়া ভাবেন না, “আমার মত হতভাগী নিরাশ্রয়া আর নাই।”

৪। একস্থলে দুই ভ্রাতায় কলহ হইল—মনে করুন, বড় ভাইটির নাম “হাম”, ছোট ভাইটির নাম “সাম”। ভ্রাতার সহিত বিবাদ করিয়া হাম স্বীয় কন্যাকে বলিলেন, “হামিদা! তুমি যতদিন আমার বাটীতে আছ, ততদিন জোবেদাকে (সামের কন্যা) পত্র লিখিতে পাইবে না।” পিতৃ-আদেশ অবশ্যই শিরোধার্য। কিন্তু হামিদা আটশষ যে পিতৃব্য-তনয়াকে ভালোবাসিয়াছে, তাহাকে হঠাৎ তুলিয়া যাওয়া তাহার পক্ষে সহজ নহে। যন্ত্রণায় তাহার হৃদয় বিদীর্ণ হইতে লাগিল।—যে দুইটি বালিকার শৈশবের ধূলাখেলার স্মৃতি উভয়ের জীবনে বিজড়িত রহিয়াছে—দূরে থাকিয়াও যাহারা পত্রসূত্রে একত্র গ্রথিতা ছিল, আজ সেই একবৃন্দের কুসুম দুইটিকে বিচিছন্ন করিয়া হাম গৃহস্বামিষের পরিচয় দিলেন! দুইটি অসহায় অক্ষমা বালিকার কোমল হৃদয় দলিত ও চূর্ণবিচূর্ণ করিয়া গৃহস্বামী স্বীয় ক্ষমতা প্রকাশ করিলেন! বলা বাহুল্য, জোবেদাও হামিদাকে পত্র লিখিতে অক্ষম। যদি তাহারা কোন প্রকারে পরস্পরকে চিঠি পাঠায়—তবে হামিদার পত্র সাম আটক (intercept) করেন, জোবেদার পত্র হামের কবলে পড়িয়া মারা যায়! বালিকাঘরের রুদ্ধ-অশ্রু, হৃদয়বিদারী দীর্ঘনিঃশ্বাস যবনিকার অন্তরালেই বিলীন হয়! শুনা যায়, আইন অনুসারে ১৮ (কিস্বা ২২) বর্ষীয়া কন্যার চিঠিপত্র আটক (intercept) করিতে পিতা অধিকারী নহেন। সে আইন কিন্তু অন্তঃপুমে প্রবেশ করিতে পায় না। কবি বেশ বলিয়াছেন:

“তোমরা বসিয়া থাক ধরা-প্রাস্তভাগে,
শুধু ভালোবাস। জান না বাহিরে বিশ্বে
গরজে সংসার’—

তাইত; আইন আছে, থাকুক, তাহাতে হামিদা বা জোবেদার লাভ কি? ঐরূপ কত পত্র দেবর-ভাস্কর প্রভৃতি কর্তৃক অবরুদ্ধ (intercepted) হয়, কে তাহার সংখ্যা করে? বিধবা ভ্রাতৃবধুটি স্বীয় ভ্রাতা-ভগিনীর চিঠিপত্র লইয়া কোনমতে কালক্ষেপ করেন—যদি আশ্রয়দাতা দেবরটি বিরক্ত হন, তবে আর তাঁহার ভ্রাতা-ভগিনীর পত্র পাইবার উপায় নাই! অসহায় অন্তঃপুরিকাদিগকে ঈশ্বর ব্যতীত আর কে সাহায্য করিবে?

৫। আমরা রমানুল্লরীকে অনেকদিন হইতে জানি। তিনি বিধবা; সন্তান সন্ততিও নাই। তাঁহার স্বামীর প্রভূত সম্পত্তি আছে, দুই চারিটি পাকা বাড়ীও আছে। তাঁহার দেবর এখন সে-সকল সম্পত্তির অধীশ্বর। দেবরটি কিন্তু রমাকে একমুঠা অনু এবং আশ্রয়দানেও কুন্ঠিত। আমরা বলিলাম, “ইনি হয়ত দেবর-পত্নীর সহিত কৌদল করেন।” এ কথা উত্তরে একজন (যিনি রমাকে ১৪।১৫ বৎসর হইতে জানেন) বলিলেন, “রমা সব করিতে জানে, কেবল কৌদল জানে না। রমা বেশ জানে, কি করিয়া পরকে আপন করিতে হয়; কেবল আপনাকে পর করিতে জানে না।”

“এতগুণ সত্ত্বেও দেবরের বাড়ী থাকিতে পান না কেন?”

“কপালের দোষ।”

হায় অসহায়! অবলা! তোমরা নিজের দোষকে “কপালের” দোষ বল বটে, কিন্তু ভুগিবার বেলা তোমরাই স্বকীয় কর্মফল ভুগিতে থাক! তোমাদের দোষ মুর্খতা, অক্ষমতা, দুর্বলতা ইত্যাদি। রমানুল্লরী বলিলেন, “বঁচে থাকতে বাধ্য ব'লে বঁচে আছি; খেতে হয় ব'লে খাই—আমাদের সেই সহমরণ-প্রথাই বেশ ছিল। গবর্নমেন্ট সহমরণ-প্রথা তুলে দিয়ে বিধবার যন্ত্রণা বৃদ্ধি করেছেন!” ঈশ্বর কি রমার কথাগুলি শুনিতে পান না? তিনি কেমন দয়াময়?

৬। আমরা একটি রাজবাটী দেখিতে গিয়াছিলাম। অবশ্য রাজার অনুপস্থিতি সময় যাওয়া হইয়াছিল। তিনি উপাধিপ্ৰাপ্ত রাজা—রাজ্যের বাৎসিক আয় প্রায় ৫,০০,০০০ টাকা।

বাড়ীখানি কবি-বর্ণিত অমরাবতীর ন্যায় মনোহর। ঠৈঠকখানা বিবিধ মূল্যবান সাজসজ্জায় ঝলমল করিতেছে; এদিকে-সেদিকে ৫।৭ খানা রজত-আসন শূন্য হৃদয়ে রাজাকে আহ্বান করিতেছে! এক কোণ হইতে রবির একটু ক্ষীণরশ্মি একটি দর্পণে পড়িয়াছিল; তাহার প্রতিরশ্মি চারিদিকে বেঙ্গুরের ঝাড়ে প্রতিভাত হইয়া এক অভিনব আলোকরাজ্য রচনা করিয়া ফেলিয়াছে। এক কক্ষে রাজার রৌপ্যনির্মিত পর্যঙ্কখানা মশারী ও শয্যায় পরিশোভিত হইয়া প্রবাসী রাজার অপেক্ষা করিতেছে। পাঠিকা হয়ত বলিবেন, “খাটখানা রানী ব্যবহার করেন না কেন?” তাহা হইলে সমাগত লোকেরাও লক্ষ-টাকার পর্যঙ্কখানা দেখিতে পাইত না যে! বহির্বাটী পরিদর্শন করিয়া আমরা রানীর মহলে গেলাম।

রানীর ঘরকন্ঠখানাতেও টেবিল, টিপাই, চেয়ার ইত্যাদি সাজসজ্জা আছে। কিন্তু তাহার উপর ধুলার স্তর পড়িয়াছে। রাজা কোন কালে এসব কক্ষে

পদার্পণ করেন বলিয়া বোধ হইল না। রানীর শয্যাপাশে কয়েকখানা বাঙ্গালা পুস্তক এলোমেলো ভাবে ছড়ান রহিয়াছে।

রানীকে দেখিয়া আমি হতাশ হইলাম। কারণ, ঠৈঠকখানা দেখিয়া আমি রানীর যেরূপ মূর্তি কল্পনা করিয়াছিলাম, এ মূর্তি তাহার সম্পূর্ণ বিপরীত। তিনি পরমা স্নন্দরী (১৬।১৭ বৎসরের) বালিকা—পরিধানে সামান্য লালপেড়ে বিলাতি ধুতি; অলঙ্কার বলিতে হাতে তিন তিন গাছি বেল্লুরের চুড়ি, মাথায় রুক্ষ কেশের জটা—অনুমান পনের দিন হইতে তৈলের সহিত চুলগুলির সাক্ষাৎ হয় নাই। মুখাখানি এমনই করুণভাবে পূর্ণ যে, রানীকে মূর্তিমতী “বিষাদ” বলিলে অত্যুক্তি হয় না। অনেকের মতে চক্ষু মনের দর্পণ স্বরূপ। রানীর নয়ন দুইটিতে কি কি হৃদয়-বিদারক ভাব ছিল, তাহা আমি বর্ণনা করিতে অক্ষম।

রাজা সর্বদা বিদেশে—বেশীর ভাগে কলিকাতার থাকেন। সেখানে তাঁহার অপসরা, বিদ্যাধরীর অভাব হয় না, এখানে রানী বেচারী চিরবিরহিনী! বাড়ীতে দাস-দাসী, ঠাকুর-দেবতা, পুরোহিত ইত্যাদি সবই আছে; আনন্দ-কোলাহলও যথেষ্ট আছে, কেবল রানীর হৃদয়ে আনন্দ নাই। গৃহখানা তাঁহার নিকট কারাগার স্বরূপ বোধ হইতেছে। রানী যেন একদল দাসীসহ নির্জন কারাবাসে দণ্ডভোগ করিতেছেন। আমাদের সঙ্গীয়া একটি মহিলা জনাস্তিকে বলিলেন, “এমন চমৎকার বাড়ী, আর ঘরে এমন পরী যাঁর, তিনি কি স্নেহে বিদেশে থাকেন!”

রানী বাঙ্গালা বেশ জানেন; তিনি কেবল বই পড়িয়া দুর্বহ সময় কাটান। তিনি—মিতভাষিনী, বেশী কিছু বলিলেন না, কিন্তু যেদুই একটি কথা বলিলেন, তাহা অতি চমৎকার। আমাদের একটি বর্ষীয়সী সঙ্গিনী বলিলেন, “তুমি রাজার রানী, তোমার এ বেশ কেন? এস আমি চুল বেঁধে দিই!” রানী উত্তর দিলেন; “জানি না কি পাপে রানী হয়েছি!” ঠিক কথা! অথচ লোকে এই রানীর পদ কেমন বাঞ্ছনীয় বোধ করে!

অন্তঃপুরের ঐ সকল ক্ষতকে নালীয়া না বলিয়া আর কি বলিব? এ রোগের কি ঔষধ নাই? বিধবা ত সহমরণ-আকাঙ্ক্ষা করে; সধবা কি করিবে?

৭। “মহম্মদীয় আইন” অনুসারে আমরা পিতার সম্পত্তির উত্তরাধিকারিণী হই—“আমাদের বাড়ী”ও হয়। কিন্তু তাহা হইলে কি হয়—বাড়ীর প্রকৃত কর্তা স্বামী, পুত্র, জামাতা, দেবর ইত্যাদি হ’ন। তাঁহাদের অভাবে বড় আমলা বা নায়েবটি বাড়ীর মালিক! গৃহকত্রীটি ঐ নায়েবের ক্রীড়াপুতুল মাত্র। নায়েব কত্রীকে যাহা বুঝায়, অবোধ নিরক্ষর কত্রী তাহাই বুঝেন।

গৃহকর্ত্রী মোহসেনা স্বীয় জামাতার সহিত কলহ করিয়া দুই-এক দিনের জন্য কোনদূর সম্পর্কীয় দেবর কাসেমের বাড়ী যান। এ বাড়ীখানা মোহসেনার পৈতৃক সম্পত্তি—সুতরাং ইহা তাঁহার একান্ত ‘আপন’ বস্তু। কর্ত্রীর একমাত্র দুহিতাও মারা গিয়াছেন; তবু তিনি জামাতাকে (দুই-চারিজন দৌহিত্রী ইত্যাদি সহ) বাড়ীতে রাখিয়াছেন। একরূপ স্থলে জামাতা জামালকে শাশুড়ীর আশ্রিত বলা যাইতে পারে। কিন্তু তামাসা দেখুন,—মোহসেনা গৃহে ফিরিয়া আসিলে, স্বারবান তাঁহাকে জানাইল, এ বাড়ীতে তাঁহার প্রবেশ নিষেধ। তিনি অত্যন্ত ক্রুদ্ধ হইয়া বলিলেন—“কি? আমার বাড়ীতে আমারই প্রবেশ নিষেধ? পর্দা কর আমি (শিবিকা হইতে) নামিবা।”

স্বারবান—পর্দা করিতে পারি না, মালিকের হুকুম নাই।

কর্ত্রী—কে তোমার মালিক? একমাত্র মালিক ত আমি।

স্বারবান—বে-আদবী মাফ হউক; হজুর কি আমাকে তাঁহার পরজার হইতে রক্ষা করিতে পারেন? হজুর ত পর্দায় থাকেন, আমরা জামাল মিয়াকেই জানি। আপনি মালিক, তাহা ত দুনিয়া জানে;—কিন্তু আমার প্রতি দয়া করিয়া আপনি ফিরিয়া যান। আপনি এখানে নামিলে গোলামের উপর জুলুম হবে। হজুরেরও অপমান হওয়ার সম্ভাবনা।

যাহা হউক, হজুর ফিরিয়া গেলেন! তিনি কাসেমকে জিজ্ঞাসা করিলেন, “এমন কি কোন আইন নাই, যাহার দ্বারা আমার বাড়ী আমি দখল করিতে পারি?” কাসেম বলিলেন, “আছে। আপনি নালিশ করুন, আমরা সাহায্য করিব।” ওদিকে জামাল এই নালিশের বিষয় জানিতে পারিয়া কাসেমের নিকট আসিলেন। সবিনয়ে নিষ্ঠ ভাষায় কাসেমকে বুঝাইলেন, “আজ আপনি যদি আমার শাশুড়ীর সাহায্য করেন, তবে ত অন্তঃপুরিকাদের প্রশ্রয় দেওয়া হয়। যদি কখন আপনার একরূপ বিপদ ঘটে, তবে কেহ আপনার পরিবারের স্ত্রীলোকদের সাহায্য করিবে, আপনি কি তাহা পসন্দ করিবেন? ভাবিয়া দেখুন, একরূপ হওয়া কি ভাল? মিছামিছি শত্রুতা পাতাইবেন কেন?”

কাসেম অন্তঃপুরে আসিয়া মোহসেনাকে বুঝাইলেন যে, নামলা মোকদ্দমায় অনেক হেঙ্গাম; ওসব গোলমাল না করাই ভাল। অভাগিনী ক্রোধে, অভিমানে নীরবে দগ্ধ হইতে থাকিলেন।

একরূপ আরও কত উদাহরণ দেওয়া যাইতে পারে। খদিজা প্রভূত সম্পত্তির উত্তরাধিকারিণী, তাঁহার স্বামী হাশেম দরিদ্র কিন্তু কুলীন বিষয়। হাশেম ছলে কৌশলে সমস্ত জমিজমা আত্মসাৎ করিয়া লইলেন; খদিজার হাতে এক পয়সা

নাই। খদিজার পৈত্রিক বাড়ীতে বসিয়াই হাশেম আর দুই তিনটা বিবাহ (?) করিয়া তাঁহাকে সতিনী জালায় দগ্ধ করিতে লাগিলেন। এরূপ না করিলে আর ক্ষমতাশালী পুরুষের বাহাদুরী কি? ইহাতে যদি খদিজা সামান্য বিরক্ত প্রকাশ করেন, তবে প্রবীণা মহিলাগণ তাঁহার হৃদয়ে স্বামী-ভক্তির অভাব দেখিয়া নিন্দা করেন, কেহ দুই-একটা জীর্ণ পুঁথি (মসলঃমসালেলের বঙ্গানুবাদ) দেখাইয়া বলেন, “স্বামী মাথা কাটিলে ‘আহ্’ বলিতে নাই।” কেহ সুরযোগে আবৃত্তি করিলেন,—

“নারীর মোর্শেদ^১ স্বামী সের্তাজ^২ জানিবে,
মোর্শেদের সম নারী পতিকে ভজিবে।”

যাহা হউক, খদিজার দুঃখে সহানুভূতি করিবে, এমন লোকটি পর্যন্ত নাই। ইহাকে নরক-যন্ত্রণা ভিন্ণু আর কি বলিব? কোন মৌলভী বজ্জতা (ওয়াজ) করিতে বাইয়া বলিয়াছেন, “স্ত্রীলোকে বেশী গুণা (দোষ) করে; হজরত মেরা-রাজ গিয়া দেখিয়াছেন, নরকে বেশীর ভাগে স্ত্রীলোক শাস্তি পাইতেছে।” আমরা কিন্তু এই পৃথিবীতেই দেখিতেছি—কুলকামিনীরা অসহ্য নরকযন্ত্রণা ভোগ করিতেছেন।

৮। পৈত্রিক সম্পত্তির অংশ হইতে কন্যাকে বঞ্চিত করিবার নিমিত্ত কি কি জঘন্য উপায় অবলম্বন করা হইয়া থাকে, তাহা কে না জানে? কোনব্রাতা তাহা মুখ ফটিয়া বলেন না—বলিলে অবলাকে প্রশ্রয় দেওয়া হইবে যে!^৩ স্নতরাং সে শোচনীয় কথা আমাদিগকেই বলিতে হইতেছে। কোন স্থলে আফিং-খোর, গাঁজাখোর, নিষ্কর, চিররোগী বৃদ্ধ—যে মোকদ্দমা করিয়া জমিদারীর অংশ বাহির করিতে অক্ষম এইরূপ লোককে কন্যাদান করা হয়। অথবা তগুীর দ্বারা বিবাহের পূর্বেই লা-দাবী লিখাইয়া লওয়া হয় কিম্বা ভগ্নীদিগকে চিরকুমারী রাখা হয়; এবং ব্রাতৃবধু ননদদিগকে দাসীর মত ভাবেন! আর যদি কোন পরিবারে পুত্র মোটেই না থাকে, কেবল ডজন, অর্ধ ডজন কন্যাই থাকে,—

১। মোর্শেদ—গুরু।

২। সের্তাজ—(সের—ভাজ) ধামায় নুকুট, অর্থাৎ নুকুটতুল্য শ্রদ্ধাস্পদ।

৩। স্ত্রীলোকদের দুঃখ-কাহিনীপূর্ণ একটি প্রবন্ধ কোন উর্দু সংবাদপত্রে প্রকাশের নিমিত্ত দেওয়া হইয়াছিল। সম্পাদক তাহা প্রকাশ করিতে সাহসী হন নাই—নিষিদ্ধেন যে, এরূপ প্রবন্ধ প্রকাশ করিলে সাধারণ পুরুষসমাজ চটবেন। স্নেহের বিষয়, বাকলা কাগজগুলির যথেষ্ট সংসাহস আছে, তাই রক্ষা। নচেৎ আমাদের দুঃখের কান্না কাঁদিবার উপায়ও থাকিত না।

তবে জ্যেষ্ঠা ভগ্নীর ভাগ্যবান স্বামীটি অবশিষ্ট শ্যালিকা কয়টিকে চিরকুমারী রাখিতে চেষ্টা করেন। ইহাই সমাজের নানীষা। হায় পিতা মোহাম্মদ (দঃ)। তুমি আমাদের উপকারের নিমিত্ত পিতৃসম্পত্তিতে অধিকারিণী করিয়াছ, কিন্তু তোমার স্নেহের শিষ্যগণ নানা উপায়ে কুলবালাদের সর্বনাশ করিতেছে। আহা! “মহম্মদীয় আইন” পুস্তকের মসি-রেখারূপে পুস্তকেই আবদ্ধ থাকে। টাকা যার, ক্ষমতা যার, আইন তাহারই। আইন আমাদের ন্যায় নিরক্ষর অবলাদের নহে।

৯। নববিধবা সৌদামিনী দুই পুত্র ও এক কন্যাসহ ভ্রাতার আলয়ে আশ্রয় লইয়াছে। ৯।১০ মাস পরে তাঁহার (১৫ ও ১২ বৎসর) পুত্র দুইটি দশ দিনের ভিতর মারা যায়। সৌদামিনী নিকট ১০,০০০ টাকার কোম্পানীর কাগজ ছিল।

যে সময় বিধবা সৌদামিনী পুত্রশোক্রে পাগলপ্রায় ছিলেন, সেই স্মরণে (অর্থাৎ বালকদ্বয়ের মৃত্যুর একমাস পরেই) ভ্রাতা নগেশ্বর ঐ টাকাগুলি তাঁহারই নামে গচ্ছিত রাখিতে ভগ্নীকে অনুরোধ করিলেন। বলিলেন, “স্বীলোকের নামে টাকা জমা থাকলে গোলমাল হ'তে পারে। আমি ত আর তোমার পর নই।” ভগ্নীর মাথা ঠিক ছিল না, নগেশ্বর যাহা লিখাইলেন তিনি তাহাই লিখিলেন। ভাবিলেন “অমন চাঁদ যদি গিয়াছে, তবে আর পোড়ার টাকা থেকে কি হবে? প্রতিভার বিয়ে ত নগেশ্বর দিবেই। আমি এখন ম'লে বাঁচি।” নগেশ্বর ক্রমে দুই তিনটা কন্যাদায় হইতে মুক্ত হইলেন। কিন্তু প্রতিভার বিবাহের জন্য মোটেই ভাবেন না। তাহার বয়স ১২ বৎসর হইলে সৌদামিনী তাহার বিবাহের জন্য ব্যস্ত হইলেন। তিনি যত তাড়া করেন, নগেশ্বর ততই বলেন, “বর পাওয়া যায় না।”

প্রতিভা ১৫ বৎসরের হইল—বিবাহ হইল না। ১০,০০০ টাকা দিয়া বর পাওয়া যায় না, একথা কি পাঠিকা বিশ্বাস করেন? প্রতিবেশিনীর। নিন্দা করে, অভিষাপ দেয়, “ছি ছি, কেমন মামা।” বলে, তাহাতে নগেশ্বরের কি ক্ষতি হয়? পন্নীপ্রাণে নিন্দা অপবাদ চতুর্পাশ্ব'স্থিত শস্যক্ষেত্রেই বিলীন হয়। পুকাও পাটক্ষেতে বড় বড় শূকর লঙ্কায়িত থাকিতে পারে, আর ঐ নিন্দাটুকু লুকাইতে পারিবে না?

এখন সৌদামিনী দেখিলেন তাঁহার স্বামীর কণ্ঠে উপার্জিত টাকা দ্বারা নগেশ্বরের অবস্থা ভাল হইল, কন্যাদের বিবাহ হইল—কেবল তাহারই একমাত্র প্রতিভা কুমারী রহিল।।

ত পুী মানকুমারী বলিয়াছেন,—

“কাঁদ তোরা অভাগিনী । আমিও কাঁদিব,
 আর কিছু নাহি পারি, ক’ ফোঁটা নয়ন-বারি,
 ভগিনী ! তোদেরি তরে বিজনে চালিব ।
 যখন দেখিব চেয়ে’ অনুঢ়া, “প্রাচীনা মেয়ে”
 কপালে জ্বোটেনি বিয়ে—তখনি কাঁদিব ।
 যখন দেখিব বাল্য সহিছে সতিনী-জালা,
 তখনি নয়ন-জলে বুক ভাসাইব ।
 সধবা বিধবা-প্রায় পরায় মাগিয়া খায়—
 দেখিলে কাঁদিয়া তার যমেরে ডাকিব,
 এ তুচ্ছ এ হীন প্রাণ দিতে পারি বলিদান—
 তোদেরি কল্যাণে, বোন্ ! কিন্তু কি করিব ?
 কাঁদিতে শক্তি আছে, কাঁদিয়া মরিব ।”

আমি কিন্তু তাঁহার সহিত একমত হইয়া কাঁদিবার সুরে সুর মিলাইতে পারিতেছি না । আমার ভগ্নীটি অবশেষে সবখানি শক্তি কেবল “কাঁদিয়া মরিতে” ব্যয় করিলেন । ব্যস ! ঐরূপ অশ্রু চালিয়া চালিয়াই ত আমরা এমন অবলা হইয়া পড়িয়াছি ।

আমার এই প্রবন্ধ পাঠ করিয়া ভ্রাতা-ভগ্নীগণ হয়ত মনে করিবেন যে, আমি কেবল ভ্রাতৃবৃন্দকে নরাকারে পিশাচরূপে অঙ্কিত করিবার জন্যই কলম ধরিয়াছি । তাহা নয় । আমি ত কোথাও ভ্রাতাদের প্রতি কটু শব্দ ব্যবহার করি নাই—কাহাকেও পাপিষ্ঠ, পিশাচ বলিয়াছি কি ? কেবল রমণীহৃদয়ের ক্ষত দেখাইয়াছি । ঐ যে কথায় বলে, “বলিতে আপন দুঃখ পরনিশা হয়”, এক্ষেত্রে তাহাই হইয়াছে—ভগ্নীর দুঃখ বর্ণনা করিতে ভ্রাতৃনিশা হইয়া পড়িয়াছে ।

সুখের বিষয়, আমাদের অনেক ভ্রাতা ঐরূপ আছেন, যাঁহারা জীলোকদিগকে যথেষ্ট শাস্তিতে গৃহস্বখে রাখেন । কিন্তু দুঃখের সহিত আমরা ইহাও বলিতে বাধ্য যে, অনেক ভ্রাতা আপন আপন বাটীতে অনায়াস স্বামীশ্বের পরিচয় দিয়া থাকেন ।

এখন বোধ হয়, সুযোগ্য ভ্রাতৃগণ বুঝিবেন যে, “এত বড় সংসারে আমরা নিরাশ্রয়া” বলিয়া আমি ভুল করি নাই—ঐ কথার প্রতি বর্ণ সত্য । আমরা কে কোন অবস্থায় থাকি না কেন, অভিভাবকের বাটীতে থাকি । প্রভুদের বাটা যে আশ্রয়স্থল সর্বদাই রোদ্র, বৃষ্টি, হিম হইতে রক্ষা করে, তাহা নহে । তবু—

যখন আমাদের চালের উপর খড় থাকে না, দরিদ্রের জীর্ণতম কুটারের শেষ

চালখানা ঝঞ্জনীলে উড়িয়া যায়,—টুপ-টুপ বৃষ্টিধারায় আমরা সমস্ত রাত্রি ভিজিতে থাকি,—চপলা-চমকে নয়নে ধাঁধা লাগে,—বজ্রনাদে মেদিনী কাঁপে, এবং আমাদের বুক কাঁপে,—প্রতি মুহূর্তে ভাবি, বৃষ্টি বজ্রপাতে মারা যাই—তখনও আমরা অভিভাবকের বাটীতেই থাকি ।

যখন আমরা রাজকন্যা, রাজবধু-রূপে প্রাসাদে থাকি, তখনও প্রভু-গৃহে থাকি । আবার যখন ঐ প্রাসাদতুল্য ত্রিতল অট্টালিকা ভূমিকম্পে চূর্ণ হয়,—সোপান অতিক্রম করিয়া অবতরণ-কালে আমাদের মাথা ভাঙ্গে, হাত পা ভাঙ্গে—রক্তাক্ত কলেবরে হতজ্ঞান-প্রায় অবস্থায় গোশালায় গিয়া আশ্রয় লই,—তখনও অভিভাবকের বাটীতে থাকি !!

অথবা গৃহস্থের বৌ-ঝি রূপে প্রকাণ্ড আটচালায় বাস করিলেও প্রভুর আলয়ে থাকি ; আর যখন চৈত্র মাসে বোর অমানিশীথে প্রভুর বাটীতে দুষ্টলোক কর্তৃক লঙ্কাকাণ্ডের অভিনয় হয়,—সব জিনিসপত্রসহ ঘরগুলি দাউ দাউ করিয়া জ্বলিতে থাকে,—আমরা এক বসনে প্রাণটি হাতে করিয়া কোনমতে পৌড়াইয়া গিয়া দূরস্থিত একটা কুলগাছতলে দাঁড়াইয়া কাঁপিতে থাকি,—তখনও অভিভাবকের বাটীতে থাকি !!! (জানি না, কবরের ভিতরও অভিভাবকের বাটীতে থাকা হয় কি না !!)

ইংরাজীতে Home বলিলে যাহা বুঝায়, গৃহ শব্দ দ্বারা আমি তাহাই বুঝাইতে চাই । উপরে যে রানী, রমা, হামিদা, জোবেদা পুত্রতির অবস্থা বলা হইয়াছে, তাঁহারা কি গৃহস্থ ভোগ করিতেছেন ? শারীরিক আরাম ও মানসিক শান্তি-নিকেতন যাহা, তাহাই গৃহ । বিধবা হইলে স্বামীগৃহ একরূপ বাসের অযোগ্য হয় ; হতভাগিনী তখন পিতা, ভ্রাতার শরণাগত হয়, কিন্তু তাহাতে তাহার যে দশা হয়, সৌদামিনী-চিত্রে তাহা বর্ণিত হইয়াছে । একটা হিন্দি প্রবাদ আছে—

“ঘর কি জলি বন মৈঁ গেয়ী—বন মৈঁ লাগি আগ
বন বেচারী কেয়া করে, করব্ মৈঁ লাগি আগ ।”

অর্থাৎ ‘গৃহে দগ্ধ হইয়া বনে গেলাম, বনে লাগিল আগুন ; বন বেচারী কি করিবে, (আমারও) কপালেই লাগিয়াছে আগুন ।’

তাই বলি, গৃহ বলিতে আমাদের একটি পর্ণকূটার নাই । প্রাণি-জগতে কোন জন্তুই আমাদের মত নিরাশ্রয় নহে । সকলেরই গৃহ আছে—নাই কেবল আমাদের ।*

প্রথম খণ্ড সমাপ্ত

* আমাদের যে-সকল ভগ্নী গৃহস্থ ভোগ করেন, এ-সম্বন্ধটি তাঁহাদের জন্য লিখা হয় নাই - ইহা গৃহস্থীদের জন্য ।

মতিচূর

দ্বিতীয় খণ্ড

১০২৮

উৎসর্গ-পত্র

আপাঙ্গান !

আমি শৈশবে তোমারই স্নেহের প্রসাদে বর্ণ-পরিচয় পড়িতে শিখি। অপর আত্মীয়গণ আমার উর্দু ও পারসী পড়ায় তত আপত্তি না করিলেও বাঙ্গালা পড়ার ঘোর বিরোধী ছিলেন। একমাত্র তুমিই আমার বাঙ্গালা-পড়ার অনুকূলে ছিলে। আমার বিবাহের পর তুমিই আশঙ্কা করিয়াছিলে যে, আমি বাঙ্গালা ভাষা একেবারে ভুলিয়া যাইব। চৌদ্দ বৎসর ভাগলপুরে থাকিয়া বঙ্গভাষায় কথাবার্তা কহিবার একটি লোক না পাইয়াও যে বঙ্গভাষা ভুলি নাই, তাহা কেবল তোমারই আশীর্বাদে। অতঃপর কলিকাতায় আসিয়া ১১ বৎসর যাবৎ এই উর্দু স্কুল পরিচালনা করিতেছি; এখানেও পরিচারিকা, ছাত্রী, শিক্ষয়িত্রী ইত্যাদি সকলেই উর্দু-ভাষিনী। প্রাতঃকাল হইতে রাত্রি পর্যন্ত উর্দু ভাষাতেই কথা কহিতে হয়। আবার বলি, এতখানি অত্যাচারেও যে বঙ্গভাষা ভুলিয়া যাই নাই, তাহা বোধ হয় কেবল তোমারই আশীর্বাদের কল্যাণে। স্নেহ-ভক্তির নিদর্শন-স্বরূপ এই গ্রন্থখানি তোমার করকমলে সমর্পণ করিতেছি, গ্রহণ করিলে ধন্য হইব। এ-পুস্তকে তোমার বড় সাধের “ডেলিশিয়া-হত্যা”ও দেওয়া হইয়াছে।

বিলেদন

মতিচূরের প্রথম খণ্ড পাঠক ও পাঠিকা সমাজে অতিশয় আদৃত হওয়ায় এবং পাঠক-পাঠিকাদের অনুরোধে দ্বিতীয় খণ্ড প্রকাশ করা গেল। প্রথম খণ্ডে যে সকল দোষ ছিল, তাহা যথাসাধ্য সংশোধন করা গিয়াছে। আর যে সকল ত্রুটি আছে, তাহার কারণ লেখিকার বিদ্যাবুদ্ধির দৈন্য এবং বহুদশিতার অভাব। গুণগ্রাহী পাঠক-পাঠিকাগণ এবারও তাহা মার্জনা করিবেন, এরূপ আশা করা যায়।

বিনীতা
গ্রন্থকর্ত্রী

বিজ্ঞাপন

দ্বিতীয় খণ্ড মতিচূরের রচনাসমূহ পূর্বে “নবনূর,” “ভারত-মহিলা”, “আল্‌ এসলাম”, “সওগাত” এবং “বঙ্গীয় মুসলমান সাহিত্য-পত্রিকা” প্রভৃতি প্রসিদ্ধ মাসিক পত্রিকায় অতি সাদরে প্রকাশিত হইয়াছিল। লেখাগুলির বিরুদ্ধে পাঠক পাঠিকা সমাজের কোন উচ্চবাচ্য শ্রুতিগোচর হইয়াছে বলিয়া মনে পড়ে না।

এবার কোন কোন রচনা সংশোধিত ও পরিবর্তিত হইয়াছে। “ডেলিশিয়া-হত্যা” ইংরাজী হইতে এবং “নূর-ইসলাম” উর্দু হইতে অনূদিত হইয়াছে। “নারী-সৃষ্টি”ও ইংরাজীর আংশিক অনুবাদ। “স্বলতানার স্বপ্ন” পূর্বে ইংরাজীতে রচিত হইয়াছিল। ইংরাজী-অনভিজ্ঞা পাঠিকা ভগিনীদের আগ্রহাতিশয্যে উহার বাংলা করা গিয়াছে। “মুক্তিফল” বিগত ১৯০৭ খ্রীস্টাব্দের কংগ্রেস-ভঙ্গের পর রচিত হইয়াছিল; এবার কিঞ্চিৎ পরিবর্তন করা গিয়াছে।

সূচীপত্র

বিষয়				পৃষ্ঠা
নূর-ইসলাম	৮১
সৌরজগৎ	১০৬
সুলতানার স্বপ্ন	১৩৩
ডেলিশিয়া-হত্যা	১৫৩
জ্ঞানফল	১৮০
নারী-সৃষ্টি	১৮৯
নার্স নেলী	১৯৩
শিশু-পালন	২১০
মুক্তিফল	২১৮
সৃষ্টি-তত্ত্ব	২৪৩

নূর-ইসলাম

মিসেস এ্যানি বোশান্তের “ইসলাম” শীর্ষক বক্তৃতা পাঠ করিলে বাস্তবিক মোহিত হইতে হয়। “ইসলাম” শব্দের সমভিব্যাহারে মিসেস বোশান্তের নাম শুনিয়া আপনারা কেহ ভীত হইবেন না। প্রথমে আমারও আশঙ্কা হইয়াছিল যে, তিনি হয়ত তাঁহার ‘খিয়োসফী’ ধর্মের মহিমা প্রচার করিতে গিয়া আমাদের একমাত্র সম্বল ইসলামের উপর খানিকটা হাত সাফ করিয়া লইয়াছেন। কিন্তু বক্তৃতা পাঠ করিয়া আমার সে-ভ্রান্তি দূর হইল। হাত সাফ করা ত অতি দূরে—ইহার প্রতি পত্র—প্রতি ছত্র সুপক্ক আঙ্গুরের ন্যায় অতি মিষ্ট ভক্তিরসে পরিপূর্ণ! তিনি নূর-ইসলাম (বা ইসলাম-জ্যোতির) এমন উজ্জ্বল জ্যোতির্ময় চিত্র অঙ্কিত করিয়াছেন যে, তাহার তুলনা হয় না।—এমন কি, প্রিয় বঙ্গভাষায় ইহার মর্মেদ্বার করিবার লোভ সম্বরণ করিতে পারিতেছি না।

তবে কথা এই যে, অনুবাদ করিবার মত ক্ষমতা ও বিদ্যাবুদ্ধি সকলের থাকে না—বিশেষতঃ আমার ন্যায় লোকের তাদৃশ চেষ্টা! তাহাতে আবার আমি বহু চেষ্টা করিয়াও মিসেস এ্যানি বোশান্তের মূল ইংরেজী বক্তৃতা-পুস্তিকাখানি সংগ্রহ করিতে পারি নাই। আমাকে উহার উর্দু অনুবাদের উপরই নির্ভর করিতে হইতেছে। অনুবাদক মহানয় অতি উচ্চ (সুফি ধর্মভাবপূর্ণ) ভাষা ব্যবহার করিয়াছেন! সুতরাং আমি যদি ঐ অনুবাদের অনুবাদ করিতে গিয়া লক্ষ্যত্রষ্ট হইয়া নিজের ভাব ব্যক্ত এবং বিকৃত ভাষা ব্যবহার করিয়া ফেলি, সে ত্রুটি মার্জনীয় বলিয়া ভরসা করি।

আর একটি কথা,—মিসেস এ্যানি বোশান্ত যেমন হজরতের নাম উল্লেখ করিতে অত্যধিক সন্ত্রাণের ভাষা ব্যবহার না করিয়া, ভক্তের সরল ভাবপূর্ণ ভাষা প্রয়োগ করিয়াছেন, অনুবাদক মোঃ হাসেনউদ্দীন সাহেবও তদ্রূপ করিয়াছেন; যথা: “আব ওহ মহম্মদ সিরফ মহম্মদ হি না রহা বাল কে ওহ পয়গম্বরে আরব হয়” ইত্যাদি। ভাব ও ভাষার স্বাভাবিক সৌন্দর্য নষ্ট হওয়ার ভয়ে আমিও অনুবাদক মহাশয়ের প্রথা অনুসরণ করিতে বাধ্য হইয়াছি। আর দিবাকরের সম্বন্ধে কাস্তি দেখাইবার জন্য, অন্য আলোকের প্রয়োজন হয় না; পুষ্পের সৌন্দর্য-বর্ধনের নিমিত্ত অলঙ্কারের প্রয়োজন হয় না। যাহা হউক, আশা করি, আমি আড়ম্বরপূর্ণ সম্বানপুচ্চ শব্দের বহুল প্রয়োগ বর্জন করায় দোষী হই নাই।

এখন আপনারা মনোযোগপূর্বক শ্রবণ করুন. মিসেস বেশান্ত কি বলিতেছেন :

ভক্ত মহোৎসবগণ !

প্রত্যেক দেশের জাতীয় উন্নতি, আধ্যাত্মিক উন্নতি ও নৈতিক উন্নতির যাব-
তীয় কারণসমূহের মধ্যে প্রধান কারণ হইতেছে—ধর্ম। ধর্ম ব্যতিরেকে মানুষ
আধ্যাত্মিক ও নৈতিক উন্নতি কিম্বা সভ্যতা লাভ করিতে পারে না। যে দেশের
সমুদয় অধিবাসী একই ধর্মাবলম্বী, যে দেশে সকলে একই ভাবে একই ঈশ্বরের
পূজা করে—তাঁহাকে সকলে একই নামে ডাকে এবং প্রত্যেক ব্যক্তির মনোভাব
একই সূত্রে গুণিত থাকে, সে দেশ অত্যন্ত সৌভাগ্যশালী, সন্দেহ নাই। কিন্তু
আমার মতে যে দেশে এক ঈশ্বরকে লোকে বিভিন্ন নামে ডাকে ; একই ঈশ্বরের
উপাসনা বিবিধ প্রণালীতে হয় ; একই সর্বশক্তিমান ঈশ্বরের নিকট লোকে বিভিন্ন
ভাষায় প্রার্থনা করে, তথাপি সকলে ইহাই মনে করে যে, আমরা সকলে একই
গম্ভব্যস্থানে ভিন্ণু ভিন্ণু পথে চলিয়াছি, এবং এইরূপ পাথকের মধ্যে একতা
থাকে ; যদি কোন দেশের ঐ অবস্থা হইত, (কিন্তু অদ্যাপি এমন কোন ভাগ্যবতী
দেশের বিষয় জানা যায় নাই।)—আমার মতে সে দেশ নিশ্চয়ই ধর্মে প্রধান হইত।

অন্যান্য দেশেও বিভিন্ন ধর্ম এবং ভিন্ণু ভিন্ণু ধর্মবিশ্বাসী লোক আছে, কিন্তু
ভারতবর্ষ এই আদর্শের অধিতীয় দেশ—ইহার তুলনা এ ভারত নিজেই। এ দেশে এত
স্বতন্ত্র ধর্ম এবং এত পৃথক বিশ্বাসের লোক বাস করে যে, মনে হয় যেন ভারতবর্ষে
সমস্ত পৃথিবীর ধর্ম-বতসমূহের প্রদর্শনী-ক্ষেত্র। এবং এই দেশই সেইস্থান,
যেখানে পরস্পরের একতা, মিত্রতা এবং সহানুভূতির মধ্যে ধর্মের সেই আদর্শ—
যাহাকে আমি ইতঃপূর্বে বাহ্যনীয় বলিয়াছি—পাওয়া যাইতে পারে।

আপনাদের স্মরণ থাকিতে পারে, তিন চারি বৎসর পূর্বে আমি আপনাদিগকে
চারিটি প্রধান ধর্মের, অর্থাৎ বৌদ্ধ, খ্রীস্টীয়, হিন্দু এবং অনল-পূজার বিষয় বলিয়া
ছিলাম, কিন্তু তিনটি শ্রেষ্ঠ ধর্মের, অর্থাৎ ইসলাম, জৈনমত, এবং শিখধর্মের আলো-
চনা রহিয়া গিয়াছিল। এই তিন ধর্ম—যাহা ভারতবর্ষের প্রধান সাতটি ধর্মের
অন্তর্গত—ইহাদের পরস্পরের এত অনৈক্য দেখা যায় যে, ইহারা একে অপরের
রক্ত-পিপাসু হইয়া উঠে এবং দুইজনের মনের মিলনের পক্ষে এই ধর্ম-পাথক্য
এক বিষম অন্তরায় হইয়া আছে।

আমার আন্তরিক বাসনা এই যে, ভারতবর্ষ হেন দেশে যদি সকলে চক্ষু হইতে
কুসংস্কার ও অন্ধবিশ্বাসের আবরণ উন্মোচন করিয়া ন্যায়চক্ষে দৃষ্টিপাত করতঃ

চিন্তা করিয়া দেখেন, তবে তাঁহারা বুঝিতে পারিবেন যে, “আমরা প্রকৃতপক্ষে একই প্রভুর উপাসনা বিভিন্ন প্রণালীতে করিতেছি—একই প্রভুকে ভিন্ন ভিন্ন ভাষায় ও ভিন্ন ভিন্ন নামে ডাকিতেছি।”

“পুরাও পুরাও মনস্কাম,—
কাহারে ডাকিছে অবিশ্রাম
জগতের ভাষাহীন ভাষা ?”

—ডাঃ রবীন্দ্রনাথ ঠাকুর।

“সকলে তাঁরেই ডাকে, আমি যাঁরে ডাকি,
রাক্ষা রবি নিয়া বৃকে উষা ডাকে সোনামুখে
গোধূলি বালিকা ডাকে শ্যাম ছটা মাখি’।”

—মানকুমারী বহু

আর, একই স্থান হইতে আমরা আসিয়াছি এবং সেইখানে পুনরায় যাইতেছি। ইহার ফল এই হইবে যে, একে অপরের সহিত নিতান্ত আন্তরিক ও প্রকৃত ভ্রাতৃ ভাবে মিশিতে পারিবেন। একের দুঃখে অপরে দুঃখিত হইবে—সমুদয় ভারতবাসী একই জাতি বলিয়া পরিগণিত হইবার অধিকার প্রাপ্ত হইবে। অধিকন্তু জগতের বড় বড় শক্তিপুঞ্জ ভারতসন্তানকে একজাতি বলিয়া স্বীকার করিবে। যখন হিন্দু-মুসলমানে, পারসী-খ্রীষ্টানে, জৈন-স্বীহদীতে এবং বৌদ্ধ-শিখে প্রেমপূর্ণ হৃদয়ে আলিঙ্গন হইবে, তখন আমি মনে করিব যে, ধর্মের জয় এবং অদ্বিতীয় ঈশ্বরের পবিত্র নাম শান্তিপ্রদ হইয়াছে।

অদ্য আমি ইসলাম-সম্বন্ধে দুই চারি কথা বলিব এবং আগামীকাল্য ও পরশু অবশিষ্ট দুই ধর্ম সম্বন্ধে, এবং অনন্তর সমুদয় ধর্মের প্রকৃত মর্ম—সারতত্ত্ব অর্থাৎ সেই খিয়োসফী (ব্রহ্মজ্ঞান বা “এলমে-ইলাহী”) সম্বন্ধে আলোচনা করিব, যাহাতে প্রত্যেক ধর্ম বিশ্বাসের সারভাগ আছে এবং যাহা সকলের উপর একই প্রকার অধিকার রাখে—যাহাকে কোন বিশেষ ব্যক্তি তাহার নিজস্ব বা কোন বিশেষ সম্প্রদায়ের ধর্ম বলিতে পারে না, বরং তদ্বিপরীত যে কোন ধর্মবিশ্বাসের অধিকারী বলিতে পারে যে, ইহাই আমারও ধর্ম। অদ্য সমিতির সন্ধ্যাসঙ্গিক অধিবেশন দিনে আমার এই প্রার্থনা যে, বিশ্ব-সংসারের সমুদয় ধর্মগুরুদের পবিত্র-আত্মা আমাদের ও আমাদের কার্যকলাপের প্রতি তাঁহাদের আশীর্বাদপূর্ণ দৃষ্টিপাত করুন—যেন তাঁহাদের শিষ্যমণ্ডলী একজন অপরকে ভালোবাসিতে পারেন। আমীন!

ইসলাম

কোন ধর্ম পরীক্ষা করিতে হইলে, আমাদিগকে চারিটি বিষয় সম্বন্ধে চিন্তা করিতে হয়। সর্বপ্রথম সেই ধর্মের উৎপত্তির ইতিহাস, যাহার প্রভাব তাহাতে (সেই ধর্মে) লুক্কায়িত থাকে। দ্বিতীয়, তাহার প্রকাশ্য বা বাহ্যিক মত অথবা শাখা পল্লব, যাহার সহিত সাধারণে সম্পর্ক রাখে। তৃতীয়, ধর্মের দর্শন, যাহা বিদ্বান এবং সুশিক্ষিত লোকদের জন্য। চতুর্থ, ধর্মের গুঢ় রহস্য, যাহাতে সাধারণতঃ মানবের আপন অহং বা অস্তিত্বজ্ঞানের তাণ্ডারের সহিত মিশিবার স্বাভাবিক ইচ্ছা প্রকাশ পায়। আমি এই কষ্টপাথরে ইসলামকে পরীক্ষা করিয়া আপনাদিগকে দেখাইতে চাই যে, সর্বপ্রথমে আরব ও শামদেশের অবস্থার প্রতি কটাক্ষপাত করিয়া দেখুন, সে দেশের কি দশা ছিল।

খ্রীস্টীয় ষষ্ঠ শতাব্দীতে যখন আরব, শাম ও আজমদেশে অসভ্যতার ঘোর অন্ধকারে কুসংস্কারের প্রবল ঝঞ্জানিল বহিতেছিল; যুদ্ধ-কলহ ও পরস্পরের রক্ত-রঞ্জিত এক দলকে অন্য দল হইতে পৃথক করিতেছিল; হিংসা-শেষ এমন প্রবল ছিল যে, একই বিষয়ের ঝগড়া কয় পুরুষ পর্যন্ত চলিত^১; যথা এক ব্যক্তি কোন বিষয় লইয়া অন্য একজনের সহিত বিবাদ করিল, অন্তর গত বৎসর পরে একের পৌত্র অপরের পৌত্রকে শুধু এই অভ্যুহাতে হত্যা করিত যে, “ইহার পিতামহ আমার পিতামহের শত্রু ছিল!” ইহা সেই আরব দেশ—যেখানে কেবল এই কথায় যুদ্ধ আরম্ভ হইত যে, “তোমার উফ্টু আমার উফ্টুকে অতিক্রম করিয়া অগ্রসর হইল কেন?” বাস, এই সামান্য কারণে রক্তনদী প্রবাহিত হইত—শবরাশি স্তূপীকৃত হইত! এ সেই আরব দেশ—যেখানে নিষ্ঠুর পিতা, মাতার ক্রোড় হইতে শিশু কন্যাকে কাড়িয়া লইয়া গর্ত খনন করিয়া তাহাতে জীবন্ত প্রোথিত করিয়া আসিত। আর হতভাগিনী নিরুপায় মাতা আপন স্বাভাবিক মাতৃস্নেহপূর্ণ হৃদয়ের অসহ্য বেদনা লইয়া মরনে মরিয়া থাকিত। স্ত্রীলোক হওয়ার দরুন পাষাণ স্বামীর ঐ নির্মম অত্যাচারে আপত্তি করিতে পারে, এতটুকু ক্ষমতাও তাহার ছিল না। কাহাকেও জামাতা বলিতে না হয়, এইজন্য কন্যাহত্যা করা হইত। ইহা সেই দেশ, যেখানে ষ্ণিত পৌত্তলিকতা বিরাজমান ছিল—ঘরে ঘরে নূতন দেবতা; এক ঠাকুর আবার অন্য ঠাকুরের প্রাণের শত্রু! প্রতিমার

১. আশ্চর্যের বিষয়, এই সভ্যযুগেও বঙ্গীয় মুসলমানদের ঘরে ঐরূপ বংশনুকুলে চিরস্থায়ী বিবাদ দেখা যায়। এইজন্য আমরা কলিকাতা হাইকোর্ট “Hereditary enemy” ৭২৩ উল্লেখ পাই। আহা! কবে আনাদের প্রতি ধোঁপাতালার রহস্য হইবে।

সম্মুখে নরবলিদান'ত নিত্য ক্রীড়া ছিল ; যেখানে মানবজাতির প্রতি শ্রেহ-মমতার পরিষর্ভে বিলাসিতা ও আত্মপরায়ণতা পূর্ণমাত্রায় রাজস্ব করিত। যে কোন প্রবল ব্যক্তি আপন দুর্বল প্রতিবেশীকে বিনা কারণে কিম্বা অতি সামান্য কারণে হত্যা করিয়া ফেলিত ; তাহার ঐ দুষ্ক্রিয়ায় বাধা দিবার লোক 'ত দূরে থাকুক, একটি কথা জিজ্ঞাসা করিবারও কেহ ছিল না।

তদানীন্তন আরবে বিলাসিতার ও অন্যান্য “মকারাদি” কুক্রিয়ার অন্ত ছিল না ; এক স্বামী ভেড়া-ছাগল প্রভৃতি পশুর ন্যায় অসংখ্য ভাষা গ্রহণ করিত ; আর এই বিষয়ে গৌরব করা হইত যে, অমুক ধনী ব্যক্তি এত অসংখ্য স্ত্রীর স্বামী। দেশবরের ফলি—স্ত্রীজাতি এমন জঘন্য দাসত্ব-শৃঙ্খলে আবদ্ধ ছিল যে, তাহারা নিতান্ত অসহায় গৃহপালিত পশুর ন্যায় জীবন-যাপন করিত। মোটের উপর এমন কোন নিকট পাপ ও জঘন্য দোষ নাই, যাহা তৎকালীন আরবে না ছিল।

সেই স্বার্থ, অত্যাচার ও আত্মপরতার পুঁতিগন্ধময় জলবায়ু পরিবেষ্টিত এক কোরেশ-গৃহে একটি শিশু (সে পবিত্র শিশুরত্নের উদ্দেশে সহযাত্রী দরুদ!) জন্মগ্রহণ করিলেন, যাহার পিতা তাঁহার জনোর কয়েক সপ্তাহ পূর্বেই ইহখাম পরিত্যাগ করিয়াছিলেন। আর তিনিও সেইরূপ পিতা ছিলেন, যিনি তদীয় পিতৃ-কর্তৃক কোন প্রতিমার সম্মুখে নরবলিরূপে আনীত হইয়াছিলেন, কিন্তু সৌভাগ্যবশতঃ দেবালয়ের সেবিকার কৃপায়—সে যাত্রা রক্ষা পাইয়াছিলেন।^১ এই শিশু এমন একটি হতভাগিনী দুঃখিনী নারীর গর্ভে জন্মগ্রহণ করেন, যিনি ইনি ভূমিষ্ঠ হইবার পূর্বেই বিধবা হইয়াছিলেন,—আর দারুণ বৈধব্য-যন্ত্রণা সহ্য করিতে না পারিয়া কয়েক মাস পরেই এ অবোধ দুগ্ধপোষ্য শিশুকে নিঃসহায় অবস্থায় ফেলিয়া স্বামীর অনুগমন করেন। ইহার ফলে এই পিতৃমাতৃহীন শিশু কিছুদিন স্বীয় পিতামহ কর্তৃক প্রতিপালিত হন। কিন্তু দুঃখের বিষয়, তাঁহার পিতামহও

^১. হজরতের পিতামহ আবদুল মুত্তালিব যে স্বীয় পুত্র হজরত আবদুল্লাহকে শিশুরমূর্তির নিকট বলিদান করিতে গিয়াছিলেন, এ কথাই সত্যতায় আমার একটু দ্বিধা বোধ হয়। আলেম ফাজেলগণ দয়া করিয়া আমার সঙ্গেই ভ্রমণ করিলে বিশেষ বাধিত হইব। বাব্বালা “আমির হামজা” পুঁথিতে দেখিয়াছি,—(হজরত আবদুল মুত্তালিবের অন্য পুত্র হজরত আমির হামজা পিতাকে বলিলেন) —

“কাফেরে ঞ্জানানি দিবে মোসলমান হইয়া।

আনি এয়ছা বেটা তবে কিনের লাগিয়া।”

কয়েক বৎসর পরে দেহত্যাগ করিলেন। তখন সেই অসহায় বালক বয়োপ্রাপ্ত হওয়া পর্যন্ত, স্বীয় পিতৃব্য আবু তালেবের আশ্রয়ে রহিলেন। ইহা ত অতি সহজেই অনুমান করা যায় যে, এইরূপ বিপদগ্রস্ত পিতৃমাতৃহীন সহায়-সম্পদ শূন্য একটি অজ্ঞান বালক যে শিক্ষাদীক্ষা হইতে সম্পূর্ণ বঞ্চিত থাকিবেন, ইহাই স্বাভাবিক। বাস্তবিক কার্যতঃও তাহাই হইয়াছিল। শিক্ষা, বা অধ্যয়ন বলিতে একটি অক্ষরের সঙ্গেও তাঁহার পরিচয় হয় নাই, নীতি বা আচার-নিয়মের অনুশাসনের বাতাস পর্যন্ত তাঁহাকে স্পর্শ করে নাই। তথাপি তাঁহার শৈশবকাল, অতি পবিত্র জীবনের উচ্চ আদর্শ ছিল। তাঁহার নির্মল জীবনে মানবের বাঞ্ছনীয় যাবতীয় সঙ্গুণরাজি—যথা, দয়া, সৌজন্য, প্রেম, ধৈর্য, নম্রতা, বিনয়, শান্তিপ্ৰিয়তা, সহিষ্ণুতা ইত্যাদি স্বভাবতঃ বিরাজমান ছিল। তিনি নানা গুণে সকলের প্রিয়পাত্র হইয়া উঠিয়াছিলেন।

বাল্যজীবন অতিক্রম করিয়া তিনি কৈশোরে উপনীত হইলেন। এখন জীবিকা-অর্জনের নিমিত্ত তিনি আপন কোন বিধবা আত্মীয়ের গৃহে কর্ম গ্রহণ করিতে বাধ্য হইলেন। উক্ত বিধবা খদিজা বিবি তাঁহাকে পণ্যদ্রব্যসহ বাণিজ্য উপলক্ষে শামদেশে প্রেরণ করিতেন। এই বিষয়কর্মে খদিজা বিবি দেখিতে পাইলেন যে, তাঁহার এই নূতন কর্মচারী অতিশয় ধর্মভীরু, ন্যায়পরায়ণ, মিতব্যয়ী এবং অতি বিশ্বাসী। অতঃপর তিনি ইহার সহিত পরিণীতা হন।

ইহা স্মরণ রাখা কর্তব্য যে, এই নবীন যুবক যাঁহার নাম মোহাম্মদ (সাল্লা-ল্লাহু আলায়হে ওয়াসাল্লাম) ছিল, সে সময়ে পয়গম্বর হন নাই। আর তাঁহার পত্নী হজরত খদিজাও তাঁহার ধর্মবিশ্বাসের অনুবর্তিনী ছিলেন না; তিনি স্বয়ং অল্প-বয়স্ক তরুণ এবং তাঁহার জায়া তদপেক্ষা দ্বিগুণ বয়োজ্যেষ্ঠা ছিলেন। কিন্তু বিবাহের পর তাঁহার এমনি সুখের দাম্পত্য-জীবন ভোগ করিয়াছিলেন যে, পৃথিবীতে তেমন মধুর দাম্পত্য-জীবনের উচ্চ আদর্শ আর কেহ দেখাইতে পারিয়াছে কি না সন্দেহ—আর তেমনই ভাবে তাঁহাদের বিবাহ জীবনের পূর্ণ ২৬ বৎসর অতিবাহিত হইয়াছিল। তাহার পর হজরত খদিজার মৃত্যু হইল। অতঃপর পয়গম্বর সাহেবের স্বভাব-চরিত্র ও কার্যকলাপ সর্বদাই অতি প্রশংসনীয় ছিল। যখন তিনি মক্কার সঙ্কীর্ণ গলিকুচাতে যাতায়াত করিতেন, সে সময় তত্রত্য ক্রীড়ারত অবাধ শিশুগণ তাঁহার পদযুগল জড়াইয়া ধরিত, আর তিনি সততই তাহাদের সহিত প্লেহসিক্ত মিষ্টভাষায় কথা বলিতেন, তাহাদের মস্তকে হস্তামর্শন করিতেন। কেহ কখনও শুনে নাই যে, তিনি প্রতিজ্ঞা ভঙ্গ করিয়াছেন। তিনি সর্বদা বিপদ-

গ্রন্থের সাহায্যের জন্য প্রস্তুত থাকিতেন; বিধবা ও পিতৃহীন শিশুদের সান্ত্বনা ও প্রবোধ দান তাঁহার নিত্যকর্ম ছিল। প্রতিবেশীবর্গ তাঁহাকে “আমীন” (বিশ্বস্ত) বলিয়া ডাকিত। “আমীন” শব্দের অর্থ বিশ্বাসভাজন—এমন উচ্চ ভাবপূর্ণ উপাধি কেবল শ্রেষ্ঠ হইতে শ্রেষ্ঠতম ব্যক্তিই বিশ্বজগতের নিকট প্রাপ্ত হইতে পারেন। এখন আপনারা একটু চিন্তা করিয়া দেখুন’ত; যে ব্যক্তির বাহ্যিক জীবন জগতের পক্ষে এমন উপকারী এবং সুখ-শান্তিপ্রদ ছিল, তাঁহার আভ্যন্তরীণ জীবন কেমন হইতে পারে। অহো! (সত্য তত্ত্বজ্ঞান লাভের নিমিত্ত) তাঁহার আন্তরিক ব্যাকুলতার বন্যাস্রোতের তাড়না তাঁহাকে বনে বনে ও জনপ্রাণীশূন্য মরুভূমে ভ্রাসাইয়া লইয়া যাইত। তিনি কতবার দিবানিশি অনশনে অনিদ্রায় বিপৎসঙ্কুল পর্বতকন্দরে বাস করিতেন। তিনি যে ভাবে আত্ম-বিস্মৃত হইয়া ধ্যানমগ্ন অবস্থায় ঈশ্বর-অনুসন্ধান করিতেন, তাহা বর্ণনা করিবার উপযুক্ত ভাষা দুর্লভ; অথবা ইহার মর্ম কেবল তাঁহারাই বুঝিতে পারেন, যাহারা একাগ্রচিত্তে খোদার পথে আত্মসমর্পণ করিয়াছেন।

ক্রমে হজরত মোহাম্মদের (দ:) এই প্রকার ধ্যান-আরাধনা এত বৃদ্ধি পাইল যে, তিনি লোকালয় পরিত্যাগ পূর্বক দূরে—অতি দূরে—ঘোর অরণ্যে চলিয়া যাইতেন; দুর্গম ও ভয়ঙ্কর গিরিগুহায় মাসাধিককাল পর্যন্ত বাস করিতেন—সেখানে শুধু সিজদায় (নতশিরে) পড়িয়া অনবরত রোদন ও বিলাপ ব্যতীত তাঁহার অন্য কোন কাজ ছিল না। এমন কি, তিনি অন্যান্য পঞ্চদশ বর্ষ এইভাবে যাপন করিলেন—অবশেষে সেই শুভ মুহূর্ত আসিল, যখন দৈববাণী তাঁহাকে সন্বোধন করিয়া কহিল, “উঠ! খোদায় পাকের (পবিত্র ঈশ্বরের) নাম উচ্চারণ কর।” কিন্তু তিনি বুঝিতে পারিলেন না, সে শব্দ কাহার; অথবা ঐ আকাশবাণী বাস্তবিকই বিশ্বাস-যোগ্য দৈববাণী কি না? কারণ, তিনি বেশ জানিতেন যে, তিনি নিরক্ষর লোক ছিলেন। তাঁহার সন্দেহ হইত যে, ইহা হয়ত তাঁহার ভ্রম বা আত্মপ্রবঞ্চনা মাত্র—কিন্তু তাঁহার অহংজ্ঞান তাঁহাকে প্রতারণা করিবার নিমিত্ত এক্রপ শব্দ করিতেছে; এবং সম্ভবত: ইহা সেই দৈববাণী নহে, যাহা স্বয়ং খোদাতালার নিকট হইতে পয়গম্বরগণ গুনিতে পাইতেন, যাহাকে “এলহাম” কিম্বা “অহি” বলে।

অবশেষে আর একবার যখন তিনি ঈশ্বর-চিন্তায় অত্যন্ত আকুল ছিলেন, সহসা তাঁহার চতুঃপার্শ্ব এক অলৌকিক স্বর্গীয় জ্যোতিতে উদ্ভাসিত হইয়া উঠিল, আর সেই আলোকরাশির মধ্যে একটি জ্যোতিঃমান মূর্তি দেখা দিয়া বলিলেন, “যাও, সত্য নাম উচ্চারণ কর!” একবার সাহসে ভর করিয়া সত্যে জিজ্ঞাসা করিলেন, “আমি কাহাকে ডাকিব?” ইহার উত্তরে স্বর্গদূত তাঁহাকে ঈশ্বরের

একদম, ফেরেশ্তাদের রহস্য, পৃথিবীর সৃষ্টি এবং মানবজাতির অস্তিত্ব বিষয়ে শিক্ষাদান করিলেন এবং তাঁহাকে সেই দায়িত্বপূর্ণ গুরুতর কর্মভারের (পয়গম্বরীর) কথাও বলিলেন, যে জন্য তাঁহার জন্ম হইয়াছে। অর্থাৎ দেবদূত বলিয়া দিলেন যে, তাঁহাকে বিশ্বজগতের ধর্মপথ প্রদর্শক এবং উপদেষ্টার কার্যভার সম্বর্ণ করা হইয়াছে।

এদিকে দেবদূত অদৃশ্য হইলেন, ওদিকে হজরত মোহাম্মদ (দ:) যিনি এখন হইতে আরব দেশের পয়গম্বর নামে অভিহিত হইবেন, অত্যন্ত অস্থির ও ভীতি-বিহ্বল চিন্তে গৃহে প্রত্যাগমন করিলেন এবং অর্ধ অচেতন্য অবস্থায় ভমিতলে লুটাইয়া পড়িলেন। পতিপ্রাণা সতী হজরত খদিজা উপযুক্ত স্ত্রীস্বা সহকারে তাঁহার তাদৃশ বিহ্বলতার কারণ জিজ্ঞাসা করিলেন। প্রত্যুত্তরে পয়গম্বর সাহেব আনুপূর্বিক সমুদয় ঘটনা বর্ণনা করিয়া বলিলেন, “বোধহয় ইহা আমার মৃত্যুর পূর্ব লক্ষণ।” ইহাতে পতিপরায়ণা সাধ্বী রমণী অতিশয় সান্ত্বনাপূর্ণ মধুর বচনে তাঁহার নিস্তেজ হৃদয়ে বল সঞ্চার করিয়া বলিলেন, “না, না, তুমি সত্যবাদী—বিশ্বাসী—আমীন; প্রতিজ্ঞা পালনে যত্নবান; পিতৃহীনের প্রতি শ্বেহবর্ষণ কর; দরিদ্র, আতুর ও বিধবার প্রতি দয়া করিয়া থাক—এমন লোককে বিশ্বপাতা কখনই অকালে নষ্ট করিবেন না। প্রভু খোদাতালা কখনও বিশ্বাসী ভক্তদিগকে প্রবঞ্চনা করেন না। উঠ, এখন সেই দৈববাণী—প্রকৃত সত্য দৈববাণীর প্রত্যাদেশ অনুসারে কার্য কর।”

সেই পূণ্যবতী মহিলা, যিনি সর্বপ্রথমে পয়গম্বরের প্রতি বিশ্বাস স্থাপন করেন—এমনই সঞ্জীবনী সুরাপূর্ণ প্রবোধ বাক্যে তাঁহাকে আশ্বস্ত করিলেন যে ? তিনি—যিনি নিজের দুর্বলতায় জড়ীভূত ও নিরুদ্যম হইয়া সম্পূর্ণ পরাজয় স্বীকার করিয়া বসিয়া ছিলেন, এখন পূর্ণ সাহসে ও উৎসাহপূর্ণ হৃদয়ে, একেবারে উঠিয়া দাঁড়াইলেন। আর সে মোহাম্মদ কেবল মোহাম্মদ মাত্রই রহিলেন না—বরং প্রবল প্রতাপশালী পয়গম্বর হইয়া গেলেন! তিনি একটা অসভ্য, অরাজক দেশকে শান্তিপূর্ণ এবং একটা জনপ্রাণীবিরল নগণ্য উপদ্বীপকে এক মহাসাম্রাজ্যে পরিণত করিয়া তুলিলেন। তাঁহার শিষ্যমণ্ডলী ইউরোপে ধর্ম ও জ্ঞানের আলোক লইয়া গেলেন, এই দুইটি বস্তু সেখানে প্রায় ছিলই না। তাঁহার অনুবর্তিগণ পৃথিবীতে বড় বড় সাম্রাজ্যের ভিত্তি স্থাপন করিলেন। তাঁহার সমবিশ্বাসীগণ এমন নির্ভার সহিত ইলাহীর ধ্যান ও স্মরণে নিমগ্ন হইলেন যে, তাহার আদর্শ অন্য

কোন ধর্মে পাওয়া সম্ভবপর কি না সন্দেহ। কারণ, আপনারা একটু চিন্তা করিলে এবং ন্যায্যচক্ষে দৃষ্টিপাত করিলে দেখিতে পাইবেন যে, অন্য কোন ধর্ম এমন নাই, যাহাতে এমন অকপট হৃদয় সত্যবিশ্বাসী লোক পাওয়া যায়। এই জ্ঞান-বিশ্বাস তাহার (মুসলমানেরা) আরবের পয়গম্বর হইতে প্রাপ্ত হইয়াছে।

যদি বেন সাহেবের কথামত ইহাই সত্য বলিয়া স্বীকার করা যায় যে, সাধারণ আচার-ব্যবহার হইতে ধর্মবিশ্বাসের প্রমাণ পাওয়া যায়, তাহা হইলে আপনার ঐ ধর্মের অনুবর্তিগণের প্রতি দৃষ্টিপাত করুন এবং ভাবিয়া দেখুন, তাঁহার (হজরতের) বাক্যসমূহ তাঁহার শিষ্যবর্গের হৃদয়ে কেমন স্পষ্টভাবে অঙ্কিত রহিয়াছে। মুসলমানেরা আরবের পয়গম্বর হইতে যে শিক্ষা প্রাপ্ত হইয়াছে, তাহাতে তাহাদের বিশ্বাস এমন স্পষ্ট যে, তাহাতে বিলুপ্ত সন্দেহ স্থান পায় না।

একজন মুসলমান—যদ্যপি এমন কোন স্থানে এমন কতকগুলি লোক দ্বারা পরিবেষ্টিত থাকে, যাহারা তাহাকে ঠাট্টা-বিদ্বেষের ছুরিকায় খণ্ড খণ্ড করে এবং তাহার পয়গম্বরের প্রতি অবজ্ঞা প্রদর্শন করে—নামাজে মস্তক অবনত করিতে কিছুমাত্র লজ্জিত বা কুণ্ঠিত হয় না।^৪

আপনারা আরও একটু বিবেচনা করিয়া দেখুন, পয়গম্বরের সুপারিশের (শাফা'আতের) প্রতি তাহাদের বিশ্বাস কেমন অটল যে, তাহারা মৃত্যুভয় একেবারে জয় করিয়া ফেলিয়াছে। আফ্রিকার দরবেশবৃন্দের সংসাহসের তুলনা কেহ আমাকে দেখাইতে পারেন কি?—যাঁহারা ভয়ঙ্কর রক্তপিপাসু তোপ-কামানের সম্মুখে স্থিরভাবে শ্রেণীবদ্ধ হইয়া দাঁড়াইবার জন্য এমনই আনন্দের সহিত অগ্রসর হইতেন, যেন বরযাত্রীরূপে কোন বিবাহ সভায় যাইতেছেন! এবং যে পর্যন্ত তাঁহাদের দলের কয়েক ব্যক্তি শত্রুসেনা পর্যন্ত পৌঁছিতে না পারিতেন, সে পর্যন্ত দলে দলে কামানে ধবংস হইতেন। সে কোন্ উদ্দীপনা ছিল, যাহা তাঁহাদিগকে এমন ভীষণ মৃত্যুমুখে লইয়া যাইত? তাহা কেবল পয়গম্বরের—কোরআনের মহিমা এবং ইসলাম-প্রেম। আমার দৃঢ় বিশ্বাস এই যে, (তাঁহাদের) এই ভক্তি পৃথিবীতে ভবিষ্যতেও অটল রহিবে, বরং বর্তমান যুগ অপেক্ষা ভবিষ্যতে আরও উজ্জ্বল আলোক বিকীর্ণ করিবে। (আমীন!)

ভদ্র মহোদয়গণ! এখন আমি আরবীয় পয়গম্বরের সত্যনিষ্ঠা সম্বন্ধে একটু প্রমাণ আপনাদের সম্মুখে উপস্থিত করিতেছি। তাহা এই যে: - পয়গম্বরের “নবুয়তে” সর্বপ্রথমে বিশ্বাস করিয়াছিলেন তাঁহার সহধর্মিণী—যিনি তাঁহার

৪. মিসেস এ্যানি বোশাঙ্কের বর্ণিত মুসলমান কি আদরায়? ছি। ছি। ষিক্ আনাদের।
আমরা মুসলমান নামের কলঙ্ক। স্বদেশে দড়ি ও কলসী একেবারে নাই কি?

গার্হস্থ্য জীবনের সমুদয় রহস্য অবগত ছিলেন, আর তাঁহার অতি অন্তরঙ্গ আত্মীয়া ছিলেন বলিয়া তাঁহার আটশব জীবনের স্বভাব-চরিত্র সমুদয় উত্তমরূপে জ্ঞাত ছিলেন। এই যদি আপনারা বিবেচনা করিয়া দেখেন, তবে, পয়গম্বরের সত্য-পরায়ণতা সম্বন্ধে অতি জ্বলন্ত প্রমাণ পাইবেন। আপনারা নিজেরাই বেশ জানেন যে, কোন বিজ্ঞ বক্তৃতানিপুণ ব্যক্তি কোন সভা-সমিতিতে গিয়া বেশ ঝাঁড়া দুই ঘণ্টা উৎকৃষ্ট বক্তৃতা প্রভাবে শ্রোতৃবর্গকে মোহিত ও চমৎকৃত করিয়া স্বমতে তাহাদের বিশ্বাস জন্মাইতে পারে—যেহেতু সে সময় লোকে তাহাকে কেবল বক্তৃতা-মঞ্জেই দেখে; তাহার আভ্যন্তরীণ জীবনের অবস্থা কিছু জানে না। কিন্তু ইহা বড় কঠিন, এমন কি অসম্ভব যে নিজের স্ত্রী, কন্যা, জামাতা প্রভৃতি অতি নিকটবর্তী আত্মীয়গণ তাহার সত্যতার সাক্ষ্য দান করে—যদি সে ব্যক্তি বাস্তবিক তরুণ নির্মল ও সত্যপর না হয়। আমাদের মতে ইহারই নাম “পয়গম্বরী” এবং সত্য বলিতে কি এমন বিশ্বব্যাপী জয়লাভ হজরত মসিহের (যীশুর) ভাগ্যেও ঘটে নাই।^৫

আরবীয় পয়গম্বরের সমুদয় আত্মীয়-বান্ধবদের মধ্যে কেবল তাঁহার পিতৃব্য আবুতালেবই (?) এমন ছিলেন, যিনি কেবল নিজের একগুঁয়ে গৌড়ামীর জন্য তাঁহার ধর্মমতে (প্রকাশ্যে) বিশ্বাস করেন নাই। তিনি সম্রাস্ত কোরেশ বংশের দলপতি ছিলেন বলিয়া আপন পুরাতন পৈতৃক ধর্ম বিসর্জন দেওয়া নিজের পক্ষে মানহানিকর বোধ করিতেন; নতুবা তাঁহার কার্যকলাপে স্পষ্ট প্রতীয়মান হইত যে, তিনি পয়গম্বরের ধর্মে সম্পূর্ণ বিশ্বাসী ছিলেন। কারণ, তিনি রসুলোল্লাহকে স্পষ্ট ভাষায় বলিয়া দিয়াছিলেন, “হে পিতৃব্য-প্রাণ! তুমি অসঙ্কোচে আপন কর্তব্য পালন করিতে থাক; আমার জীবদ্দশায় কাহার সাধ্য যে, তোমার প্রতি কটাক্ষপাত করে?” একদিন আবু-

৫। অল্পদিন হইল—মুগলমান গ্রন্থকারগণ ইংরাজী ভাষায় এসলাম-সম্বন্ধে পুস্তক-পুস্তিকা লিখিতে আরম্ভ করিয়াছেন, ইহার পূর্বে ইউরোপে এসলাম সম্বন্ধীয় সমস্ত জ্ঞাতব্যই খ্রীস্টান মিশনের এজেন্সী হইতে সংগৃহ করা হইত—কাজেই অল্প ইউরোপ এসলামের নামে একেবারে শিগরিয়া উঠিত। এই অল্পদিনের চেষ্টায় কিরূপ কল হইয়াছে, এই বক্তৃতা হইতেই তাহার আভাস পাওয়া যাইতেছে। লড হেডনী, খাজা কামালুদ্দীন, মিঃ এছা-উন-নাসির পর্কিনসন প্রভৃতি মুগলমান লেখকগণের চেষ্টায় ইউরোপীয় পণ্ডিতগণের কিরূপ মত পরিবর্তন হইতেছে, “Islamic Review” পত্র পাঠ করিলে তাহা সব্যাক অবগত হওয়া যাইতে পারে।—(আন-এসলাম,—সম্পাদক)

তালেব স্বীয় পুত্র হযরত আলীকে জিজ্ঞাসা করিলেন, “তোমার ধর্ম বিশ্বাস কি? আর তুমি মহম্মদ (দঃ) সম্বন্ধে কি মনে করিস?” হযরত আলী অত্যন্ত সন্মান অথচ উৎসাহের সহিত উত্তর করিলেন, “পিতৃদেব! আমি একমাত্র অধিতীয় আল্লাহকেই পূজনীয় মনে করি, এবং মোহম্মদকে আল্লাহতালার প্রকৃত প্রেরিত বলিয়া মানি। আর এই জন্য পয়গম্বরের সংশ্রব পরিত্যাগ করিতে স্বীকৃত হইব না।”

ঈদৃশ উত্তর শ্রবণে অসন্তুষ্ট হইবারই সম্ভবনা ছিল; কিন্তু তাহা ত হইল না! বরং তিনি বলিলেন, “পিতৃ-প্রাণ-পুত্ৰলি! আমি তোমাকে অতিশয় সন্তুষ্ট চিন্তে তাঁহার শিষ্যত্ব গ্রহণ ও তাঁহার পদাঙ্ক অনুসরণ করিতে অনুমতি দিতেছি। যেহেতু আমার দৃঢ়বিশ্বাস, তিনি তোমাকে সুপথ ছাড়া কুপথে পরিচালিত করিবেন না।”

নবমুত্তের (পয়গম্বরী প্রাপ্তির) তিন বৎসর পর্যন্ত পয়গম্বর সাহেব নীরবে বিনা আড়ম্বরে আপন মিশনের কার্য করিতেছিলেন। সে সময় তাঁহার প্রতি বিশ্বাসী লোকের সংখ্যা মাত্র ৩০ জন ছিল। অতঃপর তিনি প্রথম প্রকাশ্য বক্তৃতা করিলেন, তাহাতে আল্লাহতালার একত্বের বিষয় অতি হৃদয়গ্রাহী ভাষায় বর্ণনা করিয়াছিলেন, এবং নরবলিদান, বিনাসিতা ও সুরাপান যে অতি কদর্য, তাহাও বিষদরূপে বুঝাইয়া বলিয়াছিলেন। তাঁহার ঐ বক্তৃতার গুণে অনেকের হৃদয়ে বিশ্বাসের জ্যোতি প্রদীপ্ত হইল এবং তাঁহার শিষ্য সংখ্যা যথেষ্ট বৃদ্ধিপ্রাপ্ত হইল। কিন্তু ইহার সঙ্গে সঙ্গেই প্রতিবন্ধকতা-বহিঃ পয়গম্বর সাহেবের বিরুদ্ধে দেশময় প্রচ্ছলিত হইয়া উঠিল। বিরোধী দলের হস্তে পয়গম্বর সাহেব যত প্রকার লাঞ্ছনা, গল্পনা ও নিগ্রহ ভোগ করেন, সাধারণ মানব তাহা কিছুতেই সহ্য করিতে পারিত না।

বিবর্মী শত্রুগণ পয়গম্বর সাহেবের তক্ত, বিশ্বাসী লোককে যখন যেখানে দেখিতে পাইত, তন্মুহূর্ত্তেই হত্যা করিত। কাহারও প্রতি অমানুষিক নির্যাতন করিত। কাহাকে বা হস্ত পদ শৃঙ্খলাবদ্ধ করিয়া সূর্যের দিকে মুখ করিয়া মরুভূমিতে উত্তপ্ত বালুকার উপর শয়ান করাইয়া তাঁহার বক্ষের উপর প্রস্তর চাপা দিয়া বলিত, “তুমি মোহাম্মদ ও তাহার আল্লাহকে অস্বীকার কর!” কিন্তু এত যন্ত্রণা সত্ত্বেও তাঁহার মোহাম্মদের কলেমা পড়িতে পড়িতে অকাতরে প্রাণত্যাগ করিতেন!

একদা কোন দুরাশ্বা জনৈক মুসলমানকে ধরিয়া তাঁহার দেহ হইতে খণ্ড খণ্ড মাংস কাটিয়া ফেলিতেছিল, আর বলিতেছিল, “এ সময় তুমি যদি নিজের

পুত্র পরিবারের সঙ্গে স্বচ্ছন্দে ধরে থাকিতিস, আর তোর স্থলে তোর মোহাম্মদ এইরূপ জিন্দেদেহে ভূমে লুটাইয়া ছটফট করিত তবেই বেশ ভালো হইত।” কিন্তু সেই সত্যধর্মপ্রাণ মুসলমান মৃত্যু পর্যন্ত এই একই উত্তর দিতেছিলেন, “আমার গৃহ, পুত্র-কলত্র—স্বখ-স্বাচ্ছন্দ্য, সমুদয় হজরত রসুলের পদতলে উৎসর্গ হউক। আমার সম্মুখে যেন তাঁহার চরণ-কমলে একটি কণ্টকও বিদ্ধ না হয়।”^৬

অবশেষে বিরোধী শত্রুগণ পয়গম্বর সাহেব ও তদীয় শিষ্যবর্গকে এত অধিক ক্রোধ দিতে লাগিল যে, তাঁহারা শেষে রসুলের ইচ্ছিতে দেশান্তরে গিয়া আশ্রয় লইতে বাধ্য হইলেন। পয়গম্বর সাহেবের একদল অনুবর্তী যখন শত্রু-তাড়নায় ব্যস্ত হইয়া হাবশ (আবিসিনিয়া) দেশে গেলেন, তখন শত্রুগণও তাঁহাদের পশ্চাৎদ্বাবন করিয়া সে দেশে উপস্থিত হইল এবং তত্রত্য খ্রীষ্টান রাজাকে অনুরোধ করিল যে, মুসলমানদিগকে উহাদের হস্তে সমর্পণ করা হউক। রাজা তখন হতভাগ্য প্রবাসীদিগকে ডাকিয়া তাঁহাদের অবস্থা জিজ্ঞাসা করিলেন। তাঁহারা বলিলেন, “রাজন! আমরা অজ্ঞতা ও মুর্থতার সমুদ্রে নিমগ্ন ছিলাম, আমরা ঘৃণিত পৌত্তলিক ছিলাম; আমাদের জীবন দুর্দান্ত পশু-পুঙ্খ নর-পিশাচের ন্যায় নীচ ও জঘন্য ছিল; নরহত্যা আমাদের দৈনন্দিন ক্রীড়া ছিল; আমরা জ্ঞানহীন, ঈশ্বরদ্রোহী ও ধর্মজ্ঞান বিবজ্জিত ছিলাম; পরস্পরের প্রতি স্নেহপ্রীতি বা মনুষ্যত্বের নামগন্ধ আমাদের মধ্যে ছিল না; অতিথি সেবা কিম্বা প্রতিবেশীর প্রতি কর্তব্য পালন বিষয়ে আমরা সম্পূর্ণ অজ্ঞ ছিলাম; আমরা ‘জোর যার মুলুক তার’ ব্যতীত অন্য বিধিনিয়ম জানিতাম না। আমাদের এই ঘোর দুর্নবহার সময় আল্লাহ্ তালা আমাদের মধ্যে এমন একজন মানুষ সৃষ্টি করিলেন—যাঁহার সত্যতা, (صداقت) সাধুতা এবং সরলতার উজ্জ্বল চিত্র আমাদের হৃদয়-পটে অঙ্কিত রহিয়াছে; সেই ব্যক্তি আমাদের এই শিক্ষা দিয়াছেন যে, ‘আল্লাহ্ এক, সর্ব কলঙ্ক হইতে পবিত্র, কেবল তাঁহারই উপাসনা করা আমাদের অবশ্য কর্তব্য; আমাদের সত্য অবলম্বন এবং মিথ্যা বর্জন করিতে হইবে; প্রতিজ্ঞা পালনে, বিশ্বজগতের প্রাণিবৃন্দের প্রতি স্নেহ-মমতা প্রদর্শনে, প্রতিবেশীর প্রতি কর্তব্য পালনে যেন বিমুখ না হই; যেন স্ত্রীজাতির প্রতি সত্য়বহার করি, পিতৃহীনের সম্পত্তি আত্মসাৎ না করি, নিয়ম মত দৈনিক উপাসনা ও উপবাস

৬. মিসেস বেলাস্ত এখানে দুইটি ঘটনা সম্বন্ধে এক বর্ণনার ভিত্তি ফেলিয়াছেন।
অমুসলমানের পক্ষে এইরূপ স্বর রাজনীতি—(আল-এসলাম,—সম্পাদক।)

(রোজা) ব্রত পালনে অবহেলা না করি।’ রাজন্! আমরা এই ধর্মে বিশ্বাস রাখি এবং এই শিক্ষা গ্রহণ করিয়াছি।”

ভদ্র মহোদয়গণ! পয়গম্বর সাহেবের শিষ্যবর্গের বিশ্বাস এবং ধর্মমত এমনই উচ্চ ছিল যে, তাঁহারা প্রাণ হেন প্রিয় বস্তু করতলে লইয়া বেড়াইতেন! আমি আরবীয় পয়গম্বরের সত্যতা ও অকপট হৃদয়ের প্রমাণ স্বরূপ আর একটি বিষয় আপনাদের শ্রবণগোচর করিতেছি।

একদা পয়গম্বর সাহেব আরবের কোন ধনাঢ্য ব্যক্তির সহিত কথোপকথন করিতেছিলেন, এমন সময় একজন অন্ধ তাঁহাকে ডাকিয়া বলিল, “হে খোদার রসূল! আমাকে পথ দেখাইয়া দাও, আমি সত্য পথ লাভ করিবার আশায় আসিয়াছি।” পয়গম্বর সাহেব বাক্যালোপে অন্যমনস্ক থাকি বশত: তাহার উক্তি শ্রবণ করেন নাই। সে পুনরায় উঠেচঃস্বরে ডাকিয়া বলিল, “হে রসূলুল্লাহ! আমার কথা শুন, ধর্মপথ দেখাও!” তদুত্তরে তিনি কিঞ্চিৎ বিরক্তির সহিত তাহাকে অপেক্ষা করিতে ইঙ্গিত করিলেন। কিন্তু ইহাতে সে অন্ধ ক্ষুণ্ণচিত্তে চলিয়া গেল। পর দিবস পয়গম্বরের প্রতি যে “অহি” (দৈবাদেশ) আসিয়াছিল, বাহা অদ্যাপি কোরআনে লিপিবদ্ধ আছে এবং চিরকাল থাকিবে, তাহার মর্ম এই: ‘রসূলের নিকট এক অন্ধ আসিল, কিন্তু সে (রসূল) অবজ্ঞা করিল ও তাহার কথায় ব্রূক্ষেপ করিল না। তুমি কি করিয়া জান যে, সে পাপমুক্ত হইবে না, উপদেশ গ্রহণ করিবে না এবং সেই উপদেশে সে উপকৃত হইবে না? যে ব্যক্তি ধনী, তাহার সহিতই তুমি সঙ্গ্রম সম্ভাষণ করিতেছ, যদ্যপি সে বিশ্বাসী (ইমানদার) না হইত, তজ্জন্য তুমি অপরাধী হইতে না। কিন্তু যে ব্যক্তি স্বয়ং সরল হৃদয়ে সত্য ও মূক্তির অন্বেষণে আসিল, তাহার প্রতি মনোযোগ করিলে না। (ভবিষ্যতে যেন আর কখনও এরূপ না হয়)।’

ঐ দৈবাদেশ পয়গম্বর সাহেবের মনে অত্যন্ত ফলপ্রদ হইয়াছিল। তদবধি যখনই তিনি উক্ত অন্ধকে দেখিতেন, তখনই বলিতেন, ইহার আগমন শুভ। যেহেতু, ইহারই উপলক্ষে আল্লাহ্ আমাকে শাসন করিয়াছেন। পয়গম্বর সাহেব উক্ত অন্ধকে অত্যন্ত আদর যত্ন করিতেন এবং দুইবার তাঁহাকে মদীনায় কোন উচ্চপদে নিযুক্ত করিয়াছিলেন। ফল কথা এই যে, পয়গম্বর সাহেব কেবল অপরকেই উপদেশ দিতেন না, বরং নিজের আত্মাকে উপদেশ গ্রহণের নিমিত্ত সর্বাপেক্ষা অধিক প্রস্তুত রাখিতেন।

সচরাচর বেক্সপ প্রত্যেক পয়গম্বরের সহিত হইয়া আসিয়াছে, সেইরূপ আরবীয় পয়গম্বরের বিরুদ্ধেও সাধারণের বৈরিতারূপ ঝঞ্ঝানিল উত্তরোত্তর বৃদ্ধি

পাইতে লাগিল। ধর্ম-সংক্রান্ত শক্রতা সাধনের নিমিত্ত পয়গম্বর সাহেবও তদীয় শিষ্যমণ্ডলীর বিরুদ্ধে নুতন বিপদের সূত্রপাত হইতে লাগিল! অবশেষে অবস্থা এমন ভীষণ হইয়া দাঁড়াইল যে, পয়গম্বর সাহেব সমুদয় মুসলমানকে আপন আপন প্রাণ নইয়া যত্রতত্র পলায়ন করিতে অনুমতি দিলেন। তখন হজরতের নিকট মাত্র একজন ব্যতীত আর কেহই রহিল না। কিন্তু পয়গম্বর সাহেব স্বীয় কর্তব্য তেমনই নিতীক চিন্তে পালন করিতে থাকিলেন। এই সঙ্কট সময়ে তাঁহার অন্নিকুল তাঁহার প্রাণবিনাশের স্মরণে অর্নেষণ করিতে লাগিল। তাঁহার পিতৃব্য আবুতালেব আর সহ্য করিতে না পারিয়া তাঁহাকে ডাকিয়া মস্গুহে বলিলেন, “হে পিতৃব্য-প্রাণ! কথা শুন, অমূল্য প্রাণ এমন অবহেলায় হারাইস না। আরবের রক্ত-পিপাসু খঞ্জরসমূহ তোরাই জন্য শাপিত হইতেছে। তুই নিবৃত্ত হ’, তোরা বক্তৃতা বন্ধ কর।”

তাঁহার কথায় পয়গম্বর সাহেব অতি সাহসের সহিত যে উত্তর দিয়াছিলেন, তাহা চিন্তা করিবার উপযুক্ত বটে। তিনি বলিলেন :

“পিতৃব্যদেব! আমি নিরুপায়। আমি ত কিছুই করি না, কে যেন আমার ঘারা করাইতেছে। যদি বিধর্মীগণ আমাকে এক হস্তে সূর্য অপর হস্তে চন্দ্র দান করিয়া বলে, ‘তুমি আপন কার্য পরিত্যাগ কর, তবু নিশ্চয় জানিবেন, আমি এ কার্য হইতে বিরত হইব না—যে পর্যন্ত ঈশ্বরের সেরূপ ইচ্ছা না হয়। অথবা আমি আমার এই সাধনার নিমিত্ত প্রাণত্যাগ করিব। তবে যদি আপনি নিজের জন্য ভয় করেন ত’ বলুন, আমি এই মুহূর্তে আপনাকে ছাড়িয়া অন্যত্র যাই—আমার আলাহ্ আমার সঙ্গে থাকিবেন।” এই বলিয়া পয়গম্বর সাহেব শাপনয়নে গমনোদ্যত হইলেন।

কিন্তু পিতৃব্যের স্বেহের উৎস উখলিয়া উঠিল, তিনি ব্যস্তভাবে বলিলেন, “প্রাণাধিক! আমি তোকে কিছুতেই ছাড়িব না। তোরা অন্নিকুল হইতে তোকে রক্ষা করিব। তুই নির্ভয়ে আপন কাজ কর।”

কিন্তু ভদ্র মহোদয়গণ! আরবীয় পয়গম্বরের এই স্বেহময় পিতৃব্য আর অধিক দিন তাঁহার সঙ্গে থাকিতে পারেন নাই। সেই ষোর দুদিনে তিনি দেহত্যাগ করিলেন। আর এই বৎসরই তাঁহার পতিপ্রাণা বণিতা খদিজা বিবিও প্রেম-পাশ ছন্দু করিয়া অনন্ত ধানে প্রস্থান করিলেন। এই সময় বাস্তবিক পয়গম্বর সাহেবের পক্ষে অতি কঠোর শোক ও বিপদাকীর্ণ পরীক্ষার সময় ছিল। রসুলের

শক্রপক্ষ এই সময় প্রবল হইতে প্রবলতর হইল। (আহা! বিপদ কখনও একা আইসে না)।

ক্রমে অবস্থা এমন ভয়ানক হইল যে, পয়গম্বর সাহেব মক্কা পরিত্যাগ করিতে প্রস্তুত হইলেন। তখন হজরত আলী এবং আবুবকর সিদ্দীক—মাত্র এই দুইজন ব্যতীত, তাঁহার নিকট আর কেহই ছিল না। তমোময়ী নিশীথে পয়গম্বর সাহেব ত আবুবকরকে সঙ্গে লইয়া মদীনা অভিমুখে যাত্রা করিলেন, এদিকে হজরত আলী তাঁহার শয্যায় শয়ন করিয়া রহিলেন, যাহাতে শক্রগণ নিশ্চিন্ত থাকে। মোহাম্মদ সাহেবের অরাতিকুল যথাকালে উন্মুক্ত কৃপাণ হস্তে তথায় উপস্থিত হইল; বস্ত্রাবরণ উন্মোচন করিয়া দেখিল, একি! এ'ত মোহাম্মদ (সঃ) নহেন! এ যে আলী শয়ান রহিয়াছেন! উহার তাঁহাকে কিছু না বলিয়া পয়গম্বর সাহেবের মস্তক আনয়নের নিমিত্ত বহুমূল্য পুরস্কার ঘোষণা করিল।

পয়গম্বর সাহেব যৎকালে একমাত্র সঙ্গী আবুবকর সিদ্দীক সহ গমন করিতে-
ছিলেন, তখন আবুবকর অত্যন্ত ব্যাকুল চিত্তে কহিলেন, “হে হজরত! আমরা ত
মাত্র দুইজন!” তিনি উত্তর করিলেন, “না, না! আমরা তিন জন—ই’হাদের
একজন অতিগণ্য প্রতাপশালী—সমুদয় বিশ্বজগৎ এক দিকে, আর তিনি
একা এক দিকে।” আবুবকর সবিস্ময়ে প্রশ্ন করিলেন, “হজরত! সে তৃতীয়
জন দ্বারা আপনি কাহাকে বুঝাইতে চাহেন?” উত্তর হইল, “সেই সর্ব শক্তিমান
আল্লাহ্ আমাদের রক্ষণা-বেক্ষণের নিমিত্ত সঙ্গে আছেন।” এ-কথায় আবুবকর
নিশ্চিত হইলেন।

পয়গম্বর সাহেব মদীনা নগরে উপস্থিত হইলেন। সেখানে তিনি আশাতীত
যত্ন ও সমাদরে গৃহীত হইলেন। শত শত সমাজ-নেতা অগ্রসর হইয়া, তাঁহাকে
আমন্ত্রণ করিয়া লইতে আসিলেন এবং তাঁহার শিষ্যত্ব গ্রহণ করিলেন। হজরতের
ইতস্ততঃ বিক্ষিপ্ত অনুচরবর্গও ক্রমে ক্রমে মদীনায় আসিয়া আশ্রয় গ্রহণ করিলেন।
কিন্তু পয়গম্বরের বিপক্ষগণ সেখানেও তাঁহাকে নিশ্চিত মনে ভিত্তিষ্ঠিতে দিল না।
তাহারা এবার সৈন্য সামন্ত সংগ্রহ করিয়া পয়গম্বর সাহেবকে আক্রমণ করিল।
তখন পয়গম্বর সাহেবও কেবল আত্মরক্ষা কল্পে স্বীয় ক্ষুদ্র যোদ্ধৃদল লইয়া
বাহিরে আসিয়া উঠেচঃস্বরে প্রার্থনা করিলেন:

“জগৎ-পাতা। তুমি সমস্তই দেখিতেছ এবং সবিশেষ অবগত আছ। অদ্য
যদি আমার ক্ষুদ্র সেনাদল বিনষ্ট হইয়া যায়, তবে তোমার সত্য নাম প্রচার
করিবার লোক আর কেহ থাকিবে না। আমার দৃঢ়বিশ্বাস যে, তুমি সত্যের
সহায় হইবে।”

অবশেষে এই প্রথম রক্ত-প্রবাহিনী যুদ্ধ—যাহা বদরের যুদ্ধ নামে বিখ্যাত হইয়া গেল। ওদিকে ত সহস্র যোদ্ধা ধরাশায়ী হইল, এদিকে একশত বীরও ক্ষয় হইয়াছিল কি না সন্দেহ। কার্যতঃ ইহা সুস্পষ্টই বোধ হইতেছিল যে, মুসলমানদের পক্ষে কোন অদৃশ্য শক্তি যুদ্ধ করিতেছিল, তাই স্বল্প সময়ের মধ্যেই যোসলেমগণ সম্পূর্ণ জয়লাভ করিলেন। পয়গম্বর সাহেবের জীবনে এই প্রথম রক্তপাত—যাহা তিনি অনন্যোপায় হইয়া করিতে বাধ্য হইয়াছিলেন। নতুবা তিনি এমন দয়ালু হৃদয় ও বিশুপ্রেমিক ছিলেন যে, দুর্ভর্য লোকেরা তাঁহাকে ভীকু ও কাপুরুষ বলিত। এইরূপে কয়েকবার আরবের যোসলেম-বিশেষিগণ মহা সমারোহে যুদ্ধায়োজন লইয়া তাঁহাকে আক্রমণ করে এবং পয়গম্বর সাহেব শুধু আত্মরক্ষা—শিষ্যমণ্ডলীর প্রাণ নিমিত্ত যুদ্ধ করিতে বাধ্য হন। পরন্তু সর্বদা সত্য ও ঈশ্বরের অনুগ্রহ তাঁহার সঙ্গে থাকায় বিজয়ের উপর বিজয় লাভ করিতে থাকিলেন এবং অযাচিত প্রভুত্ব লাভ করিলেন। এমন কি তিনি স্বাধীন রাজার ন্যায় সমগ্র আরব উপদ্বীপে রাজত্ব করিতে লাগিলেন।

এই সময় পয়গম্বরের অতীত ও বর্তমান জীবনে বিশেষ পাথক্য দৃষ্টিগোচর হইল। পূর্বে লোকে তাঁহার প্রতি অত্যাচার করিলে তিনি তাহার প্রতিশোধ না লইয়া তাহাদের মঙ্গল কামনায় প্রার্থনা করিতেন। এখন তিনি সৈন্য সেনানী ও যথাবিধি সমারোজন রাখিতে বাধ্য হইলেন—যাহা একজন সন্ন্যাসীটিকে করিতে হয় এবং অপরাধীকে শাস্তিদান করিতেও হইত। কিন্তু এক্ষেত্রেও তিনি অতি উচ্চ আদর্শের দয়া ও ন্যায়বিচার প্রদর্শন করিয়াছেন।

পয়গম্বর সাহেবের জন্মের পূর্বের অর্থাৎ যে সময়কে আরবীয় মুসলমানদের মূর্খতার ষুগ বলা হয়, যুদ্ধে ধৃত বন্দীগণের প্রতি এমন নৃশংস নির্বাসন করা হইত যে, তাহার তুলনা নিতান্ত অসভ্য বর্বর জাতির মধ্যেও পাওয়া কঠিন। কিন্তু পয়গম্বর সাহেবের সময়ে যুদ্ধে ধৃত বন্দীদিগের প্রতি যেরূপ সদয়, স্নেহজনক ব্যবহার করা হইত, তাহার আদর্শ অদ্যাপি কোন অতি সভ্য দেশ ও সমাজে পাওয়া যাইবে কি না, সন্দেহ। একদা ঋণযাত্রা-কালে তাঁহাদের সমভিব্যাহারে এক দল বন্দী ছিল। ঋণ্য সামগ্রীতে (রসদে) আটা অল্প ছিল বলিয়া সংবাদ পাওয়া গেল; তৎক্ষণে রসুলোদ্দাহ্ আদেশ দিলেন যে, বন্দীদিগকে রুটি দান করা হউক, আর স্বাধীনেরা খর্জুর ভক্ষণ করুক। (কি মহত্ব!)

আর এক বারের ঘটনা এই যে, যুদ্ধ জয়ের পর, লুণ্ঠিত দ্রব্য যখন বণ্টন করা হইল, তখন পয়গম্বর সাহেব স্বীয় নিকটবর্তী প্রিয় সহচরবৃন্দকে ভাগ লইতে

দিলেন না। ইহাতে তাঁহারা ক্ষুব্ধ হইয়া পরস্পর আলোচনা করিতে লাগিলেন। পরগণ্ডর সাহেব তাহা অবগত হইয়া সহচরদের ডাকিয়া বলিলেন, “বন্ধুগণ! তোমরা জান, পূর্বে তোমরা কিরূপ বিপন্ন ছিলে, আল্লাহ্ তোমাদের বিপন্নীকৃত করিয়াছেন; তোমরা একে অপরের রক্তপিপাসু ছিলে, প্রভু তোমাদিগকে এখন ব্রাতৃপ্রেম দান করিয়াছেন; তোমরা কোকরের (অধর্মের) অন্ধকারে কারারুদ্ধ ছিলে, তিনি বিশ্বাসের নির্মল জ্যোতিতে তোমাদের মন আলোকিত করিয়াছেন। তাঁহার এই সকল অনুগ্রহ পুরস্কার কি তোমরা প্রাপ্ত হও নাই?” তাঁহারা একবাক্যে বলিয়া উঠিলেন, “হাঁ আমাদের অবস্থা বাস্তবিক এইরূপই ছিল এবং এখন যে সুখ-সম্পদ ভোগ করিতেছি, আল্লাহ্‌তালারই অনুগ্রহে এবং আপনার দয়ার আমাদের ভাগ্যে ঘটয়াছে।” তিনি উহাদের কথায় বাধা দিয়া বলিলেন, “না, না, বল যে কেবল খোদার অনুকম্পা ছিল। আর যদি তোমরা এইরূপ বলিতে ত আমিও সাক্ষ্য দিতাম। আমার সম্বন্ধে তোমরা ইহা বলিতে পার যে, তুমি এখানে পলায়ন করিয়া আসিয়াছ, আমরা তোমার আশ্রয় দিয়াছি; তুমি দুঃখ-চিন্তা-ভারাক্রান্ত ছিলে, আমরা তোমার সান্ত্বনা দিয়াছি” (এ কথায় তাঁহারা কোন উত্তর দিলেন না। তাঁহাদিগকে মৌনাবলম্বন করিতে দেখিয়া) পুনরায় পরগণ্ডর সাহেব বলিলেন, “হে শ্রিয় সহচরবৃন্দ! লুপ্তিত-দ্রব্যের বিনিময়ে কি তোমরা আমাকে পাইতে ইচ্ছা কর না? খোদার কসম! খোদার সমস্ত রাজ্য বিপক্ষে দাঁড়াইলেও মোহাম্মদ আপনার সহচরদের পক্ষে থাকিবে, যেহেতু তাঁহারা বিনা স্বার্থে—শুধু ঈশ্বরোদ্দেশ্যে কষ্ট স্বীকার করিতেছেন।”

পরগণ্ডর সাহেবের এই সংক্ষিপ্ত বক্তৃতার স্ফুল এমন হইল যে, উক্ত সহচর-গণ—যাঁহারা মরিতে ও মরিতে নির্ভীক, শৌর্য-বীর্যে সিংহ-তুল্য জাতি ছিলেন, এক্ষণে দরবিগলিত ধারায় অশ্রু বিসর্জন করিতে লাগিলেন এবং বলিলেন, “হে রসুলুল্লাহ্! আমাদের বর্তমান অবস্থায় সম্পূর্ণ পরিতৃপ্ত ও সন্তুষ্ট হইয়াছি।”

আমার হিন্দু ব্রাতৃগণ! আপনারা বাস্তবিক আরবীয় পরগণ্ডরের অবস্থা কিছুমাত্র অবগত নহেন। আপনারা এ অলৌকিক ঐশিক শক্তি দেখিতে সক্ষম নহেন, যাহা তাঁহার সহস্র সহস্র শিষ্যকে কষ্ট স্বীকার ত তুচ্ছ—মৃত্যুর সম্মুখীন করিয়াছে; যাহা কোটি কোটি লোকের অন্তরে ঈশ্বর-প্রেম অঙ্কিত করিয়াছে। আপনারা আরবীয় পরগণ্ডরের নিরহঙ্কার ভাব ও আত্মত্যাগের বিষয় একটু বিবেচনা করিয়া দেখুন ত। তিনি অনুবর্তীগণকে এই শিক্ষাই দিয়াছেন যে, তাঁহাকে যেন কেহ দেবতা কিম্বা অসাধারণ ব্যক্তি বলিয়া জ্ঞান না করে। তিনি বারম্বার

কলিয়াছেন, “আমি তোমাদেরই মত মানুষ, এইমাত্র প্রভেদ যে, আমি তাঁহার (খোদার) দূত, তাঁহার সংবাদ তোমাদিগকে পৌঁছাই।” পয়গম্বর সাহেবের নিরভিমান ও সরলতার প্ৰমাণ এতদপেক্ষা অধিক আর কি হইতে পারে। যে সময় তিনি রাজাধিরাজ সম্রাট ছিলেন, তখন স্বহস্তে আপন জীর্ণ বস্ত্রে চীসংলগ্ন করিতে-
 ছিন্দু পাদুকা স্বহস্তে সেলাই করিতে। তাঁহার শাস্ত স্বভাব সম্বন্ধে তদীয় ভৃত্য আনাস বলিয়াছিলেন, “আমি দশ বৎসর তাঁহার নিকট ছিলাম, তিনি কদাচ অপিয় বচন কহিবেন দূরে থাকুক, আমাকে ‘তুই’ পর্যন্ত বলেন নাই।” (হাদীস শরীফে তুই শব্দের উল্লেখ নাই), স্বাতৃগণ! এমনই আড়ম্বরশূন্য জীবন ছিল সেই সম্রাটের, যিনি ইচ্ছা করিলে পরিচর্যার জন্য সহস্রাধিক দাসদাসী রাখিতে পারিতেন।

আরবীয় পয়গম্বর যে ‘মিশনের’ জন্য অনুগ্রহণ করিয়াছিলেন, তাহা সমাধা করিলে পর সেই (দারুণ) সময় আসিল, যখন একদিন (মৃত্যুর কিছু দিন পূর্বে) রোগক্রান্ত অবস্থায় তিনি বহু কষ্টে নমাজের নিমিত্ত মসজিদে আনীত হইলেন। (নামাজ শেষ হইলে) তিনি আপন পীড়িত ক্ষীণ কণ্ঠ যথাশক্তি উচ্চ করিয়া বলিলেন, “হে মুসলমানগণ! তোমরা সাধারণে ঘোষণা করিয়া দাও, যদি আমি এ জীবনে কাহারও প্রতি অত্যাচার অবিচার করিয়া থাকি, তবে সে অদ্য আমা হইতে প্রতিশোধ লউক, পরলোকের জন্য যেন স্বগিত না রাখে। যদি কাহারও কিছু প্রাপ্য থাকে, সে ঋণ শোধের নিমিত্ত আমার ঘরঘর তাহাকে সমর্পণ করিতেছি। অদ্য আমি সকল প্রকার জবাবদিহির জন্য উপস্থিত আছি।”

একজন বলিল, হজরতের নিকট তাহার ত্রিশ, ‘দেরেম’ পাওনা আছে, তাহা রসুলোলামাহ্ তপ্নুহুতে শোধ করিলেন।* এই তাঁহার মসজিদে শেষ আগমন।

*মিসেস এনি বেনাস্ত এম্বলে “আক্তাসের তাজিরানার” বিষয় উল্লেখ করেন নাই; আমার মনে হয় এজন্য “প্রতিশোধ” বিষয়ট অজহান ও অসম্পূর্ণ রহিয়াছে। সে তাজিরানার কথা এই:

কোন একদিন হজরত কোন কারণে আক্তাস নামে এক ব্যক্তিকে এক ষা কোড়া মারিয়াছিলেন। অদ্য সেই আক্তাস মসজিদে আসিয়া সেই কোড়ার প্রতিশোধ পাইবার দাবী করিল, তখন রসুল তাহার হস্তে কশাঘাত গৃহণ করিতে প্রস্তুত হইলেন। ইহা দেখিয়া উপস্থিত সহচরবৃন্দ ও আত্মীয় বান্ধবগণ অভ্যন্ত শোকসন্তপ্ত ও উদ্বিগ্ন হইলেন, বেহেতু হজরত এমন পীড়িত অবস্থার কোড়ার আঘাত কিছুতেই সহ্য করিতে পারিবেন না। তাঁহার। অনুনয়-বিনয় করিয়া আক্তাসকে নিবৃত্ত হইতে, অথবা রসুলের পরিবর্তে তাঁহাদের গাত্রে একাধিক কোড়া মারিতে অনুমতি করিলেন। কিন্তু আক্তাস তাঁহাদের কোন কাণ্ড কর্ণপাত করিল না। তখন তাঁহার। অভয় অধীর হইয়া ক্রন্দন ও বিলাপ করিতে লাগিলেন,—নিষ্টুর আক্তাস করে কি! হায় হায়, রসুল হত্যা করিবে। হজরত কিন্তু অবিচলিত চিত্তে আক্তাসকে তাঁহার আকাঙ্ক্ষিত প্রতিশোধ দইতে ইন্দিগ্ন করিলেন।

অন্তঃপর ৬৩২ খ্রীষ্টাব্দে ৮ই জুন আরবীয় পয়গম্বর নশুর মুনায় দেহত্যাগ করিলেন, যাহাতে অতি উচ্চ অনন্তধামে গিয়া স্বীয় প্রতিষ্ঠিত ধর্মের রক্ষণাবেক্ষণ করিতে পারেন। এই জীবন অতি উচ্চ, পবিত্র, বিস্ময়কর এবং বাস্তবিক ধোঁদার পয়গম্বরেরই যোগ্য ছিল (অবশ্য, সাধারণ মানবের জীবন এরূপ হওয়া অসম্ভব)।

ভদ্র মহোদয়গণ! এখন আমি আপনাদিগকে আরবীয় পয়গম্বরের প্রতি যে সব অন্যান্য দোষারোপ করা হয়, তাহার বিষয় বলিতেছি। অন্তিষ্ঠতা ও ন্যান্যান্য জ্ঞানাভাবে, অথবা, শুধু কুসংস্কার বশতঃ রসুলের প্রতি ঐসব দোষারোপ করা হইয়া থাকে। তাঁহার একতম দোষ এই বলা হয় যে, তিনি জীবনের শেষভাগে . সর্বস্বত্ব ৯জন মহিলার পাণিগ্রহণ করেন। তিনি বিবাহ করিয়াছেন সত্য; কিন্তু আপনারা কি আমাকে বুঝাইয়া দিতে পারেন যে, সেই ব্যক্তি, যিনি ২৪ বৎসর বয়ঃক্রম পর্যন্ত কোন পুকার “মকারাদি” কু অবগত ছিলেন না, পরে নিজের অপেক্ষা অনেক অধিক বয়স্কা একটি বিধবার পাণি গ্রহণ করিয়া তাঁহারই সহিত অতি সুখ জীবনের ২৬টি বৎসর যাপন করিলেন; তিনি শেষ বয়সে যখন মানুষের জীবনীশক্তি নির্বাণিত প্রায় হয়, শুধু আশ্বস্বের জন্যই যে কতকগুলি বিবাহ করিবেন, তাহা কি সম্ভব? যদি ন্যায় বিচারের সহিত বিবেচনা করেন, তবে আপনারা বেশ জানিতে পারিবেন—সে বিবাহের উদ্দেশ্য কি ছিল। প্রথমে দেখিতে হইবে, তাঁহারা (হজরতের পত্নীগণ) কোন শ্রেণীর কুলবালা ছিলেন, আর কেনই বা তাঁহাদের রসুলের প্রয়োজন ছিল।—কতিপয় নারী এরূপ ছিলেন যে, তাঁহাদের বিবাহের ফলে রসুলের পক্ষে ‘নূর-ইসলাম’ প্রচারের সুবিধা হইল। আর কয়েকজন এরূপ ছিলেন যে, বিবাহ

ব. **তীর্থ** তাঁহাদের ভরণপোষণ ও রক্ষণাবেক্ষণের অন্য কোন উপায় ছিল না। আরবীয় পয়গম্বরের প্রতি আর একটি দোষারোপ এই করা হয় যে, তিনি রক্তপাতের প্রশ্রয় দিতেন এবং কারণে-অকারণে কাফের হত্যা করিতে আদেশ

সে বলিল, “হজরত আমি নগ্ন পৃষ্ঠে আপনার কোড়ার আঘাত পাইয়াছিলাম।” এতক্ষণে রসুলে করিব ভৎসনাং গাতবস্ত উণ্টোন করিয়া নগ্নদেহে কশাঘাত গ্রহণ করিতে প্রস্তুত হইলেন !!!

বলি, আজ পর্যন্ত জগতে কেহ ঐরূপ ধর্ম পরিশোধ করিতে পারিয়াছে কি? আমার বিশৃঙ্খল রসুলকে গাত বস্ত মোচন করিতে দেখিয়া স্বর্গদূত (ফেরেশতা) পর্যন্ত কম্পিত হইয়াছিলেন। এরূপ সাহায্য আরও কোন মহাপুরুষ দেখাইতে পারিয়াছেন কি?

আজঃ অবশ্য রসুলকে কোড়া নারিবীর অভিশ্রুতির আসিয়াছিল না, তাহার উদ্দেশ্য ছিল হজরতের পবিত্র পৃষ্ঠ চূষন করা। সে উদ্দেশ্য সফল হইল—ক্রমের রোলের মধ্যে ডক্তির জয়-জয়কার ঘোষিত হইল।

দিতেন। এখন এ-সম্বন্ধে আপনারা আমার বক্তব্য শ্রবণ করুন। যখন আইনের দুই দফা প্রায় একই প্রকার হয় অর্থাৎ একটি কোন শর্তের অধীন এবং অপরটি শর্তবিহীন তখন শর্তহীন ধারাও সর্বদা শর্তাধীন ধারা বলিয়াই মানিতে হয়। মুসলমানদের শাস্ত্রকারগণ সর্বদা এ-বিষয়ের সম্মান রক্ষা করিয়া চলিয়াছেন এবং কোরআনের বচনসমূহেও একথা স্পষ্ট প্রতীয়মান হয়। যথা একস্থলে বলা হইয়াছে, “কাফেরকে হত্যা কর,” এবং অপর স্থলে বলা হইয়াছে, “হত্যা কর, যদি তাহারা তোমাদের ধর্মকর্মে বাধা দেয়।” এখন আমি আপনাদিগকে সেই মূলবচনসমূহের—যাহা রক্ষনের প্রতি প্রত্যাদেশ হইয়াছে, শাস্ত্রিক অনুবাদ শুনাই-তেছি। আমি নিজের ভাষায় বলিব না, কারণ যদি আপনারা মনে করেন যে, আমি তাঁহাদের (মুসলমানদের) ধর্মপ্রচার করিতেছি। তবে শ্রবণ করুন: “যদি তাহারা তোমাদের প্রতি শত্রুতাচরণ হইতে নিবৃত্ত হয়, তবে যাহা হইয়া গিয়াছে, ক্ষমা করা যাউক। কিন্তু যদি তাহারা তোমাদিগকে আক্রমণ করিতে অগ্রসর হয়, তবে পূর্ববর্তী পয়গম্বরদের প্রতি বিরুদ্ধাচরণের নিমিত্ত যেরূপ শাস্তি দেওয়া গিয়াছে সেইরূপ শাস্তি ভোগ করিবে। এজন্য উহাদের সহিত যুদ্ধ কর, যে পর্যন্ত উহারা পৌত্তলিকতা রক্ষার নিমিত্ত তোমাদের বিরুদ্ধাচরণে নিবৃত্ত না হয় এবং অধিতীয় খোঁদার ধর্মকে অমান্য করে, যুদ্ধ করিতে থাকে। আর যদি তাহারা মানে তবে, নিশ্চয় জানিও আল্লাহ তাহাদের কার্যকলাপ পর্যবেক্ষণ করেন। কিন্তু যদি তাহারা সত্যধর্মের বিরোধী হয়, তবে আল্লাহ্ তোমাদের সহায় হইবেন। তিনি সর্বাপেক্ষা শ্রেষ্ঠ অভিভাবক এবং সাহায্যকর্তা।”

আর একটি বিষয়, যাহা পয়গম্বরকে উপদেশ দানের নিমিত্ত কোরআনে অবতীর্ণ হইয়াছে, আপনাদের শ্রবণগোচর করিতেছি:

“মনুষ্যদিগকে নগ্ন মৃদু ভাষায় যুক্তি সহকারে উপদেশ দিয়া আল্লাহ্ তালার ধর্মপথে আহ্বান কর; তাহাদের সহিত অতিশয় ধৈর্য ও গাষ্ঠীর্থের সহিত সদয়ভাবে তর্ক কর, কেননা উহাদের কে সত্য পথ ভুলিয়া বাস্ত হইয়াছে এবং কে সত্য পথে আছে—তাহা আল্লাহ্ সর্বিশেষ অবগত আছেন। যদি তুমি প্রতিশোধ লও, তবে লক্ষ্য রাখিও যে, তহা তোমার প্রতি যে অত্যাচার অনাচার হইয়াছে (ন্যায়বিচার অনুসারে) তাহার সমান হয়; আর যদি তুমি প্রতিশোধ না লইয়া সহ্য কর, তবে সাবের (সহিষ্ণু) ব্যক্তির পক্ষে আরও ভালো কথা। স্মরণ ভাল হয়, যদি শত্রুদের প্রপীড়ন ধীরতার সহিত সহ্য কর। কিন্তু স্মরণ রাখিও তোমার কার্যকলাপ তবেই সফল হইবে, যখন তাহার সহিত আল্লাহ্ তালার অনুগ্রহ মিশ্রিত থাকিবে। কাফেরদের ব্যবহারে দুঃখিত হইও না, এবং উহাদের

চাতুরী শঠতায়ও ব্যতিবস্ত হইও না, কারণ আমরা তাহাদেরই সাহায্য করেন যাহারা সাধু ও ন্যায়পরায়ণ হয় এবং তাহাকে ভয় করে।”

আর একটি উপদেশ শ্রবণ করুন;—“ধর্মকর্ম ব্যাপারে কাহারও প্রতি অত্যাচার করিও না, যদি সে ইসলাম ধর্ম গ্রহণ করে তবে বুঝিও আমরা তাহাকে সংপথ প্রদর্শন করিয়াছেন, আর যদি ধর্ম স্বীকার না করে, তবে আর কি করা—তোমার কাজ ত কেবল উপদেশ দান ও প্রচার করাই ছিল।”

আরও শ্রবণ করুন,—পয়গম্বর সাহেব কাফেরের বিরুদ্ধে বর্ণনা করিয়াছেন, “কাফের তাহারাই যাহারা ন্যায় বিচারের বিপরীত কার্য করে; পাপী কেবল তাহারাই যাহারা ঈসলাম ধর্মের বাহিরে।” ইহাতে স্পষ্টই প্রতীয়মান হয় যে, ইসলাম ধর্মের বৃত্তি (دائرة) তত সঙ্কীর্ণ নহে যে, কেবল পয়গম্বর সাহেবের শিষ্যবর্গের মধ্যেই সীমাবদ্ধ থাকিবে।

আর একস্থলে (প্রত্যাদেশে) আসিয়াছে যে, “যদি তাহার তোমানদের বিরোধী হইয়া যায় কিন্তু তোমানদের সহিত যুদ্ধ-কলহ না করে আর তোমানদের সহিত বন্ধুর ন্যায় ব্যবহার করে, তবে তাহাদিগকে হত্যা করা কিম্বা তাহাদের বশীভূত করিতে চেষ্টা করা ঈশ্বরাদেশের বিরুদ্ধ।”

উপস্থিত মহোদয়গণ, আপনারা কি বলিতে পারেন যে, ইহা ন্যায়বিচারের কথা হইবে যে, আমরা পয়গম্বর সাহেবের তাদৃশ মিলন প্রয়াসী শান্তিগুচক বচন-সমূহের প্রতি—যাহা সেরূপ যুদ্ধ কলহ এবং অত্যাচারের যুগে বলা হইয়াছিল, একটু মনোযোগ না করি, আর কেবল ঐ সকল বচন, যাহা তিনি কোন এক ক্ষুদ্র সৈন্যদলকে প্রবল শত্রুর সম্মুখীন হইবার সময় উৎসাহিত করিবার জন্য বলিয়াছিলেন, সেগুলিকে ধরিয়া লই ? আর আমার মতে যে কোন সেনাপতি এক্ষণে স্থলে থাকিতেন, তিনি এতদপেক্ষা অধিক যোগ্যতার কাজ আর কি করিতেন ?

বেশ, এখন আপনারা সেই শান্তিপ্রিয়তা শিক্ষার আর একটি দৃষ্টান্ত, যাহা পয়গম্বর সাহেবের স্বকীয় ব্যবহারে দেখা যায়, একটু সমালোচনা করিয়া দেখুন ত অত্যাচার এমন কোন ছিল না, যাহা পয়গম্বরের প্রতি করা হয় নাই,—আর তিনি তাহা ক্ষমা না করিয়াছেন; কোন নির্ধাতন এমন হয় নাই, যাহা তিনি ক্ষমা করিতে প্রস্তুত না ছিলেন। হে ভ্রাতৃগণ! কোন ব্যক্তির প্রকৃত অবস্থা জানিতে হইলে তাঁহাকে ঠিক সেইভাবে দেখুন, যে অবস্থায় তিনি বাস্তবিক থাকেন, কুসংস্কারের চর্চনা পরিয়া দেখিবেন না।

প্রত্যেক ধর্মেই কিছু না কিছু দোষ জন্মিয়াই থাকে; সমস্ত সাধু-প্রকৃতি লোকের কার্যকলাপে কোন-না-কোন দোষ থাকেই, বিধর্মী এবং মূর্খ শিষ্য একে

আর বুঝিয়া থাকে। কোন ধর্ম দেখিতে হইলে সেই ধর্মাবলম্বীদের মধ্যে সর্বাপেক্ষা উৎকৃষ্ট এবং নিষ্ঠাবান ব্যক্তিকে দেখা উচিত; তাহা না করিয়া কোন নরাধমকে দেখিয়া তাহাকেই দৃষ্টান্ত বলিয়া ধারণা করা অন্যায। তবেই আমরা একে অপরকে ভ্রাতার ন্যায় ভালোবাসিতে শিখিব এবং বন্য অসত্যদের মত একে অপরকে ঘৃণার চক্ষে দেখিব না।

আমার দুঃখ হইতেছে যে, সময়াভাবে আমি ইসলামের শিয়া ও সুন্নি সম্প্রদায় সম্বন্ধে কিছু বলিতে পারিলাম না। যদিও সে বিষয়টিও আপনাদের ভালো লাগিত কিন্তু তাহা তত প্রয়োজনীয় নয় বলিয়া আমি এস্থলে সে বিষয় পরিত্যাগ করিলাম।

প্রত্যেক ধর্মেই বাহ্যিক অবস্থার পরে দর্শন থাকে। যদি এ-সময় ইসলামের বর্তমান অবস্থার আমরা তাহার স্বল্পতা দেখিতেছি, (তাহাতে বিশেষ ক্ষতি নাই) কারণ, আমরা যখন সেই সময়ে—যখন ইসলামের জ্যোতি: আরম্ভ হইয়াছিল, দৃষ্টপাত করি তাহার গুণ ব্যাখ্যার উপযুক্ত ভাষা ও শব্দ পাই না।

এখন আপনারা বিবেচনা করিয়া দেখুন, আরবীয় পয়গম্বর তের শত (১৩০০) বৎসর পূর্বে শিক্ষার উপকারিতা সম্বন্ধে কি বলিয়াছেন;—“বিদ্যা শিক্ষা কর; যে বিদ্যা শিক্ষা করে সে নির্মল চরিত্র হয়; যে বিদ্যার চর্চা কবে সে ঈশ্বরের স্তব করে; যে বিদ্যা অন্বেষণ করে সে উপাসনা (এবাদত) করে; যে উহা শিক্ষা দেয় সেও উপাসনা করে; বিদ্যাই মানবকে ভালো ও মন্দ (সিদ্ধ ও নিষিদ্ধ) জ্ঞান শিক্ষা দান করে; শিক্ষাই সুপথ প্রদর্শন করে; শিক্ষাই নির্জনে নির্বাসনে প্রকৃত বন্ধুর কাজ করে; বনবাসে সান্ত্বনা প্রদান করে; বিদ্যা আমাদেরকে উন্নতি-মার্গে লইয়া যায় এবং দুঃখে সহানুভূতি প্রকাশ করে। বন্ধু-সভায় বিদ্যা আমাদের অনলকার স্বরূপ; শত্রু সম্মুখে অস্ত্র স্বরূপ।* বিদ্যার দ্বারা আল্লাহ্-তায়ালায় বিপন্ন দাস পুণ্যের সর্বোৎকৃষ্ট ফলপ্রাপ্ত হয়।”

পয়গম্বর সাহেবের নিম্নোক্ত বচনসমূহের প্রতি দৃষ্টপাত করিলে আমি ভক্তি-প্রেমে অভিভূত হইয়া পড়ি। তিনি বলিয়াছেন, “বিধানের (লিখিবার) মসী শহীদ (ধর্মার্থ সমরশায়ী)-দের রক্তাপেক্ষাও অধিক মূল্যবান।” ভ্রাতৃগণ! বিদ্যার গৌরব বর্ণনা এতদপেক্ষা অধিক আর কি হইতে পারে?

*সুশিক্ষার কল্যাণে শত্রু জয় করা যায় এক্ষণ প্রব সত্য। ঐ কারণেই বোধ হয় নারী-বিষেধী মহাপয়গম্বর খ্রীশিষ্টাব্দে আপত্তি করেন। বেহেতু তাহা হইলে খ্রীলোকের হাতে অস্ত্র দেওয়া হয়। তুমিরাহি, করটিয়ার পুসিদ্ধ জমিদার সরহমা জমরদনোসা খানব সাহেবা নাকি বলিয়াছিলেন, “এখন সরদের হাতে কলব; একবার জানানার হাতে কলব দিয়া দেখ।” ইংরাজী প্রবচন বলে “pen is mightier than sword”.

—লেখিকা

হজরত আলী যিনি পয়গম্বর সাহেবের প্রিয় জামাতা ছিলেন, আর বাঁহার সঞ্চয়ে পয়গম্বর সাহেব বলিয়াছেন যে, “আলী ইসলামে বিদ্যা জ্ঞানের ষার স্বরূপ।” মুসলমানদের মধ্যে হজরত আলীই প্রথমে এলমে-এলাহী প্রচার আরম্ভ করেন। শিক্ষার প্রয়োজনীয়তা সঞ্চয়ে হজরত আলীর যে সকল বক্তৃতা আছে তাহা পাঠের উপযুক্ত। তিনি যুদ্ধ-বিগ্রহের সময়ও (যুদ্ধক্ষেত্রে) ধর্ম বক্তৃতা (খুতবা) পাঠ করিতেন।

বিদ্যার প্রশংসা বিষয়ে হজরত আলীর রচনাবলী হইতে কয়েকটি আনি এখানে উদ্ধৃত করিতেছি :

“অস্তর আলোকিত করিবার জন্য সুশিক্ষা উজ্জ্বল রত ; সত্য তাহার (বিদ্যার) লক্ষ্য ; ঈশ্বরতর (এলহাম) তাহার পথ-প্রদর্শক ; বুদ্ধি (সুবোধ ?) তাহাকে গ্রহণ করে ; মানবের ভাষায় বিদ্যার যথোচিত প্রশংসা হইতে পারে না ।”

ওদিকে মুসলমানেরা দেশ-সংক্রান্ত কর্তব্যসাধনে মগ্ন ছিলেন, এদিকে হজরত আলীর শিষ্যবর্গ শিক্ষা বিস্তার করিতে ব্যস্ত ছিলেন। তাঁহারা যেখানেই যাইতেন শিক্ষার মশাল সঞ্চে লইয়া যাইতেন, তাহার ফলে এই হইল যে, খ্রীষ্টীয় চতুর্দশ শতাব্দী পর্বন্ত ইসলামের শিশুদের হস্তে শিক্ষা ও বিজ্ঞানের প্রদীপ দেওয়া হইয়াছিল। যেখানে তাঁহারা দেশ জয় করিতেন, সেইখানেই পাঠশালা ও বিশ্ব-বিদ্যালয় স্থাপন করিতেন। ইহার প্রমাণ স্বরূপ কাহেরা, বাগদাদ, হিসপানিয়া এবং কার্ডাভার বিখ্যাত বিশ্ববিদ্যালয়সমূহ প্রদর্শন করিতেছি।*

ইংলণ্ডের লোকদিগকে মুসলমানেরাই তাহাদের বিস্মৃত বিদ্যার বর্ণমালার পুস্তকাবলী অধ্যয়ন করাইয়াছিলেন। তাঁহারা জ্যোতিষ শাস্ত্র অধ্যয়ন করিয়াছেন, ভারতবর্ষের অসংখ্য বৈজ্ঞানিক পুস্তকের অনুবাদ করাইয়াছেন ; রসায়ন এবং অক্ষশাস্ত্রের পুস্তকাবলী রচনা করিয়াছেন।

জনৈক পোপ (দ্বিতীয় মিসলউটিয়র) যিনি খ্রীষ্টীয় ধর্মের অতি উৎকৃষ্ট পণ্ডিত ও গুরু ছিলেন, তিনি মুসলমানদেরই কর্ডোভা মাদ্রাসায় অক্ষশাস্ত্র শিক্ষা করিয়াছিলেন। এই কারণে লোকে তাঁহাকে বিধর্মী বলিয়া জনসমাজে অপদস্থ করিয়াছিল এবং তাঁহাকে “শয়তানের বাচ্চা” বলিয়াছিল। ইহাতে স্পষ্টই জানা যায়, সে সময়

* আমাদের সদাশয় বৃটিশ প্রভুরা দাবী করেন যে, তাঁহারা অনুগ্রহপূর্বক ভারতবর্ষ জয় করিয়াছেন বলিয়াই আমরা (সর্বেরা) শিক্ষার আলোকপ্রাপ্ত হইয়াছি। আর আমরাও নত বক্তব্য স্বীকার করিয়া বলি যে,—‘ইয়ে হম আহলে মগরেবকে বরকৎ কদরকী’ (ইহা পশ্চিম দেশবাসীদিগের শ্রীচরণের প্রসাদ)। কিন্তু মিসেস বেগম ত বলেন যে, শিক্ষা-বিস্তার বিষয়ে মুসলমানেরাই ইউরোপের শিক্ষা-গুরু।

ইউরোপের খ্রীষ্টীয় বিভাগ কেমন বোর মূৰ্খতায় তমস্যাচ্ছন্ন ছিল, আর কেবল ইসলামের অনুভূতিগণই তাঁহাদিগকে (ইউরোপীয়দিগকে) জ্ঞানের আলোক-রশ্মি দেখাইতেছিলেন।

মুসলমানেরা শিল্প এবং আবিষ্কারেও পশ্চাৎপদ ছিলেন না। অনুবীক্ষণ যন্ত্র তাঁহারা নিৰ্মাণ করেন; পৃথিবীর দৈর্ঘ্য-প্রস্থের পরিমাণ তাঁহারা স্থির করেন। গ্রীকদের নিকট হইতে তাঁহারা অঙ্কবিদ্যা লাভ করেন; সঙ্গীত ও কৃষিবিদ্যাকে তাঁহারা উন্নতির চরম সীমায় উপনীত করিয়াছিলেন। তাঁহারা এই পর্যন্ত করিয়াই নিশ্চিত ছিলেন না, বরং ধর্মের দর্শন-তত্ত্বের অতি সুক্ষ্ম আলোচনা করিয়া “ফানাকিল্লাহ”র গুঢ় তত্ত্বে উপনীত হইয়াছেন। তাঁহারা প্রচার করিলেন যে, আল্লাহ অধিতীয় এবং সমুদয় মানবজাতি এক জাতীয় (মানবের মধ্যে জাতিভেদনাই)। আর এই বিধান তাঁহারা অতি মনোরম ভাষায় বুঝাইয়াছেন।

হে হিন্দু ভ্রাতৃগণ! আপনারা যদি ঐ শাস্ত্রবিধানসমূহের বিষয় চিন্তা করেন, তাহা আপনারা উহাকে শুক্ত (আসল) বেদান্ত স্বরূপ পাইবেন; মুসলমানদের মধ্যে পূর্ণ ছয় শত বৎসর পর্যন্ত শিক্ষা উন্নতির দিকে অগ্রসর হইয়াছিল। অদ্য যদি আমার মুসলমান ভ্রাতৃগণ নিজেদের ঐ সকল জগন্মান্য পূর্ব-পুরুষদের রচিত শিক্ষা-সংক্রান্ত পুস্তকাবলী আধুনিক প্রচলিত ভাষায় অনুবাদ করিয়া লয়েন এবং সর্বসাধারণে ঐ শিক্ষা প্রচার করেন, তবে আমার দৃঢ়বিশ্বাস তাঁহারা ইসলামী দর্শনকে সমস্ত জগতের শীর্ষস্থানে তুলিতে সক্ষম হইবেন। আর ইসলামের আবাল-বৃদ্ধবর্ণিতা (কচি কচি শিশুগণ)ও ইসলামী দর্শন কণ্ঠস্থ করিতে পারিবে (যেমন হিন্দুগণ এখন আপন বেদান্ত প্রচারে মনোযোগী হইয়াছেন)। আপনারা ভাবিয়া দেখিতে পারেন যে, তাঁহারা ইসলামের প্রকৃত গৌরব স্ফটিক জগৎকে দেখাইবার জন্য কিরূপে ধর্মের সেবা করিয়াছেন।

হজরত মোহাম্মদ, হযরত দ্বীয়া, রজদশ্বত, মুসা, মহাশি বুদ্ধদেব - সকলে একই অষ্টালিকায় আছেন। তাঁহারা এক জাতি হইতে অন্য জাতিকে ভিন্ন মনে করেন না। আর আমরা যে তাঁহাদের সামান্য শিষ্য, তাঁহাদের শিশু সন্তান—আমাদের উচিত যে, তাঁহাদের বিশ্বপ্রেমের সারতত্ত্ব লাভ করি। প্রেম দ্বারাই তাঁহারা আমাদের নিকটবর্তী হন। পয়গম্বর মোহাম্মদ সাহেব স্বেচ্ছায় খ্রীয শিষ্যের নিকটবর্তী হন না, যে পর্যন্ত শিষ্য মনের কঠোরতা দূর না করে এবং তাহার হৃদয়ে প্রেমের সঞ্চার না হয়।

হে আমার মুসলমান ভ্রাতৃগণ! পয়গম্বর সাহেব যেমন আপনাদের সেইরূপ আমাদেরও আপন। যত পয়গম্বর মানবজাতির কল্যাণের নিমিত্ত জন্মগ্রহণ করিয়াছেন, সকলের উপরই আমাদের দাবী (হক) আছে। আমরা

তঁাহাদিগকে ভালবাসি, তঁাহাদের সম্মান করি এবং তঁাহাদের সম্মুখে অতি নম্রভাবে ভক্তি-সহকারে মস্তক অবনত করি।

খোদার নিকট এই প্রার্থনা করি যে, তিনি সকলেরই আধা হ;—তিনি আমাদিগকে এইরূপ বুদ্ধিবীর শক্তি দান করুন যে তঁাহার নামের জন্য যেন আমরা পরস্পরে ঝগড়া না করি—আমাদের শিশু-স্তনভ দুর্বল অবশ্যে যে নামই উচ্চারিত হউক না কেন—কিন্তু তিনিই ত অধিতীয় এবং সকলেরই উদ্দেশ্য (উপাস্য) একমাত্র তিনিই।*

*এই সকল বিষয়ের সহিত আমাদের মতানৈক্য নাই। মিসেস এনি বোশান্ত মহোদয়া খিও-সোকীর একজন লক্ষপুত্রিত প্রচারক ও শিক্ষা-গুরু। তিনি নিজের শিক্ষা ও ধর্মের দিক দিয়া ইসলামের সমালোচনা করিয়াছেন, ইহাতে তঁাহার সব কথার সহিত আমাদের মতের মিল থাকিতে পারে না। ইসলামের পুঙ্খবহুত্ব স্বরূপ এখনও বহুস্থলে অপূর্ণাশিত রহিয়াছে। আমরা যদি যথা-যথা-ভাবে ঐ স্বরূপটি জগতের সম্মুখে উপস্থিত করিতে পারি, তাহা হইলে প্রত্যেক ন্যায়দর্শী ও সত্যানুসন্ধিৎসু হৃদয়ই তাহার নিকট আশ্রয়দান করিতে বাধ্য হইবে।

আমার প্রেরিত সমস্ত ধর্ম-প্রচারক যাহারা মানবজাতির কল্যাণের জন্য পৃথিবীতে আগমন করিয়াছেন, মুসলমান ধর্মেরই মান্য ও নবন্য। তাহাদিগের উপর বিশ্বাস না করিলে কেহ, মুসলমানই হইতে পারে না। আর আমাদের ধর্ম-শাস্ত্রে যে সকল পয়গম্বরের নামোল্লেখ হইয়াছে তাহা বাদে আরও অনেক পয়গম্বর আছেন, যঁাহাদের নাম হজরত মোহাম্মদ (সঃ)-কে জ্ঞাত করা হয় নাই। অধিকন্তু প্রত্যেক দেশ ও প্রত্যেক জাতির নিকট প্রেরিত পুঙ্খবহুত্ব আসিয়াছেন ও স্বর্গের বাণী শুনাইয়াছেন, এই সমস্ত কথার প্রত্যেকটিই কোরআন শরীফের স্পষ্ট আয়াৎ দ্বারা প্রতিপন্ন হইতেছে। সুতরাং এক্ষেত্রে আমরা মিসেস মহোদয়ার মন্তব্যের পূর্ণ সমর্থন করিতেছি।

(আল-এসলাম-সম্পাদক।)

সৌরজগৎ

প্রথম পরিচ্ছেদ

কারসিয়ঙ্গ পর্বতের একটি ষ্টিতল গৃহে অপরাহ্নে গওহর আলী স্ত্রী ও কন্যা-দলে পরিবেষ্টিত হইয়া অগ্নিকুণ্ডের নিকট বসিয়াছেন। তাঁহার নয়টি কন্যা যে যে ভাবে তাঁহাকে পরিবেষ্টন করিয়া বসিয়াছে, তাহা দেখিয়া স্বতঃই এ পরিবারটিকে সুখী ও সৌভাগ্যশালী বলিয়া মনে হয়। সর্বকনিষ্ঠা দুহিতা মাসুমা তাহার সর্বজ্যেষ্ঠা সহোদরা কওসরের ক্রোড়ে এবং অবশিষ্ট শিশুগুলি পিতামাতার দুই পাশে ছোট ছোট পাদপীঠে বসিয়াছে।

এইরূপে ভাগ্যবান গওহর আলী তারকাবোষ্টিত স্খাংস্তুর ন্যায় শোভা পাইতেছেন।

কওসর পিতামহের অতি আদরের পৌত্রী। তিনি সাধ করিয়া ইহার নাম “কওসর” রাখিয়াছেন। কওসর শব্দের অর্থ স্বর্গীয় জলাশয়, যেমন মঙ্গাফিরা।*

যে কক্ষে তাঁহারা উপবেশন করিয়াছেন, সেটি কতক মুসলমানী ও কতক ইংরাজী ধরনে সজ্জিত ; নবাবী ও বিলাতী ধরনের সংমিশ্রণে ঘরখানি মানাইয়াছে বেশ। স্ত্রীপদীর (টিপায়ের) উপর একটি টেবুতে কিছু জলখাবার এবং চা-দুগ্ধ ইত্যাদি যেন কাহার অপেক্ষার রাখা হইয়াছে।

গওহর আলীর হস্তে একখানি পুস্তক ; তিনি তাহা পাঠ করিয়া সকলকে বুঝাইয়া দিতেছেন। তাঁহাদের আলোচ্য-বিষয় ছিল বায়ু। বায়ুর শৈত্য, উষ্ণতা, লঘুত্ব, গুরুত্ব, বায়ুতে কয় প্রকার গ্যাস আছে ; কিরূপে বায়ুক্রমানুয়ে বাষ্প, মেঘ, সলিল এবং শীতল তুষারে পরিণত হয় ইত্যাদি ইত্যাদি। শ্রোতৃবর্গ বেশ মনোযোগ সহকারে শ্রবণ করিতেছে ; কেবল সপ্তমা দুহিতা সুরেয়া নানাপ্রকার প্রশ্ন দ্বারা পিতার ধৈর্যগুণ পরীক্ষা করিতেছে। কখনও ছবি দেখিবার জন্য পিতার হস্ত-হইতে পুস্তক কাড়িয়া লইতেছে। পিতা কিন্তু ইহাতে বিরক্ত না হইয়া বরং আনন্দ বোধ করিয়া হাসিতেছেন।

গৃহিনী নুরজাহাঁ একবার ঐ টেবুর দিকে দৃষ্টিপাত করিয়া বলিলেন, “ভাই এখনও আসিলেন না ; চা ত ঠাণ্ডা হইতে চলিল।”

*মালিকানের নাম ও বয়স জানিয়া রাখিলে পাঠিকার বেশ সুবিধা হইবে। কওসরের ১৮, আশুভরের ১৬, বদরের ১৪, রাবেরার ১২, মুণ্ডরীর ১০, জোহরার ৮, সুরেয়ার ৬, নরিনার ৪ এবং মাসুমার বয়স ২ বৎসর।

গওহর। তোমার ভাই হয় ত পথে লেপ্‌চাদরের সঙ্গে খেলা করিতেছেন।
বালিকা রাবেয়া বলিল, “আমরা তাঁহাকে দ্বিতীয় বেঞ্চের নিকট অতিক্রম
করিয়া আসিয়াছি। এইটুকু পথ তিনি এখনও আসিতে পারিলেন না?”

সুরেয়া। বাব্বা! বেন্ কি অল্প পথ? আমি ত হাঁটিতে না পারিয়া
আয়ার কোলে চড়িয়া আসিলাম।

রাবেয়া। ঈশ্! আমি একদোড়ে দ্বিতীয় বেঞ্চ হইতে এখানে আসিতে
পারি।

গওহরও কন্যাদের কথোপকথনে যোগ দিয়া বলিলেন, “আগে এক দোড়ে
আসিতে পারিয়া দেখাও, পরে বড়াই করিও। কোন কাজ করিতে পারার
পূর্বে ‘পারি’ বলা উচিত নহে।”

কওসর। এখান হইতে দ্বিতীয় বেঞ্চ প্রায় দুই মাইল হইবে, না আব্বা? গও।
কিছু বেশী হইবে। যাহা হউক, রাবু যখন বলিয়াছে, তখন তাহাকে
অন্ততঃ একবার একদোড়ে সে পর্যন্ত যাইতেই হইবে।

আখ্‌তর। রাবু একদোড়ে যাইবে, না পথে বিশ্রাম করিবে, তাহা জানিবার
উপায় কি?

গও। (বিস্ফারিত নেত্রে) জানিবার উপায়? রাবু যতদূর পর্যন্ত গিয়া
ক্রান্তি বোধ করিবে, তথা হইতে ফিরিয়া আসিয়া পরাজয় স্বীকার করিবে।
সে নিজেই বলিবে, সে কতদূর গিয়াছিল। আমার কন্যা কি মিথ্যা বলিবে?

রাবু। (সোৎসাহে) না আব্বা! আমি মিথ্যা বলি না—বলিবও না।

আখ্‌। আমি বেশ জানি, তুমি মিথ্যা বল না; তবে যদি মিথ্যা বাহাদুরির
লোভে একটী ছোট মিথ্যা বলিয়া ফেলিতে!

রাবু। (সগর্বে) মিথ্যা বলার পূর্বে মরিয়া যাওয়া ভাল!

গও। ঠিক! তোমরা কেহ একটী মিথ্যা বলিলে আমার মর্মে বড়ই ব্যথা
লাগিবে। আশা করি, তোমরা কেহ আমাকে কখন এরূপ কষ্ট দিবে না।

কতিপয় বালিকা সম্মুখে বলিয়া উঠিল :—“আমরা মিথ্যা না,”—“আমরা
কষ্ট না”; অথবা কি বলিল ঠিক শুনা গেল না।

এমন সময় সিঁড়িতে কাহার পদশব্দ শুনা গেল। কওসর ও মাহুয়া ব্যতীত
অপর বালিকা কয়টি “মাম্মা আসিলেন” বলিয়া পলায়ন তৎপরা হইল। গওহর
নয়ন্যাকে ধরিয়া বলিলেন, “সেজন্য পলাইস কেন মা?”

নয়িনা। ও বাব্বা! আমি না—মাম্মা! (অর্থাৎ আমি থাকিব না—
মাম্মা বকিবেন)।

ইতঃমধ্যে জাফর আলী গৃহে প্রবেশ করিলেন। পলায়মানা বালিকাদের দেখিয়া তিনি গওহরকে সহাস্যে বলিলেন, ‘Solar system (সৌরজগৎ)টা ভাঙ্গিয়া গেল কেন?’*

গও। তুমি ‘ধুমকেতু’ আসিলে যে!

নূরজাহাঁ ভাতার নিমিত্ত চা প্ৰস্তুত করিতে অগ্রসর হইয়া গওহরকে বলিলেন, “তুমি একটু সর, ভাইকে অগ্নিকুণ্ডের নিকট বসিতে দাও।”

জাফর। না আমি অগ্নিকুণ্ডের নিকট বসিব না। যে ক্রান্ত হইয়াছি, আমার সর্বাঙ্গ ঘর্মসিক্ত হইয়াছে। আমি এইখানেই বসি।

কওসর জলখাবারের ট্রেটা আনিয়া জাফরের সম্মুখে রাখিল, এবং তাঁহার ললাটে ঘর্মবিন্দু দেখিয়া স্বীয় বসনারূলে মুছিয়া দিল।

জাফর এক পেয়াল চা শেষ করিয়া ভগিনীর হস্তে পেয়াল দিয়া বলিলেন, “নুরু! আর এক পেয়াল চা দে!”

গও। তোমার ভুল হইল। পেয়ালটি লইবার জন্য তাঁহাকে এতদূর আসিতে হইল, ইহা অন্যায়! তুমি উঠিয়া গিয়া তাঁহাকে পেয়াল দিতে পারিতে।

নূরজাহাঁ অথোমুখে মৃদুহাস্য করিলেন। কওসরের খুব জোরে হাসি পাইল বলিয়া সে প্ৰস্থান করিল, এবং মাতার সাহায্যের নিমিত্ত বদরকে তথায় পাঠাইয়া দিল।

জাফ। দেখ ভাই! তোমার সাহেবীটা আমার সহ্য হয় না। তুমিই কি একমাত্র বিলাত ফেরতা?

গও। না, তুমিও বিলাত ফেরতা! তোমার গালি শুনিয়া আমোদ হয়, সেইজন্য সাহেবীভূতের দোহাই দিই! সে বাহা হউক, তোমার আসিতে এত বিলম্ব হইল কেন? পথে পাহাড়ীদের সহিত গল্প করিতেছিলে না কি?

জাফ। ভুট্টিয়াদের সহিত গল্প করিব কি, উহাদের ভাষাই বুঝি না; যে ছাই “কানছু যানছু” বলে।

বদর তাহার পাহাড়ী ভাষার অভিজ্ঞতা প্রকাশের জন্য বলিল, “যানছু মানে যাওয়া।” নূরজাহাঁ তাহাকে বলিলেন, “ইহাদের গল্পে যোগ দিয়া তোমার কাজ নাই মা! যাও তুমি কওসরের নিকট।”

গও। তবে কেন বিলম্ব হইল?

* পুরুষদের কথোপকথনে দুই-একটি ইংরাজি শব্দের ব্যবহার পাঠিকারা ক্ষমা করিবেন। শ্রীকৃষ্ণের ভিতর শব্দগুলির অনুবাদ দেওয়া গেল।

জাক। প্রথম বেঞ্চে বলিয়া বিশ্রাম করিতেছিলাম। তথা হইতে সমস্ত কারসিয়ঙ্গ শহরটা ত বেশ দেখা যায়। বাজার স্টেশন, কিছুই বাদ পড়ে না।

নুরজাহাঁ। হ্যাঁ, ঐখানে বলিলে ধরা খানা সরা তুল্য বোধ হয়!

গও। আর বেদিন ইঁহারা পদব্রজে 'চিমনী সাইড' * পর্যন্ত আরোহণ ও তথা হইতে অবতরণ করিয়াছিলেন, সেদিন ইঁহাদের যে আনন্দ হইয়াছিল!—
সম্ভবতঃ পোর্ট আর্চার এবং বালটিক ফুট জয় করিয়াও জাপানীদের তত উন্নাস হয় নাই!!

নুর। জাপানীরা তত উন্নতি হইবে কি রূপে? তাহাদের কার্য এখনও যে শেষ হয় নাই। আর আমরা ত পদব্রজে ১২ মাইল ভ্রমণের পর গম্ভব্য স্থানে পৌঁছিয়াছিলাম।

জাক। এখন বাকী আছে শ্রীমতীদের বেলুন আরোহণ করা।

গও। সময়ে তাহাও বাকী থাকিবে না!

জাক। তুমি সপরিবারে ইংলও যাইবে কবে?

গও। যখন সুবিধা হইবে।

জাক। হুঁ—কন্যাগুলি অক্সফোর্ড বিদ্যালয়ে শিক্ষাপ্রাপ্ত হইরা এক একটি উজ্জ্বল নক্ষত্র হইবে! সাধে কি তোমাদের সৌরভগৎ বলি? তোমার দুহিতা কয়টি গ্রহ, আর তুমি সূর্য! উহাদের নামও ত এক একটি তারকার নাম—মুশুতরী, জোহরা, সুরেয়া!* তবে কেবল মঙ্গল, বুধ, শনি এ নামগুলি বাদ দেওয়া হইয়াছে কেন?

নুর। ভাই! তোমার নিজেরা ঝগড়া করিতে বসিয়া মেয়েদের নাম লইয়া বিদ্রূপ কর কেন? আর এ নাম ত আমরা রাখি নাই, স্বয়ং কর্তা রাখিয়াছেন। তাঁহার পৌত্রীদের নাম, তিনি যেরূপ ইচ্ছা রাখিবেন, তাহাতে আমাদের কিছু বলিবার অধিকার কি?

জাকরকে আরও অধিক ক্ষেপাইবার জন্য গওহর বলিলেন, “কেবল ইংলও কেন, আমেরিকা যাইবারও ইচ্ছা আছে,—কওসর 'নায়েগারা ফলস্' দেখিতে চাহে।”

জাক। তোমার এ সাধ অপূর্ণ থাকিবে। কওসরকে আর 'নায়েগারা' প্রপাত দেখাইতে হইবে না।

* চিম্নী সাইড, স্থান বিশেষ; তথায় চায়ের কাণ্ডাণায় এক পুরাকও চিম্নী নির্মিত হইয়াছিল। সাধারণের বিশ্বাস সেই চিম্নীর নিকটবর্তী স্থানই কারসিয়ঙ্গের সর্বোচ্চ স্থান।

* অর্থাৎ বৃহস্পতি, শুক্র ও কৃষ্ণিকা নক্ষত্র।

গও। কেন?

জাফ। আগামী বৎসর সে তোমার ক্ষমতার বাহির হইবে।

গও। আমার হাতের বাহির হইলেই বা কি, জামাতাসহ যাইব।

জাফ। জামাতা তোমারই মত কাণ্ডজ্ঞান হীন মূর্খ হইলে ত?

গও। তুমি তাঁহাকে অধিক জান, না আমি?

জাফ। আমি সিদ্ধিককে যতদূর জানি, তাহাতে আশা রাখি তিনি তোমার মত forward (অগ্রগামী) নহেন।

গও। আমিও আশা রাখি তিনি তোমার মত backward (পশ্চাদগামী) নহেন। তিনি নিশ্চয়ই কওসরকে নায়েগারা প্রপাত দেখাইবেন।

দ্বিতীয় পরিচ্ছেদ

‘মান্না আব্বার সহিত তর্জন-গর্জন করিতেছেন, চল আমরা শুনি গিয়া,’ এই বলিয়া বদর আখতরকে টানিতে লাগিল।

আখতর। আমরা সেখানে গেলে মান্না গর্জন ছাড়িয়া গোলাবর্ষণ আরম্ভ করিবেন!

বদর। আমরা তাঁহার সম্মুখে যাইব না—পার্শ্বের ঘরে লুকাইয়া শুনিব।
কওসর। ছি বদু! লুকাইয়া কিছু শুনা উচিত নহে; সাবধান!

বদর। (ব্যগ্রভাবে) তবে আমি যে দুই একটা কথা শুনিয়া ফেলিয়াছি, তাহার উপায় কি?

কও। বাহা হইবার হইয়াছে। আর কখন একরূপ দোষ করিও না।

আখ্। মান্নমা ত ঘুমাইয়াছে; যাও নরিমু! তুমিও ঘুমাও গিয়া।

নরিম। না, আমি বুঝনা।—*

আখ্। তবে আমি আর তোমায় কোলে রাখিব না।

কও। চল এখন আমরা পড়াশুনা করি গিয়া। যাওত বোন মুশ্তরী, তুমি দেখিয়া আইস, আমাদের পড়িবার ঘরে অগ্নিকুণ্ডে কয়লা, আগুন—সব ঠিক আছে কি না।

* তিন চারি বৎসরের শিশুরা প্রায় ক-বর্গ হলে ড-বর্গ উচ্চারণ করে। গল্পের স্বাভাবিক ভাষ রক্ষার্থে আমরাও নরিমার ভাষায় ড-বর্গ ব্যবহার করিলাম।

জোহরা। আমরা ডাউহিল স্কুলে পড়িতে গেলে খুব ছুটি পাইব, না।

আধ্। আরে! আগে যা ত ডাউহিল স্কুলে, তারপর ছুটি নইস।

বদর। আগে পাগলা ঝোরার * জলে ভাল করিয়া মুখখানা ধো!

রাবু। কেন আপা! আমাদের স্কুলে যাওয়া হইবে না কেন? তোমরাই তিনজনে যাইবে না—তোমরা বড় হইয়াছ। আমরা কেন যাইব না?

কও। ওরে, মাশ্রা যাইতে দিলে হয়!

রাবু। মাশ্রাটা ভালো লোক নহেন,—তাঁহার চক্ষু দেখিলে আমার যে ভয় হয়! এখন তিনি আসিয়াছেন, কেবল আমাদের স্কুলে যাওয়ায় বাধা দিতে!

সুরেয়া। আমি ত স্কুলে যাইবই—

জোহ্। হাঁ, তুই একাই যাইবি—তুই বড় সোহাগের মেয়ে কি না!

বদ। রাবু। তোরা পাগলা ঝোরার সুশীতল নির্মল জলে বেশ ভালো করিয়া মুখ ধুইস! আমরা তিনজন টেকনিকাল স্কুলে ভর্তি হইব।

রাবু। তোমাদের মাশ্রা বাধা দিবেন না?

কও। বাধা দিয়াছিলেন; এখন রাজী হইয়াছেন।

জোহ্। আপা! সেখানে কেবল ‘নান’ আছে, নানা, নাই?

বদ। না, সে স্কুলে ‘নানা’ নাই—কেবল একদল ‘নানী’ আছেন।

এখানে ‘নানা’ অর্থে নান্ শব্দের পুংলিঙ্গ বুঝিতে হইবে। দুষ্ট বালিকারা সেণ্ট হেলেন্’স টেকনিকাল স্কুলের নান্দিগকে “নানী” বলে। তা তাহাদের সাত খুন মাফ! এই স্কুলে বালিকাদিগকে রন্ধন, সুচিকর্ম ও নানা-প্রকার বুনন গাঁথন (যাৰতীর ক্যান্‌সী ওয়ার্ক) শিক্ষা দেওয়া হয়।

জোহরা সাধরে আশ্বতরের হাত ধরিয়া বলিল, “আপা! তুমি আমার পুতুলেরজন্য খুব সুন্দর শাল তৈয়ার করিয়া দিও?”

সুরেয়া কওসরের কণ্ঠ বেটন করিয়া বলিল, “আর তুমি অনেক মিঠাই তৈয়ার করিও।”

রাবু। হাঁ, তাহা হইলে তুমি খুব মিঠাই খাও! (সকলের হাস্য)।

মুশ্তরী আসিয়া জানাইল পাঠগৃহে সব প্রস্তুত। অতঃপর সকলে সেই কক্ষে গেল।

কওসর শিক্ষয়িত্রীর আসন গ্রহণ করিয়া গম্ভীর ভাবে সকলকে সম্বোধন করতঃ বলিল, “আব্বা যে সন্ধ্যার সময় আমরাদিগকে বায়ুর বিষয় বলিলেন, তাহার

* পাগলা ঝোরা কারসিরজের বহুস্তব স্বরূপ।

কোন কথা তোমরা কে বুঝিতে পারি নাই? যে না বুঝিয়া থাক, আমাকে জিজ্ঞাসা কর, আমি বুঝাইয়া বলি।”

মুশ্। আত্বা হওয়ার কথা বলিয়াছেন। ইল্লেখনুর বিষয় ত কিছু বলেন নাই। আমি কালি তাঁহাকে ইল্লেখনুর কথা জিজ্ঞাসা করিব।

জোহ্। আমি আত্বাকে বলিব, আমার একটা ইল্লেখনু আনিয়া দিতে।

সুরে। আমিও ইল্লেখনু লইব।

বনোজ্জোষ্ঠারা হাসিল। মুশ্‌তরী বলিল, “ওরে, ইল্লেখনু কি ধরা যায়?”

রাবু। ইল্লেখনু ধরা যায় না সত্য—কিন্তু যে উপায়ে বাবু ধরিয়া কাচের নলে বন্ধ করা যায়, পরীক্ষা করা যায়, সেইরূপে ইল্লেখনুকে ধরাও অসম্ভব নহে।

কও। এ অকটিয়া বুদ্ধি! (সকলের হাস্য)।

রাবু। কেন, মল্লটা কি বলিলাম?

আব্। না রাবু! কিছু মল্ল বল নাই। টেলিফোন, গ্রামোফোন—ফনোগ্রাফ ইত্যাদিতে মানুষের কণ্ঠস্বর ধরা গিয়াছে ও ধরা যায়, তবে ইল্লেখনু ধরা আর শক্তটা কি?

আবার হাসির গর্জরা উঠিল।

কও। চুপ! চুপ! মাম্মা শুনিলে বলিবেন, “এইরূপে বুদ্ধি পড়া হইতেছে?”

মুশ্। (কষ্টে হাস্য সম্বরণ) আত্বা ত আমরা হাসিলে কিছু বলেন না?

রাবু। না, বরং তিনিও হাসেন।

বদ। তোরা আর এক কথা শুনিয়াছিস? জাহেদ ভাই ও ছরন বুবুকে মাম্মা পুহার করিয়া থাকেন।

জোহ্। সত্য নাকি? বাবা! তবে আর আমি মাম্মার বাড়ী যাইব না। স্বধন নিজেই ছেলে মেয়েকে মারেন, তখন আমাদের ত আরও মারিবেন।

সুরে। আত্বা ত আমাদের কখনও মারেন না।

রাবু। আমাদের আত্বা ভালো, মাও ভালো, কেবল মাম্মাটি ভাল নহেন।

বদ। দাঁড়া! আমি মাম্মাকে বলিয়া দিব।

আব্। রাবু তাঁহার মুখের উপর বলিতে ভয় করে কবে?

কওসর। বাস্! এখন চুপ কর।

বদ। বায়ুর বিষয় ভালরূপ বুঝিলাম কি না, সে সম্বন্ধে প্রশ্ন কর না, বড় আপা?

কও। আমি কাল দিনের বেলায় বেঘমালা দেখিয়া ও দেখাইয়া প্রশ্ন করিব।

তোমরা এখন আমাকে প্রশ্ন করিয়া ভালো করিয়া বুঝিয়া লও।

রাবু। আমি কাল পোটাশিয়াম জলে ফেলিয়া তামাসা দেখিব।

মুশ্। পোটাশিয়াম জলে ফেলিলে কি তামাসা হইবে?

বদ। কেন তোমার মনে নাই?—উহা জলে ফেলিবামাত্র আগুন জলিয়া উঠিবে!

মুশ্। হাঁ, মনে পড়িল। আমি খেলা করিব, সোডিয়াম ও গরমজল লইয়া।

নয়িমা। (নিজ্রাবেশে চক্ষু কচলাইতে কচলাইতে) আল আমি? আমি তি খেলিব?

আখ্। (সহাস্যে) তোমার এখন 'খেলিয়া' কান্ন নাই! চল, তোমায় শস্যায় রাখিয়া আসি।

রাবু। মুশ্‌তরী! তোমার আগুন অপেক্ষা আমার আগুনের রঙ বেশী সুন্দর হইবে!

মুশ্। কেন? সোডিয়াম গরম জলে ফেলিলে বেশী সুন্দর হনদে রঙের আগুন বাহির হইবে।

কও। তোমরা ঝগড়া ছাড়া আর কিছু জান না? রাবুই বড় দুট—ওই ঝগড়া আরম্ভ করে।

রাবু। ক্ষমা কর, বড় আপা! এখন কাজের কথা বলি। আমরা যে কাঞ্চনজঙ্ঘার চূড়ার তুষার দেখি, উহাও কি পূর্ব অবস্থায় বায়ু ছিল?

কও। হাঁ; এবং এখন আবার উপযুক্ত উত্তাপে বাষ্পীভূত হইতে পারে।

রাবু। তবে সুর্যোত্তাপে গলিয়া যায় না কেন?

কও। গলে বই কি? ঐ বরফ অল্প উত্তাপে স্থানব্রষ্ট হইয়া নদীর মত বহিয়া যায়; তাহাকে ইংরাজীতে "গ্লেসিয়ার" বলে। আব্বা উহার নাম দিরাছেন "নীহারনদী"।

রাবু। বাঃ! বরফের নদীতে বড় সুন্দর দেখাইবে! চল আমরা একদিন কাঞ্চনজঙ্ঘার নিকট নীহারনদী দেখিয়া আসি।

বদ। বটে? কাঞ্চনজঙ্ঘা বুঝি খুব নিকট?

রাবু। নিকট না হউক, আমরা কি পথ চলিতে ভয় করি? একদিন চিম্‌নী সাইডে উঠিয়াছিলাম—তাহা কি অল্প পথ ছিল? পাঁচ ছয় মাইল আরোহণ ও অবতরণ কি সামান্য ব্যাপার? আবার সেদিন ডাউহিল ও ঈগেলস্‌ ক্রেগের সঙ্ঘিশ্লে নামিয়াছিলাম।

বদ। ডাউহিলের সন্ধিস্থলে অবতরণ করিয়া কেমন ক্লান্ত হইয়াছিলে, মনে নাই ?

কও। রাবু ত বলিয়াছিল, আমি আর হাটিতে পারি না ; আমাকে ফেলিয়া যাও ! আমার ভল্লুকে খায় খাইবে।

রাবু। ডাঙিটা * সময়ে না পাওয়া গেলে আসিতেই পারিতাম না।

কও। আব্বাই ডাঙির বন্দোবস্ত করিয়া গিয়াছিলেন। তিনি জানিতেন, অর্ধপথে বদু ও রাবুর বীরত্ব প্রকাশ পাইবে।

বদ। আমি ত ভাই রাবুর মত অহঙ্কার করি না যে কাকুনজুঙা পর্যন্ত পদপ্রক্ষেপে বাইতে পারিব, একদোড়ে দ্বিতীয় বেকু অভিক্রম করিব। হাঁ, ভাল কথা ! আমি যে সেই টেগেল্‌স ক্রেগের সন্ধিস্থলের বিজ্ঞ অরণ্য হইতে ফুল আনিয়াছিলাম, তাহা কোথায় রাখিয়াছি ? মনে ত পড়ে ন।

কও। ফুলগুলি বনে ফিরিয়া গিয়া থাকিবে।

বদ। তবে তুমি তুলিয়া রাখিয়াছ। আর ভাবনা নাই।

কও। তোমার ফুল কিরূপ ছিল ? আমার সংগৃহীত কুম্মরাজি হইতে তাহা বাছিয়া লইতে পার ?

বদ। বেশ পারি,—সে ফুল বকুল কুলের মত ; গন্ধ ও আকৃতি বকুলের, কেবল বর্ণপীত।

রাবু। আর কাকুনজুঙার উপর ক্রেপের ওড়নার মত পাতলা মেঘের গাট-গোলাপী বেগুনী চানর দেখিতে পাই, তাহা কোথা হইতে আইসে ?

কও। সূর্যের উদ্ভাপে ঐ জমাট তুষার হইতে যে বাষ্প উৎপন্ন হয়, তাহাই মেঘের ওড়না রূপে কাকনের চূড়া বেটন করিয়া থাকে।

আব্ব। আমি ভাবিয়াছিলাম, কাকনের ওড়নাগুলি বানারস হইতে আইসে। সুরেয়া ধীরে ধীরে কওসরের নিকট আসিয়া বলিল, “বড় আপা ! আমাকে ইন্দ্রধনু দিবে না ?”

কও। (সুরেয়ার মুখ চুম্বন করিয়া) আমি কাল তোমায় ইন্দ্রধনু দিব।

বদ। সে কি ! তুমি ইন্দ্রধনু ধরিতে কেমন করিয়া ?

কও। ঝাড়ের কনমে (ত্রিকোণ কাঁচ-খণ্ডে) ইন্দ্রধনু দেখা যায় তা জানিল না ?

বদ। তবে ত ইন্দ্রধনু ধরিয়া দেওয়া বড় সহজ ! হা হা !

জাতি, বাহন বিশেষ ; ইহা শিবিকার নগর মানুষের স্বভেদে বাহিত হয়।

আখ্। বড় আপা যে “কল্পতরু” ! তিনি দিতে না পারেন কি ?
কও। “কল্পতরু” নহে,—“কল্পলতা” বলিতে পার।

তৃতীয় পরিচ্ছেদ

অপরাহ্নে নুরজাহাঁ চায়ের সরঞ্জাম সাজাইয়া জাকর ও গওহরের জন্য অপেক্ষা করিতেছেন।

মাতার অঞ্চল ধরিয়া মুশ্তরী বলিল, “কেন না, আজি এখন কেন আমরা বেড়াইতে বাহির হইব না ?”

নুরজাহাঁ। সকালে তোদের মাম্মা ভিক্টোরীয়া স্কুল দেখিতে গিয়াছিলেন, এখন তিনি বিশ্বাস করিবেন। তাঁহাকে একা রাখিয়া আমরা কিরূপে যাইব ? জোহরা। কেন ? মাম্মা একা থাকিতে ভয় করিবেন না কি ? তুমি না যাও, আমরা আবার সঙ্গে যাইব।

কর্তা সে কক্ষে প্রবেশ করিবা মাত্র মুশ্তরী ও জোহরা তাহাদের দরখাস্ত পেশ করিল। গওহর বলিলেন, “বেশ চল—অধিক দূর যাইব না, কেবল ঈগেলস্ ক্রেগে গিয়া ফিরিয়া আসি।”

জোহ্। না, আব্বা ! ঈগেলস্ ক্রেগ্ না ! সে দিকে বড় জেঁক।

মুশ্। না, ও জেঁকের ক্ষেত্রে গিয়া কাজ নাই।

গও। ছি ! তোরা জেঁক দেখিয়া ভয় করিস ? (জাকরের পদশব্দ শুনিয়া) আচ্ছা চুপ কর ! তোদের মাম্মাকেও লইয়া যাইব। তাঁহাকে অগ্রে যাইতে বলিয়া আমরা পশ্চাতে থাকিব।

জোহ্। (আনন্দে করতালি দিয়া) সে বেশ হইবে ! পথে জেঁক থাকিলে পূর্বে তাঁহাকে ধরিবে।

মুশ্। চুপ চুপ ! মাম্মা !—

ইতঃমধ্যে জাকর আসিয়া চায়ের টেবলে যোগদান করিলেন।

গও। ভাই ! আজ আর একটু বেড়াইবে না ?

জাক। না ; আমার পা বড় ব্যথা করিতেছে।

গও। তবু আজ একটু না হাঁটিলে কাল তুমি একেবারে খোঁড়া হইয়া যাইবে। বেশী নহে—চল এই ঈগেলস্ ক্রেগ পর্যন্ত।

জাক। আমি যে বুট পরিতে পারিব না।

গও। বুট পরিবার দরকার কি, শ্লিপার লইয়াই চল না? সে ত প্রস্তুত সজ্জুল পথ নহে; ঘাসের উপর চলিবে।

রাবু। (জনান্তিকে) শ্লিপার পরিয়া গেলে জ্যোক ধরিবার পক্ষে সুবিধা হইবে। (বালিকাদের হাস্য)

জাক। (বালিকাদের প্রতি) ছি! হাসিস কেন? তোরা বড় বে-আদব; কেন নুরু, তুই কি একটা ধমক দিতেও পারিস না?

নুরু। দোষ বুঝাইয়া না দিলে ওরা ধমক মানে না।

গও। বিনা দোষে বিনা কারণে ধমক মানিবেই বা কেন? হাসিলে দোষ কি?

জাক। বাস! গওহর তুমিই মেয়েদের মাথায় তুলিয়াছ।

গও। আচ্ছা, এখন তোমার যাওয়া ঠিক হইল ত?

জাক। না—পথ কি বড় চানু? উপরে উঠিতে হইবে, না নীচে যাইতে হইবে?

গও। পথত একটু দানু হইবেই—এখানে সমতল স্থান কোথা পাইবে?

জাক। তবে আমি বাইব না—এ প্রকাণ্ড শরীর লইয়া গড়াইতে চাই না।

গও। ছি! তুমি পাখুরে পথকে ভয় কর, মানুষখে গড়াইতে চাও না, —ইহা তোমার womanishness (স্বীভাব)!

নুরু। “womanish” শব্দে আমি আপত্তি করি! ‘ভীকৃত্য’ ‘কাপুরুষতা’ বল না কেন?

জাক। পিপীলিকার পক্ষ হইলে শুনো উভে। স্বীলোকো শিক্ষা পাইলে পুরুষদের কথার প্রতিবাদ করে,—সমানোচ্চনা করে। তুমি কি গওহরকে ভাষা শিক্ষা দিবে?

গও। স্বীলোকেরা আমাদের অনুপযুক্ত কথার প্রতিবাদ করেন, আমাদের গল্পে অংশ গ্রহণ করেন, ইহা ত অতি সুখের বিষয়।

জাক। তুমি এমন মূর্খ!—তোমারই পক্ষপাতিত্ব করিয়া নুরুকে ধমক দিলাম, আর তুমি উল্টা আমারই কথার প্রতিবাদ কর?

গও। প্রবলের পক্ষ সমর্থনের আবশ্যিকতা নাই। তুমি তোমার ভগিনীর পক্ষপাতিত্ব করিবে, ইহাই স্বাভাবিক এবং সমুচিত।

নুরু। তাই আমার মত বা পক্ষ সমর্থন করিবেন কেন? আমি বেচারী তাঁহার কি কাজে লাগি?—আমি কি তাঁহাকে নোকদমায় সৎ পরামর্শ দিতে

পারি? কি তাঁহার জমীদারী দাফার সময় পাঁচ সাত জন লাঠিয়াল পাঠাইয়া সাহায্য করিতে পারি?

গওহর হাসিলেন। জাফর অন্য কথা তুলিলেন:—

“সত্যই নুরু এবার আমার সঙ্গে যাইবে না? আমি ভানিয়াছিলাম, আগামী বৎসর যাইতে পারিবে না, তখন কওসকর বিবাহের ধুমধামে বাস্তব থাকিবে। এবার যাইবে না কেন? তুমি গুরুজী এই শিক্ষা দিয়াছ না কি?”

আবার প্রবলবেগে হাসি পাওয়ায় বালিকাদল পলায়ন করিল।

গও। দোহাই তোমার! আমি কিছু শিক্ষা দিই নাই। উনি ত প্রতি বৎসর তীর্থযাত্রার ন্যায় তোমার সহিত পিতালয়ে যাইতেন। এবার কেন যাইতে অনিচ্ছুক, উহাকেই জিজ্ঞাসা কর।

জাফ। বল নুরু! কেন যাইবে না?

নুর। আমি রাগুদের ডাউহিল স্কুলে ভর্তি করিবার চেষ্টায় আছি।

স্কুল শব্দ শুনিবামাত্র জাফর বিস্ময়ে চমকাইয়া উঠিলেন,—‘কি বলিলে? স্কুলে মেয়ে ভর্তি করিবে? এখনও ভারত হইতে মুসলমানের নাম বিলুপ্ত হয় নাই—এখনও মুসলমান সমাজ বংশ হয় নাই! এখনই নেয়েরা স্কুলে পড়িবে? প্রথম অভিযান আমরাই ভাগিনেয়ীদের উপর? প্রথম অধঃপতন আমাদেরই?’

গও। তুমি ভালরূপে কথাটা না শুনিয়াই বিলাপ আরম্ভ করিলে? ডাউহিল স্কুলে কেবল বালিকার শিক্ষাপ্রাপ্ত হয়। সেখানে সাত আট জন শিক্ষয়িত্রী নিযুক্ত আছেন। তথায় পুরুষের প্রবেশ নিষেধ। তাদৃশ্য বিদ্যালয়ে কন্যা পাঠাইলে দোষ কি?

নুর। সে স্কুলে পুরুষ মোটেই নাই। মেথরাণী ও আয়াই স্কুল-গৃহের যাবতীয় কার্য করে। কেবল বাবাচাঁ ও খানসামা পুরুষ। পাচকের সঙ্গে স্কুল গৃহের কোন সঙ্গ নাই। কেবল রন্ধনশালা হইতে খানা বাহিয়া আনে দুই তিনজন চাকর। প্রধানা শিক্ষয়িত্রীর সহিত আমি কথা ঠিক করিয়াছি যে ঐ খাদ্যদ্রব্য বাহিবার জন্য যদি আমি উপযুক্ত চাকরাণী দিতে পারি, তবে তিনি তাহাদিগকেই নিযুক্ত করিয়া পুরুষ কয়টিকে বরখাস্ত করিবেন। উক্ত শিক্ষয়িত্রীটি অতিশয় ভদ্রলোক—তিনি আমাদের পদার সম্মান করিয়া থাকেন। সমস্ত স্কুলটি বুরিয়া ফিরিয়া দেখিলাম,—কোথাও একটিও চাকর ছিল না।

জাফ। তোমরা বল—আমি শুনি! আর ঐ স্কুলের পাশেই যে বালকদের স্কুল। ছাটির সময় বালক বালিকারা একত্রে খেলা করিবে—

গও। বালক স্কুল হইতে বালিকা স্কুলের ব্যবধান এক মাইলেরও অধিক ;
এমত স্থলে তাহারা একত্রে খেলিবে কিরূপে ?

জাফ। যদি তোমার চক্ষে কোন পীড়া না হইয়া থাকে তবে স্টেশনের
নিকট পঁড়াইলেও দেখিবে,—উভয় স্কুলের চূড়া পাশাপাশি।

নুরজাহাঁ হাস্য সঘরণ করিতে পারিলেন না। গওহর সহাস্য বলিলেন,
“তোমার অভিজ্ঞতার বলিহারি যাই। আজি তুমি ভিক্টোরীয়া স্কুল পরিদর্শন
করিয়া এই অভিজ্ঞতা অর্জন করিয়াছ ?”

জাফ। আমি স্কুলের ভিতর যাই নাই।

গও। (সবিস্ময়ে) তবে সকালে তিন ঘণ্টা তুমি কোথায় ছিলে ?

জাফ। তৃতীয় বেঞ্চে কতকক্ষণ বসিয়াছিলাম। তারপর স্কুল-সীমানায়
প্রবেশ করিয়া দেখি, পথ আর ফুরায় না। একজন পথিককে জিজ্ঞাসা করিয়া
জানিলাম, স্কুল পৌঁছিতে আরও ১৫ turn (পেচ) বাকী। (অর্থাৎ পথত
সোজা নহে, আঁকা বাঁকা ; তাই আরও ১৫ বার ঘুরিলে স্কুল পাওয়া যাইবে)।
তখন আমি ভাবিলাম, আজি আর পথ শেষ হইবে না। তাই ফিরিয়া আসিলাম।

নুরজাহাঁ আবার হাসিলেন। আর গওহর বলিলেন, “বাস। যোদ্ধার
দৌড় মসজিদ পর্যন্ত। তুমি প্রায় স্কুলের ষারদেশ হইতে ফিরিয়া আসিয়াছ,
ভিক্টোরীয়া স্কুলই দেখ নাই, অর্থাৎ ডাউহিল স্কুল সৰ্ব্বত্র অভিজ্ঞতা প্রকাশ করিতেছ !
তুমি কি জানি বালিকা বিদ্যালয় কোথায় ? স্কুল গৃহের যে যুগল চূড়া দেখা যায়,
উহা এক ভিক্টোরীয়া স্কুলেরই। স্কুলটি কি তুমি সামান্য গ্রাম্য পাঠশালা মনে
করিয়াছ ? উহা এক প্রকাণ্ড অষ্টালিকা—এবং উহা অনেকখানি স্থান ব্যাপিয়া
দণ্ডায়মান রহিয়াছে। বালকদের জীড়া প্রাজ্ঞনই ত প্রায় পাঁচ বিঘা জমী !”

নুর। এবং ডাউহিল স্কুল উহা অপেক্ষাও প্রকাণ্ড। একটি কক্ষে পঞ্চাশটি
বালিকার শয্যা দেখিলাম ; এবং প্রত্যেক পর্যঙ্ক অপূর্ণ পর্যঙ্ক হইতে দুই হাত
ব্যবধানে। এখন আন্দাজ করত কক্ষটা কত বড় ?

জাফ। অভাবড় ঘর এ প্রস্তর স্কুল দেশে নির্মাণ করা কি সহজ না সম্ভব ?

নুর। সহজ না হউক সম্ভব ত। বড় বড় অষ্টালিকা নিৰ্মিত হইয়াছে ত।
প্রথমে একটা টেনিস কোর্ট দেখিয়া আমার চক্ষে বাঁধা লাগিয়াছিল। কতগুলি
কঠিন প্রস্তরের স্তম্ভ চূর্ণ করিয়া ঐ সমস্ত প্রাজ্ঞনখানি নিৰ্মিত হইয়াছে, তাহা
আমরা সহজে ধারণা করিতে পারি না। কেবল প্রস্তর ভাঙিতে হয় নাই, স্থান-
বিশেষে ছোড়া দিয়া ওরাটও করিতে হইয়াছে। অভ্যর্থানি স্থান যে একেবারে
গর্ভস্থান্য ছিল, তাহা হইতে পারে না। একদিকে মহাশিল্পীর পর্বত-রচনা

কৌশল, অপর দিকে তাঁহারই প্রদত্ত মানববুদ্ধির পূর্ণ বিকাশ—উভয়ের মিশামিশি বড় চমৎকার বোধ হয়।

গও। ভাই! তুমি দিনকতক এখানে থাক, তাহা হইলে, তুমিও কবি হইতে পারিবে! কবিত্ব-জ্ঞান-রহিত অবলার মরুতুল্য হৃদয়েও যখন কবিত্ব-কুসুম কাটায়াছে—

জাক। আমি নূরুর অপেক্ষা কম prosaic (অকবি) নহি! আমার উত্তর ভাতা-ভগিনীই প্রসিক prosaic!

গও। কিন্তু এখানকার জলবায়ু এমন যে—

“বারেক দর্শন পেলে চিরমুক কথা কয়!

* * * মহামুর্খ কবি হয়!”

জাক। কিন্তু তাহাতে লাভ কি? কবিত্বটা মস্তিষ্কের রোগবিশেষ! আমাদের কুলকামিনীরা পাহাড়ে ময়দানে বেড়াইয়া কবি হয়, ইহা কখনই বাঞ্ছনীয় নহে!

গও। তবে কি বাঞ্ছনীয়?

জাক। বাঞ্ছনীয় এই,—তাহারা সূচারূপে গৃহস্থালী করে, রাঁধে, বাড়ে, খাওয়ায়, খায়, নিয়মিতরূপে রোজা-নমাজ প্রতিপালন করে।

গও। নমাজ কাহার উদ্দেশে?

জাক। (আরক্ত লোচনে) কাহার উদ্দেশে?—খোদাতালার উদ্দেশে।

গও। বেশ ভাই ঠিক বলিয়াছ। তুমি অবশ্যই জান, একটা পারস্য বয়েৎ আছে—“চিত্র দেখিয়া চিত্রকরকে স্মরণ কর।” আর ইনি এখনই মহাশিল্পী বলিয়া কাহার প্রশংসা করিলেন?

জাক। মহাশিল্পী ত ঈশ্বরকে বলা হইয়াছে।

গও। তবে কবিত্ব ধর্মের বিরোধী হইল কিসে? ঈশ্বরের সৃষ্টি বতই অধিক দেখা যায়, ততই ঈশ্বরের প্রতি ভক্তির বৃদ্ধি হয়। চক্ষু, কর্ণ যথাবিধি খাটাইয়া সৃষ্টি-স্রগতের পরিচয় না লইলে সৃষ্টিকে ভালমতে চিনিবে কিরূপে? পর্বতচূড়ার দাঁড়াইলে আপনা হইতেই হৃদয়ে ভক্তি-প্রস্রাবণ উচ্ছৃগিত হয়,—তখন অজ্ঞাতে হৃদয়-তলে বাজিয়া উঠে—

“সেই অধিতীর কবি

অঁকিয়া এমন ছবি—

আপনি অদৃশ্য হ’রে আছেন কোথায়?”

জাক। আমি ভালমতে বাজালা বুঝি না।

গণ্ড। তবে বল—“জমীটমন গুল—”*

জাক। (বাধা দিয়া) রাখ এখন তোমার কবিতা। কন্যাগুলি নিশ্চয় স্কুলে যাইবে?

গণ্ড। নিশ্চয়। কওসর, আখতর ও বদুর স্কুলে পড়িবার সময় গত হইয়াছে সেজন্য বড় আক্ষেপ হয়।

জাক। তবে নুরজাহাঁকেও ভক্তি কর।

গণ্ড। আমার আপত্তি নাই। ইনি ত বলেন যে, “শিং কাটা ইয়া বাছুর মলে মিশিতে ইচ্ছা হয়।”

জাক। (সহোদরের প্রতি) মিশিলেই পার। তোমারও একান্ত ইচ্ছা নাকি খ্রীমতীদের খ্রীস্টান করা?

নূর। মেয়েরা খ্রীস্টান হইবে কেন? আমি অহঙ্কারের সহিত বলি—আমার মেয়েরা ধর্মভ্রষ্ট হইতে পারে না ইহারা খাঁটি সোনা—অনলে সলিলে ধ্বংস হইবে না।

গণ্ড। আমিও সহকারে বলি, তোমার স্ত্রীর বিশ্বাস (ঈমান) টলিতে পারে, কিন্তু আমার স্ত্রীর বিশ্বাস অটল!

জাক। আমার স্ত্রীর বিশ্বাস অস্থায়ী হইল কিসে?

গণ্ড। যেহেতু তিনি আপন ধর্মের কোন তত্ত্বই অবগত নহেন। কেবল টিয়া পাখীর মত নমাজ পড়েন, কোন শব্দের অর্থ বুঝেন না। তাঁহাকে যদি তুমি স্বপ্নপিঞ্জরে আবদ্ধ না রাখ, তবে একবার কোন মিশনরী মেনের সহিত দেখা হইলেই তিনি মনে করিবেন, “বাঃ! যিশুর কি মহিমা!” স্নতরাং সাবধান। যদি পার ত লৌহসিন্দুকে বন্ধ রাখিও।

জাক। আর নুরু বুঝি নমাজে ব্যবহৃত শব্দ সমূহের অর্থ জানে?

গণ্ড। জানেন কিনা পরীক্ষা কর। তুমি কি মনে কর এই কুড়ি বৎসরের বিবাহিত জীবনেও আমি আমার অর্দ্ধাঙ্গীকে আমার ছায়াতুল্য সহচরী করিয় তুলিতে পারি নাই?

জাক। তবে দেখ নুরু যে স্কুলে পড়ে নাই সে জন্য কি আটকাইয়াছে? তবে মেয়েগুলার মাথা খাঁও কেন?

গণ্ড। আমাদের পূর্বপুরুষেরা রেলপথে ভ্রমণ করেন নাই, টেলিগ্রাফে সংবাদ পাঠান নাই, সেজন্য তাঁহাদের কিছু আটকাইয়াছিল কি? তবে আমরা টেলিগ্রাম পাঠাই কেন, রেলগাড়ীতে উঠি কেন?

* অর্থাৎ “ধরনী-কানন কুল” — বাকী অংশ ত ইচ্ছামিথে হয় নাই।

জাকি। আমাদের ত ওসব আবশ্যিক হয়।

গও। যাহা আমাদের জন্য আবশ্যিক, তাহা আমাদের মহিলাদের জন্যও প্রয়োজন। তাঁহারা আমাদের আবশ্যিক অনুযায়ী বস্ত্রই ত যোগাইয়া থাকেন। গ্রাম্য চাষার স্ত্রীরা জরির কাজ জানে না, আচার মোরব্বা প্রস্তুত করিতে জানে না কারণ চাষাদের তাহা আবশ্যিক হয় না। ইউরোপীয় কামিনীরা পান সাজিতে জানে না, কারণ ইউরোপীয় পুরুষদের তাহা আবশ্যিক হয় না। আবার আমাদের কুলবালারা চাষা স্ত্রীদের মত ধান ঝাড়িতে জানেন না, যেহেতু আমাদের তাহা প্রয়োজন হয় না। ক্রমে আমরা কারি, কাটলেট, পুডিং খাইতে শিখিতেছি, আমাদের গৃহিণীরাও তাহা শিখিতে শিখিতেছেন। আমাদের ছাড়া তাঁহাদের স্বতন্ত্র অস্তিত্ব কই? এবং তাঁহাদের ছাড়া আমাদেরও নিরপেক্ষ অস্তিত্ব কই? স্কুল কলেজের শিক্ষা যেমন আমাদের আবশ্যিক, তদ্রূপ তাঁহাদেরও প্রয়োজন। তোমার পারিবারিক জীবন অপেক্ষা আমার গার্হস্থ্য জীবন অধিক সুখের, ইহা তুমি অবশ্যই স্বীকার করিবে? তোমার সমস্ত সুখ দুঃখ তোমার স্ত্রী কখনও হৃদয়ঙ্গম করিতে পারেন না।

জাকি। তাহা না পারুক; কিন্তু তিনি আমার মতের বিরুদ্ধে একটি কথাও উচ্চারণ করেন না। আমি যদি দিনকে রাত্রি বলি, তিনিও বলেন,—“হ্যাঁ, দিব্য জ্যোৎস্না!” আবার যদি আমি অমাবস্যা রাত্রিকে দিন বলি, তিনিও বলিবেন,—“হ্যাঁ, রোদ্দ বড় প্রখর”।

গও। সাবাস! (সকলের হাস্য)

জাকি। তা' না ত কি। স্বামীস্ত্রীর মত এক না হইলে দিবানিশি রুষ জাপান যুদ্ধে ব্যাপ্ত থাকিতে হয়।

গও। কিন্তু স্বামীস্ত্রীর মত এক হইল কই? তুমি যেরূপ বলিলে তাহাতে কেবল তোমারই মত প্রকাশ পায়, তাঁহার ত মতামত জানাই যায় না। তিনি কদাচ নিজ মত ব্যক্ত করেন না এবার যখন কোন পশুশালায় যাইবে, অনুগ্রহ করিয়া পশুগুলির সমক্ষে কোন বিশেষ মত প্রকাশ করিও, আর পশুগুলি উত্তর না দিলে বা মাথা নাড়িলে বুঝিয়া লইও, পশুগণ তোমার সহিত একমত হইয়াছে!

জাকি। সুন, আর একটি কাজের কথা বলি; আগামী বৎসর ত কওসরর বিবাহ, এখন তাহাকে লইয়া তোমরা পাহাড় পর্বতে বেড়াও, বরপক্ষীয় লোকেরা শুনিলে কি বলিবে?

নূর। বরপক্ষের ইহাতে আপত্তি নাই, জানি।

গও। বর ত শিমলাতেই কাজ করেন। আর স্বামীর সহিত স্ত্রী বেড়াইবে, পিতার সহিত কন্যা বেড়াইবে, তাহাতে অন্য লোকের আপত্তি কবিবার অধিকার ?
জাক। বেশ, মঙ্গলময় তোমাদের মঙ্গল করুন। বরটিও তোমাদের মনোমত পাইরাছ। তাহা হইলে দেখিতেছি আমার নির্বাচিত পাত্রের সহিত আশুতরের বিবাহ দিবে না ?

গও। না। কওসরের ভাবী দেবরের সহিত আশুতরের বিবাহ হইবে।

জাক। তবে উভয় কন্যার বিবাহ একই সঙ্গে দাও না কেন ?

গও। তাহা হইলে ভালই হইত কিন্তু সে ছেলোটী এখন বিলাতে।

চতুর্থ পরিচ্ছেদ

হিমালয়ের জোড়াস্থিত টুঙ্গ নামক স্থানে একটি ঝরণার ধারে কয়েক ব্যক্তি বসিয়া বিশ্রাম করিতেছেন। তাঁহাদের মধ্যে যে সর্বাপেক্ষা বয়ঃকনিষ্ঠা, সে বলিল,—“মেক্স আপা! দেখত এই ঝরণা কোথা হইতে আসিয়া ভীমবেগে আবার কোথায় চলিয়াছে। তুমি বলিতে পার শেষে কোথায় গিয়াছে ?”

আশুতর। না, রাবু। আমি ত জানি না শেষে কোথায় গিয়াছে। আসিয়াছে ঐ পাহাড়ের পাশাপ বন্ধ বিদীর্ণ করিয়া।

রাবু। সামান্য জলধারা পাশাপ বিদীর্ণ করিল কিরূপে ? তাহা কি সম্ভব ?

কওসর। ঐ জলধারা কেবল পাশাপ বিদীর্ণ করিয়াছে, তাহাই নহে ; কত পুকাও পুস্তরখণ্ড উহার চরণতলে গড়াইতে গড়াইতে ক্ষয়প্রাপ্ত হইয়া বালুকাকণার পরিণত হইয়াছে।

পুকাও পুস্তর বালুকায় পরিণত হওয়ার কথাটা রাবু সহজে ধারণা করিতে না পারিয়া পিতাকে জিজ্ঞাসা করিল, “সত্য আন্বা ?”

গওহর কথা কহিবার পূর্বে জাকর বলিলেন, “হঁ্যা সত্য। তোরা যেমন পিতৃজ্যোড়ে নির্ভয়ে ক্রীড়া করিস, ঐ নির্ঝরগুলি সেইরূপ পাশাপময় পিতৃবন্ধে নৃত্য করিতেছে—পিতা তবু অটল। হিমাত্রিও ঠিক গওহরেরই মত সহিষ্ণু। আর শোন, স্টীমার হইতে যে বিপাককারী জাহাজী দেখিয়াছিস, এইরূপ কোন একটা শিশু নির্ঝরই তাহার উৎস।”

রাবু। (আনন্দ ও উৎসাহের সহিত) তবে মাস্তা ! বলুন ত ইহার কোনটা গজার উৎস ?

জাক। গঙ্গার উৎস এখানে নাই।

কণ্ড। কি ভাবিতেছ আশুতর ?

আশু। ভাবিতেছি,—এই ক্ষীণাক্ষী ঝরপাণ্ডলি হিমালয়ের হৃদয়ে কেমন গভীর হইতে গভীরময় প্রণালী কাটিয়া কলকলস্বরে স্রুষ্টির স্তবগান গাহিতে গাহিতে চলিয়াছে! বিরাম নাই—বিশ্রাম নাই—আলস্য উদাস্য নাই—অনন্ত অব্যাহত গতিতে চলিয়াছে!

রাবু। বেজ আপা! আমিও একটি নদীর উৎস আবিষ্কার করিলাম!

আশু। বটে ?

কণ্ড। কি আবিষ্কার করিয়াছিস বল ত ?

রাবু। কারসিয়ঙ্গের পাগলা ঝোরাই পাগলা নদীর উৎস!

আশু। দূর পাগলি।

বদর। রাবু কিন্তু কথটা একেবারে অসঙ্গত বলে নাই,—ত্রিশ্রোতা নদী ত এই দার্জিলিঙ্গের আশপাশেই—

কণ্ড। ধন্য তোমাদের গবেষণায়! বদু ত বেশ পণ্ডিত হইয়া উঠিয়াছে।

বদু। যদি গবেষণায় ভুল হইয়া থাকে, তবে ওকথা থাক; আর এক মজার কথা বলি,—বেশ খেয়াল করিয়া দেখত, পাহাড়ের বুকের ভিতর দিয়া রেলপথ কেমন আঁকিয়া বাঁকিয়া গিয়াছে—একদিকে সুউচ্চ পর্বত, অন্যদিকে নিম্নস্থিত অনুচ্চ পাহাড়ের স্তুপ—একটির পর অপরটি চেউয়ের পাড় চেউয়ের মত দেখায়। ইহাকে পর্বত-তরঙ্গ বলিলে কেমন হয় ?

কণ্ড। বেশ ভাল হয়। সমুদ্রের চেউয়ের কথা তোমার মনে আছে বোন ?

বদু। না দিদি! মনে ত পড়ে না।

রাবু। মাস্তা! আমি ঐ ঝরপাণ্ড জল স্পর্শ করি গিয়া ?

জাক। বাঁবি কিরূপে ? অবতরণের পথ যে দুর্গম।

রাবু। আপনি অনুমতি দিন,—আনি যেমন করিয়া পারি, যাইব। সেজ আপা! তুমিও আসিবে ?

বদু। না, তুমি একাই যাও।

জাকর অনুমতি দিলেন। রাবু অতি কষ্টে অগ্রসর হইল; শেষে এক প্রকাণ্ড প্রস্তর তাহার গতিরোধ করিল। সেটি অতিক্রম না করিলে জলস্পর্শ করা হইবে না। উপর হইতে কণ্ডসর শাসাইল, “দেখিস কাপড় ভিজে না বেন।” প্রায় হাটখণ্ডি দিয়া অতি সাবধানে রাবু সে প্রস্তর অতিক্রম করিল। শীতল জল অঙ্গলি ভরিয়া লইয়া খেলা করিতে লাগিল।

তদর্শনে বদর একটু হিংসা হইল। সে রেলিং-এর ধারে দাঁড়াইয়া বলিল,—
“কিলো রাব! স্বর্গে পঁছিয়াছিস যে? তোর আনন্দের সীমা নাই।
তুই তবে থাক ঐখানে,—আমরা চলিলাম।”

নুরজাহাঁও ডাকিলেন, “আয় মা! বেলা যায়।” সকলে আরও কতক-
নুব অগ্ৰসর হইলেন। ইঁহারা টুঙ্গ হইতে পদব্রজে কারসিয়ঙ্গ চলিয়াছেন।

পথে দুই তিনজন পাহাড়ী তাহাদিগকে দেখিয়া পথ ছাড়িয়া দিয়া একদিকে
দাঁড়াইল। গওহর জাফরকে বলিলেন, “দেখিলে তাই ইহাদের শিতালরী (অবলার
প্ৰতি সম্মান প্ৰদর্শন)?”

জাফ। ইহা উহাদের অভ্যাস, অনেক সময় স্ত্রীলোকেরাও আমাকে স্পৃহ
ছাড়িয়া দিয়া পশ্বিনাশেৰু দাঁড়ায়।

নুব। যেহেতু তাহারা “নীচে কা আদমি”কে দুর্বল মনে করে।

জাফ। আমি কিন্তু স্ত্রীলোকের নিকট দুর্বলতা স্বীকার করি না।

গও। যে সকল তাহাব নিকট দুর্বলতা স্বীকার করায় দোষ কি?

জাফ। যাহাই হউক, স্ত্রীলোককে আমি কায়িক বলের শ্রেষ্ঠতা দিব না।

গও। কেন দিবে না? “Give the devil even his due”

(শয়তানকেও তাহার প্ৰাপ্য স্বহ দান কর)।

জাফ। কিন্তু আমি রমণীকে তাহার প্ৰাপ্য স্বহ দিতে অক্ষম।

গও। তবে একবার শট্কাট পথে কোন পাহাড়িনীর সহিত

(বাজী) দৌড়িতে চেষ্টা কর দেখি!

জাফ। শটকাটে? তাহা মানুষের অগম্য।

নুর। তবে ঐ দুর্গম পথে যাহাবা পৃষ্ঠে দুই মণ বোঝা সহ অবলীলাক্রমে
আরোহণ করে, তাহাদের নিকট দুর্বল বলিয়া পরিচয় দিতে লজ্জাবোধ কর
কেন?

এস্থলে পার্বত্য শটকাট পথের একটু পরিচয় দেওয়া আবশ্যিক। প্ৰস্তর-
সঙ্কুল গড়ানিয়া খাড়া সংক্ষিপ্ত পথকে short cut বলে। শটকাট পথ
বড়ই দুর্গম; কোথাও উচ্চ প্ৰস্তর, কোথাও গর্ত, কোথাও এমন ঢালু যে পা
রাখা যায় না। পাথর কাটিয়া ভাঙ্গিয়া অশ্মাদি, গাড়ী ও (“নীচেকো”) মানুষের
অন্য গবর্নমেন্ট যে অপেক্ষাকৃত সমতল, কিন্তু ক্রমোচ্চ স্তম্ভ পথ নির্মাণ করি-
য়াছেন। তাহাকে স্থানীয় ভাষায় “সরকারী সটক” বলে। ঐ সরকারী সটক-
গুলি অনেক দূর আঁকিয়া বাঁকিয়া যায়। সচরাচর গুঁরা ও ভুট্টাগণ সরকারী
ঘরাও পথে না চলিয়া শটকাটে যাতায়াত করে। কারণ যেখানে সটকাটে পাঁচ

মিনিটে যাওয়া যায়, সেইখানে সরকারী সড়ক দিয়া গেলে প্রায় ২০।২৫ মিনিট লাগে এবং সাতবার ঘুরিতে হয়।

নুরজাহাঁ পুনরায় বলিলেন, “এই অশিক্ষিত পাহাড়ীদের শিভালুরী অবশ্য অবশ্য প্রশংসনীয়।”

গও। উহাদের নিকট আমাদের ভদ্রতা শিক্ষা করা উচিত। আমরা বৃথা ভদ্রতা ও সভ্যতার বড়াই করি।

নূর। আর একটা বিষয় লক্ষ্য করিয়াছ, তাই? পাহাড়ী বা ভূটিয়া স্ত্রী পুরুষ—কেহই শিক্ষা করে না।

জাক। তাহাদের শিক্ষার প্রয়োজন হয় না বলিবা।

গও। প্রয়োজন না হওয়াও ত প্রশংসনীয়।

এইরূপ কথাবার্তায় তাঁহারা পথ-ক্রান্তি ভুলিতেছিলেন। কাৎসিয়ঙ্গ স্টেশনের নিকটে আসিয়া কওসর বলিল,—“কি রাবু! বড় ক্রান্ত নাকি?”

রাবু। না, মোটেই না।

জাক। আরও এক মাইল যাইতে হইবে, জানিস?

ক্রমে তাঁহারা একটা বেঙ্কের নিকট আসিলেন। তথায় কয়েকজন গুর্খা বসিয়াছিল, তাহারা ইঁহাদিগকে দেখিয়া সসম্মত্রে আসন ত্যাগ করিল। নুরজাহাঁ বলিলেন, “একটু বসা যাউক”।

জাক। না, চল আর বেশী দূর নাই।

বদু। হাঁ মান্না! বসুন না। ঐ দেখুন আকাশে আগুন।

জাকর পশ্চিমে চাহিয়া দেখিলেন, সত্যই আকাশে আগুন লাগিয়াছে! সবই যেন অগ্নিময়।

আখু। দেখ আপা! কাঞ্চনজঙ্ঘায়ও আগুন লাগিয়াছে!

জাক। বাস্তবিক বড় চমৎকার দৃশ্য ত! এখান হইতেও কাঞ্চনজঙ্ঘার দুই তিনটি শৃঙ্গ দেখা যায়। অন্তর্যামন রবির সোনালী কিরণে সত্যই সে কাঞ্চনকান্তি লাভ করিয়াছে। বোধ হয় যেন দিনমণি পশ্চিম গগনে আত্মগোপন করিতে যাইতেছে—আর স্কুমার মেঘগুলি তাহার পশ্চাতে ছুটিয়াছে! প্রদোষে এমন শোভা হয়, পূর্বে লক্ষ্য করি নাই। ওদিকে অলকমালা রাস্তাকিরণে শান করিয়া স্বর্ণবর্ণ লাভ করিতেছে। মৃদুমন্দ সমীরণ যেন তাহাদের সহিত লুকাচুরি খেলিবার ছলে মেঘমালাকে ইতস্ততঃ বিক্ষিপ্ত করিতেছে।

গও। সান্নাম ভাই! তুমিই ত বল কবিশ্ব মস্তিষ্কের রোগ বিশেষ।

জাক। তুমি বলিয়াছ যে, এখানকার জনবায়ুতে ঐরোগটা আছে। পূর্ব-বজের জনবায়ুতে ব্যালেরিয়া, হিমালয়ের জনবায়ুতে কবিষ।

গও। কেবল কবিষ নহে, বৈরাগ্য—যোগ্যশিক্ষা ইত্যাদিও। এইখানে বসিয়া সৃষ্টির লীলাখেলা দেখ—তোমার সাহ্য-উপাসনার ফলপ্রাপ্ত হইবে। এখানে নিজের ক্ষুদ্র বেষ স্পষ্টরূপে উপলব্ধি করা যায়।

নূর। বলিতে কি, অভ্যাগমত উপাসনায় এমন ভাবের আবেগ, ভক্তির উচ্ছ্বাস থাকে না।

গও। আর আমরা যে, সামাজিক নিয়মের বশবর্তী হইয়া স্ত্রীলোকদের এমন উপাসনা—অর্থাৎ সৃষ্টির স্ফটিকচিত্র) দর্শন হইতে বঞ্চিত রাখি, ইহার জন্য ঈশ্বরের নিকট কি উত্তর দিব? যে চক্ষুর কার্য দর্শন করা, তাহাকে চির অন্ধ করিয়া রাখি—যিক আমাদের সভ্যতার। ইনি না কি এখানে আসিবার পূর্ব কর্বনও উষার প্রথম আলোক ও সূর্যোদয় দেখেন নাই।

জাক। সম্ভবতঃ আমিও দেখি নাই—সেজন্য আমি ত একবারও বিনাপ করি না।

গও। কিন্তু তুমি মাঠে বাহির হইলেই দেখিতে পাঠিতে; তোমার গতি ত অব্যাহত। আর মনে রাখিও, বধাসাধ্য জ্ঞানোন্মেষ ধর্মেরই এক অঙ্গ।

জাক। জ্ঞান বৃদ্ধি হইলে লোক নাস্তিক হয়, এইজন্য কুলললনা-বৃশকে জ্ঞান হইতে দূরে রাখা আবশ্যিক।

গও। যত অভিলাষ কুলবালার উপর। ইহা তোমার বিষম ভ্রম; জ্ঞানের সহিত ধর্মের বিরোধ নাই। বরং জ্ঞান ধর্মের এক প্রধান অঙ্গ।

আরও অনেক কথা হইল। এদিকে বালিকার দলও নীরব ছিল না। অস্থিতার বৃন্দুস্বরে বলিল, “দেখ আপা! ওদিকে দূরে উচ্চ গিরিচূড়ে চায়ের শ্যাবল ক্ষেত্রগুলি সাহ্য রবিকিরণের তরল স্বর্ণবর্ণে স্তান করিয়া কেমন সুন্দর দেখাইতেছে। আবার কেমন ধীরে ধীরে ঈষৎ ধূসর বর্ণের বাষ্পরূপী ওড়নার নিজ নিজ স্বর্ণকার আবৃত করিতেছে।”

কও। ঠিক বলিয়াছ, বোন! আমিও তাহাই ভাবিতেছিলাম। স্ফটিকের কি অপার মহিমা! তাঁহার শিল্পনৈপুণ্যের বলিহারি বাই।

বদু। চল এখন বাসায় যাই।

আবু। বাওয়ার জন্য এত ব্যস্ততা কেন, দিদি?

বদু। আর এখানে থাকিয়া কি দেখিবে? ঐ দেখ ক্রমে সন্ধ্যা সমাগমে বৃষ্টি শীতবোধ হওয়ায় চা-বাগানগুলি অন্ধকার লেপে শরীর চাকিতেছে! আর ত কিছুই দেখা যায় না।

কও। চা-বাগানের শীত বোধ হউক না হউক, বদুর শীতবোধ হইতেছে। কারণ বদু ভ্রমক্রমে শাল আনে নাই।

সকলে বাগা অভিমুখে চলিলেন।

পঞ্চম পরিচ্ছেদ

সন্ধ্যা পর গওহর আলী দুহিতাদিগের পাঠগৃহে বসিয়া তাহাদিগকে পড়াইতেছেন। পাঠ শেষ হইলে তিনি অর্দ্ধঘণ্টাকাল তাহাদের সহিত গল্প করেন। গল্পচ্ছলে তিনি তাহাদিগকে কখন ঐতিহাসিক কখন ভৌগোলিক বিষয়ে শিক্ষা দিয়া থাকেন। অদ্য তাঁহাদের আলোচ্য বিষয় সৌরজগৎ।

মুশ্তরী। ভাল কথা, আব্বা! মাস্তা কেন আমাদিগকে সৌর-চক্র বলেন? আমরাও কি আকাশে ঘুরি?

গও। তিনি বিদ্রূপ করিয়া আমাদের সৌরজগৎ বলেন। কিন্তু আইস আমরা ঐ বিদ্রূপ হইতে একটা ভাল অর্থ বাহির করিয়া লই।

কও। জান না? আঁস্তাকুড়ের আবর্জনার ভিতরও অনেক সময় মূল্যবান বস্তু লুক্কায়িত থাকে।

গও। হাঁ, অদ্য আমরা ঐ বিদ্রূপ-আবর্জনা হইতে একটা মূল্যবান জিনিস বাহির করিতে চেষ্টা করি। কওসর! তুমি চেষ্টা করিবে, মা?

কও। আপনিই চেষ্টা করুন।

গওহর আরম্ভ করিলেন, “বলিয়াছি ত প্রত্যেক গ্রহই নিয়মমত সূর্যকে প্রদক্ষিণ করিয়া থাকে। সূর্যকে প্রদক্ষিণ করা যেমন গ্রহগণের কর্তব্য, তদ্রূপ তাহাদিগকে আলোক প্রদান ও তাহাদের প্রত্যেকটিকে বখাবিধি আকর্ষণ করা এবং সঙ্গে সঙ্গে নিজের বেরুদণ্ডের উপর ঘোরা সূর্যের কর্তব্য। এই স্রষ্টাজগতে প্রত্যেকে আপন আপন কর্তব্য পালন করিতেছে। কাহারও কর্তব্য সাধনে ক্রটি হইলে স্রষ্টার বিপৃথলা ঘটে।

“মনে কর প্রত্যেক লোকের গৃহই একটি সৌরজগৎ এবং গৃহস্থের আত্মীয়-স্বজনদের ঐ সৌরপরিবারের এক একটি গ্রহ। গ্রহদের কর্তব্য গৃহস্থের

অন্যস্থানসাবে তাহাবই মনোনীত পথে চলা। এবং গৃহস্থেবও কর্তব্য পবিবাবস্থ লোকদিগকে শ্রেহবশিা হাবা আকর্ষণ কবা, তাহাদেব স্মৃষ্ণচছপতাৰ প্ৰতিদৃষ্টি বাধা— এমন কি (দাবিদ্র্যবশতঃ) খাদেব অগ্ৰতুলতা হইলে, প্ৰথমে শিঙদেব, অতঃপব আশ্ৰিত পোষ্যবৰ্গকে আহাব কবাইয়া সৰ্বশেষে তাহাব ভোজন কবা উচিত। যদি এই পবিবাবেব একটি লোকও স্বীয় কর্তব্য পালনে অবহেলা কবে, তবে বিশৃঙ্খলা ঘটয়া পবিবাবটি নানা প্ৰকাৰ অশান্তি ভোগ কবিবে।

“যেমন কোন গৃহ যদি আশন কক্ষকে অতিক্ৰম কবিয়া দুবে যায়, তবে সূৰ্যেব আকর্ষণ বিমুক্ত হইলে সে অন্য কোন গৃহেব সহিত টঙ্কব খাইয়া নিভে চূর্ণ হইবে এবং অপব গৃহকেও বিপদগ্ৰস্ত কবিবে। স্মৃতবাং যাহাব যে কক্ষ, তাহাকে সেই কক্ষে থাকিয়া স্বীয় কৰ্তব্যবস্ত্ৰে চলিতে হইবে।”

ঠিক এই সময় জাফন আসিয়া বলিলেন, ‘সালান ভাই। পথে আসিয়াছ। আমিও ত তাহাই বলি, যাহাব জন্য যে সীমা নিদিষ্ট আছে, সে তাহা অতিক্ৰম কবিলে বিশৃঙ্খলা ঘটবে। সমাজৰূপ সৌবজ্জগৎ স্ত্ৰীকপ গৃহদেব জন্য যে সীমা নিদিষ্ট কবিয়াছে, সে সীমা উন্নত্বন কবা স্ত্ৰীলোকদেব উচিত নহে।”

গও। মাক কব ভাই। আমাকে আগে আমাব বক্তব্য বলিতে দাও। তুমি আসন গ্ৰহণ কব।

আধতব। (জ্ঞানান্তিকে কওসবকে) মান্না কথা বলিবাৰ ভঙ্গীও জানেন না। “সমাজৰূপ সৌবজ্জগৎ” আব ‘স্ত্ৰীকপ-গৃহ’ বলা হইল।

কও তাহিত ‘সমাজটা নিজে সৌবজ্জগৎ হইলে গৃহদেব সীমা নিদিষ্ট কবিবাৰ অবিকাৰ কি? চশ্বন স্বয়ং সবনেব সীমা নির্দেশ কবিয়াছেন। আচ্ছা এখন উহাদেব কথা শুনি।

জাফন আসন গ্ৰহণ কবিলে পব বালিকাৰাও আসন গ্ৰহণ কবিল। জাফনবে দেখিবা ইহাবা সমস্ত্রমে আসন ত্যাগ কবিয়াছিল।

গওহব বলিয়া যাইতে লাগিলেন, “কেবল অবলাবা সীমা অতিক্ৰম কবিলে বিশৃঙ্খলা ঘটে, ইহাই নহে, পুরুষেবাও স্বীয় কক্ষ লঙ্ঘন কবিলে বিশৃঙ্খলা ঘটে।”

জাফ। পুরুষদেব গম্ভব্যাপথ ত সীমাবদ্ধ নহে—তাহাদেব আর কক্ষচ্যুত হওমা কি?

গও। পুরুষেবাও স্বেচ্ছাচাৰী হইতে পাৰে না। তাহাদেবও কর্তব্য আছে। তুমি কি স্ত্ৰীপুত্ৰকে অবক্ষিত অবস্থায় ফেলিয়া কোথাও যাইতে পাৰ?

জাফ। না।

গও। তবে কিৰূপে বল, তোমাৰ পথ সীমাবদ্ধ নহে?

জাক। তবু আমার বধেট স্বাধীনতা আছে।

গণ্ড। কর্তব্যে অবহেলা করিবার ক্ষমতা নাই।

নুশ। আব্বা! আমরা ত সকলেই নিজ নিজ কর্তব্য কার্য করি, কিন্তু নরীমু ও মাসুমা ত কিছু করে না ?

রাবু। তাহার। এত ছোট যে তাহাদের কর্তব্য কিছুই নাই।

গণ্ড। তাহাদেরও কর্তব্য আছে বই কি ? নরীমুর কর্তব্য যশনিয়মে আহার-নিদ্রা পালন করা ও খেলা করা। মাসুমার কর্তব্য খাওয়া, নিদ্রা বাওয়া, হাসা এবং দোড়াইতে শিখা।

রাবু। ইশ! ভারী ত কর্তব্য! উহার। ও কাজ না করিলে আমাদের এখানে এমন কি বিশৃঙ্খলা ঘটবে ?

গণ্ড। উহার। এখনও তোমাদের মত দুঃখী শিখে নাই; তাই উহার। যশনিয়মে স্ব-স্ব কর্তব্য পালন করে। যদি মাসুমা না হাঙ্গে বা নরীমা না খায়, তবে বুঝিতে হইবে তাহাদের অসুখ হইয়াছে। তখন তাহাদের গুণ্ডার জন্য আশাদিগকে ব্যস্ত থাকিতে হইবে।

গণ্ড। তাহাদের চিকিৎসার জন্য ব্যস্ত থাকিলে আমাদের দৈনিক কার্যে বিশৃঙ্খলা ঘটবে কি না ?

রাবু। হাঁ—নুখিলাম।

গণ্ড। আর এক কথা মনোযোগের সহিত শুন। আমি বলিয়াছি, গ্রহমালা স্ব-স্ব কক্ষে থাকিয়া সূর্যকে প্রদক্ষিণ করে। এই প্রদক্ষিণ কার্যে গ্রহদের সাদৃশ্য ও একতা আছে—অর্থাৎ সকলেই যুবে, এই হইল সাদৃশ্য। কিন্তু তাই বলিয়া যে সকল গ্রহই একই সঙ্গে উঠে, একই সঙ্গে বসে, তাহা নহে। (জাকরের প্রতি দৃষ্টিপাত করিয়া) তাহাদের আবার 'ব্যক্তিগত' স্বাধীনতা আছে। জাকর ভাই যে বলেন, সৌরপরিবারের অবলাচন্দ্র গ্রহদের 'ব্যক্তিগত' স্বাধীনতা নাই, ইহা তাঁহার ভ্রম।

জাক। ভ্রম নহে—ঠিক কথা। অবলাকে কোন প্রকার স্বাধীনতা দেওয়া উচিত নহে। তুমি হয়ত মাদ্রাজের Christian Tract Society-র প্রকাশিত Indian Reform সম্বন্ধীয় পুস্তিকাসমূহ হইতে এ-স্বাধীনতার ভাব গ্রহণ করিয়াছ। খ্রীস্টধর্ম প্রচারকগণ বাহা বলেন, তোমার নিকট তাহা অসম্ভব সত্য রূপেই পরিগণিত হইয়াছে।

গণ্ড। আমি আজ পর্যন্ত উক্ত পুস্তিকার একখানিও পাঠ করি নাই। খ্রীস্টানদের নিকট কিছু শিখিতে বাইব কেন ? ঈশুর কি আমাকে বুদ্ধি দেন নাই ?

আর আমি ত এই কারসিয়াক শৈলে আছি, এই সময় তুমি আমার বাড়ী অনুসন্ধান কর গিয়া, যদি আমার বাড়ীতে “Christian Tract Society-প্রকাশিত পুস্তিকা” একখানিও দেখিতে পাও, তবে আমি তোমাকে হাজার (১০০০'০০) টাকা দিব।

জাফ। হাজার টাকার বাজী?

গও। হাঁ—লাগাও বাজী—এক হাজার নুতন টাকা। আর যদি পুস্তিকা পাও, তবে তুমি দিবে ১০০০'০০ টাকা।

জাফ। না, বাজী এইরূপ হউক যে, হারজিত, উভয় অবস্থাতেই তুমি টাকা দিবে। হা! হা-হা!

গও। বাস। ঐ খানেই বীরত্বের অবসান।

এই সময় নূরজাহাঁ আসিয়া কওসরের পাশে উপবেশন করিলেন।

বদর। আব্বা, গ্রহদের “ব্যক্তিগত” স্বাধীনতা কেমন?

গও। যেমন সূর্যের চতুর্দিকে প্রদক্ষিণ করিতে বুধের প্রায় তিন মাস, শুক্রের আট মাস, বৃহস্পতির ১২ বৎসর এবং শনির ৩০ বৎসর লাগে। ইহাই তাহাদের ব্যক্তিগত পার্থক্য বা স্বাধীনতা। শনিগ্রহকে কেহ আরক্তনেত্রে আদেশ করিতে পারে না যে, “তোমাকেও বুধের মত ৩ মাসেই সূর্যের চতুর্দিকে ঘুরিতে হইবে।” এবং এতদ্ব্যতীত আরও অনেক বৈষম্য আছে, তাহা তোমরা এখন বুঝিতে পারিবে না।

কও। আর অত কথা এককালে বলাও ত সম্ভব নহে।

গও। হাঁ, সম্ভবও নহে। এইরূপ মানবের সৌরপরিবারের ও পরস্পরের মধ্যে কতকগুলি সাদৃশ্য আছে এবং কতকগুলি বৈসাদৃশ্যও আছে।

জাফ। যথা গওহর আলীর সহিত আমার চক্ষুকর্ণের similarity (সাদৃশ্য) আছে এবং মতামতের dissimilarity (বৈসাদৃশ্য) আছে। (সকলের হাস্য)

কও। তরুলতার গঠন-প্রণালীর প্রতি দৃষ্টি করিলেও আমরা বৈষম্য ও সাদৃশ্য পাশাপাশি বিদ্যমান দেখিতে পাই। বদু! সেদিন তোমাকে নানাভাতীয় fern এর (টেকি গুলোর) সাধারণ আকৃতিগত সাদৃশ্য এবং পত্রগত সূক্ষ্ম পার্থক্য দেখাইয়াছিলাম, মনে আছে ত?

বদু। হাঁ। ঠিক এক রকমের দুইটি পাতা বাহির করিতে পারি নাই।

গও। তাই ত। জাফর ভাই যেমন মনে করেন সংসারে তিনি ছাড়া আর কেহ—বিশেষতঃ স্ত্রীলোক কথা কহিবে না। তিনি ব্যতীত আর কেহ জ্বলে পড়িবে না ইত্যাদি ইত্যাদি, ইহা প্রকৃতির নিয়ম নহে।

জাফ। আমি কি লোককে কথা বলিতেও নিষেধ করি ?

গণ্ড। নিষেধ কর না বটে, কিন্তু তুমি এমনভাবে বলা আরম্ভ কর যে, আর কাহারও কথা কহিবার সুবিধা হয় না। ইনি তোমাকে তিন দিন কন্যাদের বালিকা স্কুলে পড়িবার কথা বলিতে চেষ্টা করিয়াছেন—তুমি একদিনও ধৈর্যের সহিত শুন নাই। তুমি যে ভাবে মহিলাদের কথায় বাধা দিয়া নিজের বাগ্মিত্ব প্রকাশ কর, তাহা তোমার ন্যায় বিলাত ফেরতার পক্ষে কদাচ শোভনীয় নহে।

জাফ। আমি অধিক কথা বলি, তোমরাও বল না কেন ?

গণ্ড। আমরা অত বকিতে পারি কই ? আমি দুইশত টাকা পুরস্কার দিব, যদি কেহ তোমাকে বাকযুদ্ধে পরাস্ত করিতে পারে।

নূর। কেবল বাগযুদ্ধ নহে—বাগডাকাতিও বটে।

জাফ। নুরু! তুইও বিপক্ষে গেলি ?

নূর। না, ভাই! ক্ষমা কর,—আমি ত এমন কিছু বলি নাই।

গণ্ড। টিফ,—বাগ্মিত্ব, বাকচাতুর্য, বাকচৌর্য, বাগডাকাতি এবং বাকযুদ্ধে যে ব্যক্তি আমার জাফর দানাকে পরাস্ত করিবে, সে ২০০'০০ টাকা পুরস্কার পাইবে।

নূর। সত্যে আর একটি কথা বলি,—তাই দুই ঘণ্টা ধরিয়া কথা বলেন, কিন্তু কি যে বলেন, তাহা নির্ণয় করা দুঃসাধ্য।

গণ্ড। কেবল বকেন—লক্ষ্য ছাড়িয়া দিয়া কখন দক্ষিণে, কখন বামে, কখন সম্মুখে, কখন পশ্চাতে—নানাস্থানে ঘুরেন! কিন্তু বকেন! অপরের বক্তব্য শুনেন না, কেবল নিজে বকেন! যাহা হউক, ইহা স্বভাবের নিয়ম নহে। জাফর দিনকে রাত্রি বলিলে যে তাঁহার বাড়ীর সকলকেই “দিব্যজ্যোৎস্না” বলিতে হইবে, ইহা ঈশ্বরের অভিপ্রেত নহে। অবলাদেরও চক্ষুকর্ণ আছে, চিত্তাশক্তি আছে, উক্ত শক্তিগুলির অনুশীলন যথানিয়মে হওয়া উচিত। তাহাদের বাকশক্তি কেবল আমাদের শিখান বুলি উচ্চারণ করিবার জন্য নহে।

জাফ। উঠ এখন; আজি এখেষ্ট বকিলে।

গণ্ড। আর দুই এক কথা বলিতে দাও—তোমার কথা নহে। সৌরচক্রের গ্রহমালা যেমন সূর্যকে লক্ষ্য করিয়া আপন কক্ষে ভ্রমণ করিতেছে, তদ্রূপ আমাদেরও উচিত যে সত্য—অর্থাৎ ঈশ্বরে লক্ষ্য রাখিয়া, তাঁহার উপর অটল বিশ্বাস সহকারে নির্ভর করিয়া স্ব-স্ব কর্তব্য পথে চলি। যে কোন অবস্থায় সত্য ত্যাগ করা উচিত নহে—সত্যত্রষ্ট হইলেই অধঃপতন অবশ্যস্বাভাবী। সত্যরূপ কেহে ধ্রুব লক্ষ্য রাখিতে হইবে।

কও। আমরা সকলেই সৌরপরিষ্কারের এক একটি ক্ষুদ্র তারা, পরস্পরের আশ্রয়ের সূর্য।

গও। ঠিক। এবং যাহারা উক্ত সৌরপরিষ্কারের ন্যায় সূর্যে জীবন অতি-বাহিত করে, তাহারা ঈশ্বরের প্রিয়পাত্র।

কও। পরস্পরে একতা থাকিও একান্ত আবশ্যিক।

গও। হাঁ, কিন্তু এই ঐক্য যেন সত্যের উপর স্থাপিত হয়। একতার মূলে একটা মহৎ গুণ থাকা আবশ্যিক।

জাক। আমি বলি, একতার ভিত্তি ন্যায় বা প্রেম হইলে আরও ভাল হয়।

গও। ন্যায়পরাষণতা এবং প্রেমও সদগুণ বটে, কিন্তু উহাদের মাত্রাধিক্যে আবার অনিষ্টের সম্ভাবনা। যেমন সময় সময় কঠোর ন্যায় কোমল প্রেমের বিরোধী হয়; আবার প্রেমের আধিক্য ন্যায়কে দলিত কবে। বিচারক অত্যন্ত দয়ালু হইলে চল না, আবার ন্যায়বিচারে প্রকৃত প্রমাণ অভাবে অনেক সময় নির্দোষীর দণ্ড হয়। সত্যের কিন্তু অপব পৃষ্ঠা নাই—উহা স্বচ্ছ সূনিমল। এই জন্য বলি,—একতার ভিত্তি সত্য হউক।

জাক। বেশ! নমাজের সময় হইল,—চল এখন তোমাব কক্ষে!

গও। চল! নমাজে কিন্তু তুমি ইমাম হইবে।

জাক। না, তুমি ত আমার শ্রেষ্ঠতা স্বীকার কব না,—সুতরাং তুমি ইমাম হইবে।

গও। তবে মনে বাপিও,—সকল বিষয়ে আমি নেতা, তুমি অনুবর্তী।

জাক। না, তাহা হইবে না!

গও। তবে 'ব্যক্তিগত' স্বাধীনতা অবলম্বন কব।

জাক। তখান্ন! তুমি তোমাব কক্ষে উপাসনা কব—আমি আমার কক্ষে।

জাকর ও গওহর চলিয়া গেলে পব বন্দব বলিল “মাস্তা আমাদিগকে সৌর-জগৎ বলিয়া বিক্রম না কবিলে এত কথা জানিতে পারিতাম না।”

আখ। ঠিক! অদ্য আন্বা আমাদের জন্য কয়লা হইতে কোহেনুর বাহির করিয়াছেন।

কও। মনে রাখিও—আমরা সকলে সৌরপরিষ্কারের তারা।

সুলতানার স্বপ্ন *

একনা আমার শয়নকক্ষে আমার কেদারায় বসিয়া ভারত-লজনার জীবন সম্বন্ধে চিন্তা করিতেছিলাম,—আমাদের দ্বারা কি দেশের কোন ভাল কাজ হইতে পারে না?—এইসব ভাবিতেছিলাম। সে সময় মেঘমুক্ত আকাশে শারদীয় পূর্ণিমার শশধর পূর্ণগৌরবে গোধমান ছিল; কোটি লক্ষ তারকা শশীকে বেষ্টন করিয়া হীরক-প্ৰভায় দেখীপ্যমান ছিল। মুক্ত বাতায়ন হইতে কোমুদীস্নাত উদ্যানটি স্পষ্টই আমার দৃষ্টিগোচর হইতেছিল। এক একবার মৃদুস্বিচ্ছ সমীরণ শেফালি-গোরভ বহিয়া আনিয়া ঘরখানি আনোদিত করিয়া দিতেছিল। দেখিলাম, সুধাকরের পূর্ণ কান্তি, সুমিষ্ট কুমুমের সুমিষ্ট সৌরভ, সমীরণের সুমল হিলোল, রজতচন্দ্রিকা, ইহারা সকলে মিলিয়া আমার সাধের উদ্যানে এক অনির্বচনীয় স্বপ্নরাজ্য রচনা করিয়া ফেলিয়াছে। তৎক্ষণে আমি আনন্দে আত্মহারা হইলাম,—যেন জাগিয়াই স্বপ্ন দেখিতে লাগিলাম! ঠিক বলিতে পারি না আমি তৎক্ষণে হইয়াছিলাম কি না;—কিন্তু যতদূর মনে পড়ে, আমার বিশ্বাস আমি জাগ্রত ছিলাম।

সহসা আমার পার্শ্বে একটি ইউরোপীয় রমণীকে দণ্ডায়মান দেখিয়া বিস্মিত হইলাম। তিনি কি প্রকারে আসিলেন, বুঝিতে পারিলাম না। তাঁহাকে আমার পরিচিতা ‘ভগিনী সারা’ (Sister Sara) বলিয়া বোধ হইল। ভগিনী সারা “স্বপ্নভাত” বলিয়া আমাকে অভিবাদন করিলেন! আমি মনে মনে হাসিলাম,—এমন শুভ্র জ্যোৎস্না-প্লাবিত রজনীতে তিনি বলিলেন, “স্বপ্নভাত।” তাঁহার দৃষ্টিশক্তি কেমন? যাহা হউক, প্রকাশ্যে আমি প্রত্যুত্তরে বলিলাম,—
“আপনি কেমন আছেন?”

“আমি ভাল আছি, ধন্যবাদ। আপনি একবার আমাদের বাগানে বেড়াইতে আসিবেন কি?”

আমি মুক্ত-বাতায়ন হইতে আবার পূর্ণিমা-চন্দ্রের শ্রুতি চাহিলাম,—ভাবিলাম, ঐসময় যাইতে আপত্তি কি? চাকরেরা এখন গভীর নিদ্রামগ্ন; এই অবসরে ভগিনী সারার সমভিব্যাহারে বেড়াইয়া বেশ একটু আনন্দ উপভোগ করা বাইবে।

* বর্তমান বেশিভার Sultana's Dream গত ১৯০৫ খ্রীস্টাব্দে Indian Ladies' Magazine-এ প্রকাশিত হইয়াছিল।

দাজিলিং অবস্থানকালে আমি সর্বদাই ভগিনী সারার সহিত ভ্রমণ করিতাম। কত দিন উদ্ভিদ-কাননে (বোটানিকাল গার্ডেনে) বেড়াইতে বেড়াইতে উভয়ে লতা-পাতা সম্বন্ধে—কুলের লিঙ্গ-নির্ণয় সম্বন্ধে কত তর্ক-বিতর্ক করিয়াছি, সে সব কথা মনে পড়িল। ভগিনী সারা সম্ভবতঃ আমাকে তদ্রূপ কোন উদ্যানে লইয়া বাইবার নিমিত্ত আসিয়াছেন; আমি বিনা বাক্য ব্যয়ে তাঁহার সহিত বাহির হইলাম।

ভ্রমণকালে দেখি কি—এত সে জ্যোৎসাময়ী রজনী নহে!—এ যে দিব্য প্রভাত! নগরের লোকেরা জাগিয়া উঠিয়াছে, রাজপথে লোকে লোকারণ্য। কি বিপদ! আমি দিনের বেলায় এভাবে পথে বেড়াইতেছি! ইহা ভাবিয়া লজ্জায় জড়সড় হইলাম—যদিও পথে একজনও পুরুষ দেখিতে পাই নাই।

পথিকা স্ত্রীলোকেরা আমার দিকে চাহিয়া হাস্য পরিহাস করিতেছিল। আমি তাহাদের ভাষা না বুঝিলেও ইহা স্পষ্ট বুঝিলাম যে, তাহাদের উপহাসের লক্ষ্য বেচারী আমিই। সঙ্গিনীকে জিজ্ঞাসা করিলাম,—

“উহারা কি বলিতেছে?”

উত্তর পাইলাম,—“উহারা বলে যে, আপনি অনেকটা পুরুষ-ভাবাপন্ন।”

“পুরুষভাবাপন্ন। ইহার মানে কি?”

“ইহার অর্থ এই যে, আপনাকে পুরুষের মত ভীকু ও লজ্জানন্দ দেখায়!”

“পুরুষের মত লজ্জানন্দ!” এমন ঠাট্টা! একরূপ উপহাস ত কখন শুনি নাই। ক্রমে বুঝিতে পারিলাম, আমার সঙ্গিনী সে দাজিলিংবাসিনী ভগিনী সারা নহেন—ইহাকে আর কখনও দেখি নাই। ওহো! আমি কেমন বোকা—একজন অপরিচিতার সহিত হঠাৎ চলিয়া আসিলাম! কেমন একটু বিশ্রমে ও ভয়ে অভিভূত হইলাম। আমার সর্বাঙ্গ রোমাঞ্চিত ও ঈষৎ কম্পিত হইল। তাঁহার হাত ধরিয়া চলিতেছিলাম কি না, তিনি আমার হস্তকম্পন অনুভব করিয়া সশ্বেহে বলিলেন,—

“আপনার কি হইয়াছে? আপনি কাঁপিতেছেন যে!”

এরূপে ধরা পড়ায় আমি লজ্জিত হইলাম। ইতস্ততঃ করিয়া বলিলাম, “আমার কেমন একটু সঙ্কোচ বোধ হইতেছে; আমরা পর্দানশীন স্ত্রীলোক, আমাদের বিনা অবগুণ্ঠনে বাহির হইবার অভ্যাস নাই।”

“আপনার ভয় নাই—এখানে আপনি কোন পুরুষের সন্মুখে পড়িবেন না। এ দেশের নাম ‘নারীস্থান’ * এখানে স্বয়ং পুণ্য নারীবেশে রাজত্ব করেন।”

ক্রমে নগরের দৃশ্যাবলী দেখিয়া আমি অন্যমনস্ক হইলাম। বাস্তবিক পথের উভয় পাশ্বে স্থিত দৃশ্য অতিশয় রমণীয় ছিল। সূর্য্য অস্তর দর্শনে মনে হইল যেন ইতিপূর্বে আর কখন এত পরিষ্কার আকাশ দেখি নাই! একটি তৃণাচ্ছাদিত প্রাস্তর দেখিয়া ভ্রম হইল, যেন হরিৎ মখমলের গালিচা পাতা রহিয়াছে। সন্ধ্যাকালে আমার বোধ হইতেছিল, যেন কোমল মসনদের উপর বেড়াইতেছি,— ভূমির দিকে দৃকপাত করিয়া দেখি, পথটি শৈবালী ও বিবিধ পুষ্পে আবৃত! আমি তখন সাংস্পে বলিয়া উঠিলাম, “আহা! কি সুন্দর!”

ভগিনী সারা জিজ্ঞাসা করিলেন, “আপনি এ সব পসন্দ করেন কি?” (আমি তাঁহাকে ‘ভগিনী সারা’ই বলিতে থাকিলাম এবং তিনিও আমার নাম ধরিয়া সন্মোদন করিতেছিলেন।)

“হাঁ এসব দেখিতে বড়ই চমৎকার। কিন্তু আমি এ স্কুনার কুসুমস্তবক পদদলিত করিতে চাই না।”

“সে জন্য ভাবিবেন না, প্রিয় সুলতানা! আপনার পদস্পর্শে এ-কুলের কোন ক্ষতি হইবে না। এগুলি বিশেষ এক জাতীয় ফুল, ইহা রাজপথেই রোপণ করা হয়।”

দুইধারে পুষ্পচূড়াধারী পাদপশ্রেণী সহাস্যে শাখা দোলাইয়া দোলাইয়া যেন আমার অভ্যর্থনা করিতেছিল। দূরাগত কেতকী-সৌরভে দিক-পরিপূরিত ছিল। সে সৌন্দর্য্য ভাষায় ব্যক্ত করা দুঃসাধ্য—আমি মুগ্ধ নরনে চাহিয়া দেখিতে দেখিতে বলিলাম, “সমস্ত নগরখানি একটি কুণ্ডবনের মত দেখায়! যেন ইহা প্রকৃতি-রানীর লীলা-কানন! আপনাদের উদ্যান-রচনা-নৈপুণ্য অত্যন্ত প্রশংসনীয়।”

“ভারতবাসী ইচ্ছা করিলে কলিকাতাকে ইহা অপেক্ষা অধিক সুন্দর পুষ্পোদ্যানে পরিণত করিতে পারেন।”

“তাঁহাদিগকে অনেক গুরুতর কার্য করিতে হয়, তাঁহারা কেবল উপবনের উন্নতিকল্পে অধিক সময় ব্যয় করা অনাবশ্যক মনে করিবেন।”

“ইহা ছাড়া তাঁহারা আর কি বলিতে পারেন? জানেন ত অলসেরা অতিশয় বাক্‌পটু হয়!”

* “নারীস্থান” শব্দের অনুকরণে “নারীস্থান” বলা হইল। ইংরাণীতে “মেডী গ্যাণ্ড” বলা গিয়াছে।

আবার বড় আশ্চর্যবোধ হইতেছিল যে, দেশের পুরুষেরা কোথায় থাকে ? রাজপথে শতাধিক ললনা দেখিলাম, কিন্তু পুরুষ বলিতে একটি বালক পর্যন্ত দৃষ্টগোচর হইল না। শেষে কৌতুহল গোপন করিতে না পারিয়া জিজ্ঞাসা করিলাম, “পুরুষেরা কোথায় ?”

উত্তর পাইলাম, “যেখানে তাহাদের থাকা উচিত সেইখানে, অর্থাৎ তাহাদের উপযুক্ত স্থানে।”

ভাবিলাম, তাহাদের “উপযুক্ত স্থান” আবার কোথায়, আকাশে না পাতালে ? পুনরায় বলিলাম, “ক্ষয় করিবেন, আপনার কথা ভাল মতে বুঝিতে পারিলাম না। তাহাদের ‘উপযুক্ত স্থানের’ অর্থ কি ?”

“ওহো ! আমার কি ভয় !—আপনি আমাদের নিয়ম-আচার জ্ঞাত নহেন, একথা আমার মনেই ছিল না। এ দেশে পুরুষজাতি গৃহাভ্যন্তরে অবরুদ্ধ থাকে।”

“কি ! যেমন আমরা অন্তঃপুরে থাকি, সেই রূপ তাঁহারাও থাকেন না কি ?”

“হাঁ, ঠিক তদ্রূপই।”

“বাঃ ! কি আশ্চর্য ব্যাপার !” বলিয়া আমি উচ্চহাস্য করিলাম। ভগিনী সারাও হাসিলেন ! আমি প্রাণে বড় আশঙ্কিত পাইলাম ;—পৃথিবীতে অন্ততঃ এমন একটি দেশও আছে, যেখানে পুরুষজাতি অন্তঃপুরে অবরুদ্ধ থাকে ! ইহা ভাবিয়া অনেকটা সান্ধ্বনা অনুভব করা গেল !

তিনি বলিলেন, “ইহা কেমন অন্যায়, যে নিরীহ রমণী অন্তঃপুরে আবদ্ধ থাকে, আর পুরুষেরা মুক্ত স্বাধীনতা ভোগ করে। কি বলেন, সুলতানা, আপনি ইহা অন্যায় মনে করেন না ?”

আমি আজ্ঞা অন্তঃপুরবাসিনী, আমি এ প্রপাণ্ডে অন্যায় মনে করিব কিরূপে ? প্রকাশ্যে বলিলাম,—“অন্যায় কিসের ? রমণী স্বভাবতঃ দুর্বলা, তাহাদের পক্ষে অন্তঃপুরের বাহিরে থাকা নিরাপদ নহে।”

“হাঁ, নিরাপদ নহে ততদিন,—যতদিন পুরুষজাতি বাহিরে থাকে ! তা কোন বন্য জন্ত কোন একটা গ্রামে আসিয়া পড়িলেও ত সে গ্রামখানি নিরাপদ থাকে না। কি বলেন ?”

“তাহা ঠিক ; হিংস্রজন্তুটা ধরা না পড়া পর্যন্ত গ্রামখানি নিরাপদ হইতে পারে না।”

“মনে করুন, কতকগুলি পাগল যদি বাতলাশ্রম হইতে বাহির হইয়া পড়ে, আর তাহারা অশু, পবাদি—এমন কি ভাল মানুষের প্রতিও নানা প্রকার উপদ্রব উপস্থাপন আরম্ভ করে, তবে ভারতবর্ষের লোকে কি করিবে ?”

“তবে তাহারা পাগলজনিকে ধরিয়া পুনরায় বাতুলদ্বায়ে আবদ্ধ করিতে প্রয়াস পাইবে।”

“কে! বুদ্ধিমান লোককে বাতুলানয়ে আবদ্ধ রাখিয়া দেশের সমস্ত পাগলকে মুক্তি দেওয়ারটা বোধ হয় আপনি ন্যায়সঙ্গত মনে করেন না?”

“অবশ্যই না! শাস্তিশিষ্ট লোককে বন্দী করিয়া পাগলকে মুক্তি দিবে কে?”

“কিন্তু কার্যতঃ আপনাদের দেশে আমরা ইহাই দেখিতে পাই! পুরুষেরা—যাহারা নানা প্রকার দুষ্টামী করে, বা অন্ততঃ করিতে সক্ষম, তাহারা দিব্য স্বাধীনতা ভোগ করে, আর নিরীহ কোমলাঙ্গী অবলারা বগিনী থাকে! অশিক্ষিত অমাজিতকৃষ্টি পুরুষেরা বিনা শৃঙ্খলে থাকিবার উপযুক্ত নহে। আপনারা কিরূপে তাহাদিগকে মুক্তি দিয়া নিশ্চিন্ত থাকেন?”

“জ্ঞানেন, ভগিনী সারা! সামাজিক বিধিব্যবস্থার উপর আমাদের কোন হাত নাই। ভারতে পুরুষজাতি প্রভু,—তাহারা সমুদয় সুখ-সুবিধা ও প্রভুত্ব আপনাদের জন্য হস্তগত করিয়া ফেলিয়াছে, আর সরলা অবলাকে অন্তঃপুর রূপ পিঞ্জরে রাখিয়াছে! উড়িতে শিখিবার পূর্বেই আমাদের ডানা কাটিয়া দেওয়া হয়—তথ্যতীত সামাজিক রীতিনীতির কত শত কঠিন শৃঙ্খল পদে পদে জড়াইয়া আছে।”

“তাই ত! আমার বলিতে ইচ্ছা হয়,—‘দোষ কার, বন্দী হয় কে!’
কিন্তু বলি, আপনারা ওসব নিগড় পরেন কেন?”

“না পরিয়া করি কি? ‘জোর যার মুলুক তার’; যাহার বল বেশী, সেই স্বামিত্ব করিবে—ইহা অনিবার্য।”

“কেবল শারীরিক বল বেশী হইলেই কেহ প্রভুত্ব করিবে, ইহা আমরা স্বীকার করি না। সিংহ কি বলে বিক্রমে মানবাপেক্ষা শ্রেষ্ঠ নহে? তাই বলিয়া কি কেশরী মানবজাতির উপর প্রভুত্ব করিবে? আপনাদের কর্তব্যের জ্ঞান হইয়াছে, সন্দেহ নাই। আপনারা সমাজের উপর কর্তৃত্ব ছাড়িয়া একাধারে নিজের প্রতি অত্যাচার এবং স্বদেশের অনিষ্ট দুই-ই করিয়াছেন। আপনাদের কল্যাণে সমাজ আরও উন্নত হইত—আপনাদের সাহায্য অভাবে সমাজ অর্দ্ধেক শক্তি হারাইয়া দুর্বল ও অবনত হইয়া পড়িয়াছে।

“সুন্নু ভগিনী সারা! যদি আমরাই সংসারের সমুদয় কার্য করি, তবে পুরুষেরা কি করিবে?”

“তাহারা কিছুই করিবে না,—তাহারা কোন ভাল কাজের উপযুক্ত নহে। তাহাদিগকে ধরিয়া অন্তঃপুরে বন্দী করিয়া রাখুন।”

“কিন্তু ক্ষমতাশালী নরবরদিগকে চতুষ্প্রাচীরের অভ্যন্তরে বন্দী করা কি সম্ভব, না সহজ ব্যাপার? আর তাহা যদিই সম্ভব হয়, তবে দেশের যাবতীয় কার্ণি যথা রাজকার্য, বাণিজ্য ইত্যাদি সকল কাজই অন্তঃপুরে অগ্রয় গ্রহণ করিবে যে।”

এবার ভগিনী সারা কিছু উত্তর দিলেন না, সম্ভবতঃ আবার ন্যাক্স অজ্ঞান ভয়নাচছন্দ অবলার সহিত তর্ক করা তিনি অনাবশ্যক মনে করিলেন।
ক্রমে আমরা ভগিনী সারার গৃহতোরণে উপনীত হইলাম। দেখিলাম, বাড়ীখানি একটি বৃহৎ হৃদয়াকৃতি উন্মাদনের মধ্যস্থলে অবস্থিত। এ ভাষাট কি চমৎকার!—বরিত্রী জননীর হৃদয়ে মানবের বাসভবন। বাড়ী বলিতে, একটি টানের বাঙ্গালা মাত্র; কিন্তু সৌন্দর্যে ও নৈপুণ্যে ইহার নিকট আমাদের দেশের বড় বড় রাজপ্রাসাদ পরাজিত। সাজ সজ্জা কেমন নয়নাভিরাম ছিল; তাহা ভাষায় বর্ণনীয় নহে—তাহা কেবল দেখিবার জিনিস।

আমরা উভয়ে পাশাপাশি উপবেশন করিলাম। তিনি সেনাই করিতে আরম্ভ করিলেন; একটি ঝঙ্কিপোষে রেশমের কাজ করা হইতেছিল। তিনি আমাকে জিজ্ঞাসা করিলেন, আমিও সেনাই জানি কিনা। আমি বলিলাম,—
“আমরা অন্তঃপুরে থাকি, সেনাই ব্যতীত অন্য কাজ জানি না।”

“কিন্তু এদেশের অন্তঃপুরবাসীদের হাতে আমরা কারচোবের কাজ দিয়া বিশ্বাস করিতে পারি না! এই বলিয়া তিনি হাসিলেন, “পুরুষদের এতখানি সহিষ্ণুতা কই যে তাহারা ধৈর্যের সহিত চুঁচে সূতা পরাইনে?”

তাহা শুনিয়া আমি বলিলাম, “তবে কি কারচোবের কাজগুলি সব আপনাই করিয়াছেন?” তাহার ঘরে বিবিধ ত্রিপদীর উপর নানা প্রকার সলমা চুমকির কারুকর্ষখচিত বস্ত্রাবরণ ছিল।

তিনি বলিলেন, “হঁ, এ সব আমারই স্বহস্ত প্রস্তুত।”

“আপনি কিরূপে সময় পান? আপনাকে ত অফিসের কাজও করিতে হয়, না? কি বলেন?”

“হঁ। তা আমি সমস্ত দিন রসায়নাগারে আবদ্ধ থাকি না। আমি দুই ঘণ্টার দৈনিক কর্তব্য শেষ করি।”

‘দুই ঘণ্টায়। আপনি এ কি বলেন?—দুই ঘণ্টায় আপনার কার্য শেষ হয়। আমাদের দেশে রাজকর্মচারীগণ—যেমন মাজিস্ট্রেট, ম্যুন্সিফ, জজ প্রমুখ প্রতিদিন ৭ ঘণ্টা কাজ করিয়া থাকেন।’

‘আমি ভারতের রাজপুরুষদের কার্যপ্রণালী দেখিয়াছি। আপনি কি মনে করেন যে, তাঁহারা সাত আট ঘণ্টাকাল অনবরত কাজ করেন?’

‘নিশ্চয়। বরং এতদপেক্ষা অধিক পরিশ্রমই করেন।’

‘না প্রিয় সুলতানা। ইহা আপনার ভ্রম। তাঁহারা অলসভাবে বেত্রাসনে বসিয়া ধুমপানে সময় অতিবাহিত করেন। কেহ আবার অফিসে থাকিয়া ক্রমাগত দুই তিনটি চুরুট ধবংস করেন। তাঁহারা মুখে বত বলেন, কার্যতঃ তত করেন না। রাজপুরুষেরা যদি কিছু করেন, তাহা এই যে, কেবল তাঁহাদের নিম্নতম কর্মচারীদের ছিজ্রাগ্লেষণ। মনে করুন একটি চুরুট ভস্মীভূত হইতে অর্ধঘণ্টা সময় লাগে, আর কেহ দৈনিক ১২টি চুরুট ধবংস করেন, তবে সে ভস্মলোকটি প্রতিদিন ধুমপানে মাত্র ছয় ঘণ্টা সময় ব্যয় করেন।’

তাই ত। অথচ ব্রাহ্মসেবাদয়গণ জীবিকা অর্জন করেন, এই অহঙ্কারেই বাঁচেন না! ভগিনী সারার সহিত বিবিধ প্রসঙ্গ হইল। শুনিলাম, তাঁহাদের নারীস্বান কখনও মহামারী রোগে আক্রান্ত হয় না। আর তাঁহারা আমাদের ন্যায় হলধর মশার দংশনেও অধীর হন না! বিশেষ একটি কথা শুনিয়া আমি অত্যন্ত বিস্মিত হইলাম,—নারীস্বানে নাকি কাহারও অকাল-মৃত্যু হয় না। তবে বিশেষ কোন দুর্ঘটনা হইলে লোকের অপ্রাপ্ত বয়সে মরে, সে স্বতন্ত্র কথা। ভগিনী সারা আবার হিন্দুস্থানের অসংখ্য শিশুর মৃত্যু সংবাদে অবাক হইলেন! তাঁহার মতে যেন এই ঘটনা সর্বাপেক্ষা অসম্ভব! তিনি বলিলেন, যে প্রদীপ সবে মাত্র তৈল সলিতা যোগে জ্বলিতে আরম্ভ করিয়াছে, সে কেন (তৈল বর্তমানে) নির্বাণিত হইবে। যে নব কিশলয় সবে মাত্র অঙ্কুরিত হইয়াছে, সে কেন পূর্ণতাপ্রাপ্তির পূর্বে ঝরিবে।

ভারতের প্লেগ সম্বন্ধেও অনেক কথা হইল; তিনি বলিলেন, ‘প্লেগ টেলিগ কিছুই নহে—কেবল দুভিক প্রপীড়িত লোকেরা নানা রোগের আধার হইয়া পড়ে। একটু অনুধাবন করিলে স্পষ্ট প্রতীয়মান হয়, গ্রাম অপেক্ষা নগরে প্লেগে বেশী,—নগরের ধনী অপেক্ষা নির্ধনের ঘরে প্লেগ বেশী হয়, এবং প্লেগে দরিদ্র পুরুষ অপেক্ষা দরিদ্র রমণী অধিক মারা যায়। স্বতরাং বেশ বুঝা যায়, প্লেগের মূল কোথায়—মূল কারণ ঐ অনুভাব। আমাদের এখানে প্লেগ বা ম্যালেরিয়া আসুক ত দেখি।’

ডাই উ, ধনবান্ধনশূন্য নারীস্বাধীনতা সংগ্রামে কিবা স্বেচ্ছায় অত্যাচার হইবে কেন? স্ত্রীস্বাধীনতা উন্নয়ন সংগ্রামে কিবা স্বেচ্ছায় অত্যাচার হইবে কেন? স্ত্রীস্বাধীনতা উন্নয়ন সংগ্রামে কিবা স্বেচ্ছায় অত্যাচার হইবে কেন? স্ত্রীস্বাধীনতা উন্নয়ন সংগ্রামে কিবা স্বেচ্ছায় অত্যাচার হইবে কেন?

অতঃপর তিনি আমাকে তাঁহাদের রক্তশোষণ দেখাইবার জন্য লইয়া গেলেন। অবশ্য কথাবিধি পূর্ণ করিয়া যাওয়া হইয়াছিল। একি রক্ত-গৃহ, না নন্দন-কানন? রক্তশোষণ চতুর্দিকে সর্বত্র বাগান এবং নানাপ্রকার তরিতর-কারীর লতাগুল্মের পশুপূর্ণ। যবের ভিতর ধূম বা ইন্ধনের কোন চিহ্ন নাই,— মেজেখানি অমলধবল মর্মর প্রস্তম-নির্মিত; মুক্ত বাতায়নগুলি সদ্য প্রস্ফুটিত পুষ্পদামে রুসজ্জিত। আমি সবিস্ময়ে জিজ্ঞাসা করিলাম—

“আপনারা এখানে কিরূপে? কোথাও ত অগ্নি আলিবার স্থান দেখিতেছি না?”

তিনি বলিলেন, “সূর্যোদয়ে রাগা হয়।” অতঃপর কি প্রকারে সৌরকর একটা নলেব ভিতর দিয়া আইসে, সেই নলটা তিনি আমাকে দেখাইলেন। কেবল ইহাই নহে; তিনি তৎক্ষণাৎ এক পাত্র ব্যঞ্জন (যাহা পূর্ব হইতে তথায় রন্ধনের নিমিত্ত প্রস্তুত ছিল) বা খিচা আমাকে সেই অল্পত রন্ধনপ্রণালী দেখাইলেন।

আমি কৌতুহলক্রান্ত হইয়া জিজ্ঞাসা করিলাম, “আপনারা সৌবোতাপ সংগ্রহ করেন কি প্রকারে?”

তিনি বলিলেন, “কি রূপে সৌরকর আমাদের করায়ত্ত হইয়াছে, তাহার ইতিহাস শুনিবেন? ত্রিশ বৎসর পূর্বে যখন আমাদের বর্তমান মহারানী সিংহাসনপ্রাপ্ত হন, তখন তিনি ত্রয়োদশ বর্ষীয়া বালিকা ছিলেন। তিনি নামভঃ রানী ছিলেন, প্রকৃত পক্ষে প্রধান মন্ত্রী রাজ্য-শাসন করিতেন।

“মহারানী বাল্যকাল হইতেই বিজ্ঞান-চর্চা কবিত্তে ভাববাগিতেন। সাধারণ রাজকন্যাদের ন্যায় তিনি বৃথা সময় যাপন করিতেন না। একদিন তাহার খেলার হইল যে, তাহার রাজ্যের সমুদয় স্ত্রীলোকই স্বশিক্ষাপ্রাপ্ত হউক। মহারানীর খেলার,—সে খেলার তৎক্ষণাৎ কার্যে পরিণত হইল। অচিরে গবর্নমেন্ট পক্ষ হইতে অসংখ্য বালিক-স্কুল স্থাপিত হইল। এমন কি পল্লীগ্রামেও উচ্চশিক্ষার অমিয় প্রোত প্রবাহিত হইল। শিক্ষার বিষয় জ্যোতিতে কুসংস্কাররূপ অন্ধকার স্ত্রীবাচিত হইতে লাগিল, এবং বাল্যবিবাহ-প্রথাও রহিত হইল। একশ বৎসর বয়ঃক্রমের পূর্বে কোন কন্যার বিবাহ হইতে পারিবে না।—এই আইন হইল। আর এক কথা এই পরিবর্তনের পূর্বে আরয়াও আপনাদের মত কঠোর অবরোধে বলিনী থাকিতাম।”

“এখন কিছু বিশ্রীতে অবস্থা।” এই বলিয়া আর্মি হাসিলেন।

“কিন্তু জীলোক ও পুরুষের মধ্যে ব্যবধান সেই প্রকারই আছে! কতদিন তাঁহারা বাহিরে, আমরা ঘরে ছিলাম; এখন তাঁহারা ঘরে, আমরা বাহিরে আছি! পরিকর্তন প্রকৃতিরই নিয়ম! কয়েক বৎসরের মধ্যে আমাদের স্বতন্ত্র বিশ্ববিদ্যালয় হইল; তথ্য বালকদের প্রবেশ নিষেধ ছিল।”

“আমাদের পৃষ্টপোষিকা স্বয়ং মহারানী,—আর কি কোন অভাব থাকিতে পারে। অবলাগণ অত্যন্ত নিবিষ্টচিত্তে বিজ্ঞান আলোচনা আবস্ত করিলেন। এই সময় রাজধানীর একতর বিশ্ববিদ্যালয়ের মডেল-প্রিন্সিপ্যাল একটি অভিনব বেলুন নির্মাণ করিলেন; এই বেলুনে কতগুলি নল সংযোগ করা হইল। বেলুনাট শূন্য মেঘের উপর স্থাপন করা গেল,—বায়ুর আর্দ্রতা ঐ বেলুনে সংগ্রহ করিবার উপায় ছিল,— এইরূপে জলধরকে কাঁকি দিয়া তাঁহারা বৃষ্টিজল করায়ত্ত করিলেন। বিদ্যালয়ব লোকেরা সর্বদা ঐ বেলুনের সাহায্যে জল গ্রহণ করিত কি না, তাই আর স্বেশমালায় আকাশ আচ্ছন্ন হইতে পারিত না। এই অদ্ভুত উপায়ে বুদ্ধিমতী লেডী প্রিন্সিপ্যাল প্রাকৃতিক ঋতুভ্রষ্ট নিবারণ করিলেন।

ধটে? তাই আপনাদের এখানে পথে কদম দেখিলাম না।” কিন্তু আর্মি কিছুতেই বুঝিতে পারিলাম না,—নলের ভিতর বায়ুর আর্দ্রতা কিরূপে আবদ্ধ থাকিতে পারে; আর ঐরূপে বায়ু হইতে জল সংগ্রহ কবাই বা কিরূপে সম্ভব। তিনি আমাকে ইহা বুঝাইতে অনেক চেষ্টা করিলেন, কিন্তু আমান যে বুদ্ধি—তাহাতে আবার বিজ্ঞান বসায়নের সঙ্গে আমাদের (অর্থাৎ মোসলেন ললনাদের) কোন পুরুষে পবিচয় নাই। স্মতবাং ভগিনী সাবাব বাখ্যা কোন মতেই আমার বোধগম্য হইল না। যাহা হউক তিনি বলিয়া যাঁহাতে রাগিলেন।

“দ্বিতীয় বিশ্ববিদ্যালয় এই জলধব-বেলুন দর্শনে অতীব বিস্মিত হইল,—অতিহিংসার * তাহার উচ্চাকাঙ্ক্ষা সহগ্রাণ বর্জিত হইল। প্রিন্সিপ্যাল মনস্থ করিলেন যে, এমন কিছু অসাধারণ বস্তু সৃষ্টি করা চাই, যাহাতে কান্টনিনী বিজয়ী বিদ্যালয়কে পরাভূত করা যায়। তাঁহারা অল্পকাল মধ্যে একটি যন্ত্র নির্মাণ করিলেন, তদ্বারা সুর্যোত্তাপ সংগ্রহ করা যায়। কেবল ইহাই নহে, তাঁহারা প্রচুর পরিমাণে ঐ উত্তাপ সংগ্রহ করিয়া রাখিতে এবং ইচ্ছামত যথা
১০৭১ সিক্কেরে করিতে পারেন।”

* হিংসাবৃত্তি কি বাস্তবিক বড় দোষনীয়? কিন্তু হিংসা না থাকিলে প্রতিদ্বন্দ্বিতা, তার ইচ্ছা হয় কই? এই হিংসাই ত মানবকে উন্নতির দিকে অর্কর্ষণ করে। তবে দেশকাল স্তরে ঈর্ষার পডন হয়, সত্য। তা যে কোন মনোবৃত্তির মাত্রাধিক্যই অনিষ্ট হয়; সকল বিষয়েরই সীমা আছে।

“সংকালে এদেশের রমণীস্বন্দ নানাবিধ বৈজ্ঞানিক অনুশীলনে নিযুক্ত ছিলেন, পুরুষেরা তখন সৈনিক বিভাগের বলবৃদ্ধির চেষ্টায় ছিলেন। যখন নর-বীরগণ স্তম্ভিত পাইলেন যে, জেনানা বিশ্ববিদ্যালয়স্বরূপ হইতে জল গ্রহণ করিতে এবং স্বর্ষোত্তাপ সংগ্রহ করিতে পারে, তাহারা তাচ্ছিল্যের ভাবে হাসিলেন। এমন কি তাহারা বিদ্যালয়ের সমুদয় কার্যপ্রণালীকে ‘স্বপ্ন-কল্পনা’ বলিয়া উপহাস করিতেও বিরত হন নাই।”

‘আমি বলিলাম, আপনাদের কার্যকলাপ বাস্তবিক অত্যন্ত বিস্ময়কর। কিন্তু এখন বলুন দেখি, আপনারা পুরুষদের কি প্রকারে অস্তঃপুরে বন্দী করিলেন? কোনরূপ ফাঁদ পাতিয়াছিলেন না কি?’

ভগিনী বলিলেন, “না”।

“তাহারা যে নিজে হারা দিবেন ইহাও ত সম্ভব নয়। মুক্ত স্বাধীনতার জলাঞ্জলি দিয়া স্বৈচ্ছায় চতুষ্প্রাচীরের অভ্যন্তরে বন্দী হইবে কোন পাগল? তবে অবশ্যই পুরুষেরা কোনরূপে আপনাদের হারা পরাভূত হইয়াছিলেন।”

“হাঁ, তাই বটে”!

কে প্রথমে পুরুষ-প্রবরদের পরাভূত করিল,—সম্ভবতঃ কতিপয় নারীযোদ্ধা?

“না এদেশের পুরুষদল বাহুবলে পরাস্ত হয় নাই।”

হাঁ ইহা অসম্ভবও বটে, কারণ পুরুষের বাহু নারীর বাহু অপেক্ষা দুর্বল নহে। তবে?

“মস্তিষ্ক-বলে”।

“তাহাদের মস্তিষ্কও ত রমণীর তুলনায় বৃহত্তর ও গুরুতর। না?—

কি বলেন?”

মস্তিষ্ক গুরুতর হইলেই কি? হস্তীর মস্তিষ্কও ত মানবের তুলনায় বৃহৎ এবং ভারী, তবু ত মানুষ হস্তীকে শৃঙ্খলাবদ্ধ করিয়াছে।”

“ঠিক ত। কিন্তু কি প্রকারে কর্তারা বন্দী হইলেন, একথা জানিবার জন্য আমি বড় উৎসুক হইয়াছি। দীর্ঘ বলুন, আর বিলম্ব সহে না।”

স্রীলোকের মস্তিষ্ক পুরুষের অপেক্ষা ক্ষিপ্ৰকারী, একথা অনেকেই স্বীকার করেন। পুরুষ কোন সিদ্ধান্তে উপনীত হইবার পূর্বে অনেক ভাবে—অনেক যুক্তি-তর্কের সাহায্যে বিষয়টি বোধগম্য করে। কিন্তু রমণী বিনা চিন্তায় হঠাৎ সেই সিদ্ধান্তে উপনীত হয়। যাহা হউক দশ বৎসর পূর্বে যখন সৈনিক বিভাগের কর্মচারীগণ আমাদের বৈজ্ঞানিক গবেষণা ইত্যাদিকে ‘স্বপ্ন-কল্পনা’ বলিয়া উপহাস করিয়াছিলেন, তখন কতিপয় ছাত্রী অস্তুরে কিছু বলিতে চাহিয়াছিলেন, কিন্তু উভয় বিশ্ববিদ্যালয়ের লেডী প্রিন্সিপ্যালস্বরূপ বাধা দিলেন।

তাহারা বলিলেন যে, তোমরা বাক্যে উত্তর না দিয়া সুযোগ পাইলে কার্য ঘারা উত্তর দিও। ঈশুর কৃপায় এই উত্তর দিবার সুযোগের জন্য ছাত্রীদিগকে অধিক দিন অপেক্ষা করিতে হয় নাই।”

“ভারী আশ্চর্য।” আমি অতি আনন্দে আত্মসম্বরণ করিতে না পারিয়া করতালি দিয়া বলিলাম, “এখন দাস্তিক উদ্রলোকেরা অন্তঃপুরে বসিয়া ‘স্বপ্ন-কল্প-নায়’ বিভোর রহিয়াছেন।”

ভগিনী সারা বলিয়া যাইতে লাগিলেন—

“কিছুদিন পরে কয়েকজন বিদেশী লোক এদেশে আসিয়া আশ্রয় লইল। তাহারা কোন প্রকার রাজনৈতিক অপরাধে অভিযুক্ত ছিল। তাহাদের রাজা ন্যায়-সংস্কৃত সুরাসন বা সুরবিচারের পক্ষপাতী ছিলেন না, তিনি কেবল স্বামীত্ব ও অপ্রতিহত বিক্রম প্রকাশে তৎপর ছিলেন। তিনি আনাদের সহৃদয় মহারানীকে ঐ আসামী ধরিয়া দিতে অনুরোধ করিলেন। কিন্তু মহারানী ত দয়া-প্রতিমা জননীর জাতি—স্বতন্ত্রাং তিনি তাঁহার আশ্রিত হতভাগ্যদিগকে ক্রুদ্ধ রাজার শোণিত-পিপাসা নিবৃত্তির জন্য ধরিয়া দিলেন না। প্রবল ক্ষমতাসালী রাজা ইহাতে ক্রোধান্বিত হইয়া আনাদের সহিত যুদ্ধ করিতে প্রস্তুত হইলেন।

“আমাদের রণসজ্জাও প্রস্তুত ছিল, সৈন্য সেনানীগণও নিশ্চিত ছিলেন না। তাঁহারা বিরোচিত উৎসাহে শত্রু সম্মুখীন হইলেন। তুমুল সংগ্রাম বাঁধিল, রক্ত গঙ্গায় দেশ ডুবিয়া গেল! প্রতিদিন যোদ্ধাগণ অল্মান বদনে পতঙ্গপ্রায় সমরানলে প্রাণ বিসর্জন দিতে লাগিল।

“কিন্তু শত্রু পক্ষ অত্যন্ত প্রবল ছিল, তাহাদের গতিরোধ করা অসম্ভব হইয়া পড়িল। আমাদের সেনাদল প্রাণপণে কেশরী বিক্রমে যুদ্ধ করিয়াও শনে: শনে: পশ্চাদবর্তী হইতে লাগিল, এবং শত্রুগণ ক্রমশ: অগ্রসর হইল।”

“কেবল বেতনভোগী সেনা কেন, দেশের ইতর-ভদ্র—সকল লোকই যুদ্ধক্ষেত্রে উপস্থিত হইল। এমন কি ৬০ বৎসরের বৃদ্ধ হইতে ঘোড়শব্দীয় বালক পর্যন্ত সমরশায়ী হইতে চলিল। কতিপয় পুথান সেনাপতি নিহত হইলেন; অসংখ্য সেনা প্রাণ হারাইল; অবশিষ্ট যোদ্ধাগণ বিভাঙিত হইয়া পৃষ্ঠপ্রদর্শনে বাধ্য হইল। শত্রু এখন রাজধানী হইতে মাত্র ১২।১৩ ক্রোশ দূরে অবস্থিত। আর দুই চারি দিবসের যুদ্ধের পরেই তাঁহারা রাজধানী আক্রমণ করিবে।”

“এই সঙ্কট সময়ে সগ্রাজ্ঞী জনকতক বুদ্ধিমতী মহিলাকে লইয়া সভা আহ্বান করিলেন। এখন কি করা কর্তব্য ইহাই সভার আলোচ্য বিষয় ছিল।

“কেহ প্রজ্ঞা করিলেন যে, স্বাভিমন্ত কুক করিতে করিতে বাইতবস, অন্য দল বলিলেন যে, ইহা অসম্ভব—কারণ একে ত অবলারা সমস্তকৈপুণ্যে অনভিজ্ঞ, তাহাতে আবার কৃপাণ, তোষাদান, কলুক ধারনেও অক্ষম, জুস্তীম দল বলিলেন যে, যুদ্ধ-নৈপুণ্য দূরে থাকুক—রক্ষণীয় শারীরিক দুর্বলতাই প্রধান অন্তরায়।”

“মহারানী বলিলেন,” যদি আপনারা বাহুবলে দেশরক্ষা করিতে না পারেন, তবে মস্তিষ্কবলে দেশরক্ষার চেষ্টা করুন।”

“সকলে নিরুত্তর, সভাস্থল নীরব। মহারানী মৌনভঙ্গ করিয়া পুনরায় বলিলেন, “যদি দেশ ও সম্ভ্রম রক্ষা করিতে না পারি, তবে আমি নিশ্চয় আত্মহত্যা করিব।”

“এইবার দ্বিতীয় বিশ্ববিদ্যালয়ের লেডী প্রিন্সিপ্যাল (যিনি সৌরকর করায়ত্ত করিয়াছেন) উত্তর দিলেন। তিনি এতক্ষণে নীরবে চিন্তা করিতে-ছিলেন—এখন অতি ধীরে গম্ভীরভাবে বলিলেন যে, বিজয় লাভের আশা-ভরসা ত নাই,—শত্রু প্রায় গৃহ-তোরণে। তবে তিনি একটি সংকল্প স্থির করিয়া-ছেন—যদি এই উপায়ে শত্রু পরাজিত হয়, তবে ত স্বর্ধের বিষয়। এই উপায় ইতিপূর্বে আর কেহ অবলম্বন করে নাই—তিনিই প্রথমে এই উপায়ে শত্রু ভয়ের চেষ্টা করিবেন। এই তাঁহার শেষ চেষ্টা—যদি এই উপায়ে কৃতকার্য হওরা না যায়, তবে অবশ্য সকলে আত্মহত্যা করিবেন। উপস্থিত মহিলাবৃন্দ দৃঢ়প্রতিজ্ঞা করিলেন যে, তাঁহা বা কিছুতেই দাসত্ব-শৃঙ্খল পরিবেন না। সেই গভীর নিস্তব্ধ রজনীতে মহারানীর সভাগৃহ অবলাকণ্ঠেব প্রতিজ্ঞা ধ্বনিত পুনঃ পুনঃ প্রতিধ্বনিত হইল। প্রতিধ্বনী ততোধিক উল্লাসের স্বরে বলিল, আত্মহত্যা করিব।” সে যেন ততোধিক তোজোব্যঞ্জক স্বরে বলিল, “বিদেশীয়’ অধীনতা স্বীকার করিব না।”

“সম্রাজ্ঞী তাঁহাদিগকে আন্তরিক ধন্যবাদ দিলেন এবং লেডী প্রিন্সিপ্যালকে তাঁহার নূতন উপায় অবলম্বন করিতে অনুরোধ করিলেন।

লেডী প্রিন্সিপ্যাল পুনরায় দণ্ডায়মান হইয়া সসম্ভ্রমে বলিলেন, “আমরা যুদ্ধবাত্রা করিবার পূর্বে পুরুষদের অন্তঃপুরে প্রবেশ করা উচিত। আমি পর্দার অনুরোধে এই প্রার্থনা করি।” মহারানী উত্তর করিলেন, “অবশ্য। তাহা ত হইবেই।”

“পর দিন মহারানীর আদেশপত্রে দেশের পুরুষদিগকে জ্ঞাপন করা

হইল, যে অবলারা যুদ্ধযাত্রা করিবেন, সে জন্য সমস্ত নগরে পর্দা হওয়া উচিত। সুভারঃ স্বদেশ ও স্বাধীনতা রক্ষার অনুরোধে পুরুষদের অন্তঃপুরে থাকিতে হইবে।

“অবলার যুদ্ধযাত্রার কথা শুনিয়া তদ্বলোকেরা প্রথমে হাস্য সম্বরণ করিতে পারিলেন না: পরে ভাবিলেন, ‘মন্দ কি?’ তাঁহারা আহত এবং অত্যন্ত গ্রাস্ত ক্লান্ত ছিলেন—যুদ্ধে আর রুচি ছিল না, কাজেই মহারানীর এই আদেশকে তাঁহারা ঈশ্বর-প্ৰেরিত শুভ আশীর্বাদ মনে করিলেন। মহারানীকে ভক্তি সহকারে নমস্কার করিয়া তাঁহারা বিনাবাক্য ব্যয়ে অন্তঃপুরে অশ্রয় লইলেন। তাঁহাদের দৃঢ়বিশ্বাস ছিল যে, দেশরক্ষার কোন আশা নাই—মরণ তিনু গত্যন্তর নাই। দেশের ভঞ্জিত কন্যাগণ সমরচ্ছলে মৃত্যু আলিঙ্গন করিতে যাইতেছেন, তাহাদের এই অস্তিম বাসনায় বাধা দেওয়ার প্রয়োজন কি? শেষটা কি হয়, দেখিয়া দেশভক্ত সম্ভ্রান্ত পুরুষগণও আত্মহত্যা করিবেন।”

“অন্তঃপুর লেডী প্রিন্সিপ্যাল দুই সহস্র ছাত্রী সমভিব্যাহারে সমর-প্রাঙ্গনা-ভিমুখে যাত্রা করিলেন—”

আমি বাধা দিয়া বলিলাম, ‘দেশের পুরুষদিগকে ত পর্দার অনুরোধে জেনানায় বন্দী করিলেন, যুদ্ধক্ষেত্রে শত্রু পক্ষের বিরুদ্ধে পর্দার আয়োজন করিলেন কিরূপে? উচ্চ প্রাচীরের ছিদ্র দিয়া গুলীবর্ষণ করিয়াছিলেন না কি?’

“না ভাই! বন্দুক-গুলী ত নারী যোদ্ধাদের সঙ্গে ছিল না, অস্ত্রধারা যুদ্ধজয়ের সম্ভাবনা থাকিলে আর বিদ্যালয়ের ছাত্রীর প্রয়োজন ছিল কি? আর শত্রুর বিরুদ্ধে পর্দাব বন্দোবস্ত করিবার আবশ্যক ছিল না—যেহেতু তাহারা অনেক দূরে ছিল; বিশেষতঃ তাহারা আমাদের দিকে দৃষ্টিপাত করিতেই অক্ষম ছিল।”

আমি রঙ্গ করিয়া বলিলাম,—“হয়ত রণভূমে মৃত্তি মতী সৌদামিনীদের প্রভা দর্শনে তাহাদেরই নয়ন ঝলসিয়া গিয়াছিল—”

“তাহাদের নয়ন ঝলসিয়াছিল সত্য, কিন্তু সৌদামিনীর প্রভায় নয়,—স্বয়ং তপনের পুংকর কিরণে।”

“বটে? কি প্রকারে? আর আপনারা বিনা অস্ত্রে যুদ্ধ করিলেন কিরূপে?”

“যোদ্ধার সঙ্গে সেই সূর্য্যোস্তাপ-সংগ্রহের যন্ত্র ছিল মাত্র। আপনি কখনও স্টিমারের সার্চলাইট (search light) দেখিয়াছেন কি?”

“দেখিয়াছি।”

“তবে মনে করুন, আমাদের সঙ্গে অন্যান্য দ্বিসহস্র সার্চলাইট ছিল, —অবশ্য সে যন্ত্রগুলি ঠিক সার্চলাইটের মত নয়, তবে অনেকটা সাদৃশ্য আছে, কেবল আপনাকে বুঝাইবার জন্য তাহাকে ‘সার্চলাইট’ বলিতেছি। গিটমারের সার্চলাইটে উত্তাপের প্রাথমিক থাকে না, কিন্তু আমাদের সার্চলাইটে ভয়ানক উত্তাপ ছিল। ছাত্রীগণ যখন সেই সার্চলাইটের কেন্দ্রীভূত উত্তাপ-রশ্মি শব্দ দিকে পরিচালিত করিলেন,—তখন তাহারা হয় ত ভাবিয়াছিল, একি ব্যাপার! শত সহস্র সূর্য মর্তে অবতীর্ণ। সে উপ উত্তাপ ও আলোক সহ্য করিতে না পারিয়া শব্দগণ দিগ্বিদিগ্ জ্ঞানশূন্য হইয়া পলায়ন করিল। নারীর হস্তে একটী লোকেরও মৃত্যু হয় নাই— একবিন্দু নরশোণিতেও বন্ধুহারা কলঙ্কিত হয় নাই—অথচ শব্দ পরাজিত হইল। তাহারা প্ৰস্থান করিলে পর তাহাদের সমুদয় অস্ত্রশস্ত্র সূর্যকিরণে দগ্ধ করা গেল।”

আমি বিষয়ে অভিভূত হইয়া বলিলাম, “যদি বাক্য দগ্ধকালে ভয়ানক দুর্ঘটনা হইয়া আপনাদের কোন অনিষ্ট হইত।”

“আমাদের অনিষ্টের সম্ভাবনা ছিল না, কাবণ বাক্য ছিল বহুদূরে। আমরা রাজধানীতে থাকিয়াই সার্চলাইটের তীব্র উত্তাপ প্রেরণ করিয়াছিলাম। তবু অতিরিক্ত সতর্কতার জন্য জনধর বেলুন সঙ্গে বাধা হইয়াছিল।”

তদবধি আর কোন প্রতিবেশী রাজা মহারাজা আমাদের দেশ আক্রমণ করিতে আইসেন নাই।”

“তার পর পুরুষ-প্রববেদা অন্তঃপুরের বাহিরে আসিতে চেষ্টা করেন নাই কি?”

“হাঁ, তাহারা মুক্তি পাইতে চেষ্টা করিয়াছিলেন। কতিপয় পুলিশ কমিশনার ও জেলা ম্যাজিস্ট্রেট এই মর্মে মহাবানী সমীপে আবেদন করিয়াছিলেন যে, যুদ্ধে অকৃতকার্য হওয়াব দোষে সম্ব-বিভাগেব কর্মচারীগণই দোষী, সে জন্য তাঁহাদিগকে বন্দী করা ন্যায়সঙ্গত হইয়াছে, কিন্তু অপর রাজপুরুষেরা ত কদাচ কর্তব্যে অবহেলা করেন নাই, তবে তাঁহারা অন্তঃপুর কারাগারে বন্দী থাকিবেন কেন? তাঁহাদের পুনরায় স্ব-স্ব কার্যে নিযুক্ত করিতে আজ্ঞা হউক।”

“মহারানী তাঁহাদিগকে জানাইলেন যে, যদি আবার কখনও রাজকার্যে তাঁহাদের সহায়তার আবশ্যক হয়, তবে তাঁহাদিগকে যথাবিধি কার্যে নিযুক্ত করা হইবে। রাজ্য-শাসন ব্যাপারে তাঁহাদের সাহায্যের প্রয়োজন না হওয়া পর্যন্ত তাঁহারা যেখানে আছেন, সেইখানে থাকুন।

আমরা এই প্রথাকে ‘জেনানা’ না বলিয়া ‘মর্দানা’ বলি।”

আমি বলিলাম, “বেশ ত। কিন্তু এক কথা,—পুলিশ ম্যাজিস্ট্রেট ইত্যাদি ত ‘মর্দানার’ আছেন, আর চুরি ডাকাতির তদন্ত এবং হত্যাকাণ্ড প্রভৃতি সত্যচারা

অনাচারের বিচার করে কে ?”

“যদবধি ‘মর্দানা’ প্রথা প্রচলিত হইয়াছে, তদবধি এদেশে কোন প্রকার পাপ কিম্বা অপরাধ হয় নাই, সেই জন্য আসামী প্রেফতারের নিমিত্ত আর পুলিশের প্রয়োজন হয় না,— ফৌজদারী মোকদ্দমার জন্য ম্যাজিস্ট্রেটেরও আবশ্যিক নাই।”

“তাই ত আপনারা স্বয়ং শয়তানকেই * শৃঙ্খলাবদ্ধ করিয়াছেন, আর দেশে শয়তানী † থাকিবে কিরূপে। যদি কোন স্ত্রীলোক কখনও কোন বে-আইনী কাজ করে, তবে তাহাকে সংশোধন করা আপনাদের পক্ষে কঠিন নয়। যাঁহারা বিনা রক্তপাতে যুদ্ধ জয় করিতে পারেন,—অপরাধ ও অপরাধীকে তাড়াহিঁতে তাঁহাদের কতক্ষণ লাগিবে ?”

অতঃপর তিনি জিজ্ঞাসা করিলেন, “প্রিয় সুলতানা। আপনি এখানে আরও কিছুক্ষণ বসিবেন, না আমার বসিবার ঘরে চলিবেন ?”

আমি সহাস্যে বলিলাম, “আপনার রান্নাঘরটি রানীর বসিবার ঘর অপেক্ষা কোন অংশে নিকট নয়। কিন্তু কর্তাদের কাজ বন্ধ করিয়া এখানে আমাদের বসানো যায়, আমি তাঁহাদের বে-দখল করিয়াছি বলিয়া হয় ত তাঁহারা আমাকে গালি দিতেছেন।”

আমি ভগিনী সারার বসিবার ঘরে যাইবার সময় ইতস্ততঃ উদ্যানের সৌন্দর্য নিরীক্ষণ করিয়া বলিলাম,—“আমার বন্ধুবান্ধবেরা ভারী আশ্চর্য হইবেন, যখন আমি দেশে গিয়া নারীস্থানের কথা বলিব, —নন্দনকাননতুল্য নারীস্থানে নারীর পূর্ণ আধিপত্য, যৎকালে পুরুষেরা মর্দনায় থাকিয়া রক্ষন করেন, শিশুদের খেলা দেন, এক কথায় যাবতীয় গৃহকার্য করেন। আর রক্ষন প্রণালী এমন সহজ ও চমৎকার, যে, রক্ষনটা অত্যন্ত আমোদজনক ব্যাপার। ভারতে যে সকল বেগম খানম পুন্থ বড় ঘরের গৃহিণীরা রক্ষনশালার ত্রিগীমায় যাইতে চাহেন না, তাঁহারা এমন কেন্দ্রীভূত সৌরকর পাইলে আর রক্ষনকার্যে আপত্তি করিতেন না।”

“ভারতের লোকেরা একটু চেষ্টা করিলেই সুর্যোদ্ভাপ লাভের উপায় করিতে পারেন। বিশেষ এক খণ্ড কাচ (convex glass) দ্বারা যেমন রবিকর একত্রিত করিয়া কাগজাদি দগ্ধ করা যায়, সেইরূপ কাচ বিশিষ্ট যন্ত্র নির্মাণ করিতে অধিক বুদ্ধি ও টাকা ব্যয় হইবে না।”

“জানেন ভগিনী সারা। ভারতবাসীর বুদ্ধি রূপে চালিত হয় না— জ্ঞান বিজ্ঞানের সহিত আমাদের সম্পর্ক নাই। আমাদের সব কার্যের সমাপ্তি বজ্জুতায়,

সিদ্ধি করতালী লাভে! কোন দেশ আপনা হইতে উন্নত হয় না, তাহাকে উন্নত করিতে হয়। নারীস্থানে কখনও স্বর্ণবৃষ্টি হয় নাই,—কিছা জোয়ারের জলেও নৃণিযুক্তা ভাসিয়া আইসে নাই?”

তিনি হাসিয়া বলিলেন, “না।”

“তবেই দেখুন, ত্রিশ বৎসরে আপনারা একটা নগ্না দেশকে সুসভ্য করিলেন,—না, প্রকৃত পক্ষে দশ বৎসরেই আপনারা এদেশকে স্বর্গতুল্য পুণ্যভূমিতে পরিণত করিতে পারিলেন। আর আমরা একটা সুসভ্য রক্তগর্ভা দেশকে ক্রমে উন্নত করিব দূরের কথা,—বরং ক্রমশঃ তাহাকে দীনতনা শাসনে পরিণত করিতে বসিয়াছি।”

“পুরুষের কার্যে ও রমণীর কার্যে এই প্রভেদ। আমি যে বলিয়াছিলাম পুরুষেরা কোন ভাল কাজ সূচক রূপে করিবার উপযুক্ত নয়, আপনি বোধ হয় এতক্ষণে সে কথাটা বুঝিতে পারিলেন?”

“হঁ। এখন বুঝিলাম, নারী যাহা দশ বৎসরে করিতে পারে, পুরুষ তাহা শত শত বর্ষেও করিতে অক্ষম। আচ্ছা তগিনী সারা, আপনারা ভূমিকর্ষণাদি কঠিন কার্য করেন কিরূপে?”

“আমরা বিন্যাস-সাহায্যে চাষ করিয়া থাকি। চপলা আমাদের অনেক কাজ করিয়া দেয়,—ভারী বোঝা উত্তোলন ও বহনের কার্যও সে-ই করে। আমাদের বার-শকটও তদ্বারা চালিত হয়। দেখিতেছেন, এদেশে রেল-বস্ত্র বা পাকা বাঁধ সড়ক নাই, কেবল পনপ্রভে ভ্রমণের পথ আছে।”

“সেই জন্য এখানে রেলওয়ে দুর্ঘটনার ভয় নাই,—রাজপথেও লোকে শকটচক্রে পেষিত হয় না। যে সব পথ আছে, তাহা ত কুসুম-শয্যা বিশেষ। বলি, আপনারা কখন কখন অনাবৃষ্টিজনিত ক্লেশ ভোগ করেন কি?”

“দশ এগার বৎসর হইতে এখানে অনাবৃষ্টিতে কষ্ট পাইতে হয় না। আপনি ঐ যে বৃহৎ বেলুন এবং তাহাতে সংলগ্ন নল দেখিতে পাইতেছেন,—উহা দ্বারা আমরা যত ইচ্ছা বারিবর্ষণ করিতে পারি; আবশ্যিক মত সমস্ত শস্যক্ষেত্রে জলসেচ করা হয়। আবার জনপ্ধাবনেও আমরা ঈশ্বরকৃপায় কষ্টভোগ করি না। ঝড়বাত এবং বস্ত্রপাতেরও উপদ্রব নাই।”

“তবে ত এদেশ বড় স্বর্ষের স্থান। তাহা মরি! ইহার নাম ‘সুখস্থান’ হয় নাই কেন? আপনারা ভারতবাসীর ন্যায় স্বগড়া-কলহ করেন কি? এখানে কেহ শূহবিবাদে সর্বস্বান্ত হয় কি?”

“না ভগিনী। আমাদের কৌদল করিবার অবসর কই? আমরা সকলেই গর্বদা কাজে ব্যস্ত থাকি—প্রকৃতির ভাণ্ডার অণ্বেষণ করিয়া নানা প্রকার সুখ স্বচ্ছন্দতা আহরণের চেষ্টায় থাকি। অন্যসেরা কলহ করিতে সময় পায়—আমাদের সময় নাই। আমাদের গুণবতী মহারানীর সাধ,—সমস্ত দেশটাকে একটি উদ্যানে পরিণত করিবেন।”

“রানীর এ আকাঙ্ক্ষা অতি চমৎকার। আপনাদের প্রধান খাদ্য কি?”

“ফল।”

“ভাল কথা, আপনারাই ত সব কাজ করেন, তবে পুরুষেরা কি করেন?”

“বড় বড় কল কারখানায় যন্ত্রাদি পরিচালিত করেন, খাভা-পাত্র রাখেন,—এক কথায় বলি, তাঁহারা যাবতীয় কঠিন পরিশ্রম অর্থাৎ যেকার্ষ্যে কার্যিক বলের প্রয়োজন সেই সব কার্য করেন।”

“আমি হাসিয়া বলিলাম,—“ওঃ। তাঁহারা কেরানী মুটে মজুরের কাজ করিয়া থাকেন।”

“কিন্তু কেরানী ও শ্রমজীবী বলিতে ঠিক যাহা বুঝায় এদেশের ভদ্রলোকেরা তাহা নহেন। তাঁহারা বিদ্যা, বুদ্ধি, সুশিক্ষায় আমাদের অপেক্ষা কোন অংশে হীন নহেন। আমরা শ্রম বণ্টন করিয়া লইয়াছি — তাঁহারা শারীরিক পরিশ্রম করেন, আমরা মস্তিষ্কচালনা করি। আমরা যে সকল যন্ত্রের উদ্ভাবনা বা সৃষ্টি করিয়া করি, তাঁহারা তাহা নির্মাণ করেন। নরনারী উভয়ে একই সমাজ-দেহের বিভিন্ন অঙ্গ,— পুরুষ শরীর, রমণী মন।”

“তা বেশ। কিন্তু ভারতবাসী পুরুষেরা একথা শুনিলে খড়গহস্ত হইবেন। তাঁহাদের মতে তাঁহারা একাই এক সহস্র—‘তনমন’ সব তাঁহারা নিজেই। আমরা তাঁহাদের ‘ছাই ফেলিবার জন্য ভাঙ্গাকুলা’ মাত্র। আপনাকে আর একটি কথা জিজ্ঞাসা না করিয়া থাকিতে পারিতেছি না, আপনারা গ্রীষ্মকালে বাড়ীঘর ঠাণ্ডা রাখেন কিরূপে? আমরা ত বৃষ্টিধারাকে স্বর্গের অমিয়ধারা মনে কবি।”

“আমাদেরও সুস্মিঞ্চ বৃষ্টিধারার অভাব হয় না। তবে আমরা পিপাসী চাতকের ন্যায় জলধরের কৃপা প্রার্থনা করি না, এখানে কাদম্বিনী আমাদের সেবিকা—সে আমাদের ইচ্ছানুসারে শীতল ফোয়ারায় ধরণী সিক্ত করিয়া দেয়। আবার শীত কালে মূর্খোত্তাপে গৃহগুলি ঈষৎ উত্তপ্ত রাখা হয়।”

অতঃপর তিনি আমাকে তাঁহার স্থানাগার দেখাইলেন। এ কক্ষের ছাদটা বাজের ডালার মত। ছাদ তুলিয়া ফেলিয়া ইচ্ছামত বৃষ্টিজলে স্থান করা যায়। প্রত্যেকের গৃহপ্রাঙ্গনে বেলুনের ন্যায় বৃহৎ জলাধার আছে,—আদি বেলুনের সহিত

ঐ জলধারগুলির যোগ আছে। আমি মুগ্ধভাবে বলিলাম, “আপনারা ধন্য। স্বয়ং প্রকৃতি আপনাদের সেবাদাসী আর কি চাই। পাখিব সম্পদে ত আপনারা অতিশয় ধনী, আপনাদের ধর্মবিধান কিরূপ—জিজ্ঞাসা করিতে পারি কি?”

“আমাদের ধর্ম প্রেম ও সত্য। আমরা পরস্পরকে ভালবাসিতে ধর্মত: বাধ্য এবং প্রাণান্তেও সত্য ত্যাগ করিতে পারি না। যদি কালে ভদ্রে কেহ মিথ্যা বলে:”

“তবে তাহার প্রাণদণ্ড হয়?”

“না, প্রাণদণ্ড হয় না। আমরা ঈশ্বরের সৃষ্টিজগতের জীব হত্যায়— বিশেষত: মানব হত্যায় আমোদ বোধ করি না। কাহারও প্রাণনাশ করিতে অপরাধী কি অধিকার? অপরাধীকে নির্বাসিত করা হয়, এবং তাহাকে এদেশে কিছুতেই পুন:প্রবেশ করিতে দেওয়া হয় না।”

“কোন মিথ্যাবাদীকে কখনও ক্ষমা করা হয় না কি?”

“যদি কেহ অকপট হৃদয়ে অনুতপ্ত হয়, তাহাকে ক্ষমা করা যায়।”

“এ নিরম অতি উত্তম। এখানে যেন ধর্মই রাজত্ব করিতেছে। ভাল, একবার মহারানীকে দেখিতে পাইব কি? যিনি করুণা প্রতিমা, নানা গুণের আধার, তাহাকে দেখিলেও পুণ্য হয়।”

“বেশ চলুন।” এই বলিয়া ভগিনী সারা যাত্রার আয়োজন করিতে লাগিলেন।

এক ঋণ্ড তক্তায় দুইখানি আসন সজ্জা হারা আঁটা হইল, পরে তিনি কতিপয় গোলা আনিলেন, গোলা কয়টি দেখিতে বেশ চক্চকে ছিল, কোন খাতুতে গঠিত তাহা ঠিক বুঝিতে পারিলাম না, আমার মনে হইল উৎকৃষ্ট রোপ্য-নির্মিত বলিয়া। তিনি আমাকে জিজ্ঞাসা করিলেন, আমার ওজন কত। আমি জীবনে কোন দিন ওজন হই নাই, কাজেই নিজের গুরুত্ব আমার জানা ছিল না, ভগিনী বলিলেন,—“আসুন তবে আপনাকে ওজন করি। ওজনটা জানা প্রয়োজন।”

আমি ভাবিলাম, একি ব্যাপার! যাহা হউক ওজনে আমি এক মন ষোল সের হইলাম। শুনিলাম, তিনি আটত্রিশ সের মাত্র। তবে ভগিনী সারার অপেক্ষা আর কোন গুণে না হউক আমি গুরুত্বে বেশী ত।

তারপর দেখিলাম, ঐ চক্চকে গোলার ছোট বড় দুইটি গোলা এই তক্তায় সংযোগ করা হইল। আমি প্রশ্ন করিয়া জানিলাম, সে গোলা হাইড্রোজেন পূর্ণ। তাহারই সাহায্যে আমরা শূন্য উল্লিখিত হইব। বিভিন্ন ওজনের বস্তু উত্তোলনের গিনিস্ত ছোট বড় বিবিধ ওজনের হাইড্রোজেন গোলার ব্যবহৃত হয়। এখন বুঝিলাম, এই জন্য আমার ওজন অবগত হওয়ার প্রয়োজন ছিল।

অতঃপর এই অপরূপ বায়ু যানে দুইটি পাখার মত ফলা সংযুক্ত হইল, সুনীলাম ইহা বিদ্যুৎ দ্বারা পরিচালিত হয়। আমরা উভয়ে আসনে উপবেশন করিলে পর তিনি ঐ পাখার কল টিপিলেন। প্রথমে আমাদের ‘তথতে র’ওয়ঁ’ ধানি * ধীরে ধীরে ৭।৮ হাত উর্ধ্ব উষ্ণিত হইল, তারপর বায়ু তরে উড়িয়া চলিল। আমি ভাবিলাম, এমন জ্ঞানে-বিজ্ঞানে উন্নত দেশের অধীশ্বরীকে দেখিতে যাইতেছি, যদি আমার কথাবার্তায় তিনি আমাকে নিতান্ত মুর্থ ভাবেন—এবং সেই সঙ্গে আমাদের সাধের হিন্দুস্থানকে ‘মূর্খস্থান’ মনে করেন? কিন্তু অধিক ভাবিবার সময় ছিল না,—সবে তথতে র’ওয়ঁ শূন্যে উড়িতে আরম্ভ করিয়াছে আর অমনই দেখি, আমরা চপলাগতিতে রাজধানীতে উপনীত। সেই বায়ু যানে বসিয়াই দেখিতে পাইলাম, সর্ষী-সহচরী পরিবেষ্টিতা মহারানী তাঁহার চারি বৎসর বয়স্কা কন্যার হাত ধরিয়া উদ্যানে ভ্রমণ করিতেছেন। সমস্ত রাজধানী যেন একটি বিরাট কুম্ভকুণ্ড বিশেষ। তাহার সৌন্দর্যের তুলনা এ-জগতে নাই।

মহারানী দূর হইতে উগিনী সারাকে চিনিতে পারিয়া বলিলেন, “বা! আপনি এখানে।” ভগিনী সারা রানীকে অভিনাদন বরিয়া ধীরে ধীরে তথতে র’ওয়ঁ অবনত করিলে আমরা অবতরণ করিলাম।

আমি যথাবিধি মহারানীর সহিত পরিচিতা হইলাম। তাঁহার অমায়িক ব্যবহারে আমি মুগ্ধ হইলাম। আমার যে আশঙ্কা ছিল, তিনি আমাকে কি যেন মনে করিবেন, এখন সে ভয় দূর হইল। তাঁহার সহিত রাজনীতি সম্বন্ধে বিবিধ প্রশ্ন হইল। বাণিজ্য-ব্যবসায় সম্বন্ধেও কথা উঠিয়াছিল। তিনি বলিলেন যে, “অবাধ বাণিজ্যে তাঁহার আপত্তি নাই, “কিন্তু যে সকল দেশে রমণীবৃন্দ অন্তঃপুরে থাকে অথবা যে সব দেশে নারী কেবল বিবিধ বসন ভূষণে সজ্জিতা হইয়া পুত্তলিকাবৎ জীবন বহন করে, দেশের কোন কাজ করে না, তাহারা বাণিজ্যের নিমিত্ত নারীস্থানে আসিতে বা আমাদের সহিত কাজ কর্ম করিতে অক্ষম। এই কারণে অন্য দেশের সহিত আমাদের বাণিজ্য-ব্যবসায় চলিতে পারে না। পুরুষেরা নৈতিক জীবনে অনেকটা হীন বলিয়া আমরা তাহাদের সহিত কোন প্রকার কারবার করিতে ইচ্ছুক নহি। আমরা অপরের জমী জমার প্রতি লোভ করিয়া দুই দশ বিঘা ভূমির জন্য রক্তপাত করি না, অথবা এক খণ্ড হীরকের জন্যও যুদ্ধ করি না,—যদ্যপি তাহা কোহেনুর অপেক্ষা শত গুণ শ্রেষ্ঠ হয়, কিম্বা কাহারও

ময়ূর-সিংহাসন দর্শনেও হিংসা করি না। আমরা অতল জ্ঞান-শাগরে ডুবিয়া রত্ন আহরণ করি। প্রকৃতি মানবের জন্য তাহার অক্ষয় ভাণ্ডারে যে অমূল্য রত্নরাজি সঞ্চয় করিয়া রাখিয়াছে, আমরা তাহাই ভোগ করি। তাহাতেই আমরা সন্তুষ্ট চিত্তে জগদীশ্বরকে ধন্যবাদ দিই।”

মহারানীর নিকট বিদায় লইয়া আমি সেই সুপ্রসিদ্ধ বিশ্ববিদ্যালয় দেখিতে গেলাম, এবং কতিপয় কলকারখানা, রসায়নাগার এবং মানমন্দিরও দেখিলাম।

উপরোক্ত দ্রষ্টব্য স্থান সমূহ পরিদর্শনের পর আমরা পুনরায় সেই বায়ু যানে আরোহণ করিলাম। কিন্তু যেই আমাদের তথ্বে রওয়াঁ খানি দ্রবণ হেলিয়া উর্ধ্ব উঠিতে লাগিল, আমি কি জানি কিরূপে আশনচ্যুত হইলাম,—সেই পতনে আমি চমকিয়া উঠিলাম। চক্ষু খুলিয়া দেখি, আমি তখনও সেই আরাম কেরারায় উপবিষ্ট।

ডেলিশিয়া-হত্যা ।

“হত্যা” শব্দ শুনিয়া পাঠিকা ভগিনী ভয় পাইবেন না যে ইহা সত্যই ছোঁরা তরবারী বা বন্দুক পিস্তল দ্বারা রক্তাক্ত বিশিষ্ট হত্যাকাণ্ড। প্রসিদ্ধা গ্রন্থকর্ত্রী মিস মেরী করেলী “ডেলিশিয়া হত্যা” নামক এই উপন্যাসখানি লিখিয়াছেন। ডেলিশিয়া কাহিনীর সহিত আমাদের নারী সমাজের এমন চমৎকার সাদৃশ্য আছে যে, গ্রন্থখানি পাঠকালে অবাধ হইয়া বলিতে ইচ্ছা করে--

“এ পোড়া ভারত অস্ত্রপুত্রের কথা

জানিল কি ছলে মেরি করেলী।”

অন্য আমরা ইংলণ্ডের সামাজিক অবস্থার সহিত আমাদের সমাজের দুরবস্থার তুলনা করিয়া দেখিব, অবলা পীড়নে কোন সমাজ কিরূপ সিদ্ধহস্ত।

ইংরাজ রমণীর জীবন কিরূপ? আমরা মনে করি, তাঁহারা স্বাধীন, বিদুষী পুরুষের সমকক্ষা, সমাজে আদৃত,—তাঁহাদের আরও কত কি সুখ সৌভাগ্যের চাকচিক্যময় সূতি মানস-নয়নে দেখি। কিন্তু একবার তাঁহাদের গৃহাত্যন্তরে উঁকি মারিয়া দেখিতে পাইলে বুঝি সব ফঁাকা। দূরের ঢোল শুনিতে শ্রুতি-মধুর। সভ্যতা ও স্বাধীনতার ললামভূমি লণ্ডন নগরীতে শত শত “ডেলিশিয়া বধকাব্য” নিত্য অভিনীত হয়। হায়! রমণী পৃথিবীর সর্বত্রই অবলা!!

সংবাদপত্র সমূহে কোন বিখ্যাত ইংরাজ-দম্পতীর প্রতিকৃতি দেখিলে আমাদের মনে হয়,—লর্ড অমুক ত বেশ প্রতিপত্তিশালী, ভগতের চক্ষে ধাঁ ধাঁ লাগান, কিন্তু লেডি অমূকের বুকখানি চিরিয়া দেখিলে জানিতে পারিতাম তাহাতে স্মর্য কতখানি।

গ্রন্থকর্ত্রী মেরী করেলী স্বয়ং অবলা, তাই ডেলিশিয়ার মর্মবেদনা অতি নিপুণতার সহিত অঙ্কিত করিতে পারিয়াছেন। এবং অবলা পাঠিকারাই সম্যক-রূপে “ডেলিশিয়া বধের” মর্ম গ্রহণ করিতে পারেন। এই চমৎকার উপন্যাসের অবিকল অনুবাদ করা সহজ ব্যাপার নহে, তবু ইহার গল্পাংশের অনুবাদ পাঠিকা ভগিনীদিগকে উপহার দিবার লোভ সম্বরণ করিতে পারিতেছি না।

গ্রন্থকর্ত্রী উপক্রমণিকায় বলিয়াছেন, সামাজিক সত্য ঘটনা অবলম্বনে তিনি ‘ডেলিশিয়া’ চরিত্র অঙ্কিত করিয়াছেন। অনেক সত্য ঘটনা আমাদেরও জানা

* পুঙ্ক্ত উচ্চারণ “ডিলিশিয়া” কিন্তু বঙ্গভাষায় “ডেলিশিয়া” শ্রুতিমধুর বোধহয় বলিয়া আমরা “ডেলিশিয়া” লিখিলাম।

আছে, আমরা ভারতের সেই প্রতীকিতা অবলাদের একটি নমুনা (representative) চরিত্রের নাম রাখিলাম ‘মজলুমা’। “ডেলিশিয়া”র প্রতিচ্ছন্দ্রে প্রতিবর্ণে যেন “মজলুমা”রই চিত্র ফুটিয়া উঠিয়াছে।

“মজলুমা” চিত্রটি ডেলিশিয়া চিত্রের পাণাপাশি অঙ্কিত করিয়া দেখাইব— ইংলণ্ডের নারী সমাজের সহিত ভারত-ললনা সমাজের কি চমৎকার সাদৃশ্য। আর কোথায় কি প্রকার পার্থক্য আছে, তাহাও দেখা যাইবে।

ডেলিশিয়া স্বাধীনা, রাজার জাতি এবং অন্তঃপুর বন্দিনী নহেন, আর মজলুমা পরাধীনা, প্রজার জাতি এবং কঠোর অপরাধে বন্দিনী, কিন্তু উভয়ের অবস্থাগত পার্থক্য কতটুকু? অধিক নয়,—উভয়ে অবলা! উভয়েই সমাজের ‘অত্যাচারে মর্মপীড়িতা। কিন্তু ডেলিশিয়া বিদুষী এবং মজলুমা নিরক্ষর— এই একটা ভারী পার্থক্য আছে। সুশিক্ষিতা ডেলিশিয়া জীবন সমর প্রাপ্তনে অমিততেজা বীরার ন্যায় (স্বামীরূপ) গুপ্তঘাতকের শরাঘাতে নিহত হয়, যৎকালে অশিক্ষিতা মজলুমা নিতান্ত নিঃসহায় অবস্থায় অত্যাচারী স্বামীর পদতলে মদিতা হইয়া প্রাণত্যাগ করে। তেজস্বিনী ডেলিশিয়া পিস্তল হস্তে স্বামীকে স্পষ্ট বনিনেন, “তুমি আমার নিকট আর একপদ অগ্রসর হইলে আমি তোমাকে গুলী করিব। অভাগিনী মজলুমা সেরূপ কথা বলিবেন দুরে থাকুক—তিনি বরং অত্যাচারীর পদপ্রান্তে লুকাইয়া নাকিকান্না ধরিবেন—বলিবেন, “প্রভো! দাসীর কি অপরাধ হইয়াছে?” অথবা “দাসীর প্রতি সদয় হও।” শেষে অশ্রুধারায় শ্রীচরণ ষুগল ধুইতে বসিয়া পুনঃ পুনঃ পদাঘাত লাভ করিবেন— ডেলিশিয়া ও মজলুমায় এই প্রভেদ।

ডেলিশিয়ার আত্ম-মর্যাদাজ্ঞান আছে, মজলুমার তাহা নাই। নির্ধাতিতা প্রতীকিতা হইলেও ডেলিশিয়ার কেমন একপ্রকার মহীয়ান্ গরীয়ান্ ভাব আছে, অত্যাচারী কর্তৃক তাঁহার মস্তক চূর্ণ হইতেছে কিন্তু অবনত হইতেছে না। তিনি গর্বোন্মত্ত মস্তকে দাঁড়াইয়া মরিবেন, কিন্তু নতশিরে যুজ্ঞ করে প্রাণতিক্ষা চাহিবেন না। এই মহান ভাবটা যেন মজলুমার নাই। ইহার কারণ এ-দেশের ক্রীশিক্ষার অভাব। মজলুমা ভূমিষ্ঠা হইয়াই গুনিতে পায়, “তুই জনোছিস গোলাম; চিরকাল থাকবি গোলাম।” স্তবরাং তাহার আত্মা পর্যন্ত গোলাম হইয়া গিয়াছে। সে আর নিজের মূল্য জানে না—পুরুষ আত্মীয়দের কর্তৃক বারবার পদদলিত হইলেও সে তাহাদের পদ-লেহনে বিরত হয় না স্বাধীনা ডেলিশিয়ার ও পরাধীনা মজলুমায় এই প্রভেদ।

এ দেশের গ্রন্থকারেরা নারী চরিত্রকে নানা গুণ ভূষায় সজ্জিত করেন বটে; বেশীর ভাগে অবলা হৃদয়ের সহিষ্ণুতা বর্ণনা করা হয় (কারণ রমণী পাষণ্ড প্রায় সহিষ্ণু না হইলে তাহার প্রতি অত্যাচারের সুবিধা হইত না যে!) কিন্তু এ সব পুস্তকে নায়িকার আত্ম-গরিমার অস্তিত্ব দেখা যায় না।

এখন ডেলিশিয়া কাহিনীর গল্পাংশ অনুবাদ করা যাউক :

ডেলিশিয়া বাল্যকাল হইতে সাহিত্য-চর্চায় মনোনিবেশ করেন। যখন তাঁহার প্রথম পুস্তক প্রকাশিত হয়, তখন তাঁহার বয়স মাত্র ১৭ বৎসর ছিল। তাঁহার উৎকৃষ্ট রচনাবলী পাঠক সমাজে যথেষ্ট আদৃত হইত। এইরূপে প্রতিভাশালিনী ডেলিশিয়া বেশ সুখ্যাতি লাভ করিলেন এবং পুস্তক বিক্রয়েন কলে যথেষ্ট অর্থলাভও করিতে লাগিলেন। কিন্তু এই সময়ে তাঁহার অনেক শত্রুও সৃষ্টি হইল। দেশের অপর লেখকবৃন্দ হিংসায় দগ্ধ হইতে লাগিলেন। তাঁহাদের মতে পুস্তক রচনা কেবল পুরুষের কার্য। রমণীগণ কেবল নানা প্রকার বেশভূষায় সজ্জিত হইয়া বিলাস পক্ষে নিমজ্জিত থাকিবে। আর যদি একান্ত প্রয়োজন হয় তবে যে নারী বয়স নাই, রূপ নাই, যে অতি বিশ্রী কলাকার কুৎসিতা, সেই লেখনী ধারণ করুক। ডেলিশিয়ার ন্যায় নিরুপমা রূপসী কিশোরী তাঁহাদের যথোপভা ম্লান করিবে, ইহা যে একেবারে অসহ্য।

সাতাইশ বৎসর বয়ঃক্রমে ডেলিশিয়ার বিবাহ হয়। এ দীর্ঘ দশ বৎসর পর্যন্ত প্রতিভা-শালিনী, অর্থশালিনী, সৌন্দর্যের নারী, ডেলিশিয়া যে, অবিবাহিতা ছিলেন, তাহার কারণ প্রধানতঃ এই যে, সাধারণ পুরুষ-সমাজ তাঁহাকে কেমন এক প্রকার ভয়, ভক্তি ও স্বয়ং বিশেষে ঘৃণার চক্ষে দেখিতেন। নিজেব বেশভূষার প্রতি সম্পূর্ণ উদাসিনী, সতত পুস্তক রচনায় নিযুক্তা রমণীকে বিবাহ কবিরী দাম্পত্য-জীবনে সুখী হইতে পারিবেন, এরূপ ভরসা হয় ত কেহ করিতে পারেন নাই। (আমাদের দেশে ত “পুস্তক লেখিকা” নাই বলিলেই হয়, তবু “পুস্তক পাঠিকাকে” ও “নভেল পাণ্ডি” জ্ঞানে অনেকে বিবাহ করিতে সঙ্কুচিত হন!)

মিস্টার উইলফ্রেড কারলীঅন উচ্চবংশ জাত স্পুরুষ ছিলেন। তিনি পিতার ইচ্ছায় সৈনিক বিভাগে কর্ম গ্রহণ করেন। ‘ছিল’ বলিতে মিঃ কারলীঅনের ছিল ছয় কুট দীর্ঘাকৃতি, সৌম্যমতি আর বুনিয়াদী বংশমহাদা। আয় এত অল্প যে তাহা ধর্তব্য নহে। মিঃ কারলীঅন দেখিলেন, ডেলিশিয়া-শিকার মন্দ নহে। একে ত তিনি আভরণ হীনা গোলাপ মুকুল; যিহীনতঃ বিপুল অর্থশালিনী। অবশেষে একদিন ডেলিশিয়ার জন্য সেই শুভ মুহূর্ত আসিল—যে

মুহূর্ত্ত মানবজীবনে (? না, নারী জীবনে) রাজ একবার আইসে ; যাহা ভগ্ন তরঙ্গের বাস্পকর্ণার মত ক্ষণস্থায়ী,—যাহা আকাশে উল্কার ন্যায় প্রতিভাত হয়, চাহিয়া দেখিতে না দেখিলে চির অন্তহিত হয় ! ডেলিশিয়ার জীবনে সেই স্মরণীয় মুহূর্ত্ত আসিল। সেদিন ডেলিশিয়া কোন বড় লোকের গৃহে নৈশ ভোজে অধিষ্ঠিত ছিলেন; মিঃ কারলীঅনও তথায় নিমন্ত্রিত হইয়াছিলেন।

‘ডেলিশিয়া !’ মিঃ কারলীঅন ডেলিশিয়ার হস্তধারণ করিয়া মৃদুস্বরে বলিলেন, ‘ডেলিশিয়া, আমি তোমায় ভালবাসি !’

* * * * *

ডেলিশিয়ার বিবাহের দিন গীর্জার বাহিরে অনেক লোক সমবেত হইয়াছিল—একপক্ষে যুদ্ধদেবতা অপর পক্ষে সাহিত্যের দেবী—এ বিবাহকে কাতিক এবং সরস্বতীর মিলন বলা যাইতে পারে—এ নব-দম্পতিকে দেখাই চাই। জনতার অনেকে যে পুষ্পবর্ষণ করিয়াছিল, তাহার অধিকাংশ ডেলিশিয়া প্রাপ্ত হইলেন।

সচরাচর বলা হয়, ‘বর কন্যাকে বিবাহ করিল,’ কিন্তু এক্ষেত্রে বলিতে হইবে,—কন্যা বরকে বিবাহ করিলেন। কারণ ডেলিশিয়াই মিঃ কারলীঅনের অনুব্রত ইত্যাদি যোগাইবার ভার লইলেন ! মজলুমার বেলায় আবার এরূপ বলা খাটেনা, সেস্থলে বলিতে হইবে,—জমীদারী ধনদৌলত সহ দাসী স্বামীর চরণে আত্মগমর্পণ করিলেন ! ফল কথা, ডেলিশিয়া মধুমক্ষিকার ন্যায় মধু আহরণ করিয়া মধুচক্র নির্মাণ করিতে লাগিলেন আর তাঁহার স্বামী নিষ্কর্মা (drone) মক্ষীর ন্যায় মধু ভোগ করিতে লাগিলেন।

বিবাহের দিন অলঙ্কার বলিতে ডেলিশিয়া এক গুচ্ছ সদ্য প্রস্তুত পুষ্প-মাত্র পরিয়াছিলেন। উহাতে রমণী মণ্ডলী বিস্মিত হইলেন। নব-পরিণীতা ডেলিশিয়ার গায় গহনা নাই। কি আশ্চর্য ! ওমা ! ঠিক যেন আমাদের নারী সমাজ। ৫।৭ জন প্রবীণা নবীন একত্র হইলে, তাঁহারা কেবল অলঙ্কার শাস্ত্রের বিচার করেন। যেই কোন নবধূতা নববধু আইসে, উপস্থিত রমণীবৃন্দ অমনি তাহার নাক কান ও গলদেশের খানাতলাসী আরম্ভ করে—কোথায় কি গহনা আছে। কর্ণাভরণ দেখিবার জন্য বোচারীর কান লইয়া যত টানাটানি হয়, তাহা বর্ণনাভীত। ভারত-বধুর ন্যায় ডেলিশিয়ার কান ধরিয়া টানাটানি হয় নাই সত্য, কিন্তু তাঁহার কর্ণকুহর (শ্রবণ-শক্তি) লইয়া মুধরাগণ যথেষ্ট টানাটানির প্রয়াস পাইয়াছিলেন।

প্রৌঢ়া মহিলা সমাজ আন্দোলন আলোচনা করিতে লাগিলেন যে, বেচারী কারলীঅন এমন সুশ্রী সুপুরুষ—তিনি বিবাহ করিলেন একটা “স্ত্রী গ্রন্থকর্ত্রী”কে (female authoress)!

পক্ষান্তরে মিঃ কারলীঅন বন্ধু মহলে ডেলিশিয়া সশব্দে বলিতেন, “তিনি স্বাভাবিক গোলাপফুল,—কৃত্রিম রঙ, কলপ, পরচুলা (যাহা স্ত্রী কয়েদীদের মাথা হইতে কাটরা লইয়া বাজারে বিক্রয় করা হয়), এসেস পাউডার—এ সকল কিছুই ধার ধারেন না।” তত্ক্ষণে বন্ধু বলিলেন, “ভাগ্যবান কুকুর (lucky dog)। তুমি এমন পুরস্কারের যোগ্য নহে।”

“সম্ভবতঃ নহি; কিন্তু—” বলিয়া মিঃ কারলীঅন বন্ধুর দিকে মধুর দৃষ্টিপাত করিলেন। সেই চাহনীতেই তাঁহার কথার বাকী অংশ সমাপ্ত হইল। তিনি তাঁহার ঐ সুন্দর কটাক বাণেই ত ডেলিশিয়াকে বিদ্ধ করিয়াছেন। বন্ধুগণ আমোদ করিয়া তাঁহাকে ‘বিউটি কারলীঅন’ (Beauty Carlyon) বলিয়া ডাকিতেন।

ডেলিশিয়ার বিবাহ-জীবনের প্রায় তিন বৎসর একরূপ নির্বিঘ্নে কাটিয়া গেল। তিনি সামাজিক আমোদ-উৎসবে বড় একটা যোগদান করিতেন না; অধিকাংশ সময় সাহিত্য-সেবায় যাপন করিতেন। লেখকেরা নির্জনতাই ভালবাসে। যে আধ্যাত্মিক ভাবের আশ্রয় পাইয়াছে, সে বহির্জগতের অন্তঃসারহীন আমোদ-আহলাদে বৃথা সময় নষ্ট করিতে চাহে না। উইলফ্রেডকারলীঅন কিন্তু ‘বদ’ নৃত্য প্রভৃতি যাবতীয় অসার আমোদ বড় ভালবাসিতেন। তিনি প্রায় প্রতিদিনই দুই তিনটা নিমন্ত্রণ গ্রহণ করিতেন।

এই সময় ডেলিশিয়ার সুখের বাসায় এক স্কুলিঙ্গ অগ্নি আসিয়া পড়িল। তিনি তাহা দেখিতে পাইলেন না। অগ্নিকণা তাঁহার অজ্ঞাতসারে ধীরে ধীরে দাহক্রিয়া আরম্ভ করিল।

দুই একজন পরিচিত লোক তাঁহাকে ঐ অগ্নির বিষয় জানাইতে চেষ্টা করিলেন, ডেলিশিয়া তাহা শুনিলেন না। তিনি ভাবিলেন, “লোকগুলো অনর্থক আমাদের দাম্পত্য-জীবনে অশান্তি আনিতে চায়। পরনিন্দা করিয়া উহার কি সুখ পায়?” তিনি সময়ে সাবধান হইলে হয়ত অভিনয় এতদূর গড়াইত না। স্বামীকে সংশোধন করিয়া লইতে পারিতেন। কিন্তু স্বামীর প্রতি অল্প অনুরাগবশতঃ তিনি তাঁহাকে সন্দেহ করিতে পারিলেন না।”

মিঃ কার্লীঅন্ একদিন বলিলেন, “সাহিত্য-সেবিকা মহিলা’রা কোন-রূপ উপাধিপ্ৰাপ্ত হয় না, ইহা বড় অন্যায় এবং দুঃখের বিষয়। * * *

যাহা হউক, ডেলিশিয়া, আমি তোমাকে একাট উপাধি দিতেছি—আমার জ্যেষ্ঠ ভ্রাতার মৃত্যু হওয়ায় এখন আমি পৈত্রিক লর্ড উপাধির উত্তরাধিকারী হইয়াছি।”

ডেলিশিয়া ফাঁকি উপাধি প্রাপ্তিতে হাসিয়া ফেলিলেন। বিক্রমের স্বরে বলিলেন,—

“প্রভো! আমি আপনার দীনতমা সেবিকা।”

লেডী শব্দ কি ডেলিশিয়ার সম্মান বৃদ্ধি করিবে? তিনি লেখিকারূপে যে যশোলাভ করিয়াছেন, তাহার তুলনায় এ লেডী পদবী কি? অমন কত লেডী জগতে অপরিচিত অবস্থায় মরে বাঁচে, তাহার ইয়ড়া নাই; কিন্তু ‘গ্রন্থকর্ত্রী ডেলিশিয়া’ নামটি অমর থাকিবে।

আর একদিন লর্ড কার্লীঅন্ বলিলেন, “আমি মনে করি, সেই প্রাচীনকাল ভাল ছিল।”

“বটে? যখন পুরুষেরা স্ত্রীলোকদিগকে চতুঃপ্রাচীরের অভ্যন্তরে আবদ্ধ রাখিত—যেমন গবাদি পশুকে খোঁয়াড়ে রাখা হয়*—এবং তাহাদের বিবেচনায় যতটুকু খাদ্য রমণীদের পাওয়া উচিত মনে করিত, তাহাই তাহাদের দিত—আর নারীগণ অবাধ্য হইলে তাহাদের প্ৰহার করিত? হইতে পারে, সে কাল সুখের ছিল, কিন্তু আমি তাহার পক্ষপাতী নহি। আমি জগতের ক্রমোন্নতি দেখিতে চাই—আমি চাই সভ্যতা—সাহাতে নারী ও পুরুষ স্বশিক্ষা লাভ করে।”

* * * * *

কার্লীঅন্ বলিলেন, “আমার মতে উন্নতি অত্যন্ত দ্রুতগতিতে অগ্রসর হইতেছে। আমি ইহার গতি মন্দ হওয়াকে পক্ষে ভোট দিতে চাই।” *

* মিস করেলী সম্ভবতঃ কখনও ভারতবর্ষে আগমন করেন নাই, তাই তিনি চতুঃপ্রাচীরের অভ্যন্তরে আবদ্ধ রমণীদের অবস্থাকে “অভীত্বালের” বলিয়া বর্ণনা করিয়াছেন। অবশ্য আমরা অন্তঃপুরকে “খোঁয়াড়” বলিয়া স্বীকার করি না। কিন্তু তাহাতে কি আসে যায়?—Fact is fact !!

* সময়ের গতি যে কাহাৰও ভোটের অপেক্ষা করে না, তাই রক্ষা। ইংলিশমায়ানের যখন এই মত, তবে আর ভারতবাসীর নিকট কি আশা করিব?

পরশ্রীকাতর লোকেরা কাহারও সুখ সুখ্যাতি সহ্য করিতে পারে না। ডেলিশিয়ার দাম্পত্য-জীবন মোটের উপর অত্যন্ত সুখের ছিল—তিনি কেবল একবার একটি শিশুর মৃত্যুশোক পাইয়াছিলেন, এ শোক ত পাবক—ইহাতে হৃদয় পবিত্র হয়। জননী-হৃদয়ের ঐ জ্বালাটুকু ব্যতীত তাঁহার জীবনে আর কোন অশান্তি বা দুঃখ ছিল না। সাহিত্য-জগতেও তিনি বেশ প্রতিপত্তি লাভ করিয়াছিলেন। তাঁহার এতখানি সুখ হিংস্রকের সহ্য হইবে কেন? তাঁহারা ছিদ্রাণেষণের চেষ্টায় ছিল। ডেলিশিয়া সংসার চিনিতেন, তাই সতর্কতারশতঃ লোকনিন্দায় কর্ণপাত করিতেন না। তিনি নিন্দুকের মিপ্যা নিন্দা এড়াইতে গিয়া বন্ধুর কথায়ও কর্ণপাত করিলেন না। তাঁহার ন্যায় সতী লক্ষ্মীর স্বামী পথভ্রষ্ট হইতে পারে, ইহা তাঁহার ধারণার অতীত ছিল। আহা! তাঁহার কি সরল বিশ্বাস ছিল।

তাঁহার জনৈক বন্ধু মিঃ পল ভান্ডিস নানা ইচ্ছিতে ডেলিশিয়াকে সতর্ক করিতে চাহিলেন, তাহাতে ডেলিশিয়া চটিলেন। মিঃ ভান্ডিস ডেলিশিয়ার প্রিয় কুকুর স্পার্টানের গায় সাদরে হাত বুলাইতে বুলাইতে বলিলেন, “লেডী কারলীঅন্, “আপনার বিশ্বস্ত বন্ধু বলিতে এখন কেবল একজন আছে।”

ডেলিশিয়া উত্তর করিলেন, “আপনি স্পার্টানের কথা বলেন, না আপনার নিজের?”

ভান্ডিস বলিলেন, “স্পার্টানের কথা বলি।”

ক্রমে কথা প্রসঙ্গে যখন মিঃ ভান্ডিস বলিলেন, লর্ড কারলীঅন নগণ্য কিছুই নহেন, তখন ডেলিশিয়া বিরক্ত হইয়া তৎক্ষণাৎ মিঃ ভান্ডিসকে বিদায় দিলেন। তাহাঁত, পতিপ্রাণা সতি কি পতিনিন্দা সহিতে পারেন?

ডেলিশিয়ার ব্যবহারটা যেন স্পার্টানের পসন্দ হইল না—সে তাঁহার মুখ দেখিতে লাগিল। সে চাহনীর অর্থ এই—“তুমি মিঃ ভান্ডিসকে তাড়াইয়া, দিলে কেন? তিনি আমার পরম বন্ধু।” ডেলিশিয়া কুকুরের মনোভাব বুঝিতে পারিয়া বলিলেন, “স্পার্টান! তিনি আমাদের প্রভুর নিন্দা করিতেছিলেন যে, তাঁহাকে আর আমরা নিকটে আসিতে দিব না।” স্পার্টান কিন্তু কতীর একৈক্ষিতে সন্তুষ্ট হইল না।

যাহাদের কবিতা, রচনা প্রভৃতি ডেলিশিয়ার গ্রন্থের ন্যায় আনৃত হইত না, তাহারা হিংসায় দগ্ধ হইতে লাগিল। “বোহেমিয়ান” ক্লাবে ৮।১০ জন ভদ্রলোক একত্র হইলে তাঁহাদের অধিকাংশ লোক ডেলিশিয়া-নিন্দা করিয়া হৃদয়ের জ্বালা

নিবারণ করিতেন। একজন কবি বলিলেন, “স্রীলোকে এমন লিখিতে পারিবে কেন,—অধিকাংশ পুস্তক তাঁহার স্বামী লিখিয়া দেন।” মিঃ ডাল্ডিস বলিলেন, —“মিথ্যা কথা। তাঁহার স্বামী আপনাই মত মস্ত গাথা।”

“আপনি আমাকে মিথ্যাবাদী বলিলেন মিষ্টার ডাল্ডিস! আর আমাকে গাথা বলিতেও ছাড়েন নাই।”

ডাল্ডিস বলিলেন, “হঁ! আমি লর্ড কারলীঅনের স্বহস্ত-লিখিত পত্র দেখিয়াছি; তিনি প্রতি শব্দে বানান ভুল করেন, প্রতি ছত্রে ব্যাকরণের সুগুপাত করেন। আপনি যদি মনে করেন যে, এই বিদ্যা লইয়া তিনি তাঁহার স্রীর পুস্তক লিখেন, তবে আপনি অবশ্যই গাথা! কিন্তু আপনি বাস্তবিক তাহা মনে করেন না, কেবল একজন মহিলার যশোপ্রভা দর্শনে হিংসা দগ্ধ হইয়া এমন কথা বলেন।”

কতক্ষণ বাগ্‌বিতণ্ডার পর কবি বলিলেন, “জানেন মিঃ ডাল্ডিস লেখনীর ধার অগির অপেক্ষা তীক্ষ্ণ!”

ডাল্ডিস তুচ্ছভাবে হাসিয়া বলিলেন, “ওহো! বুঝিলাম আপনি অর্দ্ধপেনী মূল্যের সংবাদপত্রে আমাকে গালি দিবেন।”

একদা ডেলিশিয়া তাঁহার প্রভুর জন্ম অনেকগুলি জিনিস ক্রয় করিতে দোকানে গিয়াছেন। লর্ডের ফরমাইশ ছাড়া আরও বিশেষ কোন বস্তু ক্রয় করিবারও ইচ্ছা ছিল। তাঁহাদের বিবাহের বাৎসরিক উৎসব হইবে, সেই শুভ দিনে তিনি লর্ড কারলীঅনকে কিছু উপহার দিবেন। প্রেম ত অশরীরী। তাহা ব্যক্ত করিবার জন্য জড়বস্তুর অবলম্বনই চাই। পতিব্রতা সতী তাঁহার অকৃত্রিম পতি-ভক্তি একটি অক্ষুরীয় বা একসেট বোতামের আকারে স্বামীকে উপহার দিবেন। এ দোকান সে দোকান যুরিয়া একস্থানে জানালার বাহির হইতে একজোড়া বোতাম দেখিয়া ডেলিশিয়া সন্তুষ্ট হইলেন।

বোতাম ক্রয়ের নিমিত্ত ডেলিশিয়া সেই দোকানে প্রবেশ করিলেন। মণিকার তাঁহাকে ধনবতী ভাবিয়া সযত্নে অনেক মণিমুক্তার অলঙ্কার দেখাইতে আরম্ভ করিল। ডেলিশিয়া মাত্র সেই বোতাম পসন্দ করিলেন, আর কিছু ক্রয় করিলেন না।

এত অল্প বিক্রয়ের পর জহুরী ক্রেতাকে সহজে নিষ্কৃতি দিবে কেন? সে বহুবল্য রত্নভাণ্ডার খুলিয়া তাঁহাকে দেখাইতে লাগিল। তন্মধ্যে হীরক খচিত

একটি কপোতাকৃতি 'যুগ্নু'* বড় স্কলর ছিল। কপোতের চঞ্চুপুটে একটি স্বর্ণলিপি এবং সেই স্বর্ণপত্রে একটি শ্লোক (মটো) পদ্যরূপে খচিত ছিল। ডেলিশিয়া সেইটি হাতে লইয়া বলিলেন, "এ যুগ্নুটি ত বড় চমৎকার। ইহাতে কবিত্ব ও শি প-নৈপুণ্য দুই আছে।"

"হাঁ, কিন্তু এটি বিক্রয় হইবে না। ইহার লর্ড কারলীঅনের বিশেষ ফরমাইশ অনুসারে নিষিদ্ধ হইয়াছে।"

ডেলিশিয়া ইহা শুনিয়া বিস্মিত হইলেন। এবার হরত বিবাহের বাৎসরিক উৎসবের দিন লর্ড কারলীঅন্ ডেলিশিয়াকে এই যুগ্নু উপহার দিবেন; তিনি কিছু বলিবার পূর্বেই মণিকার যুগ্নুটি ডিবে হইতে বাহির করিয়া সূর্যকিরণে ধরিল—যাহাতে মণিগুলি বেশ ঝলমল করে! সে ডেলিশিয়াকে চিনিত না। বেশ মুক্তকণ্ঠে বলিয়া যাইতে লাগিল—

"এ কপোতের জন্য লর্ড কারলীঅনকে পাঁচশত পাউণ্ডের কিছু বেশী (প্রায় ৮০০০ টাকা) দিতে হইবে। তা উদ্রলোকে যখন কোন মহিলা বিশেষকৈ সম্বৃত্ত করিতে চেষ্টা করেন, তখন এরূপ ব্যয়বাহুল্যে কুণ্ঠিত হন না। এক্ষেত্রে সে মহিলাটি যে কারলীঅনের পত্নী নহেন, তাহা অবশ্যই আপনি বুঝিতে পারেন।"

ডেলিশিয়া বলিলেন, "আমি সেরূপ কিছু মনে করিব কেন? আমি ত বুঝি ইহাই স্বাভাবিক যে কোন উদ্রলোক তাঁহার সহধর্মণীকে উপহার দবার জন্য এরূপ যুগ্নু নির্মাণ করাইবেন।"

জহ্নবী বিজ্ঞভাবে মাথা নাড়িয়া বলিল, "বটে? কিন্তু ফলত: আমরা ইহাই দেখিতে পাই যে, যখনই কোন উদ্রলোক কোন বিশেষ ফরমাইশদেন, সে যন্তু কখনই তাঁহার ধর্মপত্নীর হাতে পড়ে না। আমরা সর্বদাই ইহাতে দুঃখিত হই যে, আমাদের অতি যত্নে প্রস্তুত অলঙ্কারসমূহ মহিলারা গ্রহণ হন না। * * * নচেৎ এই বহুমূল্য হীরক বপোতটি কেন লেডী কারলীঅনের নিকট না যাইয়া নর্তকী লামেরিনার নিকট যাইতো? "

অ্যা! মণিকার এ কি বলিল? ডেলিশিয়ার মাথা ঘুরিয়া গেল!

* আমাদের দেশে পাচনি বা গাভনবিশুদ্ধামালার মধ্যস্থলে যে জড়াও 'ধুকধুকি' থাকে, তাহাকে pendant বলা যাইতে পারে, কিন্তু pendant বলিতে যাহা বুঝায় তাহাকে বেহার অঙ্কনে "যুগ্নু" বলা। বঙ্গদেশে কেবল 'ধুকধুকি' নিজে কোন অলঙ্কার নয়; বোহারে কিন্তু 'যুগ্নু' নিজেই একটি অলঙ্কার। এইজন্য় আমরা "যুগ্নু" শব্দ ব্যবহার করিলাম।

শেষে জহরী তাঁহাকে জিজ্ঞাসা করিল,—‘আপনি লেডী কারলীঅনের গ্রন্থাবলী পাঠ করিয়াছেন কি? তিনি সাহিত্য-জগতে “ডেলিশিয়া ডাহান্’ নামে পরিচিত।”

ডেলিশিয়া বলিলেন,—“হাঁ—মনে হয়, পড়িয়াছি।”

জহরী। তা বেণ। তিনি বাস্তবিক অতি যশস্বিনী রমণী। কিন্তু দুঃখের বিষয়, তাঁহার স্বামী তাঁহার বিষয় একটুও ভাবেন না * * *

শুনিতে পাই নভ কারলিঅন্ যে টাকার এমন অপব্যয় করেন, তাহা তাঁহার পক্ষীর; তাঁহার নিজের এক পরগাও নাই। যদি এ কথা সত্য হয় তবে কি লজ্জার বিষয়! অবশ্য লেডী কারলীঅন না জানিয়াই মেরিনার অভ্যাসের মূল্য দিয়া থাকেন! * * * তবে আপনি এই বোতান যোড়া লইবেন ত?

ডেলিশিয়া। হাঁ, ধন্যবাদ। এগুলি ভদ্রলোককে উপহার দিবার উপযুক্ত।

জহরী। ঠিক। ইহার কারুকার্যে প্রগলভতা মোটেই নাই, অথচ সৌন্দর্য আছে। ইহা ভদ্রলোকের উপযুক্ত, সন্দেহ নাই, কিন্তু (ঈর্ষৎ হাস্য) ‘ভদ্রলোক’ ক্রমেই বিরল হইতেছেন।

ডেলিশিয়া স্বীয় ইচ্ছার বিরুদ্ধে মণিকারের প্রমুখাৎ অনেক কথাই শুনিলেন। যে কথা তিনি বন্ধু-বান্ধবকে বলিতে দিতেন না,—মণিকার সেই কথা অতি নিষ্ঠুরভাবে শুনাইয়া তাঁহাকে ক্ষত-বিক্ষত করিল।

এই চিত্র বঙ্গ-লননায় কেনন বোধ হয়? ইহা কি দর্পণের ন্যায় মজলুমার মূর্তি প্রতিবিম্বিত করে না? মজলুমাব কণ্ঠ হইতে কণ্ঠহার হোচন করিয়া কোন বিলাসিনীকে না পরাইলে আর পুরুষপ্রবরের বাহাদুরী কি?

বাড়ী ফিরিয়া ডেলিশিয়া তাঁহার স্বামীর টেলিগ্রাম পাইলেন—“ডিনাবের সময় ফিরিব না; আমার জন্য অপেক্ষা করিও না।”

ক্রোধে ক্ষোভে জর্জরিতা ডেলিশিয়া স্বীয় পাঠাগারের দ্বার রুদ্ধ করিয়া বসিলেন; সঙ্গে কেবল স্পাটান ছিল। তাঁহাকে সোধোন করিয়া তিনি বলিলেন,—“স্পাটান, মনে হয় আমি যেন বিষ খাইয়াছি—”

স্পাটান মহাত্মত্বপূর্ণ দৃষ্টিতে তাঁহার দিকে চাহিল,—তাঁহার সেই নির্বাক দৃষ্টি যেন বলিতেছিল, “তুমি মানুষকে বিশ্বাস কর কেন? কুকুরজাতি পুরুষাপেক্ষা অধিক বিশ্বাসযোগ্য।”

স্পার্টান ডেলিশিয়ার ভালবাসার যতখানি প্রতিদান দিতেছিল, লর্ড কারলীঅন্ ততটুকুও দিতে পারিলেন না। ডেলিশিয়া নানা চিন্তা করিতেছিলেন,— তাঁহার কঠোর শ্রমার্জিত টাকাগুলি লা-মেরিনাকে অলঙ্কার পরাইতে ব্যয়িত হইবে, ইহা কি ন্যায়সঙ্গত ?

ডেলিশিয়ার টাকায় ও মজলুমার টাকায় প্রভেদ আছে। মজলুমার যে টাকা অত্যাচারী কর্তৃক অপব্যবহৃত হয়, সে টাকা মজলুমার স্ব-উপার্জিত নহে,— তাহা তাঁহার পূর্বপুরুষের সঞ্চিত—অর্থাৎ পুরুষেরই উপার্জিত। একজন পুরুষেরই সঞ্চিত ধন অপর পুরুষে ধ্বংস করে, ইহা বরং সহ্য হয়। কিন্তু ডেলিশিয়ার স্ব-উপার্জিত টাকায় অপব্যবহার অসহ্য—এরূপ কাপুরুষতা ক্ষমাযোগ্য নহে। এ বিষয়ে মজলুমার তুলনায় ডেলিশিয়ার অবস্থা অধিক শোচনীয়। অথচ ইংরাজ সমাজ সভ্যতার দাবী করে! ইহাই কি সভ্যতা? ইহাই কি শিভালরী ?

ডেলিশিয়া বলিলেন, “আমার একটি প্রতিমা স্বর্ণবদন্তিতে স্থাপিত ছিল,— অদ্য তাহা বেদিকষ্ট হইয়াছে; মূর্তিটা এখনও ভান্দিয়া যায় নাও কেবল ভূমিতলে পড়িয়া আছে।”

মূর্তির পতনের সহিত ডেলিশিয়ার প্রেমের মৃত্যু হইল। অদৃষ্টের কি নিদারুণ পরিহাস,— ভাবিতে হৃদয় দ্বিধা হয়—কোথায় সে বিবাহের সম্বৎসরিক উৎসব, কোথায় এ প্রেমের সমাধি।

লর্ড কারলীঅন্ প্রায় ১টা রাত্রিতে বাড়ী ফিরিলেন। প্রায় সব কক্ষই অন্ধকার দেখিয়া ভারী বিরক্ত হইলেন। ডেলিশিয়ার অত্যধিক আন্দর-যত্নে তিনি ‘অদুরে’ হইয়া উঠিয়াছিলেন। এ সানান্য অবস্থেলায় তাঁহার মানহানি হইল যে! প্রতি রাত্রি তাঁহার অপেক্ষায় আলো জালিয়া রাখা হইত, অদ্য অন্ধকার কেন? তিনি নিজেই টেলিগ্রামে অপেক্ষা কবিত্তে নিষেধ করিয়াছিলেন, সে কথা ভুলিয়া গেলো! না, তাহার ভাবটা এই—‘আমি নিষেধ করিলেও ডেলিশিয়ার অপেক্ষা করা উচিত ছিল!’

তিনি ডেলিশিয়ার শয়নকক্ষের দ্বারে আঘাত করিয়া সাড়াশব্দ না পাওয়ায়ও বিরক্ত হইলেন। এত শীঘ্র ডেলিশিয়া ঘুমাইয়াছেন? তিনি সর্বদাই প্রভুর অপেক্ষায় বসিয়া থাকিতেন,—অদ্য এ আন্দর কেন?

তিনি অধীর ভাবে পুনঃ পুনঃ দ্বারের আঘাত করায় স্পার্টান বিরক্তির সহিত উঠিয়া বলিল,—“গো—” সে কঠোর শয়নকক্ষের বহির্দ্বারে শয়ন করিয়াছিল।

তাহার বাকশক্তি থাকিলে বোধ হয় সে স্পষ্টই বলিত, “পাজি! তুমি এখানে কেন? কর্তা ষুমাইতেছেন, তাঁহাকে বিরক্ত করিবার প্রয়োজন নাই। যাও তুমি ঘাহানামে!” স্পাটানের সেই অব্যক্ত গোঙানিতে সত্যই কারলীঅন্ যেন অপমান বোধ করিলেন! তিনি কুকুরকে ধমক দিয়া আপন কক্ষে চলিয়া গেলেন।

অদ্য তাঁহার মনটা খারাপ ছিল,—তিনি জুয়াখেলায় অনেক টাকা (ডেলিশিয়ার টাকা) হারিয়াছেন; লা-মেরিনাও ভাল ব্যবহার করে নাই।* এখন ডেলিশিয়ার দুটি মধুমাখা কথা শুনিলে প্রাণটা শীতল হইত; তা ডেলিশিয়ার যে গাঁড়মিত্রা—!

পরদিন প্রভাতে ডেলিশিয়া অশ্বারোহণে বেড়াইয়া আসিলেন। গৃহে ফিরিয়া গুনিলেন, লর্ড তখনও নিদ্রিত। প্রাতঃকালীন মুক্ত বায়ুসেবনে তাঁহার মন প্রফুল্ল হইয়াছিল; এখন মনে হইল, বগুস্ট্রীটে মণিকারের নিকট যে সংবাদ পাইয়াছেন, তাহা দুঃস্বপ্নমাত্র! প্রিয়জনের বিরুদ্ধে কোন অপ্রিয় কথা সহজে বিশ্বাস করিতে ইচ্ছা হয় না—লোকের যথাসাধ্য আশ্ব-প্রবঞ্চনা করিয়া স্তম্ভী থাকে। ডেলিশিয়া রমণী বইত নহেন!

লর্ড সম্মুখে আসিবামাত্র ডেলিশিয়া গম্ভীরবদনে অভিবাদন করিলেন, “উইল! তুমি এতক্ষণে উঠিলে? গতরাত্রে অনেক বিলম্ব আসিয়াছিলে, না?”

লর্ড কিন্তু এ কথায় সম্পূর্ণ সন্তুষ্ট হইতে পারিলেন না, তাঁহার মনে হইল,—অদ্য ডেলিশিয়ার কি যেন নাই! কেন? লর্ড মবিশ্বয়ে ভাবিতে লাগিলেন, কেন? ডেলিশিয়া অতি সাবধানে দূরে দূরে থাকিতেছেন, কেন? ডেলিশিয়ার মৃদুহাস্য-টুকুতে যেন প্রাণ নাই! যদিও তাঁহার ব্যবহারের কোন ত্রুটি ধরা যাইতে পারে না, তবু ডেলিশিয়ার ভারটা যেন প্রাণহীন বোধ হয়। * * *।

লর্ড বলিলেন, “ডেলিশিয়া! তোমার নূতন পুস্তকের কোন কোন অংশ বড়ই আপত্তিজনক হইয়াছে। গতরাত্রে একজন আমাকে এই কথা বলিতেছিল!” * * *

ডেলিশিয়া জিজ্ঞাস্য করিলেন, “কে সে? আমার রচনার অংশবিশেষ হয়ত তাঁহার কোন ক্ষতস্থান স্পর্শ করিয়াছে!”

* লা-মেরিনা বাতাল হইলে তাহার প্রণয়ীদিগকে বোতল ছুঁড়িয়া মারিয়া থাকে।
অদ্য লর্ড কারলীঅন তাহার বাতালির আশ্রয় পাইয়া আসিয়াছেন।

কারলীঅন্। তিনি ফিট্জ্ হাফ। তাঁহাকে তুমি জান। তিনি বলিয়াছেন যে, তিনি তাঁহার ভগিনীদিগকে কিছুতেই তোমার পুস্তক পাঠ করিতে দিবেন না। তাঁহার বখা আমার বড় বিরক্তিকর বোধ হইয়াছিল।

মিঃ কারলীঅন্ কথিত ফিট্জ্ হাফ্ এর-কথাগুলি কি আমাদের সমাজের উজ্জ্বলই প্রতিধ্বনি নহে? যে সকল পত্রিকায় উদারতাসূচক প্রবন্ধাদি প্রকাশিত হয়, সে সব কাগজ অন্তঃপুরে প্রবেশলাভ করিতে পায় না। কেবল বন্দে নহে, স্মরণ পশ্চিমদেশেরও কোন পত্রিকা (যাহা অবলাদের জন্য প্রচারিত হইয়াছে এবং যাহার অধিকাংশ প্রবন্ধই মহিলা-রচিত) অনেক পাঠক তাঁহাদের আত্মীয়া মহিলাদের দৃষ্টিগোচর হইতে দেন না। ক্ষমতা পুরুষের হাতে কিনা! ডেলিশিয়া উত্তরে কি বলিতেছেন, তাহাও মনোযোগপূর্বক শুনুন,—

“তুমিত আমার পুস্তক পাঠ করিয়াছ; কাপ্টেন ফিট্জ্ হাফ যে বিষয়ে আপত্তি করেন, সেরূপ কোন কথা কি তুমি সে পুস্তকে দেখিয়াছ?”

লর্ড। “এখন আবার ঠিক মনে হয় না।”

কাপ্টেন ফিট্জ্ হাফ অনেক দিন সমাজের প্রকাশ্য নিন্দাপাত্র ছিলেন: তাঁহার কলঙ্ককথা ডেলিশিয়া তুলিলেন। এবং তাঁহার ভগিনীরাও সাধ্বী নহেন। এই কাপ্টেন আবার ডেলিশিয়ার গ্রন্থের নিন্দা করেন। “যত বড় মুখ নয় তত বড় কথা।”

* * *

ডেলিশিয়ার নূতন পুস্তকের বিক্রয়-লক্ষ ৮০০০ পাউণ্ডের অর্ধেক লর্ডের নামে জমা করা হইয়াছে। ডেলিশিয়া যত টাকা প্রাপ্ত হইতেন, তাহার অর্ধেক স্বামীকে দিতেন।

দেইদিন অপরাহ্নে মিসেস্ ক্যানেন্ডিশ্ ডেলিশিয়ার সহিত দেখা করিতে আসিয়া তাঁহাকে নৈশ ভোজনের এবং ভোজনান্তে সঙ্গীতালয়ে যাইবার নিমন্ত্রণ করিলেন। ইনি ডেলিশিয়াকে বাল্যকাল হইতে জানেন এবং তাঁহাকে কন্যার ন্যায় স্নেহ করেন। ডেলিশিয়া তাঁহার নিমন্ত্রণ সানন্দে গ্রহণ করিলেন। যেহেতু ব্যথিতহৃদয়ে নির্জনে দুশ্চিন্তার ভারবহন করা নিতান্ত অসহ্য। তাবিলেন, এই ছলে কতক্ষণ স্নেহময় বন্ধুদের সংশ্রবে আশ্রয়-বিস্মৃত হইয়া থাকি যাইবে।

অদ্য শহরে বিজ্ঞাপনের ভারী ধুমধাম,—“প্রজাপতির জন্ম—না-মেরিনা (অভিনেত্রী)।” লা-মেরিনাকে দেখিবার জন্য হয়ত ডেলিশিয়ার একটু কৌতুহলও

ছিল,—যাহার জন্য তাঁহার সুখ-গৃহ দক্ষ হইতে চলিল,—যে তাঁহার ধবংশের কাবণ, তাহাকে একবার দেখিতে ইচ্ছা হওয়া নিতান্ত স্বাভাবিক।

যথা সময় ডেলিশিয়া মিস্টার ও মিসেস কাবেনডিশ-এর সহিত সঙ্গীতালয়ে (অপেরা হাউসে) উপস্থিত হইলেন। “এম্পায়াব” অদ্য লোকে লোকাবণ্য। লর্ড কাব্‌লীঅন্ও আসিয়াছেন।

*

*

*

পুঞ্জাপতির জন্য হইল—এখন লা-মেনিনা প্রজাপতিকপে নৃত্য কবিতেছিল। ডেলিশিয়া দেখিলেন, লা-মেনিনার বক্ষস্থলে সেই কপোত—যাহা তিনি পূর্বদিন বগুড়ীটে মনিকাবেব দোফানে দেখিয়াছিলেন। সেই হীৰক-কপোত,—কপোতের চকুপুটে সেই পদ্যবাগে লিখিত শ্লোক বিশিষ্ট সুবর্ণলিপি আর সন্দেহের স্থান কই? আর মনিকাবেব বখান অবিশ্বাস করা যায় কিরূপে? সেই আনোকমালা পরিণোতিত-বন্দালয় সহসা ডেলিশিয়ার চক্ষে যৌব অন্ধকার বোধ হইল। অকস্মাৎ দারুন শীতে যেন তাহার হস্তপদ অসাড় হইল।

ডেলিশিয়াকে বিবশা দেখিয় তাহার পার্শ্বোপনিষ্টা মিসেস কাবেনডিশ ব্যস্তভাবে বলিয় উঠিলেন,—

“একি ডেলিশিয়া! তোমার কি অসুখ হইয়াছে? (মিঃ কাবেনডিশের প্রতি) বল। তুমি ইহাকে একটু বাতাসে লইয়া যাও,—ইনি যেন মুর্ছা যাইবেন।”

মর্মান্তা ডেলিশিয়া হান্তসম্বরণ কবিতা বলিলেন, “আমি এখনই ভাল হইব—চিন্তা নাই। বোধ হয় এ কান্নার গরম আমার সত্য হইতেছে না। আমার জন্য আপনাদের ব্যস্ত হইবেন না।”

হায় ডেলিশিয়া! তুমি কক্ষের উষ্ণতায় বিচ্যুত হইতেছে, না অন্তর্দীপ্ত হইতেছ? উত্তাপে?

“এম্পায়াব” হইতে বিবশা আসিয়া প্রথমে ডেলিশি। লর্ড কাব্‌লীঅনকে একগানি পত্র লিখিলেন। পত্রখানি ভৃত্য বন্সাকে দিয়া গেলিলেন, “যে লর্ড বাড়ী আসিবানাত্ৰই তাঁহাকে পত্রখানি দেওয়া হয়।”

অন্তঃপন শব্দকক্ষ গিয়া ডেলিশিয়া পরিচারিকাকে ডাকিয়া বলিলেন, “এমিলি, আমি সমুদ্রতীরে যাইব। জিনিদপত্র ঠিক কর যেন আমবা আগামী কল্য দশটার সময় গ্রোভস্টেয়ার্প যাইতে পাবি। স্পার্টানকে সঙ্গে লইব।”

এমিলি তাহাৰ চুলেৰ বেণী খুলিতেছিল—তিনি (আন্তৰিক ব্যাকুলতায় অস্থিৰ ভাবে) হঠাৎ উঠিয়া দাঁড়াইলেন। এমিলি গবিশ্ৰুয়ে বলিল, “ও মেডী, আপনাৰ কি ? ইল ?”

“না কিছু নব” বলিয়া ডেলিশিয়া শ্বুদু হাসিতে চেপ্টা কৰিলেন। * * *
“না এমিলি! তব নাই, আমি অসুস্থ নই—কেবল শ্রান্ত হইয়াছি। তুমি যাও, আমি একা থাকিলে ভাল হইব। দেখিও, তুমি সমুদ্র উপকূলে যাত্ৰাৰ জন্য সময়ে প্রস্তুত হইবে।”

ডেলিশিয়া “এম্পায়াৰে” যে দৃশ্য দেখিয়া আসিয়াছেন, তাহা সহজে পৰিপাক কৰা মজলুমানও সাৰাণতীত—যদিও ভাৱত অস্বীকৃত ঐৰ্ষ্যৰূপে অতুলনীয়। আৰ স্বাধীনা ডেলিশিয়াৰ পক্ষে ত ইহা অজ্ঞানত তুল্য।

* * *
ডেলিশিয়া উচ্চস্বৰে অশ্রুবেগে সঘৰণ বসিতে গৈলেন। “না—নতানু হ’য়া বিবাহ কৰিতে লাগিলেন, “ও গুডো! এতদিনে বুদ্ধিলাস আমি কি হানাতাৰাছি। প্ৰেম আমাকে সৰ্বস্বাস্থ্য বিনা স্বপ্নেৰ ন্যায় তদৃশ্য হইল—চিৰ অস্তিত্ব হইব। হান। ‘তাছে’ বসিতে বহিল কেবল বশোকপ বণ্টব মুবুটা।”

হাৰ। মজলুমান ন্যায় ডেলিশিয়াও নিজনে বোৰন কৰিলেন। ইহা অশ্রু, না ভগ্ন হৃদয়েৰ শোণিত ধাৰা ?

“আমি তাহানে নত ভাবনাসিতান—তাহাকে উপায় মুক্তি মনে কৰিতাম। হানান পাৰেন (পৌত্তলিকতাব) য’ষ্ট শান্তি হইল।”

* * *
“আহা প্ৰেম!—প্ৰেম কি শোমন আহ। বঠোৰম্পৰে ইহা চিবত’ৰ চুণ চয়! উচা আফাঙা একাৰ ষ্ট হইলে আন জাগিব উঠে—বিস্ত প্ৰেম—ইহা, ‘এলো’ ফুলেৰ মত—শত বৎসৰে একবাৰ মুকুলিত হয়। এ ভীৰন নইয়া এখন আমি কি কৰি ?”

কি আৰ কৰিবে ?—মৃত সাগৰে বিসৰ্জন দাও। তুমি নিজেৰ প্ৰেম-জ্যোতিতে তোমাৰ লভকে জ্যোতিৰ্ময় দেখিতে। বাবলীঅন বাস্তবিক জ্যোতিৰ্ময় ছিলেন না। যে নিজে আলোকে থাকে, সে অন্ধকাৰে কিছু দেখিতে পায় না।

আহা। ডেলিশিয়া কি ভুল কৰিবাছেন। তিনি ধাৰীকে কেমন অনিল্য দেবতা মনে কৰিতেম। তাহাকে কেমন অকপট হৃদয়ে বিশ্বাস কৰিতেম। যে মোহিনী-মূৰ্তিটিকে ডেলিশিয়া অমূল্য ভক্তি-বস্তু খচিত হৃদয় সিংহাসনে

স্বাশন কবিষাছিলেন, তাহা ঈশ্বর তাঁহাবই নয়ন-সমন্কে চূর্ণ কবিষা ফেলিলেন। ডেলিশিয়া! তুমি সে পুতুলেব ভগ্ন খণ্ডগুলি কুড়াইষা তুলিও না। * * *

পৌত্তলিকেবা যখন মনুষী পুতিমা পূজা কবে, তখন তাহাদেব বিশ্বাস থাকে যে ইহাতে দেবতা অবতীর্ণা আছেন,—পূজা শেষে যখন মনে কবে, দেবতা স্বস্থানে ফিবিষা গিষাছেন, তখন প্রতিমাটি বিসর্জন দেষ। কেবল মাটিজ্ঞানে কে পুতু পূজা কবে? উক্ত যদি জানিতে পাব যে প্রতিমায় দেবতাব পনিবর্তে ভূত পিণাচ আনির্ভূতছিল, তবে? তবে ধান কি পূজা কবিত্তে পাবে? কেবল তাহাই নহে, দেবতা ঝমে পিণাচেব গুড়া কমা হইষাছে, এ চিন্তা—এ লজ্জা অসহ্য।

ডেলিশিয়া কি ভবানক প্রতাবিতা হইষাছেন—প্রেমিক স্বামীজোনে বিশ্বাস-ঘাতক পিণাচ ব পূজা ববিষাছেন। কাঞ্চন ঝমে কদমেব আনব কনিষাছেন। এতদিন ঝমবশতঃ ডেলিশিয়া শূন্য যে স্বখেণ্ড অট্টালিকা নির্মাণ কনিষা শাস্তিতে বাস কবিত্তেছিলেন, অদ্য সে প্রাসাদ চূর্ণ হইষাছে, নয়াততা ডেলিশিয়া সেই চূর্ণ প্রাসাদেব আবর্জনা ও বুলিবাণিতে বিলুপ্তিতা।

ভক্তিভাজন ভক্তিব উপযুক্ত নহেন, নবাবাবে পিণাচ—এই আবিষ্কাবে উক্ত-হু যে যে বস্ত্রাঘাত হয়, তাহা উক্তভোগী হত্যাণ উক্ত ভিন্গ হাব কে বুঝিবে? সেকপ তাশেব ব্শিকদংশ; যে সশনীৰ ভোগ কনিষাছে, সেই জাণে নে ঝালা বমন তীপ্র। স্বপ্নাজ্যে বহিণ্ডে তাণত্র পুষ্পানৃত পখে অরুক্ত নিশিচন্ত মন চনি:তছিল, সহসা বে তাণ'ব তাপ্রত কবিষা বনিষা দিন, ঐ কুল্লমাবৃত স্থানে গভীৰ গত আ.ছ, আ এন পন অগ্রসব হইলেই পতন অবশ্যস্তাবী। হায়! সে তাবণ কি কষ্টকর। তাণিবাৰ পূর্বেই উক্ত নবিল না কেন? হায় সত্য। এনা সত্য কে জানিতে চাহিবাছিল? এ সত্য জানিবাৰ পূর্বে মৃত্যু হইল না কেন? বাহাকে ষোন আনা বিশ্বাস কবা গিষাছিল, তিনি একবড়া বিশ্বাসেবও উপযুক্ত নহেন, নবদেব-শাস্তানে যাঁহাব চবণে এতদিন উক্তি কুল্লনাগুলি দান কনা গিষাছিল, িংনি নবপঙ—এ আবিষ্কাব উক্তেব অসহ্য।

হায়! এমন যে নিষ্ঠুরভাবে প্রতাবিতা হওয়া গিষাছিল। দেশ! কি যন্ত্রণা? ডেলিশিয়া তুমি যে দেবতাব আবাধনা কবিত্তে, তিনি সৈনিক বিভাগেব “গার্ড্‌স্ অফিসাব ও উত্ৰলোক” মাত্র—আব কিছুই নহেন!

অিশ্বাসীকে পঙ বলিলেও ঠিক হয় না। কোন্ পঙ তেমন নীচ? সিংহ শার্লুল বলিলে ‘বীর’ বলিয়া প্রশংসা করা হয়; কুকুব বলিলে অতি কৃতজ্ঞ,

অতি বিশ্বস্ত বন্ধু বলা হয়; অশু? সেও অপেক্ষাকৃত ; ভাল ; গর্বত ? সে বোকা কিন্তু হিংস্র প্রকৃতির নয় ; মহিষ, গণ্ডার, শূকর — না, মানুষের তুলনায় কোন জন্তাই নিকৃষ্ট নয়। কোন পশুই ভক্তহৃদয় পদ দলিত করে না ,

অবশ্য অবলাহৃদয় দক্ষ হইল বা চূর্ণ হইল, তাহাতে কর্তাদের কিছু ক্ষতি বৃদ্ধি হয় না ; প্রপীড়িতার নীরব যন্ত্রণার তথুদীর্ঘ নিঃশ্বাসে ক্ষমতাশালী পুরুষের স্নানদ্রার ব্যাধাত হইবার কোন কারণ নাই। কিন্তু বলি অরুপট ভক্তির কি কিছু মূল্য নাই ? সেই অমন-বাস্তিত দুর্ভাগ ভক্তি হারাইয়া—বেদীঘট হইয়া প্রভুরা কি বড় অুখে থাকেন ? মজলুমা অত্যাচারীর অন্য দস্ত বন্ধ করিতে পারে না, গত্য, অত্যাচারের প্রতিশোধ লইতে পারে না গত্য, কিন্তু অন্ধ ভক্তি ফিরাইয়া লইতে পারে ত ? মানস দেবতাকে ঘৃণা না করিলেও দয়ার পাত্র জ্ঞান করিতে পারে ত ? অবলায় কৃপাপাত্র হওয়া কি সবলের পক্ষে বড় গৌবনের বিষয় ?

ডেলিশিয়া অব্যক্ত যাতনায় পিঞ্জরাবদ্ধা বিহঙ্গীর ন্যায় ছট্ ছট্ করিতেছিলেন। তাঁহার হৃদয় কাটিয়া যেন উচলানিত হইতেছিল,—

“বড় ভাল বাণিতান, বড় ভক্তি কবিতান,
ভাল প্রতিবান নাথ। পাইলাম তার”

আবেগের উচ্ছ্বাস কথঞ্চিৎ প্রশমিত হইলে রোকন্যমানা ডেলিশিয়া তন্দ্রাভিত্ততা হইলেন।

মজলুমা ! ডেলিশিয়ার বিলাপ কি আপনারই হৃদয়বিদারী বিলাপের প্রতিশ্বনি নয় ? ডেলিশিয়ার দক্ষ প্রাণের হা ছত্ৰাণ কি আপনারই হত্যাণ প্রাণের হা ছত্ৰাণের অনুরূপ নয় ? প্রভেদ এই যে ডেলিশিয়ার স্বামীর অত্যাচারকে চুরি বলা বাইতে পারে, আর মজলুমার স্বামীর অত্যাচার ডাকতি !

লর্ড কারলীঅন্ আইনের বিষয় অনগত ছিলেন—তিনি জানিতেন, আইন তাঁহারই অনুকুলে !—নারীহস্তা উদ্রলোকের জন্য কোন দণ্ড নাই।

ডেলিশিয়া যদি ‘তালাক’ প্রাপ্তির জন্য নালিশ করেন ?—তিনি কি ‘তালাক’ পাইবেন ? না কারণ তিনি লর্ডের নিরবতা প্রমাণ করিতে পারেন না ; অমন একটা কোন এক ডজন মেরিনার সঙ্গে বন্ধুত্ব রাখা আইনের চক্ষে অত্যাচার নয়। সহধর্মিনীর অর্জিত টাকা মেরিনার জন্য অপব্যয় করাও আইনমতে দোষ নয় ! তালাক

লইতে হইলে ডেলিশিয়াকে প্রমাণিত করিতে হইবে, স্বামী বিশ্বাসঘাতক এবং দুই অধিকাল হইতে তিনি ইহাকে ছাড়িয়া অন্যত্র বাস করিতেছেন ; ডেলিশিয়া ইহা প্রমাণিত করিতে পারিবেন না। ‘ডেলিশিয়া আমা হইতে মুক্তি পাইতে পারেন না’ এই কথা (আইনের এইধারা) স্মরণ করিয়া কারলীঅন্ অতিব সন্তুষ্ট হইলেন। হায়রে আইন! পুরুষ-রচিত আইন—পুরুষের সুবিধার নিমিত্তই ইহার সৃষ্টি। অবলা হ্রদয় দলন করা—তাহার জীবন মাটি করা—তাহাকে জীবন্তে হত্যা করা আইনানুসারে অত্যাচার নয়।

*

*

*

প্রোডঃফোর্সেসে আসিয়া ডেলিশিয়াও সামাজিক বিধিব্যবস্থার বিষয় চিন্তা করিতেছিলেন। কাহাকে শারীরিক কষ্ট দিলে, খুন জখম করিলে, অপরাধীর শাস্তি আছে; কিন্তু রমণী-হৃদয় বিদীর্ণ করিলে, শতধা কবিলে রমণী-প্রেমের জীবন্ত সমাধি করিলে, কোন দণ্ড নাই!

“তাই বলি,” ডেলিশিয়া ভাবিলেন, “তিনি যদি আমাকে প্রহাণ করেন কিম্বা আমাকে লক্ষ্য করিয়া পিস্তল খুঁড়েন—তবেই আমি তাহার বিরুদ্ধে নালিশ করিতে পারি,—নচেৎ না।”

অপরাত্নে সমুদ্র তীরে পদ্মপ্রভে ভ্রমণ করিতে করিতে ডেলিশিয়া তাঁহার ভগ্ন পুত্রুলের চিন্তা করিতেছিলেন। প্রতিমা বেলাত্রষ্ট হইয়াছেন, কিন্তু বেদীতে তাহার স্থিতিচিহ্ন এখনও বর্তমান!—কুল ঝরিয়া যার কিন্তু বৃন্তস্থলে তাহার অবস্থিতি চিহ্ন বিদ্যমান থাকে! সব যান—কেবল গুঁড়ি-যন্ত্রণা থাকে! অনিবার অসুখপ্রাত বাধা মানিতেছিল না—ডেলিশিয়ার নয়নধর বাহচছন্ন হওয়ায় তিনি কিছুই দেখিতে পাইতেছিলেন না,—গমন সৈকত, সাগরের বীচিনালা—এসব কিছুই তাহার বৃষ্টীগোচর হইতেছিল না। এমন সময় স্পাটান সানন্দে ডাকিয়া উঠিল এবং কে একজন ধর্ম্মি—

“লর্ড কারলীঅন্, আপনাব সঙ্গে দুই চারিটি কথা বলিতে পারি কি?”
ডেলিশিয়া চাহিয়া দেখিলেন, সম্মুখে বিঃ পল্ডান্ডিগ্ ।

যেদিন ডেলিশিয়া প্রোডঃফোর্সেসে আইসেন, তাহার পূর্বদিন “অনেসটি” নামক সংবাদপত্রে এক ব্যক্তি ডেলিশিয়ার অতি জগন্যা মিথ্যা নিন্দা লিখিয়াছিল। পল্ডান্ডিগ্ সে লেখককে যথেষ্ট ক্রোধাত করিয়াছিলেন। তিনি ডেলিশিয়াকে এই স্তব্ধবাদ স্তনাইতে আসিয়াছেন।

অন্যমনস্ক থাকি বশতঃ ডেলিশিয়া প্রথমে তাহা বুঝিতেই পারিতেছিলেন না। পরে সহাস্যে বলিলেন, “সংবাদপত্রের মতে যিনি একাধারে দ্বিতীয় শেক্সপিয়ার ও মিল্টন,—ওহো! সেই ব্যক্তিকে আপনি পুহার করিয়াছেন।”

*

*

*

ডাল্‌ডিস্ বলিলেন, “লেডী কারলীঅন আপনাকে বড় বিমর্ষ দেখায়।” ডেলিশিয়া উত্তর করিলেন, “আপনার অনুমান ঠিক। আমি বড়ই বিষনু—আমি আমার স্বামীর প্রেম হারাইয়াছি।”

“তবে আপনি সবই স্তনিয়াছেন?”

“কি! কেবল আমি ব্যতীত সহরের সকলেই একথা জানেন না কি?” * *

“বলুন ত ইহা কি সম্ভব যে লর্ড কারলীঅন এমনই আত্ম-বিশ্মৃত হইয়াছেন যে, তিনি প্রাণেশ্য লানমেরিনার সহিত দেখা করিতে সঙ্কুচিত নহেন; এইরূপে তাঁহার পত্নীকে সমান্তের বিক্রম ও দয়ার পাত্রী করিয়াছেন?”

এ দেশে ত স্বামীর অবঃপতনের জন্য স্ত্রীকে লজ্জিত হইতে দেখা যায় না বরং স্ত্রীঃ সামান্য পদস্থলনে স্বামীর লজ্জা হয়। ইংলণ্ডে স্বামীর পতনে স্ত্রীও অপমান বোধ করেন। এ দেশে ও সেদেশ এ এক প্রভেদ।

ডাল্‌ডিস্ উত্তর করিলেন, “লেডী কারলীঅন, আপনার বন্ধুরা আপনাকে সতর্ক করিতে চেষ্টা করিয়াছিলেন, আপনি তাঁহাদের কথায় কর্ণপাত করেন নাই। যখন আমি ইঙ্গিতে বলিয়াছিলাম যে, আপনার বিশ্বাস অপাত্রে ন্যস্ত, সেদিন আপনি আমাকে তাড়িয়া দিয়াছিলেন। অবশ্য দেরূপ করা আপনার অন্যায় হইয়াছিল, আমি এরূপ বলি না। আপনি পতিপ্রাণা সতীর উপযুক্ত কাজই করিয়াছিলেন। এখন আপনি সবই জানিতে পারিয়াছেন—”

“এখন আমি জানিতে পারিয়াছি; কিন্তু জানিয়া ফল কি? আমি কি করিতে পারি? স্বামীর বিশ্বাসঘাতকতার বিরুদ্ধে অবলার কোন উপায় নাই। আমি পুহার চিহ্ন দেখাইতে পারি না,—তাঁহার কোন দুর্ব্যবহার প্রমাণিত করিতে পারি না। আইন বলিবে, “কিরে যাও বোকা মেয়ে! তোঁার স্বামী যাহাই করুন না কেন, তিনি যদি তোমার সহিত শিষ্ট ব্যবহার করেন, তবে তুমি তাঁহা হইতে স্বতন্ত্র হইতে পার না! ইত্যাদি ইত্যাদি।”

এ উক্তি ইংরাজ ললনার! - কি বুক ভাঙ্গা কথা! যে অনলে মজলুনা দগ্ধ হন, সেই অনল ডেলিশিয়াকেও দগ্ধ করে!

ডেলিশিয়া আবেগ ভরে বলিয়া যাইতে লাগিলেন, 'পল ভানডিস! আপনি থিয়েটারে আবেগের অভিনয় করিতে পাবেন, * দুঃখের স্বরূপ অনুকরণ করিতে পাবেন; কিন্তু আপনি কোন কালে অবলাব ভণ্ড হওয়ার সহায় মুক যন্ত্রণার ভয়াবহ গভীরতা অনুভব করিতে পাবিয়াছেন কি? না আমার বিশ্বাস, আপনার অতি স্নেহ কল্পনা শক্তিও ততদূর পৌঁছিতে পারে না। আপনি জানেন, আমি কেন সহ্যা এখানে—এই সাগর তীরে আসিয়াছি?— আমি জানি, আমার যন্ত্রণা দূর্বহ হইলে এই শাস্ত শিষ্ট সমুদ্র আমাকে তাহার অতল বক্ষে স্থান দিতে আপত্তি করিবে না। কিন্তু না! আমি ডুবির না! কিন্তু আপনি জানেন? আপনি অনুমান করিতে পারেন, কেন আমি অদ্য আমার স্বামীর সহিত দেখা না করিবার অভিপ্রায়ে এখানে চলিয়া আসিয়াছি? * * * আমার আশঙ্কা ছিল, দেখা হইলে আমি তাঁহাকে হত্যা করিতাম!'

*

*

*

ডেলিশিয়া নিভতে চিন্তা করিতেছেন, এখন কি করা কর্তব্য? পৃথিবীর চতুর্দিকে ভ্রমণ করিয়া নিত্য নুতন জ্ঞানার্জন করিবেন; অথবা অশ্রান্ত ভ্রমণে যদি শবীর অবসান হয়, তবে স্কটল্যান্ডের হাংলাওরিত নির্জন প্রদেশে অথবা আয়ারল্যান্ডের মনোবন উপত্যকায় একটি বাড়ীতে থাকিয়া সাহিত্য-চর্চায় মগনের অবশিষ্ট দিন অতিবাহিত করিবেন।

তাহাতে সমাজ ভাঙ্গন করিবে যে? 'নেডী কান্ট্রীমেনের নির্জনবাসের কারণ কি? হয় ত তাঁর পোন মন্দ অভিপ্রায় আছে!'

তাই ত! যতদিন আত্মীয় স্বজনদের অত্যাচার সহ্য করিয়া তাহাদের পদে হন করিতে পার, ততদিন তুমি তাঁরা যদি তুমি আত্ম-পরিমাণ প্রকাশ কর, আপনার সম্পত্তি রক্ষার জন্য ব্যস্ত হইয়া উকিল মোহরানের সহিত পরামর্শ কর, স্বাধীনতার ভাব দেখাও, আত্মীয়দের সহিত মনে না বলিয়া স্বতন্ত্র বাড়ীতে থাক, —তবে কি দাবি বক্ষা? তবে সমাজের মতে তুমি অধঃপাত গিয়াছ! ডেলিশিয়া ঠিকই বলিয়াছেন, "এ জীবন দেখা এখন আমি কি করি?" বিশ্বাস হইলে সমাজে গণ্ডনা হইতে বক্ষা পাইবার জন্য পূর্বে ভারত ললনা নৃত্য স্বামীর অসন্ত চিন্তায় প্রবেশ করিয়া আত্মসম্মতি হইত। ডেলিশিয়াকেও

* নিঃ পলভানডিস থিয়েটারের এজন্য বিখ্যাত অভিনেতা।

জীবনভার লইয়া বেশীদিন ভাবিতে হয় নাই তিনি শীঘ্রই মৃত্যুর শান্তিক্রোড়ে আশ্রয় লইলেন।

যে দিন “এম্পায়ারে’ লা-মেরিনার বক্ষে কার্লীঅন্ প্রদত্ত প্রেম-চিহ্ন দেখিয়া আসিলেন, সেই দিনট ডেলিশিয়ার প্রকৃত মৃত্যু হয়,—অথাৎ তাঁহার হৃদয়ের মৃত্যু হয়। তাঁহার মৃত্যু ও প্রেমের মৃত্যু একই কথা। জীবনমূর্ত্তা ডেলিশিয়া তবু যে দেহভার বহন করিতেছেন, তাহা কেমন জীবনের এক গুরুতর কর্তব্যপালন বাকী আছে বলিয়া।

ডেলিশিয়া ১৫ দিন পরে প্রোডেস্টেরাস হস্তে প্রত্যাগমন করিয়া ভৃত্য রব্‌সনের প্রমুখাৎ স্বামীর অনেক কলঙ্ক কথাই শুনিলেন। ক্রোবে লজ্জায় ডেলিশিয়ার দেহলতা কম্পিত হইল—তাঁহার নিজের ভৃত্যও তাঁহাকে দরার পাত্রী ভাবিল। রব্‌সনের কথায় তাবে বক্রুণা ছিল! সমবেদনা ছিল !!

কিয়ৎক্ষণ বিশ্রামের জন্য ডেলিশিয়া শয়নবক্ষে গেলেন। দুৰ্দ্ধ ফেননিড শয্যায় উপাধানের প্রতি চাহিয়া ডেলিশিয়া ভাবিলেন, “আমার এই উপাধানে লা-মেরিনার মস্তক ন্যস্ত হইয়াছিল ?” শয্যার নিকট বাহতে না বাহতেই তাঁহার মনে হইল যেন একটি তীক্ষ্ণবান ছুরিকা তাঁহার হৃদয়ে বিদ্ধ হইল সেই যন্ত্রণায় ডেলিশিয়া মূছিত হইয় ভূমিতলে পড়িলেন ! তাঁহার পতনের শব্দ শুনিতে পাইয়া এমিলি দৌড়িয়া আসিল। * * * ডেলিশিয়া চক্ষু মেলিলে, দেখিলেন, এমিলি তাঁহার স্তন্যায় ব্যস্ত। * *

গৃহে লর্ডের সহিত দেখা হইবার পূর্বেই ডেলিশিয়াকে সন্ধ্যায় লেডী ডেব্রাটারের নিমন্ত্রণে বাহতে হয়। তথায় স্বকর্ণে স্বামীর মুখে তাঁহার নিন্দা শুনিতে পাঠলেন। অবশ্য ডেলিশিয়াকে না দেখিয়াই তিনি নিন্দা করিতেছিলেন! তাঁহার কথা শেষ হইলে ডেলিশিয়া উঠিয়া দাঁড়াইলেন,—বঠোর দৃষ্টিতে স্বামীরদিকে চাহিলেন। মুহূর্ত্ত পরে তিনি নীরবে সরিয়া গেলেন। লেডী ব্রান্স্‌ইথ (ইঁহারই সঙ্গে কার্লীঅন্ আলাপ করিতেছিলেন) সন্ধ্যায় জিজ্ঞাসা করিলেন, “উনি কে ?”

কার্লীঅন্ কিঞ্চৎ ভীতভাবে বলিলেন, “উনি ডেলিশিয়া—আমার স্ত্রী। লেডী ব্রান্স্‌ইথ বলিয়া উঠিলেন, “তিনি। সেই সুপ্রসিদ্ধা লেখিকা। আমার ধারণা ছিল না যে, তিনি এমন সুলক্ষী। তিনি সে সব কথা অবশ্যই শুনিয়াছেন।”

সে রাত্রি লর্ড কার্লীঅন্ গৃহে পদার্পণ করিবারাত্র রব্‌সন তাঁহাকে জানাইল যে, কর্তা তাঁহার জন্য পাঠাগারে অপেক্ষা করিতেছেন।

ডেলিশিয়ার সম্মুখে উপস্থিত হইতে লর্ডের যেন হৃতকম্প হইল। ঘরের পর্দার নিকট দাঁড়াইয়া কিঞ্চিৎ ইতস্ততঃ করিয়া তিনি কক্ষে প্রবেশ করিলেন। (যেন রানীর সম্মুখে খুলী আগামী—বিচারে প্রাণদণ্ডের আদেশ হইবে।)

লর্ড আরম্ভ করিলেন, “ডেলিশিয়া, আমি বড় দুঃখিত হইয়াছি—”

ক্রোধে ডেলিশিয়ার চক্ষু হইতে যেন অগ্নিস্কুলিঙ্গ বহির্গত হইতেছিল, তিনি মূৰ্ছ অথচ দৃঢ়স্বরে বলিলেন, “খাম, আর মিথ্যা। বলিবার প্রয়োজন নাই! এখন আমি তোমার নিজমুতি দেখিয়াছি—তোমার সে মুখস খসিয়া পড়িয়াছে; মুখগটা আর তুলিয়া লওয়ার চেষ্টা বৃথা।”

প্রভু স্তম্ভিত হইলেন, একটু হাসিতে বৃথা চেষ্টা করিলেন।

ডেলিশিয়া তাঁহার প্রতি স্থির দৃষ্টিতে চাহিয়া বলিয়া যাইতে লাগিলেন, “আজি রাত্রে তুমি আমার গিন্দা করিয়াছ। * * *”

“আমি তোমাকে বলি নাই,” লর্ড আশ্চর্যকার চেষ্টা আরম্ভ করিলেন, “আমি বলিয়াছি, প্রায় সকল বিদুষী নারীই রমণীমূলভ কোমলভাব হারািয়া থাকে।”

“ক্ষমা কর” ডেলিশিয়া বাধা দিয়া বলিলেন, “তুমি বলিয়াছ, স্ত্রীলোকেরা স্বাভাবিক পুস্তক লিখেন, যেমন আমার স্ত্রী”; ঠিক এই কথাগুলি বলিয়াছ। * * * যৎকালে আমি পরম আরাধ্য বেবতাজানে তোমার উপাসনা করিতেছিলাম, তুমি আমাকে প্রতারণা করিতেছিলে। তুমি এইরূপে আমাকে অতি নৃৎসভাবে হত্যা করিলে !”

* * *

কিয়ৎক্ষণ বাদানুবাদের পর ডেলিশিয়া বলিলেন, “আমার বক্তব্য এই — এখন হইতে আমরা স্বতন্ত্র থাকিব। কারণ * * * আমি অভিনেত্রীদের অলঙ্কারের ব্যয়ভার বহন করিতে চাই না। আর তোমার বদান্যতা—অর্থাৎ লেডি ব্রান্স্‌ইথের ‘বিল’ শোধ করার ইচ্ছাও আমি অনুমোদন করি না।”

* * *

শেষ কার্‌লীঅন বলিলেন, “ডেলিশিয়া! তুমি কি প্রলাপ বকিতেছ। তুমি বাস্তবিক স্বতন্ত্রবাসের ইচ্ছা কর না? আমাকে ছাড়িয়া তুমি কি করিবে?”

“আমি ভীষিত থাকিব, অথবা মরিব, সে অন্য ভাবি না।”

লর্ড ভাবিলেন, এখন বোধ হয় ডেলিশিয়ার রাগ কম হইয়াছে। তাই তাঁহার দিকে একটু অগ্রসর হইলেন।

ডেলিশিয়া ক্ষিপ্র হস্তে পিস্তল তুলিয়া বলিলেন, “সাবধান! আমার নিকট আসিও না —”

লর্ড একটু হাসিলেন, “তুমি পাগল হইয়াছ ডেলিশিয়া? পিস্তলটা রাখ; বোধ হয় ওটা ভরা নয়। তবু তোমার হাতে পিস্তল ভাল দেখায় না।”

“না, ভালত দেখায় না; কিন্তু পিস্তলটা ভরা! তোমাব আসিবার পূর্বেই আমি এটা ভরিয়া রাখিয়াছি। আমি শপথ করিয়া বলিতেছি, যদি তুমি আর একপদ অগ্রসর হও—আমি তোমাকে গুলী করিব!”

ডেলিশিয়া শেষ বিন্যয়ের জন্য হস্ত প্রসারণ করিয়া বলিলেন, “বিদায় উইল! আমি তোমাকে বড় ভালবাসিতাম। কিছুদিন পূর্বে তুমি আমার হৃদয় সর্ব্ব্ব ছিলে;—সেই প্রেম, যাহা অকস্মাৎ চিরতবে বিনষ্ট হইয়াছে—মরিয়া গিয়াছে, তাহারই খাতিরে এখন আমরা শান্তি সহিত বিদায় লই।”

কিন্তু লর্ড ডেলিশিয়ার হস্তস্পর্শ করিলেন না; তিনি এত শীঘ্র বিদায় লইবেন না। তিনি নিজ বভব্য বলিয়া যাইতে লাগিলেন!

ডেলিশিয়া আর কিছু না বলিয়া লিপিতে বসিলেন।

‘তুমি শুনিতেছ?’ লর্ড পুনরায় বলিলেন, “আমি বিদায় গ্রহণ করিব না”

ডেলিশিয়া নিকটবর্ত্ত। তিনি নিজে স্থির ছিলেন, কেবল তাঁহার লেখনী নড়িতছিল।

লর্ড কাল্পীজন্ বলিলেন, “গবর্ণমেন্ট স্ত্রীলোকের বেশী স্বাধীনতায়া বাধা দিয়া ভালত করেন। যদি তোমাদের ইচ্ছামত সব অধিকার তোমরা পাইতে তবে তোমাদের অত্যাচারের সীমা থাকিত না। রমণীর উচিত নগ্ন শাস্ত হওয়া; যদি সৌভাগ্যবশত: তাহারা ধনবতী হয়, তবে সে টাকা তাহাদের স্বামীদের উপকারের জন্য ব্যয় করা উচিত। ইহাই স্পষ্ট জগতের স্বাভাবিক নিয়ম,—রমণী পুরুষের সেবিকারূপে সৃষ্ট হইয়াছে—যখন সে তাহা (দাসী) হইতে চায় না, তখনই গোলমাল হয়।”

বাহবা! যদি ইংলও নিবাসীর এই উক্তি, তবে আর আমরা গোটাঁকতক ইংলও প্রত্যাগত লোকের সক্ষীর্ণচিত্ততা দেখিয়া অশ্চর্য্য হই কেন? কেন? বাঁহারা ধিলাতি বিদ্যালান্ডের নিমিত্ত সে বেশে যান, তাঁহারা দুই চারিটা “কারলীজন্” এর সংগ্রহে পড়িয়া বিষাক্ত হন, ইহা অসম্ভব নহে। তাই ত গবর্ণমেন্ট কেন স্ত্রীলোকগুলিকে কামানে উড়াইয়া দেন না? অতগুলি গোলাগুলী

কামান বলুক আছে কিসেব জন্য? অথবা বৃটিশ সাম্রাজ্যের সমুদয় অবলাকে একটা বারুদের ঘরে বন্ধ করিয়া বারুদে আগুন দিলে সব আপদ চুকিয়া যায়। তাহা হইলে আন “ডেলিশিয়া ট্রাজেডী” বা “মঞ্জলুনা-বধ-কাহিনী” লিখিবার জন্য কেহ ভীষিত থাকিবে না !! *

সুখের বিষয়, ইংলেণ্ডে “কাল্পনীজন”এর সংখ্যা (দুই এক শতের) অধিক নহে। যেখানে কাল্পনীজন হেন নীচাশয় কাপুরুষ আছেন, সেখানে মিঃ ক্যা. বনডিশ ও পলভান্ডিসের ন্যায় মহানুভব লোকও আছেন। মোটের উপর সহৃদয় পুরুষই বেশী। এবং আনাদের দেশেও (অধিক না হইলেও) অল্পসংখক মতশয় পুরুষ আছেন। বিশাল কণ্টক-অবশ্যে যে মুষ্টিমেয় ফুল দেখিতে পাওয়া যায়, তাহারই জন্য দৃশুবকে ধন্যবাদ দেওয়া বর্তব্য।”

ডেলিশিয়া তবু বিছু না বলিয়া পূর্ববৎ লিখিতে থাকিলেন।

পরিণামে হর্ড বলিলেন “আমি এখন শয়ন করিতে যাই; শুভরাত্রি, ডেলিশিয়া !”

এার ডেলিশিয়া তাঁহান দিকে চাহিয়া বলিলেন, “শুভরাত্রি”

এই তাহাদের শেষ, নিশায়! এত শৈব দেখা! কাল্পনীজন চলিয়া যাইবানাত্র ডেলিশিয়া উঠিব’ কথাটুকু বলিলেন।

যতক্ষণ জীব থাকে, ততক্ষণ জীবের উদ্ভেজনার বোধী একরূপ সনন থাকে; যেদিন জীব সম্পূর্ণ ছাড়িয়া যাব, সেদিন বোধী হঠাৎ অত্যন্ত দুর্বল হইয়া পড়ে।

যতক্ষণ হর্ড কাল্পনীজন উপস্থিত ছিলেন, ক্রোধ বেদের উদ্ভেজনা ছিল, ততক্ষণ ডেলিশিয়ার হৃদয় সনন ছিল; কাল্পনীজন চলিয়া গেলে পর ডেলিশিয়া যেন ভাঙ্গিয়া পড়িলেন—ক্রমে সংজ্ঞা বিলুপ্ত হইল,—তিনি মুছিত হইলেন।

পরদিন ডেলিশিয়ার উৎখানশক্তি ছিল না, তিনি ভগ্নহৃদয়, ভগ্নশরীর লইয়া সমস্তদিন শয়নকক্ষেই থাকিলেন। সেদিন প্রাতে কারলীজন

* “Murder of Delicia”র ২৮২ পৃষ্ঠায় লিখিত আছে—Edward Fitzgerald wrote of one of England’s greatest poets thus:—Mrs. Barrett Browning is dead. Thank God we shall have no more “Aurora Leighs!” It is the usual manner assumed by men who have neither the brain nor the feeling to write an ‘Aurora Leigh’ themselves.”

প্যারিস যাত্রা করিলেন। তিনি যাত্রাকালে ডেলিশিয়াকে ছোট একখানি পত্র লিখিয়া গেলেন। মধ্যাহ্ন ভাঙে একরাশি পত্র আনিয়াছিল, সে পত্রগুলি পাঠকালে ডেলিশিয়া দীর্ঘনিঃশ্বাস ফেলিয়া বলিলেন,—

“তাহারা (পত্র-লেখকেরা) জানে না যে আমি মগ্নিরাছি।”

ডেলিশিয়া-চরিত্রে বিশেষ লক্ষ্য করিবার বিষয় এই,—সমাজ এবং আইন তাহার প্রতিকূলে থাকে। সত্বেও তিনি বিশ্বাসঘাতক স্বামীর কবল হইতে আপনাকে মুক্ত করিলেন। ইহাতে তাঁহার নৈতিক সাহসের প্রমাণ করা হইতে হয়। তাহার পবিত্র হৃদয় কত উচ্চ!—তাঁহার মনোভাব কি মহান—যে বাজি লা-মেরিনাকে ভালবাসেন, তাঁহার ভালবাসায় ডেলিশিয়ার প্রয়োজন নাই। তিনি স্বামীকে একথা স্পষ্টই বলিয়াছেন—“তোমার যে হস্ত লা-মেরিনাকে স্পর্শ করিয়াছে, সে কলুষিত হস্ত আমাকে স্পর্শ করিতে পারে না।”

কেহ বলিতে পারেন যে, ডেলিশিয়ার অর্থবল ছিল বলিয়া তিনি স্বামী হইতে পৃথক হইতে পারিলেন; স্বামীর অনাশ্রিতা হইলে ওরূপ করিতে পারিতেন না। কিন্তু আমরা ত্রেজবিনী ডেলিশিয়ার যে আত্ম-সম্মানজ্ঞানের পবিচয় পাই, তাহাতে আমাদের বিশ্বাস যে, তিনি একেবারে কর্দমকশুনা হইলেও পৃথক হইতেন। তিনি লর্ড কারলিডন-এর প্রাসাদ পন্নিত্যাগ করিয়া কোন স্কুলের শিক্ষয়িত্রী হইতেন; কিম্বা কাহারও বাড়ীতে গবর্নেস হইতেন অথবা কোন আতুরাশ্রমে অতি সামান্য বেতনে সেবিকা হইতেন। স্বামীকে তাড়াইয়া দিয়া তিনি অধিক দিন জীবিত ছিলেন না, জীবনের সে কয়টা দিন বাপনের জন্য ডেলিশিয়া উপাঙ্গনের কোন পথ নিশ্চয়ই খুঁজিয়া লইতেন। ইচ্ছা অতি প্রবল থাকিলে উপায়ের অভাব হয় না।

ডেলিশিয়ার এই ভাব—এই মৃত্যু সমাজের পক্ষে অতীব কল্যাণকর। সমাজ সংস্কার করিতে হইলে কতিপয় মজলুমকে ডেলিশিয়ার ন্যায় সমর-শাহিনী হইতে হইবে। তা সাধুদের আত্মোৎসর্গ বিনে এ-জগতে কখন কোন ভাল কাজটি হইয়াছে?*

ওরূপ উচ্চভাব ও স্বমার্জিত রুচি লাভ করিতে হইলে সুশিক্ষার প্রয়োজন। কেবে মজলুমা ডেলিশিয়ার মত বীরনারী হইতে পারিবেন?

মৃত্যুর পূর্বে ডেলিশিয়া উইল করিলেন, যেন তাঁহার স্বামী আজীবন বাসিক তিন শত টাকা (বার্ষিক ২৫০ পাউণ্ড) বৃত্তি প্রাপ্ত হন।

* উপকরণবহুতর ঐত্যের কথা স্মৃতি।

অবশিষ্ট ছয় লক্ষ (৬০০০০০'০০) টাকা দীন-দুঃখীদের দান করা হইল। এবং ভবিষ্যতে তাহার পুস্তক বিক্রয়ের টাকাও অনাথ আতরুদিগকে দান করা হইবে।

লড' কার্লীঅন্ প্যাবিসে থাকিতেই ডেলিশিয়ার মৃত্যু হইল। তিনি হৃদরোগে (হৃৎপিণ্ড মহলা স্তম্ভিত হওয়ায়) মারা গিয়াছেন।

ডেলিশিয়া-হত্যা কাহিনীর এই শেষ কি দরুণ নৈরাশ্য! হতাশ-নীড়নেই ডেলিশিয়ার জীবন-রবি মধ্যাহ্নে অস্ত গেল.—পুণ বিবাহের সময় কুসুম শুকাইয়া গেল!

এইরূপ কত নজলুনা ভগ্নহৃদয়ে আনাদের দেশে অস্তঃপুরের নিভৃত কোণে নিহতা হন, কে তাহার সন্ধান লয়? সে তাপদগ্ধা অভাগিনীদের উদয় বিলয় কোন ইতিহাসে লিপিবদ্ধ থাকে না!

দাম্পত্য-জীবনের অবস্থা যাহাই হউক, ডেলিশিয়া সামাজিক জীবনেও সুখী ছিলেন না। ডেলিশিয়া সমাজে যথেষ্ট আদরপ্রাপ্তা হন নাই কেন? যেহেতু তিনি নিজে ভাল লোক ছিলেন; যেহেতু তিনি একজন লক্ষপতিষ্ঠা লেখিকা ছিলেন; সাহিত্যক্ষেত্রে যশোবিজয়ে লেখকদের প্রতিদ্বন্দী ছিলেন। স্ত্রীলোকের এতটা উচ্চ আকাঙ্ক্ষা?—ইহা সমাজের অসহ্য! শেষে সানন্দনা লাভের জন্য সমাজ বলিত, 'অধিকাংশ রচনা কার্লীঅন্ লিখেন।' লেখার সুখ্যাতিটা নিতান্ত না দিলে নয়—তবে তাহা ডেলিশিয়াকে না দিয়া কার্লিঅঙ্কে দেওয়া ষাউক!

ডেলিশিয়ার জন্য অকপট হৃদয়ে শোক করিল কে?—স্পার্টান। কুকুর স্পার্টানের বাক্শক্তি থাকিলে সে বলিত,—“যদি সত্য, বিশুদ্ধতা এবং বিশুদ্ধ ভক্তি সঙ্গুণ হয়, তবে কুকুর পুরুমাপেক্ষা শ্রেষ্ঠ; যদি স্বার্থপরতা, ধূর্ততা ও কপটাচারকে সঙ্গুণ বলা যায়, তবে অবশ্য পুরুষ জাতি কুকুরের তুলনায় শ্রেষ্ঠ।”

একথার উত্তরে আমাদের বন্দীয় ব্রাতৃসমাজ কি বলিতে চান? এ উক্তি একজন ইংরাজ মহিলার। তাঁহাকে কিছু বলা এ-দেশী কর্তাদের ক্ষমতাতীত। কিছু বলিলেও ইঁহাদের ষষ্ঠস্বর সাত সমুদ্র পার হইয়া লেখিকার শ্রবণ-বিবরে প্রবেশ করিবে না। তবে আর কি করিবেন ব্রাতৃগণ! নীরবে রোদন করুন।

পাঠিকা! এ-দীর্ঘ উপন্যাস পাঠে আপনি অত্যন্ত শ্রান্ত হইয়াছেন, জানি, কিন্তু তবু আপনাকে “ডেলিশিয়া-হত্যা”র শেষ উক্তিটি না শুনাইয়া ছুটি দিতে পারি না! শেষ কথাটির ভাবার্থ এই—

পৃথিবীর রাজা মহারাজার নিকট ন্যায্যবিচার প্রাপ্তির আশা নাই। তবে একদিন স্বয়ং সর্বশক্তিমান বিশ্বপতি সবিচার করিবেন—তখন তিনি সতী সাধ্বী অবলার প্রতিবিলম্ব অশ্রুত জন্ম, কখনো নীরব যন্ত্রণার প্রত্যেকটি দীর্ঘ নিশ্বাসের জন্য অত্যাচারীকে শাস্তি দিবেন। আমাদের এই একমাত্র ভরসা, এই আশার নিশ্বাস বন্ধিয়া আমরা নৈর্ম দাঙ্গ বহিন—নতুব: (যদি ঐ বিচারের আশা না থাকে তবে) মনে করিতে হই, ঈশ্বর নিজেই—এবং অগৎ তাঁহার নরক !*

কথা কয়টি বড় মৈদাশ্য বুক ভাঙ্গিয়া উচড়াপিহ হইয়াছে! হ্যাঁ!

* শেষ উক্তিটি এমনই মর্মস্পর্শী যে, তাহা উদ্ধৃত না করিয়া থাকিতে পারিলাম না,—
 “Not a tear, not a heart-throb of one pure woman wronged shall escape the eyes of Eternal Justice, or fail to bring punishment upon the wrong-doer ! This we may believe—this we must believe,—else God Himself would be a demon and the world His Hell !”

জ্ঞানফল *

[রূপকথা]

আদম ও হাভা পূর্বে ইডে-উদ্যানে থাকিতেন। তাঁহারা প্রভু পরমেশ্বরের অতিথিরূপে পরম সুখে স্বর্গে ছিলেন; তাঁহাদের কোন অভাব ছিল না। পরমেশ্বর আদম-দম্পতিকে কেবল একটি গুকের ফল খাইতে নিষেধ করিয়াছিলেন।

একদা হাভা স্বর্গোদ্যানের সুকুমার জাফরান মণ্ডিত পথে ভ্রমণ করিতে করিতে সেই নিষিদ্ধ তরুন ছায়াতলে আসিয়া পড়িলেন। তিনি মুগ্ধনেত্রে কাননের সৌন্দর্য অবলোকন করিতে লাগিলেন। শাখাশিত বিহগের মধুৰ কাকলি শুনিতে শুনিতে তিনি অন্যমনস্ক হইয়া সেই বৃক্ষেব কয়েকটি ফল চয়ন করতঃ একটি ভক্ষণ করিলেন।

ফল ভক্ষণ করিবামাত্র হাভার জ্ঞানচক্ষু উন্মূলিত হইল। তিনি তখন বুদ্ধিতে পারিলেন, তাঁহাৰা যদিও রাজ-অতিথিরূপে রাজভোগে আছেন, তথাপি তাঁহার প্রকৃত অবস্থা এই যে, তাঁহার বর-অঙ্গে একখানি চীর পর্যন্ত নাই। তিনি তৎক্ষণাৎ আজ্ঞানুলিখিত বেশদামে সৰ্বাঙ্গ আবৃত করিলেন। কেমন এক প্রকার অভিনব মর্মবেদনায় তাঁহার হৃদয় দুঃখভারাক্রান্ত হইল।

এই সময় তথায় আদম গিয়া উপস্থিত হইলেন। হাভা তাহাকে স্বীয় হস্তস্থিত ফল খাইতে অনুরোধ করিলেন। পত্নীর উচ্ছষ্ট জ্ঞানফল ভক্ষণে আদমেরও জ্ঞানোদয় হইল। তখন তিনি নিজের দৈন্যদশা হৃদয়ের পরতে পরতে অনুভব করিতে লাগিলেন।—এই কি স্বর্গ? প্রেমহীন, কর্মহীন অলস জীবন,—ইহাই স্বর্গসুখ? আরও বুঝিলেন, তিনি রাজবন্দী, এই ইডেন-কাননের সীমানার বাহিরে পদার্পণ করিবার তাঁহার ক্ষমতা নাই! তিনি স্বর্ণ-রৌপ্যের ইষ্টক এবং (গুরকি বসন্তের স্থলে) প্রবাল ও মুক্তাচূর্ণ নির্মিত সুরমা প্রাসাদে থাকেন, অথচ “আপন” বলিতে এক কড়াব জিনিস তাঁহার নাই,—এমন কি পরিধানের এক ঝণ বস্ত্র পর্যন্ত নাই! এ কেমন রাজভোগ? এখন অস্তিত্বরূপ স্বর্গ সুখের স্বপ্ন ভাঙ্গিয়া গেল,—জ্ঞানের জাগ্রত অবস্থা স্পষ্ট উপলব্ধ

* এখানে বোয়ান-শব্দিক বা বাইবেলের বর্ণিত জ্ঞানের অনুসরণ করা হয় নাই।

হইতে লাগিল। সুতরাং মোহ ও শক্তির স্বলে চেতনা ও অশক্তি দেখা দিল। তিনি হাতাকে বলিলেন, “এতদিন আমরা কি মোহে তুলিয়াছিলাম! আমাদের এই অবস্থায় কত সুখী ছিলাম।”

হাতা উত্তর দিলেন, “তাই ত। এই যে সৌন্দর্যের ললামভূমি,—সুগন্ধি জাফরান ‘কুমুমশয্যা’ বাহাতে দুর্বাক্রমে বিরাজমান; এই যে হীরক-প্রসূন-ভূষিতা ললিতা বল্লরী; এই যে মকরত-কিশলয়-শোভিত তরুরাজি-শীর্ষ-পদ্মরাগ ফুল,—ইহারা নয়ন রঞ্জন করে বটে কিন্তু ইহাতে প্রাণের আকাঙ্ক্ষা মিটে কই? ‘কওসর’ জলাশয়ের মকরল প্রতীম অমিয় বারি তৃষ্ণা নাশ করে বটে, কিন্তু তাহাতে হৃদয়ের পিপাসা মিটে কই? এ সব স্বর্গীয় ত্রেণুর্বে আমাদের কি প্রয়োজন?” কোন এক অজ্ঞাত পরিবর্তন লাভের জন্য তাঁহারা ব্যাকুল হইলেন।

পরমেশ্বর উন্য়ান-স্রমণে আসিয়া দেখিলেন, আদম-দম্পতি তাঁহাকে দেখিয়া বৃক্ষান্তরালে লুকায়িত হইলেন। প্রভু তাঁহাদিগকে ডাকিলেন, কিন্তু তাঁহারা ক্ষোভে, অভিমানে, লজ্জায় বিভ্রাস্তরূপে যাইতে পারিলেন না। সর্বজ্ঞ জগদীশ্বর সকলই অবগত ছিলেন, তিনি ক্রুদ্ধ হইয়া বলিলেন, “তোরা স্বাধীনতা চাহিস? যা তবে দূর হ। পৃথিবীতে গিয়া দেখ স্বাধীনতায় কত সুখ।”

আদম-দম্পতি দেহ দিন পতিত হইয়া পৃথিবীতে আসিলেন। এখানে তাঁহারা অভাব-স্বাচ্ছন্দ্য, শোক-হর্ষ-রোগ, আরোগ্য, দুঃখ-সুখ প্রভৃতি বিবিধ আলো-আঁধারের পরীক্ষায় উত্তীর্ণ হইয়া প্রকৃত দাম্পত্য-জীবন লাভ করিলেন। হাতা কন্যাদিগকে অধিক ভালবাসিতেন; তিনি আশীর্বাদ করিলেন, কন্যাকুল দীর্ঘায়ু হইবে, সুখে-শান্তিতে গৃহে অবস্থিতি করিবে; প্রেমের অক্ষয় ভাণ্ডার তাহাদের হৃদয়ে সঞ্চিত থাকিবে।

আদম আবার পুত্রদিগকে অধিক শ্রেহ করিতেন, কিন্তু তাঁহার ইচ্ছাশক্তি তাদৃশ প্রবল না থাকায় তিনি তনয়দিগকে বিশেষ কোন বর দান করেন নাই।

জননী হাতার আশীর্বাদ মতে তাঁহার দুহিতানিচয় জন্নো এক গুণ, বাড়ে ষিগুণ, দীর্ঘায়ু হয় চতুর্গুণ। আর আদমের প্রিয় তনয় জন্নো এক গুণ, অতি মোহাগে প্রতিপালিত হয় বলিয়া রোগ ভোগ করে ষিগুণ, মরে চতুর্গুণ। স্বাভাবিক মৃত্যু না হইলে তাহারা যুদ্ধাচ্ছলে

পরম্পরে মাগনারি কাটাকাটি করিয়া মরে! একদল কাঁরাগারে পচে, অবশিষ্ট নানা ক্লেব ভোগ করে!

স্বর্গচ্যুতা হাভা তাহার ভুজ্জবশিষ্ট যে জ্ঞানফলটি পৃথিবীতে ফেলিয়া দিলেন, তাহার বীজে ধরণীর পূর্বাংশে এক বিশাল মহীকুহ জন্মিল। সময়ে শাখীটি ফুলে ফলে পরিপূর্ণ হইল; কিন্তু সে দেশের লোকে তৎকালে ইহার যথেষ্ট আদর করিতে জানিত না। তরুতলে রাশি রাশি সুপক্ক ফল পড়িয়া থাকিত, শূগল ও কারু তদ্বারা উদরপূতি করিত। অবশিষ্ট ফল নিকটবর্তী শাস্তানবীর বেলায় পুঞ্জীভূত হইতে লাগিল, কতক গড়াইয়া মদীগর্ভে পড়িল।

জ্ঞানফলের রসমিশ্রিত নদীজল যথাকালে বিরাট সাগরে গিয়া নিশিতেছিল। বিরাট সাগরের পরপারে পরিস্তান।

পরিস্তানের নরনারী দেখিতে অতি সুন্দর; কিন্তু শারীরিক সৌন্দর্য ব্যতীত বড়াই করিবার উপযুক্ত আর বিশেষ কিছু তাহাদের ছিল না। সে দেশে কেবল মাকালের বন; উপযুক্ত খাদ্য-সামগ্রীর একান্ত অভাব। জিনগণ * নানা কৌশলে অতি যত্ন পরিশ্রমেও কর্তৃক অনুর্বর ভূমি কর্ষণ করিয়া উপযুক্ত ফললাভ করিতে পারিত না। পরিগণ অমরাবতী তুল্য বিলাসভবনে বাস করে, নানা প্রকারে বিলাস-সামগ্রীতে পরিবেষ্টিত থাকে; তাহাদের ঐশ্বর্যও প্রচুর, তথাপি তাহারা জঠরানলের স্বালায় ক্লেব পায়! বিধাতার লীলা এমনই চমৎকার!

একবার কতিপয় জিন অবগাহন কালে ক্ষুধার তাড়নে আকুল হইয়া বিরাট সাগরের লবণাসু খানিকটা গলাধঃকরণ করিল। জলপান করিবামাত্র তাহাদের অস্তিত্বরূপ আরও অপর্যায়িত হইল। এতকাল তাহারা যে অনুচিন্তারূপ জটিল সমস্যার মীমাংসা করিতে পারে নাই, এখন সে মীমাংসা সহজেই হইয়া গেল। জ্ঞানের দিব্য চক্ষে তাহারা পথ দেখিতে পাইল।

সেই দিন উক্ত জিনগণ মনস্থ করিল, তাহারা নানা দেশে গিয়া বাণিজ্য-ব্যবসায় করিলে। অতঃপর তাহারা মাকাল ফলে জাহাজ বোঝাই করিয়া বাণিজ্য-ব্যপদেশে যাত্রা করিল। জিনদের জাহাজখানি নামাস্তান দ্বারিয়া বিরাট সাগরের উপকূলে কনক ঘাঁপের এক

* জিন—নর। পরী—নারী

বন্দরে উপনীত হইল! কনক দ্বীপে একজাতি সুবর্ণকায় মানবের বসতি ছিল।

কনক দ্বীপের সমৃদ্ধিশালী নগর দেখিয়া জিন-বণিকের চক্ষু স্থির হইল। তাহাদের ধারণা ছিল যে, তাহাদের দেশের মত ঐশ্বর্যশালী দেশ আর নাই, তাহারা 'ধুলামুঠা ধরিলে সোনামুঠা' হয়! কিন্তু কনক দ্বীপের ভূমি রত্নগর্ভা! এখানে নানা জাতি সুস্বাদু ফলের গাছ আছে, তন্মধ্যে আশ্রকানন প্রধান। এখানকার সুসভ্য ঋষিপ্রকৃতি লোকেরা প্রধানতঃ ফল ভক্ষণে জীবনধারণ করে। জিন-বণিক মনে করিল, কোনরূপে একবার ইহাদিগকে ভুলাইতে পারিলে হয়। তখন তাহারা কনক দ্বীপবাসীদের নিকট হইতে মাকাল বিনিময়ে কতকগুলি সোনামুঠা, আঁধারমাণিক প্রভৃতি আশ্র লইল। এইরূপে প্রতি বৎসর মাকাল বোঝাই জাহাজ লইয়া আসিত আর আশ্রপূর্ণ জাহাজ লইয়া বাইত। ক্রমে বাণিজ্য বেশ পাকিয়া উঠিল। কিন্তু তাহাদের বাণিজ্যের শ্রীবৃদ্ধির সঙ্গে সঙ্গে কনক দ্বীপে আশ্রফলের দুর্ভিক্ষ হইতে লাগিল।

পর বৎসর বণিকেরা বিপণীতে আশ্রের অভাব দেখিয়া চিন্তিত হইল। তাহারা নগর ছাড়িয়া পল্লীগ্রামে আশ্রের সন্ধানে বেড়াইতে লাগিল। গ্রামে গিয়া তাহারা দেখিল, হৈমন্তিক ক্ষেত্রসমূহ সুবর্ণ ধান্যে পরিপূর্ণ! কৃষককুল রাশি রাশি ধান্য লইয়া মনের আনন্দে গৃহে গমন করিতেছে। তদর্শনে জিনেরা দীর্ঘনিশ্বাস ত্যাগ করিল,— “ইহারা ক্ষুধার যন্ত্রণা জানে না!” অতঃপর কিঞ্চিৎ ইতস্ততঃ করিয়া বণিক কৃষকের নিকট মাকাল বিনিময়ে ধান্য প্রার্থনা করিল। কৃষক তাহার ভাষা বুঝিল না; অপিচ ছোট ছোট ফুটপুটে বালক বালিকার দল সবিস্ময়ে জিনদের পরিবেষ্টন করিয়া দাঁড়াইল। তাহারা কৌতূহলপূর্ণ দৃষ্টিতে জিনদের সুন্দর বদনমণ্ডল নিরীক্ষণ করিতে লাগিল। বণিক মনে মনে ভাবিল, “একি রঙ্গ! আমরা এই কৃষক-শিশুদের তামাসার বিষয় হইলাম দেখি!”

যাহা হউক, কোন প্রকারে কৃষককে বণিকেরা নিজেদের মনোভাব জ্ঞাপন করিল। কৃষক প্রথমে মাকালের পরিবর্তে ধান্য দান করিতে অস্বীকৃত হইল; কিন্তু তাহার পুত্র বলিল, “আহা! দাও, ওরা ক্ষুধার্ত। আমাদের এত ধান আছে!”*

* আহারে!—“নিজ অনু পর কর পণ্য দিলে
পরিবর্ত বনে দূর্বিক্ষ নিলে!”

জ্ঞান-বিজ্ঞানে উন্নত পরিস্থানে প্রতি বৎসর বাণিজ্যতরীর সংখ্যা বৃদ্ধি হইতে লাগিল। এখন আর খাদ্যদ্রব্যের অপতুলতা নাই, স্নতরাং পরীক্ষণের আর কোন প্রকার ক্লেশ নাই। তাহার মনের সাথে ঐশ্বর্যালিক রথারোহণে সময় সময় কনক স্বীপে ভ্রমণ করিতে আসিত। তাহাদের সহিত কনক স্বীপ-বাগিনী ললনাদের বেশ ঘনিষ্ঠতা হইল। ফলে তাহার পরীদের বেশভূষার অনুকরণ প্রয়াসী হইতে লাগিল। বাকী রহিল কেবল পরীর পাখা দুইটির অনুকরণ।

পূর্বে দুই একখানা জাহাজে বৎসরে একবার মাত্র মাকালের আমদানি হইত, পরে অসংখ্য তরীপূর্ণ মাকাল বৎসরে তিন চারিবার কনক স্বীপে আসিতে লাগিল। আর রাশি রাশি ধান্য পরীস্থানে রপ্তানী হইতে চলিল। মাকালের নামা এমনই যে, কৃষক আর কিছুতেই আত্মসংযম করিতে পারিতেছিল না। আর কৃষক সর্বস্বরের জন্য ধান্য সঞ্চয় করিয়া রাখে না, ক্রমে এমন হইল, অদ্য যে ধান্যক্ষেত্র হইতে কর্তন করিয়া আনে, কল্যা তাহা মাকাল বিনিময়ে বিক্রয় করে। স্নতরাং কনক স্বীপে দুর্ভিক্ষ রাক্ষসী আসিয়া ঘর বাঁধিল।

এই মাকাল-বাণিজ্যের সময় একটি উল্লেখযোগ্য ঘটনা ঘটয়াছিল। বিরাট সাগরতীরে একটি অপরূপ পেয়ারা গাছ হইয়াছিল। জ্ঞান-ফলের রসমিশ্রিত জল দ্বারা পূর্ণ হওয়ায় ঐ পেয়ারা ফল কিছু কিছু জ্ঞান ফলের গুণপ্রাপ্ত হইয়াছিল। জিন পরীগণ ঐ পেয়াবা নিজেদের জন্য সমস্তে সংগ্রহ করিয়া রাখিত। কিন্তু একদিন বণিকেরা যৎকালে জাহাজে মাকাল তুলিতেছিল, সেই সময়ে দৈবাৎ তরু চূড়া হইতে গোটাকত পেয়াবা জাহাজে পড়িল। সেই পেয়ারা মাকালের সহিত কনক স্বীপে আনীত ও বিক্রীত হইল।

কনক স্বীপবাসী দুই চারিজন ভাগ্যবান ব্যক্তি পরীস্থান হইতে আনীত পেয়ারা ভক্ষণ করিয়া তাহার বীজ ফেলিয়া দিলেন। সেই বীজে কনক স্বীপেও পেয়ারা গাছ হইল। ক্রমেই শতাধিক বৎসর অতীত হইল।

*

*

*

পেয়ারা ফলের কল্যাণে কতিপয় কনক স্বীপবাসী ভদ্রলোক এখন শ্রাহ স্বপ্ন হইতে জাগিয়া উঠিলেন। দীর্ঘকালের,—শত শত বৎসবেব মোহ নিদ্রার পর এ কি তীব্র জাগরণ। অন্ধ চক্ষুপ্রাপ্ত হইয়া ষোর অন্ধকারে পড়িলেন। তাহার বিস্ময় বিস্ফারিত নয়নে চতুর্দিক নিরীক্ষণ করিয়া দেখিলেন, জিনগণ এক মাকাল ফলের পরিবর্তে দেশের সর্বস্ব লইয়া গিয়াছে; এখন জলৌকার ন্যায় তাঁহাদের বুকের অবশিষ্ট রক্ত শোষণ করিতেছে। কনকের দৈন্যদর্শনা দেখিয়া তাহাদের হৃদয় শতধা হইতে লাগিল।

আর সে আশ্রয়কানন নাই; কোন স্বাদুফল গাছেই আর ফল নাই; ক্ষেত্রে স্বর্ণ শস্য নাই, রত্নগর্ভা ধরণী ধূলিগর্ভা। চইয়া পড়িয়াছে। ধরে ধরে “হা অনু হা অনু!” আত্ননাৎ উঠিয়াছে। পূর্বের মত কৃষকের আর কান্তিপুষ্ট নাই; তাহার দেহ কঙ্কালসার, পরিধানে শতপ্রস্থি চীর। কনক স্বীপবাসীর আর কিছুই নাই, আছে কেবল মাকাল আর মাকাল। নগবে বাজপথে দ্বিধারে পণ্যাবীথিকায় মাকাল; গ্রামে হাটে বাজারে মাকাল, গ্রাম্য মূন্দির দোকানে মাকাল,—সবদয় দেশ মাকালে আচ্ছন্ন। এখন উপায়?

কনক স্বীপবাসী শাপে বরপ্রাপ্ত হইয়াছে, মাকালের সহিত জ্ঞান-পেয়ারা লাভ করিয়াছে, স্তম্ভরাং উপায় ভাবিতে আব বিলম্ব হইবে না। তাহা বা প্রতিজ্ঞা কবিল, আব মাকাল গ্রহণ করিবে না। আবাল-বৃদ্ধ-বনিতা,—সকলে এক যোগে দৃঢ়প্রতিজ্ঞা করিল, তাহারা আব মাকালের মায়ায় ভুলিবে না। তাহারা এখন যে নব উৎসাহ, প্রবল শক্তি লাভ করিয়াছে,—মাকালে নাকাল না হইলে এত শীঘ্র তাহা লাভে সমর্থ হইত না। এ জন্য তাহারা কৃতজ্ঞতাপূর্ণ হৃদয়ে জিনদিগকে শতবার ধন্যবাদ দিল।

এ-দিকে যথানিয়মে জিন-সওদাগর পূর্ব অভ্যাস মত জাহাজ বোঝাই মাকাল লইয়া বন্দরে পৌছিল। কিন্তু এবার আর মাকাল বিক্রয় হইল না। যখন কিছুতেই বণিকেরা বেসাত্তির কুল কিনারা করিতে পারিল না, এবং ভারে ভারে নমনরঞ্জন মাকাল পচিয়া নষ্ট হইতে লাগিল, তখন তাহারা নিরুপায় হইয়া পবীস্থানে এই দুঃসংবাদ প্রেবণ কবিল।

পরীস্থানে বণিক-সভায় এ-বিষয়ের তুমুল আলোচন হইতে লাগিল,—আলোচন-পনয়ে বিবাট সাগরের স্তম্ভীভাব শান্ত জন পর্যন্ত আলোড়িত হইল। পরিশেষে জটনৈক গলিতদম্ভ পলিতকেশ বৃদ্ধ বলিলেন, “অনুসন্ধান করিয়া দেখ, কনক স্বীপবাসী কেন মাকালে বিবাগী হইল।”

বণিকদল কনক স্বীপের নানা স্থানে ভ্রমণ কবিয়া, নানা প্রকার জনবহু শুনিয়া অবগত হইল যে, যাহা বা পেয়াবাব আশ্বাদ প্রাপ্ত হইয়াছেন, তাহা বাই মাকালে বিরোধী। সওদাগর এই সন্দেশ মায়া বলে এক নিমিষেই পরীস্থানে প্রেরণ করিল। সেই দিনই বণিকনেতা আদেশ দিলেন, “কনকের পেয়ারা তরু সমূলে উৎপাটন কর।”

পুনরায় বণিকেরা মায়া সন্দেশবহ হা বা তাহাদের নেতাকে জ্ঞাপন করিল, “অত বড় মহীরুহ সমূলে উৎপাটন করা অসম্ভব। অতএব কি আদেশ? বণিকনেতা তৎক্ষণাৎ আজ্ঞা দিলেন, “উহার মূল ছেদন কর।”

পেয়ারা তরুব মূলে শত শত শাণিত কুঠাটির আঘাত পড়িতে লাগিল। তদ্বশত কনক স্বীপবাসী প্রথমে ত অবাধ হইল, পরে বুকিল, ব্যাপারখানা কি! তাহার প্রথমতঃ অনুনয় বিনয় দ্বারা জিন-বণিককে বৃক্ষচ্ছেদনে বাধা দিল,—পরে সওদাগরের পদপ্রান্তে লুণ্ঠিত হইয়া সরোদনে নিষেধ করিল। কিন্তু জিনেরা কিছুতেই নিবৃত্ত হইল না। তখন কনক স্বীপে ভয়ানক হৈ চৈ পড়িয়া গেল, শাস্তিপূর্ণ দেশটির দিকে দিকে অশাস্তি-অনল জ্বলিয়া উঠিল। জিন তবু নাছোড়বান্দা! তাহার বরং স্তবর্ণকায়দিগকে বুঝাইতে চেষ্টা করিল:

“দিশুব যখন জ্ঞানফল মানবেব পক্ষে নিষিদ্ধ করিয়াছেন এবং এই ফল গ্রহণদোষেই আদিমাতা স্বর্গবিচ্যুত হইয়াছিলেন, তখন নিশ্চয় জ্ঞানিও এ-ফল মানবের অতীত অনিষ্টকারী। অতএব তোমাদের পরম উপকারের জন্যই আমবা এত পরিশ্রম করিয়া এ-গাছ কাটিতেছি।”

দেশের লোকেরা যথেষ্ট জ্ঞান-বুদ্ধিপ্রাপ্ত হইয়াছে, তাহার আর ফাঁকা তর্কে ভুলিবার পাত্র নব! তাহার বলিল, “তবে তোমরা ও ফল খাও কেন? আগে পরীক্ষানের পেয়ানাগাছ কাটি গিয়া, পবে আমাদের গাছ কাটিও। আব আদি জননী যখন ঐ ফল বিনিময়ে স্বর্গ-সুখ তুচ্ছ করিয়াছেন, তখন ও ফলের মূল্য কত, তাহা সহজেই অনুমেয়। স্বর্গ হইতে আনীত ফল মর্ত্যে অবশ্য অবশ্য অতি যত্নে রক্ষণীয়।” কিন্তু সে কথা শুনে কে?—এ যে আঁতে যা!

বৃক্ষ কর্তন উপলক্ষে কনকে কিছু কাল খুব বাক্-বিতণ্ডা চলিতে লাগিল। এই সময় কোন অশীতিপর পণ্ডিত বলিলেন, “এ বিকৃত পেয়ারা গাছের জন্য তোমরা বৃথা কলহ কর কেন? ইহা ত সে আদি জ্ঞানফলের রূপান্তরিত ফল মাত্র। তোমরা হাভা কর্তৃক রোপিত সেই আদি বৃক্ষের অনুসন্ধান কব। শাস্ত্র পাঠে জানা যায়, তাহা পৃথিবীর পূর্বাংশে আছে। চল, আমরা তাহারই সন্ধানে যাই।” বৃক্ষের কথামতে সকলে বর্তমান ছাড়িয়া অতীতের সন্ধানে চলিল! বৃক্ষ পণ্ডিত কিন্তু তাহাদের সঙ্গে গেলেন না,—তিনি উপদেশ দান করিয়াই নিশ্চিন্ত রহিলেন।

অনেক দিনের পর্বতনে বহু নদ-নদী, জনপদ, পর্বত, প্রান্তর এবং অবশ্য অতিক্রম করিয়া কনকবাসীরা সন্ধ্যাস্থানে একটি সুবৃহৎ বৃত্ত তরু সন্নিবন্ধে উপস্থিত হইল। অনেক শাস্ত্র দেখিয়া, বহু কিংবদন্তী শুনিয়া তাহার শেষে এই সিদ্ধান্তে উপনীত হইল যে, এই শুষ্ক তরুই আদি জ্ঞানবৃক্ষ। তখন মর্মান্বিত ক্ষোভে, দুঃখে, হতাশে তাহাদের বক্ষঃ বিদীর্ণ হইতে লাগিল! তাহার এত পরিশ্রম করিয়া, দীর্ঘ প্রবাসে আহাব নিদ্রা তুচ্ছ করিয়া, এত কষ্ট সহিয়া

এদেশে আসিল এই মৃত তরুণ জন্ম? স্থানীয় লোকেরা বলিল, প্রায় ষ্টিশতাধিক বৎসর হইল গাছটি মরিয়াছে। জটনৈক আগস্তক তনুত্তরে বলিল, “তবু ভাল, তোমরা যে অনুগ্রহপূর্বক ইহাকে ইক্ষনরূপে অনলে উৎসর্গ কর নাই, তাই রক্ষা !!!”

এখন কি করা যায়? কি উপায়ে জ্ঞানবৃক্ষ পুনর্জীবিত হইবে? কেহ বলিল, প্রাণপণে জল সেচন কর, কেহ বলিল, অশ্রুসেক কর; কেহ বলিল, হৃদয়ের শোণিত দান কর, ইত্যাকার নান্য পুস্তাক উৎখাপিত হইতে লাগিল। এমন কি দুই এক জন মানবের প্রাণ-বিনিময়ে যদি তরুণের সঞ্জীবিত হয়, তবে তাহারা তাহাতেও কুণ্ঠিত নয়।

সকলে শুষ্ক শরুর নানা প্রকার যত্ন করিতে লাগিল,—অশ্রুধারা, রক্তধারা কিছুই দিতে কুণ্ঠিত হইল না! কিন্তু মৃত কবে সঞ্জীবিত হয়? সমুদয় চেষ্টা-পরিশ্রম ব্যর্থ হইল দেখিয়া তাহারা মর্মান্বিত হইয়া নানা প্রকার বিলাপ করিতে লাগিল। রোপনে ক্রান্ত হইয়া এক ব্যক্তি তরুণমূলে শয়ন করিয়াছিলেন; তিনি তদ্রাবেণে স্বপ্ন দেখিলেন, যেন কোন সন্ন্যাসী বলিতেছেন:

“বৎস! ক্রম্ভনে কোন ফল হইবে না। দুই একটি কেন, দুই লক্ষ নরবলি দান করিলেও জ্ঞানবৃক্ষ পুনর্জীবিত হইবে না। দুই শত বৎসর হইল এই দেশের অদূরদর্শী স্বার্থপর পণ্ডিত-মুর্খেরা ললনাদিগকে জ্ঞানফল ভক্ষণ করিতে নিষেধ করে; কার্যক্রমে ঐ নিষেধ সামাজিক বিধানরূপে পরিগণিত হইল এবং পুরুষেরা এ-ফল নিজেদের জন্য একটোটিয়া করিয়া লইল। রমণীযুগ এ-ফলের চয়ন ও ভক্ষণে বাবাপ্রাপ্ত হওয়ায় এ-গাছের সেবা শুশ্রুয়ায় বিনুশ হইল। কালে নারীর কোমল হস্তের সেবা-যত্নে বক্ষিত হওয়ায় জ্ঞানবৃক্ষ মরিয়া গিয়াছে। যাও, তোমরা দেশে ফিবিয়া যাও; এখন সেই পেয়ারার বীজ বপন কর গিন্ন। জিনগণ যে গাছ কাটিতে চাছে, কাটুক; তোমরা তাহাদের বাধা না দিয়া গোপনে বীজ সঞ্চয় করিয়া রাখিও। এখন তোমরা নরনারী উভয়ে মিলিয়া নব রোপিত পেয়ারা চারার যত্ন করিও, তাহা হইলে আশানুরূপ ফল প্রাপ্ত হইবে। সাবধান! আর কন্যাছাতিফে পেয়ারায় বক্ষিত করিও না! নারীর আনীত জ্ঞানফলে নারীর সম্পূর্ণ অধিকার আছে, একথা অবশ্য স্মরণ রাখিবো” নিদ্রাভঙ্গে তিনি এই স্বপ্নবৃত্তান্ত সঙ্গিদিগকে বলিলেন; তাহারা ইহা শুনিয়া সকলে একবাক্যে বলিল, চল তবে ফিরিয়া যাই। জটনৈক উপারহৃদয় ভদ্রলোক বলিলেন, “তাই ত পুরুষেরা নদী পার

হইয়া কুণ্ডীরকে কলা দেখাইয়াছিল,—নারীর জাহত জ্ঞানে নারীকেই বঞ্চিত করিয়াছিল,—তাহার কল হাতে হাতে।”

কনক ঘীপের উদ্যমশীল বালকেরা উদ্যানের এক কোণে খানিকটা স্থান পরিষ্কার ও চিহ্নিত করিল, পরে বালিকাদিগকে সঞ্চোধন করিয়া বলিল, “আইস ভগিনী! তোমরাও যোগদান কর।” আমরা কোদালি দ্বারা ভূমি প্রস্তুত করি, তোমরা স্বহস্তে বীজ বপন কর। আজি কি শুভদিন, এখন হইতে আমাদের নিজের গাছ হইবে।” বিস্ময়স্তম্ভিত জিনেরা নীরবে দাঁড়াইয়া চাহিয়া রহিল, কনকবাসীর এ-শুভকার্যে তাহারা বাধা দিতে পারিল না। নব উৎসাহে অনুপ্রাণিত কনকবাসীদের এ মহৎ কার্যে—জিন দূরে থাকুক, দৈত্যও এখন বাধা দিতে অক্ষম।

অতঃপর কনক ঘীপ পুনরায় দ্বিগুণ ত্রিগুণ ধনধান্যে পূর্ণ হইল; অধিবাসীগণ পরম স্মৃখে কালাতিপাত করিতে লাগিল। তাহারা আর কোন প্রকার ইন্দ্রজালে তুলিবার পাত্র নয়। কারণ এখন ললনাগণ জ্ঞান-কাননের অধিষ্ঠাত্রী হইয়াছেন।

কনকের রূপ কথা অমৃত সমান,
মৃত ব্যক্তি যদি শুনে পায় প্রাণদান।

নারী-সৃষ্টি

(পৌরাণিক উপাখ্যান)

[কিছুদিন হইল কোন ইংরাজী সংবাদপত্রে নারী-সৃজন সম্বন্ধে একটি চমৎকার কৌতুকপূর্ণ গল্প পাঠ করিয়াছিলাম। আমার ভগিনীদিগকে তাহার বাঙ্গালা অনুবাদ উপহার দিবার লোভ সম্বরণ করিতে পারিলাম না। পূর্বেই বলিয়া রাখি, আমি স্কুলের ছাত্রীর জন্য শাব্দিক অনুবাদ করিব না—মূল বিষয়ের মর্মোদ্ধার করিব। স্তত্রাং কেহ মূলের সহিত অনুবাদের বৈষম্য দেখিয়া হতাশ বা বিরক্ত হইবেন না।]

কর্নেল ইঙ্গারসোল (Ingersoll) “মুসার স্রম” শীর্ষক বক্তৃতা দান কালে নারী-সৃজন বিষয়ক পুরাকালের একটি আখ্যায়িকা বর্ণনা করিতে ভালবাসিতেন। তিনি তন্দ্রারা প্রমাণ করিতে প্রয়াস পাইতেন যে, বাইবেলের নারী-সৃষ্টির ইতিহাস অপেক্ষা ঐ প্রাচ্য গল্পের ভাব কত উচ্চ এবং কত উদার। কিন্তু জানি না, তিনি নিম্নলিখিত হিন্দুর পৌরাণিক আখ্যায়িকা শ্রবণ করিলে ইহাকেই সর্বশ্রেষ্ঠ বিবেচনা করিতেন কি না।

সংস্কৃত ভাষায় লিখিত এই প্রাচীন পুস্তকখানি অল্প দিন হইল আবিষ্কৃত হইয়াছে। জনৈক ইংরাজ লেখক মিঃ বেন (Mr. Bain) ইহা ইংরাজী ভাষায় অনুবাদ করিয়াছেন। অতঃপর উহা “চিকাগো টাইম্‌স্ হেরাল্ড” (Chicago Times Herald) পত্রিকায় উদ্ধৃত হয়। গল্পটি এই প্রকার:

আদিকালে যখন পৃথিবী, চন্দ্র, সূর্য, তারকা আদি কিছুই ছিল না—ছিল কেবল ঘোর অন্ধকার। ষষ্টি নামক হিন্দু দেবতা এই বিশৃঙ্খল সৃজন করিলেন। সর্বশেষে যখন বমণীসৃষ্টির পালা, তখন বিশৃঙ্খল ষষ্টি দেখিলেন যে, তিনি পুরুষ সৃজন কালেই সমুদয় মাল-মশলা ব্যয় করিয়া ফেলিয়াছেন। আর ঘন কিম্বা শক্ত কোন বস্তুই অবশিষ্ট নাই। ষষ্টিদেব নৈরাশ্যে কিংকর্তব্য-বিমুঢ় হইয়া, উপায়ান্তর না দেখিয়া ধ্যানমগ্ন হইলেন।

ধান ভাঙের পর ষষ্টি উঠিয়া দাঁড়াইলেন এবং কতকগুলি বিশেষ বিশেষ পদার্থের সার সংগ্রহ আরম্ভ করিলেন, যথা: (১) পূর্ণচন্দের খোলস; (২) সর্পের বক্ষগাতি; (৩) লতিকার তরুশাখা অবলম্বন; (৪) ভূঁইয়ের মৃদু কম্পন; (৫) পোলাপ দাঁটার ক্ষীণতা; (৬) কুম্বের পৌকুম্বার; (৭) কিশলকের

লবুধ; (৮) হরিণের কটাফ; (৯) সূর্যরশ্মির উজ্জ্বলতা; (১০) কুয়াগার অশ্রু; (১১) সমীরণের চাকল্য; (১২) শশকের ভীকৃত্য; (১৩) ময়ূরের বৃথা গর্ভ; (১৪) তালিতরু পক্ষীর পাখির কোমলতা; (১৫) হীরকের কাঠিন্য; (১৬) মধুর সিদ্ধ স্বাদ; (১৭) ব্যাঘ্রের নিষ্ঠুরতা; (১৮) অনলের উদ্ভাপ; (১৯) তুষারের শৈত্য; (২০) ধুবুর ললিত স্বর; (২১) নীলকণ্ঠের কিচির কিচির গান—

ঐ পর্যন্ত অনুবাদ লিখিবার পর অত্যন্ত ক্লান্তি বোধ হওয়ায় আমি কলম হাতে লইয়াই টেবিলে ন্যস্ত বাম হাতে নাখা রাখিয়া বিশ্রাম করিতে লাগিলাম। ভানি না, আমি তদ্রূপে হইয়াছিলাম কি না। সহসা আমার কক্ষটা অতিশয় আলোকিত হইয়া উঠিল—বোধ হইল যেন ঘরের ভিতর দুই চারিটি সূর্য উদয় হইয়াছে! সম্মুখে চাহিয়া দেখি, আলোকস্তম্ভের ন্যায় অতি উজ্জ্বল একটি মূর্তি দণ্ডায়মান। সেদিকে দেখিতে আমার নয়নময় ঝলসিয়া গেল। আমি তখনই চক্ষু মুদ্রিত করিলাম। আমার সম্মুখস্থিত ত্রৈলোক্যময় মূর্তিটি বহুগম্ভীর স্বরে বলিলেন, “শুন বৎসে! আমি বিশ্বশৃষ্টা স্বস্তি। তুমি আমার নারী-স্বষ্টির ইতিহাস আলোচনা করিতেছ দেখিয়া স্বর্ধী হইলাম। আমি সর্বশুদ্ধ তেত্রিশটি উপাদানে নারী রচনা করিয়াছি। ইংরাজ লিপিকর মিঃ বেন এই উপকথা সংস্কৃত হইতে ইংরাজী ভাষায় অনুবাদ করিবার সময় প্রথমে ১২টি উপকরণের নাম লিপিবদ্ধ করেন নাই। অদ্য আমি সেই ত্রম সংশোধন করিতে আসিয়াছি। কেন না পৌরাণিক ইতিহাসে কোন প্রকার ভুলত্রুটি থাকি বাঞ্ছনীয় নহে। আমি সেই দ্বাদশ বস্তুর নাম বলিয়া যাই, তুমি লিখ।” আমি মস্তমুগ্ধার ন্যায় বিহবলচিত্তে কলমটা কালিতে ডুবাইয়া লইয়া অলসভাবে লিখিতে লাগিলাম :

(২২) তেঁতুলের অল্পক ; (২৩) লবণের লাবণ্য ; (২৪) মরিচের ঝাল ; (২৫) ইস্কুদেগের মিষ্টতা”—ত্রম হইতেছে ভাবিয়া আমি খামিলাম, ক্ষণকাল পরে সাহসে নির্ভর করিয়া বলিলাম, “মহাত্মন! এ যে চাটনীর মসলা—”

স্বস্তি স্মিতমুখে অথচ দৃঢ়স্বরে কহিলেন, “আমি যাহা বলি, নিবিবাদে লিখিয়া যাও।” আমি তার স্বিকৃতি না করিয়া যত্নচালিতার ন্যায় লিখিলাম :

(২৬) কুইনাইনের তিজতা ; (২৭) যুদ্ধি-জ্ঞানহীনতার কুটত ; (২৮) কলহ-প্রিয়তার মুখরতা ; (২৯) দার্শনিকের অনামনস্কতা ; (৩০) রাজনৈতিকের বাস্তি ;

(৩১) পাষাণের সহিষ্ণুতা ; (৩২) সলিলের তারল্য এবং (৩৩) নিদ্রার মোহ ।”

পাঠিকা ভগিনী হর ত বক্ত রাগ করিয়াছেন, গল্পের তালভঙ্গ এবং রগভঙ্গ হইল দেখিয়া। তা কি করি, বলুন দেখি। পরের লেখা অনুবাদ করিতে গেলে নিজের স্বাধীনতা খাটান যায় না। বিশেষতঃ ঐতিহাসিক বৃত্তান্ত লিখিতে গেলে কল্পনা বেচারীকেও শৃঙ্খলাবদ্ধ রাখিতে হয়। বাক, এখন পুনরায় অনুবাদ চলুক, না, আমি আবার গোড়া হইতে বলি, অনুবাদ ও দৈববাণী একত্রে মিশাইয়া বলি।—

ধ্যান ভঙ্গের পর স্বস্তি চক্ষু সর্দন করিয়া দাঁড়াইলেন এবং কতিপয় বিশেষ বিশেষ পদার্থের সারভাগ সংগ্রহ আরম্ভ করিলেন, যথা :

- (১) পূর্ণচন্দ্রের গোলত্ব ; (২) সর্পের বক্রগতি ; (৩) লতিকার তরুশাখা অবলম্বন ;
- (৪) তৃণদলের মৃদু কম্পন ; (৫) গোলাপ লতার ক্ষীণতা ; (৬) কুম্বের সৌকুম্য ;
- (৭) কিশলয়ের লঘুত্ব ; (৮) হরিণের কটাক ; (৯) সূর্যরশ্মির উজ্জ্বল্য ;
- (১০) কয়ানার অশ্রু ; (১১) সমীরণের চাঞ্চল্য ; (১২) শশকের ভীকৃত্য ;
- (১৩) ময়ূরের বৃথা গর্ব ; (১৪) তালচক্ষু পক্ষীর পাখার কোমলতা ; (১৫) হীরকের কাঠিন্য ; (১৬) মধুর স্তিমিত স্বাদ ; (১৭) ব্যাঘ্রের নিষ্ঠুরতা ; (১৮) অনলের উত্তাপ ;
- (১৯) তুষারের শৈত্য ; (২০) ঘুঘুর কাকলী ; (২১) নীলকণ্ঠের কিচিরমিচির ;
- গান ; (২২) তেঁতুলের অগ্নিত্ব ; (২৩) লবণের লাবণ্য ; (২৪) মরিচের ঝাল ;
- (২৫) ইক্ষুরসের মিষ্টতা ; (২৬) কুইনাইনের তিক্ততা ; (২৭) যুক্তি-জ্ঞানহীনতার কটুতর্ক ; (২৮) কলহ শ্রিয়তার মুখরতা ; (২৯) দার্শনিকের অনামনস্কতা ;
- (৩০) রাজনৈতিকের ঝাঙ্কি ; (৩১) পাষাণের সহিষ্ণুতা ; (৩২) সলিলের তারল্য ;
- (৩৩) নিদ্রার মোহ।

স্বস্তিদেব উপরোক্ত তেত্রিশ উপাদান একত্র মিশ্রিত করিয়া ললনা রচনা করিলেন। (Egg beater দ্বারা উত্তমরূপে ফেটিয়া!) বলা বাহুল্য রমণী স্বজন করিতে স্বষ্টিকর্ভাকে অত্যধিক বেগ পাইতে হইয়াছিল। তাঁহাকে অনেক গবেষণা, অনেক চিন্তা, গভীর ধ্যান ও অক্লান্ত পরিশ্রম করিতে হইয়াছিল। লোকে যে জিনিসটি প্রস্তুত করিতে অধিক মাথা ঘামায়, তাহা নিশ্চয় সর্বাঙ্গ সুন্দর হয়। কোন বস্তু নির্মাণ করিয়া হাত পাকিলে পর সর্বশেষে যাহা প্রস্তুত করা হয়, তাহা সর্বোৎকৃষ্ট হয়। সুতরাং রমণী যে স্বষ্টি-জগতে সর্বশ্রেষ্ঠ জীব, ইহাতে কোন সন্দেহ থাকিতেই পারে না। অতঃপর স্বস্তি সেই অতি যত্নে নিমিত্তা অঙ্গনা পুরুষকে উপহার দিলেন।* অষ্টম দিবস পরে পুরুষ তাঁহার

* উপহারটা যেন বানরের গলায় বস্তির হয়।

নিকট উপস্থিত হইয়া বলিল—“হে প্রভো! আপনি যে জীবট আমাকে উপঢৌকন দিয়াছিলেন, সে ত আমার জীবন বিধাজ করিয়া তুলিয়াছে। সে যে অবিরত বকবক কচর-কচর করে; সে আমাকে এক তিল অবকাশ দেয় না; সেযে বিনা কারণে বিলাপ করে; এক কথায় সে যারপরনাই মন্দ।” স্বস্তি অবলাকে ফিরাইয়া লইলেন।

অষ্টাহ অতীত হইলে পর পুরুষ পুনবার দেবতা-সমীপে উপনীত হইয়া বলিল—“হে দেব! আপনার প্রদত্ত জীবটিকে প্রত্যাখান করা অবধি আমার জীবন অতিশয় নির্জন ও নীরস হইয়া পড়িয়াছে। আমার স্মরণ হয়, সে কি সুন্দর! আমার সম্মুখে নাচিত, গাঁহিত, খেলিত! মনে পড়ে তাহার সেই কটাক্ষ—মরি মরি! সে কেমন করিয়া আড় নয়নে আমার দিকে চাহিত। সে আমার খেলার সহচরী ছিল; আমার জীবন-সঙ্গিনী ছিল! তাহার বিরহ আমার অসহ্য!”

স্বস্তি বিনা বাক্যব্যয়ে তাহাকে পুনরায় সে রমণী প্রদান করিলেন।†

চতুর্থ দিবসে আবার স্বস্তিদেব দেখিলেন যে, পুরুষ বনিতাসমভিব্যাহারে তাঁহার নিকট আসিতেছে। যাষ্টাঙ্গে প্রণিপাত করিয়া পুরুষ বলিল, “দেব! আমার ক্ষমা করুন; আমি ঠিক বুদ্ধিতে পারি না, নারী আমার আনন্দের কারণ, না, বিরক্তির কারণ। তাহাকে লইয়া আমার স্মৃতিশক্তি অপেক্ষা কষ্টের ভাগই অধিক। অতএব প্রভো! আপনি কৃপাবশত: আমাকে ইহা হইতে মুক্তিদান করুন।”

এবার দেবতা ক্রুদ্ধ হইয়া বলিলেন, “যাও, তোমার যাহা ইচ্ছা করো গিয়া।”

পুরুষ উচ্চৈঃস্বরে কাঁদিয়া বলিল, “এ যে আমার কালস্বরূপ, ইহার সহিত জীবন-যাপন করা আমার পক্ষে অসম্ভব। আমি যে কিছুতেই ইহার সঙ্গ থাকিতে পারি না।”

স্বস্তি উত্তর দিলেন, “তুমি ত ইহাকে ছাড়িয়াও থাকিতে পার না।”

পুরুষ নিরুপায় হইয়া মনের দুঃখে খেদ করিতে লাগিল, “কি আপদ আমি রমণীকে রাখিতেও চাহি না, ফেলিতেও পারি না।।”

তদংগি নারী অভিশাপরূপে পুরুষের গলগ্রহ হইয়া রহিয়াছে।।।

† নারীও যেন প্রশংসনীয়, বুদ্ধি বিবেকহীন একটা কাঠের পুত্তল বিশেষ—পুরুষ তাহাকে প্রভুঃখ্যান করিলেও সে নিজেকে জনসামিহিতা বোধ করে নাই, আবার ফিরাইয়া লইতে আসিলেও পৌরব অনভব করে নাই। স্বস্তিদের অসহ্যই আদিভেদ, এইজন্য-নির্ধাক “কাঠের পুত্তল” গৃহীতই পুরুষের বাস্তবী।

নার্স নেলী

(সত্য ঘটনা অবলম্বনে লিখিত)

১

আমার ছোট নন্দ খুকী তিন বৎসর যাবৎ রোগে ভুগিতেছেন। অবশেষে ডাক্তারের পরামর্শে বায়ু পরিবর্তনের নিমিত্ত লন্ডন আসিয়াছেন। তাঁহার স্বয়ং পরিবার অন্য আমিও সঙ্গে আসিয়াছি। আল্লাহ্ রাত্রে, আমাদের কাফেলার অনেক লোক, খুকীর স্বামী-পুত্র প্রভৃতি সকলেই ছিল।

আমাদের জনৈক বন্ধু হেমবাবুও লন্ডনে ছিলেন। তাঁহার স্ত্রী বিমলা দেবী পীড়িত হইয়া জানানা হাসপাতালে আছেন শুনিয়া, আমি তাঁহাকে দেখিতে গেলাম। তিনি শয্যাশায়িনী ছিলেন। তাঁহার স্বয়ং পরিবর্তন করিয়া দেয় নার্স ; তাঁহার বাহর ক্ষতস্থলে পটি বাঁধে নার্স। এক কথায়, তাঁহার সমুদয় কার্য নার্সগণই করে। আমি প্রায় দুই ঘন্টাকাল তথায় ছিলাম, ততক্ষণে বিভিন্ন কার্যের জন্য গোটা পাঁচ নার্সকে আসিতে যাইতে দেখিলাম। কিন্তু রক্ত-পূর্ণ-পূর্ণ বালতি লইয়া যে নার্সটি, তাঁহার চেহারাটা আমার চক্ষে যেন কেমন বোধ হইল।

আমি একদিন অস্তর একদিন হেমবাবুর স্ত্রীকে দেখিতে যাইতাম। সত্য কথা বলিতে কি, বিমলাকে দেখিবার আগ্রহ তত ছিল না ; তাঁহার সেই জীর্ণ শীর্ণ রুগ্নাকারী মলিনবদনা—বিষাদের প্রতিমূর্তি নার্সটিকেই দেখিতে যাইতাম। তাহার সেই যেন চিরপরিচিত মুখখানি ; অথবা চিনি-চিনি চিনিতে পারি না মুখখানি আমার কেমন যেন লাগিত। একদিন বিমলা বলিলেন, “হাঁ ভাই, তুমি নার্স নেলীর দিকে অমন ক’রে চোখ থাক কেন ?”

আমি মনোভাব গোপন করিয়া বলিলাম, “ওর ঐ শুকনো মুখখানা দেখে বড় মায়ী লাগে।”

বিমলা। হ্যাঁ, ওর বড় দুঃস্থ, আমারও বড় মায়ী করে। কিন্তু উপায় কি ? ওকে দু’চার আনা পয়সা দিয়ে সাহায্য করবার যো নাই। ছ’টাকা মাইনে পায়—খেয়েই পেট ভরে না। প্রথম প্রথম আমি নার্স নেলীকে সিকিটা আধুলিটা দিতুম, কিন্তু পরে জানতে লাগ্নুম, লিস্টার রিতা সব কেড়ে নিয়ে

হাসপাতালের যত চাকর আছে, সবাইকে ভাগ ক'রে দেন—হয় ত নেলীর ভাগেও একটা পয়সা কখনও পড়ে। সিস্টার রিভার কি অন্যায়ে দেখ দেখি। যত নোংরা কাজ, সব নেলী করে, অথচ সে একটু ভাল খাবার খেতে পায় না।

আমি। নেলী কি জাতে মেথর ?

বিমলা। না, বাঙ্গালী খ্রীস্টান। শুনেছি, এককালে সেও গেরস্ত ঘরের বউ-ঝি ছিল। পাদ্রীমাগীরা ফুলিয়ে খ্রীস্টান করে ওকে ঘরের বার করে ছে। তার আগেকার নাম বদলে নেলী নাম রাখা হয়েছে। নেলী বাংলা জানে বলে তাকে আমাদের, অর্থাৎ বাঙ্গালী রোগিপীদের সেবার রাখা হয়েছে। মুসলমান মেয়েদের কোয়ার্টারে নেলীকে মোটেই যেতে দেয় না, ভয়, পাছে কেউ তাকে মুসলমান ক'রে ক্লে। আর এক বথা শুনেছ, নেলী নাকি দিবি কোরান পড়তে পারে।

নেলী কোরান শরীফ পাঠ করিতে পারে, শুনিয়া আমার মনে আরও কেমন ঝট্কা লাগিল। না জানি সে কোন্ মুসলমান কুলে কালী দিয়া পতিত হইয়াছে! হায়! কোরান শরীফের এই অবমাননা! খ্রীস্টান নেলী—মেথরাণী নেলী—যে হস্তে ঘৃণিত রক্ত পুঁজ পলিপুণ ব্রাহ্মণি পরিষ্কার করে, সেই হস্তে কোরান শরীফ স্পর্শ করে! কার্যতঃ নেলী এখানে মেথরের কাজ করে, কিন্তু হাসপাতালের কর্তীগণ তাহাকে নার্স নেলী বলিয়া ডাকেন।

বিমলাকে দেখিবার ছলে হাসপাতালে বাইতান বটে, কিন্তু একদিনও নেলীর সঙ্গে দু'টি কথা বলিবার সুবিধা পাইতাম না। নেলীও কাজের ছলে আমাদের নিকট যখন-তখন আসিত—অথবা দূর হইতে তাহার সুন্দর ভাগর চক্ষু দু'টি আমার দিকেই ন্যস্ত রাখিত। হঠাৎ আমি দেখিতে পাইলে চক্ষু অবনত করিয়া ধীরে ধীরে সরিয়া বাইত। এখন আমার ফিকির হইল, কিরূপে নেলীর সান্নিধ্য লাভ করা যায়। কালে ভদ্রে স্মরণে পাইয়া নেলীকে কিছু জিজ্ঞাসা করিলে সে কেবল দরবিগলিত ধারায় অশ্রু বিসর্জন করিত। বাহা হউক, নেলীকে আমাদের নিকট পাইবার এক সুবর্ণ স্মরণ উপস্থিত হইল।

খুকীর অস্ত-চিকিৎসা করাই স্থির হইল। কিন্তু আমি ত কিছুতেই খুকীকে হাসপাতালে বাইতে দিব না। এজন্য দুলা মিয়া'র (খুকীর স্বামীর) সঙ্গে অনেক বাক্বিত্তা হইল—তিনি আমাকে হাসপাতালের উপকারিতা বুঝাইতে অনেক চেষ্টা করিলেন; সমুদয় ন্যায়শাস্ত্র আবৃত্তি করিলেন। দৃষ্টান্ত স্বরূপ

হেমবাবুর জীর নজীর পেশ করিলেন। কিন্তু হাসপাতাল একবার আমার যে সর্বনাশ করিয়াছে, তাহাতে আমার প্রাণ পর্যন্ত পুড়িয়া গিয়াছে। আমার সে দর্শনকত এখনও আরোগ্য হয় নাই। দুলা মিয়াকে আর সে সব কথা খুলিয়া বলিলাম না। শেষে আমারই জয় হইল। “খন্য স্ত্রীলোকের কুসংস্কার!” বলিয়া দুলা মির। অস্ত্র (যুক্তি-অস্ত্র) ত্যাগ করিলেন! বাগাতেই অস্ত্র হইবে, ঠিক হইল।

যথাসময় হাসপাতালের বড় ডাক্তার মিস ফলী তাঁহার দলবলসহ উপস্থিত হইলেন। তাঁহার সঙ্গে দুই তিনটা নার্সও ছিল। আমরা সকলে বাঙ্গালী, “হিন্দী কা চিন্দী” বুনি না, তাই আমাদের ভাষা বুঝাইতে নার্স নেলীকে আসিতে হইয়াছিল। কার্যশেষে সকলে চলিয়া গেলেন। কেবল রোগিণীনি শুশ্রূষার জন্য দুই জন সেবিকা, নেলী এবং নিজী রহিল।

পরদিন যথাসময় সকলের স্থান আহার এবং খুশীকে ঔষধ পথ্য খাওয়ান শেষ হইলে পর আমি অবসর ও স্নায়োগ পাইয়া নির্জনে নেলীকে জিজ্ঞাসা করিলাম, “নার্স, তোমার বাড়ী কোথায়?”

তদুত্তরে সে আমার পদতলে লুটাইয়া পড়িল—বহু কষ্টে উচ্ছ্বসিত অশ্রুবহু স্মরণ করিয়া বলিল, “বুবুজান! আমাকে চিনিতে পারেন নাই?”

অ্যা! আমার মাথা ঘুরিয়া গেল! আমি মেছেতে বসিয়া পড়িলাম। হাঁ, চিনিলাম ত! অহো! কি নিষ্ঠুর সত্য—কি দারুণ সত্য আবিষ্কার করিলাম!

* * * * *
নেলী তাহার দুর্দশার দীর্ঘ ইতিহাস বর্ণনা করিল। ইতিহাসের প্রত্যেকটি অক্ষর অশ্রুবিধৌত ছিল।

২

* * * * *
পুর গ্রামে আমার পিতামহ। পিতামহের মৃত্যুর পর আমার পিতা ও পিতৃব্য পৈতৃক সম্পত্তি সমভাবে ভাগ করিয়া লইলেন। পিতৃব্যের সংসারে (চাকর, চাকরানী ব্যতীত) মাত্র তিনটি প্রাণী, তিনি, তাঁহার ভাৰ্য্যা এবং তাঁহাদের একমাত্র কন্যা নরীমা। পিতার সংসারে আমরা পাঁচ ভাইভগিনী-সহ মোট সাত জন। তবু শূন্যতা, চাচাজানের হাতে টাকা নাই। তাঁহার অনেক দেনা আছে, ইত্যাদি।

আমাদের অবস্থা বেশ স্বচ্ছল ছিল—আমরা পরম সুখে খাইয়া পরিয়া গা-ভরা গহনায় সাজিয়া থাকিতাম! আমাদের এ নিবিড় অরণ্যবেষ্টিত বাড়ীর

তুলনা কোথায় ? সাড়ে তিন শত বিঘা লা-খেঁরাজ জমির মাঝখানে কেবল আমাদের এই স্নবহৎ বাটা। বাড়ীর চতুর্দিকে ষোর বন, তাহাতে বাঘ, শূকর, শূগল—সবই আছে। আমাদের এখানে ঘড়ি নাই, সে জন্য আমাদের কোন কাজ অটিকায় না। প্রভাতে আমরা ষুধু, “বউ কথা কও”, “ও খুকি, ও খুকি” “চোক গেল” প্রভৃতি পাখীর ভৈরবী আলাপে শযাত্যাগ করি। সন্ধ্যাকালে শূগালের “হ্যা হ্যা ক্যা হ্যা” শব্দ শুনিয়া বৃষ্টিতে পারি, মগরেবের নামাজের সময় হইয়াছে। রাত্রিকালে কুরুয়া পাখীর “কা-আক্-কা-আক্-কু” ডাক শুনিয়া বৃষ্টিতে পারি, এখন রাত্রি তিনটা। আমাদের শৈশব জীবন পন্নী-গ্রামের নিবিড় অরণ্যে পরম স্নখে অভিবাহিত হইয়াছে।

কিছুকাল পরে চাচিজন একমাত্র তিন বৎসরের কন্যা রাখিয়া পরলোক গমন করিলেন। চাচাজান্ চক্ষে আঁধার দেখিতে লাগিলেন। কন্যার প্রতিপালনই তাঁহার প্রধান সমস্যা। আমার মাতা তাঁহাকে আখ্যাস বাক্যে বলিলেন, “তুমি অত ভাবছ কেন ? নয়ীমার মা মরেছেন, আমি ত মরি নাই। যে কোলে আমার তিন মেয়ে, জোবেদা, হামিদা, আবেদা মানুষ হয়েছে, সে কোলে কি নয়ীমার জায়গা হবে না ?”

পিতৃব্য যেন অকূল সাগরে ডুবিতে ডুবিতে কূল পাইলেন। পবদিন তিনি নয়ীমাকে পাঁচজন দাসী-সহ আমাদের বাড়ীতে রাখিয়া গেলেন।

নয়ীমা আমাদের সব ভাই-বোনের চেয়ে ছোট বলিয়া আমরা তাহাকে অতিশয় ভালবাসিতাম। আমার পিতা-মাতা তাহাকে আমাদের সকলের চেয়ে অধিক ভালবাসিতেন। এইরূপে নয়ীমা রাজকুমারীর মত স্নেহ-বন্ধে বর্ধিত হইতে লাগিল।

পন্নীগ্রামে আমরা উচ্চশিক্ষার ধার ধারিতাম না। সামান্য পড়া লেখা, যাহা আমরা জানিতাম, তাহা নয়ীমাও শিক্ষা করিল। শিকা পাঁখা, কেশী প্রস্তুত করা, স্তপারীর কুল, স্তপারী কাটা, নারিকেলের চিরা, জীর কাটা, স্জ্জনী সেলাই ইত্যাদি যাহা কিছু শিক্ষণীয় ছিল, নয়ীমা সে সমস্তই ক্রমে শিখিয়াছিল। আমাদের আত্মীয়-স্বজনের মতে, মেয়ে-মানুষের পড়া-লেখা শেখার মত অকেজো জিনিস যেন পৃথিবীতে আর নাই।

সাত বৎসর হইতে নয়ীমা আমাদের সঙ্গে আছে। চাচাজানও পরলোক গমন করিয়াছেন। তিনি আপন ভাগের সম্পত্তি সব অপব্যয়ে উড়াইয়া নিয়াছেন ; কেবল নয়ীমার মাতার অলঙ্কারগুলি নষ্ট করেন নাই, তাহা আমার পিতাকে দিয়াছেন।

কিছুদিন হইল আমার জ্যেষ্ঠ ভ্রাতা জামাল আহমদ সাহেব প্রায় অষ্টাদশ বৎসর পরে বিদেশ হইতে ট্রান্সফার হইয়া এবং ডিস্ট্রিক্ট ম্যাজিস্ট্রেট পদ লাভ করিয়া বাড়ী আসিয়াছেন। তাঁহার সহিত দেখা করিবার জন্য আমি শুমুর বাড়ী হইতে আসিয়াছি; এবং আরও কতিপয় আত্মীয় কুটুম্ব আসিয়াছেন। এ সময় আমাদের বাড়ীটা লোকের ভীড়ে বেশ গম্‌গম্ করিতেছিল।

এক দিন আমরা চারি ভগিনীতে গল্প গুজব করিতেছিলাম, এমন সময় ভাইজান তখন আসিলেন। তিনি আমাদের লক্ষ্য করিয়া বলিলেন, “তোমরা লেখাপড়ার চর্চা কর না, এমন আঁধার মন নিয়ে কি করে থাক? হ্যাঁ নয়ীমা! তুমি কিছু পড়া শুনা কর না?”

নয়ীমা উত্তর দিল, “আমি কোরান শরীফ খতম করিয়াছি। এখন বড় আপার নিকটে কোরান শরীফের তর্জমা আর রাহে নাজাত পড়ি।”

ভাইজান হাসিয়া বলিলেন, “বাস্, এই! আর কিছু পড় না। একটু বাংলা, একটু ইংরাজী?”

আমি আমার (১৮ বৎসর বয়সের) জীবনব্যাপী অভিজ্ঞতা প্রকাশ করিয়া বলিলাম, “ভাইজান! আপনি বাংলা, ইংরাজী অনেক পড়ে বিলাত গিয়ে, শেষে এতদিনে জেলা ম্যাজিস্ট্রেট, না, কালেক্টর হয়েছেন। নয়ীমা ইংরাজী পড়ে কি হবে? কোন্‌ জেলায় কালেক্টরী করতে যাবে?”

ভাই। নয়ীমা ভাল লেখাপড়া শিখলে কালেক্টরের স্ত্রী হতে পারবে। ভাল বর পাবে; ভাল ঘরে বিয়ে হবে।

আমরা সকলে খিল্‌ খিল্‌ করিয়া হাসিয়া উঠিলাম। আমি তখনই ভাইজানের স্মৃষ্টিছাড়া কথা মাতাকে গিয়া জানাইলাম। বিস্ময় প্রকাশ করিয়া বলিলাম।

“ভাইজান বলেন, লেখাপড়া শিখলে নয়ীমা কালেক্টরের বউ হবে!” মাতা আমার কথা শুনিয়া কিঞ্চিৎ গম্‌ভীর হইয়া বলিলেন, “হু—আচ্ছা, তাই হ’বে।”

৩

আমাদের বাড়ীময় ভারী ধুম পড়িয়া গিয়াছে— ভাইজানের সঙ্গে নয়ীমার বিবাহ। আমাদের আনন্দের সীমা নাই—আমাদের খেলার পুতুল নয়ীমা এখন আমাদের বড় ভাবীজান হইবে! আমার সর্বকনিষ্ঠা ভগিনী আবেদার ভারী রাগ, সে কিছুতেই নয়ীমার পা ছুঁইয়া গালাম করিবে না, কারণ নয়ীমা তাহার

অপেক্ষা দুই বৎসরের ছোট। সকলে আবেদাকে ঐ কথা লইয়া কেপাইয়া পংগল করিয়া তুলিল। এদিকে ভাইজানও যারপর-নাই বিরক্ত,—ক্রোধে অগ্নিশর্মা হইয়াছেন। তিনি বিলাত-ফেরা, বাল্যবিবাহের ঘোর বিরোধী—তিনি কি একটা দশ বৎসরের বালিকা বিবাহ করিয়া দেশ হাসাইবেন? তিনি বজ্রের সভ্য সমাজে কিরূপে মুখ দেখাইবেন? তিনি আমাকেই সব দোষ দেন যে, “জোবেদাই সব নষ্টের গোড়া! আমি সে দিন তাচ্ছিল্য ভাবে কি একটা কথা বলেছি, তাই ও গিয়ে মাকে লাগিয়েছে। তারপর এই মহা বিব্রাট!”

ভাইজান রাগ করুন, আর যাহাই করুন, তাঁহার একটা মস্ত গুণ এই যে, তিনি পিতামাতা এবং অপর আত্মীয়-স্বজনের কথার অবাধ্য ছিলেন না। মাতার দুইটি মিষ্ট কথা, পিতার উপদেশ তাঁহাকে সহজেই শ্রবণ করিয়া ফেলিল। ম! বলিলেন, এই পিতৃমাতৃহীনা বালিকাকে তিনি বড় যত্নে মানুষ করিয়াছেন, তাহাকে পরের ঘরে যাইতে দিবেন না, ইত্যাদি। ভাইজান আর উৎসবচ্য করিলেন না। নিরীহ স্ত্রীবোধ বালকটির মত বিবাহের জন্য প্রস্তুত হইলেন।

আমাদের দূরসম্পর্কীরা এক ভাবী সাহেবা ভাইজানকে শুনাইয়া আমাকে সম্বোধন করিয়া বলিলেন, “কি লো, বিলাত-ফেরা সাহেবকে যেহদী উবটন লাগান হবে না?”

ভাইজান রুদ্ধ ক্রোধে বলিলেন, “যা আপনান্ন মরজী! আমি উবটন বা তার চেয়ে জঘন্য কিছু নাথলে যদি আপনি সম্মত হন, তবে আমার আপত্তি নাই। আমি ত নীরবে মাথা পেতে দিযেছি—যত ইচ্ছা অত্যাচার করুন।”

আমি তৎক্ষণাৎ স্বহস্তে যেহদী বাট্টিয়া আনিয়া তাঁহার দুই হাত ভরিয়া লাগাইয়া দিলাম। আমার ইচ্ছা ছিল না ভাইয়ের হাতে অধিকক্ষণ যেহদী রাখা, কিন্তু আমি কার্যাত্মরে গিয়া সম্পূর্ণ ভুলিয়া গিয়াছিলাম। অনেকক্ষণ পরে ফিরিয়া আসিয়া দেখি, বেচারী ভাইজান তখনও হাত দুইটি ইজি চেয়ারের দুই বাহুতে রাখিয়া উদাসীনভাবে বসিয়া আছেন। আমি তাড়াতাড়ি ছল আনিয়া তাঁহার হাত ধুইতে বসিলাম। লাল টকটকে হাত দেখিয়া ভাইজান ও রাগিয়া অস্থির। তিনি অনেক বিদ্যালাত করিয়াছেন, এবং উদ্ভিদ-তত্ত্ব (Botany) পাঠ করিয়াছেন বটে, কিন্তু যেহদীর সাহায্য জানিতেন না।

তিনি আমার হাত হইতে সবেগে হাত ছাড়াইয়া লইয়া তখনই স্বীয় শ্রানাগারে গিয়া অনেকটা সাবান ও স্পঞ্জের সধ্যবহার করিলেন। কিন্তু মেহদী ত নাছোড়ি বালা।

৪

* * নগরের জানানা হাসপাতালে একজন সম্ভ্রান্ত মুসলমান মহিলা দুই মাস হইতে আছেন। তাঁহার ছয় মাসের শিশু পুত্র জাফরও সঙ্গে আছে। এখানে তাঁহার আদর-বস্ত্রের সীমা নাই। হাসপাতালের বড় ছোট নেড়ী ডাক্তার ও সেবিকাগণ পানাক্রমে সর্বদা তাঁহার সেবায় নিযুক্ত থাকে। এক কথায়, তিনি এখানে রাজভোগে আছেন। তাঁহার স্বামী ও দেবর পুতিদিন তাঁহাকে দেখিতে আসিতেন। তাঁহার পঞ্চম বর্ষীয়া কন্যা জনীলাকে সঙ্গে লইয়া তাঁহার শূণ্ঠ মহোদয়াও সময় সময় তাঁহাকে দেখিতে আসিতেন। রোগিণী আমার ভাতবধু নয়ীমা।

আমার মাতা নয়ীমাকে হাসপাতালে পাঠাইতে সম্মত ছিলেন না। কিন্তু ক্রমেই যখন তাঁহার পীড়া বৃদ্ধি পাইতে লাগিল, তখন অগত্যা ডাইজান মাকে বলিলেন, “মা! আমি এ পর্যন্ত কদাচ তোমার কথার অবাধ্য হই নাই; এখন একজনের জীবন-মরণ হাসপাতালের চিকিৎসার উপর নির্ভর করিতেছে, এ সময় বাধা দিও না। আজ তোমার কথা রাখিতে পারিব না।” ডাইজান এই এক দিন মাতৃ-উপদেশ লঙ্ঘন করার জন্য আজীবন অনুতাপ করিয়াছেন।

অপরকক্ষে কতিপয় মিশনারী রমণী গল্প ও হাস্য পরিহাস করিতেছেন। এক জন বলিলেন, “এই বার দেখিব। পোড়া সনালোচকেরা আর বলিতে পারিবে না যে, আমরা কেবল দুর্ভিক্ষ পীড়িত অনুষ্কিষ্ট পথের কাঙ্গাল ধরিয়া কনভার্ট করি!”

দ্বিতীয়া রমণী। এমন শিকার পাইলে কলিকাতার বিশপ বাহাদুরও কৃতার্থ হইতেন!

তৃতীয়া! ইশ! ভারী ত তোমাদের বাহাদুরী—একটা ১৯ বৎসরের বালিকা (হোক না সে দুই ছেলের মা, আমি তাকে বালিকাই বলি) ভুলাইয়া খ্রীস্টান করা কোন্ বড় শক্ত কথা!

১ম। শক্ত কথা না হউক, কিন্তু * * কাঁপিয়া উঠিবে—এমন কি সমুদয় বঙ্গদেশ তোলপাড় হইবে। একজন কালেক্টরের জীকে হাত করা কি সহজ ব্যাপার?

২য়। সন্ধ্যা হইল, এখন চল নয়ীমা বিবির কামরার আজ আমি ভজন গাহিব। তিনি আরও এক মাস হাসপাতালে থাকিবেন। সুতরাং আমাদের যথেষ্ট সময় আছে।

দুই চারিজন মিশনারী-ললনা সর্বদা নয়ীমার নিকট আশ-যাওয়া করিতেন। রোগী দেখা এবং রোগীর সেবাই তাহাদের পরম ধর্ম। তাঁহাদের নিঃস্বার্থ অমায়িক ভালবাসায় নয়ীমা মোহিত হইয়াছেন। তাঁহারা সন্ধ্যার সময় ভজন গাহিয়া যীশুর অপার মহিমা বর্ণনা করিয়া তাঁহাকে অনন্ত নরক হইতে রক্ষা পাইবার পথ প্রদর্শন করিতেন। নয়ীমা নিজের ধর্ম সম্বন্ধীয় দর্শন, বিজ্ঞান, ইতিহাস কিছুই জানেন না—তাঁহার নির্মল অন্তরে যীশু-মহিমার গভীর রেখা অঙ্কিত হইল। তিনি ক্রমে আরোগ্য লাভ করিতে লাগিলেন, কিন্তু তাঁহার অন্তর কলুষিত হইতে আরম্ভ করিল। যে কখনও আলোক দেখে নাই, তাহার নিকট জোনাকীর আলোই সর্বশ্রেষ্ঠ বেধ হয়। নয়ীমার দশাও সেইরূপ।

৫

তিন মাস পরে নয়ীমা—না, আমার ভাবীজান হাসপাতাল হইতে ফিরিয়া আসিলেন। কিন্তু এখন তাঁহার অনেক পরিবর্তন হইয়াছে, তিনি আর যে প্রিয়ভাষিনী মরুরহাসিনী নয়ীমা নহেন। তিনি কাহারও সহিত ভাল মুখে কথা কহেন না। ইহাতে সকলেই ভাবিলেন যে, দীর্ঘকাল রোগ ভোগ করিয়া তাঁহার মেজাজ খিটখিটে হইয়াছে। ভাইজান তাঁহাকে মাতার সহিত সশে পাঠাইয়া দিলেন। তাঁহার বিশ্বাস ছিল, পল্লীগ্রামের বিশুদ্ধ বায়ু সেবনে নয়ীমার চিত্ত স্নিগ্ধ ও প্রফুল্ল হইবে। কিন্তু তাহা হইল না। তিনি হাসপাতালের সঙ্গিনীদের অদ্যাপি ভূনিতে পারেন নাই; জঙ্গলা বাতাস আর তাহার ভাল লাগে না।

নয়ীমা একদিন শাশুড়ীর নিকট কৈফিয়ত স্তলব করিলেন যে, তাঁহাকে উচ্চশিক্ষা দেওয়া হয় নাই কেন? তাঁহাদের কিসের অভাব ছিল, কি বাধা ছিল? তিনি অর্থাৎ হইয়া বধুর মুখ দেখিতে লাগিলেন। পরে সহাস্যে বলিলেন, “দে, গলের মেয়ে বলে কি?”

নয়ীমা। বলি, আমার মাথা আর নুগু। আমাকে একটা আস্ত জানোয়ার ক'রে রেখেছেন। এক অক্ষর পড়ালেখা শিখান নাই যে, আজ ভ্রম সমাজে

বসবার উপযুক্ত হতেন। উনি আমার লেখাপড়া শেখাতে বললেন, আপনি তা শুনে সাত তাড়াতাড়ি আমার বিয়ে দিয়ে পাশে বাঁধলেন।

না। তুমি ত বাছা এমন বুঝরা ছিলে না। এ সব কথা তুমি কোথায় শিখলে? তোমার তিন বছর বয়স থেকে মানুষ করলুম। এত যত্নের বন তুমি—ভোমাকে পরের হাতে না দিয়ে নিজের ঘরে রেখেছি। তারই নাম কি বেঁধে কেনা?

না। বুর্খ লোকেরা শিক্ষার মর্ম কি বুঝবে? তাই আপনারা সেটা আবশ্যিক বোধ করেন নি। বুঝেছিলেন কেবল বিয়ে।

না। বাছা! এখন নিজের বেয়েকে লেখাপড়া শিখিয়ে, এলে বিয়ে (এল. এ., বি. এ.) পাশ করিয়ে কেমন মেম সাহেব সাজাও দেখব। আমি পড়ালেখা শেখা মন্দ বলছি না; কিন্তু আমরা পাড়াগাঁয়ে থেকে সুবিধা করতে পারিনি। মেয়েদের জন্য স্কুল নেই, মজিব নেই, পাঠশালা নেই। ঘরে পড়াবার জন্যও ভাল শিক্ষয়িত্রী পাওয়া যায় না। এখন তোমরা শহরে বেড়িয়ে যদি পড়া লেখার সুবিধা করতে পার, ভাল।

তাহাই হইল। দেশে জীনিফার সুবন্দোবস্ত না থাকায়—আর যদিও বা মরুভূমে ওয়েসিসের ন্যায় দুই একটি উপযুক্ত মুসলমান বালিকা বিদ্যালয় আছে, তাহাতে ত “শরীফগণ” কন্যা পাঠাইবেন না! বিশেষতঃ মফঃস্বলবাগিপ্রণ কি করিবেন? স্ততরাং জমিলার জন্য পালানুক্রমে কতকগুলি মিশনারী রমণী নিযুক্ত হইলেন। তাঁহারা নিজের নিয়ম অনুসারে প্রথমে বাইবেল হইতে গল্প বলিয়া পরে অন্য কাজ আরম্ভ করিতেন।

ইহাতেও ভাল সুবিধা হইল না। শেষে একজন ইউরোপীয়ান গবর্নেস্ নিযুক্ত হইলেন। তিনি ধীরে ধীরে স্বীয় প্রভাব বিস্তার করিয়া একাধারে আমার ভাবীজ্ঞানের সঙ্গিনী (Companion), জমিলার শিক্ষয়িত্রী এবং এ-সংসারের গৃহিণী হইলেন। এখন মিগ্ নরেন্স এ বাড়ীতে সর্বস্বৰ্বা। তিনি দ্বিষ্ট কথায় বাড়ী-স্বত্ব সকলকে একরূপ ভুলাইয়া রাখিয়াছেন।

*

*

*

৬

বড় খুব পড়িয়া গিয়াছে। অদ্য * * * নগরের আদালত-গৃহ লোকে লোকারণ্য। * * * পরগনার বত লোক ছিল—তাহারা প্রায় সকলেই

উপস্থিত। ব্যাপার কি? ব্যাপার?—জেলা ম্যাজিস্ট্রেট মিঃ জামাল আহমদের স্ত্রী মোসাম্মাত নয়ীমা খাতুন প্রায় ২৫,০০০'০০ টাকার অলঙ্কার এবং নগদ ১৭,০০০'০০ টাকা লইয়া লালকুঠি মিশন হাউসে পলাইয়া গিয়াছেন। এক মাস যাবৎ এই জটিল মোকদ্দমা চলিতেছে। উভয় পক্ষেই বড় বড় ব্যারিস্টার নিযুক্ত আছেন। নয়ীমা পাল্কাই করিয়া এজলাসে উপস্থিত হইয়াছেন। অন্য বিচারকের রায় প্রকাশ হইবে।

সংবাদপত্রের রিপোর্টারগণ উপস্থিত হইয়াছেন, এমন লোমহর্ষণ সংবাদ প্রকাশ করিলে তাঁহাদের পত্রিকা অতিশয় লোকরঞ্জন হইবে।

একদল লোক আসিয়াছে তামাশা দেখিয়া হাততালি দিতে। কেহ আসিয়াছে নিজপ-ব্যঙ্গ করিতে। কেহ এই অবসরে খানিকটা স্ত্রীশিক্ষার বিরুদ্ধে বক্তৃতা ঝাড়িয়া লইলেন। কেহ স্ত্রীশিক্ষার কুৎসা গাঁহিলেন। কেহ কাটা ঘায়ে লবণের ছিঁটা দিয়া বিলাত-ফেরা মিঃ জামাল আহমদকে, তাঁহার কন্যা স্ত্রীশিক্ষা—উচ্চশিক্ষার চরমে উপস্থিত হইয়াছে বলিয়া মোবারকবাদ দিলেন।

কেহ বাস্তবিক দুঃখিত হইয়া মহানুভূতি জ্ঞাপন করিতে আসিয়াছেন। কেহ সান্ত্বনা দিতেও আসিয়াছেন।

কেহ কেহ আপন চিন্তার শক্তি হইয়াছেন যে, এ-রকম হইলে ত ঘরে বউঝি রক্ষা করা দায়! আজ এত বড় কালেক্টর গাহেবের বিবি মিশনাবীদের কথায় ঘরের বাহির হইলেন, তবে আনাদের ত কথাই নাই।

নয়ীমা নিজ মুখে বলিলেন যে, তিনি স্ব-ইচ্ছায় খ্রীস্টধর্ম গ্রহণ করিয়াছেন। গৃহত্যাগ করিবার তাঁহার ইচ্ছা ছিল না, কারণ তাঁহার শাস্ত্রী ও স্বামীর বিরুদ্ধে তাঁহার বলিবার কিছুই নাই। কিন্তু গৃহে গথাবিধি দীক্ষিত হইবার সন্নিবিধ ছিল না বলিয়া মিশন হাউসে আসিয়াছেন। তিনি কেবল ধর্মের জন্য—একমাত্র যীশুর জন্য—স্বামী, কন্যা, পুত্র, গৃহ—এক কথায় সমুদয় পরিত্যাগ করিয়াছেন।

বিচারক একরূপ রক্ষা করিতে চাহিয়াছিলেন যে, এখন ত দীক্ষা গ্রহণ করা হইয়াছে তবে আপনি বাড়ী ফিরিয়া যাইতে পারেন। কিন্তু মিস্ লরেন্স সাধারণতঃ অন্তঃপুরের দুর্দশা এবং বিশেষতঃ নয়ীমার অন্তঃপুরের দুরবস্থা বর্ণনা করিয়া দীর্ঘ বক্তৃতায় শ্রোতৃবর্গকে চমৎকৃত করিলেন। তিনি দশ বৎসর যাবৎ বিহার ও কলিকাতার বিভিন্ন অন্তঃপুরে যাতায়াত করিয়া অন্তঃপুর-রহস্য সবিশেষ অবগত হইয়াছেন।

শেষ নিষ্পত্তি এই হইল যে, টাকা ও অলঙ্কার যাহা নয়ীমা সঙ্গে আনিয়াছেন, তাহা তাঁহারই থাকিবে; আর পুত্র ও কন্যা পিতার নিকট থাকিবে। নয়ীমা পুত্রলাভের জন্য বিশেষ চেষ্টা করিয়াছিলেন, কিন্তু সফলকাম হন নাই।

৭

নয়ীমা এখন লালকুঠিতে মিশনারী রমণীদের সঙ্গে আছেন। তাঁহার আদর-বস্ত্রের সীমা নাই। মাথায় রাখিলে ঊকুনে পাঁয়, মাটিতে রাখিলে পিঁপড়ায় খায়—এ হেন আমেদ মেন সাহেবাকে তাহার রাখিবে কোথায়? উনিশ বৎসরের বালিকার এই ধর্মানুরাগ, এ মহান আত্মত্যাগ, কি কম প্রশংসার বিষয়? উনি মিশন হাউসে আদর্শ রমণী। সকলের মাথার মুকুট, কন্ঠের মণি—এই আমেদ মেন সাহেব! অত্যধিক প্রশংসা ও স্তোষানোদে তাঁহার মাথা ঘুরিয়া গিয়াছে।

কিন্তু আমেদ মেন সাহেব! এত পূজা পাইয়াও এমন বিমর্ষ কেন?

যীশুর জন্য বখাসর্বস্ব পরিত্যাগ ততক্ষণই স্বখকর বোধ হইতেছিল, যতক্ষণ সোনার সংসার হইতে বিচ্ছিন্ন হন নাই। ক্রমে যখন মোকদ্দমার গতি কুপথে চলিল, যখন স্বামী ও সন্তানদের সহিত ইহজীবনে দেখা হওয়ার আশার শেষ সফ্লিঙ্কটুকু নিবিয়া গেল, তখনই নয়ীমার প্রকৃত তিরোহিত হইল। বিচারালয় হইতে বিজয়-গর্বে ফিরিবার সময় তিনি অনুশোচনায় দগ্ধ হইতে লাগিলেন। পালকী হইতে নামিয়াই নয়ীমা মুছিত হইলেন; মিশনারী ভগিনীগণ “ভালি গরম!” বলিয়া তাঁহাকে ঘিরিয়া বাতাস করিতে লাগিলেন। হাঁ, গরমই বটে, এ যে প্রাণ পোড়ার গরমী!

জ্ঞান হওয়া মাত্র নয়ীমা তওবা করিলেন; বারম্বার প্রাণ ভরিয়া কলোমা পড়িলেন; আল্লাহকে ডাকিতে লাগিলেন। কিন্তু এখন এ সব বৃথা! গভীর রজনীতে মনে করিতেন, পলাইয়া যাই—যাই স্বামীর পা জড়াইয়া ধরি গিয়া! কিন্তু পথ যে চিনেন না। লালকুঠি হইতে কালেক্টর সাহেবের কুঠি কত দূর? কোন্ দিকে? কে পথ বলিয়া দিবে? হায় হায়! কেউ না!

যত দিন ছলে বলে কৌশলে নয়ীমার সমস্ত অলঙ্কার ও টাকাগুলি হস্তগত না হইয়াছিল, ততদিন মিশনারী ভগিনীগণ তাঁহাকে যথেষ্ট আদর

করিতেছিলেন। ক্রমে তাঁহারা সর্বস্ব অপহরণ করিয়াছেন। এখন “আছে” বলিতে নরীমার হাতে দু’গাছি কাচের চুড়ি আর পরনে একখানা বিলাতী মোটা ধুতি। এখন তাহারা নরীমাকে পদব্রজে গীর্জা যাইতে বলেন, নরীমা তাহাতে স্বীকৃতা নহেন।

শেষে নরীমাকে এক মুষ্টি অনুদান করাও তাঁহাদের পক্ষে ভার বোধ হইতে লাগিল। এখানে সকলেই খাটিয়া খায়, বাড়ী বাড়ী পড়াইতে যায়, প্রচার করিতে যায়। কেবল নরীমা বসিয়া খাইবে কেন? শেষে তাঁহারা নরীমাকে হাসপাতালে নার্স পিরী করিতে দিলেন। কিন্তু এই বঙ্গদেশে তাহাকে রাখা নিরাপদ নহে ভাবিয়া নরীমাকে বহুবুরে, লক্ষ্মী পাঠাইয়া দেওয়া হইল।

নরীমা তাঁহার কোরান শরীফখানি সংগে আনিয়াছিলেন—যে অকাট্য যুক্তি দ্বারা তাহার প্রত্যেকটি আয়েত খণ্ডন করিয়া জগৎকে দেখাইবেন, মুসলমান ধর্ম কেমন অসার, অন্ধ বিশ্বাসীর ধর্ম! তাঁহার সে সব কল্পনা জাহান্নামে গিয়াছে। এখন সেই কোরান শরীফখানি তাঁহার একমাত্র সুখের সঙ্গী! সকলে শয়ন করিলে পর গভীর নিশীথে উঠিয়া তিনি ওজু করিয়া অতি যত্নে কোরান শরীফ লইয়া বসেন। পাঠ করিবেন কি, দয়বিগলিত অশুভারায় ভিজিয়া যায় বলিয়া প্রতি পত্রের সাদা পুটিং কাগজ রাবিয়াছেন। অনুতাপে দগ্ধ হইলে রোদনে এত শাস্তি পাওয়া যায়, সুখের ক্রোড়ে পালিতা নরীমা এত দিন তাহা জানিতেন না।

স্বামী-চিন্তা এখন নরীমার জীবনের সার হইয়াছে। পতি ধ্যান, পতি জপমালা হইয়াছে। এয়া আল্লাহ্! আর একবার—মাত্র একটবার অভাগিনীকে স্বামীর চরণে পৌঁছাইয়া দাও! তুমি সর্বশক্তিমান, সব করিতে পার!—পার না কেবল এইটুকু? এখনও তত্ত্বাবহ দ্বার রুদ্ধ হয় নাই, নরীমার তত্ত্বাবহ গ্রহণ কর, প্রভু প্রকুরর রহিম।

লক্ষ্মী হাসপাতালে আনিয়া নরীমা নার্স নেলী হইয়াছেন। দিবা ভাগে রোগীসেবা করিতে হয়, নামাজ ও কোরান শরীফ পাঠের সুবিধা হয় না। সঙ্গে থাকে কেবল অনিবার অশুভারা। প্রথম প্রথম অন্যান্য নার্স, এমন কি লেডী ডাক্তারেরাও তাঁহাকে নানা প্রকার আশ্বাস-বাক্যে সান্ত্বনা দানের চেষ্টা করিয়াছিলেন। কিন্তু বাহার স্বীন দুনিয়া—ইহকাল পরকাল—দুইই রসাতলে গিয়াছে, যে স্বয়ং সার্বভৌম সাম্রাজ্য পরিত্যাগ করিয়া জঘন্য মেধরাণী সাজিয়াছে, যে স্বহস্তে সোনার নীড়ে আগুন ধরাইয়া দিয়াছে, তাহার সান্ত্বনা কোথায়? অতঃপর আর কেহ নেলীকে প্রবোধ দিবার চেষ্টা করে নাই।

এইরূপে স্মরণীয় সাত বৎসর অতীত হইয়াছে। এই সাত বৎসরের সাত বারো চৌরাশী মাসের দুই হাজার পাঁচ শত পঞ্চান্ন দিবসের একটি দিনও নেলীর বিনা জ্বলনে অতিবাহিত হয় নাই। তিনি কোন মতে স্বীয় অস্তিত্বসার দেহ-খানিকে বহন করিয়া জীবনের দিন গণনা করিতেন। রজনীর প্রতীক্ষায় কোনরূপে দিবা অতিক্রম করিতেন। রাত্রিকালে নামাজ ও কোরান শরীফ পাঠের সুবিধা হইবে, তাহাই যাহা কিছু সান্ত্বনা। কিন্তু যেদিন রাত্রির কাজ (night duty) থাকিত, সে দিন নেলীর ভাগ্যে নামাজের স্মৃষ্টিও ঘটত না। সেবিহান আলাহ! রাত্রি জাগিয়া নামাজ পড়ার—অশ্রুপ্লাবনে সেজদার স্থান ভিজাইয়া দেওয়ায়—এত শাস্তি লাভ হয়!

নেলীর ঐরূপ কষ্টজনক দেহখানি দেখিয়া প্রথমে তাহাকে চিনিতে পারি নাই। সে যখন বলিল, “বুঝুন! আমাকে চিনিতে পারেন নাই?” তখন আর কোন সংশয় রহিল না। আমার সর্বদেহ নিদ্রা-প্রবাহ ছুটিয়া গেল। আমি তাই মেজেতে বসিয়া পড়িলাম। যে আমার মাতৃকোড়ে প্রতিপালিত হইয়াছে, সেই পিতৃব্যজ্ঞাতা ভগিনীকে চিনিব না? তাই ত, কোরান শরীফ পাঠ করিতে পারে, এমন বাঙ্গালী খ্রীস্টান ভূ-ভারতে কয়টা আছে? কিন্তু হার! নন্দন কাননের পারিজাত নয়ীমাকে কীট নেলী রূপে কে দেখিতে চাহিয়াছিল? যে নয়ীমা শৈশবে পাঁচ জন দাসী সহ আনাদের বাড়ী আসিয়াছিল, সে আজ পরের সেবাদাসী! * * *

“হায় রে নিয়তি! তুমি কত খেলা খেল,
স্বপ্নের শিখরে নিয়া দুঃখ-রূপে ফেল!”

৮

নেলীর ইতিহাস শ্রবণকালে আমি অশ্রু সম্বরণ করিতে পারি নাই। বারম্বার মনকে বুঝাইতেছিলাম যে, নয়ীমা স্বকৃত পাপের ফল ভোগ করিতেছে—ইহা ত তাহার ন্যায্য প্রাপ্য, তাহাতে আমার দুঃখিত হইবার কারণ কি? কিন্তু নেলীর আত্মগ্লানিপূর্ণ মর্মসুন্দ ভাষায় পাষণ্ড শতধা হইত, মানুষ কোন ছার?

নেলী আত্মকাহিনী সমাপ্ত করিয়া কিঞ্চিৎ বিরামের পর তাঁহার স্বামী ও পুত্র-কন্যার কুশল জিজ্ঞাসা করিলেন। আমি অতি সংক্ষেপে যথাসম্ভব সংযত ভাষায় সমস্ত অবস্থা বলিলাম। বলিলাম,—“যে দিন ভাইজান মোকদ্দমা হারিয়া

বিচারালয় হইতে অধেমুখে গৃহ প্রত্যাগমন করিলেন, তখনই “হায় নয়ীমা !” বলিয়া মাতা শয্যাগ্রহণ করিলেন। তাঁহার অসহ্য যন্ত্রণাব্যঞ্জক হাঁ-হতাশ ও দীর্ঘনিঃশ্বাসের বুলি ছিল, “হায় নয়ীমা !” ভাইজান পুরুষ মানুষ, কোন প্রকার বাহ্যিক কাতরতা প্রকাশ করিতেন না ; তিনি ক্রুদ্ধ কেশরীর ন্যায় নীরবে সে অপমান, লজ্জা, ক্রোধ, খেদ রুদ্ধ নিঃশ্বাসে সহ্য করিতে লাগিলেন।

মাগ দুই পরে না দেহত্যাগ করিলেন। ইহার অল্প দিন পরেই অভাগিনী জমিলার জ্বর হইল। পিতার গণ্ডীর মূর্তি দেখিয়া সে তাঁহার নিকট যাইতে সাহস করিত না। তাহার একমাত্র আশ্রয়স্থল ছিলেন, “দাদী আন্না”। তাঁহাকে হারাইয়া মাতৃহীনা বালিকা একেবারে যেন ভাঙ্গিয়া পড়িল।

জ্বরের বিকারে “না” “না” বলিয়া প্রলাপ বকিত। কাঁদিয়া বলিত, “না তুই আবার হাসপাতালে গেলি কেন? আয় ফিরে আয়! ডাক্তার তোঁর জন্য বড় কাঁদে, আয় মা! দাদী আন্নাও নাই!” জমিলা অধিক দিন কষ্ট পায় নাই, মৃত্যু তাহাকে শান্তিক্রোড়ে গ্রহণ করিয়াছে।

পক্ষকাল মধ্যে মাতা ও কন্যাকে হারাইয়া ভাইজান শোকে অধীর হইয়া পড়িলেন। সহ্যপুণেরও সীমা আছে। বেচাপা ডাক্তারেরও কান্না বাড়িয়া গেল। ভাইজান তাহাকে সর্বদা চোখে চোখে রাখিতেন কিন্তু মাত্র এক বৎসরের শিশু মাতৃহারা হইয়া আর কত দিন সুস্থ থাকিবে? এক মাসের মধ্যে সেও ইহখান ত্যাগ করিল।

ভাইজান অদ্যাবধি দ্বিতীয় দার পরিগ্রহ করেন নাই। তাঁহার সোনার সংসার সম্পূর্ণ শ্মশানে পরিণত হইয়াছে। আত্মীয়-স্বজনের মধ্যে তাঁহার ‘আছে’ বলিতে একমাত্র ভগিনী আনিই আছি। ‘নয়ীমা! একবার মানস-চক্ষে তোঁমার নিজ হাতে গড়া সেই গোরস্থানের প্রতি—তোঁমার শ্মশানবাসী স্বামী প্রতি চাহিয়া দেখ ত!’ আমার মুখের কথা শেষ হইতে না হইতে মূছিতা নয়ীমা তুপতিত হইল।

আমি নেলীর চোখে মুখে একটু জলের ছিটা দিব মনে করিতেছি, এমন সময় দূলা মিত্রা আমার কক্ষদ্বারে করাঘাত করিতে লাগিলেন, সঙ্গে সঙ্গে তাঁহার বয়োপ্রাপ্তা কন্যা সিদ্দিকা দৌড়িয়া আসিল। তাহাদের সম্মুখে আর আমি নেলীকে স্পর্শ করিতে সাহস পাইলাম না। সিদ্দিকা আমার হাত ধরিয়া তাহার মাতার নিকট লইয়া গেল।

১

খোদার কল্পনে খুসী আরোগ্যলাভ করলে পর আমরা দেশে ফিরিলাম। কিরিবার পূর্বে পশ্চিমের আরও কয়েকটি নগর, বিশেষতঃ দিল্লী, আশ্রা ও লাহোর ভ্রমণ করিয়া আসিলাম। লাহোরে আনারকলির সমাধিমন্দির দর্শনে একদিকে প্রবল প্রতাপাঙ্কিত সশ্রুটি আকবরের প্রভূত ক্ষমতা, অন্যদিকে যুবরাজ সেলিমের অনাবিল শ্রেন—উভয় চিত্র যেন ধানস-নয়নে প্রত্যক্ষ করিলাম।*

আশ্রায় তাজমহল দেখিরা আরও একটি কথা মনে উদয় হইল। নারীষেঘী পুরুষগণ স্ত্রীশিক্ষার বিরুদ্ধে যতই দীর্ঘ বক্তৃতা স্বাভূন না কেন, সত্যের জর অনিবার্য। শিক্ষা—স্বীলোক পুরুষ নির্বিশেষে সর্বদা বাঞ্ছনীয়। স্থলবিশেষে অগ্নি পৃহদাহ করে বলিয়া কি কোন গৃহস্থ অগ্নি বর্জন করিতে পারে?

তাজমহল সৌখ্যট জগদ্বিখ্যাত; পৃথিবীর সপ্ত আশ্চর্য বস্তুর অন্যতম আশ্চর্য। তাজমহলের নাম না জানে এমন লোক এ ধরাতলে সতি অল্প। কিন্তু ভুবন-বিখ্যাত তাজমহলের অভ্যন্তরে যিনি সমাহিতা আছেন, সে মমতাজমহলকে কয় জন্মে চিনে? ঐ অমন নয়নরঞ্জন মর্মর প্রস্তুত নিমিত্ত অনিন্দ্যসুন্দর তাজমহল ও তৎগর্ভস্থ মহিষীকে চিরস্মরণীয় করিতে পারে নাই। আর নুরজাহাঁ বেগম? তাঁহার স্মৃতি রক্ষার জন্য কথামাত্র আয়োজন করা হয় নাই। তাঁহার নগণ্য সামান্য সমাধিমন্দির লাহোরের অন্তর্গত এক ক্ষুদ্র অস্ত্রাত স্থান শাহিতারায় বনাবৃত অনাদৃত অবস্থায় পড়িয়া আছে। অনেকে সে কবরস্থানের অস্তিত্ব পর্যন্ত জানে না। কিন্তু নুরজাহাঁ বেগম চিরস্মরণীয় হইয়া আছেন। সে কি বস্তু, যাহা নুরজাহাঁকে অমর করিয়াছে? ঐ শিক্ষা। স্মৃশিক্ষার প্রগাড়ে জগৎজ্যোতিঃ জগদ্বিখ্যাত হইয়াছেন। খোদা না পাস্তা, ভূমিকম্পে কিম্বা কোন প্রবল শত্রুর কামানে তাজমহল ধ্বংস হইতে পারে, কিন্তু নুরজাহাঁ বেগমের স্মৃতির মৃত্যু নাই!

যাক, আমার ধান ভানিতে শিবের গানে প্রয়োজন নাই। গৃহ প্রত্যাগমন করিয়াও আমি নেলীর সনির্বন্ধ অনুরোধ ভুলিতে পারি নাই। তিনি আমার পা জড়াইয়া ধরিয়া কাঁদিয়া বলিয়াছিলেন, ভাইজানকে অনুরোধ করিয়া যেন আমি তাঁহাকে বাড়ী আনাই। তিনি এখন পতিগৃহে সামান্য চাকরাণী কিম্বা

* যুবরাজ সেলিমের প্রণয়িনী আনারকলি সশ্রুটি আকবরের আদেশে জীবন্ত সমাহিতা হইয়াছেন।

অধমতন্য মেথরাণী-রূপে জীবনের অবশিষ্ট সময় যাপন করিতে চাহেন। অত্যধিক রোদনে তাঁহার ক্ষয়কাশ হইয়াছে, অভাগিনী আর অধিক দিন বাঁচিবে না।

পূজার ছুটিতে আমি পিতৃগৃহে—না, এখন ত পিতা নাই,—সুভরাং বাতৃগৃহে গেলাম।

একদিন ভাইজানকে একটু প্রফুল্ল দেখিয়া সেই স্নঃবাগে তাঁহার পায়ের নিকট বসিয়া।—

ধীরে ধীরে বলিলাম, “ভাইজান! তোমার পা টিপে দি?” তিনি পূসনুবদনে বলিলেন, “আচ্ছা। কিছু মতলব আছে নাকি?”

আবার সেই স্নঃখের শৈশব মনে পড়িল। বাল্যকালে ভাইজানের অনুগ্রহ লাভ করিতে হইলে, তাঁহার পায়ের তলা টিপিয়া দিতাম, পায়ের আঙ্গুল ধরিয়া টানিতাম। তাই আজও তিনি জিজ্ঞাসা করিলেন, কিছু মতলব আছে নাকি? আমি বহুকষ্টে যথাসম্ভব সহজ ও সরল ভাষায় আমার মতলব প্রকাশ করিলাম। নয়ীমার প্রাণপোড়া রামকাহিনী বিবৃত করিয়া বলিলাম, “অনুতাপননে দন্ধ হইয়া পতিপ্রাণা নয়ীমা এখন অগ্নিদন্ধ স্বর্ণের ন্যায় পবিত্র হইয়াছেন।”

সমুদায় শ্রবণাস্তে ভাইজান বলিলেন: “তাহা হইলে নয়ীমাকে দেখিবার আশা করিতে পারি? তাহাকে জীবনে আর একটিবার দেখিব বলিয়া আমিও এখন পর্বস্ত মরি নাই। আমার সব মনে আছে—এ দীর্ঘ সাড়ে সাত বৎসরে কিছুই ভুলি নাই। মনে আছে—যে দিন ‘হার নয়ীমা’ বলিয়া জননী শয্যাগ্রহণ করিয়া আর ওঠেন নাই! মনে আছে. জমিলা আমার বুকে মুখ লুকাইয়া তাহার মাতার জন্য কাঁদিত। আমার সম্মুখে তাহার নাম উল্লেখ করিতে সাহস পাইত না—বুঃখিনী বালিকা অব্যক্ত যন্ত্রণায় এটা ওটা ছুঁতা ধরিয়া ফুঁপিয়া ফুঁপিয়া কাঁদিত! শেষে আমারই কোলে তাহার মাতা সম্বন্ধে প্রলাপ বকিয়া দেহত্যাগ করিয়াছে! আরও মনে আছে—জাফর, আমার অন্ধের যষ্টি ছাফর—আমার জীবনের শেষ অবলম্বন জাফর, যেদিন আমার বুকে মাথা রাখিয়া চিরনিদ্রায় অভিভূত হইয়াছে! আমার বন্ধ না হইলে সে ঘুমাইত না—শেষ নিদ্রার সময়ও সে আমারই বুকে লুটাইয়া পড়ে!”

*

*

*

“এতখানি লাঞ্ছনার পরেও যে বেহায়া জীবন-যাপন করিতেছি, তাহা কেবল নয়ীমাকে আর একবার দেখিব বলিয়া। চাকুরি ছাড়িলে কর্মহীন জীবনে স্মৃতি আমাকে পাইয়া ধসিত—অচিরে স্বাস্থ্যভঙ্গ হওয়ায় হয় ত এতদিন মরিয়া যাইতাম। যেদিন জাকর প্রাণত্যাগ করিল, সেই দিন এই পিস্তলে গুলী পুরিয়াছিলাম, আত্মহত্যা করিব বলিয়া—”

ভাইজান বৃকের পকেট হইতে একটি ছয়নলী পিস্তল বাহির করিয়া আমার সম্মুখে ধরিলেন। তিনি পুনরায় বলিতে লাগিলেন :—

“কিন্তু আত্মহত্যা করি নাই। এই যে স্মৃতির বৃশ্চিক দংশন সহ্য করিয়া, এত লাঞ্ছনা গঞ্জনা সহিয়া বাঁচিয়া আছি,—কেবল জীবনে আর একবার নয়ীমাকে দেখিবার আশায়—”

আমি কিঞ্চিৎ উৎসাহে ও আশায় ভাইজানের মুখের দিকে চাহিলাম। ভাবিলাম, বুঝি অভাগিনী নেলীর কপাল ফিরিল—বুঝি সে আবার স্বামীপদে আশ্রয় লাভ করিবে। কিন্তু তাঁহার মুখের ভাব দেখিয়া আমি হতাশ হইলাম। তাঁহার মুখ ভয়ঙ্কর গম্ভীর; চক্ষু হইতে অগ্নিস্ফুলিঙ্গ নির্গত হইতেছে। দৃঢ়মুষ্টিতে পিস্তলটি ধরিয়া বলিলেন,—

“কোনরূপে নয়ীমাকে একবার আমার সম্মুখে আনিতে পার ? তাহা হইলে তাহার সঙ্গে আমার জীবনের শেষ দেনা-পাওনা শোধ করিয়া লইব ! আমার জীবনের এই শেষ আকাঙ্ক্ষা, জ্ঞোবেদা। আর কিছু চাহি না। নয়ীমাকে—না, হাঁ, কি বলিলে, সে এখন ‘নেলী’ হইয়াছে ?—বেশ, তবে সেই নেলীকে এই পিস্তলে গুলী করিয়া হত্যা করিব ! একটি একটি করিয়া এই ছয় গুলী ছুঁড়িয়া নেলীকে হত্যা করিয়া আমি ফাঁসিকাঠে ঝুলিব !! কিন্তু না, ওঃ ! তাহা ত হইবে না ! নয়ীমা যে তওবা করিয়া পুনরায় মুসলমান হইয়াছে ; তবে ত সে অবধ্য। মুসলমানের বিরুদ্ধে অস্ত্রধারণ করিতে নাই।” এই বলিয়া তিনি পিস্তলটি ভূতলে রাখিলেন।

ঠিক এই সময় তাঁহার বালক ভৃত্য একটি আর্জেন্ট টেলিগ্রাম আনিয়া দিল। ভাইজান পাঠ করিলেন :

লক্ষী হাসপাতালের কতৃপক্ষ লিখিয়াছেন, “কবর প্রস্তুত রাখ, নার্স নেলীর শবদেহ প্রেরিত হইল।”

শিশু-পালন*

উপস্থিত ভ্রমহিলাগণ !

চোখের উপর নিত্য যে মহামারী, বিশেষতঃ শিশুহত্যা দেখতে পাওয়া যায়, সে সম্বন্ধে দু'চার কথা বলা আবশ্যিক মনে করি। ভাববার বিষয়, গত বৎসর কেবল বাংলা দেশে যোল লক্ষ, এক চল্লিশ হাজার, এক শত এগার জন লোক মারা গেছে—তার মধ্যে দশ বছরের কম বয়সের ছেলে মেয়ে ছয় লক্ষ, চব্বিশ হাজার, গাত শ'পঞ্চান্ন জন ছিল। ঐ সোয়া ছয় লক্ষ ছেলের মধ্যে এক বছরের কম বয়সেব শিশু দুই লক্ষ, আটাত্তর হাজার, তিন শ' সত্তর জন ছিল। ফল কথা, সাড়ে যোল লক্ষ লোকের তিন ভাগের একভাগ ছেলেমেয়ে ছিল। ছেলেমেয়েই ত ভবিষ্যৎ—তারা যদি এমন ছড় করে মরে যাবে, তবে আমাদের আর থাকবে কি? আর সব জায়গার বিষয় ছেড়ে শুধু কলিকাতায় দেখাচ্ছি, গত বৎসর ৬০০০ অর্থাৎ দৈনিক ১৬ জন করে অঁতুড়ে শিশু মারা গেছে। যদি বন্ধ করা যেত, তা'হ'লে রোজ ১৪ জন করে ছেলে বাঁচান যে'তে পারত। ২৫ বৎসর আগে এই শহরে যত ছেলে জন্মাত, তার শতকরা ৫০ জন শিশু এক বৎসরের মধ্যেই মারা যেত। ১৮৯৫ সনে শতকরা ৪৮ জন ছেলে মরেছে। তারপর শহরের জলবায়ুর কিছু উন্নতি হয়ে ১৯০০ সনে শতকরা ৪৪ জন করে মরেছে। আর গত বছর শতকরা ৩০/৪০ জন করে মরেছে। তার মধ্যে রোজ ১৪ জন করে শিশু কেবল মা ও বাইরের অমস্ব্রে বলি দেওয়া হ'য়েছে। অমস্ব্রে ছেলে মারা হয়েছে, এর অর্থ এই যে, পোয়াতির ঠিক মত যত্ন করতে জানেন না। কারণ বাই হটক, এ-রকম শিশু-হত্যা ত সহজ নয়, এর প্রতিকার করতে হবে।

আমাদের মনে একটা ভ্রান্ত ধারণা জন্মাচ্ছে যে, পুরাকালে আমাদের অতিবৃদ্ধা ঠাকু'মা, দিদিমা'রা যা করেছেন, সে সব ব্যবস্থা মন্দ ছিল,— তার কিছুই ভাল নয়। সেই জন্য তার উল্টো করতে হবে। একটু পরিষ্কার করে বলি, ধরুন,

* বিগত ৬ই এপ্রিল ১৯২০ খ্রীস্টাব্দে কলিকাতা টাউন হলে বাহ্য ও নিষ্ঠ পূর্ণনীতে পঠিত হয়। সর্বসাধারণের বোধগম্য করিবার নিমিত্ত পুস্তকটি অতি সহজ ও সরল ভাষায় লিখিতে বাধ্য হইলাম।

যেমন দিদিমার আমলে হিন্দু পোয়াতিকে ৯ দিন থেকে ২১ দিন আর মুসলমান পোয়াতিকে ৪০ দিন আঁতুড় ঘরে বন্ধ থাকতে হতো, এখন তার উল্টো করতে গিয়ে দুই দিনের পোয়াতি (প্রসূতি) মোটর গাড়ীতে গড়ের মাঠে হাওয়া খেতে বেরোবে বা সংসারের কাজ কর্মে হাত দিবে। আমাদের পূর্ব পুরুষেরা বোকা ছিলেন না ; তাঁরা যা ব্যবস্থা করেছিলেন, সেটা নির্খুঁৎ ছিল, তাই তাঁরা নিবিবাদে ৯০/৯৫ বৎসর বয়স পর্যন্ত বেঁচে গেছেন। এখনতো আমাদের “বয়স না হতে কুড়ি আগে পাকে কেশ।” দশ বছর বয়সে চশমা পরতে হয়। নান্দখান থেকে আমরা সেই নিয়মের বাড়াবাড়ি করতে গিয়ে হিতে বিপরীত করে ফেলেছি। আমার স্মৃশিক্ষিতা ভগিনীগণ ! আপনারা পুরাকালের, বিশেষতঃ মুসলমান নিয়মের সঙ্গে এগনকার ডাক্তারী ব্যবহার তুলনা করে দেখবেন। * এই দেখুন না, আমাদের ব্যবস্থা বলে :

- (১) প্রসূতিকে যথাসম্ভব নির্জন ঘরে রাখবে।
- (২) ঘরের দরজার কাছে কাঠি কয়লাব আগুন রাখবে।
- (৩) বাহিরের যে লোক ঘরে আসবে সে হাত পা ও কাপড় আগুন গরম করে আসবে।
- (৪) মুসলমানী মতে ৪০ দিন আর হিন্দু মতে ২১ দিন পর্যন্ত পোয়াতি শুয়ে বসে থাকবে, বেশী নড়া চড়া করবে না।
- (৫) আঁতুড় ঘরে অতিরিক্ত বাহল্য জিনিস (“অশুচ” হওয়ার ভয়েই বলুন, আর যাই বলুন) রাখবে না।

* কিছুদিন হইল ডাক্তার মিস্ বি. এম. বোস, এম. বি. মহোদয়া গ্রীষ্মের পার্কে সাধারণ স্বাস্থ্য বিষয়ে বক্তৃতা দান কালে খাদ্য সম্বন্ধে বলিয়াছিলেন, “দেখ মেয়েরা ! ভোঁয়রা এক তরকারী দিয়ে ভাত খাবে। সাত বকম তরকারী খেলে পেটে অস্বস্তি হয়। নয়ে বেধো, এক সময়ে এক তরকারীর বেশী খাবে না।” গত ১৩২৫ সালের শ্রাবণ মাসের “আল এগলাব” পত্রিকার ১১৮ পৃষ্ঠায় “স্বাস্থ্য বিজ্ঞানে মোহাম্মদ (দঃ) শীর্ষক প্রবন্ধে দেখিতে পাই,— হজরত মোহাম্মদ (দঃ) এত দুঃদশী ছিলেন যে, তিনি বিরুদ্ধ ভোজন এবং অতি ভোজন দোষ দূর করিবার জন্য এক তরকারী দিয়া আহার করিতে উপদেশ দিয়াছেন। আজ যদি মানবগুলী এক তরকারী দিয়া আহার করিয়া সম্পূর্ণ কবিত্তে আরম্ভ করে তাহা হইলে উদরাময়, আমাশয়, * * * (প্রভৃতি) বহু সংখ্যক ব্যাধি একবারে দূর্নীভূত হইয়া পৃথিবীকে অধর্ব্ব স্বর্গ পরিণত করিতে পারে।”

ইহাব প্রত্যক্ষ প্রমাণ দেখুন :—বেচবা গরীব মানুষেরা কেবল শাকভাত বা ডালভাত খায় বলে তাদের অন্তঃ পিত্ত্ব খড় লোকের তুলনায় অনেক কম হয়। বহু লোকেরা নানা রুকম চর্বা চোষা খেয়ে খেয়ে ব্যাধি আধার হয়ে পড়েন।

আর আধুনিক ডাক্তার কি বলেন? তিনি বলেন:

- (১) রোগীর কামরায় মানুষের ভীড় বা গোলমাল হওয়া উচিত নয়। (পোয়াতিও ত রোগী বিশেষ?)
- (২) কয়লার আওন পাবক, অর্থাৎ বাতাসকে পরিষ্কার করে। (তবে সে জিনিসটা পোয়াতির ঘরে থাকলে দোষ কি?)
- (৩) বাহিরের লোকের কাপড় চোপড়ে রোগের কীটাপু থাকা সম্ভব; আর আওনের উত্তাপে রোগের বীজাপু মারা যায়।
- (৪) ছয় সপ্তাহ পর্যন্ত পুসুতির পেটের ভিতরের অংশ বিশেষ স্বাভাবিক অবস্থা প্রাপ্ত হয় না, সুতরাং সে সময় নড়া চড়া করা উচিত নয়। এমন কি বিছানা ছেড়ে উঠতে নাই। (ছয় সপ্তাহ অর্থে বিয়াল্লিশ দিন, তবে আমাদের মুসলমানী ব্যবস্থা চল্লিশ দিন ঘরে থাকতে বলেও কি পাপ করলে?)
- (৫) রোগীর কামরায় অতিরিক্ত জিনিস, এমন কি বই, কাগজ ইত্যাদি রাখা উচিত নয়। কারণ সেগুলো infected অর্থাৎ অশুচি হয়।

আমরা যদি এখন কাঠ কয়লার ধোঁয়া রাখি; ঘরটা গরম রাখতে হবে বলে সব দরজা জানালা বন্ধ করে তাকে পাতকুয়া করে ফেলি; কিম্বা ছাগলের ঘরে পোয়াতিকে রাখি, সে দোষ কার—আমাদের না ব্যবস্থার?

আমাদের দেশের পোয়াতিদের প্রধান দোষ এই যে, তারা পরিষ্কার বাতাসের মর্ম বোঝে না। চারিদিকের দোর-জানালা একেবারে বন্ধ করে রাখে। পাড়াগাঁয়ে দরনার কিম্বা চেঁচাঙির বেড়া দেওয়া ঝড়ের ঘরে অমন করে দোর বন্ধ করলে, তত অনিষ্ট হয় না, কারণ বেড়ার ফাঁক দিয়ে কোন রকমে ঘরে বাতাস আসতে পারে। কিন্তু কলকাতার পাকা বাড়িতে কিম্বা মাটির দেয়ালের ঘরে দোর-জানালা বন্ধ করলে কিছুতেই বাহিরের বাতাস আসতে পারে না। এক ঘরে অনেক বেশী লোকের শোয়া উচিত নয় তাতে ঘরের বাতাস খারাপ হয়। শোবার ঘরে রোদের আলো যেন যেতে পারে। দিনের বেলা সব দরজা খুলে রাখা উচিত।

খাস কলকাতায় এত শিশু নষ্ট হওয়ার আব একটি প্রধান কারণ এই যে, পুসুতির শরীর ভাল না থাকায় শিশু মায়ের দুধ পায় না। গাইয়ের দুধ আর নানা রকম ছাই মাটি ঝাইয়ে শিশুকে এক রকম গলা টিপে মারা হয়। কেবল শিশু রক্ষার চেষ্টা করলে কোন ফল হবে না—শিশুর মাতার স্বাস্থ্যেরও যত্ন

করা দরকার। একজন প্রসিদ্ধ ডাক্তার বলছেন, মায়ের কর্তব্য কি, তা না জেনে শুনে কেউ যেন মা না হয়। মায়ের প্রধান কর্তব্য সন্তান পালন করা, এ-কথা অবশ্য কাউকে বলে দিতে হবে না, কারণ পশু পক্ষীও একর্তব্য পালন করে থাকে। কিন্তু পশুতে ও মানুষে প্রভেদ আছে বলেই মানুষকে তার কর্তব্য ঠিক করে শিখে নিতে হয়। পশুরা তাদের কাজে তুল করে না; আমরা মানুষ কি না, তাই আমাদের পদে পদে তুল।

নোংরামির জন্যও অনেক আঁতুড়ে ছেলে মারা পড়ে। নাওয়া ঠিক মত হয় না; ঠাণ্ডা লাগবার ভয়ে নাওয়ান হয় না। যে ছেলেরা মায়ের দুধ পায় না, তাদের জন্য যে দুধ বাফুড তৈরি করা হয়, তার বাসন পাত্র ঠিক মত পরিষ্কার থাকে না। একবার অনেকখানি দুধ টৈরিকরে ফেলে, সেই ঠাণ্ডা দুধ তিন চার বার নাওয়া হয়। এই রকম আরও কত অত্যাচার হয়, তা আর কত বলব। “সর্ব অঙ্গেই ব্যথা, ঔষধ দিবে কোথা।”

শিশুকে রোজ একবার নাওয়াতে হবে। জলটা একটু গরম, শিশুর বগলে হাত দিলে যেমন গরম লাগে কিম্বা মায়ের কনুইতে যে গরম জল গা-সহা বোধ হয়, অতটুকু গরম হলেই হবে। শীতকালে গোলা জায়গায় বা যেখানে ঝাপটা বাতাস লাগে, এমন জায়গায় নাওয়াবে না। নাওয়ারবার আগে বেশ করে সর্ষের তেল মালিশ করে নেবে, কিন্তু এ সময় দুধ খাওয়াবে না। কোন রকম উগ্র সাবান ব্যবহার না করে বরং ডালের বেশম নাথলে চলে। স্নান শেষ হলে তাড়াতাড়ি গরম তোয়ালে কিম্বা পরিষ্কার পুরোন কাপড়ের টুকরো দিয়ে বেশ করে শিশুর গা মুছে দিতে হবে। শরীরের কোন অংশ, যেমন কানের পীঠ, বগল, কুঁচকি যেন ভিজা না থাকে। নচেৎ ঐ সব জায়গায় ঘা হবে।

নাওয়া শেষ হলে তাড়াতাড়ি শিশুকে কাপড় পরাবে। হালকা ফুনেল কিম্বা সেই রকম কাপড় পরান চাই। কাপড় খুব ঢিলে ঢালা হওয়া চাই। উলেন টুপী আব মোজা কোন কালে পরান উচিত নয়। কাপড় খুব পরিষ্কার আর শুকনো থাক। চাই। কোন রকম ভিজে, এমন কি ঘামে ভিজা কাপড়ও গায়ে রাখতে নাই।

তারপর শিশুর খাওয়া—এইটেই সব চেয়ে বড় কথা। এক বছর বয়স পর্যন্ত মায়ের দুধ সব চেয়ে ভাল; তা যদি একান্তই না পাওয়া যায়, গাউয়ের দুধে অনেকটা জল মিশিয়ে মায়ের দুধের মত পাতলা করে খাওয়াবে। এজন্য দুধ খাওয়া শিশি (feeding bottle) ব্যবহার করা প্রশস্ত। ঝিনুকে কিম্বা চামচে দিয়ে দুধটা একেবারে গলায় ঢেলে দিলে শিশুর পক্ষে গোট হজম করা কষ্টকর হয়।

মাই কিম্বা ফীজিং বোতলের বোঁটা চুষে চুষে খেলে দুধের সঙ্গে শিশুর মুখের লালী কতক পারমাণে পেটে যায়। ঐ 'লালায় এমর্ন' একটা গুণ আছে, যাতে দুধ কিম্বা যে কোন খাদ্য সহজে হজম হয়। ঐ রূপে জল মিশিয়ে ছাগলের কিম্বা গাধার দুধও খাওয়ান যেতে পারে। কিন্তু এ কথা মনে রাখা উচিত যে, মানুষের অন্য মানুষের দুধই সব চেয়ে ভাল খাদ্য। সর্বদা মনে রাখবে যে, গাই কিম্বা ছাগলের দুধ খাওয়াতে হলে, তাতে মিছরি মিশিয়ে মিষ্টি করে খাওয়াবে। কারণ গাইয়ের দুধে মানুষের দুধের চেয়ে মিষ্টি কম থাকে। তিন মাসের ছেলেকে দেড় ছটাক খাঁটি দুধ, আধ ছটাক ননী, দেড় ছটাক পানি আর একটু মিছরি এক সঙ্গে মিশিয়ে দেওয়া যেতে পারে। এর সঙ্গে একটু চুনের পানি মিশিয়ে দিলে আরও ভাল হয়। তা হলে ছেলের পেট ফাঁপার ভয় থাকে না। যদি দেখা যায়, এতে শিশু ভাল থাকে না, অর্থাৎ মোটা তাজা হয় না, তবে ননীর ভাগ কম করে দুধ মিছরির ভাগ বাড়িয়ে দিবে। বিলাতী অর্থাৎ টিনের ঘন দুধ খাওয়াতে হলে, টাটকা তৈরি করে খাওয়াতে হবে। এক সঙ্গে অনেকখানি তৈরি করে, তাই সাত বার খাওয়াবে না। এ দুধ এই নিয়মে তৈরি হয়;— আধ ছটাক দুধ, আধ ছটাক ননী, এক পোয়া (কিম্বা সাড়ে চার ছটাক) জল। এর চেয়ে বেশী বয়সের ছেলেকে মেলিংস ফুড দেওয়া যেতে পারে। এতেও দুধ এবং ননী মিশিয়ে দিতে হবে। এইরূপে এলেনবেরী ও বেঞ্জার সাহেবের তৈরি ফুড এবং হরলিক সাহেবের মলটেড মিল্ক দেওয়া যেতে পারে।* ক্রমে শিশুর বয়োবৃদ্ধির সঙ্গে খাদ্যের পরিমাণ বাড়াবে এবং দুধ যাতে বেশী খায়, সে দিকে নজর রাখবে। মনে রাখা দরকার, ছেলেকে কখনও ঠাণ্ডা দুধ বা ফুড খাওয়াতে নাই।

* শিশুকে হর্গিল মিল্ক ও বেনজারস ফুড প্ৰভৃতি কৃত্রিম দুধ খাওয়ান সৰ্ব্বদে একটু উর্দু করিও মনে পড়ন, যথা :

“ভিফিল মেনু আয়ে কেয়া মা ঝাপ কে ভাতওয়ার কী ?
দুধ ত ডিবেব কা হায়, ভালিম হায় সরকারী কী ॥”

অর্থাৎ বেচরা শিশু পিতামাতার স্বাভাবিক গন্ধ লাভ করিবে কোথায় হইতে? সে ত টিনের ডিবেব কৃত্রিম দুধ নয়, আর শিশু লাভ করে গবর্নমেন্টের। গতাই ৬ বাতু-স্বন্য পান না কদিনে শিশু মাতার যত্নেব পুজব লাভ করিবে কেমন করিয়া?

‘স্বন্যদুধ যবে পিয়াও জননী,
স্বনাও স্বস্তানে স্বনাও তুধনি—’

ইত্যাদি চিরসত্য কথাও বিধ্যা হইয়া যায়।

ধুম—শিশুকে নাওয়াবার পরেই খাওয়াবে, তারপর তাকে ধুম পাড়াবে। দুধ খাওয়া আঁতুড়ে ছেলের জন্য প্রতিদিন ১৬ ঘণ্টা, দুই বছরের ছেলের জন্য ১৪ ঘণ্টা এবং চার বছরের ছেলের জন্য ১২ ঘণ্টা ধুমের দরকার। শিশুর মুখে চুষনি দিয়ে রাখা অভ্যাস ভাল নয়। কেউ কেউ আবার ছেলেকে শান্ত রাখার জন্য আফিম খাওয়ায়, এ অভ্যাসও ভাল নয়। ছেলেদের দোলায় শোয়াবার অভ্যাস করতে নাই। দোলা দোলাতে গিয়ে মায়ের বৃথা সময় নষ্ট হয়, আবার শিশুরও শরীর মাটি হয়। ছেলের শোবার ঘরে যেন পরিষ্কার বাতাস খেলতে পারে। ঘরে বাতাস আসবে, কিন্তু ছেলের গায়ে যেন জ্বোরে বাতাস না লাগে। ছেলেদের ঠাণ্ডা লাগবার ভয় খুব বেশী। প্রায়ই দেখা যায়, শিশু ভিজা বিছানায় শুয়ে থাকে। বিশেষতঃ ধূমের সময় যদি ভিজা বিছানায় থাকে কিম্বা ঠাণ্ডা বাতাস আদুল গায়ে লাগে, তবে বিপদের ভয়া ফুনেলের টুকরো দিয়ে ছেলেকে ঢেকে রাখবে। শোবার ঘরে কেরোসিনের আলো রাখতে নাই। এক কোণে সর্ষের তেলের একটা পুদীপ রাখবে।

যদি সম্ভব হয়, শিশুকে আলাদা বিছানায় শোয়ান ভাল। তা হ'লে সে স্বাধীনভাবে নড়তে চড়তে পারবে। মায়ের সঙ্গে শু'লে সে ততটা পরিষ্কার বাতাস পায় না, মায়ের নিঃশ্বাসের বাতাসে তার অনিষ্ট হয়। মশা মাছির উপদ্রব থেকে শিশুকে রক্ষা করার জন্য মশারী খুব দরকার। ঘরের মেজেতে বা কোন পাত্রের জল খোলা থাকলে তাতে মশা জন্মায়; ঘরে আর্জনা থাকলে মাছি হয়। যাতে মশা ও মাছি না জন্মাতে পারে, সে দিকেও আনাদের দৃষ্টি রাখা চাই। তার ঔষধ কেবল পরিষ্কার পরিচ্ছন্নতা। কাপড় প্রতিদিন রোদে দেওয়া চাই; রোদ না থাকলে বাতাসে ছড়িয়ে দিতে হবে। কিম্বা কাঠকয়লার আগুনে বিছানার কাপড় গরম করে নেবে।

শিশুর সামান্য অসুখ হ'লেও যত্ন করা চাই। ছেলেদের পরিপাক, অর্থাৎ হজম ঠিক হচেছ কি না তা দেখতে হবে। কাঁদলেই দুধ খাওয়াবে না, বরং অন্য কোন অসুবিধা আছে কি না তার তদন্ত করতে হবে। ঔষধ ব্যবহার যথাগাধ্য কম করবে। ঔষধের অভ্যাস ভাল নয়। খুব দরকার না পড়লে ডাক্তার ডাকবে না। আর যখন ডাক্তার ডাকবে, তখন ডাক্তারের উপদেশ অক্ষরে অক্ষরে পালন করবে। আমি জানি, অনেক সময় গিন্ধীরা ডাক্তারকে ফাঁকি দেন; অর্থাৎ ডাক্তারের উপদেশ মানেন না, পরে ডাক্তারকে মিথ্যা কথা বলেন যে, হ্যাঁ, ঠিক সময় মত ঔষধ দিয়েছি; ঐ পথ্য ছাড়া আর কিছু খায় নি। এতে অনিষ্ট কার—ডাক্তারের, না গিন্ধীদের,—আপনারাই

ভেবে দেখুন। নাওয়া, খাওয়া, ঘুম ঠিক নিয়ম মত হ'লে শিশুদের বেশী অসুখ না হওয়াই সম্ভব। পরিষ্কার বাতাস সব চেয়ে দরকারী জিনিস। মানুষ খেতে না পেলে ১৩ দিন, জল না পেলে ৩ দিন বাঁচতে পারে, কিন্তু বাতাস না পেলে ৩ মিনিটের অধিকক্ষণ বাঁচতে পারে না। আমরা ডুমিষ্ট হওয়া মাত্র সর্বপ্রথমে বাতাস খেতে অর্থাৎ নিঃশ্বাস নিতে আরম্ভ করি, আর জীবনের শেষ মুহূর্তে নিঃশ্বাস নেওয়া ছাড়ি। তাই বলি, পরিষ্কার বাতাসটা সব চেয়ে বিশেষ দরকারী।

কেবল যে আমাদের দেশেই বেশী লোক মারা যাচ্ছে তা নয়। মানবজাতিতে এই যে ভয়ানক অধঃপতন—এটা প্রথমে ইংলণ্ড ১৮৯৯ ও ১৯০২ সনে বুয়র যুদ্ধের সময় অনুভব করেন। সৈন্য সংগ্রহ করবার সময় ডাক্তারেরা পরীক্ষা করে যখন একে একে অনেক লোককে সেপাই হবার উপযুক্ত নয় বলে বাদ দিতে লাগলেন, তখন কর্তাদের চৈতন্য হ'ল যে, শিশু রক্ষার উপায় করতে হবে, নচেৎ সমস্ত দেশের লোক অধঃপাতে যেতে বসেছে।

এবারের যুদ্ধের সময় ফ্রান্স বুঝতে পারলেন যে, তাঁর লোক বল কমে যাচ্ছে; তাই শুনেছি তাঁরা আইন করেছেন যে, গবর্নমেন্ট দেশের পৌরাতিদের প্রত্যেক ছেলের জন্য একটা করে বৃত্তি দিবেন, যাতে শিশুর যত্ন হয়। যে ঘরে চারিটি ছেলে মেয়ে আছে, সে স্থলে ছেলের বাপকেও একটা আলাদা বৃত্তি দেওয়া হয়। ফল কথা, ইউরোপ মানুষ রক্ষা সম্বন্ধে সাবধান হয়েছেন, এখন আমাদের সাবধান হবার পাল।

আমার মনে হয়, এ শিশু মহানারীর আর একটা বিশেষ কারণ আমাদের দেশের বাল্যবিবাহ। ডাক্তার ভারতচন্দ্র বলেছেন, “মায়ের কর্তব্য না শিখে কেউ যেন না না হয়।” যে নিজেই ১২.১৩ বছরের বালিকা, সে আর কর্তব্য শিখতে সময় পেলে কখন? উক্ত ডাক্তার মহাশয়ের মতে কুড়ি বছর বয়সের আগে মেয়ের বিবাহ দিতে নাই।

মেয়েদের শরীর যাতে ভাল থাকে, সেদিকেও নজর রাখা দরকার। বালিকা স্কুলে মেয়েদের শরীর ভাল রাখবার জন্য ব্যায়াম করার ব্যবস্থা আছে বটে, তা ত কাজে পরিণত করবার খোঁটা নেই। কারণ ছাত্রীরা মা বাপ ভুল করতে বাগ্ন করেন। মেয়েরা ১২ বছর বয়স পর্যন্ত জড়ভরত হয়ে বসে থাকবে, তারপর তাদের বিয়ে হবে; ফল—ছেলে বাঁচে না, কপাল মন্দ।

আপনার শুনেন আশ্চর্য হবেন, আজ আমি যা বলছি, তা এই প্রথম বলা নয়। আমি ১৪ বছর পূর্বে বলেছিলাম, “বাঁরা কন্যার ব্যায়াম করা অনাবশ্যক মনে

করেন, তাঁহারা দৌহিত্রকে ছুঁপুট “পাহলোয়ান” দেখিতে চাহেন কি না ? * * * যদি সেরূপ ইচ্ছা করেন, তবে বোধ হয়, তাঁরা স্কুঝারী-গোলাপ লতিকায় কাঁঠাল ফলাইতে চাহেন।” ইত্যাদি। (মতিচূর প্রথম খণ্ড—৪৯ পৃষ্ঠা ১) যা হউক, আমাদের ভবিষ্যৎ বংশরক্ষার জন্য দু’টি বিষয় দরকারী হয়ে পড়েছে দেখছি। প্রথম স্ত্রীশিক্ষার বহুল প্রচার; দ্বিতীয় বাল্যবিবাহ রহিত করা। অর্থাৎ মেয়েদের বৈশিষ্ট্য করে পড়া-লেখা শিখাতে হবে, যাতে তারা নিজের শরীরের যত্ন করতে শিখে; আর অল্প বয়সের ছেলে মেয়ের বিয়ে বন্ধ করতে হবে। আপনারা ভেবে দেখেছেন, সম্ভব মেয়েমানুষ বেশির ভাগে মরে কেন? কারণ তাদের স্বাস্থ্য নষ্ট হয় বলে। এখন দেখছি, শিশু রক্ষা করতে হ’লে আগে শিশুর মা’দের রক্ষা করা দরকার। ভাল ফসল পেতে হলে গাছে সার দেওয়া দরকার। বুঝলেন? মেয়েদেরও খাওয়া দাওয়ার একটু যত্ন করবেন। মেয়ের বিয়েতে অনেক টাকা খরচ করতে হয় বলে বেচারীদের শুকিয়ে মারবেন না। তারাই হচ্ছে ভবিষ্যৎ গৃহের গৃহিণী; তারাই হচ্ছে ভবিষ্যৎ বংশধরের জননী।

মুক্তিফল

[রূপকথা]

কান্দালিনী বহুদিন হইতে পীড়িতা। তাঁহার জীবন-প্রদীপ ধীরে ধীরে নিবিয়া আসিতেছে—কান্দালিনী বুঝি এখন মরেন। অর্থাভাবে তাঁহার চিকিৎসা হইতে পারে না—চিকিৎসা দূরে থাকুক, দিনান্তে একবার আহাৰ্যও জোটে না, একমাত্র জীর্ণকস্মা দারুণ শীত ও লজ্জা নিবারণের সম্বল। যিনি এক কালে ভোলাপুরের রানী ছিলেন তিনি অদ্য কান্দালিনী!

কান্দালিনী তরুতলে শ্যামল দুর্বাশয়নে শায়িতা। অসংখ্য মশা মাছি তাঁহার ক্ষত অঙ্গ বেটন করিয়া তাঁহাকে বিরজ করিতেছে। তিনি রোগে ভুগিয়া এত দুর্বল হইয়াছেন যে, মশা মাছিও তাড়াইতে পারেন না। তাঁহার বালক পুত্র নবীন তাঁহার পার্শ্বে বসিয়া আছে। সে কখন দুর্বা লইয়া খেলা করে, কখন বা তাহার ক্ষুদ্র হস্তে তালবৃত্ত ব্যঞ্জন করিয়া মাছি তাড়ায়। কান্দালিনী যখন অসহ্য যাতনায় অস্থির হন, মুদ্রিত নয়নে অশ্রু বিসর্জন করেন, নবীন তখন তাহার ক্ষুদ্র বাহু দ্বারা মাতার কণ্ঠবেটন করিয়া বলে, “মা! আমি বড় হইলে তোমাকে এত এত ভাত আনিয়া দিব, তোমায় বানারসী গাড়া পরাইব!”—নবীনের বালস্বলভ বাচনতায় তিনি আপন যন্ত্রণা ভুলিয়া মৃদু হাস্য করেন।

তরুশাখায় বসিয়া একটি পাখী মবুর স্বরে বলিতেছিল,—“চৌদ্ধপুত—
—এত দুঃখ!”* তাহা শুনিয়া কান্দালিনী দীর্ঘনিঃশ্বাস ত্যাগ করিয়া বলিলেন, “পাখীটা আমারই দুঃখগাথা গাহিতেছে। আমি শত শত পুত্রের জননী হইয়া এত কষ্ট ভোগ করিতেছি! হায়! আমার এ দুঃখ-অমানিশা কি কখন পোহাইবে?”

দর্পানন্দ নূতন বুটজুতা পায়ে মচ্ মচ্ করিয়া আসিয়া কান্দালিনীকে সহাস্যে বলিলেন, “মা! আর তোমার দুঃখ-দারিদ্র্য রহিবে না, আমি তোমার জন্য সোনার মল গড়াইতে দিয়াছি।” কান্দালিনী অতি কষ্টে কাষ্ঠ হাসি হাসিয়া ক্ষীণ কণ্ঠে বলিলেন, “বাবা! আগে প্রাণে বাঁচি ত! ক্ষুধায় প্রাণ ওঠাগত”—

* যেন কতিপয় পাখীর স্বরে “চৌধ গেল,” “বউ কথা কও” ইত্যাদি শুনা যায়, সেইরূপ একটি পাখীর ডাক “চৌদ্ধ-পুত এত দুঃখ” এই কথাই অনুরূপ।

দর্প। (বিরক্তির সহিত) তোমার দুনিবার ক্ষুধার তৃপ্তি কিসে হইবে, আমি ত জানি না। বুড়া মানুষদের লইয়া বড় আলাতন হইতে হয়। তুমি বীক-টা ও এরাকট বিস্কিট খাইতে চাও না, তবে খাইবে কি ?

কান্দালিনী। আমি গরীব মানুষ, একমুঠা মুড়ি মুড়কি পাইলে বাঁচি।

দর্প। ও সব অসভ্য লোকের কথা। তুমি যদি পনির, বিস্কিট, মার্শলেড ও দুধের মোরব্বা না খাও, তবে উপবাসে মর। আমি আর তোমার জন্য কিছু করিতে পারিব না। দেখি তোমার স্বর সারিয়াছে কি না, এই নাও এক মাত্রা কুইনাইন খাও।

কান্দালিনী। আমার রোগ কুইনাইনে সারিবার নহে।

“তবে মরিতেছ মর।”—এট বলিয়া দর্পানন্দ চলিয়া গেলেন।

কান্দালিনীর অন্যতম পুত্র প্রবীণ আসিয়া মাতার নিকট বসিলেন। তিনি সশ্বেহে জননীর হাত ধরিয়া বলিলেন, “মা! তুমি দিন দিন বড়ই রোগা হইতেছ।”

কান্দালিনী দর্পানন্দের ব্যবহারে মর্মান্বিত হইয়াছিলেন, এখন অভিমান করিয়া বলিলেন, “সে জনা তোম ভাবনা কেন ? তোদের ‘শেরি’, ‘শ্যাম্পেনের’ অভাব না হইলেই হইল !”

প্রবীণ। বন্ধুবান্ধব সহ ‘শেরি’, ‘শ্যাম্পেন’ পান করেন তোমার ধনবান পুত্র দর্পানন্দ ; সে কথা আমাকে বল কেন মা ? আমি ত সুরা স্পর্শ করি না, কেবল বিস্কিট খাই। আর এ কি কথা বল মা,—তোমার জন্য আমরা ভাবিব না ? আমরা তোমার এতগুলো সন্তান থাকিতে তুমি অনাহারে বিনা-চিকিৎসায় মারা যাইবে ?

এই সময়ে শাখাঙ্কিত পাখীটা আবার ডাকিয়া উঠিল—“চৌদ্ধ পুত—এত দুঃখ”। প্রবীণ তদুত্তরে বলিলেন, “না পাখী, আর এত দুঃখ থাকিবে না—আমরা মায়ের দুঃখ দূর করিব।”

কান্দালিনী। হাঁ, মরিলে ত দুঃখ দূর হয়ই—এখন আমি মরিতে প্রস্তুত।

নবীনমাতা ও ভ্রাতার কথোপকথন বৃদ্ধিতে না পারিয়া বিস্ফারিত নেত্রে মাতার মুখমণ্ডল নিরীক্ষণ করিতেছিল। আর এক একবার ভ্রাতার মুখপানে চাহিতেছিল। মা মরিবেন, এই কথা শুনিবা মাত্র সে উট্টেচঃস্বরে কাঁদিয়া উঠিল। কান্দালিনী পুত্রকে আদর করিয়া বলিলেন, “তুই কাঁদিস্ না, আমি মরিব না। ভোর দাদার সঙ্গে খেলা করিতে যা।”

নবীন। এই ত আমি এত বড় হইয়াছি, আর খেলা করিব না। চল দাদা, মা'র জন্য ওষুধ আনি গিয়া।

প্রবীণ। আমাদের সাধ্যমতে যে ঔষধ আনি তাহাতে মায়ের উপকার হয় না। মা! তুমি কি ঔষধ খাও না?

কাক্সালিনী। থাক বাবা! অমার জন্য আর ভাবিও না। এখন আমার মৃত্যুই বাঞ্ছনীয়! তোমরা দীর্ঘজীবী হও, তোমাদের বালাই লইয়া আমি মরি।

নবীন। (সজলনয়নে) তুমি মরিলে আমি বড় কাঁদিব! মা গো! তোমায় মরিতে দিব না।

কাক্সালিনী। ওরে হতভাগা ছেলে! তোরই জন্য মরিতে পারি না। যে দিন সিংহাসনচ্যুত হইলাম, যে দিন রাজরানীর পদ হারাইয়া কাক্সালিনী হইলাম, সেই দিন মরিতে চাহিয়াছিলান; কিন্তু তোরা অসহায় শিশু ছিলি বলিয়া মরি নাই! তোদের এই অবস্থায় ফেলিয়া মরিতেও কষ্ট হয়। নচেৎ মরণে ভয় করি না,—এমন ষ্ণিত জীবন বহন করা অপেক্ষ। শতবার মৃত্যু শ্রেয়:।

নিল্লুককে সঙ্গে লইয়া দর্পানন্দ এই সময় আবার আসিয়া বলিলেন, “ঔষধ পথ্য না খাইলে মানুষ বাঁচে কি রূপে? মা! তুমি এমন অবেোধ মেয়ে কিছু বুঝ না। আমি স্বর্ণমল পরাইয়া তোমার চরণ উজ্জ্বল করিতে চাই, তবু তুমি সন্তুষ্ট হও না। আবার বলি কুইনাইন খাও।”

কাক্সালিনী। দেখ দর্প! আমাকে আর জ্ঞাতন করিস্ না। আমি দীন দুঃখিনী অনাভিধারিণী, তোমার স্বর্ণমল আমার পক্ষে উপহাস মাত্র। আর আমার রোগ ঔষধে সারিবার নহে। যাহাতে এ রোগ সারে, সে কার্য তোমার ন্যায় আনাড়ী পুত্রের অসাধ্য। তুমি নিজের সুখ সুবিধার প্রতি দৃষ্ট রাখিও, আর চাই কি?

নিল্লুক। যাহাতে মায়ের মুখ উজ্জ্বল হয়, এমন কার্য দর্পানন্দ কখন করে নাই, এখন স্বর্ণ বেড়ী পরাইয়া মায়ের চরণ উজ্জ্বল করিতে চাহিয়াছিল, বেচারার সে সাধও অপূর্ণ রহিল! অবশেষে কুইনাইন খাওয়াইয়া মায়ের মুখ তিজ্ঞ করাও হইল না।

কাক্সালিনী। যাও নিল্লুক! তোমার কথা শুনিলে আমার গা জ্বলে।

প্রবীণ। কি করিলে মা তোমার রোগ সারিবে, আমি প্রাণপণে সে সাধনা করিব। যদি তোমার রোগ ক্লেম নিবারণ করিতে না পারি, থিক্ আমার জীবনে। থিক্ আমার শিক্ষা-দীক্ষায়!

মিলুক। বাস্! আর ভাবনা নাই। প্রবীণ আমার অধিতীয় বাক্পটু—
বাক্যেই সে সিদ্ধিলাভ করিবে!

নবীন। তোমার পায়ে পড়ি, বল মা! কি করিলে তুমি ভাল হইবে!

কাজালিনী। বলিলে লাভ কি? তুই কি সে ঔষধ আনিতে পারিবি?

প্রবীণ। আমি আনিতে পারিব—আমি খাবিতে তোমার চিন্তা কি মা?

কাজালিনী। তবে শুন। বহুদিনের কথা,—জনৈক সন্ন্যাসী আমার বাড়ী অতিথি হইয়াছিলেন। তিনি দেখিলেন, আমি পুত্র ও কন্যার প্রতি তুল্য ব্যবহার করি না। তিনি বিদায় লইয়া যাইবার সময় আমাকে বলিলেন, “বৎসে তুমি পুত্রকে অধিক স্নেহ কর, কন্যাকে একটুও আদর যত্ন কর না, ইহা বড় অন্যায়া। পরিণামে তুমি এই অতি আদুরে পুত্রের দ্বারা কষ্ট পাইবে।” আমি ভাবিলাম, কন্যার প্রতি অধিক যত্ন প্রদর্শন করিলে লাভ কি? কন্যা কি আমার ভোলাপুর রাজ্য রক্ষা করিতে পারিবে? প্রকাশ্যে ব্যস্তভাবে বলিলাম, “প্রভো! আমার শাপ দিলেন?” তিনি উত্তর দিলেন, “আমি শাপ দিব কি, যে বাহা করে তাহাকে সে কর্মফল ভোগ করিতেই হয়। কন্টক বপন করিয়া কেহ কুসুম চয়ন করে কি? অযোগ্য পুত্রের জননী হওয়া এবং অপত্যস্নেহে পক্ষপাতিতা করিবার ফল তোমাকে ভোগ করিতে হইবে।” আমি পুনরায় তাঁহার পদযুগল ধরিয়া জিজ্ঞাসা করিলাম, “কত দিনে আমার শাপাবসান হইবে?” তদুত্তরে সন্ন্যাসী বলিলেন, “কৈলাস-শিখরে মুক্তিফলের গাছ আছে; যে দিন কেহ তোমাকে সেই গাছের ফল আনিয়া খাওয়াইবে, সেই দিন তুমি শাপমুক্ত হইবে।”

প্রবীণ। আমি এখনই তোমাকে মুক্তিফল আনিয়া দিতেছি।

দর্প। কৈলাস পর্বত এখন মায়াপুরের রাজার রাজ্যভুক্ত। সুতরাং মুক্তিফল আনয়ন সহজ নয়। মা! তুমি এমন কথা বল যাহা মানবের সাধ্যাতীত।

মিলুক। কোন কার্যই মানুষের সাধ্যাতীত নয়।

প্রবীণ। আমি মায়াপুরের রাজার চরণে ঐ ফল ভিক্ষা চাহিব। আমি সপ্তাটের চরণ উদ্দেশে চলিলাম।

কাজালিনীর দুহিতা শ্রীমতী কাঁদিয়া বলিলেন, “আহা! মা আমাদের প্রতি অনাদর অবহেলা করার জন্য শাপগ্রস্তা হইয়াছেন। তাই আমরা কি মায়ের কাজ করিব না? চল দাদা, আমিও তোমার সঙ্গে রাজদ্বারে ভিক্ষা চাহিতে যাইব।”

দর্প। তুমি আবার কোথায় যাইবে? তুমি যেখানে আছ, সেই খানে থাক, আর এক পদ অগ্রসর হইও না।

নিদ্দুক। (করতালি দিয়া) শ্রীমতী আর ফাটকে আটক রহিবে না। আর মায়ের চিন্তা কি?—এইবার শ্রীমতী মুক্তিফল আনিবে।

শ্রীমতী। (স্বগত) দর্পদাদা অধিক দূর অগ্রসর হইতে দিবেন না, নিদ্দুক দাদার বিক্রম-বাণ ততোধিক অসহ্য! যদি ঈশুর সহায় হন, তবেই মায়ের সেবা করিতে পারিব। (প্রকাশ্যে) নিদ্দুক দাদা! তোমার বিক্রম আমি গ্রাহ্য করি না, বরং তোমার দুঃখিত জন্যই আমার দুঃখ হয়—আমি তোমারই জন্য ব্যথিত।

নিদ্দুক। নেহান হইলাম! শ্রীমতী আমার প্রতি দয়া করেন, আর চাই কি? প্রবীণ। শ্রীমতী, তোমার রচিত দুই চারিটি গানের নকল আমাকে দাও দেখি, ভিক্ষা প্রার্থনার সময় গানের প্রয়োজন হয়।

শ্রীমতী। ঐ জন্যই ত আমি তোমার সঙ্গে যাইতে চাহিয়াছিলাম—আমিও গান গাইতাম—

প্রবীণ। না বোন, তোমাকে কৈলাস পর্বন্ত যাইতে দিতে পারি না। তুমি আমার সহিত গল্প কর, উপন্যাস পাঠ কর, আমার সঙ্গে পারমাণ্বিক গান গাও—এই পর্বন্তই যথেষ্ট; ইহাপেক্ষা অধিক স্বাধীনতা বা সমকক্ষতা দিতে পারি না।

নিদ্দুক। সীমা লঙ্ঘন করিও না, শ্রীমতী, লোক হাসাইও না।

দর্প। দেখ ত স্মৃতি কেমন সরল মেয়ে, সে ত কুটিরের বাহিরে পদার্পণ করে না।

শ্রীমতী। স্মৃতি বোকা, তাই কোণের ভিতর লুকাইয়া থাকে। আর তাহার বাহিরে আসিবার সাহস কই?

স্মৃতি কাজ না পাইয়া কুটারাভ্যন্তরে বসিয়া জীর্ণকথা সংস্কার করিতে ছিলেন এবং নীরবে সকলের কথাবার্তা শুনিতেছিলেন; তিনি শ্রীমতীর শেষ কথা শুনিয়া মনে মনে বালেলেন, “আমি বোকা হই বা ভীকু হই, কিন্তু যথাবিধি শক্তি সঞ্চয় না করিয়া দিদির মত হঠাৎ বাহিরে যাইব না। দিদি বাহির হইরাই এমন কি দিগ্বিজয় করিয়াছেন? কত দূর অগ্রসর হইতে পারিয়াছেন?—ঐ উপন্যাস পাঠ করা ছাড়া দাদার সহিত স্তর মিলাইয়া গান করা—বাস্? ঐ পর্বন্তই ত?”

দর্প। স্মৃতি বোকা বলিয়াই ত আমরা উহাকে একটু কৃপাচক্ষে দেখি।

শ্রীমতী। বেশ। দেখিব, স্মৃতি আর কত দিন তাহার মস্তিষ্কের অস্তিত্ব গোপন রাখে। কিন্তু দাদা, আমাদিগকে মস্তক উত্তোলন করিতে না দিলে তোমাদেরও বলবৃদ্ধি হইবে না যে।

নিদ্দুক। চুপ কর শ্রীমতী, তোমার বক্তৃতা শুনিতে চাই না। তুমি নিজেই কাজ দেখ। হাঁড়ি বাসন ধোও গিয়া।

২

কৈলাস পর্বত শিখরে মায়াপুরের রাজার প্রমোদ-কানন। আঠারো হাজার দৈত্য মুক্ত কৃপাণ হস্তে উদ্যান রক্ষা করিতেছে। মানুষ ও চতুষ্পদ জন্তু দূরে থাকুক, পক্ষী, মক্ষিকা, পিপীলিকা পর্যন্ত সে কাননে প্রবেশ করিতে পারে না।

মায়াপুরের বৃদ্ধ রাজা দিবাশেষে রাজকাৰ্য সমাধা করিয়া কর্মচারীবৃন্দকে একে একে বিদায় দিলেন। এখন রাজকুমার, মন্ত্রী এবং কতিপয় প্রধান কর্মচারী মাত্র আছেন। এমন সময় একজন দৈত্য রাজসভায় আসিয়া যুক্তকরে নিবেদন করিল, “মহারাজ! ভয়ে বলি কি নির্ভয়ে বলি?”

রাজা। নির্ভয়ে বল।

দৈত্য। কৈলাস শিখরে জিনকুল চুড়ামণি মহারাজার প্রমোদ-কাননে মুক্তিফলের গাছ আছে—

মন্ত্রী। হাঁ, তাই কি?

দৈত্য। সে অমর-বাহিত বৃক্ষে শত বৎসরে একটি ফল হয়—

জটনক কর্মচারী। হাঁ জানি। আবার তাহাতে ফল ধরিয়াছে, ইহাও আমরা অবগত আছি। তোমার বক্তব্য শীঘ্র বল, দীর্ঘ ভূমিকায় প্রয়োজন নাই।

দৈত্য। (ভয়কম্পিত কলেবরে) জনশ্রুতি শুনিতে পাই. ভোলাপুর হইতে মানব-নন্দন মুক্তিফল চয়ন করিতে আসিতেছে—

যুবরাজ। অসম্ভব। মিথ্যা জনরব।

মন্ত্রী। যদিই জনশ্রুতি সত্য হয়, তবে তোমরা আঠারো হাজার দৈত্য আছ কিসের জন্য?

কর্মচারী। তোমাদের ন্যায় ভীমকায় জাগ্রত প্রহরী থাকিতে ভয় কি? বিশেষতঃ পৃথিবীতে ভোলাপুর অতি স্বাস্থ্য নগণ্য দেশ, তথাকার মানব-সন্তান কি তোমাদের অপেক্ষা অধিক বলবান?

দৈত্য। না মহাশয় ! আমি কেবল রাজধানীতে সংবাদ দিতে আসিয়াছি। আমরা সকলে সশস্ত্রে প্রস্তুত আছি—আবশ্যক হইলে কৈলাস ভূমিরে মানব-রক্তের নির্ঝরিতী প্রবাহিত হইবে।

মন্ত্রী। বীরের উপযুক্ত কথা ! এখন তুমি যাহাতে পার।

যুবরাজ। (আসন ত্যাগ করিয়া) আমার কিছু বক্তব্য আছে।

সকলে। আপনি বলুন।

যুবরাজ। আমি রাজকার্য সম্বন্ধে কিছু বলিবার আশ্পঙ্কা রাখি না। কিন্তু এ সময় মন্ত্রীবরের কথার প্রতিবাদ না করিয়া থাকিতে পারি না। তিনি দৈত্যদিগকে মানব-রক্তের নদী প্রবাহিত করিতে উৎসাহ দিয়া বুদ্ধিমানের কার্য করেন নাই। ভোলাপুরের নিবীৰ্য মানব ধবংস করা আমাদের ন্যায় প্রবল প্রতাপান্বিত জাতির পক্ষে কিছুমাত্র বীরত্বের পরিচায়ক নহে। পরন্তু মায়াপুররাজ দয়ালু ও ন্যায়পরায়ণ নামে জিন-জগতে বিখ্যাত। মায়াপুর রাজ্যে নরশোণিত পাত হইলে আমাদের প্রতিবেশী জিনরাজগণ কি বলিবেন? সমস্ত পরীস্থান আমাদিগকে বীর না বলিয়া কাপুরুষ বলিবে না কি ?

মন্ত্রী। যুবরাজের কথা অতি যুক্তিসঙ্গত। মানব-রুধিরে আমাদের স্মনাম কলঙ্কিত হইবে, এমন কি সমগ্র পরীস্থান কলুষিত হইবে। কিন্তু মানবের আশ্পঙ্কাও ত অসহ্য ! তাহার। মুক্তিফল লইতে আসিতেছে, তাহাদিগকে বাধা দিবার কি উপায় ?

কর্মচারী। যুবরাজ অবশ্যই উপায় ভাবিয়া স্থির করিয়া রাখিয়াছেন।

রাজ। বৎস ! তোমার যুক্তি অতি সারবান। তুমি পরীস্থানের মুকুটতুলা মায়াপুর সাম্রাজ্যের আসন কলঙ্ক মোচন করিলে। এখন যাহাতে কার্যসিদ্ধি হয় তাহাই কর। তুমি কৃতকার্য হইলে তোমাকে রাজ্যদান করিয়া আমি বানপ্রস্থ লইব।

সকলে। যাহাতে সাপ মরে, লাঠিও না ভাঙে, তদ্রূপ ব্যবস্থা হওয়া চাই।

যুবরাজ। কথিত আছে, মানবজাতি অতিশয় মূর্খ এবং জিন জাতি ও দৈত্যগণ মায়াবিদ্যায় পারদর্শী। অস্ত্র বিবেকহীন মানবকে ইন্দ্রজালে বশীভূত করা অতি সহজ ব্যাপার। মায়াবিদ্যাবিশারদ মুরলীধর করুণ সুরে সহানুভূতিসূচক মোহন মুরলী বাজাইলে, তাহা শুনিয়া মানবগণ তালে তালে নৃত্য করিবে। তখন অন্যান্য জিন গায়কেরা তাহাদের বলিবে, চল আমরা তোমাদিগকে মুরলীধরের নিকট লইয়া যাই। তাহাতে মানুষের। সন্ত্রস্ত হইলে জিন ও দৈত্যগণ অন্যায়সে তাহাদিগকে পথছপ্ট করিতে পারিবে।

উপস্থিত সভ্যমণ্ডলী করতালি-সহকারে যুবরাজের প্রস্তাব অনুমোদন করিলেন।

অতঃপর যুবরাজ পুথান প্রধান দৈত্য, প্রহরী ও মায়াবিদ্যাশিশিরদ মুরলীধরকে লইয়া কয়েক দিন গোপমে পন্নাম্ব করিয়া সমস্ত ঠিক করিলেন।

পরিশেষে এই সিদ্ধান্ত হইল যে, দৈত্যগণ কোন প্রকারে মানবের অনিষ্ট করিবে না। তাহার। কেবল মানুষের গতিবিধির প্রতি দৃষ্টি রাখিবে এবং যথাকালে মায়াপুরে সেই সংবাদ প্রেরণ করিবে।

বহুদিন পূর্বেই কৈলাস পর্বতের চতুর্দিকে কন্টক রোপণ করা হইয়াছিল। জিন, পরী ও দৈত্যগণ মায়াবানে ইতস্ততঃ বিচরণ করিয়া থাকে।

৩

লায়েক দিবাশিশি জননীর সেবা করিয়া ক্রমে ক্রান্ত হইয়া পড়িয়াছেন। নিজের আহার-নিদ্রায় উদাসীন থাকায় তাঁহারও স্বাস্থ্যভঙ্গ হইয়াছে। তিনি মাতার পদপ্রান্তে নীরবে বসিয়া তাঁহার পায়ে ধীরে ধীরে হাত বুলাইতে ছিলেন। পুত্রের সশ্বেহ করস্পর্শে কাঙ্গালিনী নমন উনুতল করিয়া বলিলেন, “লায়েক! তুমি এখানে। তাই ত, লায়েক তিনু অভাগিনী মায়ের ব্যাধায় আর কে ব্যথিত হইবে? তা বাছা! তোমার যশে আমার বিশেষ কিছু উপকার হইবে না। মুক্তিফল প্রাপ্ত না হওয়া পর্যন্ত আমি ব্যাধিবুদ্ধ হইব না।”

শ্রীমতী ছোট একটি খালয় কিছু খাবার আনিয়া মাতাকে বলিলেন, “মা, তুমি বড়ই দুর্বল হইয়াছ। এখন কিছু একটু মুখে দাও, তবে একটু সবল হইবে।”

কাঙ্গালিনী। মুক্তিফলের পূর্বে আর কিছু ডক্ষণ করিতে পারি না।

লায়েক। প্রবীণ কবে না কবে ফল আনিবে। এদিকে তুমি যে একেবারে ধরাশায়ী হইয়া পড়িয়াছ, মশা মাছি তাড়াইবার সামর্থ্যও তোমার নাই।

শ্রীমতী। দাদার ফল আনয়নের পূর্বেই হয়ত মা মারা যাইবেন। হায়! রোগীর মৃত্যুর পর ঔষধ আসিলে লাভ কি?

কাঙ্গালিনী। আমার অন্য ভাবিন্ না মা। আমি মরিব না,—আমি মরিলে জগতে ক্লেশ-ভার কে বহন করিবে? উপবাসে থাকিয়া নানা ব্যাধির আধার হইয়া অশেষ লাঞ্ছনা-গঞ্জনা সহিয়াও আমাকে জীবিত থাকিতে হইবে। এই যে পরিধানে জীর্ণ কস্মাখণ্ড—ইহার একপ্রান্ত মায়াপুর রাজ্যের জিনদের হস্তে,

অন্য প্রাণ্ড আমি অভাগিনী অর্ধ উলঙ্গিনী শ্রোপদীর ন্যায় প্রাণপণে ধরিয়া কটিদেশে বেঁধন করিয়া কোন মতে লজ্জা নিবারণ করিতেছি। এত অপমান সহিয়াও আমাকে জীবিত থাকিতে হইবে। হে আল্লাহ! আমায় ক্ষমা কর।

ইতিমধ্যে লায়েক রোগ-যন্ত্রণায় অত্যন্ত কাতর হইয়া ভুলুঙিত হইলেন। শ্রীমতী শশব্যস্তে দৌড়িয়া বাতীর নিকট আসিলেন। সহোদরের আসন্নকাল বুঝিতে না পারিয়া শ্রীমতী দীন-নয়নে মাতার প্রতি চাহিয়া বলিলেন,—“দেখ মা! দাদা এমন হইলেন কেন?”

কাদালিনী তখন কোনরূপে উঠিয়া মুমুর্ষু পুত্রকে কোলে লইয়া কাঁদিতে লাগিলেন। তিনি উচ্চঃস্বরে ডাকিলেন, “লায়েক! লায়েক! বাপ! তুই আমাকে ছাড়িয়া চলিলি! হায়! এ দুদিনে তুই আমার সহায় ছিলি! আমার মরণ লইয়া তুই মরিলি!”

লায়েক অর্ধনির্মীলিত নোচনে বলিলেন, “মা, তুমি কাতর হও কেন? জগদীশ্বরকে ধন্যবাদ, আমি মায়ের সেবা করিতে গিয়া মরিতেছি। ইহা অপেক্ষা সৌভাগ্যের বিষয় আর কি আছে? যে নিজের জন্য মরে তাহার মৃত্যু ক্লেশদায়ক; যে মায়ের চরণে আত্মবলিদান করে—” এইমাত্র বলিয়াই লায়েক প্রাণত্যাগ করিলেন।

কাদালিনী। এই জন্য লায়েককে আমার শুশ্রূষা করিতে নিষেধ করিয়া-ছিলাম। আমার দুরারোগ্য সংক্রামক ব্যাধিতে আক্রান্ত হইয়া লায়েক মারা গেল। হায়! অভিশপ্তার শাপ মোচন করে, কাহার সাধ্য! পুত্রগুলিকে অধিক ভালবাসিতাম—অতি সোহাগে তাহাদের কেহ হইল দর্পানন্দ, কেহ হইল কৃতপ্ত, কেহ হইল নিলুক, কেহ হইল মাতৃভ্রোহী—আর যে মানুষ নামের উপযুক্ত হইল, সে সোনার চাঁদ লায়েক শমন-কবলে পড়িল। আর আমার আশা-ভরসা কোথায়?

শ্রীমতী। মা, নৈরাশ্যে আকুল হইও না,— এখনও স্বীমান দাদা, প্রবীণ দাদা ও নবীন আছেন; আমিও তোমার দীনতমা সেবিকা আছি। আশা ছাড়িতে পারি না। তোমার এ দুর্দশা দূর হইবে এক্সপ আশা করি।

কাদালিনী। দর্পনন্দের এত ঐশ্বর্য থাকিতে আমি দীনহীনা, এ-দুঃখ কাহাকে বলিব?

নবীন লায়েকের শব্দাপাশ্বে দাঁড়াইয়া তাঁহাকে ডাকাডাকি করিল। তাঁহাকে গিয়া বলিল, “দাদা, লায়েক দাদা এসবর”

সর্বদা দূরে দূরে থাকে। আর দর্পানন্দের বিজ্ঞপের জন্য ভাবিবেন না, তিনি এক প্রকার আমাদের হাতেই আছেন। তিনি বানর সাজিতে চাহেন, যে জন্য লাজুলের প্রয়োজন। সেই লাজুল লাভের জন্য তিনি এখন জিনের সাধনা করিতেছেন।* এবার আমরা তাঁহাকে লাজুল বন্ধনে বাঁধিলে, তিনি আর নড়িতে পারিবেন না,—তাঁহার মুখে কথাটি ফুটিবে না। এ বৎসর যুবরাজের জন্মোৎসবের দিন দর্পানন্দ লাজুলাবদ্ধ হইবেন।

প্রবীণ। (স্বগত) আমিও লাজুল লাভ করিতে পারিতাম, কিন্তু এখন নবীন হাঙ্গিবে, সেই ভয়ে লাজুলের লোভ সম্বরণ করিলাম। দর্পানন্দের ত লাজ নাই, কাজেই ল্যাঞ্জেও আপত্তি নাই। (প্রকাশ্যে) ঐ দেখুন, দর্পানন্দ সবাক্ষে আসিতেছেন।

মায়াবী। আসুন, আপত্তি নাই, উনি আমাদের বন্ধু।

দর্প। (মায়াবীকে সাষ্টাঙ্গে প্রণাম করিয়া) কুশলে আছেন ত ?

মায়াবী। আসুন, বসুন। আপনার সংবাদ কেমন ?

দর্প। আমাদের সবই মঙ্গল। আমার লাজুলের কথাটা বোধ হয় জিনকুল-চুডামণি মহারাজের সম্বরণ আছে ?

মায়াবী। অবশ্য সম্বরণ আছে। কিন্তু এক কথা, আপনিও মুক্তিফলের প্রার্থী নাকি ?

দর্প। না মহাশয়, আমি কি পাগল ? যাহাতে পূজ্যপাদ মায়াপুররাজ অসঙ্কট হইতে পারেন, এমন কাজ আমার দ্বারা হওয়া অসম্ভব ; সে কথা আমার যত্ন শ্রান্তা প্রবীণকে জিজ্ঞাসা করুন।

প্রবীণ। (সভয়ে) আমি কি করিয়াছি ? আমি কি বলপূর্বক মুক্তিফল আনিতে বাইতেছি ? আমি কেবল রাজার চরণ-কমলে সতিনয় করপুটে ভিক্ষা চাহিতেছি,—দাতার ইচ্ছা হইলে ভিক্ষা দিবেন।

মায়াবী। তাহাই ঠিক। আপনারা রাজার বদান্যতা সম্বন্ধে নিশ্চিত থাকুন। রাজা অবশ্যই আপনাদের প্রার্থনা পূর্ণ করিবেন। মুক্তিফল পাকিতে এখনও অনেক বৎসর বিলম্ব আছে, ফলটি পাকিবা মাত্র আমরা আপনাদিগকে সাধিয়া আনিয়া দিব।

* পার্থিব কোন বিষয়ে সিদ্ধিলাভ করিবার আশায় অনেকে জিনের সাধনা (আবল) করিয়া থাকে। মানবের সাধনা-বলে জিন বশীভূত হয়। আলাদিনের প্রবীণের কথা প্রায় সকলেই জানেন।

দর্প। সে কলে আমাদের বিশেষ প্রয়োজন নাই। বৃদ্ধা মাতা মরিতেছেন, মরুন। আমি এবং আমার একশত ছয়জন বন্ধু জিন রাজার অতিশয় ভক্ত,— স্নতরাং আমরা মুক্তিফল চাই না। (বন্ধুদের প্রতি) তোমাদের রচিত সেই গুব গানটি গাও দেখি।

দর্পানন্দ প্রভৃতি একশত সাতজন সেতার বাজাইয়া সম্বরে গাহিলেন :

“আমরা ক’জন সবে এক শত সাত
অতি অকপট জিন-ডকত নেহাত ।
হৃদয়ের অন্তস্তলে
যে প্রবল বেগে চলে
শীতল বিমল জিন-ডক্তির প্রপাত,
দিগন্ত কাঁপায় ওঠে তার কলনাদ ।
ধারি না কাহার ধার,—
ভগিনী বাতার মার,—
ক্ষুধায় মরুক মাতা, নাই দৃক্‌পাত ।
জিনরাজ-ভক্ত মোরা এক শত সাত।”

গান শ্রবণে মায়াবী অত্যন্ত সন্তুষ্ট হইয়া বলিলেন, “বাহ্ বা দর্পানন্দ। বাহ্ বা!! আপনারা অতিশয় বুদ্ধিমান, নিজের সুখ-স্বার্থ বেশ বুঝিয়াছেন। তবে আর বুদ্ধিটার জন্য চিন্তা কি?”

দর্প। না, বুদ্ধিমায়ের জন্য আমার কিছু মাত্র চিন্তা নাই; আমাদের সুখ-শান্তি বজায় থাকিলেই হইল।

প্রবীণ। (স্বগত) আমাকে হতভাগা লক্ষ্মীছাড়া নবীন সুখ শান্তি ভোগ করিতে দিবে না। ধীমান দাদাও বারবার তাড়া দিতেছেন। তিনি বলেন, মুক্তিফল প্রাপ্ত না হওয়া পর্যন্ত আমরা নিশ্চেষ্ট থাকিতে পারি না। আমি কেবল মাতাকে প্রবোধ দিবার জন্য মুখে বলিয়াছিলাম, ফল আনিয়া দিব, কিন্তু নবীন সত্য সত্যই উঠিয়া পড়িয়া লাগিয়াছে। (প্রকাশ্যে) তাই ত তাই, আপনি বাঁচিলে বাপের নাম।

মায়াবী। দেখুন, আপনারা ফলপ্রাপ্তি সম্বন্ধে সন্দেহ করিবেন না। আমরা ব্যাধিক্রিষ্টা কালজালিনীর জন্যই মুক্তিফল রক্ষা করিতেছি। নতুবা আমাদের আর কি স্বার্থ?

দর্প ও প্রবীণ। তাই ত বাহা। আপনাদের কি দয়া!

মায়াবী। প্রবীণ। আপনাকে আমরা যৎপরোনাস্তি ভালবাসি, আপনি সতত আমাদের কাছে কাছে থাকিবেন।

প্রবীণ। (অনুচস্বরে) যে আজ্ঞা ; আপনারা আমাকে চোখে চোখে রাখিবেন।

[মায়াবীর পুস্থান।]

নিলুক বৃক্ষান্তরালে লুকাইয়া সকলের কথোপকথন শুনিতেছিলেন। মায়াবী পুস্থান করিলে পর তিনি সমক্ষে আদিয়া সহাস্যে প্রবীণকে বলিলেন, “কি প্রবীণ! মুক্তিফল পাইলে?”

প্রবীণ কিঞ্চিৎ অপ্রতিভ হইয়া উত্তর দিলেন, “পাই নাই, পাইবার আশা ত আছে। ধৈর্য ধারণ কর, অধীর হইও না,—আমি নিশ্চিত মাতাকে মুক্তিফল আনিয়া দিব। নবীন পর্বতের সনিকটস্থিত অরণ্য খানিকটা পরিষ্কার করিয়াছে; সেই পথে একটু অগ্রসর হইয়া দেখি, কৈলাস কত দূর।”

দর্প। সাবধান! ও পথে পদার্পণ করা উচিত নয়, দৈত্যগণ দেখিতে পাইলে অনর্থ ঘটাইবে।

প্রবীণ। নবীন যে আমাকে ঐ দিকে সোপান নির্মাণ করিতে বলে। সে এত কঠিন পরিশ্রম করিয়া কন্টক উৎপাটন করিতেছে, আর আমি একটু যাইয়া দেখিব না?

দর্প। তা দেখ, কিন্তু নবীন যেরূপ অবিশ্বাস্যকারী, সে ইহার ফলে বিপন্ন হইবে।

নিলুক মুখ টিপিয়া হাসিতে হাসিতে কহিলেন, “নবীন ও প্রবীণের কৈলাস আরোহণ, মুক্তিফল চয়ন,—এ সব কার্য অতি নিবিধে সম্পন্ন হইবে, কারণ দৈত্যগুলি নাক ডাকাইয়া ঘুমাইতেছে কি না।”

প্রবীণ। আমি আত্মগোপন করিতে জ্ঞানি, আমি নবীনের মত অসতর্ক নই। আমি উভয় কুলের মন রক্ষা করিয়া চলি; নবীনকে বলি, হঁ। সোপান প্রস্তুত করিব; দৈত্যকে বলি, আমি কিছুদূর অগ্রসর হইয়া থাকি, বেই তোমরা উপর হইতে মুক্তিফল ফেলিয়া দিবে, অমনি আমি লুকিয়া লইব।

নিলুক ও দর্পানল উচ্চহাস্য করিলেন। প্রবীণ একটু অশ্রুভ্রত হইলেন।

৫

মায়াপুর রাজসভায় পাত্ৰমিত্র সকলে উপস্থিত। মহারাজ অস্বস্থতা-নিবন্ধন সভায় আগিতে পারেন নাই, তিনি অস্তঃপুরে পরীক্ষাহলে বিশ্রাম করিতেছেন। যুবরাজ রাজকার্য করিতেছেন।

জনৈক কর্মচারী মুরলীধরকে বলিলেন, “কই, আপনার বংশীরবে মানব তুলিল কই?”

মুরলীধর। আমার মাননীয় বন্ধু সম্ভবতঃ পৃথিবীর সমাচার অবগত নহেন; মানুষ তুলিয়াছে বই কি।

কর্মচারী। প্রবীণের কথা একরূপ, কার্য অন্যরূপ। তিনি মুখে বলেন, “হাঁ হাঁ, রাজার চরণে শুধু ভিক্ষা চাই”, কার্যতঃ কিন্তু তিনি গোপনে নবীনের সহিত কৈলাস পর্বতে আরোহণের নিমিত্ত সোপান নির্মাণ করিতেছেন; এ-সব সংবাদ মুরলীধর অবগত আছেন কি?

অন্য কর্মচারী। তবে ত চিন্তার বিষয়।

মুরলী। (সহাস্যে) আপনারাও ভাল, প্রবীণের সোপান রচনা ছেলে-ভুলান মাত্র। প্রস্তর দ্বারা সোপান প্রস্তুত করিতেছেন, তা’ও আবার বৎসরে এক ধাপের অধিক নিমিত হয় না।

যুবরাজ। কথা কাটাকাটির কাজ কি, প্রধান গায়ককে ডাকিয়া সমাচার জিজ্ঞাসা করা যাউক।

প্রধান গায়ক তৎক্ষণাৎ মায়ায়ানে আগমন করিলেন।

মুরলী। বলুন কবিবর, ধরণীর কি সংবাদ? প্রবীণ মুক্তিফল লইয়া গিয়াছেন?

গায়ক। প্রবীণ মুক্তিফল লইতে পারিবেন, তবে এত দৈত্য প্রহরী আছে কেন? কিন্তু ভবিষ্যতে মানুষেরা কৈলাস আরোহণে কৃতকার্য হইতেও পারেন।

মন্ত্রী। অসম্ভব! অতি অসম্ভব।

যুবরাজ। গায়ক কিরূপে জানিলেন, প্রবীণ কৈলাস শিখর আরোহণে সক্ষম হইবেন?

গায়ক। প্রবীণ কৈলাসারোহণ করিতে পারিবেন না; সে বেচারী এতদিন কেবল আবেদন লিখিয়া ও বক্তৃতা করিয়াই নিশ্চিত ছিলেন, কিন্তু এখন নবীনের প্ররোচনায় তিনি সোপান প্রস্তুত করিতে চাহেন। নবীন তাঁহাকে নিশ্চেষ্ট থাকিতে দেন না,—নবীনই যত অকাণ্ডের মূল।

মন্ত্রী। তথাপি আশঙ্কার কোন কারণ নাই। নবীন, প্রবীণ, ধীমান, নিশ্চুক, দর্পানন্দ প্রমুখ সকলে মিলিয়া সমবেত চেষ্টা না করিলে, তাঁহার কৈলাস

আরোহণে কৃতকার্য হইতে পারিবেন না; অথচ তাঁহাদের পরস্পরে কখনও একতা স্থাপিত হইবে না, স্তত্রাং আমাদের চিন্তার কোন কারণ নাই। তথ্যভীত কাকালিনী পুত্র বলিদান না করিলে মুক্তিফল পাইবেন না। আর তিনি অপত্যবাৎসল্যহেতু পুত্র বলি দিতে পারিবেন না, ইহাও আমরা জানি।

গায়ক। তাহা সত্য, কিন্তু নায়েক স্বেচ্ছায় আত্মবলিদান করিয়াছেন।

সকলে। (সবিস্ময়ে) বটে? কাকালিনীর অক্ষয় ভীকুপুত্র আঁবনের বায়াত্যাগ করিতে পারিয়াছে?

গায়ক। হাঁ, নায়েকের আত্মত্যাগ সত্য ঘটনা, আমরা প্রত্যক্ষ দর্শন করিয়াছি।

জটনক সভাসদ। তাহা হইলে বেচারী কাকালিনীকে মুক্তিফলে বঞ্চিত করা অন্যায়।

মন্ত্রী। (ব্যঙ্গ ভাষায়) বটে? তবে আমরা কৈলাস গিরি হইতে আঠারো হাজার দৈত্য প্রহরী সরাইয়া লই—মানব অনায়াসে নিবিধে অপক মুক্তিফল খাইয়া দেখুক, তাহার আশ্বাদ কেমন?

অনেকে। (এক বাক্যে) না, না। আহা, এমন কাজ করিতে নাই। অবোধ মানবনন্দন স্বকীয় ডালবন্দ বুঝে না, তাহার আত্মরক্ষায় অসমর্থ। আমরা থাকিতে তাহার অপক মুক্তিফল ভক্ষণে বিপন্ন হইবে, ইহা আমাদের দয়ামুখাসিক্ত স্নকোমল প্রাণে সহিবে না।

মানবের আসন্ন বিপদের কথা স্মরণ করিয়া রাজসভাস্থিত সকলে এক এক ঘটি অশ্রু বিসর্জন করিলেন।

যুবরাজ। (প্রথমে বহুকষ্টে অশ্রুসম্বরণ পূর্বক) গায়ক কি বিশ্বাস করেন, অপরিণামদর্শী নবীন পর্বতারোহণ করিয়া এখন মুক্তিফল চয়নে কৃতকার্য হইবেন?

গায়ক। না, আমি তাহা বিশ্বাস করি না। কেবল নবীনের আফালন উন্নয়ন দেখিয়া হাস্য সম্বরণ করিতে পারি না।

মন্ত্রী। জ্যোতিষ শাস্ত্রে জানা যায়, যতদিন কাকালিনীর কণ্যাগণ তাহাদের বাতৃর্গের কার্যে সহায়তা না করিবে, ততদিন কেহই মুক্তিফল লইতে পারিবে না। আর কাকালিনীর পুহিতা কি প্রকার নগণ্য ও অকর্মণ্য, তাহা আপনারা সকলে অবগত আছেন।

সকলে। তবে আমরা বহু বৎসর নিশ্চিত থাকিতে পারি।

মন্ত্রী। অবশ্য। এই শু নবীন ও পুর্বাধের সোপান প্রস্তুত ব্যাপারই দেখুন না। নবীন বলেন, “এক ষাপ উচ্চ নির্মাণ করি,” “পুর্বাধ বলেন, “না, নীচে

নামিয়া আর এক ধাপ প্রস্তুত করি।” নবীন বলেন, “উপরে উঠি”; প্রবীণ বলেন, “নীচে নামি”,—এই বিষয় লইয়া উভয় ভ্রাতায় কেবল বাস্তবিতা চলিতেছে।

জনৈক পারিষদ। (সহাস্যো) আমার বন্ধু মহোদয়গণ কাঙ্গালিনীর এইসব অযোগ্য পুত্রের আশ্ফালন দেখিয়া আমাদিগকে সতর্ক হইতে বলেন। যদি কেহ শূন্যগর্ভ বক্তৃতা গর্জনে শঙ্কিত হন, তিনি কোকিলের কাকলি শ্রবণেও মুহুঁ। যাইতে পারেন।

(সভাসভগণের উচ্চহাস্য)

মন্ত্রী। বাস্তবিক উৎকর্ষার কারণ নাই, কেবল কতিপয় দৃষ্টবুদ্ধি দৈত্য মিথ্যা সংবাদ প্রচার করিয়া আমাদিগকে এখন বিরক্ত করিতেছে।*

যুধরাজ। এখন আমরা নিরুদ্বেগ হইলাম। কিন্তু একেবারে নিশ্চিত থাকা বুদ্ধিমানের কার্য নয়; মুরলীধর যথাবিধি মায়াবংশী বাজাইতে থাকুন।

অতঃপর মুরলীধর ত্রিগুণ ত্রিগুণ উৎসাহে মায়াবংশীবাদন আরম্ভ করিলেন। তাঁহার মোহন বাঁশীর ললিত সুর শুনিয়া সপ্তসাগর স্তম্ভিত হইয়া গভীর গর্জন ডুলিল; সদাগতি সমীরণ স্থির হইল; তরুলতা স্বাবর জন্ম—সকলে উৎকর্ষ হইল; গগনবিহারী বিহগকুল মধুর কাকলী ডুলিয়া গেল;—তখন বাঁশীর সুরে প্রবীণ ডুলিবেন না কেন? তিনি ত মানুষ বই নন।

৬

কৈলাসের উপত্যকায় নবীন, প্রবীণ, ধীমান ও নিল্লুক উপস্থিত। ধীমান সোপান প্রস্তুত করিতে উপদেশ দিতেছেন, নবীন তাঁহার উপদেশ উপেক্ষা করিয়া তাড়াতাড়ি কাঁচা বাঁশের মই প্রস্তুত করিতেছে। প্রবীণ অতি ধীরে ধীরে প্রস্তর সোপান নির্মাণের উপযোগী উপাদান সংগ্রহ করিতেছেন। নিল্লুক

* সাধারণতঃ মূলনামেরা ভূত শ্রেণে বিশ্বাস করে না, কিন্তু জিনপরী ও লৈতোর অস্তিত্বে বিশ্বাস করে। প্রবাদ আছে, জিনেরা মানবের সহিত অল্প-বিস্তর হিংসা করে এবং স্বলবিশেষে আবার জিনপরী নরনারীর সহিত বিবাহও করিয়া থাকে। আর লৈত্যা-মানবও জিন জাতির সহিত শক্রতা রাখে। কবির মতে লৈত্যা ভীষণতম ও অত্যন্ত বলবান হইয়াও জিনের অধীন থাকে। প্রাচীন শুনা যায়,—জিহরাজা, লৈত্যা প্রজা; অনুক পরীর অন্তঃপুরের রক্ষক প্রহরী লৈত্যা ইত্যাদি। বাহা হটক, সান্যাত্তা হুবিধা পাইলেই লৈত্যা জিনকে অনর্ধক বিরক্ত করিয়া বৈরসাধন করে।

কার্য করিতে আসেন নাই, তিনি অপর কর্মোৎসাহী ভ্রাতাদের ছিদ্রাশ্রয়ণ করিতে আসিয়াছেন। নিস্ক্রম সুবিধা বুঝিয়া কখনও নবীনের প্রতি শ্লেষবাণ নিক্ষেপ করিতেছেন, কখনও বা প্রবীণকে বিক্রম ধারায় নাকানি চোবানি খাওয়াইতেছেন। এইরূপে ভ্রাতৃচতুষ্টয় মাতৃকার্যে নিযুক্ত হইয়াছেন।

নবীন। (প্রবীণের প্রতি) দাদা, তোমার দীর্ঘসূত্রিতা দেখিয়া গা জলে। আজ পর্যন্ত তোমার উপকরণই সংগৃহীত হইল না,—কবে সিঁড়ি হইবে, তবে তুমি উঠিবে? মুক্তিফল আনা তোমার কাজ নয়।

প্রবীণ। ইস্! আমি ২২।২৩ বৎসর হইতে মাতৃসেবা করিয়া আসিতেছি, কৈলাসচূড়ায় উঠিতে চেষ্টা করিতেছি, আজ তুই তিন দিনের ছোঁড়া বলিস্ কিনা, 'মুক্তিফল আনা তোমার কাজ নয়।' তুই বুঝি মনে করিস্, ঐ ভাঙ্গা বাঁশের মই দিয়া উঠা যাইবে? একে ত পদচাপে মই ভাঙ্গিয়া যাইবে, দ্বিতীয়তঃ ঝড়বৃষ্টি শিলাপাত হইতে রক্ষা পাইবার কি উপায়?

নবীন। পাথরের সিঁড়ি ভাঙ্গিয়া উঠিতে গেলে তুমি বৃষ্টি জলে ভিজিবে না?

প্রবীণ। আমি কি তোমার মত অর্বাচীন যে, অগ্র পশ্চাৎ বিবেচনা না করিয়া অগ্রসর হইব? আমি প্রতি ধাপ সিঁড়ির নীচে এক একটি চোরকুঠরী নির্মাণ করিব, আবশ্যিক হইলে—চপলা-চমক দেখিলে তাহার ভিতর লুকাইব।

ধীমান। নিজের সুখ-সুবিধা সঙ্ক্ষে অত ভাবিতে গেলে পরমায়া: শেষ হইবে, অথচ কার্য কিছুই হইবে না।

প্রবীণ। পথে বিস্তর কাঁটা আছে, তাহা জান দাদা?

ধীমান। কাঁটার ভয়ে পশ্চাৎপদ হইলে চলিবে না। কেবল কাঁটা কেন, পার্বত্য অরণ্যশঙ্কল পথে সর্প বৃশ্চিকও আছে; আরও উর্ধ্ব শিলাবৃষ্টি বজ্রপাতও আছে, সে সব উপেক্ষা করিয়া অগ্রসর হইতে হইবে।

নবীন। না, ওসব কিছু মানিব না,—বাইকাটা অস্ত্র সঙ্গে থাকিলে ভয় কিসের? চল (প্রবীণের হাত ধরিয়া) দাদা চল।

প্রবীণ। (স্বগত) আমার সাহসে কুলায় না। (প্রকাশ্যে), তোমার মইটা ত মজবুত নয়, উঠিতে পা কাঁপে যে!

নবীন। বাইকাটা অস্ত্রে ভর দিয়া,—কোন মতে লক্ষ্য দিয়া একবার উঠিলে হইল।

প্রবীণ। বাইকাটা অস্ত্রখানি লুকাইয়া সঙ্গে রাখিতে হইবে, নচেৎ পুইরী দৈত্যগণ উহা দেখিলে ক্ষেপিবে। আর আমার আবেদন-লিপিগুলিও অবশ্য সঙ্গে থাকিবে।

নবীন। তোমার আবেদন লিখিতে যতগুলি মানকচূপত্র ব্যবহৃত হইয়াছে, তাহা ত সাত গাড়ীর বোঝা,—সেগুলি বহিয়া লওয়া অসম্ভব। না দাদা, আবেদন নিবেদনে কাজ নাই—

প্রবীণ। না নবীন, ঐ শুন মেঘগর্জন। অর্ধপথে ভিজিতে হইবে।

নবীন। ভিজিলেই ক্ষতি কি ?

(ভিন জন যামাবী গায়কের প্রবেশ)

১ম গায়ক। আপনারা কোথায় চলিয়াছেন ?

প্রবীণ। নবীন কৈলাস গিরিচূড়া আরোহণ করিতে চাহে।

নিম্মুক। (জনান্তিকে) প্রবীণ কেমন চতুর! তাড়াতাড়ি সে নবীনের যাত্রার কথা বলিল, সে নিজেও যে ঐ পথের পথিক সে কথা আপাততঃ গোপন রহিল।

২য় গায়ক। ঐ মই দিয়া উঠিবেন ? আপনারা বাতুল না কি ? আর বাইকাটা অস্ত্রে প্রয়োজন কি ?—ওটা ছাড়িয়া যাইতে হইবে।

৩য় গায়ক। চলুন, আমরা পথ দেখাইয়া দিব, সুন্দর পাকা রাস্তা আছে।

প্রবীণ। চল নবীন, উহার পথ প্রদর্শন করিবেন।

নবীন। না, আমরা অপরের সাহায্য গ্রহণ করিব না।

প্রবীণ। ঞনিয়াছি মায়াপুর রাজ্যে মুরলীধরের বসতি, তিনি নাকি কল্প-ক্রমবৎ সকলের প্রার্থনা পূর্ণ করিয়া থাকেন।

১ম গায়ক। হাঁ, যদি বলেন ত আমরা আপনাদিগকে তাঁহার নিকট লইয়া যাই। তিনি স্বহস্তে আপনাদিগকে মুক্তিফল দান করিবেন।

প্রবীণ। কি বল নবীন, চলিবে না ?

নবীন। অমন অনেক কল্পতরু দাতার প্রশংসা শুনা গিয়াছে। কিন্তু ভিক্ষায় আর আমাদের কুলাইবে না।

প্রবীণ। নিশ্চয় জানিও, মুরলীধরের ন্যায় উদার হৃদয় কল্পক্রম দ্বিতীয় আর নাই।

নবীন। আমার ত বিশ্বাস হয় না।

[দ্ব্যাপ্ত বংশীধনি]

স্বোভা কি চাও নবনাবী—
সব দিতে পারে বংশীধারী।

এস গো প্রবীণ! (দুয়ে যা নবীন,
 ভোর বুধ দেখিতে না পারি)—
 এস বন্ধু নিকটে আমারি।
 মুক্তিফল ছার— কত কুল আর
 কোটি ফলে আমি অধিকারী।
 রবি যদি চাও, দিব আমি তা'ও,—
 তারা-হার পাইতে পারি।
 চাহিও না কিছু পুণিয়ার ইন্দু,—
 শুধু সুধাকর দিতে নারি।
 এস গো প্রবীণ, ভাড়াভাড়া।

প্রবীণ। আর কি দেখ নবীন, চল ইঁহাদের সঙ্গে—
 নবীন। আমি যাইব না, মুরলীধর ত আমাকে ডাকেন নাই। তিনি
 ডাকিলেও যাইতাম না।

“তবে তুমি থাক, আমি চলিলাম”— এই বলিয়া প্রবীণ নবীনকে ছাড়িয়া
 গেলেন। জিনগণ তাঁহাকে অন্যদিকে বুঝাইয়া ফিরাইয়া আরও গভীর অরণ্যে
 লইয় গেলেন। * তাঁহার। প্রবীণকে বুঝাইলেন যে, প্রবীণ তাঁহাদের পদাঙ্ক
 অনুসরণ করিলে মুক্তি বোঝ—সবই পাইবেন। এমন কি জিনেরা তাঁহাকে
 সমস্ত পৃথিবীর রাজত্ব দান করিবেন।

প্রবীণ। (মানলে গদগদ স্বরে) আমাকে সসাগরা ধরণীর রাজা করিবেন,
 আমি অধমের প্রতি আপনাদের এত অনুগ্রহ।

মায়াবী। শুধু সসাগরা বসুন্ধরা কেন,—সৌরভগতের রাজত্বগুলিও ক্রমে
 ক্রমে আপনাকে দিব। শনির সাম্রাজ্য অতি বিশাল, তাহা জয় করিতে আমাদের
 কিছু অধিক পরিশ্রম করিতে হইবে।

* প্রবাদ আছে, জিনেরা নাকি সহজে মানবের স্বপ্নভূত হইতে চাহে না, তাই সাধারণতঃ লোকের
 সাধনার জহারা নানা প্রকারে বাধা দিয়া থাকে; স্বপ্নও সাধককে বিকট মূর্তি দেখাইয়া ভয়
 প্রদর্শন করে, স্বপ্নও বা ছলে কোণলে তুলাইয়া বনে লইয়া গিয়া সাধনার বিষু উপাধান করে।
 এনে বাধাপ্রাপ্ত হইয়া ব্যাসদেবও বড় দুঃখে তাঁহার আরাধ্যা দেবীকে বলিয়াছিলেন,—

“পরীর করিনু ক্ষয় তোমারে ভাবিয়া,

কি জপ বাড়িল তব ব্যাগেরে ছলিয়া।”

পূর্ণাঙ্গদেবী কি চন্দ্রকার কোণলে ব্যাসদেবকে “পৰ্শ্ব ভাষণগণী” স্বরূপ করিয়াছেন।

প্রবীণ। আহা ! আপনাদের দয়ার বানাই নইয়া মরি ! আমাকে একেবারে রাজা না করিয়া আপাততঃ মন্ত্রী করিলেও চরিতার্থ হইব।

নেপথ্যে। দাদা, দাদা ! কোথায় তুমি ! আর কত দূর গেলে দাদার দেখা পাইব ?

প্রবীণ। একি জালা ! নবীন এখানেও আসিল ! আমি কিন্তু সাড়া দিব না।

ইতস্ততঃ নিরীক্ষণ করিয়া প্রবীণ স্বরিত পদে একটি গুহার ভিতর ঢুকাইলেন। নবীনও সেই সুড়ঙ্গে প্রবেশ করিয়া প্রবীণকে দেখিলেন।

নবীন। একি দাদা ! তুমি এ সুড়ঙ্গের ভিতর কেন ? এদিকে আমি তোমাকে খুঁজিয়া খুঁজিয়া ক্লান্ত হইলাম ! আমি দিবানিশি পথ চলিয়া তিন দিন পরে অদ্য তোমার ধরা পাইলাম।

প্রবীণ। তুমি মই দিয়া কৈলাসে উঠিতে চাও, তাহা আমি পারিব না।

নবীন। বেশ দাদা ! তুমি যাহাই বল, আমি তাহাই মানিব। চল, তোমারই পথে চল, আমি কেবল আমার স্বদেশী বাইকাটা অস্ত্রখানি সঙ্গে লইব।

প্রবীণ। (স্বগত) তুমি যাহাই বল, আমি আর তোমাকে আমার সঙ্গে কিছুতেই মিশিতে দিব না। (প্রকাশ্যে) তোমারই দোষে আমার সিঁড়ি প্রস্তুত হইল না, নতুবা এত দিন আমি অর্ধপথে উঠিতাম।

নবীন। এখনই কি হইয়াছে, সিঁড়ি প্রস্তুত কর না ? কোথায় ইট, পাথর, সব লইয়া চল।

নিভাস্ত অনিচ্ছা সত্ত্বেও প্রবীন চক্ষুলজ্জার দায়ে নবীনকে সঙ্গে লইয়া পর্বতগাত্রে কিয়দূর অগ্রসর হইয়া দুই এক ধাপ সোপান নির্মাণ করিতে লাগিলেন। সেই সময় মায়ারী গায়কেরা অদূরে থাকিয়া সমস্বরে মধুর রাগে গাহিতে আরম্ভ করিলেন—

ঐ শুন ঐ শুন মুরলী বাজে—

করিছ সময় নাশ বৃথা কি কাজে ?

আবেদন ল'য়ে হাতে

চল আমাদের সাথে,

লয়ে যাব তোমা বংশীধরের কাছে।

এস ঘরা ঐ শুন মুরলী বাজে।

প্রবীণ উৎকর্ণ হইয়া গান শুনিতে শুনিতে আত্মবিশ্মৃত হইলেন; ভাবিলেন, নবীন সঙ্গে থাকিলে পশ্চাদপদ হওয়া অসম্ভব, মুরলীধরের

নিকট কদম-তলায় যাওয়া অসম্ভব, অথচ নবীন আমাকে ছাড়ে না,—কি করি। নবীনকে ধাক্কা দিয়া ফেলিয়া দিই।

অতঃপর প্রবীণ সোপান প্রস্তুত করা ছাড়িয়া নবীনকে সবলে ধাক্কা দিলেন—ধাক্কার বেগ স্বরণ করিতে না পারায় নিজেও তাহার সঙ্গে পড়িলেন, উভয়ে গড়াইতে গড়াইতে নিশ্চ উপত্যকায় আসিয়া পড়িলেন।

অনন্তর উভয়ে গায়ের ধূলা ঝাড়িয়া উঠিয়া দাঁড়াইলেন। নিশ্চুক করতালি দিয়া হাসিতে লাগিলেন। বীমান হাসিলেন না, অত্যন্ত দুঃখিত হইলেন। প্রবীণ নবীনকে অনুযোগ করিয়া বলিলেন, “তোমারই দোষে আমরা পড়িলাম।”

নবীন। বাঃ দাদা। তুমি ধাক্কা দিলে।

প্রবীণ। আমি কি জানি? তুমিই আমাকে নইয়া পড়িলে।

নবীন। বেশ বল, উল্টা চোর কোটাল শাসে! তুমি ধাক্কা না দিলে আমরা পড়িতাম কিরূপে?

প্রবীণ। যদি তোমার কথা সত্য হয়, তবে তোমাকে ধাক্কা দিলে আমি পড়িতাম কেন?

নবীন। যেহেতু তুমি ধাক্কার ধাক্কা সামলাইতে পার নাই।

প্রবীণ। সমস্ত জগৎ সাক্ষী—কেহ বশুক ত যে ব্যক্তি ধাক্কা দেয়, সে কি পড়ে?

নবীন। সমস্ত জগৎ তোমার চাতুরী বুদ্ধিমাছে। এ ক্ষেত্রে তুমিই আমাদের পতনের কারণ।

প্রবীণ। চুপ কর মিথ্যাবাদী! আমি আজ ২২।২৩ বৎসর হইতে সোপান রচনা করিয়া আসিতেছি, আর আজ কিনা আমিই পতনের কারণ হইলাম।

নবীন। অকথ্য ভাষায় গালি দিলেই কেহ বড় হয় না। কে মিথ্যাবাদী, তাহাও সকলে বিদিত আছে।

প্রবীণ। তুমি আমার ২৩ বৎসরের পরিশ্রম মাটি করিলে। হায়! আত্মীঘন মায়ের সেবা করিয়া আসিলাম,—সমুদয় যত্ন পরিশ্রমের ফল এক মুহূর্তে ব্যর্থ হইল। চল ত মায়ের নিকট—

নবীন। চল না! মাও বুঝেন, তাঁহার কোন্ পুত্র কেমন।

কাঙ্গালিনী ষোরতর পীড়িতা,—জীবনের আশা প্রায় আর নাই। শ্রীমতী ও স্মৃতি মাতৃসেবায় নিযুক্ত। মাতার কঙ্কালসার দেহ ও পাণ্ডুবর্ণ মুখমণ্ডল দেখিয়া এক একবার শ্রীমতী নিরাশ হইয়া কাঁদেন, আবার ভাবেন, এই দাদা মুক্তিফল সহ আসিলেন আর কি! পাতাটি নড়িলে, সামান্য কিছু শব্দ শ্রুতিগোচর হইলে শ্রীমতী আশায় উৎফুল্ল হন,—এই বুঝি দাদা আসিলেন।

দুরাশায় উদগ্রীব হইয়া স্মৃতি পৌষ নাসের স্তব্দীর্ঘ রজনী জাগিয়া যাপন করিয়াছেন।

প্রভাত হইল, অদ্য নবীন, প্রবীণ প্রভৃতি মুক্তিফল সহ গৃহে প্রত্যাগমন করিবেন। আহা! আজি কি স্নেহের দিন! স্মৃতি জননীকে মুখ হাত ধোয়াইয়া, ছিন্তা বস্ত্র পরিবর্তন করাইয়া জীর্ণ কুটিরের দ্বারদেশে বসিয়া স্থির নরনে পথ পানে চাহিয়া অপেক্ষা করিতেছেন।

অপর ভাতাদের আগমনের পূর্বে নিন্দুক দ্রুতপদে আগিয়া ভগিনীদিগকে বলিলেন, প্রবীণ মুক্তিফল লইয়া আসিয়াছেন।

স্মৃতি। (ব্যাকুলভাবে) আমার ত বিশ্বাস হয় না,—আমার মাথার দিব্য, সত্য বল দাদা!

নিন্দুক। তোমার চুলের দিব্য, সত্য বলিতেছি। ধীমান দাদা মায়ের জন্য স্বর্ণ-খাল ভরিয়া খাবার আনিতেছেন, আর নবীন মায়ের জন্য বারানগী শাড়ী আনিতেছে।

শ্রীমতী। আহা! সকলে শীঘ্র আসুন। এ দিকে না আমার রোগে শোকে জীবন্বূতা হইয়াছেন। হায়, দাদারা কতক্ষণে আসিবেন!

নিন্দুক। অধীর হইও না শ্রীমতী, ধৈর্য ধারণ কর। ঐ দেখ প্রবীণ আসিতেছে।

প্রবীণকে দূর হইতে দেখিয়া প্রথম স্মৃতি দৌড়িয়া আসিলেন, “কই দাদা, ফল কই?”

প্রবীণ। তোমার সাধের কনিষ্ঠ নবীনকে জিজ্ঞাসা কর। নবীন না গেলে আমি আনিতে পারিতাম।

নবীন। তবে এত দিন আন নাই কেন?

স্মৃতি। শেষে তোমরা কি করিয়া আসিলে? এদিকে মায়ের প্রাণ ওষ্ঠাগত, ফল না আনিয়া তোমরা রিক্ত হস্তে কিরিয়া আসিলে কোন্ মুখে?

প্রবীণ। আমাকে অনুযোগ করা বৃথা,—সব দোষ নবীনের।

নবীন। ধর্ম জানেন, সব দোষ দাদার। তিনি আমাকে ফেলিয়া দিলেন—

প্রবীণ। পতনের জন্য নবীন পূর্ব হইতেই প্রস্তুত ছিল—

নবীন। দাদা পূর্বেই স্থির করিয়া রাখিয়াছিলেন, আমাকে ধাক্কা দিবেন—

প্রবীণ। মিথ্যা বলিয়া আর পাপভার বাড়াও কেন?

নবীন। তুমি বৃদ্ধ বয়সে এত মিথ্যা—

ধীমান। মাতার জীবন সঙ্কটাপন, এই কি তোমাদের কলহের সময়? অকৃতকার্য হইয়া আসিয়াছ, এই লজ্জাই কি যথেষ্ট নয়?

কাজলিনী। (স্বগত) ধরণী। ষিধা হও,— তোমার বন্ধে মুখ লুকাই! (প্রকাশ্যে) শ্রীমতী মা, তোর ভাইয়েরা বড় শ্রান্ত, তাহাদিগকে বিশ্রাম করিতে বল।

স্মৃতি। নিলুক দাদা, তুমি ধর্মতঃ বল দেখি, কে কাহাকে ধাক্কা দিয়াছে? নিলুক। কি বলিব বোন,—মোহন বাঁশীর স্বরে যার মন তিষ্ঠে না ঘরে, বাহাকে মায়াবিদ্যাশিখার দ মুরলীধর আপন পার্শ্বে কদম্ব-তরুণ ছায়াতলে ডাকিতেছেন, সে-ই অন্যমনস্কভাবে ধাক্কা দিয়াছে। কলে উভয়ে পতিত হইয়াছে।

নবীন। নিলুক দাদা এইবার গত্য বলিয়াছেন।

প্রবীণ। তবে আমি কি এতদিন কেবল অরণ্যে রোদন করিলাম?

শ্রীমতী। দাদা। তুমি ২৩ বৎসর অরণ্যে রোদন করিয়াছ, অথবা কি করিয়াছ, তাহা আমরা জানি না—আমরা তোমার কার্যকল দেখিতে চাই। মায়ের কুটিরের দ্বার হইতে কৈলাস গিরির সীমা পর্যন্ত যে বিজন অরণ্য ছিল, তাহা পরিষ্কার করিয়াছে কে?

ধীমান। সে ঘোর বন নবীন ২৩ বৎসর ধরিয়া পরিষ্কার করিয়াছে।

নিলুক। প্রবীণ ত সেই বিজন বনে বসিয়া কেবল আবেদন লিখিতেছিল।

স্মৃতি। বাহা হউক, তোমরা এখন থাম। ঐ দেখ, মায়ের কুটিরে আগুন লাগিয়াছে, চল শীঘ্র নিবাইতে যাই।

কাজলিনী ভূমিশষায় পড়িয়া নীরবে নয়ন-জলে মাটি ভিজাইতেছিলেন। লজ্জা, ক্ষোভ, অভিমানে তাঁহার হৃদয় শতধা হইয়াছিল। স্মৃতি তাঁহাকে ধরিয়া দাহ্যমান কুটিরের বাহির করিতে চেষ্টা করায় তিনি বলিলেন, “কে ও স্মৃতি? আর আমাকে টানাটানি করিস্ কেন মা?—পুড়িয়া মরিতে দে!”

শ্রীমতী। না, মা! আমরা থাকিতে তুমি মরিবে, ইহা অসহ্য।

কাজলিনী । অভাগীর মেয়ে । তোরা জানিস, মুক্তিফল না পাইলে আমি শাপমুক্ত হইব না, তবে আমাকে শুধু প্রাণে বাঁচাইয়া রাখিয়া বৃথা কষ্ট দিস কেন ?

নবীন । মাগো ! তুমি রাগ করিও না । আমি মুক্তিফল আনিতে আবার চেষ্টা করিব । এবার কৈলাসে উঠিতে পারি নাই, পুনরায় আরোহণের চেষ্টা করিব ।

শ্রীমতী ও স্মৃতি । এবার আমরাও সঙ্গে যাইব, পথ কি বড় দুর্গম ?

নবীন । একেবারে দুর্গম নয়,—কতক দূর মই দিয়া উঠা যাইতে পারে—

শ্রীমতী । বুঝিয়াছি,—থাক, মইয়েরও প্রয়োজন নাই । চল নবীন, শীঘ্র ; আর কালবিলম্ব করা উচিত নয় ।

নিন্দুক । অবাধ করিলে শ্রীমতি,—নবীন ত তবু মই সংগ্রহ করিয়াছে, তুমি তাহার উপরও নির্ভর কর না !

শ্রীমতী । কেন দাদা, আপনার পায়ের উপর নির্ভর করিব ! পার্বত্য লতাগুল্ম ধরিয়া উঠিব,—তাহাতে না কুলাইলে হামাগুড়ি দিয়া, বুকে ভর দিয়া—যে কোন প্রকারে হউক, উঠিব ।

প্রবীণ । যেখানে পর্বত অত্যন্ত চালু সে স্থান অতিক্রম করিবে কিরূপে ?

নিন্দুক । সেখানে উভয় ভগিনী উড়িতে চেষ্টা করিবে !

স্মৃতি । এত বিক্রম কর কেন দাদা ? কোন উপায় ত হইবেই । এ জগতে কিছুই স্থায়ী নয় ; হয় আরোগ্য, নয় মৃত্যু—কিন্তু রোগ চিরকাল থাকে না ।

ধীমান । কেবল কথায় কাজ নাই, এখন সকলে মিলিয়া আবার যাত্রা করি ।

প্রবীণ । হাঁ চল,—দুই এক খানা আবেদন সঙ্গে লইয়া আমিও আসি:তছি ।

শ্রীমতী । আমি এই চুল খুলিলাম,—আমরা সকলে জননীকে মুক্তিফল আনিয়া দিতে না পারা পর্যন্ত আমি আর চুল বাঁধিব না ! হে প্রভু পরমেশ্বর ! সহায় হও !

কাঙ্গালিনী । এ কি দেখি, আমার কোমলাঙ্গী ননির পুতুল দুহিতা
 ক্ষুদ্র স্বার্থে,—সাংসারিক ভোগবিলাসে জলাঞ্জলি দিয়া আমার সেবায় নিযুক্তা
 হইল ! শ্রীমতী ও স্মৃতি যখন তাহাদের ভ্রাতাদের কার্ণে ষোগদান করিতে
 বন্ধপরিকর হইল, তখন আমার ভরসা হয় সম্ভবতঃ আমার সুদীর্ঘ নিরাশয়ামিনী
 প্রভাত হইবে !—এত দিনে হয়ত আমার সম্মান-সম্মতি মুক্তিফল আনিতে
 পারিবে ।—আশা মায়াবিনী ।

সৃষ্টি-তত্ত্ব

সেদিন গল্প করিতে করিতে আমাদের অধিক রাত্রি হইয়া গিয়াছিল। আমাদের আলোচ্য বিষয় ছিল, জিন, পরী, ভূত। কেহ শ্বেতশ্মশ্রু জিনকে নামাজ পড়িতে দেখিয়াছেন; কেহ দেখিয়াছেন সিতবসনা পরী এবং কেহ ভূতকে মাছভাজা খাইতে দেখিয়াছেন। মিস্ ননীবালা দত্ত ধুমাইয়া পড়িলেন; আমি একটা সোফায় বসিয়াছিলাম। জাহেদা বেগম আমাকে শয়ন করিতে অনুরোধ করিয়া ল্যাম্প নিবাইয়া আপন কামরায় চলিয়া গেলেন। শিরীন বেগম আপন কামরায় না গিয়া আমারই পর্যঙ্কে শয়ন করিলেন। ল্যাম্প নিবিল, কিন্তু এক কোণে মোমবাতি জ্বলিতেছিল। তাহার আলোকে গৃহসজ্জা বেশ স্পষ্ট দেখা যাইতেছিল। বলিতে পারি না, আমি তন্দ্রাভিত্ত হইয়াছিলাম কিনা, কিন্তু আমার বিশ্রাস, আমি জাগ্রত ছিলাম। কিয়ৎক্ষণ পরে ভয়ানক একটা শব্দ হইল। তাহাতে ননীবালা চমকিয়া উঠিয়া বলিলেন, “কিসের শব্দ হলো?”

“বলতে পারি না। কিছুদিন হ'লো আমি সংবাদপত্রে ছবি দেখেছিলুম, বিলেতে একটা এরোপ্লেন এঞ্জিন ভেঙ্গে কোন বাড়ীর ছাদের উপর পড়ে গিয়েছিল, আর এরোপ্লেনের আরোহী ভাঙ্গা ছাদ গলিয়ে অক্ষত শরীরে একেবারে কামরার ভিতর পালঙ্কের উপর গিয়ে পড়েছিল। আমাদের এ উলু খাওয়া ভাঙ্গা ছাদের উপরও কারুর এরোপ্লেন-ট্টোন এসে পড়েনি ত? জানালা খুলে দেখুন না?”

মিসেস্ বীণাপাণি ঘোষ যথাবিধি পর্যঙ্কে শয়ন করিয়া গাঢ় নিদ্রাস্থ ভোগ করিতেছিলেন, তাঁহার দিকে চাহিয়া আমি বলিলাম, “বিছানা ছেড়ে উঠুন শিগ্গির!”

আমার কথা শেষ হইতে না হইতে তিনি ঝড়মড় করিয়া উঠিয়া জিজ্ঞাসা করিলেন, নাপার কি? আমি ননীকে যাহা বলিয়াছিলাম, তাহা পুনরাবৃত্তি করিলাম।

ননী বলিলেন, “যে ঝ্ ঝ্ বৃষ্টি পড়ছে, জানালা খুলব কি ক'রে? তা' ছাড়া আমার ভয় করে। আপনারা যত সব ভুতের গল্প বলেছেন!”

“আচ্ছা, আমি জানালা খুলে দেখছি。”—বলিয়া বীণা গবাক্ষ খুলিয়া ফেলিলেন।

বাতায়ন খুলিবা মাত্র এক ঝাপটা বাতাস ও বৃষ্টিজল আসিয়া আমাদের ভিজাইয়া দিল—তৎসংগেই মস্ত এক উল্কাপিণ্ড প্রবেশ করিল। তদ্বর্ণনে আমাদের ত চক্ষু স্থির। গোলমাল শুনিয়া শিরীন জাগিয়া উঠিয়াছেন, অন্য কক্ষ হইতে আফসার দুলাহিন দৌড়িয়া আসিয়াছেন, তাঁহারাও নির্বাক! আমরা চীৎকার করিয়া বাড়ীময় সকলকে জাগাইয়া তুলিব, না, উর্ধ্বশ্বাসে পলায়ন করিব, কিছুই স্থির করিতে না পারিয়া বিস্ময়-বিস্ফারিত নেত্রে সেই অগ্নি-স্তুপের দিকে চাহিয়া রহিলাম।

অগ্নিস্তূপ ক্রমে এক জ্যোতির্ময় মনুষ্য-মূর্তিতে পরিণত হইল। আমার মনে হইল, এই মহাপুরুষকে কোণায় যেন কখন দেখিয়াছি। কিন্তু ঠিক চিনিতে পারিলাম না। কারণ, মানুষের মুখ চিনিয়া রাখা আমার অভ্যাস নয়, সেজন্য অনেক সময় অপ্রস্তুতও হইতে হইয়াছে। আগন্তক অগ্নিমূর্তি বলিলেন,—

“বৎসে! তোমরা অত্যন্ত ভয় পাইয়াছ? আমি অভয় দিতেছি, কোন ভয় নাই।”

শিরীন। সেদিন আমাদের এখানে একটা টিকটিকি বোবা ফকির সাজিয়া আসিয়াছিল, আপনি তাহাদেরই কেহ নাকি?

ননী। আপনারা মওলানা সাহেবের বাড়ীর কাছে বাসা নিয়াছেন, তাই ত টিকটিকির উপদ্রব।

অগ্নিমূর্তি। (সতেজে) না, না! আমি সে সব কিছু নই। আমি বিশ্বস্রষ্টা হস্তি।

“হস্তি” নাম শ্রবণ করিবা মাত্র বীণা ও ননী তাহাকে সাষ্টাঙ্গে প্রণাম করিলেন। তখন আমারও স্মরণ হইল, কলিকাতার “নারীসৃষ্টি”-নিখিবার সময় আমি এ জ্যোতির্ময় মহাত্মার দর্শনলাভ করিয়াছিলাম। আমরা সসম্মানে হস্তিদেবকে আসন গ্রহণ করিতে অনুরোধ করিলাম। বীণা বলিলেন, “অসময়ে নরলোককে পদধূলি (বর্ষাকালে “ধূলি” না বলিয়া “পদকর্দম” বলিতে হয়!) দিবার কারণ জিজ্ঞাসা করিতে পারি কি?”

হস্তি। কারণ? (আমার দিকে অঙ্গুলী নির্দেশ করিয়া) কারণ ত্রৈ মেয়েটা।

আমি সবিস্ময়ে, সতয়ে, সবিনয়ে বলিলাম, “মহাত্মা বলেন কি, আমি?”

হস্তি। হ্যা, তুমি! তুমি আমার নারী-সৃজনের ইতিহাস বহুভাষায় অনুবাদ করিয়া এট গোলমাল বাধাইয়াছ। তা, তোমারই বা দোষ দিব কি; কতক দোষ “সংগাত” আদিসের।

ননী। সে কি রকম?

হস্তি । তাহা এই :—ইনি “নারীসৃষ্টি” লেখাটা “সওগাত” নামক মাসিক পত্রিকায় দিয়াছিলেন । সে সময় সম্পাদক মহাশয় কলিকাতায় উপস্থিত ছিলেন না ; আফিসের গণ্ডমুর্গুলা ইঁহার লিখিত পাদটীকা দুইটি বাদ দিয়া তাহা প্রকাশ করে । পাদটীকা-অভাবে রচনাটি স্থল বিশেষে দুর্বোধ হইয়াছে । স্তত্রাং স্ত্রবোধ পাঠকেরা উহা সম্পূর্ণ বুঝিতে না পারায় তৃপ্তিলাভ করিতে পারেন না । তখন তাঁহারা বলেন, “ডাক ব্যাটা হস্তিকে, ইহার কোথায় কি ভাস্তি আছে, বুঝাইয়া দিয়া যাউক !” তাই দেখ না, সময় নাই, অসময় নাই, একটা প্ল্যানচেট পাইলেই ইঁহার আমাকে স্মরলোক হইতে ডাকিয়া আনিয়া বিরক্ত করে । অদ্যকার ঘটনা শুন ; কতকগুলি যুবক “সত্যগ্রহ” ব্রত লইয়া মাতিয়াছে । রাজপুরুষেরা বলেন, “সত্যগ্রহ” ছাড়িয়া “মিথ্যাগ্রহণ” কর ।’ কিন্তু উহারা অবাধ বালক, হিতোপদেশ মানে না । “মিথ্যাগ্রহণ” না করার ফলে পুলিশের তাড়াহড়া খাইয়া দুইজন উকিল বাবু পলাইয়া বাঁচি আসিয়াছেন । তোমাদের বাড়ীর অদূরেই তাঁহাদের বাসা । কিন্তু জান, “চোর না শুনে ধরম কাহিনী ।” বাঁচির এই অবিরাম বৃষ্টি কদাতেও তাঁহাদের শাস্তি নাই । তাঁহারা আদাজল খাইয়া, দিনের বেলা বালি কাঁকর কাদা জল মাখিয়া “মিথ্যাগ্রহণ”-এর বিরুদ্ধে সত্যপ্রচার প্রয়াসে লেক্চার দিয়া দিয়া দেশের শাস্তি নষ্ট করিয়া বেড়ান ; আর রাত্রিকালে দুই বন্ধুতে প্ল্যানচেট লইয়া দেবলোকের শাস্তিভঙ্গ করেন । রাত্রি ১২টা-১টা পর্যন্ত উকিল বাবুদের ডাকাডাকির আলায় অস্থির থাকিতে হয় । তোমাদের নরলোকে যা হোক শাস্তিনেশে যুবকদের শাস্তি দিবার জন্য সি. আই. ডি. আছে ; কিন্তু স্মরলোকে তাহাদের জব্দ করিবার জন্য কোন ব্যবস্থাই নাই । তাই দেখ না, এত রাত্রে উকিল বাবুদের বাসা হইতে ফিরিয়া যাইবার সময় আমার বাষ্পরথ তোমাদের ছাদের কলসে আটকাইয়া পড়ে, আমিও সশব্দে পড়িতে পড়িতে বাঁচিয়া গিয়াছি । বৃদ্ধ বয়সে বৃষ্টি ভেজা সহ্য হয় না, তাই যেমনই বীরবালা বীণা বাতায়ন খুলিয়াছেন, অমনি আমি গৃহভাস্তরে প্রবেশ করিয়াছি ।

ননী । কিন্তু দেব ! বাতায়নে লোহার গরাদে আছে যে !

হস্তি । আরে, রাখ তোমার উইদট গরাদে ! বিশেষতঃ আমাকে আটকায় কে ?

ননী । দেব ! আপনি কি কি উপাদানে পুরুষ সৃষ্টি করিয়াছেন, তাহা জানিতে বড় কৌতুহল হয় ।

হস্তি । না, বাছা ! আমার সময় নাই । এখন আমি আসি । তোমরা ঘুমাও ।

কিন্তু আমরা সকলেই তাঁহাকে বেষণ করিয়া ধরিয়া বসিলাম । পুরুষ সৃষ্টির রহস্য না শুনিয়া তাঁহাকে কিছুতেই যাইতে দিব না ।

শিরীন। আপনি অনেকক্ষণ বৃষ্টিজলে ভিজিয়াছেন. এক পেয়ালা গরম চা খাবেন। আপনি গরম বলুন, আমি চা প্রস্তুত করিতে বলি। (অতঃপর তিনি উচ্চৈঃস্বরে ডাকিলেন.) মারো—

ঐশ্বিত্য। (সচকিতে) সে কি? কাহাকে মারিবে?

শিরীন হাস্য সম্বরণ করিতে না পারিয়া আঁচলে মুখ ঢাকিয়া দ্রুত প্রস্থান করিলেন।

ঐশ্বিত্য। উনি লাঠিয়াল ডাকিতে গেলেন না কি?

বীণা। (কষ্টে হাস্য সম্বরণ করিয়া) না, তিনি চাকরাণী ডাকিতে গেলেন। উহার চাকরাণীর নাম “মারো”। * আপনি এখন গরম বলুন। ঐ দেখুন, শিরীন বেগম সাহেবাও ফিরিয়া আসিয়াছেন।

ঐশ্বিত্য। তোমরা নেহাৎ ছাড়িবে না. তবে আর কি করা। তোমরা মেয়েরাও দেখিতেছি. উকিল বাবুদের চেয়ে কম নও। তাঁহারা তবু আইন-কানূনের দোহাই মানেন. তোমরা কিছুই মান না। ঙনিলে ত তোমাদের মনে থাকিবে না। তবে ননি. তুমি কাগজ কলম লইয়া বস। আমি বলিয়া যাই. তুমি তাড়াতাড়ি লিখ। দেখ. খুব দ্রুতগতি লিখিবে।

ননী যতক্ষণ কলম দোরাত অনুেষণ করিতেছিলেন. ততক্ষণে বীণা কাগজ পেন্সিল হস্তে অগ্রসর হইয়া বলিলেন, “দেব! সময়ের অন্নতার জন্য আপনি চিন্তা করিবেন না। আপনি বলুন. আমি শট্‌হ্যাণ্ডে লিখিয়া ফেলিতেছি। আমি মিনিটে শট্‌হ্যাণ্ডের তিনশত শব্দ লিখিতে পারি।” ইহা শুনিয়া মহাঙ্গা ঐশ্বিত্য অতিশয় সন্তুষ্ট হইলেন। তিনি বলেন. বীণা লিখেন. আর আমরা নীরবে শ্রবণ ও দর্শন করিতে লাগিলাম।

দেখিলাম, বেচারী ঐশ্বিত্যদেব নিদ্রার অভ্যস্ত কাতর হইয়াছেন। তিনি কখনও বা হাট তুলিয়া ঘুমে ঢুলু ঢুলু নয়নে অনুচ্চস্বরে বলিতেছিলেন; আবার কখনও চক্ষুর্মর্দন করিয়া উচ্চৈঃস্বরে বলিতেছিলেন এবং বীণা ঠিক লিখিয়াছেন কিনা তাহা

বেচারী চাকরাণীর সুন্দর “মরিয়ন” নামটি বিকৃত হইয়া “মারো”তে পরিণত হইয়াছে। আমি বেহার অঞ্চলে থাকা কালীন অতি সম্প্রান্ত পরিবারের কতিপয় মহিলার নাম শ্রবণের সৌভাগ্যলাভ করিয়াছিলাম। যথা- “হাশো”, “নাতো”, “দফলু”, “উফলু”, “জুব্বা”, ইত্যাদি। নামগুলির স্বরূপ না দেখাইলে উহাদের প্রতি অবিচার করা হইবে এবং পাঠিকা ভগিনীও ঐশ্বিত্যদেবের সত ভীত হইতে পারেন। তবে গুণন, “হাশমত আরা”, “লতিফুল্লেসা”, “দৌলতুল্লেসা”, “অলিউল্লেসা” এবং “স্জোবেদা”।

পরীক্ষা করিয়া দেখিতেছিলেন। ভুল থাকিলে তাহা কাটিয়া পুনরায় লিখাইতে-
ছিলেন। তিনি যে নিদ্রা-কাতর নহেন, এতখানি বাগাড়ম্বর দ্বারা যেন তাহাই
প্রমাণ করিতে প্রয়াস পাইতেছিলেন। একবার তিনি গর্জনস্বরে বলিলেন,—

“জান বৎসেগণ! কন্যা রচনার সময় আমার হস্তে কোন বস্তুই ছিল না ;
সুতরাং আমাকে কোন দ্রব্যের গন্ধ, কোন বস্তুর স্বাদ এবং কোন পদার্থের বাস্প
মাত্র সংগ্রহ করিতে হইয়াছিল। কিন্তু পুরুষ নির্মাণের সময় আমাকে কিছু মাত্র
ভাবিতে হয় নাই। আমার ভাঙারে সকল দ্রব্য প্রচুর পরিমাণে ছিল,—হস্ত
প্রসারণ করিলে যাহা হাতে ঠেকিয়াছে, তাহাই গ্রহণ করিয়াছি। যথা—দস্ত
নির্মাণের সময় **সার্পের বিষদন্ত** আমূল লইয়াছি ; হস্ত পদ নখ পুস্তত করিতে
শাদুঁলের সমস্ত নখর লইয়াছি ; মস্তিষ্কের কোষসমূহ (cells) পূর্ণ করিবার
সময় **গদ ভৈর গোটা মস্তিষ্কটাই** ব্যবহার করিয়াছি। নারী সৃজন-কালে
আমি শুধু অনলের উত্তাপ লইয়াছিলাম। পুরুষের বেলায় একেবারে **জ্বলন্ত
অঙ্গার** লইয়াছি। বাছা! তুমি তাহাই লিখ।”

বীণা লিখিলেন। (জলন্ত অঙ্গার)।

হস্তি। বৎসে! মনোযোগ পূর্বক শ্রবণ কর। রমণীর বেলায় আমি তুহিনের
শৈতাতুকু মাত্র লইয়াছিলাম, পুরুষের বেলায় **তুম্বার খণ্ড**—এমন কি **আন্ত
কাক্ষনজঙ্ঘা** ব্যবহার করিয়াছি। তাহা কি তুমি লিখিয়াছ, বীণা ?

বীণা কাগজ দেখাইলেন— (তুম্বার, কাক্ষনজঙ্ঘা)।

শিরীন। আগ্নেয়গিরি বিস্মবিয়াস (Vesuvius) এবং কাক্ষনজঙ্ঘা যে
পাশাপাশি ব্যবহৃত হইয়াছে, তাহাতে কিছুমাত্র সন্দেহ নাই। তাই আমরা পুরুষের
নিজের ভাষায়ই বর্ণনা এইরূপ দেখিতে পাই যে এখনই—

“জ্বলিল ললাট-বহি পুদীপ্ত শিখায়
বহ্নিময় হৈল সেই শূন্যব্যাপী দেশ,
ধরিল সংহার-মূর্তি, রুদ্ধ ব্যোমকেশ
গজিয়া সংহার-শূল করিলা ধারণ।”

আবার পর মুহূর্তেই (অবশ্য ‘পার্বতী বাক্যেতে রুদ্ধ তালি উগ্রভাব’)—

“সহাসা বদনে ইন্দ্রে সস্তাষি কহিলা,

আ-খণ্ডল, বৃত্রবধ অনুচিত্ত মম।”

শ্রুতলিপি শেষ হইলে মহাত্মা হস্তি বলিলেন, “দেখ বাছা! তুমি ইহা
সহজ ভাষায় লিখিবার সময় বিশেষ সতর্কতা অবলম্বন করিবে, যেন একটি
শব্দ, এমন কি একটি ছেদ পর্বস্তও এদিক ওদিক না হয়।”

বীণা । তাহাই হইবে ; আপনি ভাবিবেন না । আমি বেশ সাবধান লিখিব । নঃচৎ প্রভুর অত্যন্ত কষ্ট হইবে—এখন ত কেবল পুরুষেরা ডাকাডাকি করে, তখন মেয়েরাও জ্বালাতন করিয়া মারিবে ।

অতঃপর ষষ্ঠিদেব বিদায় হইলে সকলে যে যাহার শয্যা আশ্রয় করিলেন । কিন্তু আমি শয়ন করিতে যাইবার সময় কি জানি কিরূপে পড়িয়া গেলাম । সেই পতনে আমি চমকিয়া উঠিলাম । চক্ষু উন্মীলন করিয়া দেখি, আমি তখনও সোন্সায় বসিয়া ; গৃহকোণে মোমবাতিটা মিটিমিটি জ্বলিতেছে, আর শিরীন ও বীণা মড়ার সহিত বাজী রাখিয়া ঘুমাইতেছেন । দুরাগত কুক্কুটধ্বনি শ্রবণে বুঝিলাম, রজনীর অবসান হইয়াছে । তবে কি এতক্ষণ আমি স্বপ্ন দেখিতছিলাম ?

**ପୁସ୍ତକାକାରେ-ଅପ୍ରକାଶିତ
ପ୍ରବନ୍ଧାବଳୀ**

রসনা-পূজা

বিভিন্ন সম্প্রদায়ের লোকে ভিন্ন ভিন্ন বস্তু পূজা করিয়া থাকে। কেহ অগ্নি উপাসক, কেহ চন্দ্র-সূর্যের উপাসক, কেহ জড়-পুস্তলিকা উপাসক, ইত্যাদি। কেবল নিষ্ঠাবান মুসলমান অধিতীয় ঈশ্বর ব্যতীত আর কোন বস্তুর উপাসনা করেন না। কিন্তু ভারতবর্ষের মুসলমান সমাজ রসনা-পূজা করিয়া থাকেন। যদি আমি ইহাদিগকে “রসনা-পরস্ত” (রসনা-উপাসক) বলি, তবে বোধ হয় অন্যায হইবে না। এবং নিগুশ্রেণীর মুসলমান সমাজে ‘বৃতপরস্তি’-ও যে প্রবেশ করিয়াছে, ইহা অস্বীকার করা যায় না।^১ যেহেতু দেবতাদের অনুকরণে অনেকগুলি পীরের নাম শুনা যায়—এক এক প্রকার বিপদে এক এক পীরের অনুগ্রহ লাভের নিমিত্ত “নজর ও নেয়াজ” দিতে হয়। যাহাকে ক্ষিপ্ত কুকুর দংশন করে, সে বেচারী “কোভা (কুকুর) পীরের দরগাহে” (মন্দিরে?) গিয়া “নজর” (দর্শনী) মানস করিয়া আইসে। হঠাৎ কোন বিষয়ে সিদ্ধিলাভ করিতে হইলে “আচানক (হঠাৎ) পীরের” উদ্দেশ্যে রোজা রাখা হয়!! সম্ভবতঃ পা খোঁড়া হইলে ‘লঙ্গর শাহের দরগাহে’ “শিন্নী” লইয়া যাইতে হয়!!^২

ঈশ্বর ব্যতীত অন্য কোন বস্তুর পূজা করিলে আত্মার অধঃপতন হয়, এবং সঙ্গে সঙ্গে অন্যান্য প্রকার অবনতিও হয়। আমাদের দুর্গতি ও অবনতির কারণ অনেকে অনেকরূপে অনুমান করেন; আমার বোধ হয় রসনা-পূজা ইহার অন্যতম কারণ। স্ত্রীলোকেরা ঐ পূজার আয়োজনে সমস্ত সময় ব্যয় করেন। অন্য বিষয়ে দৃষ্টিপাত করিতে তাঁহাদের অবসর থাকেনা। সমস্ত দিনও অর্ধরাত্রি তাঁহাদের রন্ধনের চিন্তায়ই অতিবাহিত হয়, পরে নিদ্রায় স্বপ্ন দেখেন—“যাঃ! মোরকবার সির। (চিনির রস) জ্বলিয়া গেল!”

আমরা আহার ব্যতীত জীবন ধারণ করিতে পারি না, সত্য। আহার দ্বারা শরীরের পুষ্টিসাধন হয়। মনে রাখিবে—ভোজনের উদ্দেশ্য শরীরের পুষ্টিসাধন। কিন্তু সচরাচর আমাদের খাদ্যসামগ্রী যেরূপ হয়, তাহাতে শরীরের পুষ্টিসাধন হওয়া

১ যদ্যপি তর্কের অনুরোধে এবং গলাবাজির জোরে অস্বীকার করা হইয়া থাকে, সে ভিন্ন কথা।

২ হিন্দুদের নৈবেদ্যের সহিত উক্ত প্রকার ‘নজর ও নেয়াজে’র সাদৃশ্য নাই কি?

দূরে থাকুক, বরং ক্ষুধামান্দ্য, অজীর্ণ, অরুচি প্রভৃতি রোগ জন্মিয়া শরীরের ধ্বংস সাধন হয়। আমাদের চর্বা, চোষ্য, লেহ্য, পেয়—খাদ্যগুলি কেবল রসনা-দেবের তৃপ্তির নিমিত্ত প্রস্তুত হয়।

জনৈক ডাক্তার একদা কোন ধনী মুসলমান কর্তৃক নিমন্ত্রিত হইয়াছিলেন। তিনি বলিয়াছিলেন : “আপনার বাড়ী একদিন খেয়ে আমি তিনদিন খেতে পারি নাই। এই রকম খাবার আপনারা সর্বদাই খেয়ে থাকেন, কাজেই আপনারদের অসুখ ছাড়ে না।” ডাক্তার বাবু ঠিক বলিয়াছেন। আবার মজা এই যে, চিররুগ্ন জীবন বহন করাই ভদ্রতার লক্ষণ! কুশল প্রশ্ন করিলে কেহ সহসা উত্তর দেয় না, “সম্পূর্ণ ভাল আছি।” তাদৃশ চিররুগ্ন অবস্থা রমণী-সুলভ কোমলতা (“নাজাকৎ !”) বলিয়া প্রশংসিত হয়। কেবল চাষা স্ত্রীলোকেরা সবল সুস্থ থাকে।

আহারের অত্যাচার যে কেবল ধনবানের গৃহে হয়, তাহা নহে, দরিদ্রের জীর্ণ কুটীরেও সুযোগ অনুসারে রসনা-পূজা হইয়া থাকে।

শুনিতে পাওয়া যায়, কোন ডেপুটি কালেক্টর না কি বলিতেন, “(দরিদ্র) কুলীন মুসলমান আমি বেশ চিনি। যদি কাহারও মুখ দেখিয়া চিনিতে না পারি, তবে একবার তার বাড়ী গেলে আর চিনিতে বাঁকী থাকে না। কুলীনের লক্ষণ এই—

“কাহারও বাড়ী গেলে দেখিবে, চালের উপর খড় নাই, ঘরখানার চারিদিক আবর্জনাময়, বসিবার একটু স্থান নাই; মাথার উপর (চালে) মাকড়সার জাল ঝুলিতেছে—এইরূপ ত হীন অবস্থা। কিন্তু জল খাবার সময় দেখিবে, অতি উৎকৃষ্ট পারাটা, কোর্মা, কাবাব উপস্থিত—আমাদের সাত দিনের খাবার খরচ তাঁহার একদিনে ব্যয় হয়।”

যদি উক্ত কালেক্টর মহাশয় কখন কাহার বহির্বাটা দেখিয়া কুলীন চিনিতে না পারেন, তবে তিনি একবার অস্ত্রপুরে প্রবেশ করিলে গৃহস্বামীর কৌলীন্য সম্বন্ধে তাঁহার সন্দেহ থাকিবে না! কিন্তু সে ডেপুটি কালেক্টরের ভাগ্যে অস্ত্রপুর দর্শনলাভ অসম্ভব। অতএব আমরা একটু নমুনা দেখাই,—

প্রথমে রন্ধনশালার দিকে অগ্রসর হউন—হারদেশে পচা কাদা; হংস, কুক্কুট ইত্যাদি সেই (পচা ফেনমিশ্রিত) কাদা ঝাঁটিতেছে, তাহার দুর্গন্ধে আপনার প্রাণেশিয় ত্রাহি করিবে। ৩ কিন্তু পশ্চাৎপদ হইবেন না—কোনমতে ভিতরে প্রবেশ করিয়া দেখিবেন কেহ বাটনা বাটিতেছে, কেহ কুটনা কুটিতেছে, কেহ কেওড়া বা গোলাপ

৩ অভ্যাসের রূপায় গৃহিণী বা গৃহস্বামীর নিকট ঐ দুর্গন্ধ অপ্ৰিয়বোধ হয় না।

জলে জাফরান ভিজাইতেছে ইত্যাদি। এখানকার সুগন্ধ এতই আনন্দপ্ৰদ (inviting) যে ব্রাহ্মণের পৈতা ছিঁড়িতে ইচ্ছা হইবে। পারাটা, সমোসা ভাজার সৌরভ কি চমৎকার—বলিহারি যাই! এখানকার সৌন্দর্য দেখিলেই ক্ষুধা-তৃষ্ণা দূরে যায়, তৃপ্তি হয়, আহার ত দূরে থাকুক। এখানে দাঁড়াইয়া আপনার বোধ হইবে—“অঃ মরি! মরি! এ কোন্ সৌরভ-রাজ্যে আসিয়া পড়িলাম!—এ স্বর্গ না কি !!”

আমাদের খাদ্য সঞ্চীয় পরিচ্ছন্নতা সময় সময় সীমা লঙ্ঘন করে। যেমন, মাংস এত ধোওয়া হয় যে, তাহার বলকারক গুণ থাকে না, গরম জলে মাংস ধুইলে মাংসে আর থাকে কি? অন্যান্য বস্তুও প্রায় প্রয়োজন তিরিক্ত পরিষ্কার করা হয়। এই প্রকার খাদ্যদ্বারা কেবল জড় রসনার পূজা হয়।

আমরা কেবলই রসনা-পূজায় সময় কটাই। আধ্যাত্মিক জীবন আমাদের নাই বলিলেও অত্যুক্তি হয় না। জ্ঞানচর্চা ত আমরা জানিই না। সামান্য সুচিকার্য ও রন্ধন-প্রণালী কেবল আমাদের শিক্ষণীয়। ৫০০ রকমের আচার চাটনী; ৪০০ প্রকার মোরব্বা প্ৰস্তুত করিতে জানিলেই সুগৃহিণী বলিয়া পরিচিত হইতে পারা যায়। রমণী রাধুনীরূপে জন্মগ্রহণ করে, এবং মরণে বাবুচ্চি-জীবনলীলা সাঙ্গ করে। আমাদের সুখের চরম সীমা সচরাচর উপাদেয় খাদ্য রান্নাধিতে শিক্ষা করা ও বিবিধ অলঙ্কার ব্যবহার করা পর্যন্ত।

এইরূপ অত্যধিক রসনা-পূজায় বিলাসিতা বৃদ্ধি পায়। এস্থলে রসনা-পূজায় কেবল ত্রিবিধ অগ্নি ষ্টের উল্লেখ করা গেল—(১) বায়-বাহন্য বা অপব্যয়, (২) শ্রম-বাহন্য এবং (৩) স্বাস্থ্য নষ্ট। ময়দার পারটা ও মসলা-বহল কোর্মা সহজে পরিপাক হয় না, তাহা দ্বারা স্বাস্থ্যের উন্নতি হওয়া অসম্ভব। কারণ ঐ দুপ্পাচা খাদ্যের পরিপাক কার্যে আভাত্তরিক যন্ত্রগুলিকে অতিরিক্ত শক্তি প্রয়োগ করিতে হয়। ঐ শক্তি যোগাইতে গিয়া শরীরের অন্যান্য যন্ত্র দুর্বল হইয়া পড়ে। তাহাশ অখাদ্য রান্নাধিতে গৃহিণীদের অনর্থক সময় ও পরিশ্রম ব্যয় করা হয়।

শরীরের পুষ্টি সাধনের প্রতি দৃষ্টি রাখিয়া আহার করিতে গেলে রসনা-পূজা ত্যাগ করিতে হইবে। প্রতিদিন অত ছাই-ভগ্ন না খাইয়া কেবল যথানিয়মে উপযুক্ত পরিমাণে সুখাদ্য খাইলেই আহারের উদ্দেশ্য সাধিত হয়। মোহনভোগ, ফিরনী ইত্যাদির পরিবর্তে পাতলা দুধ খাওয়া যুক্তিসিদ্ধ।

উক্ত প্রকার খাদ্য প্ৰস্তুত করিতে অপেক্ষাকৃত সময় কম লাগে। ব্যয়ও পরিমিত হয়। ঐ অবসরকে অন্য সংকার্যে ব্যয় হইতে পারে।

আমরা রসনা-পূজা করিতে বসিয়া অধঃপাতে গিয়াছি। দিল্লীর সন্ধ্যাটগণ বিলাস-শ্রোতে ভাসিয়াই দিল্লী হারাইয়াছেন। এস্থলে একটা ঐতিহাসিক ঘটনা উল্লেখ করা গেল। দিল্লীশুর মোহাম্মদ শাহের সহিত নাদির শাহ যুদ্ধ করিতেছিলেন। মোহাম্মদ শাহ ছিলেন বিলাসী—সর্বদা নানাবিধ স্নানাদু বস্ত্র দ্বারা রসনা-পূজা করিতেন, তাই পরাস্ত হইয়া সিংহাসন হারাইলেন, আর নাদির শাহ রসনা-উপাসক ছিলেন না—কেবল গুচ্ছ রুটি ও কাবাব খাইতেন, তাই বিজয়ী হইয়া মোহাম্মদ শাহের মুকুট ও সিংহাসন লইতে পারিলেন। দেখুন ত গুচ্ছ রুটির গুণ ক্ষমতা কত! অতীতের পুরাতন কথা ছাড়িয়া দিলে, বর্তমানে রুশ-জাপান যুদ্ধেও তাই দেখা যায়। রুশীয়দের অপেক্ষা জাপানীদের ভোজনের আড়ম্বর কম, অথচ যুদ্ধক্ষেত্রে ক্ষুদ্র জাপান অমিত তেজের পরিচয় দিতেছে। তাই দেখুন, কেবল আহার করিলে বলবৃদ্ধি হয় না। খাদ্য পরিপাক হইলে লাভ নচেৎ না।

অন্ন আহারে স্বাস্থ্য নষ্ট হয় না, বরং পরমাণুঃ বৃদ্ধি হয়। অনেকে ইহা পরীক্ষা করিয়া দেখিয়াছেন। কোন কোন রোগে অন্য চিকিৎসা না করিয়া কেবল আহার পরিমিত করায় রোগীকে আরোগ্য লাভ করিতে দেখা গিয়াছে। একটা প্রবাদ আছে, “যা না করে বৈদ্যে, তা করে পৈথ্যে।” রসনা সংযত করা মানুষের একান্ত কর্তব্য।

একটা বচন আছে; “মৃত্যুর পূর্বে মরিয়া থাক।” এ মরণের অর্থ ত্যাগ স্বীকার, বৈরাগ্য ইত্যাদি। মানুষ ত্যাগ না করিলে মুক্তি পাইতে পারে না। ক্রমে ক্রমে সংযম শিক্ষা না করিলে হঠাৎ বৈরাগ্য শিক্ষা হয় না। এক লাফে কে গাছের আগায় উঠিতে পারে? ক্রমশঃ এক পা দুই পা করিয়া উঠিতে হয়।

রোজা (উপবাস) ব্রত আমাদেরকে সংযম শিক্ষা দিয়া থাকে। এই রোজা যথানিয়মে পালন করিলে সামাজিক, শারীরিক ও মানসিক বা আধ্যাত্মিক কল্যাণ হয়। মানুষ মাত্রেরই সংযম শিক্ষা আবশ্যিক। এই জন্য দেখা যায়, “পৃথিবীর প্রায় সমুদায় ধর্মাবলম্বীদের মধ্যে কোন না কোন প্রকারের উপবাস ব্রত বর্তমান রহিয়াছে।”^৪ কারণ মানুষ জান না, কি প্রকার খাদ্য কি পরিমাণে খাওয়া উচিত।

৪ এই প্রবন্ধ রচনাকালে মৌলভী মকবুল আলী বি. এ. প্রণীত “রোজা” নামক পুস্তক হইতে অনেক সাহায্য গ্রহণ করা হইয়াছে। উক্ত অংশটুকু ‘রোজা’ হইতে গৃহীত।

আক্ষেপের বিষয়, রমজান মাসে আমাদের খাদ্য-সামগ্রীর ধুমধাম সর্বাপেক্ষা বৃদ্ধি হয়। সমস্ত দিন সাংসারিক কার্য হইতে বিরত থাকিয়া নির্মল চিত্তে উপাসনা করা ত দূরে থাকুক, “ইফতারী” (সন্ধ্যাকালীন খাবার) প্রস্তুত করিতেই দিন শেষ হয়। কোথায় রসনা সংযত হইবে, না আরও রসনার সেবা বৃদ্ধি পায়। প্রকারান্তরে রোজাব নাম করিয়া রসনা-পূজার মহা-আড়ম্বর হয়। পূর্বে মহাপুরুষেরা সামান্য ফল-মূল বা শাক-রুটি দ্বারা সন্ধ্যায় জলপান (ইফতার) করিতেন। রাত্রিতে কি খাইবেন, দিবাভাগে খোদাকে ডুলিয়া সে চিন্তাও করিতেন না। ধর্মগুরু মোহাম্মদ (দঃ) নিশ্চিতভাবে ঈশ্বরের ধ্যান করিবার আশায় সমস্ত দিন পান-ভোজন ত্যাগ করিয়া নির্জন স্থানে থাকিতেন। আর এদেশের মুসলমানেরা তাঁহার উপবৃত্ত (?) শিষ্য কিনা,—“ধর্ম ধর্ম” বলিয়া চীৎকার-স্বরে গণন-মেদিনী কাঁপাইয়া তোলেন,—তাই বন্ধুবান্ধবের নিমন্ত্রণে ও সন্ধ্যার খাবার-আয়োজনে সমস্ত দিন ঈশ্বরকে ডুলিয়া থাকেন!! ইহাতে রোজার উদ্দেশ্য যে কত দূব সাধিত হয়, তাহা সহজেই বুঝা যায়।

যত প্রকার উপবাস-ব্রত প্রচলিত আছে, তন্মধ্যে আমাদের রোজা-ব্রতই শ্রেষ্ঠ—অবশ্য যদি রোজার সব নিয়মগুলি যথাবিধি প্রতিপালিত হয়। ইহা দ্বারা যত উপকার হয়, তাহা এক মুখে বলিয়া শেষ করা অসাধ্য। চিন্তাশীল ব্যক্তি মাত্রেই তাহা বুঝেন।

খ্রীষ্টীয় রোজার (গুড ফ্রাইডের) সময় ধর্মপরায়ণ খ্রীষ্টানগণ শুধু পান-ভোজন ব্যতীত পাখিব সমুদয় কার্য হইতে বিরত থাকেন।^৫ সে সময় তাঁহারা কাহাকেও নিমন্ত্রণ করেন না এবং নিজেরাও নিমন্ত্রণ রক্ষা করেন না, নূতন কাপড় পরেন না; একান্ত প্রয়োজন না হইলে কোন বস্তু ক্রয়-বিক্রয় করেন না,—এক কথায়, সকল প্রকার আনন্দ, আশ্লাদ, ভোগ, বিলাস ত্যাগ করেন। ঐ ত্যাগ স্বীকার করায় যে অর্থ সঞ্চিত হয়, তাহা ঈশ্বরের তুষ্টির জন্য সন্ধ্যায় করেন। আমাদের “এতেকাফ”-এর^৬ সহিত ঐ ব্রতের কিছু সাদৃশ্য আছে। তবে প্রভেদ এই যে, “এতেকাফের” সময় মসজিদে বসিয়া মুসলমানের ক্রয়-বিক্রয় করা নিষিদ্ধ নহে। (মৌলভী

৫ অনেকে উপবাসও করিয়া থাকেন। কেহ সর্বদাই প্রতি শুক্রবারে উপবাস করেন।

৬ ‘এতেকাফ’ ব্রত বিশেষ। ধর্মোদ্দেশ্যে কোন নির্দিষ্ট সময় পর্যন্ত পাখিব কার্য হইতে বিরত থাকা।

নইমুদ্দীন প্রণীত “জোব্দাতল মসায়েল” দ্রষ্টব্য।) আর খ্রীস্টানদের তাহা নিষিদ্ধ। (তবে দায়ে পড়িলে ভিন্ন কথা।) এবং আমাদের “ফেতরা” দানের সময়ও ঘরের (অতিরিক্ত) পয়সা বাহির করিতে হয়। মহাত্মা মোহান্দদ (দঃ) হয়ত বলিয়াছিলেন যে, রোজার সময় আহার পরিমিত করায় যে খরচ বাঁচিয়া যায়, তাহা দ্বারা আপন দরিদ্র পুত্রবেশীর সাহায্য কর (“ফেতরা” দাও) ; কিন্তু বঙ্গীয় মোসলেমগণ তাঁহার ভক্তশিষ্য, তাই উলটা চাল চালেন ; তাঁহার উপদেশের বিপরীত কার্য করেন।^১ স্মৃতরাং অন্যান্য মাসের ব্যয় অপেক্ষা রমজান মাসে তাঁহাদের ব্যয় বৃদ্ধি হয়। আমার এই কথা প্রমাণিত করিবার জন্য অন্য কোন দলিলের প্রয়োজন নাই—পাঠিকাগণ আপন আপন জমা-খরচ মিলাইয়া দেখিবেন,—অন্যান্য মাসের তুলনায় রমজান শরীফের খরচ বেশী কিনা।^২

হিন্দুগণ সময় সময় ভীম (বা নির্জলা) একাদশী করিয়া থাকে। তাহাতে তাহাদের স্বাস্থ্য নষ্ট হয় না। হিন্দু বিধবারা প্রায় দীর্ঘজীবী হয়, একথা কেহ অস্বীকার করেন কি? বিধবাদের পরমাণুঃ বৃদ্ধির কারণ এই যে, তাঁহারা রসনা সংযত রাখেন—এক সঙ্ক্যা আহার করেন।

পাদ্রীগণ বলিয়া থাকেন যে, মুসলমানের রোজার স্বাস্থ্য উন্নত ব্যতীত কোন ফল লাভ হয় না ; এ কথাটি যুক্তিহীন। প্রমাণ—হিন্দু বিধবার স্বাস্থ্য। তবে “মুসলমান” নামধেয় জীবগণ যদি রোজার সব নিয়মগুলি যথাবিধি পালন না করে, সে দোষ তাহাদের,—রোজার নহে। সকল প্রকার সাংসারিক বস্ত্র ত্যাগ করাই প্রকৃত রোজা। (নতুবা “ধর্ম হয় না ক’রলে উপবাস।”) কিন্তু সচরাচর মুসলমানেরা এই পবিত্র রোজার কি ভয়ানক অবমাননা করিয়া থাকেন !!

আমাদিগকে মুসলমান বলিলেও “মুসলমান” শব্দটির অপমান করা হয়। স্মৃতরাং আমাদের উও রোজার সম্বন্ধে যে পাদ্রীগণ বলেন, “Whatever is gained by fasting, is lost by feasting” (অর্থাৎ, দিনে রোজার দ্বারা যে পুণ্য হয়, তাহা রাত্রির অতি-ভোজনে নষ্ট হয়) তাহা ঠিক। আমাদের রোজার উদ্দেশ্য কেবল রসনা-পূজার মহা ঘট।

১ ঈদ-উৎসবের দিন যে দান করা হয়, তাহাকে ‘ফেতরা’ বলে।

২ রোজা ধর্মের পাঁচটি প্রধান অঙ্গের (কলেমা, নামাজ, রোজা, জাকাত ও হজ) এক অঙ্গ। সে রোজা সাহারা ঐরূপে পালন করেন, অথচ ‘ইসলাম’ ‘ইসলাম’ বলিয়া শত কণ্ঠে চীৎকার করেন, তাঁহারা ‘মুসলমান’ই বটে। তাঁহাদের নামাজও সেইরূপ।

কবে মুসলমান “মানুষ” হইবে ? রসনা-পূজা ছাড়িয়া ঈশ্বর-পূজা করিতে শিখিবে ? জগতের অনেক জাতি জাগিয়া উঠিয়াছে, ভাল-মন্দ বুঝিয়াছে ; কেবল ইহাদের মোহনিদ্রা ভঙ্গ হয় নাই। এখন ত আমাদের আর সে “জরির মস্নদ”, তাকিয়া বা দুক্‌ফেননিভ গুত্র কুসুম-কোমল “শাহানা বিছানা” নাই, তবে নিদ্রা যাইতেছি কোন্ সুখে ? আমাদের অবস্থা এখন এই প্রকার— “ঝোপুড়ী মেঁ রহনা ও মহলকা খাব দেখনা !” অর্থাৎ, বর্তমানে কুঁড়ে ঘরে থাকি এবং অতীতের অটালিকার স্বপ্ন দেখি !! একজন কবি বলিয়াছেন,

I slept and dreamt life was beauty,
I woke and found life is duty.

তাই ত জীবনটা খেলা নহে ।

পরিশেষে বলি, জীবন-ধারণের নিমিত্ত আহার করিতে হয়, খাইবার আশায় জীবন-ধারণ করা উচিত বোধ হয় না। ভরসা করি, এবার রমজান শরীফে আপনারা সাবধান থাকিবেন।

নবনূর
২য় বর্ষ, ৮ম সংখ্যা,
অগ্রহায়ণ, ১৩১১ সন।

ঈদ-সম্মিলন

বৎসর পরে আবার ঈদ আসিল। আজি আনন্দের দিন, উৎসবের দিন
সমুদয় মোসলেম সমাজের সম্মিলনের দিন।

সারা বৎসরের অবসাদের পর আজি উৎসাহের দিন আসিয়াছে। যেন
বসন্ত-সমাগমে মানবের গৃহরূপ কাননে অসংখ্য প্রীতি-কুসুম ফুটিয়াছে! বালক-
বালিকার দল ত মনে করে, ঈদ না জানি কি! আর তাহাদের অভিভাবকেরাও
কি আশ্চর্য-বিস্মৃত হইয়া তাহাদের আনন্দ-কোলাহালে যোগদান করেন না?
আজিকার এ আনন্দ-প্রবাহে ধনী-র অটালিকা ও দরিদ্রের দীনতম কুটির একই ভাবে
প্লাবিত।

ঈদের নামাজের মূলে কি মহান ঐক্য লক্ষিত হয়! সহস্র সহস্র লোক
একই কাবাশরীফ লক্ষ্য করিয়া শ্রেণীবদ্ধ হইয়া নামাজে দাঁড়াইয়াছে;—সকলে
একই সঙ্গে ওঠে, একই সঙ্গে বসে,—একই সঙ্গে সহস্রাধিক মস্তক প্রভুর উদ্দেশে
আনত হয়। তারপর? তারপর, নামাজ সমাপ্ত হইলে পর সকলে ভ্রাতৃত্বাবে
পরস্পরকে আনিষ্টন করে। কি সুন্দর ভ্রাতৃত্বাব। যাহারা প্রতিবেশীর প্রতি
এতদিন কোনরূপ বিদ্বেষভাব পোষণ করিত, তাহারা আজি সে হিংসাদেহ ভুলিয়া
গিয়াছে। আজি মসজিদে ছোট-বড় ধনী-নির্বন এক যোগে সম্মিলিত হইয়াছে।
এ দৃশ্য কি চমৎকার! এ দৃশ্য দেখিলে চক্ষু পবিত্র হয়; ক্ষুদ্র স্বার্থ, নীচ ঈর্ষা
লজ্জায় দূরীভূত হয়; নিরানন্দ মৃতপ্রায় প্রাণে সঞ্জীবনী শক্তি সঞ্চারিত হয়।
জাপানে একতা আছে সত্য; কিন্তু আমাদের এ অপাখিব একতার তুলনা কোথায়?
বৎসরের শুভদিনে এমন শুভ-সম্মিলন কোথায়?

কালের আবর্তনে এইরূপ আরও অনেক ঈদ আসিয়াছে; আরও অনেকবার
মোসলেম ভ্রাতৃগণ এমনই ঈদের নামাজে যোগ দিয়াছেন; আরও অনেক বৎসর
ঈদের নবীন চন্দ্র তাহাদের প্রাণে এমনই করিয়া ইক্য জাগাইয়া দিয়াছে। কিন্তু
দিবাশেষে ঈদ রবির অস্ত-গমনের সঙ্গে সঙ্গে আমাদের ভ্রাতৃত্বাবও ম্লান হইয়াছে।
যেন প্রতি বৎসর ইক্যরূপ অমূল্য রত্নটি আমরা মসজিদ প্রান্তরে রাখিয়া আসি।
অথবা একতা যেন মসজিদ প্রাচীরের অভ্যন্তরে আবদ্ধ থাকে! বলি, এ বৎসর এ
বিংশ শতাব্দীর সভ্যযুগেও কি আমাদের ঈদ-সম্মিলন দিবাশেষে বিস্মৃতির গর্ভে
বিলীন হইবে? না, এবার আমরা একতা সম্বন্ধে রক্ষা করিব।

একতা মহাশক্তি ; একতা আমাদের ধর্মের মূল,—আমাদের সমুদয় ধর্ম-কর্মেরই ঐক্য নিহিত আছে । জানি না, কোন্ দস্যু (আমাদিগকে অজ্ঞান-তিমির নিশীথে নিদ্রিত পাইয়া) আমাদের মহামূল্য একতানিধি অপহরণ করিয়াছে । জানি না, কাহার অভিশাপে আমরা অভিশপ্ত হইয়াছি । তাই এখন আমরা সহোদরের সহিত মল্লযুদ্ধ করি, সহোদরের সহিত হিংসা করি, পুত্র-কন্যার অমঙ্গল কামনা করি । আমাদের ঘরে ঘরে আত্মকলহ লাগিয়া আছে । যাহাদের গৃহে পিতাপুত্রে বিবাদ, ভ্রাতায় ভ্রাতায় বিরোধ, তাহার। সমস্ত সমাজটিকে “আপন” ভাবিতে পারিবে কিরূপে ?

ঈদ-সমাগনে আজি আমাদের সে দুঃখ যামিনীর অবসান হউক । ঈদের বালার্কের সহিত আমাদের অন্ধকার হৃদয়ে নব-আশার নবনূর উদ্দীপ্ত হউক । সমষ্টির মঙ্গলের জন্য ক্ষুদ্র স্বার্থ পদদলিত হউক । বলিয়াছি ত, এবার আমরা একতা মসজিদে ফেলিয়া আসিব না । আমাদের এ মহাব্রতে ঈশুর সহায় হউন ।

আর এক কথা । এমন শুভদিনে আমরা আমাদের হিন্দু ভ্রাতৃবৃন্দকে তুলিয়া থাকি কেন ? ঈদের দিন হিন্দু-ভ্রাতৃগণ আমাদের সহিত সন্মিলিত হইবেন, একরূপ আশা কি দুরাশা ? সমুদয় বঙ্গবাসী একই বঙ্গের সন্তান নহেন কি ? অন্ধকার অমানিশার অবসানে যেমন তরুণ অরুণ আইসে, তরুণ আমাদের এখানে অভিশাপের পর এখন আশীর্বাদ আসুক ; ভ্রাতৃ-বিরোধের স্থানে এখন পবিত্র একতা বিদ্যমান থাকুক । আমীন !

আবার বলি, আজি কি সুখের দিন—আশীর্বাদ ও সুসংবাদ লইয়া শুভ ঈদ আসিয়াছে !!

নবনূর

৩য় বর্ষ, ৯ম সংখ্যা,

পৌষ, ১৩১২ সন ।

সিসেম ফাঁক

আলিবার নিকট দস্যুদের গুপ্ত ধনাগারের সন্ধান পাইয়া কাসেম তথায় গেল। “সিসেম ফাঁক” বলিবা মাত্র ধনাগারের দ্বার খুলিয়া গেল। ভিতরে প্রবেশ করিয়া সে বিস্ময়মুগ্ধ হইল। যক্ষের ধন দেখিয়া কাসেমের চক্ষুস্থির! সে দুই হস্তে প্রবাল, মুক্তা, মরকত, পদ্মরাগ, হীরক প্রভৃতি মূল্যবান প্রস্তর সংগ্রহ করিতে লাগিল। খলিয়া ভরিয়া আশরফী লইল। সে জীবনে এত ধন কখনও দেখে নাই; আজি তাহার ভারী আনন্দ। সে বহুমূল্য সাটীন, কিম্বাপ ইত্যাদি রেশমী বস্ত্রে বস্তা বোঝাই করিয়া রাখিল। অদ্য সে উষ্ট্র-পৃষ্ঠে ধন বহিয়া লইয়া যাইবে। কিন্তু সবই ত হইল; এখন বাহির হইবার উপায় কি? কাসেম ত মূলমন্ত্র—অর্থাৎ উক্ত চারি শব্দ : “সিসেম ফাঁক.” ভুলিয়া গিয়াছে! রাশীকৃত ধন লইয়া, ধনস্তুরে থাকিয়া, মণিযুক্তায় পরিবেষ্টিত হইয়া সে যে বন্দী—মুক্তির উপায় নাই। পরিশেষে কাসেম উন্মত্তের ন্যায় দ্বার-প্রান্তে দাঁড়াইয়া “গোধূম ফাঁক.” “উচ্ছে ফাঁক” ইত্যাদি অনেক শব্দ উচ্চারণ করিল; কিন্তু সকল বৃথা—আসল কথা, “সিসেম ফাঁক” সে ভুলিয়া গিয়াছে; সুতরাং তাহার মুক্তির পথ রুদ্ধ।

আজি ১০।১২ বৎসর হইতে দেখিতেছি, আমাদের মুসলমান সমাজে জীবনী-শক্তি সঞ্চারিত হইয়াছে—চারিদিকে বেশ জাগরণের সাড়া পড়িয়া গিয়াছে; নানা প্রকার সভা-সমিতি গঠিত হইয়াছে। তাঁহারা কাসেমের ন্যায় “অল্ ইণ্ডিয়া মোসলেম লীগ.” “সেন্ট্রাল মহানেডান এসোসিয়েশন.” “অল ইণ্ডিয়া এডুকেশনাল কনফারেন্স.” অমুক ইনস্টিটিউশন, অমুক এসোসিয়েশন ইত্যাদি বহুবিধ ধনরত্ন সংগ্রহ করিয়াছেন। কিন্তু প্রকৃত মুক্তির দ্বার উদ্ঘাটনের মন্ত্রটি, অর্থাৎ জীশিক্ষার বিষয় ভুলিয়া ছিলেন দেখিয়া আমি মৃদুহাস্য করিতাম। মনে মনে বলিতাম, ভ্রাতঃ! যাহাই করুন না কেন,—এ রত্ন-সত্তার লইয়া সওগাত দিতে যাইবেন কোথায়? দ্বার যে বন্ধ। গৃহে যে গৃহিণী, ধর্মে যে সহধর্মিণী, ভাবী বংশধরের যে জগনী, ভবিষ্যৎ আশা-ভরসার যে রক্ষয়িত্রী ও পালনকত্রী, তাহাকে সঙ্গে না লইলে আপনি গন্তব্য স্থানে পৌঁছিতে পারিবেন না! গরীবের কথা বাসি হইলে ফলে; আনার কথাও (১০।১২ বৎসরের) বাসি হইয়া ফলিয়াছে।

এখন মুসলমান সমাজ বুঝিয়াছেন, জীশিক্ষা ব্যতীত এ অধঃপতিত সমাজের উন্নতির আশা নাই। তাই তাঁহারা আর শুধু ভ্রাতৃসমাজ লইয়াই ব্যস্ত নহেন। চতুর্দিকে জীশিক্ষার আলোচনা হইতেছে ও জেলায় জেলায় গ্রামে গ্রামে বালিকা

বিদ্যালয় স্থাপিত হইতেছে। এখানে মুসলমান মহিলা সমিতি, সেখানে মহিলা ক্লাব প্রভৃতি নানাবিধ সদনুষ্ঠান আমাদের শ্রুতিগোচর ও নয়নগোচর হইতেছে। এমন কি, গত বর্ষের “অল্ ইণ্ডিয়া এডুকেশনাল কনফারেন্সের” অধিবেশনে পর্দানশীন মহিলাদের জন্য নির্দিষ্ট স্থান রাখিয়া তাঁহাদের নিমন্ত্রণ করা হইয়াছিল। ইহা দ্বারা প্রতিপন্ন হয় যে, ব্রাহ্মগণ এখন ভগিনীদের চিনিতে আরম্ভ করিয়াছেন। এখন তাঁহারা বুঝিয়াছেন. “না জাগিলে সব ভারত-ললনা” এ ভারত আর জাগিবে না।

সংগাত

১ম বর্ষ, ১ম খণ্ড, ১ম সংখ্যা,

অগ্রহায়ণ, ১৩২৫।

ঐ সুধাময় সঙ্গীত শ্রবণে পথিক রাত্রিজাগরণ-জনিত বেদনা ভুলিলেন। কেমন আনন্দানুভব করিলেন, তাহা বলিতে পারি না, তাহা কেবল অনুভবেরই জিনিস : যে অনুভব করিয়াছে, সেই বুঝে।

আমাদের পথিক ভাবিলেন, ঐ মসজিদে গিয়া আশ্রয় প্রার্থনা করিলে কেমন হয় ? তাঁহার সঙ্গে মাত্র একটি হ্যাণ্ডব্যাগ ছিল, স্নতরাং মসজিদে দুই এক দিন বাস করিতে কোন অসুবিধা ছিল না। তিনি মসজিদের দ্বারদেশে উপস্থিত হইলেন বটে, কিন্তু প্রবেশ করিতে সাহস পাইলেন না। একি ! তিনি অশ্রু বিসর্জন করিতেছেন যে। না, তিনি মসজিদে যাইবেন না। তিনি অসহায়ভাবে পথিপার্শ্বে বসিয়া পড়িলেন।

এই সময় তিন জন ব্রাহ্ম মহিলা ঐ পথে যাইতে যাইতে কি ভাবিয়া ঐ পথিকের নিকট দাঁড়াইলেন। এবার এ নিরাশ্রয় পথিক হৃদয়ের সমস্ত শক্তি সংগ্রহ করিয়া উঠিয়া দাঁড়াইলেন। মহিলাত্রয়কে নমস্কার করিয়া বিগীতভাবে বলিলেন,—

“আপনারা অনুগ্রহপূর্বক আমার একটু উপকার করিবেন কি ?”

প্রথম মহিলা। “উপকার ? কি করিতে হইবে বলুন, চেষ্টা করিয়া দেখি।”

“আমার ভগিনীকে আপনারা দুই এক সপ্তাহের জন্য স্থান দিবেন কি ? আমার অন্যত্র প্রয়োজন আছে। বাড়ীতে কেহই নাট। আপনারা তাহাকে দুই গপ্তাহ রাখুন, পরে আমি ফিরিয়া আসিয়া, যাহা হয়, করিব।”

প্রথম। আমাদের আপত্তি নাট : কিন্তু আপনার বাড়ী কোথা ? আপনি কে ? আমরা আপনার সম্পূর্ণ অপরিচিতা, তবু আমাদের নিকট আপনার ভগ্নীকে রাখিতে চাহেন, ইহার অর্থ কি ?

দ্বিতীয়া। আমরাও ত এখানে প্রবাসী—আমরা আচ্ছই কলিকাতায় চলিয়া যাইতেছি। আপনি স্থানীয় কোন লোকের বাড়ী চেষ্টা দেখুন।

পথিক অতি কাতরভাবে দীন-নয়নে তাহাদের দিকে চাহিয়া বলিলেন,—
“আপনারা কেবল দয়াধর্মের অমুর্তিই আমাকে—না, আমার কুমারী ভগ্নীকে আশ্রয় দান করুন !”

মহিলাত্রয় পরস্পরের মধ্যে পরামর্শ করিয়া বলিলেন, “আপনার ভগ্নীকে আমরা রাখিতাম, কিন্তু আমরা বাস্তবিক অদৃষ্ট কলিকাতা যাইতেছি।”

‘সেও কলিকাতায় যাইবে। আপনারদের বাসায় তাহাকে পৌছাইয়া দিই : রেল-ভাড়া সে নিজেই দিবে।’

প্রথম মহিলা । (সঙ্গিনীদের প্রতি) তোমাদের কি মত ?

দ্বিতীয়া । তোমার যাহা ইচ্ছা । আমার আপত্তি নাই । তবে পরের বাড়ী কি না—মিসিস্ সেনকে পূর্বে কিছু না বলিয়া একজন অপরিচিতাকে লইয়া হঠাৎ যাই কিরূপে ? কি বল বিভা ?

বিভা । আমার পরামর্শ এই—অ জ্ঞ আনরা যাই ; মিসিস্ সেনকে সব বলিয়া রাখিব । (পথিকের প্রতি) আগামী কল্যা আপনি সেখানে যাইবেন । এই নিম্ন, এই কাগজে আমাদের ঠিকানা লেখা আছে । আমাদের নিজের বাড়ী নয়—আমরা তারিণী-বিদ্যালয়ে কাজ করি । আপনার ভগিনী-সহ আপনি সেইখানে যাইবেন ।

তৃতীয় পরিচ্ছেদ

দীন-তারিণী

লক্ষপ্রতিষ্ঠ ব্যবস্টিচার তারিণীচরণ সেন অকালে দেহত্যাগ করিয়াছেন । তাঁহার পুত্র-কন্যা কেহই ছিল না : ছিলেন কেবল তাঁহার দ্বিতীয়পক্ষে সপ্তদশবর্ষীয়া তরুণী বিধবা দীন-তারিণী । তিনি চারি বৎসর পর্যন্ত বৈধবা-বহুণার সহিত নানাবিধ রোগ ভোগ করিলেন । অতঃপর কলিকাতার বিখ্যাত ডাক্তারগণ তাঁহাকে জ্বাব দিলেন । কিন্তু দীন-তারিণী মরিলেন না ।

দেবর-ভাণ্ডার প্রভৃতি আত্মীয়-স্বজনের ঈচ্ছার বিরুদ্ধে দীন-তারিণী একাটী বিধবা-আশ্রম স্থাপন করিলেন । আশ্রমের নাম রাখিলেন—‘তারিণী-ভবন’ । তারিণী-ভবনের শ্রীবৃদ্ধিতে উৎসাহিতা হইয়া তিনি একটা বিদ্যালয় খুলিলেন এবং ‘নারী-ক্লেশ নিবারণী সমিতি’ নামে একটা সভা গঠন করিলেন । তারিণী-ভবনের বিরাট অট্টালিকার একপ্রান্তে বালিকা-বিদ্যালয়, অপর প্রান্তে বিধবা-আশ্রম । কিন্তু ক্রমে তাঁহাকে তৎসংলগ্ন একটা আত্মব-আশ্রমও স্থাপন করিতে হইল ।

এইরূপে দীন-তারিণী শমন-ভবনের দ্বানদেশ হইতে প্রত্যগতা হইয়া বিরাট কার্যক্ষেত্রে নব-জীবন লাভ করিলেন । তাঁহার আত্মীয়-স্বজনগণ তাঁহার এই কর্ম-জীবনে সন্তুষ্ট হইলেন না । তাহারা বিরক্তই রহিলেন এবং তারিণী লক্ষ্যিক

টাকার অবথা শ্রদ্ধ করিতেছেন বলিয়া আক্ষেপ করিতেন আর তারিণীর কার্ভ-কলাপকে বিক্রয় করিতেন ।

যে বিধবার তিন কুলে কেহ নাই, সে কোথায় আশ্রয় পাইবে?—তারিণী-ভবনে । যে বালিকার কেহ নাই, সে কোথায় শিক্ষা লাভ করিবে?—তারিণী-বিদ্যালয়ে । যে সধবা স্বামীর পাশবিক অত্যাচারে চূর্ণ-বিচূর্ণ, জরাজীর্ণ হইয়া গৃহত্যাগ করিতে বাধ্য হয়, সে কোথায় গমন করিবে?—ঐ তারিণী-কর্মালায়ে । যে দরিদ্র দুরারোগ্য রোগে ভুগিতেছে, তাহারও আশ্রয়-স্থল ঐ তারিণী আতুরাশ্রম ।

দীন-তারিণী স্বীয় আত্মীয়-স্বজন কর্তৃক একরূপ 'সমাজচ্যুতা' হইয়া নির্জনে বাস করিতেন । কিন্তু 'নির্জন' বলিলে মিথ্যা বলা হয়, কারণ তারিণী-বিদ্যালয়ের সাধারণ ছাত্রী (ডে-স্কলার) ব্যতীত কেবল বোর্ডিং হাউসেই শতাধিক বালিকা বাস করে ; তদ্ব্যতীত তাহাদের শিক্ষয়িত্রী, 'মেট্রন', পরিচারিকা ইত্যাদি ত আছেই । তারিণী-ভবনেও লোকসংখ্যা অল্প নহে । ইহাতে তাহার আত্মীয়গণ বলিতেন, "তারিণী আর লোক পাইবে কোথায় ? কোন্ ভদ্র ঘরের বউ-ঝি তাহার নিকট যাইবে ? দেশের যত পতিতা স্ত্রীলোক, যত কুষ্ঠরোগী, যত সব নগণ্য অনাথ শিশু—তাদের লইয়াই ত তারিণীর সংসার !!" এবিধ মন্তব্য শ্রবণে তারিণী দুঃখিত না হইয়া বরং হাসিতেন । তিনি বলিতেন, "পর-সেবা করিবার মত সৌভাগ্য কি সকলের হয় ?"

দীন-তারিণী সেদিন সন্ধ্যার সময় বড় ব্যস্ত ছিলেন । বিদ্যালয়-সংক্রান্ত অনেক কাজের ভিড় । একজন কোচম্যান্কে কি কারণে সরকার বাবু প্রহার করিয়াছেন, সে নালিশের বিচার ! সেইদিন অপরাহ্নে ৫নং 'বাসের' ঝি বলিয়াছিল, "ওমা ! আমি আর খানার মেয়ে পোছাতে যাব না ! নেস্-পেটের বাবু বলেছেন, 'তোমাদের গাড়ী আটক দিব, আর কোচম্যান্কে ফটক দিব !' তারিণী জিজ্ঞাসা করিলেন, "কেন ?" —"সোড়ার পা খোঁড়া ।" তবে তুমি বলিও "ষোড়াকে আটক দিব, আর সইসকে ফটক দিব !" কিন্তু সন্ধ্যায় 'কলিকাতা পণ্ড-ক্লেস-নিবারণী সভা'র পত্র আসিয়াছে যে, ১ নম্বর এবং ৫ নম্বর 'বাস'-এর ষোড়া খোঁড়াইয়া চলে সেজন্য তাহার স্কুলের বিরুদ্ধে মোকদ্দমা করিবেন । দুইজন সইসের বিরুদ্ধে ষোড়ার দালা চুরির অভিযোগ । ৭নং 'বাস' গাড়ীখানা অপরাহ্নে ক্রিমের ধাক্কা চাংকা ভাঙ্গিয়া পড়িয়া গিয়াছিল—ইত্যাদি নানাবিধ গোলমালে তারিণী ভারি ব্যস্ত ছিলেন । এমন সময় মিস্ বিভা চক্রবর্তী সংবাদ দিলেন যে, নৈহাটা হইতে সেই অজানা মেয়ে-ন নৃষাটী আসিয়াছেন ।

তারিণী । তুমি আজ রাতে তাহাকে তারিণী-ভবনে রাখ, আমি এখন তাহার সংবাদ লইতে পারিব না । আগামী কল্য প্রভাতে সর্বপ্রথমে তোমাদেরই দরবার করা যাইবে । এখন যাও—আমি বড় ব্যস্ত ।

চতুর্থ পরিচ্ছেদ

তারিণী-ভবন

বিভা সিদ্ধিকাকে (সেই অপরিচিতা মহিলাকে) তারিণী-ভবনে লইয়া গেলেন ।

সাধারণতঃ 'তারিণী-ভবন' বলিতে তৎসলপ্ন বিদ্যালয়, কর্মালয় এবং আতুরাশ্রমও বুঝায় ।

বিদ্যালয়-বিভাগে ব্রাহ্ম, হিন্দু, খ্রীস্টান, শিক্ষয়িত্রী ত ছিলেনই । ক্রমশঃ মুসলমান ছাত্রীর সংখ্যা বৃদ্ধি হইলে তাহাদের ধর্মশিক্ষার জন্য দুই তিন জন মুসলমান শিক্ষয়িত্রীও নিযুক্ত করা হয় । কি সুন্দর সাম্য !—মুসলমান, হিন্দু, ব্রাহ্ম, খ্রীস্টান, সকলে যেন এক মাতৃ-গর্ভজাতা সহোদরার ন্যায় মিলিয়া মিশিয়া কার্য করিতেছেন ।

বিদ্যালয়ে গবর্নমেন্ট হইতে আর্থিক সাহায্য গ্রহণ করা হয় না । স্তরং বাধ্য হইয়া "সরকারী" পাঠ্য-পুস্তকের তালিকাভুক্ত কোন পুস্তক অধ্যয়ন কনান হয় না । দেশের স্বশিক্ষিতা মহিলাদের সহিত পরামর্শ করিয়া দীন-তারিণী নিজেই পাঠ্য-পুস্তক নির্বাচন করেন । ছাত্রীদিগকে দুই পাতা পড়িতে শিখাইয়া বিশ্ব-বিদ্যালয়ের ছাচে চালিয়া বিলাপিতাব পুস্তিকা গঠিত করা হয় না । বিজ্ঞান, সাহিত্য, ভূগোল, খগোল, ইতিহাস, অক্ষশাস্ত্র—সবই শিক্ষা দেওয়া হয়, কিন্তু শিক্ষার প্রণালী ভিন্ন । মিথ্যা ইতিহাস কণ্ঠস্থ করাইয়া তাহাদিগকে নিজের দেশ এবং দেশবাসীকে ঘৃণা করিতে শিক্ষা দেওয়া হয় না । নীতিশিক্ষা, ধর্মশিক্ষা, চরিত্র-গঠন প্রভৃতি বিষয়ে অধিক মনোযোগ দান করা হয় । বালিকাদিগকে অতি উচ্চ আদর্শের স্বকন্যা, সুগৃহিণী ও সুমাতা হইতে এবং দেশ ও ধর্মকে প্রাণের অধিক ভালবাসিতে শিক্ষা দেওয়া হয় । বিশেষতঃ তাহারা আশ্র-নির্ভরশীলা হয় এবং ভবিষ্যৎ-জীবনে যেন কাষ্টপুত্রলিকাভং পিতা, ভ্রাতা বা স্বামী-পুত্রের গলগ্রহ না হয়, এ বিষয়ে বিশেষ দৃষ্টি রাখা হয় ।

দেশের অতি অল্পসংখ্যক লোকই এ বিদ্যালয়ে অর্থসাহায্য করেন। বিশেষতঃ দেশীয় করদ ও মিত্ররাজ্যের রাজন্যবর্গের ভিক্ষা গ্রহণ করা হয় না।

আতুরাশ্রমে 'পথে পড়িয়া পাওয়া' নিঃসহায়, নিঃস্ব রোগী আশ্রয় পায়। আরোগ্য লাভ করিবার পর তাহারা চলিয়া যায়। কেবল কুষ্ঠ ও অক্ষম রোগী রহিয়া যায়।

আতুরাশ্রম বিভাগে অনেকেই অর্থসাহায্য করিয়া থাকেন, অনেক মুসলমান মহিলা গোপনে অর্থদান করেন। নাম প্রকাশে পুণ্য নষ্ট হওয়ার আশঙ্কায় এ দান-ক্রিয়া অতি গোপনে সম্পন্ন হয়।

'নারী-ক্লেশ-নিবারণী সমিতি'র সাহায্যে তারিণী-ভবনের অধিকাংশ ব্যয়-নির্বাহ হয়। অনেক মুসলমান মহিলা গোপনে এই সমিতির সভা হইয়াছেন। বৃদ্ধা ও রোগ-হেতু কার্য করিতে অক্ষম দরিদ্র বিধবা ও সধবাগণ তারিণী-ভবনে বাস করেন।

কর্মালয়ে কুমারী, সধবা, বিধবা.—সকল শ্রেণীর লোকই আছেন। তাহারা বিবিধ সূচিকর্ম করেন, চরকা কাটেন, হাতের তাঁতে কাপড় বোনেন, পুস্তক বাঁধাই করেন, নানাবিধ মিষ্টান্ন প্রস্তুত করিয়া বিক্রয় করেন। কেহ শিক্ষয়িত্রী-পদলাভের উপযোগী শিক্ষালাভ করেন; কেহ টাইপিং শিক্ষা করেন; কেহ রোগী-সেবা শিখেন। ফল কথা, এ বিভাগে রমণীগণ আপন আপন জীবিকা স্বয়ং উপার্জন করিয়া থাকেন। এই বিভাগে তারিণী-বিদ্যালয়ের জন্য শিক্ষয়িত্রী এবং আতুরাশ্রমের জন্য নার্স প্রস্তুত করা হয়। এতদ্ব্যতীত দেশের অন্যান্য হিতকর কার্য, যথা দুর্ভিক্ষ, বন্যা এবং মহামারী-পীড়িত লোকদের সাহায্য করিবার নিমিত্ত এই বিভাগ হইতে মহিলাগণ তুলা, বস্ত্র ও ঔষধ-বিতরণ এবং রোগী-সেবা করিতে গিয়া থাকেন।

সিদ্ধিকা কিয়ৎক্ষণ স্তম্ভিতভাবে দাঁড়াইয়া গৃহশোভা দেখিতে লাগিলেন। পরিষ্কার বরষার পাথরের মেজে; বিলাসিতার কোন সরঞ্জাম, যথা টেবিল, চেয়ার ইত্যাদি নাই; প্রত্যেক ভগিনীর জন্য এক একখানা শয্যা মাত্র। দেওয়ালে বড় একটা ঘড়ি নিয়মমত নিজের কার্য করিয়া যাইতেছে।

'ভগিনী'দের পোষাক সকলের প্রায় একই প্রকার: শ্বেতবস্ত্র শীঘ্র মলিন হয় বলিয়া এখানে তাহা ব্যবহার করা হয় না। সকলের পরিধানে নীলবর্ণ বা গৈরিক শাড়ী আর জামা। সভ্যতার পরিচায়ক জুতা, মোজা নাই। অলঙ্কারের আড়ম্বর কাহারও নাই; কাহারও কাহারও হাতে বালা কিংবা শাঁখা আছে

মাত্র। অহঙ্কার নাই, বিলাসিতা নাই—কেবলই যেন সরলতা ও উদারতায় ভূষিতা। যেন মুনিকন্যাগণ তপোবন ছাড়িয়া সংসারক্ষেত্রে আসিয়াছেন। তাঁহাদের এই নিরাভরণ বেশেই কত না রূপ! ‘ভগিনীগণ’ সকলেই যেন সাক্ষাৎ করুণা!

এখানে সকলেই বয়স বিচার না করিয়া পরস্পরে “তুমি” সম্বোধনে কথা বলেন। একে অপরকে ‘দি’ (দিদি) এবং মুসলমানদের ‘বু’ (বুবু অর্থাৎ ভগিনী) বলেন। কোরেশা পাটনার অধিবাসিনী, বাঙ্গলার ‘বু’র মর্ম বুঝেন না বলিয়া তাঁহাকে ‘বি’ বলা হয়। দীন-তারিণী সাধারণতঃ ‘মিসিস্ সেন’ নামে পরিচিতা। তাঁহাকে সকলে “আপনি” সম্বোধন করেন; তিনিও কয়েকজন মহিলা ব্যতীত অপর সকলকে “আপনি” বলিতেন।

বিভা নিম্নলিখিত মহিলাত্রয়ের সঙ্গে সিদ্ধিকার আলাপ করাইয়া দিলেন :

(১) চারুবালা দত্ত—চিরকুমারী, বয়স ৩৮ বৎসর।

(২) সৌদামিনী—সধবা, বয়স ৪৩ বৎসর; গৌরবর্ণা এবং সর্বাঙ্গসুন্দরী। বয়স অধিক হওয়াতেও লাভণ্য নষ্ট হয় নাই।

(৩) মিসিস্ হেলেন হরেস,—ইংরাজ মহিলা, বয়স ৪১ বৎসর। বিধবা বলিয়া পরিচিতা।

সিদ্ধিকা ইহাদের আদর-মস্ত্রে অত্যন্ত মুগ্ধ হইলেন : ডাবিলেন। এমন স্থান পাইলে স্বর্গেরও প্রয়োজন নাই। অত্যন্ত ক্লাস্তিবশতঃ সিদ্ধিকা নৈশ-ভোজনের পর অচিরে নিদ্রাভিভূত হইলেন। স্মৃতরাং ‘ভগিনীগণ’ ভালরূপে তাঁহার পরিচয় লইতে পারিলেন না।

বিদ্যালয়ের শিক্ষয়িত্রী এবং কর্মালয়ের ভগিনীদের বাসস্থান গম্বুজে পার্থক্য আছে। প্রথমোক্তাগণ প্রত্যেকে এক একটি স্বতন্ত্র কামরা পাইয়া থাকেন। আর তাঁহারা গৈরিকবাসা সন্ন্যাসিনীও নহেন। ‘ভগিনী’দের কাহারও স্বতন্ত্র কামরা নাই—বৃহৎ দালানে পাথরের মেজের উপর প্রত্যেকের স্বতন্ত্র শয্যা। একটা আলনা এবং একটি ট্রাঙ্ক আছে। সিদ্ধিকা এই কর্মালয়ে সৌদামিনীর শয্যায়া রাত্রিযাপন করিলেন।

পঞ্চম পরিচ্ছেদ

পদ্মরাগ

নিবিঘ্নে রজনী যাপন করিবার পর সিদ্ধিকা বেশ প্রফুল্ল হইলেন, এবং আপন স্বাভাবিক কাস্তি ফিরিয়া পাইলেন। প্রাতঃরাশের পর বিভা ও উষারাপী সিদ্ধিকাকে তারিণীর কক্ষে লইয়া গেলেন।

দীনতারিণীর সম্মুখে আনীতা হইয়া সিদ্ধিকা সলজ্জভাবে দাঁড়াইয়া রহিলেন। তিনি জিজ্ঞাসা করিলেন,—“তোমার নাম কি?”

—“সিদ্ধিকা।”

—“সিদ্ধিকা, না পদ্মরাগ? তুমি দেখিতে ঠিক পদ্মফুলের মত টুকটুকে। এখানে রাত্রে তোমার কোন কষ্ট হয় নাই ত?”

—“আজ্ঞে না, আমি বেশ আরামে ঘুমাইয়াছি। আপনার কাছে আশ্রয় পাইলে আবার কষ্ট কি?”

—“আহা! তুমি এমন কথা বলিও না। এ তোমার নিজের ঘর। এখানে তিনজন মুসলমান শিক্ষয়িত্রী আছেন, তুমি তাঁহাদের নিকট থাকিবে। কোন অসুবিধা হইলে আমাকে জানাইতে সঙ্কোচ করিও না। তোমাকে এখানে রাখিয়া তোমার ভাই কোথায় গেলেন?”

—“বিদেশে।”

—“তা বিদেশে গেলেনই ভগ্নীকে এখানে রাখিতে হইবে, ইহার কারণ কি?”

—“আমাদের বাড়ীতে আর কেহ নাই যে।”

—“বিভা! তোমাকে ইহার ভাই কি বলিয়া গেলেন?”

বিভা।—“আমি তাঁহাকে দেখিতে পাই নাই। আমি নীচে বাইবার পূর্বেই নাকি তিনি ইঁহাকে গাড়াতে ছাড়িয়া চলিয়া গিয়াছেন।”

—“তা বেশ লোক ত! কুমারী ভগ্নীকে একটা অপরিচিত স্থানে রাখিয়া গেলেন, অথচ সেখানকার লোককে দু’টি কথাও বলিয়া গেলেন না!”

বিভা।—“ইহাতে বুঝা যায়, আপনার প্রতি জনসাধারণের বিশ্বাস ও ভরসা যথেষ্ট আছে।”

তা ।—“কিন্তু তুমি কিরূপে বিশ্বাস করিলে যে, এই মেয়ে নৈহাটির সেই ভদ্রলোকের ভগ্নী ?”

সিদ্ধিকার মুখের দিকে চাহিয়া বিভা বলিলেন, “ইনি দেখিতে ঠিক তাঁহারই মতো মনে হয়, যেন জমজ-বাতা-ভগ্নী । আর আমি যে কাগজ-খণ্ডে ঠিকানা লিখিয়া দিয়াছিলাম, তাহাও ইঁহার নিকটই পাইলাম, আর যে হ্যাণ্ডব্যাগটা—”

উচ্চহাস্য করিয়া তারিণী বলিলেন, “বেশ ! বেশ ! আর পুন্যের পুন্যোজন নাই । তুমি ইঁহাকে তারিণী-ভবনে না দিয়া আপাততঃ কোনো শিক্ষয়িত্রীর কামরায় রাখ । তাহা হইলে, ইঁহাকে জাফরী খানমের জিন্দায় দিবে, না, কে'রেশা বি'র সঙ্গে রাখিবে ?”

—“কোরেশা বি'ই অধিক সভ্য-ভব্য ; আর তিনি নিজেই সিদ্ধিকাকে রাখিতে চাহিয়াছেন ।”

—“তা, এই যে কোরেশা বি'ও আসিয়াছেন । বেশ, এই নিন্, এ মেয়েটিকে পরম যত্ন রাখিবেন ।”

কোরেশা বিবি বলিলেন—“তাহা আর বলিতে ? আমি ত সেই জন্য আসিয়াছি । (সিদ্ধিকার প্রতি) আসুন, আপনার নাম কি ?”

বিভা । “মিসিস্ সেন উঁহার নাম রাখিয়াছেন—পদ্মরাগ !”

কোরেশা ।—“পদ্মরাজ' ? এ আবার কি নাম ?

তারিণী ।—“আপনি বিভার দুষ্টামী শুনিবেন না ; এ বিবির নাম সিদ্ধিকা খাতুন ।”

বিভা ।—“কোরেশা বি ! আপনি আমাদের বাংলা নামগুলির বড় লাজনা করেন ; আপনি পদ্মরাগকে বলিলেন, 'পদ্মরাজ' : আপনার এ ভারি অন্যায় ।”

মিসিস্ উষারানী চ্যাটাজি বলিলেন, “এ জন্য আর দুঃখ কেন ? তুমি প্রথম মুসলমান মেয়েদের নামগুলি কেনন বিকৃতভাবে উচ্চারণ করিতে,—রাসেখাকে ‘রসিকা’, আর শওকৎ আরাকে ‘শুকতারা’ বলিতে, তাহা কি ভুলিয়া গিয়াছ ?”

বিভা ।—“একদিন জা'ফরী খানমের সঙ্গে ঐ বিষয় লইয়া লাঠালাঠি হওয়ার উপক্রম হইয়াছিল, তাহাও মনে আছে : তা আমাদের কোরেশা বি বেশ ভালো বাঙ্গালা বলিতে পারেন ।”

উষা ।—“নয় ত কি ! এখনই তিনি আমাকে নিমন্ত্রণ করিয়া আসিয়াছেন যে, ‘আপনাকে চায় খাবেন’ !”

কোরেশা—(তারিণীর প্রতি মৃদুস্বরে) “কথাটি কি ঠিক বাঙ্গালা হয় নাই ?”

তারিণী ।—“তা সব ঠিক আছে ; আপনি ও বাঙ্গালীন্দের কথায় কান দিবেন না ।”

সাক্ষ্য উপাসনার পর উষারাণীর কামরায় কোরেশা ব্যতীত অপর শিক্ষয়িত্রীদের এবং কর্মালয়ের ‘ভগিনী’দের একটা সভা বসিল । আলোচ্য বিষয় ছিলেন—সিদ্ধিকা ।

জা’ফরী খানম বিজ্ঞতা ও বহুদর্শিতার সুরে বলিলেন, “কোনো ভদ্রলোকের কন্যা এভাবে কোথাও আইসে না ।”

চারুবালা ।—“যদি সহোদর ভ্রাতা সঙ্গে আনিয়া রাখিয়া যায় ?”

জা’ফরী ।—“ঐ কথাই ত বলিতেছি, কোন ভদ্রলোক এমন করে না ।”

উষা ।—“কোন একটা ব্যবস্থা-পুস্তকে এরূপ আছে কি, যাহাতে স্পষ্টাক্ষরে লেখা আছে,—‘ভদ্রলোক কেবল এই এই কাজ করে’ আর ‘এই কাজ করে না’ ?”

বিভা ।—“জ্ঞানাতন করিলেন দেখি ; ভদ্রলোকে প্রবঞ্চনা করা, মিথ্যা বলা, প্রতিজ্ঞাভঙ্গ করা ইত্যাদি সব দোষ কবিত্তে পারে ; আর পারে না কেবল কোন সম্ভ্রান্ত জায়গায় ভগ্নীকে রাখিতে ?”

চারু ।—“ভদ্রলোকে না করেন কি ? ডাকাতি, জুয়াচুরি, পরস্বাপহরণ, পঞ্চ ‘মকার’ আদি কোন পাপের লাইসেন্স তাঁহাদের নাই ?”

উষা ।—“যদি বিধবা নাসী-পিসির সর্বস্ব অপহরণ করিয়া তাহার হাতে কমণ্ডলু দিয়া পথে না বসাইলেন, তবে আর তিনি কিসের বনিয়াদী সম্ভ্রান্ত ভদ্রলোক ? তাহার হজ্জ, তীর্থ, পুণ্য সবই বৃথা ! যাক্ সে কথা । বলুন দেখি খানম সাহেবা, সিদ্ধিকাকে দেখিয়া কি ধারণা হয় ? কোনো কুলিমজুরের মেয়ে, সাওঁতাল না কোল ?”

জা’ফরী ।—“আমি ‘এন্মে কেয়াফা’ (মুখদর্শনে মানুষ-চেনা বিদ্যা) জানি না । তবে ভদ্রধরের মেয়ের মতো হাঁহার মুখশ্রীতে কোমলতা আছে ।

নলিনী ।—“বলি, খানম সাহেবা, আপনার লক্ষ্যেই ভদ্রলোকেরা কি কাজ করেন ?”

বিভা ।—“তাঁহারা গোর্গে আতর আর কাপড়ে ঘি মাখেন !”

জাফরী ।—“যাও বিওয়া (বিভা) দি ! আমি তোমার কথা শুনিতে চাই না ।”

সৌদামিনী ।—“অভাগিনী পদ্মরাগ নিশ্চয় সংসারের নির্মম পেষণে বাধ্য হইয়াই বৃশ্চ্যুত কলিকার ন্যায় এখানে আসিয়া পড়িয়াছে । সে যদি ভদ্র গৃহস্থের কন্যা নাও হয়, তবু আমরা তাহাকে ‘ভদ্র’ করিয়া লইব ।”

নলিনী ।—“তারিণী-কর্মানলয়-রূপ পরশ-পাখরের স্পর্শে সে সোনা হইয়া যাইবে ।”

উষা ।—“সোনা না হইয়া ‘পদ্মরাগ’ হইলেও আপত্তি নাই ।”

মর্ত্ত পরিচ্ছেদ

নিভান্ত একাকিনী

সিদ্ধিকা ৯১০ নাম হইতে তারিণী-কর্মানলে আছে, কিন্তু তাঁহার প্রকৃত পরিচয় এ পর্যন্ত কেহই জানিতে পারে নাই । তাঁহাকে ‘ভগিনী’গণ (তারিণী-কর্মানলেয় মহিলাগণ এবং বিদ্যালয়ের শিক্ষয়িত্রীগণ সাধারণতঃ ‘দরিদ্রের ভগ্নী’ নামে পরিচিতা, সংক্ষেপে তাই কেবল ‘ভগিনী’ বলা হয়) অনেক আদর করিয়া জিজ্ঞাসা করিলে তিনি হয় উঠিয়া পলাইতেন, নয়, কাঁদিয়া ফেলিয়া বলিতেন, “ক্ষমা করিবেন, আমি কিছুই বলিতে পারিব না—আমি নিভান্ত একাকিনী । জগতে আমার কেহ নাই” ।

আবার যদি প্রশ্ন হয়,—“তোমার বাড়ী কোথায় ?”

“আমার বাড়ী সর্বত্র—বিশেষতঃ তারিণী-ভবন” ।

এ দীর্ঘকালে সিদ্ধিকা কাহাকেও একখানি পত্র লিখেন নাই, তাঁহার নামেও কাহারও চিঠি-পত্র আইসে নাই । সুতরাং তাঁহার পরিচয় জানিবার কোন উপায় নাই । তাঁহার ভ্রাতা যে তাহাকে মাত্র দুই সপ্তাহের জন্য রাখিয়া গেলেন, তিনিও এযাবৎ একখানা পোস্টকার্ড দ্বারা ভগ্নীর সংবাদ জিজ্ঞাসা করেন নাই । আর সে ভ্রাতাকে তারিণী-ভবনের কোন লোকই দেখে নাই । সিদ্ধিকা হ্যাণ্ডব্যাগটিসহ গাড়ী হইতে অবতরণ করিয়া নিজেই গাড়ীর ভাড়া চুকাইয়া দিয়াছেন । পরে বিভা আসিলে, তাহার সহিত উপরে গিয়াছেন ; বাহা হউক,

কোন প্রকারেই তাঁহার প্রকৃত পরিচয় পাওয়া যাইত না। তিনি সর্বদা শ্রিয়মাণ থাকিতেন। “ভগিনী”গণ তাঁহাকে হাসাইবার জন্য অনেক প্রকার হাস্য-কৌতুক করিতেন কিন্তু তিনি অটল পর্বতের মত স্থির, গভীর। সময় সময় বৃদ্ধ কম্পাউণ্ডার ষ্ট্যান বাবু বলিতেন, “বাবা! অনেক দেখেছি—এমন মেয়ে দেখি নাই! এ যে সাক্ষাৎ পাষণীর মেয়ে পাষণী!!”

শিক্ষয়িত্রী এবং রোগী-সেবিকাগণ পরস্পরে সিদ্ধিকার সমালোচনা করিয়া বলিতেন,—“পদ্মরাগ কি সতাই মনুষ্য নহেন,—মানবের ভাষা বুঝেন না? কোন অজ্ঞাত স্বর্গ হইতে শাপত্রটা দেবী এখানে আগিয়াছেন কি? আহা! এমন শাপ কে দিয়াছে?”

“অথবা স্বর্গের দেবী পথ ভুলিয়া পৃথিবীতে আসিয়া পড়িয়াছেন। যেন সংসারের গতি মতি কিছু জানেন না।”

“তাই বটে; প্রভাতের স্নানমুখী পূর্ণশশীটির মত: কিবা শুকপ্রায় গোলাপ-মুকুলটির মত। আহা! কেন ওর গায় এত শীঘ্র সংসারের উত্তাপ লাগিল!”

“এ আশ্রমটি বেশ তাপদগ্ধ জীবনের দাঁড়াইবার স্থান হইয়াছে। দিদি, আমরা ত সংসারের নিষ্ঠুর নির্মমতায় চূর্ণ হইয়া সংসার ছাড়িয়া জুড়াইবার জন্য তারিণী-ভবনে আসিয়াছি। কিন্তু এ কিশোরী বালিকা সংসারের কি জানে যে, এই বয়সে সন্ন্যাসিনী হইতে আসিয়াছে?”

সোদামিনী। কি জানি ভগিনী, কাহার মনের ব্যথা কে বুঝিতে পারে? জান, অনেক জিনিস অকালেই পরিপক্ব হয়। ভেবে দেখ, আবার অনেক কলি অকালে শুকায়। এ বিশাল সংসার-সাকাশে ছোট বড় কত তারা—

নীরবে উদয় হয়, নীরবেই যায় অস্তাচলে;

কে তার হিসাব রাখে, কে রাখে সংবাদ?

নলিনী। হাঁ, সেই কবির বচন মনে পড়ে—

সাগরের স্নগভীর আঁধার গহবরে

উজ্জ্বল রতন কত রয়েছে লুকায়ে;

ফুটিয়া কুসুম কত বিজন প্রান্তরে

শুকায় সৌরভ তার বায়ুতে মিশায়ে।

সোদামিনী। তোমার রোগীর অবস্থা কিরূপ? আজ তুমি বোধ হয় একবারও তাহার নিকট যাও নাই।

দেখিলেন, তাঁহার কোন বিদ্যাই পয়সা উপার্জন করিবার উপযোগী যোগ্যতা লাভ করে নাই। অঙ্ক না জানার জন্য লেখাপড়া কাজে আসিল না। শেষে সেলাই করিতে চাহিলেন, তাহাতেও কাটা ছাঁটার হেঙ্গাম। অবশেষে স্থির হইল, তিনি দরিদ্র রোগীদের জামা, পর্দা, চাদরের মুড়ি, বালিশের ওয়াড় প্রভৃতি সেলাই করিবেন।

সেই দিন হইতে সিদ্ধিকা সর্বদা সুচ সুতা লইয়া ব্যস্ত থাকিতেন। অন্যান্য কার্যেও যথাসাধ্য যোগদান করিতেন। ঔষধের মিশ্রণ (mixture) প্রস্তুত করিতেন; পথ্য রাঁধিতেন। ছোট ছোট কার্য যাহা করিতে অন্য সেবিকাদের অবসর হইত না, তাহা সিদ্ধিকা করিতেন। কোন কার্যেই তাঁহার ঔদাস্য দেখা যায় না—কার্যে তিনি বড় মনোযোগী। রীতিমত অভ্যাস (practice) না থাকায় প্রথম প্রথম কোন কার্যই স্খচাক্ষুণ্যে করিতে পারিতেন না।

একদিন তারিণীর ‘আফিস’ কামরায় গিয়া কতিপয় মহিলাকে টাইপ (type) করিতে দেখিয়া সিদ্ধিকা ভাবিলেন, এ কাজটি বেশ সহজ। তিনি রাফিয়া বেগমের নিকটে গিয়া টাইপ করার ইচ্ছা প্রকাশ করায় তিনি প্রশ্ন করিলেন—“তুমি টাইপ করিতে পার?”

সি। কখনও করি নাই বটে, কিন্তু পারিব; দেখুন না—

কিন্তু তাঁহার টাইপ করা দেখিয়া সকলে হাসিয়া ফেলিলেন।

সিদ্ধিকা লজ্জা পাইয়া ভাবিতে লাগিলেন,—“ইংরাজী জানি; টাইপ-রাইটারের চাবিতে লিখিত অক্ষরও পড়িতে পারি, তবু আমার হাতের অঙ্গুলিগুলি ঠিক চলিল না কেন?” পরে তিনি যথাবিধি টাইপ শিক্ষা করিতে গিয়া দেখিলেন, (blind system অনুসারে) সামান্য দুই অক্ষরের একটি শব্দ, যথা “is” লিখিতে গেলেও একবার দক্ষিণ হস্তের অঙ্গুলি এবং পরে বাম হস্তের অঙ্গুলি ব্যবহার করিতে হয়।

যদিও দৈনন্দিন কার্যের অনুরোধে তারিণী-ভবনের সকল পুরুষ কর্মচারীদের সঙ্গে সর্বদা দেখা হইত, তবু সিদ্ধিকা তাঁহাদের নিকট স্পর্শিচিহ্ন ছিলেন না। সিদ্ধিকাকে মিতভাষিণী জানিয়া তাঁহার ইঁহার সঙ্গে অনাবশ্যক কথা বলিতে প্রয়াস পাইতেন না।

সন্ধ্যার সময় কার্য শেষ হইলে, রমণীগণ নদীতীরে বা মাঠে ভ্রমণ করিতে যাইতেন। প্রথম প্রথম সিদ্ধিকা তাঁহাদের সঙ্গে বাহির হইতেন না। পরে সকিনা ও নলিনী তাঁহাকে বলিয়া কহিয়া সঙ্গে লইতে লাগিলেন।

শরৎ নামক একটি বালক এখানে আতুরাশ্রমে আসিয়াছে। তাকে সিদ্ধিকা খুব যত্ন করিতে লাগিলেন। এই উপলক্ষে সিদ্ধিকা রোগী-সেবা শিক্ষা করেন। পূর্বে তিনি রোগী দেখিলে ভয় পাইতেন; শরৎ তাঁহাকে সেবার্ধর্ম শিক্ষা দিলেন। শরতের সেবা-শুশ্রূষার সময় সৌদামিনীর সহিত ঘনিষ্ঠতা বেশী হইল, কারণ সৌদামিনী শরৎকে প্রাণের সহিত ভালবাসিতেন।

সপ্তম পরিচ্ছেদ

রোগী

গ্রীষ্মাবকাশের সময় তারিণী-বিদ্যালয় বন্ধ হইলে কতিপয় শিক্ষয়িত্রী সমভিব্যাহারে তারিণী কারসিয়ঙ্গে আসিয়াছেন। কোরেশা এবং সিদ্ধিকাও আসিয়াছেন।

একদা অপরাহ্নে উঘারাণী, কোরেশা এবং সিদ্ধিকা একটা উপত্যকায় ভ্রমণ করিতেছিলেন। বোডিলন রোড ধরিয়া কিরিয়া আসিতে প্রায় রাত্রি হইল। বিভার মাতা পীড়িতা ছিলেন। তাঁহার জন্য ঔষধ লইয়া একটি ‘শর্ট-কাট্’ পথ দেখিয়া উষা বলিলেন,—“এই পথে চল, শিগ্গির যাওয়া যাইবে।”

‘শর্ট-কাট্’ পথে আসিতে আসিতে একটা ঝোপের নিকট মানুষের মত কি একটা জিনিসের উপর তাঁহাদের দৃষ্টি পড়িল। তাঁহারা কিঞ্চিৎ ইতস্ততঃ করিয়া ঝোপের মধ্যে প্রবেশ করিয়া দেখিলেন,—এ কি! সত্যই একজন মানুষ রুধিরাক্ত কলেবরে পড়িয়া আছে। ঝোপের তিতর জ্যেৎখালোক স্পষ্ট পৌঁছিতে পারে নাই, তাই কিছু অন্ধকার ছিল। তাঁহাদের শরীর কন্টকিত হইল! তাঁহারা ভাবিতে লাগিলেন, কি করা উচিত? উষা নাড়ী পরীক্ষা করিয়া দেখিলেন, মানুষটি এখনও জীবিত আছে—যত্ন করিলে বাঁচিতে পারে। কিন্তু যত্ন অতি শীঘ্র হওয়া আবশ্যিক।

হাসপাতাল এখান হইতে অনেকটা দূর, আর তাঁহাদের বঁসা অতি নিকটে। বিভা বলিলেন, “আপাততঃ আমরা ইঁহাকে বাসায় লইয়া গিয়া প্রাথমিক প্রতিবিধান (first-aid) করি, পরে যাহা হয়, করা যাইবে। কিন্তু মিস্‌সেন যদি বিরক্ত হ’ন।”

কোরেশা । তিনি নিশ্চয় বিরক্ত হইবেন না ; যদি হ'ন ত আমি তাঁহাকে বুঝাইয়া বলিব ।

উষা । মরণাপন্ন লোকের সাহায্যে মিসিস্ সেন আপত্তি করিবেন না । এখন তোমরা এখানে দাঁড়াও, আমি একটা 'ডাণ্ডি' লইয়া আসি ।

'ডাণ্ডি' শিবিকার ন্যায় বাহন বিশেষ । দুই বা তিন জন কুলি স্কন্ধে বহন করে । আমরা যে সময়ের কথা বলিতেছি, সে সময় দার্জিলিঙ্গে 'রিক্শ', অশু এবং 'ডাণ্ডি' ব্যতীত অপর কোন প্রকার বাহন ছিল না ।

সৌভাগ্যবশত: 'ডাণ্ডি' শীঘ্রই পাওয়া গেল ; তাঁহার মৃতপ্রায় লোকটিকে লইয়া বাসায় ফিরিলেন ।

* * * * *

তারিণী । স্ত্রীলোক হইলে আমার চিন্তা ছিল না । কিন্তু এ পুরুষ মানুষের যত্ন কে করিবে ? তোমরা জানই ত, আমার এখানে পুরুষ চাকর নাই বলিলে অত্যুক্তি হয় না ; বয়টা ছেলে মানুষ ; বেহারা ও পানিওয়ালা এ বাড়ীতে রাত্রিবাস করে না । একমাত্র বাবচি—সে ত রান্নাঘর ছাড়িয়া নড়িবার পাত্র নয় ।

কোরেশা । তা কি করা যাইবে ? এখন ত ইহাকে আনিয়া ফেলিয়াছি ।

তারিণী । তা বেশ, আপনারাই গুশ্রুষা করিবেন । আমি এ দায়িত্বের মধ্যে নই । বিভা ত খাটিষেই । কোরেশা-বি । আপনারও পর্দা করা চলিবে না—আপনি এ রোগীকে যথাবিধি দেখিবেন । আর পদ্মরাগ ।
তুমিও—

সিদ্ধিকা । আমি যে 'প্রাথমিক প্রতিবিধান' (first-aid) বা রোগী-সেবার কিছুই জানি না ।—

তারিণী । জান না—শিক্ষা কর । বিভা, যাও শিগ্গির । তোমার মাতাকে দেখিতে ডাক্তারবাবু আসিয়াছেন, তাঁহাকে ডাকিয়া এ বেচারাকে দেখাও ।

বিভা দ্রুতবেগে প্রস্থান করিলেন । তৎক্ষণাৎ ডাক্তারবাবু আসিলেন । কোরেশা গরম জল আনিতে রান্নাঘরে ছুটিলেন । উষা ডাক্তার বাবুকে রোগীর ক্ষত পরীক্ষায় সাহায্য করিতে অগ্রসর হইলেন, সিদ্ধিকা হরিকেন্ লঠন তুলিয়া আলো দেখাইতে লাগিলেন, পরিচারিকায় ঔষধ জল ইত্যাদি সম্মুখে বাড়াইয়া

দিতেছিল। আর তারিণী?—তিনি কিছু করিবেন না বলিয়াছিলেন, কিন্তু এখন পুরাতন বস্ত্রের ব্যাওজ প্রস্তুত করিয়া দিতেছিলেন।

* * * *

একটি কক্ষে একজন রোগী ঘুমাইতেছিলেন; তাঁহার শয্যার নিকট একটা চেয়ারে বসিয়া সিদ্দিকা একখানি বই দেখিতেছিলেন। বই দেখা হইতেছিল বটে, কিন্তু পড়া কত দূর হইল, বলা যায় না। তিনি জাগিয়া থাকিবার জন্য কখনও বই দেখিতেছিলেন, কখনও উন্মাদনা হইয়া উল্ বুনিতেন। কিন্তু কোন কাজই যে ঠিকমত হইতেছিল না, এ কথা বলাই বাহুল্য; কারণ তাঁহার চক্ষু দু'টি নিদ্রাভারাক্রান্ত ছিল।

একবার রোগী পার্শ্ব-পরিবর্তন করিয়া কাতরখনি করিয়া উঠিল। রোগীর জ্ঞান হওয়াতে সিদ্দিকা একটু আশ্বাসিত হইলেন।

রোগী ডাকিল,—“করিম বখশ্—ও করিম বখশ্—”

সিদ্দিকা রোগীর কথায় বিস্ময় প্রকাশ না করিয়া মৃদুস্বরে বলিলেন, “করিম বখশ্ ঘুমাইয়াছে।”

রোগী। তবে কি রাত হইয়াছে? কত রাত্রি হইবে?

সি। প্রায় তিনটা।

রো। তবে তুমি জাগিয়া আছ কেন? তুমি কে?

সি। আমি ‘দরিদ্র ভগিনী’, আপনি কিছু খাইবেন কি না তাহাই জানিতে আসিলাম।

রো। রফিকা। তুমি কখন আসিলে?

সি। আপনার পীড়ার সংবাদ শুনিয়া তিন দিন হইল, আসিয়াছি।

রো। আমি পীড়িত নাকি? ও। তাহাতে আমি উঠিতে পারি না, আমার সর্বক্ষে ভারী ব্যথা হইয়াছে।

“সেজন্য চিন্তা নাই, আম্মাহ্ চাহে আপনি শীঘ্রই আরোগ্যলাভ করিবেন।” এই বলিয়া সিদ্দিকা এক বাটী দুধ আনিয়া তাঁহাকে খাইতে দিলেন।

রোগী উঠিয়া বসিয়া চারিদিক নিরীক্ষণ করিয়া সবিস্ময়ে বলিলেন,—“এ কাহার বাড়ী? এ ত সে সেনিটেরিয়ম্ নয়।” সিদ্দিকার দিকে চাহিয়া বলিলেন, “আর কই, আপনিও ত রফিকা নহেন। অনুগ্রহ করিয়া বলুন দেখি, আমি এখানে কিরূপে আসিলাম?”

সি। সে কথা পরে বলিতেছি ; এখন আপনি বড় ক্লান্ত আছেন, এই দুধটুকু খান দেখি। আপনার কোন চিন্তা নাই।

রোগী আর বিরক্তি না করিয়া দুগ্ধ পান করিলেন। ইতিমধ্যে সেখানে নলিনী আসিলেন ; তাঁহাকে দেখিয়া সিদ্দিকা হাঁপ ছাড়িয়া বাঁচিলেন।

নলিনী পাশ করা নার্স ; তিনি সম্বোধনযোগী দুই-চারিটি মিষ্ট কথায় রোগীকে তুষ্ট করিলেন। অতঃপর সিদ্দিকার সাহায্যে তাঁহার ক্ষতস্থলে ঔষধ লাগাইয়া দিলেন।

রোগীকে যথাবিধি শয্যায় রাখিয়া নলিনী যাইতে চাহিলেন। সিদ্দিকা তাঁহার অঞ্চল ধরিয়া বলিলেন, —“একটু ব’স না, রাত ত আর বেশী নাই।”

নলিনী। তাই ত যাইতেছি, একটু ঘুমাইতে চেষ্টা করিব।

সিদ্দিকা। সে কি—তুমি জাগিয়াছিলে নাকি ? আজ ত—

নলিনী। হাঁ, আজ রাত্রে ত আমার কোন কাজ ছিল না ; কিন্তু পোড়া চক্ষে ঘুম নাই, তাই ঘুরিয়া বেড়াইতেছি। তোমাদেরও দেখিতে আসিলাম।

সি। আর আমার চক্ষে তোমাদের সকলের নিদ্রা আগিয়া সম্মিলিত হইয়াছে,—আমি যেন চক্ষু খুলিতেই পারি না। আমি তোমার মত জাগিতে পারি না কেন ?

নলিনী। অভ্যাস হইলেই পারিবে। এখন ছাড়—যাই।

তখন রজনী প্রভাত হইয়াছিল। সিদ্দিকা একটি জানালা খুলিয়া দেখিলেন, উষার রক্তিমচ্ছটায় আকাশনগল আরক্ত হইয়াছে। প্রভাত হইয়াছে শুনিয়া রোগী একবার চক্ষু উন্মীলন করিলেন, কিন্তু কিছু কহিলেন না। আবার পূর্ববৎ চক্ষু বুঁজিয়া রহিলেন।

আরও কত দিন এইরূপে অতিবাহিত হইল। এ পর্যন্ত কেহ রোগীকে নামটি পর্যন্ত জিজ্ঞাসা করে নাই। অভাগা রোগী নীরবে সবই দেখিতেন, শুনিতেন, স্বয়ং কিছু বলিতেন না। যেন কি গভীর চিন্তায় নিমগ্ন থাকিতেন। প্রতিদিন দেখেন—সেবিকা বদল হয়। আজ রাত্রে নলিনী জাগেন ত কাল রাত্রে সিদ্দিকা কিম্বা উষা জাগেন। রাত্রে যখনই তাঁহার নিদ্রাভঙ্গ হয়, তখনই দেখিতে পান, এক দেবীমূর্তি তাঁহার শয্যাপার্শ্বে উপবিষ্টা আছেন। তখন মনে করেন, ইহার যথার্থই “ভগিনী”। রফিকা কি এত যত্ন করিতে পারিত ?

একদিন অপরাহ্নে সিদ্দিকা তাঁহার নিকটে বসিয়া ক্রূশে কি বুনিতেছিলেন, সেই সময় রোগী জিজ্ঞাসা করিলেন,—“সত্য বলুন দেখি, আমি কোথায় ? এ কাহার বাড়ী ? আমি কি প্রকারে এখানে আসিয়াছি ?”

সি। আপনি কারসিয়ঙ্গে মিসিস্ সেন নাম্ণী এক ব্রাহ্ম মহিলার বাসায় আছেন। আমরা সকলে তাঁহারই বাসার লোক। আপনি বোর্ডিলন রোডের পার্থে একটি শর্টকাট রাস্তার ধারে আহত অবস্থায় পড়িয়াছিলেন, আমরা দেখিতে পাইয়া আপনাকে এখানে আনিয়াছি।

এমন সময় কে বাহির হইতে ডাকিল,—“সিদ্ধিকা, শুনে যাও !”

সিদ্ধিকা তৎক্ষণাৎ উঠিয়া গেলেন। রে'গীর সহিত আর কোন কথা হইল না। রোগী ভাবিলেন, ‘এ মেয়েটি তবে মুসলমান। ব্রাহ্ম-বাড়ীতে মুসলমান—এ কি প্রহেলিকা। যাক্—আমার কি?’

তারিণী আসিয়া দেখিলেন, রোগী অনেকটা সবল ও সুস্থ হইয়াছেন এবং উঠিয়া বসিয়াছেন। তিনি আনন্দ প্রকাশ করিয়া কুশল জিজ্ঞাসা করিলেন।

রোগী। আপনাকে সহস্র ধন্যবাদ। আপনাদের যত্নে আমি জীবন ফিরিয়া পাইলাম। এখন আমার মনে পড়ে, আমি কিরূপে আহত হইয়াছিলাম। আমি দার্জিলিং হইতে সেদিন কারসিয়ঙ্গে আসিয়াছিলাম; হোটেলের রাত্রিযাপন করিবার মানসে সন্ধ্যার পর বেড়াইতে বাহির হইয়াছিলাম। পথে তিন জন লোক আমাকে ধরিল। তাহারা আমার ঘড়ি, চেন, চশমা ইত্যাদি কাড়িয়া লইতে উদ্যত হইল। আমি ‘পুলিশ! পুলিশ!’ বলিয়া চীৎকার করায় তাহারা ছোঁরা ও লাঠির দ্বারা আমাকে আক্রমণ করিল, আমি অজ্ঞান হইয়া ভূতলশায়ী হইলাম। অতঃপর যাহা ঘটিয়াছে, তাহা আপনারাই জানেন।

তারিণী। অত্যধিক রক্তশ্রাব হওয়ায় আপনি মৃতপ্রায় হইয়াছিলেন। এখানে আনিবার পর আপনার অবস্থা এমন ভীষণ ছিল যে, আমরা আর আপনাকে কষ্ট দিয়া হাসপাতালে পাঠাইতে সাহস করি নাই। আমাদের প্রধান চিন্তা ছিল, আপনার প্রাণরক্ষা করা। যাহা হউক, আপনি কোন চিন্তা করিবেন না। আমরা আপনার ‘দরিদ্র ভগিনী’, আমাদের সাধ্যমত আপনার সেবা যত্ন করিব। আপনার নাম জিজ্ঞাসা করিতে পারি কি?

রোগী। ‘লতীফ আল্‌মাস্’। আপনাদিগকে কি বলিয়া ধন্যবাদ দিব, জানি না। মাতা, ভগিনীও এতটা যত্ন করিতে পারেন কি না সন্দেহ।

মিঃ লতীফ আল্‌মাসের যখন রোগের কিছু উপশম হইল, তখন আর ‘ভগিনী’গণ তাঁহার নিকট বড় একটা আসিতেন না। কেবল কম্পাউণ্ডার ঈশানবাবু দুই বেলা তাঁহার ক্ষত অঙ্গে প্রলেপ দিয়া যাইতেন। এইরূপে ঈশানবাবুর সঙ্গে লতীফের বেশ আলাপ হইল; তিনি ইঁহার নিকট ‘ভগিনী’দের

সংক্ষিপ্ত এবং দীনতারিণীর বিস্তৃত পরিচয় পাইলেন। তিনি কেবল সিদ্ধিকার পরিচয় দিতে পারিলেন না।

ল। আপনারা এরূপ অজ্ঞাতকুলশীলা স্ত্রীলোককে আশ্রয় দিতে সঙ্কুচিত হন না? হইতে পারে, তিনি খুন করিয়া আসিয়াছেন; হইতে পারে, তিনি নিতান্ত জঘন্য স্থান হইতে আসিয়াছেন।

ঈ। যিনিই যাহা করিয়া আসুন না কেন, আমাদের 'তারিণী-ভবন' গঙ্গা—ইহাতে এক ডুব দিলেই সকলে পবিত্র হইয়া যায়।

ঈশানবাবুকে সকলে 'ঈশান-দা' বলিয়া ডাকেন। লতীফও তাহাই বলিতে আরম্ভ করিলেন।

অষ্টম পরিচ্ছেদ

শরৎকুমার

শরৎকুমার নামক একটি ৯ বৎসরের বালক তারিণী-ভবনে আসিয়াছে। ধীরেন্দ্রবাবু অতি নিষ্ঠাবান ধার্মিক ব্রাহ্ম। পূর্বে তিনি ধনী লোক ছিলেন। কালের কুটিল আবর্তে এখন দরিদ্র হইয়াছেন। শরৎ এক বৎসর বয়সে মাতৃহীন হয়, স্ত্রীরাং পিতার বড় আদরের ধন। ধীরেন্দ্র বাবুর নিকট সমস্ত জগৎ—ঐশ্বর্য-বিভব একদিকে, আর শরৎ একা একদিকে। শরৎকে পাইয়া ধীরেন্দ্র ভাবিতে পারিতেন না যে, জগতে ইহার অপেক্ষা আরও কিছু মূল্যবান জিনিস আছে।

দুই বৎসর যাবৎ শরৎ ম্যালেরিয়া, প্লীহা প্রভৃতি কঠিন পীড়ায় ভুগিতেছে। ডাক্তারী, কবিরাজী, হাকিমী—সকল প্রকার চিকিৎসাই শরৎ অতিক্রম করিয়াছে। ধীরেন্দ্র আর ডাক্তার হাকিম বিশ্বাস করেন না।

হতভাগ্য ধীরেন্দ্রের বাড়ীতে কোন স্ত্রীলোক নাই—তাঁহার মাতা ভগ্নী ইত্যাদি কেহই নাই। দূর-সম্পর্কীয়া আত্মীয়গণ দরিদ্রের বাড়ী আলিবেন কেন? যাহার কপাল পোড়ে, তাহার বিপদও শতাধিক। ধীরেন্দ্র স্বয়ং দিবারাত্রি শরতের শুশ্রূষা করিয়া হতাশ ও ক্লান্ত হইয়া পড়িলেন। তিনি অবশেষে

অধিকতর ও যথোপযুক্ত সেবা-শুশ্রূষার আশায় শরৎকে তারিণী-আতুরাগ্রনে আনিয়া রাখিলেন। আশ্রমবাসিনীগণ যথাসাধ্য তাহার যত্ন করিতে লাগিলেন। শেষে বায়ু-পরিবর্তনের নিমিত্ত তাহাকে লইয়া কারসিয়ঙ্গে আসিলেন।

শরৎকে লইয়া তারিণীর আসিবার ৮ দিন পরে লতীফ আসিয়াছেন। তিনি ক্রমে আরোগ্যলাভ করিলেন।

লতীফ অনেকটা সুস্থ হইলেন; ধীরে ধীরে হাঁটতে পারেন। তিনি সময় সময় শরতের শয্যাপার্শ্বে আসিয়া বসিতেন। শরৎ এখন নিতান্ত শীর্ণ অবস্থায়। একদিন বাল-স্বভাবসুলভ হাস্যমুখে সে সৌদামিনীকে বলিল,—“পিসিমা! বাবা কখন আসিবেন?”

সৌদামিনী। তোমার বাবা ত এখনই গেলেন। আবার বাবাকে দেখিতে চাও কেন? আমাদের উপর বুদ্ধি তোমার নায়া নাই? বাবাই সব? বাবা আসিলে কি হয়?

শরৎ। বাবা ত কিছু করেন না, তবু বাবা আসিলে অসুখ সারে—জর কমিয়া যায়। আরও কত কি হয়। বাবাকে দেখিলে কত সুখ হয়।

সিদ্ধিকা। তবে তোমার বাবাকে ডাকিতে পাঠাই?

শ। না। এখন আর বাবাকে কষ্ট দিয়া কাজ নাই। বাবাকে বেশী কষ্ট দিলে ঈশুর বিরক্ত হইবেন।

ল। (ঈষৎ হাস্যে) তাও তুমি জান? আর কি জান?

শ। গান জানি। আপনারা গান শুনিবেন?

সৌ। না, তুমি এখন চুপ কর। বেশী কথা কহিলে তোমার কাশি বৃদ্ধি হয়, তাহাতে ঈশুর দুঃখিত হইবেন।

শ। আমি তবে কবিতা পাঠ করি?

সৌ। এখন না।

শ। আমার গান আপনাদের ভাল লাগে না?

নলিনী। ভাল ত লাগে, কিন্তু তোমার কষ্ট হয় যে। তুমি এখন একটু শূমাও দেখি।

শ। আমি একটু কষ্ট স্বীকার করিলে—কষ্ট করিয়া গান গাহিলে আপনাদের সুখী করিতে পারি, তবে সে কাজ করিব না কেন? মানুষ কয়দিনের জন্য? পরের জন্য কষ্টভোগ করিব না, তবে কি করিব?

লতীফ ডাবিলেন, এ বালক কে ?—এ যে মুত্তিমান প্রেম ! ধীরেন্দ্রবাবু এমন রত্ন কোন্ উপস্যার ফলে পাইয়াছেন ? তিনি বালকের তেজঃপূর্ণ উদার মুখমণ্ডল দেখিয়া মোহিত হইলেন ।

শরৎ এবার গান আরম্ভ করিল ; কিন্তু এক পদ গাহিতে না গাহিতেই কাশিতে কাশিতে অস্থির হইল । সোদামিনী বলিলেন, “তুমি কথা শুন না ; তুমি ভারি দুষ্ট ছেলে ! তোমার সব গুণ আছে, কেবল বাধ্যতা নাই ।”

শ । পিসিমা ! অবাধ্যতার শাস্তি যথেষ্ট হইল, আর কেন—(কাশি) ।

অত্যধিক দুর্বলতাবশতঃ শরৎ আর তাহার অতি সাধের গান “এই বিশ্বমাঝে যেখানে যা সাজে—” গাহিতে পারে না । তবু সময় সময় ভৈরবী বা বেহাগের গৎ আবৃত্তি করিত । নিশ্চক গভীর রজনীতে ঐ কণ্ঠে—ঐ শরৎকুমারের স্নমধুর কণ্ঠস্বরে সেই সাধারণ ‘সা-রে-গা-মা’ যে কত মধুর শুনাইত, তাহা যে শুনিয়াছে, সেই হৃদয়ঙ্গম করিয়াছে । স্বর্গীয় সঙ্গীত কি তাহা হইতে অধিক স্নন্দর ?

ক্রমে শরৎ বড়ই দুর্বল হইয়া পড়িল ; আর তাহার সঙ্গীতে রুচি নাই । যে সোদামিনী তাহাকে গাহিতে নিষেধ করিতেন, তিনিই এখন এক একবার মিনতি করিয়া বলেন,—“বাবা, একটি গান গাও ত ।” বাবা উত্তর করে, “না—ভাল লাগে না ।” সোদামিনী মুখ ফিরাইয়া নীরবে অশ্রুস্রোত চকরেন ।

১লা আষাঢ় তারিণী-বিদ্যালয়ের ছুটি শেষ হইবে বলিয়া কেবল সোদামিনী, নলিনী ও সকিনাকে লতীফ ও শরতের শুশ্রূষার জন্য তথায় রাখিয়া, অপর সকলকে লইয়া তারিণী কলিকাতায় গিয়াছেন । সিদ্ধিকা স্বয়ং স্নস্ত সবল নহেন বলিয়া তাঁহাকে ছাড়িয়া গেলেন । ঈশানবাবুও রহিলেন । এই কথা স্থির হইল যে, শরতের অবস্থা কিরূপ হয়, দেখিয়া, শ্রাবণ মাসের মাঝামাঝি অবশিষ্ট সকলে কলিকাতায় যাইবেন ।

সন্ধ্যার পর লতীফ আবার শরৎকে দেখিতে আসিলেন । তাহার আকর্ষণী-শক্তি এমনই প্রবল যে, কেহ তাহাকে ছাড়িয়া দূরে থাকিতে পারে না । এ সময় ধীরেন্দ্রও আসিয়াছিলেন । শরৎ ক্ষীণ ক্ষুদ্র বাহু দ্বারা পিতার কণ্ঠ বেষ্টন করিয়া বলিল, “কেমন আছ বাবা ? আজ তুমি হয়ত কিছু খাও নাই, তোমার মুখ শুকনো ।”

ধী । (পুত্রের মুখচুষন করিয়া) আমি বেশ আছি । আমার জন্য চিন্তা নাই । তুমি ভাল হইলে জীবন ফিরিয়া পাই ।

শ। বাবা, মরণ ত একদিন আছেই, তবে সে নাম শুনিলে তোমরা ভয় পাও কেন ? জীবন অন্নদিনের জন্য, মরণ ত চিরদিনের জন্য। তুমি আমাকে যত ভালবাস, সে ভালবাসা ঈশ্বরকে—

ধী। বাবা, চুপ কর। তোমার বক্তৃতা বন্ধ কর শরৎ ! বার বার ঐ কথা ! আর কোন কথা নাই ?

শ। অন্য কথা থাকিতে পারে, আমি জানি না। (ঈষৎ হাস্য) তুমিই না বলিয়াছ, ঈশ্বরকে সকলের অপেক্ষা অধিক ভালবাসিতে হয় ? তবে তুমি শরৎ—ক্ষুদ্র শরৎকে ঈশ্বরের চেয়ে বেশী ভালবাস কেন ?

ধী। তুমি চুপ করিবে না ? এখন একটু ঘুমাইবে না ? তবে আমি চলিলাম।

ধীরেধীরে গমনোদ্যত দেখিয়া শরৎ ডাকিয়া বলিল—“বাবা ! বাবা ! ফের ! তুমি রাগ কর কেন ? আর একদিনের জন্য এত মান অভিমান কেন ?” “আর এক দিনের জন্য”—কথাটা ধীরেধীরে তখন বুঝিতে পারেন নাই—পরদিন বুঝিলেন !!

অদ্য শরৎ বড়ই কাতর। কাশিতে কাশিতে মুচ্ছিতপ্রায়। সকলেই তাহার জন্য দুঃখিত। সৌদামিনী অত্যন্ত অবসন্ন হইয়া পড়িয়াছেন। তিনি যেন সে মৃত্যুর ছায়ায় আচ্ছন্ন মুখ আর দেখিতে পারেন না। সে দৃশ্য নিতান্তই অসহ্য ! শরৎ উদ্গ্রীব ছিল—পিতার জন্য ; যেন পিতা আসিলেই বিদায় লইয়া যাইতে পারে। হতভাগ্য পিতা আসিলেন। শরৎ অধীরভাবে বলিল, “বাবা ! আর বাঁচি না !”

ধী। বাবা ! তুমি অমন কথা বলিলে আমি বিবাগী হইয়া বনে যাইব। তুই ছাড়া আমার আর কে আছে ? আমার জগৎ আঁধার হইবে যে বাবা ! তাহা কি তুই বুঝিস্ না ?

আর শরৎ ‘আহাটি’ বলে নাই। সে জানে, তাহার জন্য তাহার পিতার কত কষ্ট হয়। তাই আর নিজের যত্নণা পিতাকে জানিতে দেয় নাই। নীরবে ছুটফুট করিয়া মরণ-যত্নণা সহ্য করিতেছিল। নিতান্ত অসহ্য হইলে শয্যায় পড়িয়া এ-পাশ ও-পাশ গড়াগড়ি করিত—কিন্তু ‘উঃ’ পর্যন্ত বলে নাই। কি মহতী সহিষ্ণুতা !! এ কি মানবে সম্ভবে ? মানব এমন ধৈর্য পাইবে কোথায় ?

তারপর ? তারপর আর কি—শরৎ পিতাকে কোলে লইতে ইচ্ছিত করিল, পাখির পিতার ক্রোড় হইতে বিশুপিতার ক্রোড়ে গিয়া অনন্ত বিশ্রাম লাভ

করিল ॥ শ্রাবণের মেঘ গভীর গর্জনে বৃষ্টির ছলে কাঁদিয়া ফেলিল ।—সমীরণ চিংকারস্বরে ‘হায় হায়’ বলিয়া উঠিল ॥ গগনে শশী তারা কিছুই নাই—জগৎ ঘোর অন্ধকার ॥

সৌদামিনী মুম্বাইয়া স্বপ্ন দেখিতেছিলেন যে, শরৎ যেন মরিতেছে । মৃত্যুকালে যেন সে তাহাকে বলিল,—“পিসিমা ! আমি এখনও মরি নাই—তোমারই জন্য অপেক্ষা করিতেছি ।” সৌদামিনী জাগিবা মাত্রই পাগলিনী-প্রায় মুক্তকেশে দৌড়িলেন । শরৎকে ডাকিলেন—শরৎ একটু চক্ষু খুলিল ; কিছু বলিল না—তখন তাহার বাক্শক্তি ছিল না । আবার চক্ষু দুইটি মুদ্রিত হইল । যাও সৌদামিনী ! আর কি দেখ ? এ তোমার শরৎ নহে, এ কেবল মৃন্ময় পুতুল মাত্র—তোমার শরৎ এখানে নাই—নাই ॥

* * * *

ধীরেন্দ্র সৌদামিনীর কনিষ্ঠ ভ্রাতা । সৌদামিনী চিনিয়াছিলেন, ধীরেন্দ্র চিনেন নাই । তিনি ১৭ বৎসর হইতে ভগিনীকে দেখেন নাই, স্মৃতরাং চেনা অসাধ্য । তীক্ষ্ণ বুদ্ধিমতী সৌদামিনী কথাবার্তায় ভ্রাতাকে চিনিয়াছেন, কিন্তু নিজের পরিচয় দেন নাই । শরৎকে দেখিয়া তিনি ভাবিলেন, ‘আপন’ বলিতে একটি লোক পাইয়া দঙ্কপ্রাণ জুড়াইবেন । কিন্তু পোড়া-কপালে তাহাও হইল না । সেই জন্য ভ্রাতাকে আর পরিচয় দিলেন না । কি জানি, ভাইটিকে ‘ভাই’ বলিয়া ডাকিলে যে আনন্দ হয়, তাহাতেও যদি বিধাতার হিংসা হয়, তাহার ফলে ভাইটিও যদি না থাকে ? তবে কাজ কি ? দঙ্ক-হৃদয়ের আঁগুন কণামাত্র নির্বাপিত করিবার চেষ্টা করাও বৃথা—জলুক হৃদয় তবে জলুক ! জলুক ॥

শরৎকুমারের মৃত্যুর পর ধীরেন্দ্র আর দেখা দেন নাই । কোথায় গিয়াছেন, আল্লাহ্ জানেন । যাও ধীরেন ! যোগী হইয়া গহন কাননে, হিমালয়ের কন্দরে কন্দরে শরতের অনুসন্ধান,—না, শরতের নির্মাতার অনুসন্ধান কর গিয়া ! নিষ্ঠুর জগৎ তোমাকে অন্যায়সে ভুলিয়া থাকিবে ।

নবম পরিচ্ছেদ

পরার্থপরতা

মানুষ সময় সময় কোন একটি জিনিসের প্রতি কেন যে আকৃষ্ট হয়, তাহা তাহারা নিজেই বুঝিতে পারে না। সেই অজ্ঞাত কারণটা কি? নতীফের পীড়ার সময় তিনি সর্বদা সিদ্ধিকাকে আপন শিয়রে উপবিষ্টা দেখিতে ইচ্ছা করিতেন। অন্যান্য ভগিনিগণ নানাপ্রকার গল্প পরিহাস দ্বারা তাঁহার রোগ-যন্ত্রণা লাঘব করিতে চেষ্টা করিতেন, আর সিদ্ধিকা কেবলই নীরবে বসিয়া থাকিতেন। নতীফ ঐ মৌনভাবই ভালবাসিতেন। এখন নতীফ অনেক পরিমাণে আরোগ্যলাভ করিয়াছেন, স্মৃতরাং সিদ্ধিকা আর নিকটে আসিয়া বসেন না।

এমন স্বর্গতুল্য স্থান ছাড়িয়া যাইতে নতীফের মনে একটু কষ্ট হইতেছিল; কিন্তু যাইতে হইবেই। শরতের জন্য 'ভগিনি'গণ শ্রাবণ মাসের ১৫ই পর্যন্ত অপেক্ষা করিতে ইচ্ছুক ছিলেন; কিন্তু শরৎ-কাহিনী শ্রাবণের প্রথম সপ্তাহেই শেষ হইয়াছে। 'ভগিনি'গণ এখন কলিকাতা যাইতে প্রস্তুত হইতেছেন; তাঁহারা কেবল নতীফের গৃহ-গমনের প্রতীক্ষা করিতেছেন। নতীফ হিসাব করিয়া দেখিলেন, তাঁহার পাথের ইত্যাদিতে ২৫০ টাকার কম লাগিবে না। কাপড় দুই এক যোড়া প্রস্তুত করিতে হইবে। আশ্রমে তাঁহার জন্য যে ব্যয় হইয়াছে, তাহাও শোধ করা উচিত, কারণ তাঁহার ন্যায় বিশিষ্ট লোকে আতুরাশ্রমের দান গ্রহণ করিলে দান দিবে কে? তিনি ৩০০ টাকা পাঠাইবার জন্য বাড়ীতে চিঠি লিখিলেন।

যথাসময় নতীফের পত্রের উত্তর আসিল। পত্রখানি রমণীর কোমল হস্তলিখিত ছিল বটে, কিন্তু ভাষার কোমলতায় নতীফ সজ্ঞাটী অনুভব করিতে পারিলেন না। পত্রের মর্ম এই :

“তোমার পত্রে জানা যায় যে, একদল দস্যু তোমার সর্বস্ব অগহরণ করিয়াছে; এবং দুই মাস তুমি পীড়িত থাকায় আমাদের পত্র লিখিতে পার নাই। কিন্তু তোমার সঙ্গী এখানে আসিয়া আমাদের জানাইয়াছেন যে, দস্যুগণ তোমাকে হত্যা করিয়াছে। তিনি তোমার জিনিস-পত্র ফেরৎ আনিয়াছেন। স্মৃতরাং তোমার চিঠি দেখিয়া সন্দেহ হয় যে, আর কেহ তোমার হস্তাক্ষর জাল করিয়া টাকার জন্য লিখিয়াছে। আমরা তোমাকে স্বচক্ষে না দেখিলে, তুমি বাঁচিয়া

আছ বলিয়া বিশ্বাস করিব না। আমি ভাইকে এ বিষয় লিখিয়াছি। তিনি তোমাকে দেখিতে যাইবেন, তাঁহার সঙ্গেই তুমি আসিও।”

লতীফ পত্রখানি ছিঁড়িয়া খণ্ড খণ্ড করিলেন। কি পাগল, এমন কথা শুনিলে কাহার না রাগ হয়? সালেহার কোন কাজ করিবারই যোগ্যতা নাই; সন্দেহ যে করিবেন, সে সন্দেহ করিবার যোগ্যতাও তাঁহার নাই। লতীফ ভাবিতে লাগিলেন, এখন কি করি? টাকা না পাইলে গৃহে গমন করি কি করিয়া? এমন সময় মৃদু পদ-বিক্ষেপে সোদামিনী তথায় উপস্থিত হইলেন।

সোদামিনীকে দেখিয়া লতীফের মনে কেমন যেন একটু আনন্দ-সঞ্চার হইল। যেন নিরাশার মেঘ ঘনীভূত হইতেছিল, হঠাৎ আশা-সোদামিনী দেখা দিলেন। লতীফের হস্তে ছিন্ন পত্রখণ্ড দেখিয়া জিজ্ঞাসা করিলেন, “বাড়ীর চিঠি মি: আলমাস্? কি খবর? সকলে ভাল আছেন ত?”

ল। ভাল ত আছেন।

সৌ। তবে কিসের ভাবনা?

ল। কই, ভাবনা ত নাই।

সৌ। কিন্তু আপনি যে ভাল সংবাদ পান নাই, এ-কথা নিশ্চিত। অন্ততঃ আশানুরূপ সম্ভাষণক উত্তর পান নাই।

ল। আপনার কথাই ঠিক। আমি কিন্তু চিন্তান্বিত নহি।

সৌ। আপনি চিন্তান্বিত না হইতে পারেন, কিন্তু রাগান্বিত হইয়াছেন।

ল। (লজ্জিতভাবে) আপনি দেবী, আপনার নিকট কিছু গোপন করিবার চেষ্টা বিভ্রম না মাত্র। সত্যই আমার রাগ হইয়াছে। আমি টাকা চাহিয়াছিলাম, তাহা পাঠাইবেন না। আমার টাকা আমিই পাইব না।

সৌ। সেজন্য দুঃখ কেন? আপনি যত টাকা প্রয়োজন, ধার লইতে পারেন, সুবিধামত শোধ করিবেন।

ল। আমাকে এখানে কে চিনে যে টাকা ধার দিবে?

সৌ। আমরা দিব। উপস্থিত আগাদের কয় ভগিনীর হাতে যত টাকা আছে, তাহাতে না কুলাইলে, মিসিস্ সেনকে লিখিয়া তারিণী-ভবন হইতে টাকা আনাইব। আপনার কত টাকার দরকার?

লতীফ বিস্ময়ে মগ্ন হইলেন। টাকা এমন জিনিস—সেই টাকা এ অজ্ঞাতা রমণীগণ তাঁহাকে বিশ্বাস করিয়া দিতে প্রস্তুত। আর তাঁহার স্ত্রী ৩০০ না হউক, অন্ততঃ ৫০টি টাকাও পাঠাইতে সাহস করেন নাই। লতীফ সকৃতজ্ঞ স্বরে

বলিলেন, “ভগিনী! আমি আপনাদের দয়ায় ডুবিয়া আছি। বাস্তবিক আপনাদের অতি-অনুগ্রহে আমি লজ্জিত হই। আমি আপনাদের এত দয়া স্নেহের যোগ্য নহি। আমি পাথের অভাবে বাড়ী যাইতে পারিতেছি না। আপাততঃ ১০০ টাকা হইলেই হইবে।”

সন্ধ্যার সময় ভগিনিগণ বাগানে বসিয়াছিলেন। সমস্ত দিনের বৃষ্টির পর আকাশ এখন কিঞ্চিৎ মেঘমুক্ত ছিল। দশমীর শশী প্রাণ খুলিয়া তারাকুমারীদের সঙ্গে হাস্যামোদ করিতেছিল। তাহার রূপের ছটায় ধরণী রজতশ্রোতে ভাসিতেছিল। এক একবার একখণ্ড মেঘ আগিয়া স্খাঙ্করকে চাকিয়া কৌতুক দেখিতেছিল। সিদ্ধিকা এক কোণে বসিয়া ঐ গগনে অলকমালার লুকোচুরি, চারুচন্দ্রমা ও নক্ষত্রের সমাবেশ সমালোচনা করিতেছিলেন। এমন সময় লতীফ ও সৌদামিনী তথায় উপস্থিত হইলেন। সৌদামিনী সেকৌতুকে বলিলেন, “কি সিদ্ধিকা! তারা গণিতেছ নাকি?”

সি। (সচকিতে উঠিয়া দাঁড়াইয়া) কি দিদি! তুমি কিছু বলিতে চাও?

সৌ। হাঁ, মিঃ আলমাস্ বাড়ী যাইবেন, কিন্তু অন্যত্র টাকার যোগাড় হয় নাই; স্নতরাং আমরাগকে চাঁদা তুলিয়া তাঁহার পাথের ধার দিতে হইবে। অন্ততঃ ১০০ টাকার প্রয়োজন। তুমি কত টাকা দিতে পার?

সি। আমি মাত্র ৫০ কি ৬০ দিতে পারি।

সৌ। দেখুন মিঃ আলমাস্, আপনার ৬০ টাকা হইল।

লতীফের অপরিমিত কৃতজ্ঞতা তাঁহার মুখ দেখিয়াই বুঝা গেল। সে নীরব কৃতজ্ঞতার ভাষা সিদ্ধিকা এবং সৌদামিনী বুঝিলেন।

পরদিন প্রাতঃরাশের পর সৌদামিনী সিদ্ধিকাকে টাকা দিতে বলিলেন। সিদ্ধিকা টাকা আনিবার জন্য উঠিয়া গেলে লতীফ তাঁহার সঙ্গে চলিলেন।

সিদ্ধিকা একটি একটি করিয়া ৬০টি টাকা লতীফের হস্তে গণিয়া দিলেন। লতীফ ভাবিতেছিলেন,—যদি স্বর্গ নামে কোন স্থান থাকে তবে এই স্বর্গ! ইহারা কেমন সরল লোক; টাকা কাহাকে দিতেছেন,—এ টাকা ফিরিয়া পাইবেন কি না সে বিষয় একটু চিন্তাও করেন না। তিনি মুগ্ধনেত্রে অর্ধদাত্রীর হাত দুইটি দেখিতেছিলেন—সে হাত কেমন স্বাধীন। সিদ্ধিকা সস্নেহ কোমল-স্বরে বলিলেন, “আর আপনার কত টাকার প্রয়োজন?”

ল। যদি পারেন ত ১০০ টাকা পুরণ করিয়া দিলে বাঞ্ছিত হইব।

সি। আমার যাহা ছিল, সব দিয়াছি; বাকী টাকা অপর ভগিনীরা দিবেন।

‘আমার যাহা ছিল সব দিয়াছি’ কথাটা লতীফের হৃদয়ে গিয়া বাজিল। যে ভাবে, যে অপরূপভাবে কথাটা বাজিল, সেরূপ বাজা উচিত ছিল না! কারণ তাঁহার যে সালেহা আছেন। তিনি বজার মুখপানে চাহিলেন,—সে মুখ দেখিয়া কিছু অর্থ বুঝা গেল না—সে মুখ কেবলই দেবতুল্য স্নন্দর, সদয়, সরল। লতীফ নীরবে দীর্ঘনিঃশ্বাস ত্যাগ করিলেন। আশ্বস্বরূপ করিয়া বলিলেন, “আপনার স্মৃবিধার জন্য কিছু টাকা রাখিলেন না?”

সি। আমার কোন অস্মৃবিধা হইবে না, আপনি সেজন্য ভাবিবেন না।

(নলিনীর প্রবেশ)

নলিনী-দি! তোমার ভাগের চাঁদার টাকা দিলে না?

চঞ্চলস্বভাবা বাচাল নলিনী বলিলেন, “দিব বই কি, তবে আমাদের ‘পথে কুড়ান ভাইটি’ এখন দেশে চলিলেন; জানি না, আবার কবে দেখা হইবে।”

লতীফ। আপনারা দয়া করিয়া স্মরণ রাখিলেই দেখা হইতে পারে। দুঃখের বিষয়, আমি কলিকাতায় প্র্যাক্টিস্ করি না। (লতীফ একজন উদীয়মান ব্যারিস্টার এবং অবস্থাপন্ন জমিদার।)

নলিনী স্কিনা খানমকে ডাকিয়া বলিলেন, “আমার বাক্স খুলিয়া দশটি টাকা আনিয়া দাও ত দিদি। এই যে চাৰি—”

স্কিনা ২০ টাকা আনিয়া নলিনীর হস্তে দিলেন। নলিনী টাকা গণিয়া বলিলেন, “দশ বেশী কেন?”

স। চাঁদার টাকা দিবার অধিকার কি আর কাহারও নাই? আমি গরীব মানুষ, বেশী দিতে পারিলাম না।

ল। (সস্বতঃস্বরে) আপনাদের সৌজন্য দেখিয়া আমার হিংসা হয়,—আমিও কেন আপনাদের মত তারিণী-ভবনের একজন ‘ভগিনী’ হই নাই!

ন। এক ছোড়া চুড়ি আর একখানা গৈরিক শাড়ী পরিলেই ত ‘ভগিনী’ হইতে পারেন!

স। খোদাতালার সৃষ্টিজগতের সর্বশ্রেষ্ঠ জীব পুরুষ হইয়াছেন, ইহা অপেক্ষা আর কি বাঞ্ছনীয়? লেডী ডাক্তার নলিনীর ব্যবস্থা অনুসারে ঐ শাড়ী ও চুড়ি ছোড়াই কি বড়?

(ঈশান বাবুর প্রবেশ)

ঈশান । স্মৃষ্টি সম্বন্ধে কি কথা হইতেছে ?

ন । মিঃ আলবাস্ মেয়ে মানুষ হন নাই বলিয়া আক্ষেপ করেন ।

ল । যে-সে মেয়ে ত নহে, আপনাদের ন্যায় দেববালা হওয়া অবশ্য বাঞ্ছনীয় ।

ঈ । অবশ্য । (ভগিনীত্রয়ের প্রতি অঙ্গুলী নির্দেশ করিয়া নভীফের প্রতি)
কিন্তু ইঁহারা কোথা হইতে আসিয়াছেন, তাহা আপনি জানেন কি ?

ল । না ।

ঈ । তবে শুনুন :—

“দুঃখীদের রোদনের ধ্বনি
একদা পশিল গিয়া স্বরগ-দুয়ারে ।
জগদীশ সদয় হইয়া
পুষ্পবৃষ্টি করিলেন তাহাদের 'পরে ।
স্বরগের বিচিত্র স্মরণ
ফুলদল ধরাতলে পতিত হইল ;
ইতস্ততঃ যে যেখানে পায়—
মানুষের উপবনে ফুটিয়া উঠিল ।
মানুষেরা নিতান্ত পামর,
আদর করিতে ফুলে নাহি ভালবাসে ।
ফুলগণ কহিল বিধিরে,
“মোদের পাঠালে কেন মানব-আবাসে ?”
তাই প্রভু দয়ার সাগর
স্বর্গচ্যুত ফুল ল'য়ে গাঁথিলেন মালা ।
তদবধি তারিণী-ভবনে
‘দরিদ্র-ভগিনী’ নামে রহে স্মরণবালা ।”

ল । ঈশান-দা, আপনি চমৎকার কবি । আমি মনে করিতাম, ‘বেরিয়াম্ সাল্‌ফেট্’ ও ‘বেরিয়াম্ সাল্‌ফাইড্’*এর পার্থক্য-চিন্তায় যে মস্তিষ্ক অহরহ ব্যস্ত থাকে, সে আর অন্য বিষয় ভাবিবার অবসর পায় না ; এখন দেখি, বিবিধ ঔষধের শিলির সঙ্গে এক শিশি ‘সাল্‌ফেট্ অব্ কবিত্ব’ও থাকে ।

* বেরিয়াম্ সাল্‌ফেট্ বলকারক ঔষধ বিশেষ আর বেরিয়াম্ সাল্‌ফাইড্ হলাহল বিষ ।

ঈ । তা থাকিবে বই কি । কম্পাউণ্ডারকে সকল প্রকার ঔষধই নাড়াচাড়া করিতে হয় । বিশেষতঃ আমাদের মিসিস্ সেন যেখানেই যান, হাসপাতাল তাঁহার সঙ্গে যায় । নার্স নলিনী এবং আমি আপনার শুশ্রূষার জন্য আহুত হইয়াছি । আমাদের সঙ্গে একটা 'ডিসপেনসরী বক্স'ও আনিয়াছে ।

এমন সময় সৌদামিনী আসিয়া বলিলেন, “কিসের আলোচনা হইতেছে ?”

ঈ । কিছু না, দিদি । অদ্য ডাক্তারের ব্যবস্থানুসারে মিঃ আলমাস্কে একমাত্রা 'বাই-কার্বনেট অফ কবিতা' দিলাম ।

সৌ । তা বেশ করিয়াছেন । টাকা পাইলেন মিঃ আলমাস্ ?

ল । হাঁ, ৮০ টাকা পাইলাম ।

সৌ । বেশ, বাকী ২০ টাকাও পাইবেন ।

বিদায়ের দিন লতীফ অতি প্রত্যুষে জাগিলেন ; জাগিবা মাত্র তাঁহার কর্ণে দূরাগত সঙ্গীত-স্বনি প্রবেশ করিল । তিনি অত্যন্ত সঙ্গীতপ্রিয়, স্মৃতির সঙ্গীতের রাগ লয় চিনিলেন—মধুর ভৈরবী রাগিণী । আর ঘরে তিষ্ঠিতে পারিলেন না—সেই হারমোনিয়মের সুর লক্ষ্য করিয়া অগ্রসর হইলেন । অদ্য তাঁহার বিদায়ের দিন—

তাই কি দেবতাগণ (স্বরগপুরে)

গাহিছে বিদায়-গীতি করুণ সুরে ?

তিনি বাহির হইয়া জনৈক চাকরানীকে জিজ্ঞাসা করিয়া জানিলেন,—সিদ্ধিকা হারমোনিয়ম বাজাইতেছেন । তিনি কান পাতিয়া আশা করিলেন যে, গায়িকার কণ্ঠস্বরও শুনিবেন ; কিন্তু তাহা ভাগ্যে ঘটিল না । ক্রমে সঙ্গীত ধামিল । গায়িকা কি হৃদয়ের গভীর বেদনা এই সঙ্গীতরূপে বাতাসে মিশাইয়া অনন্ত আকাশে ঢালিতেছেন ? তাঁহার প্রাণটা গলিয়া তরল হইয়া ঐ সঙ্গীতস্রোতে ডাসিয়া যাইতেছিল কি ? না, এ কেবল তাঁহাদের প্রাত্যহিক প্রাতঃসঙ্গীত ?

লতীফ মধ্যাহ্নে সকলের নিকট বিদায় লইলেন । সকলেই নানা প্রকার স্নেহসূচক ভাষায় তাঁহাকে পত্র লিখিতে অনুরোধ করিলেন । কেবল সিদ্ধিকা একটিও কথা বলেন নাই । লতীফ ভাবিলেন, “তিনি পাষণ-প্রতিমা !”

দশম পরিচ্ছেদ

গৃহ-জীবন

লতীফ বাড়ী যাইবার চিন্তায় সুখী হন নাই। লোকে বিদেশ হইতে গৃহে যাইতে যেরূপ আনন্দিত হয়, লতীফ তরুণ আক্লাদে আত্মহার্য হন নাই— বরং বিষাদপূর্ণ হৃদয়ে গৃহে প্রত্যাগমন করিলেন। গৃহে যাইতে বিষাদ কেন? গৃহে কি শান্তি নাই? শান্তি নাই বলিয়াই ত এ গৃহযাত্রা—শুভযাত্রায় আনন্দ নাই।

লতীফ শৈশবে পিতৃহীন হইয়াছেন। পিতামহ বর্তমানে পিতার মৃত্যু হওয়ায় তিনি ও তাঁহার ডগিনীদয় রশীদা ও রফীকা সম্পত্তির অংশে বঞ্চিত হইলেন। পিতামহের মৃত্যু হইলে পর তাঁহার জ্যেষ্ঠতাত হাজী হবীব আলম জমিদারীর উত্তরাধিকারী হইলেন। তিনি বিধবা ভাদ্রবধু ও তাঁহার শিশু দুইটিকে প্রতিপালন করিতে লাগিলেন। লতীফের মাতা অতিশয় বুদ্ধিমতী রমণী ছিলেন; তিনি দেখিলেন, মুষ্টিঅন্ন ত যথাবিধি লাভ হইতেছে, কিন্তু লতীফের সুশিক্ষার কোন ব্যবস্থা হইতেছে না। তিনি দাসীর অধম হইয়া ভাস্কর-পত্নীর মনোরঞ্জন করিতে লাগিলেন; তাহার ফলে তিনি (ভাস্কর-পত্নী) স্বামীকে বলিয়া কহিয়া লতীফকে স্থলে ভতি করিয়া দিলেন।

লতীফ ক্লাসের পর ক্লাস উল্লম্বন করিয়া ২২ বৎসর বয়সে এম. এ. পাশ করিয়া ফেলিলেন। এই সময় তাঁহার মাতা স্বীয় জ্যেষ্ঠা কন্যা রশীদার ননদের সহিত লতীফের এবং অন্যত্র রফীকার বিবাহের সম্বন্ধ ঠিক করিলেন। রফীকার বিবাহ হইয়া গেল, কিন্তু লতীফের তিন বৎসর পরে বিবাহ হওয়ার শর্তে কেবল “আকৃদ্বন্দ্ব” হইয়া রহিল।*

অতঃপর লতীফ পিতৃব্যের অনুগ্রহে ইংলণ্ড গেলেন। তথা হইতে তিন বৎসর পরে ব্যারিস্টার হইয়া ফিরিলেন।

হাজী হবীব আলম অত্যন্ত জমিদারী-পিপাসু ছিলেন। তিনি দেখিলেন, ‘লতীফ ব্যারিস্টার’ কন্যাদায়গ্রন্থ লোকদের জন্য বেশ একটি মনোরম ‘প্রলোভন’। তাঁহার জন্মেকা আত্মীয় একমাত্র কন্যা লইয়া বিধবা হইয়াছেন, এই কন্যাটিকে হস্তগত করিলে বিধবার সম্পত্তিও করায়ত্ত হয়। কিন্তু বোকা লতীফ সহজে

* প্রচলিত ভাষায় বলা যাইতে পারে যে, লতীফের ভাবীপত্নী ‘বাগ্দত্তা হইয়া রহিলেন।

দ্বিতীয় বিবাহে সম্মত হইবার পাত্র নহেন। এই জন্য তিনি রশীদার স্বামীর সঙ্গে এক 'চাল' চালিলেন। জমীদার হইলেও মহম্মদ সোলেমান ভিন্ন প্রকৃতির লোক ছিলেন। তিনি ন্যায়, সাধুতা ও ধর্মের পক্ষপাতী ছিলেন।

“আক্দ্‌বস্ত”-এর তিন বৎসর পরে হাজী সাহেব জামাতাকে লিখিলেন যে, তাঁহার বিবাহের জন্য প্রস্তুত কিন্তু বিবাহের পূর্বেই কন্যাকে যেন তাহার ভাগের সম্পত্তি লিখিয়া দেওয়া হয়।

সোলেমান উত্তরে লিখিলেন যে, তিন বৎসরের শর্ত অনুসারে তাঁহার বিবাহের জন্য প্রস্তুত আছেন। যথাবিধি বিবাহের দিন তারিখ ধার্য হউক। দ্বিতীয়তঃ, কন্যা যখন বয়োপ্রাপ্ত (অর্থাৎ ১৮ বৎসরের) হইবে, তখন সে নিজের সম্পত্তির ভাগ বুঝিয়া লইবে। তিনি স্বয়ং কিছু লিখিয়া দিবেন না।

তদুত্তরে হাজী সাহেব জানাইলেন যে, সম্পত্তি লিখিয়া না দিলে ও মেয়েকে বিবাহ করা হইবে না। অতএব তিনি ভ্রাতৃপুত্রের বিবাহ অন্যত্র ঠিক করিতে বাধ্য হইলেন। অতঃপর যেন তাঁহাকে দোষ দেওয়া না হয়।

সোলেমান তাঁহাকে লিখিলেন, তাঁহার যাহা ইচ্ছা করিতে পারেন। সেই দিন তিনি লতীফকেও পত্র লিখিয়া জিজ্ঞাসা করিলেন যে, এ বিষয়ে তাঁহার নিজের কি বক্তব্য আছে।

পল্লীগ্রামের ডাকঘর জমীদারদের করায়ত্ত বলিলে অত্যুক্তি হয় না। হাজী-সাহেব দৃষ্ট রাখিলেন, ষাহাতে লতীফ সোলেমানের সহিত পত্রব্যবহার করিতে না পারেন। লতীফের নামে সোলেমানের যে রেজেষ্ট্রী পত্র আনিয়াছিল, তাহা তিনি জ্বাল স্বাক্ষর দিয়া চুরি করিলেন। সুতরাং লতীফ সোলেমানের পত্রই পাইলেন না আর উত্তর দিবেন কি।

এদিকে সোলেমান লতীফের কোন উত্তর না পাইয়া বিস্মিত ও বিরক্ত হইলেন। ইহার পক্ষকাল পরে যখন শুনিলেন, লতীফ পুনরায় বিবাহ করিয়াছেন, তখন তাঁহার বিরক্তি ক্রোধে পরিণত হইল।

হতভাগ্য লতীফ দ্বিতীয় বিবাহে মোটেই সম্মত ছিলেন না। কিন্তু পিতৃব্য, মাতা ও অন্যান্য গুরুজনের অনুরোধে বিবাহ করিতে বাধ্য হইলেন। তাঁহার নাতা বলিলেন, “বাবা! তুমি দুই বিবাহ করিলে মহাভারত অশুদ্ধ হইবে না। না করিলে হাজী সাহেব রাগ করিয়া তোমাকে এক কড়ার সম্পত্তিও দিবেন না।”

ল। আমি তাঁহার এক কানাকড়ির সম্পত্তিও চাহি না। তিনি অনুগ্রহপূর্বক সুশিক্ষা দিয়াছেন, তাহাই যথেষ্ট।

লতীফের মাতা । তুমি সম্পত্তি না চাহিলে কিছু আশা যায় না । হাজী সাহেবের কথার অবাধ্য হইলে সকলেই তোমাকে কৃতঘ্ন পাঁচর মনে করিবে ।

ল । তাহা হইলে আমি আত্মহত্যা করিয়া সব গোল চুকাইয়া দিই ।

মাতা । শুধু আত্মহত্যা কেন, মাতৃহত্যাও কর । আইস, মাতা পুত্রে হাত ধরাধরি করিয়া পুকুরে ডুবি ।

লতীফের জনৈকা মাসী কাঁদিয়া বলিলেন, “বাবা ! আমার ত আর কেহ নাই, একমাত্র আশা-ভরসা তুমি । তোমরা মাতা পুত্রে আত্মহত্যা করিলে আমার কি গতি হইবে ?”

অপর কক্ষ হইতে জনৈকা পিসি আসিয়া সক্রোধে বলিলেন, “বাবা ! আজি-কালিকার ছেলেদের কথা শুনিলে মরা মানুষের পিত্তি জলিয়া যায় ! হাজী সাহেব সম্পত্তি লিখিয়া চাহিয়া কি এমন দোষ করিলেন ? সম্পত্তি হইলে তোমার হইবে, ভোগ করিবে তুমি ! বাহান্তরে বুড়ো হাজী সাহেব কবরে লইয়া যাইবেন না । সোলেমানকে একটু শান্তি দেওয়া দরকার, তাই আবার বিবাহ করিতে বলেন ।”

ল । শান্তি ত সোলেমান সাহেবের হইবে না ; শান্তি দেওয়া হইবে একাট নিরীহ জীবকে ।

পিসি । (স্বগত) এখনও তাহাকে চক্ষে দেখা হয় নাই, তবু এত মায়া ! (প্রকাশ্যে)

‘নিরীহ জীব’টির এমন কি ক্ষতি হইবে ? আর কেহ সপত্নী লইয়া ধর করে না কি ? লোকে শুনিলে মনে করিবে, হাজী সাহেব না জানি কিরূপ অত্যাচার করিয়াছেন যে, ইহার মাতাপুত্রে আত্মহত্যা করিতে বাধ্য হইল ! ঐ দেখ, রফীকা কাঁদিয়া কাঁদিয়া চক্ষু মুখ ফুলাইয়াছে ; কালি হইতে সে অন্নজল গ্রহণ করে নাই ।

লতীফ চাহিয়া দেখিলেন, রফীকা সত্যই ফুঁপিয়া ফুঁপিয়া কাঁদিতেন । তিনি কৰ্কশস্বরে বলিলেন, “তবে আমাকে কি করিতে বল ?”

পিসি । বলি আমার মাথা মুণ্ডু ! (যুক্তকরে) বলি, সব দিক বজায় রাখ, গুরুজনের কথা রাখ !

লতীফ আর বিরক্তি না করিয়া বলিদানের ছাগলের মত বিবাহের জন্য প্রস্তুত হইলেন ।

অর্ধপিপাসু হাজী সাহেব কিন্তু বেশ ঠকিলেন । লতীফের শাওড়ীকে তিনি বেঙ্গলপ বৃহৎ সম্পত্তিশালিনী মনে করিয়াছিলেন, প্রকৃতপক্ষে তিনি তাহা নহেন ।

সমস্ত জমিদারী ঋণজালে আবদ্ধ। ইঁহারা কিছু লাভ করিবেন, দূরে থাকুক, বৃথা মোক্ষমায় আরও ঘরের টাকা নষ্ট করিতে হইল।

সালেহা (লতীফের স্ত্রী) জানিতেন যে, তাঁহার সম্পত্তির জন্যই বিবাহ হইয়াছে, স্ততরাং তাঁহার আর অন্য গুণের প্রয়োজন নাই। তিনি অত্যন্ত মুখরা ও কলহ-প্রিয়া ছিলেন। তাঁহার দৈনিক কার্য ছিল, দাসী প্রহার করা। লতীফও তটস্থ থাকিতেন।

লতীফ বাহির হইতে আসিলে প্রথমে মাতার নিকট যাইতেন; সেখানে বসিয়া সালেহার গতিবিধি জানিয়া তবে তাঁহার ঘরে যাইতেন। আর যদি মাতার ঘরে আসিয়া শুনিতে পাইতেন যে, সালেহা রাগান্বিতা আছেন, অথবা ‘জেল-দারোগা’র মত কোন দাসীকে প্রহার করিতেছেন তবে অমনি বাহিরে ফিরিয়া যাইতেন। কিন্তু যদি সালেহা ঐ ফিরিয়া যাওয়া দেখিতে পাইতেন, তবে আর নিস্তার নাই।

এবার কারসিয়দ্দ হইতে আসিয়াও লতীফ পূর্বে মাতার নিকট গেলেন। জননী ত হারাধন—বিশেষতঃ বাহাকে মৃত জ্ঞান করিয়াছিলেন, সেই পুত্রকে বমালয় হইতে ফিরিয়া পাইয়া হাসিয়া কাঁদিয়া অস্থির হইলেন। লতীফ আশা করিয়াছিলেন যে, সালেহাও এবার তাঁহার আগমনে ঘোল আনা না হউক অন্ততঃ বারো আনা আনন্দ প্রকাশ করিবেন। তাঁহার ওরূপ আশা করা স্পর্ধা। এক কথায় দুই কথায় তাঁহাদের ঝগড়া আরম্ভ হইল।

লতীফ। তুমি আমাকে টাকা পাঠাও নাই, সে জন্য আমার কাজ বন্ধ থাকে নাই। এ কলুষিতা পৃথিবীতে অনেক দেববালা আছেন, যাঁহারা না চাহিতে দান করেন। বাস্তবিক, তুমি যে টাকা পাঠাইলে না, তবে আমি আসিতাম কিরূপে? আমার ত অত্যন্ত রাগ হইয়াছিল—আমি আর এখানে আসিতাম না।

সালেহা। তবে আসিলে কেন? তোমাকে পায়ে ধরিয়া মিনতি করিয়া কে ডাকিয়াছে?

ল। মা ও হামিদ (লতীফের শিশুপুত্র) আছে বলিয়া আসিলাম।

সা। এতদিন বেশ ছিলাম—তুমি আসিলে আর দীর্ঘ দীর্ঘ বক্তৃতা আরম্ভ হইল।

“এতদিন বেশ ছিলাম” কথাটা লতীফের হৃদয়ে আঘাত করিল। “এতদিন”—লতীফের অনুপস্থিত সময়ে, তাঁহার মৃত্যুসংবাদ পাইয়া,—লতীফ মরিয়াছেন জানিয়া, এতদিন বেশ ছিলেন! তিনি মনোভাব গোপন করিয়া মুখে প্রকল্পতা দেখাইতে চেষ্টা করিয়া বলিলেন, তোমার যে দীর্ঘ কণ তাই বক্তৃতার অবয়বও দীর্ঘ হইয়া দাঁড়ায়।

সা। কি বলিলে, আমি দীর্ঘকর্ণা ? বেশ থাক, গাধা আর এখানে থাকিবে না—এই চলিলাম। (গমনোদ্যত)

ল। না, খাম। (দৌড়াইয়া ষাইয়া অঞ্চল ধরিয়া) আমি ত এমন কিছুই বলি নাই। কেবল এতদিন দুঃখভোগ করিয়াছি, সেই অতীত দুঃখের কথা বলিতেছিলাম। তাহা তুমি শুনিতে না চাও—বলিব না।

সা। দুঃখ আবার কিসের,—দেববালাদের সঙ্গে স্বর্গে ছিলে। তাহারা পথ-খরচের টাকা দিয়াছে। দুঃখটা কোথায় ছিল ?

ল। টাকার অভাবে আমি স্বীপাস্তুরে আটক ছিলাম।

সা। এখন স্বীপাস্তুর ছাড়িয়া আসিয়াছ ত, আর কি চাও ?

ল। পাঁচশত (৫০০) টাকা চাই। শ্রীমতী দীনতারিণীকে অদ্যই ঐ টাকা পাঠাইয়া দাও।

সা। তোমার আসিতে ৫০০ ব্যয় হইয়াছে ? তবে তএ 'বাদশাহী সফর' আর কি !*

ল। আমার আসিতে ১০০ কিম্বা ৫০০ ব্যয় হইয়াছে কিনা সে হিসাবে তোমার প্রয়োজন কি ? যেদিন তোমার টাকা ব্যয় করিব, সেদিন তোমাকে হিসাব নিকাশ দিব।

সালেহা টাকা আনিয়া দিয়া রাগে গর্গর্ করিয়া চলিয়া গেলেন। সেই সময় রফীকা তাঁহাদের ঝগড়া খামাইতে আসিয়া টাকার বিষয় জিজ্ঞাসা করায় লতীফ বলিলেন, “আমার আসিতে ১০০ ব্যয় হইয়াছে, দুই মাস আমার ঔষধ পথোর জন্য অনুমান ২০০ ব্যয় হইয়াছে এবং কৃতজ্ঞতাস্বরূপ তারিণী-ভবনে ২০০ দিব—যাহাতে আমার ন্যায় হতভাগ্য নিরাশ্রয়দের সাহায্য হয়।”

লতীফের আগমন-সংবাদ পাইয়া রফীকা আসিয়াছেন। তাঁহার শৃঙ্গুর-বাড়ী নিকটেই, স্মৃতরাং ইচ্ছানাত্রেই আসিতে পারিয়াছেন। তাঁহাকে পাইয়া সালেহা লতীফের অনেক নিন্দা করিলেন। ইহা আজ নূতন নহে ; রফীকা চিরকালই জানেন যে, ভ্রাতৃবধুর নিকট ষাইবা মাত্রই তিনি এক খলি ভ্রাতা-নিন্দা উপহার পাইবেন। কেবল রফীকা কেন, সালেহা য়াঁহাকে সম্মুখে পাইতেন, তাঁহারই সাক্ষাতে স্বামী-নিন্দা করিতেন।

লতীফ সর্বদা ভাবিতেন, “সুখই বুঝি মানব-জগতে নাই।” সালেহা তাঁহার প্রত্যেক কার্ঘ্যে ও বাক্যে দোষ ব্যতীত গুণ দেখিতে পাইতেন না। আজ পাঁচ

* 'সফর'—ভ্রমণ। বিশেষে মাওরা, প্রবাস ইত্যাদি।

(৫) বৎসর হইতে লতীফ ও সালেহা এক গাভীর দুইটি চাকার ন্যায় এক পথের পথিক হইয়াছেন, কিন্তু উভয়ের মতের ঐক্য কখনও হয় নাই। লতীফ যদি বলেন, “শীতকাল ভাল,” সালেহা বলিবেন, “গ্রীষ্মকাল ভাল।” লতীফ যখন শিশু হামিদকে আদর করেন, সালেহা তখন কোনমতে পুত্রকে কাঁদাইতেন। এসব অত্যাচার লতীফ নীরবে সহ্য করিতেন। তাঁহার হৃদয়খানি সর্বদাই শূন্য—আশ্রয়-হীন থাকিত।

এই গৃহজালা হইতে রক্ষা পাইবার জন্য লতীফ ব্যারিস্টারী উপলক্ষে অধিকাংশ সময় শহরে থাকিতেন। অন্য ব্যারিস্টারদের ন্যায় তিনি সপরিবার শহরে বাস করিতেন না। দুই বৎসর কাল এদিক ওদিক থাকিয়া বাড়ী আসিয়াছিলেন; কিন্তু গৃহিণী তাঁহাকে ছয় মাসের অধিক তিষ্ঠিতে দেন নাই। বলিয়াছি ত, এবারও বাড়ী আসিবার সময় লতীফ নিরানন্দ ছিলেন।

নিরন্তর দগ্ধ হইয়া লতীফের জীবন তিক্ত বিষাক্ত হইয়াছিল। তিনি ভাবিতেন, “হয় আমি মরি, নয় সালেহা মরুক—দুইজনে আর একই সংসারে থাকিতে পারি না।” কখনও বা সন্ন্যাসী হইতে ইচ্ছা করিতেন। কিন্তু তাঁহার কঠোর কর্তব্য-নিষ্ঠতা তাঁহাকে নিরন্তর করিত।

একাদশ পরিচ্ছেদ

গভীর হৃদয়

যাহার হৃদয় গভীর হয়, তাহাকে দেখিয়া সহসা তাহার মনোভাব বুঝা যায় না। বাঁহারা মানুষের মুখ দেখিলে মন বুঝিতে পারেন, তাঁহারাও গভীর হৃদয়ের অবস্থা সহজে বুঝিতে পারেন না। সিদ্ধিকার হৃদয় অতিশয় গভীর ছিল। তিনি ত আত্মপরিচয় দেন নাই। তিনি কর্তব্য-পালনে অত্যন্ত যত্নবতী ছিলেন, তিনি পরিশ্রমে কাতর হইতেন না।

লতীফের দেশে যাওয়ার পর হইতে দেখা যায়, কাজে আর সিদ্ধিকার তত উৎসাহ নাই। এখন তিনি নির্জনে বসিয়া চিন্তা করিতে ভালবাসেন। এখন তিনি জীবনের মধ্যে অপূর্ব পরিবর্তন দেখিতে পাইলেন। এ পরিবর্তনটুকু অন্যলোকে জানিবে কিরূপে? তিনি ত সর্বদাই গভীর চিন্তামগ্না—স্মৃতিবতী

বিবাদ। অথবা পর্বতের মত অটল, অটল—বিবাদময়ী পাষণপ্রতিমা। সেই অটল পর্বতসমা সিদ্ধিকা—তাঁহার হৃদয়ে ঝড়-বৃষ্টি? অসম্ভব। তবে কি পাষণে রেখা অঙ্কিত হইয়াছে?

তাঁহার উপাধানের যদি বাক্শক্তি থাকিত তবে সে বলিতে পারিত প্রতি রজনীতে তাহার উপর কত বিদু অশ্রুপাত হয়! আর দীর্ঘ নিঃশ্বাসের সংখ্যাও সে বলিতে পারিত। কিন্তু সিদ্ধিকার ক্ষুদ্র হৃদয়ের দুঃখ-সুখের হিসাব রাখিবার যে কেহ নাই। বিশেষতঃ তাঁহার বিশ্বস্ত প্রিয়বন্ধু ত কেহ ছিল না— তিনি নিতান্ত একাকিনী। স্মরণ্য আশার বিদ্যুৎ, নৈরাশ্যের ঝড়—সবই হৃদয়-প্রাচীরের অভ্যন্তরে আবদ্ধ।

সাধারণতঃ লোকে প্রিয়পাত্রকে নিকটে পাইতে ইচ্ছা করে। কিন্তু সিদ্ধিকা তাঁহার প্রিয়পাত্রকে নিকটে পাইতে ইচ্ছা করিবেন ত দূরের কথা, সে নামটি পর্যন্ত অগ্নিতুল্য মনে করিয়া সঙ্কুচিত হইতেন।

তাঁহার হৃদয়ের আর একটি কার্য বৃদ্ধি হইয়াছে। একটি একটি করিয়া লতীফের কার্যকলাপ ও কথা তাঁহার মনে পড়িত আর তাঁহার হৃদয় তাহারই ব্যাখ্যা, টীকা ও সমালোচনা করিত। তিনি হৃদয়কে যে-পথ হইতে ফিরাইতে চাহিতেন, অবাধ্য হৃদয় সেই পথে বেগবতী শ্রোতস্বতীর ন্যায় শতধারে ধাবিত হইত। হৃদয়ের সহিত অবিশ্রান্ত যুদ্ধ করিয়া সিদ্ধিকা শেষে ক্লান্ত হইয়া পড়িতেন।

সাকিনা সিদ্ধিকার চিন্তাশীলতা দেখিয়া তাঁহার নাম রাখিয়াছেন “সুফিয়া”; ঈশান বাবুও তাঁহাকে “তপস্বিনী” বলেন। কিন্তু তাঁহার সাধনার ধন যে কি, তাহা কি কেহ জানে?

লতীফ বাড়ী গিয়া ভদ্রতার অনুরোধে তারিণী এবং অন্যান্য ভগিনীদিগকে কৃতজ্ঞতাপূর্ণ পত্র লিখিয়াছেন। পত্রের সহিত গৃহীত ঋণের ১০০০ পরিশোধ করিয়া আরও চারিশত (৪০০) টাকা তারিণী-ভবনে চাঁদা পাঠাইয়াছেন। সিদ্ধিকাও ঐরূপ একখানি ধন্যবাদ-লিপি পাইয়াছেন।

পত্রের ঠিকানায় “রসুলপুর গ্রাম, জিলা—* *” এবং লতীফের মনোগ্রাম দেখিয়া সিদ্ধিকার সর্বাঙ্গ শিরিয়া উঠিল। তবে ইনি সেই রসুলপুরের লতীফ? মনকে প্রবোধ দিবার জন্য বলিলেন, “একই নামের অনেক লোক থাকে; একই নামের অনেক গ্রাম থাকে। এ রসুলপুর সে রসুলপুর নহে, এবং এ লতীফও সে লতীফ নহেন। আর তিনি যদি বাস্তবিক সেই ব্যক্তি হন, তাহাতেই বা আসে যায় কি? ‘বেল পাকিলে কাকের বাপের কি?’ ‘তিনি ত সালেহার স্বামী,

তোমার কে ?” কিন্তু মন যদি সব সময় বুক্তি-তর্ক মানিত, তাহা হইলে পৃথিবীর অনেক যন্ত্রণার লাঘব হইত ।

* * * *

এক দিন সিদ্দিকা আপন ট্রাকটা ঝাড়িয়া গুছাইতেছিলেন, সেই সময় তখায় সোদামিনী কোন কার্য উপলক্ষে আসিলেন । ট্রাকে ছোট একটি কাগজের কোটা দেখিয়া সোদামিনীর কৌতুহল হইল ; তিনি সেই কোটাটি হাতে লইয়া খুলিয়া দেখিলেন, তাহাতে সরু একটি সোনার হার—তাহার মধ্যস্থলে চুণী, মুক্তা ও হীরক-খচিত একটি বহুশূল্য ‘লকেট’ । ‘লকেট’ খুলিয়া দেখেন, তাহাতে নতীফের ফটো । তিনি প্রশংসূচক দৃষ্টিতে সিদ্দিকার দিকে চাহিলেন ।

প্রকৃতপক্ষে হতভাগিনী সিদ্দিকা এ লকেটের আভ্যন্তরীণ ফটো সম্বন্ধে বিস্মুভিসর্গ কিছুই জানিতেন না । কিন্তু সোদামিনীর নিকট যেক্রপ নিষ্ঠুরভাবে ধরা পড়িয়াছেন, ইহাতে তাঁহার কোন কথাই খাটিবে না জানিয়া আরক্তিন বদনে দাঁড়াইয়া ঘামিতে লাগিলেন । সোদামিনী তাঁহাকে আর কিছু না বলিয়া চলিয়া গেলেন ।

‘রসুলপুর’ ও তাহার অধিবাসী সম্বন্ধে যাহা কিছু সন্দেহ ছিল, তাহা এই লকেটের ফটো দর্শনে সম্পূর্ণ দূর হইল । সিদ্দিকা উচ্ছ্বসিত হৃদয়ে তাবিতে লাগিলেন,—

‘জগত এখন কর্মক্ষেত্র তার,
বুদ্ধাণ্ড-ব্যাপিনী আশা ;
সে কেন স্মরণ রাখিবে গো বল,
বালিকার ভালবাসা ?’

“আমি কি পাগল ! এ ক্ষেত্রে তিনি ‘বালিকা’কে জানেনই না, তবে আর মনে মনে রাখিবেন কি ?” বিধাতার কি নিষ্ঠুর খেলা ! যে ব্যক্তি বিনা কারণে সিদ্দিকাকে অতি নির্মমভাবে উপেক্ষা করিয়াছেন,—যাঁহার বিষয় তিনি কোন দিন স্বপ্নেও চিন্তা করেন নাই, সেই ব্যক্তিই এখন সিদ্দিকার ধ্যান-জ্ঞানের বিষয় হইলেন । তিনি দারাপুত্রে লইয়া পরম-সুখে কালষাপন করিবেন, আর ইনি চিরজীবন দুঃখানলে দগ্ধ হইবেন ॥ ইহাই বিধাতার বিধান ॥ সিদ্দিকা অশ্রু সংবরণ করিতে পারিলেন না । বিধির বিধান অতি কঠোর হইলেও শিরোধার্য, স্মরণাং—

“চিরদিন এ জীবনে তারি তরে কাঁদিব,
অস্ত্রমে তাহারি দুঃখে দু’নয়ন মুদিব !”

রাত্রে সৌদামিনী তাস খেলিবার জন্য সিদ্ধিকাকে ডাকিলেন। সিদ্ধিকা বিনীতভাবে মৃদুস্বরে বলিলেন, “দিদি! হাস্যামোদ বা খেলা আমার ভাল লাগে না। আমার হাসির উৎস শুকাইয়া গিয়াছে। তোমাদের প্রফুল্লতা, হাস্যকৌতুক দেখিয়া আমার হিংসা হয়,—সেই কবির ভাষায় বলিতে ইচ্ছা হয় :

“Could my heart be light as thine,
I’d gladly change with thee.”

সৌদামিনী। (স্নিগ্ধমুখে) আহা! আমার সঙ্গে হৃদয় বদল করিবে? তবে ত আমার মঙ্গলই হয়। তুমি জান না ইহা কত ভয়ঙ্কর, ভগিনী! তুমি কি সত্যই মনে কর যে, সৌদামিনীতে আগুন নাই? দেখ না মেঘের অন্ধ বিদ্যুতের হাসি কত স্নন্দর মনোহর, কিন্তু কত ভয়ানক! আমি হাসি,—তোমাদিগকে হাসাইবার জন্য। ইহাও এখন অভ্যাস হইয়াছে।

সিদ্ধিকা সবিস্ময়ে চাহিলেন। দেখিলেন, সৌদামিনী এখন হাস্যময়ী নহেন,—গম্ভীর বিষাদময়ী। তিনি ভয়ে ভয়ে বলিলেন, “আমাকে তোমার আগুন দেখাইবে?”

সৌদামিনী নীরব।

সিদ্ধিকা ধীরে ধীরে পুনরায় বলিলেন,—“দিদি! আমাকে তোমার আগুন দেখাও। আমি দুঃখের গ্লান শুনিতে বড় ভালবাসি।”

সৌ। তবে তুমি দুঃখের মর্ম বুঝিয়াছ?

সি। তোমার গ্লান আরম্ভ কর।

সৌ। আরম্ভ করি; কিন্তু পদ্মরাগ, সকল জিনিসেরই বিনিময় আছে। তুমি প্রতিদান দিবে ত?

সি। দিব, কিন্তু তুমি ছাড়া আর কেহ যেন না শোনে।

সৌ। তাহাই হইবে। আমি তোমাকে আমার আগুন দেখাইব। তুমি আমাকে তোমার লকেটের ইতিহাস বলিবে।

তাস খেলা আর হইল না। নলিনী ডাকিতে আসিলে সৌদামিনী তাঁহাকে ধুমাইতে উপদেশ দিয়া বিদায় করিলেন।

নলিনী। (বাইতে বাইতে কিরিয়া আসিয়া) তোমরা গোপনে কিছু পরামর্শ করিবে, বোধ হয়! আমিও থাকিতে পারি না?

সৌ । না, তুমি যাও । তাস খেলা অপেক্ষা নিত্রা অধিক উপকারী ।

ন । আর তোমাদের জন্য ?

সৌ । আজি অনিত্রা বিধান । তুমি নিত্রা আরম্ভ কর গিয়া, আমিও যোগদান করিব ।

নলিনী চলিয়া গেলে সৌদামিনী বলিলেন,—“নিশ্চয় শুনিবে ? শুনিলে তুমি পুরস্কার কি দিবে ?”

সি । দুই চারি বিন্দু অশ্রু ।

সৌ । তাহাই ত চাই । আহা ! নির্ধুর জগতের নিকট—এমন কি মাতার নিকটও আমি কোন দিন একটি বিন্দু অশ্রু পাই নাই । জগৎ আমার প্রতি এমনই কৃপণ ছিল ।

সি । বল কি, মাতাও সহানুভূতি প্রদর্শন করেন নাই ?

সৌ । মাতাও সহানুভূতি প্রদর্শন করিতে পারেন নাই । তিনি দেবী, মানুষের কলুষ বুঝিতে পারেন নাই ।

দ্বাদশ পরিচ্ছেদ

সৌদামিনীর আশ্রম

সৌদামিনী বলিলেন,—আমার পিত্রালয় গোরস্থান লেনে ছিল । আমি যে সময়ের কথা বলিতেছি, তখন আমরা কলিকাতায় ভাড়াটে বাড়ীতে থাকিতাম । কুলীনের কন্যা ছিলাম এবং পিতা কিম্বা জ্যেষ্ঠ ভ্রাতা ছিলেন না বলিয়া অধিক বয়সে—প্রায় ১৭ বৎসর বয়সে আমার বিবাহ হয় । যাঁহাকে মাতা বলিয়া জানিতাম, তিনি যে আমার গর্ভধারণী নহেন, তাহা বিবাহের পরে জানিয়াছি । আমি অত্যন্ত বোকা মেয়ে ছিলাম ; ৭ বৎসর বয়সে মাতৃহীন হইয়াছিলাম, তবু বুঝিতাম না যে মা নাই । বিমাতাকেই মাতা বলিয়া জানিতাম ।

আমার বিবাহের কিছু দিন পরে পাশের বাড়ীর কয়েকটি মেয়ে মানুষ আমার চুল বাঁধিতেছিল, মা নিকটে বসিয়াছিলেন । তাহারা পরস্পর বলিল,—“এর স্বাধায় ‘সতীন-চুল’ আছে ।” মা তাড়াতাড়ি মনকে প্রবোধ দিবার জন্য

বলিলেন,—“তা সতীন হয়ে ত মরে গেছে, এখন আর তয় কি ?” কিন্তু আমার ভাগ্যে যে সতীনের সতীনত্ব রহিয়া গিয়াছিল, তাহা কেহ জানিত না ।

শুশ্রূষালয়ে বাইবার সময় মা আমাকে সতর্ক থাকিতে এবং আমার বরের ছেলে-মেয়ের যত্ন করিতে বিশেষ করিয়া বলিয়া দিয়াছিলেন । আমি স্বয়ং বিমাতার ক্রোড়ে প্রতিপালিতা হইয়াছি,—সুতরাং ‘বিমাতা’ হওয়া যে জীবনের অভিশাপ, তাহা জানিতাম না ।

আমার স্বামীর ছেলে ও মেয়ের নাম, নগেন্দ্র ও জাহ্নবী । আমি যখন সেখানে যাই, তখন তাহারা তাহাদের দিদিমার নিকট ছিল । তাই তাহাদের দেখিতে পাই নাই । তাহাদের সঙ্গে পাঁচ বৎসর পরে দেখা হইয়াছিল ।

আমি স্বামী-গৃহে যাইবামাত্র চতুর্দিক হইতে আমার প্রতি বিষবাণ বর্ষণ হইতে লাগিল । যাহারা ‘বউ’ দেখিতে আসিয়াছিল, তাহারাই মধুর বাণী বলিয়া নববধুর প্রাণে অমৃত ঢালিয়াছিল । ‘ক’ বলিল,—‘এখন হইতে নগেন ও জাহ্নবী পর হইল ।’

‘খ’ । আহা, তাই ত, বাছারা আর কি আসিবে ?

‘গ’ । তাঁহারাই বা কোন্ প্রাণে বাছাদের এখানে পাঠাইবেন ?

‘ঘ’ । এখন তাহারা পিতৃহীন হইল ।

‘ঙ’ । এ বাড়ী ঘর দানান কোঠা যে উহাদের ভাগ্যে ছিল না, তাহা কে জানিত ?

‘চ’ । যার মা নাই, তার কিছুই নাই ।

আমার ননদশয় সেই সময় কাঁদিতে বসিয়াছিলেন । কান্নার সুর ছিল—“লক্ষ্মী ত গিয়াছে, এখন ডাকিনী আসিল—” ইত্যাদি, ইত্যাদি ।

আমি খুনী আসামীর মত ভয়ে, চিন্তায় আকুল হইলাম । যেন এ সব দুঃখের মূল আমিই । আমিই যেন সে স্বর্গীয়া লক্ষ্মীকে হত্যা করিয়াছি ।

ক্রমে পাঁচ বৎসর অতীত হইল, আমার সন্তান-সম্পত্তি হইল না । নিতান্তই একলা ছিলাম । স্বামী উপার্জন উপলক্ষে প্রায়ই বিদেশে থাকিতেন । আমার ননদ দুইজন সময় সময় আসিতেন, কিন্তু তাঁহাদের উপস্থিতি আমার বাঞ্ছনীয় ছিল না ।

ঈশুর সন্তান দেন নাই, তাহাও যেন আমারই দোষ ! ললিতা (আমার ছোট-ননদ) বলিত—“তা হ’বে কেন ? ও মাতৃহীন বাছাদের তাড়াইয়া, তাহাদের ভাগ যে ভোগ করিতে চাহিবে, সে ভোগ তাহার ভাগ্যে ষাটবে কেন ? ঈশুর উহাদের সহায়—উহাদের ভাগ কম করিতে চেষ্টা করিলে তা হইবে কেন ?”

পাঁচ বৎসর পরে বাছারা আসিল। তাহারা উভয়ে যমজ ভ্রাতা-ভগ্নী। তাহাদের মাসীমাও সঙ্গে আসিলেন। এখন হইতে ঐ শ্যামাদিদি আমার জন্য সুল্লর চিতা সাজাইয়া আমাকে পরতে পরতে দগ্ধ করিতে লাগিলেন। এখন বলিতে লজ্জা করে, আমি বাছাদের পাইয়া যত স্নহী হইব মনে করিয়াছিলাম, তত স্নহী হইতে পারি নাই। স্বীকার করি যে, আমার মনের সেরূপ ভাব হৃদয়ের সঙ্গীর্ণতাই প্রকাশ করে। কিন্তু কি করিব? আমি আত্মসম্বরণ করিতে পারি নাই। যে অভাব আমার হৃদয়ে ছিল,—যে অভাব নগেন ও জাহ্নবীকে কোলে পাইলে দূর হইবে ভাবিতাম, সে অভাব যেন আরও শতগুণ বৃদ্ধি হইল।

শাশুড়ী আমাকে কখনও কটু-কাটব্য বলেন নাই। এখন দিদির মুখে সর্বদা শুনিতেন, “ছেলেদের খাওয়ার যত্ন হয় না, ছেলেদের কাপড় নাই,” ইত্যাদি। স্নতরাং তিনিও এখন আমাকে বেশ দু'কথা শুনাইতে লাগিলেন।

স্বামী আমাকে অত্যন্ত স্নেহ করিতেন; তিনি আমাকে সরল প্রকৃতি বলিয়া বিশ্বাস করিতেন। ভীষণ অন্ধকারে আমি কেবল তাঁহার চরণ দুইটি দেখিতে পাইতাম। আমার মরুময় জগৎ সংসারে ছায়া কেবল তিনিই ছিলেন। শ্যামাদিদি আমার বিরুদ্ধে সকলকে বিষাক্ত করিয়া তাঁহারও হৃদয়ে বিষ ঢালিতে আরম্ভ করিলেন। তিনি প্রথমে দিদির কথায় বিশ্বাস করেন নাই; বরং তাঁহাকে চলিয়া যাইতে অনুরোধ করিয়াছিলেন। দিদি কাঁদিতে বসিলেন,—নগেন জাহ্নবীকে ডাকিনীর হাতে দিয়া কিরূপে যাইবেন? আর যাইতেনই বা কোথায়? তিনি নিরাশ্রয় বিধবা ছিলেন।

দিদি বাছাদের কাপড় চুরি করিয়া নিজের মাতার নিকট পাঠাইতেন, আর কর্তাকে বলিতেন, “তোমার স্ত্রী ছেলেদের কাপড় কিনিয়া দেয় না।” সেই সব কাপড় আবার প্রকাশ্যে দিদির ছেলের জন্য ফিরিয়া আসিত। শুনিতাম “খণ্ডর পিসি দিয়াছে। খণ্ডর দিদিমা দিয়াছে,” ইত্যাদি।

খাবার জিনিস সর্বদা চুরি হইত; কি হইত, জানিতাম না, তাই বাছাদের ঝাইতে দিতে পারিতাম না। খাবার জিনিস বন্ধ করিয়া রাখিলে দিদি ও প্রতিবেশিনীগণ কপালে করাঘাত করিত—“ছেলেদের খাবার সময়, তারাই খেতে পায় না।” একদিন কর্তাও বলিলেন, “তবে বল ত—ওরা না খেলে খাবে কে?” উহাদের যে যত্ন করিয়া খাওয়াইতাম, তাহা কেহই অন্ধচক্ষে দেখিত না। দেখা যাইত, সন্দেশ প্রভৃতি উপাদেয় মিষ্টান্ন ঘরের কান্যাতে পড়িয়া আছে। দিদি চুরি করিয়া কেলিয়া দিতেন—আর সকলকে ডাকিয়া দেখাইতেন—“দেখ, ফেলে দেয়, তবু

বাছাদের খেতে দেয় না !” আমার কথা কেহ বিশ্বাস করিত না। দিদির কথাই বেদবাক্য।

কত বলিব ? একরূপ ঘটনা ত দৈনিক ব্যাপার ছিল। একবার শীতকালে আমার ভয়ানক সর্দি-কাসি হয়,—দিবা রাত্রি ঘরে আঙুন থাকিত। একদিন তল্লা হইতে জাগিয়া ভয়ানক দুর্গন্ধ পাইলাম,—রেশম পোড়ার গন্ধ ! আর দেখিলাম, দিদি দ্রুতবেগে প্রস্থান করিলেন। কর্তাও তখনই আসিলেন। তিনি দুর্গন্ধে বিরক্ত হইয়া ঘরের আঙুন বাহির করিতে বলিলেন। দিদি পুনরায় আসিয়া বলিলেন, “দেখি এতে কি ? কিসের এমন গন্ধ ?” তিনি কাপড়ের দগ্ধাবশিষ্ট খণ্ড বাহির করিয়া বলিলেন,—“দেখেছ। এই যে বাছাদের জামার সেই কিংখাপ কাপড়। ওঁর একখানা শাড়ী হয় নাই, উনি বাছাদের এ কাপড় পর্তে দিবেন কেন ! তাই ত বলি,—বাছাদের কাপড় সব হয় কি ?”—এই সঙ্গে কান্না আরম্ভ হইল। কর্তা নীরবে আমার প্রতি দৃষ্টিপাত করিলেন—একটিও কথা কহিলেন না। সেই নীরব তিরস্কার যে কত বিষাক্ত, তাহা তুমি কিরূপে বুঝিবে, পদ্মরাগ ?

সিদ্ধিকা গল্পের গতিরোধ করিয়া বলিলেন, “তুমি কেন কর্তাকে বল নাই যে, দিদিই কাপড় পোড়াইয়াছিল ?”

সৌ। সে কথা বলিলে বিশ্বাস করিত কে ? সে আপন মাসী—আমি বিমাতা। আমার হিংসায় বস্ত্র দগ্ধ হয় নাই, তবে কি তাহাদের মাতার সহোদরা অমন কাজ করিবে ? তাঁহার রক্তের টান, অগাধ শোঁহ—আমি কি ? এ কথা বলিলে একটা তুমুল সংগ্রাম বাধিত ; পাড়ার স্ত্রীলোকেরা সকলে আমার বিরুদ্ধে কোমর বাঁধিত। দিদির অত সৈন্য-সামন্তের সঙ্গে একা আমি কিরূপে যুক্তিতাম ? বিশেষতঃ আমি তখন শাপগ্রস্তা ছিলাম—সুতরাং আমি যাহাই করিতাম ফল বিপরীত হইত।

একদিন নগেন দৌড়িয়া আসিয়া আমার কোলে বসিল। আমি সাদরে তাহার গলা জড়াইয়া ধরিলাম,—অমনি সে বিকট চীৎকার করিয়া উঠিল—“বাবা গো—মলুম গো !” আমি ত অবাক ! এ কি সরল স্নুকুমার শিশু ? কে যেন উত্তর দিল—আমার হৃদয়ে যেন বাজিয়া উঠিল, ‘না,—সতীনের সতীনষ !!’

ললিতা দৌড়িয়া আসিয়া নগেনকে চপেটাঘাত করিয়া বলিলেন, “হতভাগা ! ওখানে মরতে গিয়েছিলি কেন ? তোর মা নাই,—মায়ের মমতা কোথায় পারি ?” আমি স্বীকার করি, যে নগেনকে ‘মায়ের মমতা’ দিতে পারি নাই। তাই বলিয়া তাহাকে গলা টিপিয়া মারিতেও যাই নাই ত। অনেক সত্য ঘটনার মাতার নিষ্ঠুরতার কথাও শুনা যায়। ‘সৎ’ সখস্কাটাই বড় ভয়ানক। যে কাজ

মাতা করিলে দোষ নাই, সেই কাজ ‘বিমাতা’ করিলে জগৎ তাহার উপর ঝড়গহস্ত হয় ।

আর একদিন আমি তাঁড়ার-ঘরে একটা বড় সিন্দুক খুলিয়া জনৈক অতিথিকে সিধা দিলাম । সিন্দুকটা বন্ধ করিয়া রত্নশালায় তৈল আছে কি না দেখিতে গেলাম—সিন্দুকে তালা বন্ধ করা হয় নাই । ফিরিয়া আসিয়া দেখি, সিন্দুক সেইরূপ বন্ধই আছে । আমি কিছুমাত্র দ্বিধা না করিয়া তালা বন্ধ করিয়া চলিয়া গেলাম । কিছুক্ষণ পরে গোলাপের মা (ঝি) আসিয়া বলিল—“দেখলে মা ! তোমার সিন্দুকের ভিতর কি যেন ধূপ-ধাপ করে !” আমি বলিলাম,—“দূর, আমি এখনই যে সিন্দুক বন্ধ করিয়া আসিলাম ।”

কৌতুহল-পরবশ হইয়া কর্তাও আমার সঙ্গে সিন্দুক দেখিতে চলিলেন । আমি সিন্দুক খুলিয়া দেখি—নগেন্দ্র !! আমার ত চক্ষুস্থির ! শ্যামা তাড়াতাড়ি নগেনকে তুলিল । তখন যে ঝড়-তুফান আরম্ভ হইল, তাহা অনুমান করিয়া দেখ ।

এইখানে সোদামিনী থামিলেন । যেন সেই অতীত ঘটনা-রাজ্যে ফিরিয়া গেলেন । অনেকক্ষণ পরে সিদ্ধিকা কহিলেন—“নগেন কিরূপে বন্ধ হইয়াছিল, তাহা কিছু জানিতে পারিয়াছিলে ?”

সৌ । না । সেই দিন হইতে স্বামী আমার সঙ্গে কথা কহা বন্ধ করিলেন । ইহাতে তাঁহার দোষ দিতে পারি না ; তিনি কি করিবেন ? এতকাল সকলের বাক্যজ্বালা, বিষবাণ অকাতরে সহিতেছিলাম—বেশী দুঃখ হয় নাই । কিন্তু এখন তাঁহার অনাদর অবহেলা অত্যন্ত অসহ্য হইল । গণ্ডাহকাল নীরবে ভীষণ যন্ত্রণা ভোগ করিয়া আমার মাতার নিকট যাইতে অনুমতি প্রার্থনা করিলাম । প্রার্থনা মঞ্জুর হইল ।

আবার সেই শাস্তিপ্রদ মাতৃকোড়ে যাইয়া জুড়াইলাম । দুঃখের বিষয়, আমার দুঃখে কেহই সহানুভূতি করিত না । জগতে আমার জন্য কেহ আহাটি বলিত না । এমন কি মা—যে মা আমার (বিমাতা হইলেও) সুধা-স্বরূপিনী ছিলেন, তিনিও আমার দুঃখ বুঝিতেন না । তিনি বলিতেন—“মা ! তোর কথা আমি বুঝতে পারি না—তুই ছেলে দু’টোকে—পোষ মানিয়ে নিতে পারলি না ? আমি তোর চেয়ে কম বয়সে তোদের মানুষ করলেম কি করে ? আমি তোর চেয়ে মোটে পাঁচ বছরের বড় ।” হা অদৃষ্ট ! কেমন করিয়া বুঝাইব,—কেন ছেলেদের পোষ মানাইতে পারি নাই ? সেইদিন বুঝিলাম—জগৎ অন্ধ । আমার দুঃখ দেখিবার চক্ষু জগতের নাই । আমার যন্ত্রণা দেখিবার—বুঝিবার কেহ নাই ।

শব্দন সেই সৌহময়ী মা বুঝিলেন না, তখন আর কে বুঝিবে? হৃদয়ের
তারে তারে যেন কেমন স্নেহে বাজিত—

ভাবি মনে নিশিদিন, কি রূপে কাটিবে দিন
এ ভব-রাক্ষস-পুরে—মরু সাহারায় ?
হেথা সিঁধু ছায়া নাই, পরদুঃখে মায়া নাই,
কি রূপে কাটািব দিন,—হায় এ কারায় ।”

প্রায় এক বৎসর পরে স্বামী-গৃহে আসিলাম। আবার নূতন করিয়া
নগেন ও জাহ্নবীর সহিত স্নেহের ঘর রচনার চেষ্টা করিলাম। এখন আমার
জন্ম নূতন অপবাদেদে সৃষ্টি হইল। জাহ্নবীর তিন চারিখানা মূল্যবান অলঙ্কার
চুরি গিয়াছিল। আমি এক গলা গঙ্গাজলে দাঁড়াইয়া বলিতে পারিতাম—“শ্যামা
চুরি করিয়াছিল;” কিন্তু বলা হয় নাই। শ্যামা ও ললিতা আমাকে চুরির
অপবাদ দিল। আমি কেবল বলিতাম,—“হরি হে, তুমি সত্য ।”

সিন্ধিকা। উঃ! এত নিপীড়ন !!

সৌ। ইহাই শেষ নহে—আরও শুন। পাড়ায় ত রাষ্ট্র হইয়াছিল যে,
আমি দুইবার নগেনের প্রাণবধের চেষ্টা করিয়াছি। দ্বিতীয় বারের ঘটনার পর
হইতে আমার নাম ‘রাক্ষসী’ হইল। ক্রমে আমার বিবাহ-জীবনের দশ বৎসর
অতীত হইল। আমার বাছাদের বয়স তখন ১২ বৎসর। এই সময় আরও
একটি অভূত ঘটনা ঘটিল। আমি প্রাঙ্গনস্থিত বাঁধা কুপের ধারে দাঁড়াইয়া
আছি। একবার সাধ হইল, ঐ কাল জলে লীন হই। অমনি কে যেন
বলিল,—“অমন কাজ করিও না—আর কয়দিন অপেক্ষা কর।” বোধ হয়,
এ বক্তা সেই জন, যিনি বলেন—‘সতীনের সতীনত্ব’।

জাহ্নবী কোথা হইতে দৌড়িয়া আসিয়া কুপের দেওয়ালের উপর উঠিল।
আমি সভয়ে তথা হইতে পলায়ন করিব, মনে করিলাম; সে কিন্তু আমার
গলা জড়াইয়া ধরিল। আমি বলিলাম, “করিস্ কি বাছা। পড়ে যাবি।”
সে বলিল, “তবে আমাকে ধরে নাবিয়ে দাও।” যেই তাহাকে ধরিলাম,
অমনি সে চীৎকার করিয়া উঠিল—“মাসিমা দেখ! মা আমায় ফেলে দিল।”
আমি তখন কি যে করি ভাবিয়া পাই নাই—চক্ষে আঁধার দেখিতাম। শ্যামা
আসিবার পূর্বে কর্তা আসিলেন। তিনি স্বয়ং আমাকে জাহ্নবী-বধের চেষ্টা
করিতে দেখিলেন। তিনি বলিলেন—“আজ ত আমি স্বচক্ষে তোমার কাণ্ড

দেখিলাম ।” আমি কিছু বলিতে যাইতেছিলাম, কিন্তু তিনি শুনিবার অপেক্ষা করিলেন না—জাহ্নবীকে লইয়া দ্রুতগতি গ্রহণ করিলেন ।

দশদিব্ অঙ্ককার দেখিলাম—একদণ্ড নিশ্চিন্তভাবে দাঁড়াইবারও স্থান নাই । কুপের ধারে একটু দাঁড়াই, তাহাও বিধাতার অসহ্য ! আমি প্রতিদিন পলে পলে অনুভব করিতে লাগিলাম : আপন সম্ভান স্বামী-স্ত্রীর বন্ধন দৃঢ়তর করে, কিন্তু সপত্নী-সম্ভান স্ত্রীকে স্বামীর হৃদয় হইতে দূর করে । আমি বেশ বুঝিতে পারিলাম, স্বামীর হৃদয় হইতে অনেক দূর সরিয়াছি, এবং ক্রমশঃই দূর হইতেছি । অথচ তাঁহাকে আবার আমার প্রতি আকৃষ্ট করিয়া দেয়, এমন কেহও ত ছিল না । হইতে পারে—আমার এ ধারণা ভ্রান্ত ।

সি । আমার বিশ্বাস, তোমার ধারণা ভ্রান্ত নহে, কারণ কোরেশা-বিও ত ঐ কথা বলেন । তিনি পাটনা-ত্যাগিনী হইয়া তারিণী-বিদ্যালয়ে কেন ? ঐ দুঃখেই ত । তিনি ঝাড়া আট বৎসর স্বামীর সহিত দুবিসহ বিচ্ছেদ-যন্ত্রণা ভোগ করিয়াছেন । তাঁহার সপত্নী-পুত্র, দশমবর্ষীয় বালক কমরজ্জামান ওলাউঠা রোগে মারা পড়িবার পর হইতে স্বামীর ঔদাস্য এমন অসহ্য হইয়া দাঁড়াইল যে, তিনি গৃহ পরিত্যাগ করিয়া ট্রেনিং স্কুলে পড়িতে গেলেন । তাহার পর শিক্ষয়িত্রীরূপে গয়া, মুজ্জফ্বরপুর ইত্যাদি বালিকা-স্কুলে ঘুরিয়া শেষে কলিকাতায় আসিয়াছেন ।

সৌ । এই যে যত্র-তত্র চাকুরী করা—বিশেষতঃ এখানে চাকুরী-গ্রহণও ত তাঁহার স্বামীর অভিপ্রেত ছিল না ; কিন্তু স্ত্রীর প্রতি ঔদাসীন্য বশতঃ তিনি বাধা দেন নাই । ইহাতে কোরেশা-বির পক্ষে শাপে বরই হইয়াছিল ।

সি । কোরেশা-বির ভাস্কর, দেবর, জায়েরা ও কমরুর সহোদরা—সকলে মিলিয়া তাঁহার প্রবাসী স্বামীকে বুঝাইলেন যে, ওলাউঠায় আক্রান্ত হওয়ার পর চিকিৎসা ও শুশ্রূষা অভাবেই কমরু মারা গেল । বেচারী যদিও সেই রাত্রি এ ঘটনার সময় পাটনার অন্যতম বিখ্যাত ডাক্তার ডাকিয়া কমরুকে দেখাইয়াছিলেন, তবু তাঁহাকে চিকিৎসা না করার অপবাদ দেওয়া হইয়াছিল ।

সৌ । কেবল ইহাই নহে,—সেই দিন অপরদ্বয়ে অপর ছেলেদের সঙ্গে কমরু বেই লুচি-পুরি কিনিয়া খাইয়াছিল, তাহা কিনিবার দু’গুণ্ডা পয়সা কোরেশা-বিই দিয়াছিলেন । আর সে ডাক্তারও ছিলেন তাঁহার পিতৃ-বন্ধু । আমি কোরেশা-বির স্বামীর কোন দোষ দেখি না, তিনি বেচারী কি করিবেন ?—‘দশচক্রে ভগবান ভূত’ ! তবু তিনি স্ত্রীর সহিত বেশ ভদ্র ব্যবহার করেন । এখানে প্রায় সর্বদাই তাঁহার সহিত দেখা করিতে আসেন । গত বৎসর ছুটির সময় কোরেশা-বিও বাড়ী গিয়াছিলেন ।

সি। ইহার কারণ, আমার বোধ হয় যে, এখন তিনি স্বয়ং পুত্রবতী হইয়াছেন, তাই ১১ বৎসর পরে তাঁহার কপাল কিরিয়াছে। যাক্, দিদি, এখন তোমার কাহিনী চলুক্।

সৌ। বলিয়াছি ত, আমার জগৎ-সংসার ষোর অন্ধকারময় মরুভূমি ছিল। যিনি এই মরুভূমিতে কেবল একবিন্দু স্নেহা,—সেই অন্ধকারে একটি মাত্র ক্ষীণ জ্যোতির্ময় তারকা—তিনিও দূরে—বহুদূরে সরিয়া পড়িয়াছিলেন। স্মৃতরাং আমি জীবনে নরক-যন্ত্রণা ভোগ করিতেছিলাম।

সি। তোমার নগেন ও জাহ্নবী ছেলেমানুষ বই ত নয়, তবে তাদের বিরুদ্ধে তোমার অভিযোগ কি ?

সৌ। তাহা সত্য। এই জন্যই ত এসব কথা এতকাল কাহাকেও বলি নাই; তুমি শুনিতে অতিশয় আগ্রহ প্রকাশ করিলে বলিয়া তোমাকে বলিতেছি। নচেৎ এসব কথা কি বলিবার ? এ কেবলই নীরবে সহিবার—আর হৃদয়ের পরতে পরতে দন্ধ হইবার ব্যাপার। বাছারা ত সম্পূর্ণ নিষ্কলঙ্ক, তাহাদের কার্যের জন্য তাহারা দায়ী ছিল না, কেবল আমারই দায়িত্ব গুরুতর ছিল। উহাদের কর্মফল আমাকে ভোগ করিতে হইত। আর সেই কর্মফল কত ভীষণ, তাহা একবার কল্পনা-সহায়ে মানস-চক্ষে দেখ।

সি। তোমার ঐ দিদিই সব সর্বনাশের মূল ছিল। তাহাকে তাড়াইতে পারিলে তুমি নিৰ্বিঘ্নে থাকিতে পারিতে।

সৌ। ও হরি! বল কি। তাহাই ত অসম্ভব ছিল। তাহাকে তাড়াইবে কে ? সেই গিন্নী, সেই সর্বসর্বা,—সে যে দয়া করিয়া আমাকে তাড়ায় নাই, তাহাই আমার যথেষ্ট সৌভাগ্য। শ্যামা দূর হইলেই ত ছেলেমেয়ে, ধর-ধার সমস্তই আমার হইত।

সি। এখন বল কিরূপে শাপমুক্ত হইলে। আর অভিণাপের কথা শুনিতে ইচ্ছা হয় না।

সৌ। এখন দেখিলে ত—আগুন আছে কি না ? মানুষ যখন নিতান্ত নিরুপায় হয়, জীবনে মরণাধিক যন্ত্রণা ভোগ করে, তখন পরম দয়াল ঈশ্বর আনন্দের প্রতি দয়া করেন।—

“নিদাঘের তীব্র তাপ অসহা যখন,
জলদ তখনি করে সলিল বর্ষণ।”

ঈশ্বর পতিতপাবন, পতিত মানবকে উদ্ধার করেন। কাহারও জন্য মৃত্যু বিধান, কাহারও জন্য জ্ঞান কিছু—যাহা হয় একটা উপায় করিয়া দেন : আমারও উপায় হইল।

আমরা তীর্থযাত্রা করিলাম। ললিতা পুত্রের কন্যাণে মথুরায় কোন ঠাকুরের পূজা মানিয়া ছিল। সেই উপলক্ষে মথুরায় যাওয়া হয়। আমরা যেখানে ছিলাম, তথা হইতে ললিতার মানিত ঠাকুরের মন্দির কিছু দূরে ছিল, তাই সেখানে জলখানে যাইতে হইয়াছিল। ললিতা ছোট একটা বজরা ভাড়া নইল। আমাদের সঙ্গে আরও অনেক শত্রী ছিল। কর্তা স্বয়ং নগেশ্বরের রক্ষণাবেক্ষণের ভার নইয়া শ্যামাকে বিশেষ করিয়া বলিয়া দিলেন, জাহ্নবীকে যেন খুব সাবধানে রাখে। তাঁহার অতি-সতর্কতার কথা শুনিয়া আমার প্রাণটা যেন কেমন করিয়া উঠিল—মনে হইল, জাহ্নবী যদি ডুবিয়া যায় ?

সেই দিন কর্তা আমারও প্রতি যেন একটু প্রসন্ন হইলেন ; স্বয়ং হাত ধরিয়া বজরায় তুলিলেন, বসিবার স্থানটা নির্দিষ্ট করিয়া দিলেন। তাঁহার মুখের উপর আমার দৃষ্টি পড়িল—সে দিন সে মুখ বড় সুন্দর লাগিয়াছিল—চক্ষু ফিরাইতে পারিতেছিলাম না। মনে হইল, এই বুঝি শেষ দেখা—আর ও মুখ দেখা হইবে না—যদি আর না দেখিতে পাই—ভালমতে দেখিয়া নই। সে সময় স্মৃষ্কানুভব করিতে পারি নাই—কেমন যেন গভীর বিষাদে মগ্ন হইতেছিলাম।

সৌদামিনী খামিলেন। সিদ্ধিকা ভাবিলেন, সৌদামিনী বুঝি রোদন করিতেছেন। কিন্তু না, সে চক্ষু শুক—অনেক অশ্রু বিসর্জনে অশ্রুর উৎস শুক হইয়া গিয়াছে। তিনি স্থির-শান্তভাবে পুনরায় গল্প আরম্ভ করিলেন :

যমুনার শীতল বাতাস পাইয়া শ্যামা ঘুমাইয়া পড়িল। চঞ্চলা জাহ্নবীকে আনিই “এদিকে এস, ওদিকে যেও না” ইত্যাদি বলিয়া নিরস্ত করিতে চেষ্টা করিলাম। সেদিন সে প্রতি কথায় আমার সহিত তর্ক করিতে লাগিল ; ক্রমে আমাকে ছাড়িয়া সে ললিতাকে আক্রমণ করিল। তাহারা ঝগড়া করিতে লাগিল। আমি নুত্ন বাতায়ন হইতে যমুনার কাল জল দেখিতেছিলাম, আর ভাবিতেছিলাম,—

জগৎ-জননি।

জুড়াতে জগৎ-জীবে শিথিল করুণায়

শীতল যমুনা-রূপে বিরাজ ধরায়

সহসা জাহ্নবী আমার গায়ের উপর দিয়া একেবারে জানানার আসিয়া বসিল। আমি ভারী ব্যস্ত হইয়া বলিলাম—‘মা ! করিস্ কি !’ সে উচ্চৈঃস্বরে বলিয়া উঠিল—“কেন, তুমি এম্মি কর ; নিজে বুড়ো মাগী তামাসা দেখ—আমায় দেখা তোমার সহ্য হয় না ! আমি একেবারে খুকী না কি যে ডয় করছ ?” এই বলিয়া উচ্চহাস্য করিল। অতঃপর কহিল,—“দেখ, আমি আরও—” কথাটা শেষ হয় নাই—সে নদীর জলে পড়িয়া গেল। আমি সহসা অজ্ঞান হইলাম।

যখন প্রথম চক্ষু খুলিলাম, দেখিলাম জাহ্নবী ও আমি পাশাপাশি ধরাতলে পড়িয়া আছি, আর পাঁচ সাত জন লোক আমাদের শুশ্রূষা করিতেছে। তাহাদের যত্নে আমি বাঁচিয়া উঠিলাম ; জাহ্নবী বাঁচিল না। আমি সংজ্ঞালভ করিয়াছি দেখিয়া তাহারা আমাকে লইয়া অন্যত্র যাইতে ইচ্ছা করিল। আমি কেবল দীননয়নে জাহ্নবীর প্রতি চাহিয়া রহিলাম—চক্ষের জলে বুক ভাসাইলাম—যাহার মরণে সজ্জিনী হইয়াছিলাম, তাহাকে ছাড়িয়া আর কোথায় যাইব ? জেলেরা মাছ ধরিতে গিয়া আমাদের ধরিয়াছিল—আমরাই উহাদের জালে উঠিয়াছিলাম।

সি। মাছ দুইটা মন্দ নহে ! কিন্তু দিদি ! জাহ্নবীকে ও তোমাকে উহারা একসঙ্গে পাইল কিরূপে ?

সো। আমিও তখনই ডুবিয়াছিলাম যে, কোন মতে তাহাকে ধরিয়া ফেলিলাম। তাহাকে দৃঢ়ভাবে বন্ধে জড়াইয়া রাখিয়াছিলাম—ভাবিয়াছিলাম, যদি ডুবি ত একসঙ্গেই ডুবিব ; যদি উঠি, তবে দুইজনে একসঙ্গেই উঠিব। কিন্তু বিধাতার ইচ্ছা অন্যরূপ ছিল ; তাই যদিও উভয়ে একত্রে জালে উঠিলাম, তবু তাহাতে আমাতে চির-বিচ্ছেদ হইল। (এইবার সোদামিনীর চক্ষে জল দেখা দিল—হৃদয় উচ্ছ্বসিত হইল। বলিলেন)—ধীবরেরা আমাকে তাহাদের সঙ্গে লইল। আমি পূর্ব-পশ্চাৎ না ভাবিয়া তাহাদের সঙ্গে গেলাম। দুই একদিন পরে আমি পাগল হইয়া তাহাদের দ্বারা বাতুলশ্রমে প্রেরিত হইলাম। প্রায় এক বৎসর পরে প্রকৃতিস্থ হই। সে আজ ১৭।১৮ বৎসরের ঘটনা।

আমি আরোগ্য লাভ করিলে বাতুলানয়ের কর্তৃপক্ষ আমাকে একটা সম্ভ্রান্ত স্বরে ‘গবর্নেশ্’-এর কাজ যোগাড় করিয়া দিলেন। সেখানে যাইবার এক বৎসর পরে আমার ছাত্রীর বিবাহ হইলে, তাঁহারা আমাকে সরযুর সঙ্গে

কলিকাতায় পাঠাইলেন। কিছুদিন পরে সরযু তাহার ছোট নদদকে তারিণী-বিদ্যালয়ে ভর্তি করিবার জন্য আমাকে সঙ্গে লইয়া সেখানে গেল। এই উপলক্ষে মিসিস্ সেনের সহিত আমার প্রথম আলাপ হইল; তাহার ফলে আমি তারিণী-কর্মালয়ে চলিয়া আসিলাম। আমি এখানে ১৫।১৬ বৎসর হইল আছি। এখন দেখি হৃদয়টা বৃহৎ—বিশুব্যাপী হইয়াছে। এখন আর ওরূপ ক্ষুদ্র ষটনায়—সামান্য অনাদর অবহেলায় হৃদয় আলোড়িত হয় না।

সি। তাহা হইলে এখন আবার ঐ গৃহে ঐ সব লোকের সহিত স্বচ্ছন্দে থাকিতে পার ? তবে যাইতে বাধা কি ?

সৌ। আহা ! কেমন করিয়া তোমায় বুঝাইব, শ্যামা দিদি সে গৃহ কেমন বিষাক্ত—কালকূটময় করিয়া তুলিয়াছিল। তোমরা তাহা বুঝিতে পারিবে না, বিশ্বাস করিতে পারিবে না।

সি। আল্লাহ্‌তালার রাজত্বে কিছুই অসম্ভব নহে। ক্ষুদ্রকায় স্কুমার শিশু যারা বয়ঃপ্রাপ্তা স্ত্রীলোকের অনিষ্ট হইতে না পারিবে কেন ? অতিকায়ের অপেক্ষা ক্ষুদ্রকায়েরই অত্যাচার অধিক হয়। তাই দেখনা,—মৌমাছির হল অতিশয় তীক্ষ্ণ, যন্ত্রণাপ্রদ বটে,—যখন তুমি তাহার মধুর ভাণ্ডার লুটিতে যাও ? নতুবা সে তোমাকে বিনা কারণে আক্রমণ করে না। আর ক্ষুদ্রকায় মশক তোমাকে নিতান্ত নির্দোষ—নিদ্রিতাবস্থায় দংশন করে। মশার অত্যাচারে মশারি প্রস্তুত করিতে হইয়াছে—কিন্তু মধুকরের আলায় ত কোন প্রকার ‘দুর্গ’ নির্মাণ করিতে হয় নাই।

প্রায় রাত্রি শেষ হইল দেখিয়া উভয়ে বিষন্নহৃদয়ে শয়ন করিলেন। সৌদামিনী বুঝাইয়াছিলেন কি না, জানি না। সিদ্ধিকা কিন্তু এক মুহূর্তের জন্যও চক্ষু মুদ্রিত করেন নাই। তিনি সৌদামিনী-আগুনের তরঙ্গে ওৎপ্রোত হইতেছিলেন। তাহার মস্তিষ্ক সৌদামিনী-আগুনে পরিপূর্ণ !

ত্রয়োদশ পরিচ্ছেদ

আবার দেখা

লতীফ মুন্সেরে আসিয়াছেন। ডাক্তারের উপদেশ-মতে তাঁহার মাতাকে লইয়া বায়ু-পরিবর্তনের নিমিত্ত মুন্সেরে আসিয়াছেন। সঙ্গে তাঁহার সেই মাসী (যাঁহার কেহ নাই) এবং রফীকাও আছেন। রফীকা এক বৎসর হইল বিধবা হইয়াছেন।

রফীকা সীতাকুণ্ড দেখিতে আগ্রহ প্রকাশ করায় একদিন তাঁহাদিগকে লইয়া সন্ধ্যার প্রাক্কালে লতীফ সীতাকুণ্ডে চলিলেন। তখন দিনমণি পশ্চিমে অস্ত যাইতেছিল, সূতরাং অন্ধকার তখনও গাঢ়তর হয় নাই। তাঁহারা পদব্রজে বেড়াইতে বেড়াইতে কিছুদূর লক্ষ্মণকুণ্ডের নিকট আরও কয়েকজন মহিলাকে দেখিতে পাইলেন। তাঁহারা নিকটবর্তী হইলে লতীফ দেখিলেন, সিদ্দিকা এবং তাঁহার 'ভগিনি'গণ। কিন্তু সিদ্দিকা লতীফকে দেখিয়াও না দেখার ভাণ করিয়া ক্ষুণ্ণতপে তাঁহাদের অতিক্রম করিয়া গেলেন। তাঁহাদের পশ্চাতে হেলেন ছিলেন ; তিনি বলিয়া উঠিলেন,—

“কেমন আছেন মিষ্টার—?”

লতীফ অগত্যা দাঁড়াইলেন। যথারীতি অভিবাদনের পর বলিলেন, “মিসিস্ হরেস আমার নাম পর্যন্ত ভুলিয়া গিয়াছেন।”

সৌদামিনী। চেহারাখানি কিন্তু মনে আছে।

হেলেন। আপনার নামের শেষভাগটা আমি ঠিক উচ্চারণ করিতে পারি না। আপনার সঙ্গিনীদের সহিত আমাদের পরিচয় করাইয়া দিবেন না ?

লতীফ। ‘সঙ্গিনী’ বলিলেই হয় না ?

হে। না, তাহা কি হয় ? তবে আপনার পরিচয়ের ইচ্ছা না থাকিলে আমি জোর করি না।

ল। ইনি ভগিনী, ইনি মাসী। (তাঁহাদের প্রতি) ইঁহারা আমার পরম-হিতকারিণী—ইঁহারা সেই তারিণী-ভবনের ‘দরিদ্র ভগিনী’।

রফীকা। ভাল হইল, ইঁহাদের সহিত দেখা হইল।

হে। আমরাও কৃতার্থ হইলাম।

র। ভাই-এর বাচনিক আপনাদের সৌজন্যের কথা শুনিয়া অবধি আপনাদের দেখিতে আগ্রহ ছিল ; এত দিনে সে সাধ মিটিল।

সৌ। সময় সময় অনেকেই তীর্থযাত্রা সফল হয়। আমি জীবনে একবার সার্থক তীর্থভ্রমণ করিয়াছিলাম। অদ্য (রফীকার প্রতি) আপনিও একটি বাহনীয় বস্ত্র পাইলেন—অর্থাৎ আমাদের দেখিলেন। (লতীফকে দূরবতিনী সিদ্ধিকার প্রতি দৃষ্টিনিষ্কম্প করিতে দেখিয়া) মিষ্টার আল্‌মাস্, আপনারও কোন ইষ্টলাভ হইয়াছে কি ? আমরা ত আপনার ভগিনীকে পাইলাম। আপনি কিছু পাইলেন কি ?

ল। আপনারদের সঙ্গে দেখা হইল, এই যথেষ্ট লাভ, আর কি চাই ?

(কিন্তু যাঁহার সঙ্গে দেখা হইলে আনন্দলাভ হইত, তিনি এখনও দূরে আছেন—তাঁহার সঙ্গে একটি কথাও হয় নাই।)

সৌদামিনী উষাকে দূরে দেখিয়া ডাকিলেন। সিদ্ধিকা ও উষা তখন ফিরিয়া আসিলেন।

উ। আমরা দেখিলাম যে, মিঃ আলমাস্ পলাইতে চেষ্টা করিতেছিলেন, তাই আমরাও দেখিয়া না দেখার ভাণ করিয়া দূরে যাইতেছিলাম।

ল। আপনারাই অতিক্রম করিয়া গেলেন বলিয়া আমিও পশ্চাৎপদ হইতে-ছিলাম। এখন বলুন, আপনারা ভাল আছেন ত ?

উ। আমি ভাল আছি, ধন্যবাদ ! সিদ্ধিকা কিন্তু প্রায়ই অসুস্থ থাকেন।

র। (সিদ্ধিকার প্রতি) ভাই-এর নিকট আপনার অনেক প্রশংসা শুনিয়াছি। আপনার কি অসুখ ?

মোনী সিদ্ধিকার প্রতি প্রশ্ন হইল দেখিয়া তিনি বিপদ গণিলেন। “না, এমন কিছু অসুখ নয়”—এই মাত্র সংক্ষেপে বলিয়া অন্যদিকে চাহিলেন।

উ। চল, আমরা ওদিকে গিয়া বসি।

সকলে একখণ্ড পাথরের উপর উপবেশন করিলেন। রফীকা প্রথম দৃষ্টিতেই সৌদামিনীকে ভক্তি করিতে শিখিলেন। সৌদামিনীর এই ভক্তি-আকর্ষণের গুণটা কেবল তাঁহার স্বামী প্রভৃতির হৃদয়েই কার্যকরী হয় নাই।

র। আরও যে কয়েকজন ভগিনীর নাম শুনিয়াছি, কোরেণা, বিভা—এখন তাঁহারা কোথায় ?

সৌ। তাঁহারা সকলে এখন কলিকাতায়। এবার পুজার সময় কেবল আমরা কর্নালয়ের কয়েকজন ‘ভগিনী’ আসিয়াছি। বিদ্যালয় হইতে কেবল উষা, অসুস্থতার জন্য ছুটি লইয়া আসিয়াছেন।

র। (হেলেনের প্রতি ইঙ্গিত করিয়া) ও মেসও কি তারিণী-ভবনে থাকেন ?

সৌ। হাঁ, উনি কর্নালয়-বিভাগের ইংরাজী শিক্ষয়িত্রী। কলিকাতায় উঁহার স্বতন্ত্র বাসাবাড়ী নাই বলিয়া ত্রিগণী-ভবনেই বাস করেন।

লতীফের মাতা কিছু অসুস্থ আছেন শুনিয়া সোদামিনী তাঁহাকে দেখিতে যাইতে প্রতিশ্রুত হইলেন।

রফীক। সিদ্ধিকাকে বলিলেন, “আপনিও আসিবেন।”

সি। আমি যাইব না, ক্ষমা করিবেন।

র। কেন, আমি আপনাদের তাঁবুতে যাইব, আপনি আসিবেন না কেন ? যাওয়া আসাই ত নিয়ম।

সি। আপনারাই ত আমার যাইবার পথ রাখেন নাই।

র। আপনার কথা আমি ভালমতে বুঝিলাম না। পথ রাখি নাই কেমন ?

সি। আমরা সামাজিক মানুষ নহি, স্ত্রতরাং ও নিয়ম আমাদের জন্য নহে।

সন্ধ্যা উত্তীর্ণ হইল দেখিয়া সকলে যাইতে উদ্যত হইলেন। বিশেষতঃ রফীকার সঙ্গে একটি চারি বৎসরের শিশু ছিল, সে নিজায় কাতর হইল। রফীক। ছেলোটিকে কোলে লইতে লইতে বলিলেন, “এ ভাইএর ছেলে। আজ এক বৎসর হইল, ইহার মাতার মৃত্যু হইয়াছে, সেই অবধি এ আমার সঙ্গে আছে।”

ঐ কথাটা শুনিয়া বিদ্যুতের মত হঠাৎ একটু দুরাশার আলোক সিদ্ধিকার হৃদয়ে প্রদীপ্ত হইল। সেই আলোকে তিনি মুহূর্তের জন্য লতীফকে স্বাধীন—বন্ধনমুক্ত দেখিতে পাইলেন। তখনই আবার একখণ্ড নিরাশার মেঘ আসিয়া সে আলোটুকু ঢাকিয়া ফেলিল। সিদ্ধিকার হৃদয়ের এই আশাবিদ্যুৎ ও নৈরাশ্যমেঘ কেহই জানিতে পারিল না। কেবল লতীফ ও সোদামিনী তাঁহার মুখভাবের এই ক্ষণিক পরিবর্তনটুকু লক্ষ্য করিলেন।

রফীক। কিছু লক্ষ্য না করিয়া বলিয়া যাইতেছিলেন—“আমি নিজের ছেলে মেয়ে রাখিয়া আসিয়াছি—ইহাকে ছাড়িতে পারি নাই।”

ল। তুমি হামিদকে আদুরে করিয়া তুলিতেছ, এতটা ভাল নহে। শেষে তাহার মাতার মত একগুঁয়ে না হইলেই রক্ষা।

এইবার স্কিনা বলিলেন—“ছেলোটী ঠিক মিঃ আল্‌মাসের মত ! দেড় বৎসর পরে আবার আপনাকে দেখিলাম—সেই রকমই আছেন।”

ল। আমি কি শিশু ছিলাম যে, এখন আমার বড় দেখিবেন ?

সৌ। রোগাটে ছিলেন, সবল সুস্থ হওয়া উচিত ছিল।

উ। তা হইতেন, কিন্তু একটা গুরুতর আঘাত পাইয়াছেন যে।

সৌ। (সিদ্ধিকার কানে কানে) তুমিও ত মোটা-সোটা হও না, ঐ আঘাতের ভাগ তুমিও পাইয়াছ না কি ?

ইহাতে সিদ্ধিকা রাগ করিয়া উঠিয়া দূরে সরিয়া গেলেন।

সিদ্ধিকাকে অপর ভগিনীদের নিকট হইতে কিঞ্চিৎ দূরে একা দেখিয়া, লতীফ ধীরে ধীরে পদচারণা করিতে করিতে তাঁহার নিকট গিয়া দাঁড়াইলেন। তাঁহাকে কিছু বলিবেন মনে করিতেছিলেন, কিন্তু কি বলিবেন, তাহা ভাবিয়া ঠিক করিতে না পারিয়া নীরবে তাঁহার দর্শনসুধা পান করিতে লাগিলেন। কিন্তু এ সুখটুকুও অধিকক্ষণ স্থায়ী হইল না, কারণ রফীকা ও সৌদামিনী তথায় আসিলেন।

রফীকা (বাসায় ফিরিয়া যাইতে যাইতে সিদ্ধিকার হাত ধরিয়া) আপনি নিশ্চয় আমাদের বাসায় আসিবেন ; আপনার কোন আপত্তি আমি শুনিব না।

সি। বেশ ; কিন্তু আপনাকে আমাদের “নারী-ক্লেশ-নিবারণী-সমিতি”র সভা হইতে হইবে। বাষিক চাঁদা ১২ টাকা মাত্র।

র। (উচ্চ-হাস্যে) ‘নারী-ক্লেশ-নিবারণী-সমিতি ?’ এমন নাম ত কখনও শুনি নাই। ‘পশু-ক্লেশ-নিবারণী-সভা’ আছে জানিতাম। বেশ বেশ। আমি নিশ্চয় সভা হইব।

ল। এমন সমিতির প্রতি সমস্ত নারীজাতির সহানুভূতি থাকা বাঞ্ছনীয় ; (সিদ্ধিকার প্রতি) আমার মাতাকেও সভ্য করুন ; এই নিম্ন তাঁহার চাঁদার টাকা।

সি। সৌদামিনী দিদি এ সমিতির সম্পাদিকা, টাকা তাঁহাকে দিন।

সৌ। না, স্কিনাবু কোষাধ্যক্ষ, টাকা তিনিই লইবেন।

ল। তাহা হইলে দেখিতেছি যথাবিধি সভার কার্য সম্পন্ন হয়।

সৌ। তাহা নহে ত কি ছেলেখেলা ? এবার সমিতির অষ্টাদশ বাষিক অধিবেশন হইবে, আপনি দয়া করিয়া নূতন সভ্যদের সহিত যোগদান করিবেন।

উ। হাঁ, মিঃ আলমান্, আপনি নিশ্চয় সকলকে লইয়া কলিকাতায় আসিবেন ; সেই সময় তারিণী-বিদ্যালয়ের কুড়ি বৎসরের জুবিলী এবং পুরস্কার বিতরণ হইবে।

ল। বহু ধন্যবাদ। আল্লাহ্ চাহে নিশ্চয় যাইতে চেষ্টা করিব।

চতুর্দশ পরিচ্ছেদ

আশুনের সৌন্দর্য

সিদ্ধিকা আর কোথাও বাহির হয়েন না। যদি লতীফের সহিত দেখা হয়,— এই ভয়ে বাহির হইতে ইচ্ছা করেন না। কয়দিন হইতে তাঁহার হৃদয়ে ভীষণ তুফান চলিতেছে। তাঁহার অবাধ্য হৃদয় আপন মনে একদিকে বহিয়া যাইতে চাহে— তিনি বারণ করেন।

সিদ্ধিকা বাহির না হইলে কি হইবে? লতীফ প্রায় প্রতি সপ্তাহে মাসী ও ভগিনীসহ 'ভগিনী'দের তাঁবুতে আসিতেন। এই সময় 'ভগিনী'দের সহিত তাঁহার বেশ ঘনিষ্ঠতা জন্মিল। রাফিয়া এবং সকিনা তাঁহার আত্মীয়া—রাফিয়া সম্পর্কে মাসতুতো ভগ্নী এবং শ্যালক-পত্নী; আর সকিনা এক সম্পর্কে ভগ্নী, অন্য সম্পর্কে ভ্রাতৃবধু। উষা এবং সৌদামিনী তাঁহার 'দিদি' হইয়া তাঁহার সহিত 'তুমি' সম্বোধনে কথাবার্তা কহিতে সম্মত হইয়াছেন। তিনি কেবল সিদ্ধিকাকে বশীভূত করিতে পারেন নাই। কিন্তু সিদ্ধিকা-জয়ের চেষ্টা ত্যাগ করেন নাই।

অভাগিনী সিদ্ধিকা ভাবেন, তারিণী-ভবনে ত সকলেই সুখে আছেন, কেবল তাঁহার মনে শাস্তি নাই কেন? সৌদামিনীও জলিয়া পুড়িয়া এখন শাস্তি লাভ করিয়াছেন। সিদ্ধিকার এ দাহক্রিয়া কতদিনে শেষ হইবে? আরও ভাবিতেন, ইংরাজ ভগিনীদের কোন জ্বালা-যজ্ঞণা নাই। তাঁহারা পরম সুখী।

সকাল বেলা তাঁবুর বারান্দায় বসিয়া হেলেন সংবাদপত্র পাঠ করিতেছিলেন— অন্যমনস্কভাবে সহসা বলিয়া উঠিলেন :—“Oh poor thing ! (আহা ! গরীব বেচারী !)”

“কেন দিদি। ও কথাটা বলিলেন কেন?” নিকটে যে আর কেহ ছিল, হেলেন তাহা লক্ষ্য করেন নাই। সিদ্ধিকার প্রশ্ন শ্রবণে চকিতের ন্যায় ফিরিয়া দেখিয়া বলিলেন, “ও ! সিদ্ধিকা, তুমি তাহা শুনিয়া কি করিবে?”

সিদ্ধিকা। বলুন না, “poor thing” কাহাকে বলিলেন ?

হেলেন। মনে কর, তোমাকে বলিলাম।

সি। আমাকে বলিলেন কেন ? আমি কিসে দয়ার পাত্রী ?

হে। এই দেখ না, মিস্ স্টার এতকাল অবিবাহিতা থাকিয়া এখন বিবাহ করিয়াছেন।

সি। তাহাতে তিনি দয়ার পাত্রী হইলেন কেন ?

হে । ঈশ্বর করুন, তিনি স্মৃষ্টি হউন । আমার ভুক্তভোগী হৃদয় কাহারও বিবাহের সংবাদ শুনিলে স্বতঃই আশঙ্কায় কাঁপিয়া উঠে ।

সি । কেন দিদি, কিসের আশঙ্কা ? বিবাহ-সংবাদ ত আনন্দের বিষয় ।

বারাণ্ডার অপর প্রান্তে রাফিয়া, সকিনা ও উষা বসিয়া গল্প করিতেছিলেন ; হেলেন তাঁহাদের প্রতি অঙ্গুলিসঙ্কেত করিয়া বলিলেন, “ঐ দেখ, উহার সকলেই বিবাহিতা—”

তাঁহাদের প্রতি অঙ্গুলিনির্দেশ হইল দেখিয়া রাফিয়া সকৌতুকে জিজ্ঞাসা করিলেন, “আমাদের কি নিন্দা করিতেছেন, হেলেন দিদি ?”

হেলেন সিদ্ধিকার হাত ধরিয়া তাঁহাদের নিকট অগ্রসর হইয়া বলিলেন— “এই দেখ, ইঁহাদের সকলেরই বিবাহ-জীবন ‘ফেল’ (fail) হইয়াছে । এই যে রাফিয়া বেগম, ইনি বড়ম্বরের কন্যা, ততোধিক বড়লোকের স্ত্রী ; কিন্তু তোমাদের দেশীয় প্রথা অনুসারে সধবার চিরস্বরূপ হাতে একগাছি চুড়ি পর্যন্ত নাই ! ঐ যে সকিনা খানম, উনিও অতি সম্ভ্রান্ত ঘরের কন্যা, নোয়াখালীর জনৈক প্রসিদ্ধ উকিল, মিষ্টার কি ‘খান’—নামটা এখন আমার মনে পড়ে না,—তাঁহার স্ত্রী ; কিন্তু দেখ অঙ্গে একখানিও অলঙ্কার নাই । কেবল উষারানী শাঁখা খুলিতে পারেন নাই—‘ছাড়ব না হাতের শাঁখা, ঐটি সধবার নিশানা ।’—

উষা । হেলেনদি ! তুমি আজ আমাদের ‘বিয়ে ফেল্’এর আলোচনা লইয়া বসিলে কেন ?

সকিনা । সম্ভবতঃ সিদ্ধিকাবুকে সাবধান করিতেছেন ।—আমিও বলি, তাই পদ্মরাগ ! তুমি বিবাহ করিও না, সাবধান !

রাফিয়া । কিন্তু ‘আল্‌মাস্’ আসিয়া জুটিলে তোমার সতর্কবাণী মনেও থাকিবে না—

উ । মিঃ আল্‌মাস্ আসিলে দূর হইতে নমস্কার করিও,—ধরা দিও না পদ্মরাগ !

সিদ্ধিকা তাড়াতাড়ি প্রতিবাদ করিতে যাইয়া বলিলেন,—“উষাদি ! তুমি ভুল বুঝিয়াছ । ‘আল্‌মাস্’ শব্দের অর্থ হীরক । সকিনাবু আমার ‘পদ্মরাগ’ বলিলেন কি না, তাই রাফিয়াবু পরিহাস করিয়া ‘আল্‌মাস্’ বলিয়াছেন !”

উ । হাঁ, হাঁ, আমিও তাহাই বলি, হীরা আসিলে চুপী যেন দূর হইতে নমস্কার করিয়া সরিয়া পড়ে !

হে । সিদ্ধিকা, এখন তুমি বুঝিলে ত যে, বিবাহ আনন্দের বিষয় নহে । সত্বে ইঁহার গৈরিকবসনা ও নীলাম্বরধারিণী সন্ন্যাসিনী হইতেন না ।

সি । ইঁহাদের বিবাহ কিরূপে রিফল হইয়াছে, তাহা ত শুনিলাম না ।

উ । উনি একেবারে প্রত্যক্ষ প্রমাণ চাহেন । পদ্মরাগ সহজে পশ্চাৎপদ হইবার পাত্রী নহেন ।

হে । তবে শুন । এই যে রাফিয়া বেগম, ইনি জনৈক প্রসিদ্ধ ব্যারিস্টারের পত্নী । বিবাহের তিন বৎসর পরে ইঁহাকে মাত্র দুইটি শিশু কন্যা-সহ রাখিয়া তিনি ইংলণ্ড যাত্রা করেন । সাধারণতঃ লোকের ব্যারিস্টারী শিক্ষা করিতে তিন বৎসর লাগে । কিন্তু উঁহার প্রিয়তম বাড়া দশটি বৎসর ইংলণ্ডে রহিলেন । ইনি পতি জ্ঞান, পতি ধ্যান করিয়া বিরহের সেই সুদীর্ঘ দশ বৎসরের দিন একটি একটি করিয়া গণনা করিতে লাগিলেন । এই দশ বৎসর ইনি দুধের সর ও আশ্রফল খান নাই—যেহেতু তাঁহার প্রিয়তম ইংলণ্ডে ঐ দুইটি জিনিসে বঞ্চিত ছিলেন—

রা । যান, হেলেন দি ! আপনি ও-সব কি বলেন—

হে । সত্য ঘটনা বলিতেছি—কাব্য উপন্যাস নহে ! ইঁহার প্রিয়তম ইংলণ্ড গিয়া প্রথম বৎসর সপ্তাহে ৭ খানি পত্র পাঠাইতেন ; দ্বিতীয় বৎসর সপ্তাহে ৩ খানি—পর বৎসর সপ্তাহে ১ খানি, ক্রমে মাসে দুই মাসে ১ খানি পত্র পাঠাইতে লাগিলেন । রাফিয়া বেগম তাহাতেও দুঃখিত ছিলেন না । জ্যেষ্ঠা কন্যাটি ৫।৬ বৎসরের হইলে শিক্ষয়িত্রী রাখিয়া তাঁহাকে শিক্ষা দিতে আরম্ভ করিলেন । সেই সঙ্গে নিজেও পিয়ানো, সেতার প্রভৃতি বাজাইতে এবং প্রাণপণে ইংরাজী ভাষা শিক্ষা করিতে লাগিলেন । যাহাতে ইংলণ্ড-প্রত্যাপ্ত স্বামীর উপযুক্ত ভাৰ্যা হইতে পারেন—স্বামীর সহিত ইংরাজীতে প্রেমালাপ করিতে পারেন, সেই উদ্দেশ্যেই এই সকল সাধনা ।

রা । ও হেলেন দি ! আপনি চুপ করিবেন না ?

হে । এই চুপ করিতেছি, আর অধিক কিছু বলিবার নাই । স্বামীকে চমৎকৃত করিবার জন্য সুমাজিত ইংরাজী ভাষায় পত্র লিখিলেন । স্বামী দুইমাস পরে একটা যেন-তেন সংক্ষিপ্ত উত্তর দিয়া চরিতার্থ করিলেন । ইনি তবু দুঃখিত হন নাই । ক্রমে স্বামীর প্রত্যাবর্তনের সময় নিকটবর্তী হইতে লাগিল । আর দুই বৎসর পরে আসিবেন, আর এক বৎসর বাকী ! এখন ছয় মাসেও একখানা পত্র আইসে না—না আশ্রুক, তিনি আসিলে একেবারে সুখে আসলে শোধ লওয়া যাইবে ! ইঁহার কি চমৎকার ধৈৰ্য ! প্রিয়তমের আগমনের আর মাত্র ১৫ দিন বাকী ! এই সময় তাঁহার দেবর তাঁহাকে নিষেধ করিলেন, যেন তিনি কোন রেজেট্রি পত্র গ্রহণ না করেন । স্বামীর আগমনের ১২ দিন পূর্বে তাঁহার ইনশিওর

করা পত্র আসিল। ছয় মাস পরে এত বড় একখানি ইনশিওর-করা পত্র—ইহা কি ফেরত দেওয়া যায়? দেবর হয়ত অন্য লোকের পত্র গ্রহণ করিতে নিষেধ করিয়াছেন। স্বামীর পত্র স্ত্রী গ্রহণ করিবেন না, এ কি কথা? তবু তিনি ডাক-পিয়নকে পরদিন আসিতে বলিয়া পত্রখানি ফেরত দিলেন। অপরাহ্নে দেবরের সহিত সাক্ষাৎ হইলে তাঁহাকে সে পত্রের বিষয় বলিলেন। তিনি উত্তরে বলিলেন,—“না, ডাইএর পত্রও গ্রহণ করিবেন না! ঈস্! ছয় মাস পরে পত্র লেখা হইয়াছে। আপনি পত্র ফেরত দিলে তিনি শিক্ষা পাইবেন যে, আপনিও রাগ করিতে জানেন।”

হতভাগা ডাক-পিয়ন আবার পরদিন এমন সময় আসিল, যখন কোন পুরুষ মানুষ বাড়ীতে ছিলেন না। রাফিয়া বেগম ভাবিলেন, এতকাল পরে পত্র আসিল, ইহা প্রত্যাখান করি কোন্ প্রাণে? আর দশ দিন পরেই ত তিনি আসিবেন, তখন বুঝিয়া লইব। তিনি ভাবিয়াছিলেন, পত্রে না জানি কতই ভালবাসার কথা আছে। দীর্ঘকাল নীরব থাকার বিস্তারিত কৈফিয়ৎ আছে। সুতরাং তিনি যথাবিধি স্বাক্ষর দিয়া পত্র গ্রহণ করিলেন। অতি আশ্রহে তুষাতুরা চাতকীর ন্যায় পত্র পাঠ আরম্ভ করিলেন—

রাফিয়া আর সহ্য করিতে না পারিয়া তথা হইতে প্রস্থান করিলেন। হেলেনও অশ্রুসম্বরণ করিতে পারিলেন না। সিদ্ধিকা সবিস্ময়ে চাহিয়া দেখিলেন, উষা এবং সকিনাও বজ্রাঙ্কলে চক্ষু মুছিতেছেন। তিনি অপ্রতিভ হইয়া বলিলেন—“ধাক্, আমি আর শুনিতে চাহি না।”

হেলেন অশ্রুমোচন করিয়া বলিলেন—“এই টুকুই ত গল্পের প্রাণ। শুন— তিনি পত্রের মোড়ক খুলিয়া দেখিলেন, তাহা স্মৃতিস্তূত ত্যাগপত্র (তালাকনামা)। তিনি ত্যাগপত্র দিয়াছেন, ইনি স্বাক্ষর দিয়া গ্রহণ করিয়াছেন,—সুতরাং তাঁহাদের বিবাহ-সূত্র ছিন্ন হইয়া গেল ॥ এইরূপে ১৩ বৎসরের বিবাহ-বন্ধন কলমের এক আঁচড়ে শেষ হইল। তিনি ত ইংলণ্ড হইতে মেম লইয়া আসিলেন, রাফিয়া পাগল হইয়া গেলেন!—”

সকিনা। আততায়ী একবার দেখিল না ফিরে,

অর্ধমৃত কি প্রকারে ছটফট করে।*

* “না মোড় কর্ বে-দরদ্ কাতিজ্ নে দেখা-
তড়পতী রহী নীম্জান্ কেয়ে কেয়ে”।

হে । স্মৃচিকিৎসার ফলে প্রায় তিন বৎসর পরে তিনি প্রকৃতিস্থ হইলেন । পরে কি জানি কি কৌশলে তিনি ও সকিনা একত্রে ভারিণী-ভবনে আসিয়াছেন । পাঁচ বৎসর হইতে তাঁহারা এখানে আছেন । রাফিয়া মিসিস্ সেনের প্রাইভেট সেক্রেটারী হইয়াছেন । সকিনা রোগী-সেবা (নার্সিং) শিক্ষা করিয়াছেন ।

সি । আর তাঁহার কন্যাশয় ?

হে । যথাকালে তাহাদের উভয়ের বিবাহ হইয়া গিয়াছে ।

স । মিসিস্ হরেন্, আপনি ত রাফিয়া-বুর ইতিহাস বলিলেন, কিন্তু নিজের পাগলটার গল্প বলেন না কেন ?

উ । হাঁ, সে গল্প তুমি বল ; তুমি সে সংবাদপত্রের পাতা কাটিয়া (কাটিং) রাখিয়াছ ।

হে । তাহা হইলে সকিনাবু, আমি তোমারও বিবাহ-রহস্য বলিয়া দিব ।

স । বলিবেন, সে ত আর প্রেয়-কাহিনী নয় । তবে শুন :—

হেলেন-বিবাহ কথা অনল যেমতি
ব্যথিতা সকিনা ভণে শুনে দয়াবতী ।

দয়া এবং মমতার প্রতিমা হৃদয়বতী সিদ্ধিকা সত্যই ঐ কথা—ঐ অনলের তরল বৃষ্টিধারা তৃষিতা চাতকীর ন্যায় পান করিতেছিলেন !

সকিনা । বিবাহের তিন বৎসর পূর্ব হইতে হেলেনদি মিঃ জোসেফ হরেন্কে জানিতেন । তিন বৎসরের পরিচয়ের পর তাঁহাকে সম্পূর্ণ বিশ্বাস করিয়া বিবাহ করিয়াছিলেন । এক বৎসরকাল পরম সুখে অতিবাহিত হইল । তখন জানিতেন না, সে ‘ফুলের মালা’—প্রকৃত ফুলের মালা ছিল না, কিছু দিনের জন্য রূপান্তরিত হইয়াছিল মাত্র ।

বিবাহের দ্বিতীয় বৎসর হইতে তিনি সুরাসক্ত এবং তাহার আনুষঙ্গিক অন্যান্য কুক্ৰিয়াসক্ত হইলেন । রাত্রি ১২।১টার পর বাড়ী আসিয়া দিদির উপর ‘মাতলামী’ ঝাড়িতেন ! রাগারাগি, গালাগালি দৈনন্দিন ব্যাপার ছিল । সময় সময় প্রহারও চলিত । অদ্যাপি ইঁহার অঙ্গে প্রহার-চিহ্ন আছে । ইনি সে সব শারীরিক ও মানসিক যন্ত্রণা নীরবে সহ্য করিয়া তাঁহাকে সৎপথে আনিতে প্রাণপণে চেষ্টা করিতেছিলেন । তিনি স্ববোগ পাইলেই পলায়ন করিতেন, ইনি খুঁজিয়া খুঁজিয়া ধরিয়া আনিতেন ।

সি । পলায়ন করিতেন কেন ?

স । মরিতে । অপরিমিত সুরাপানে অজ্ঞান হইয়া থাকিতেন । ইনি

সেই অবস্থায় ধরিয়া আনাইতেন। অবশেষে হাজারীবাগ হইতে যে পলায়ন করিলেন, তখন আর ইনি কোনও সন্ধান পাইলেন না।

বহুদিন পরে জনশ্রুতি শুনা গেল, তিনি কানপুরে নরহত্যা করিয়া পুলিশ কর্তৃক ধৃত হইয়াছেন। দিদি সেইখানে গেলেন। বাইয়া শুনিলেন, হরেস্ নামক এক ব্যক্তি বন্ধ-পাগল বলিয়া প্রমাণিত হওয়ায় তাঁহাকে ইংলণ্ডে প্রেরণ করা হইয়াছে। হেলেনদিও পাগলিনী-প্রায় সেই পাগলের অনুসরণে ‘ষটী বাটা’ বিক্রয় করিয়া ইংলণ্ড যাত্রা করিলেন।

ইংলণ্ডে গিয়া জানিতে পারিলেন, মিঃ হরেস্ মিস্ রিভা সগোর্স নাম্নী কোন যুবতীর সহিত অবৈধ প্রণয়ে ধরা পড়িয়াছেন এবং আরও একজন লোককে হত্যা করিয়া বোডমুরে ‘ক্রিমিন্যাল লুনাটিক এসাইনামে’ (‘অপরাধী-বাতুলাশ্রমে’) বন্দী আছেন। তখন ইঁহার মাতা জীবিত ছিলেন। তিনি এই স্মরণে হরেসের বিরুদ্ধে নালিশ করাইয়া হেলেনদিকে আদালত কর্তৃক ‘ডিক্রী নিসি’ দেওয়াইলেন। কিন্তু রীভা উক্ত কলঙ্কের বিরুদ্ধে আপীল করিয়া নির্দোষ বলিয়া মুক্তি পাইল। এদিকে রীভার মুক্তিতে হেলেনের ‘ডিক্রী নিসি’ পও হইল। আহা! বলিহারি যাই ইংরেজ আইনের। হেলেনদি আবার আপীল করিলেন। তাহার ফল এই হইল যে, আপীলের লর্ড চতুর্দশ একবাক্যে বলিলেন—“মিসিস্ হেলেন্ মেরী হরেস্ তাঁহার স্বামী লেক্টেন্যান্ট কর্নেল মিসিল্ জোসেফ্ হরেস্ হইতে মুক্তি পাইতে পারেন না।”

তোমাদের স্মরণ থাকিতে পারে, প্রায় তিন বৎসর হইল সংবাদপত্রে “পাগলের সহিত চিরজীবনে বাঁধা” (“Tied for life to a lunatic”) শীর্ষক একটি ‘বিলাতী বিচারের’ সংবাদ প্রকাশিত হইয়াছিল। এই দেখ, আমি সে কাগজখণ্ড সম্বন্ধে রাখিয়াছি। কোন কোন বিচারকের একটু হৃদয় আছে, তাই লর্ড বার্কেনহেড স্বীয় রায়ে বলিয়াছেন,—“আমাদের বিবাহ-আইনের এই হতভাগিনী-‘বলি’র প্রতি অবশ্যই আপনাদের সহানুভূতি আছে। * * * ইহা বড় দুর্ভাগ্যের বিষয় যে, এ বোচারী চিরজীবন একটা নরঘাতক, ভয়ঙ্কর অত্যাচারী নিষ্ঠুর বাতুলের সহিত আবদ্ধা থাকিবেন। * * * অনেকে আমাদের এই বিচার নিষ্পত্তিকে কঠোর ও অমানুষিক মনে করিবেন— কিন্তু ইহাই হইতেছে ইংলণ্ডের আইন! * * ইহার প্রকৃত প্রতিকার আইন আদালতের বাহিরে।”

ফল কথা, ইংলণ্ডের আইন হেলেনদিকে বাতুলের বন্ধন হইতে মুক্তিদান করিতে পারিল না। হরেসের বাতুলতার বিষয় ফল হেলেনকে ভোগ

করিতে হইবে। ইহা অপেক্ষা অবিচার অত্যাচার আর কি হইতে পারে ? এই ইংলও—এই পুঁতিগন্ধনয় পচা ইংলও আবার সভ্যতার দাবী করে।

হে। এজন্য তুমি দুঃখ কর কেন সকিনাবু ? তুমিও ত তোমাদের দেশের আইন ও আচার-পদ্ধতির উৎসর্গীকৃত্য 'বলি' !

স। আমাদের দেশ ত অসভ্য পরাধীন দাসাধম দাস—তাহার সর্বাক্ষে কলঙ্ক-কালিমা। কিন্তু তোমাদের যে সাদা ধ্বংসবে দেশ। এখন আমি 'ইতি' করি—এইরূপে হেলেন'দির সুখের দিন বড় শীঘ্র ফুরাইল। 'গাঁথা না হইতে মালা—ফুলদল শুকাইল।' সূর্যোদয়ের আনন্দটুকু অনুভব করিতে না করিতে সূর্যাস্ত হইল। আশালতা সবে মুকুলিত হইতেছিল, তখনই সমূলে উৎপাটিত হইল।

হে। ভগিনী। আমি ভাবিয়া দেখিলাম,—না পুড়িলে কিছুই পবিত্র হয় না। ধর্মের পথ কল্টকময়, তাই প্রেমে ক্ষণিক সুখ নাই। যত সুন্দর বস্তু দেখ, সকলের মধ্যেই আঙুন আছে। যদি জোসেফের সহিত বিচ্ছেদ না হইত, তবে আমি এ বিশুপ্রেম শিখিতাম না। এখন এ জালা-পোড়া সুন্দর বোধ হয়। জ্বলিতেই সুখ বোধ হয়। জগৎ-সংসার কেবলই জ্বলিতেছে।

সি। (অন্যমনস্কভাবে) তাই ত সৌদামিনীতেও আঙুন আছে।

হে। শুধু সৌদামিনীতে কেন,—প্রফুল্ল-নলিনীতেও আছে।

সিদ্ধিকা সবিস্ময়ে হেলেনের মুখ দেখিতে লাগিলেন,—এ কি, হেলেন কি বলেন ? ইহা রূপক না কি ? তিনি কি সিদ্ধিকার কথা বুঝিতে পারিয়াছেন ?

হে। কি ভাবিতেছ ?

সি। ভাবিতেছি—আপনি এমন সুন্দর মানুষ, আপনার বুকে আঙুন আছে !

হে। তোমার মনে কি আঙুন নাই ?

সি। (ত্রস্তভাবে) না।

এই “না” যেরূপ জোরের সহিত উচ্চারিত হইল, তাহাতেই যেন শত “হাঁ” প্রকাশিত হইল। সকলে হাসিলেন। সিদ্ধিকা অপ্রতিভ হইলেন।

এমন সময় ঝি আসিয়া বলিল—“মাঠাক্করণা, আজ না'বেন ঝা'বেন না ? বড় মাঠাক্করণ (সৌদামিনী) রান্না-ঘরে একলাটি বসে আছেন।”

উ। তাই ত, বেলা যে ১২টা। কিন্তু এদের যে “প্রেমস্বধা-পানে কুধা তিরোহিত হয়েছে।” এখন উঠা বাক্।

হে । হাঁ উঠি, কিন্তু সকিনা-বু ও উষা-দির গল্প বাকী রহিল ।
সি । তাহা আজি রাতে শুনিব ।

নৈশ-ভোজনের পর সিদ্দিকা হেলেনকে উষা ও সকিনার গল্পের জন্য
ধরিলেন ।

হে । সকিনার কথা রাফিয়া বেগম ভাল জানেন, তিনি তাঁহার আত্মীয়া ।
তাঁহাকে অনুরোধ কর ।

রাফিয়া বেগম আরম্ভ করিলেন :—সে আজ প্রায় ১৭ বৎসরের ঘটনা ।
বিবাহের সময় সকিনার বয়স ১৫ বৎসর ছিল । উনি সম্পর্কে আমার ব্রাতৃবধু
এবং ভগিনীও বটে। আবদুল গফুর খাঁ তখন খুলনায় একজন উদীয়মান
উকিল । অল্প বয়স হইতেই তাঁহার চরিত্রদোষ ঘটে ; তাঁহার জ্যেষ্ঠভ্রাতা তাঁহার
চরিত্র সংশোধনের অনেক চেষ্টা করিয়া ব্যর্থ-মনোরথ হইলেন । অবশেষে
বিবাহ-রূপ চিকিৎসার ব্যবস্থা করিলেন । পরিচিত লোকেরা কেহ কন্যাদানে
সম্মত হইলেন না । ভ্রাতা তখন দূরদেশে শিকারের সন্ধান করিতে লাগিলেন ।
এদিকে আবদুল গফুর বাঁকিয়া বসিলেন, কিছুতেই বিবাহ করিবেন না । অনেক
সাধ্য-সাধনার পর সম্মত হইলেন যে, নিখুঁৎ সুলন্দরী পাইলে বিবাহ করিবেন ।

(শ্রোত্রীগণ একযোগে সকিনার প্রতি চাহিলেন, সত্যই ত তিনি পরমাসুলন্দরী,
যেন জানাকাটা পরী ।)

তখন বড় ভাই বলিলেন যে, চরিত্র-সংশোধন হওয়া উচিত । তিনি নিজে
বেশ ভাল লোক ছিলেন ; কনিষ্ঠের দুষ্ক্রিয়ার জন্য মর্মপীড়িত থাকিতেন । এবার
গফুরের দয়া হইল ; তিনি সুবোধ বালকের মত সুরা এবং অন্যান্য কুক্রিয়া
ত্যাগ করিলেন । অতঃপর তাঁহার ভ্রাতা বর্ধমানো গিয়া সকিনার সহিত বিবাহ
সম্বন্ধ ঠিক করিলেন । কিন্তু একটা পরিচারিকা যে গুণভাবে তাঁহার রক্ষিতা ছিল,
তাহা কেহই জানিত না ।

যথাসময় আমরা বরযাত্রী লইয়া গেলাম । বেলা (সেই পরিচারিকা)ও
আমাদের সঙ্গে গেল । বিবাহ অনুষ্ঠানের পর যখন বরকন্যার শুভদৃষ্টির নিমিত্ত
বর অন্তঃপুরে আহৃত হইয়া কন্যার পার্শ্বে বসিয়াছেন, সেই সময় বেলা বরের
কানে কানে কি বলিল ।

আমার বলিতে লজ্জা হয়,—দূর-সম্পর্কের হইলেও তিনি আমার ভাই,—সেই
ভ্রাতৃয়ের অমানুষিক কাণ্ডের কথা বলিতে আমি লজ্জায় অধোবদন হই । তোমরা
বিশ্বাস করিবে ?—বর তখনই উঠিয়া দাঁড়াইলেন, কন্যার মুখ দর্শন করিবেন না ।

কারণ বেলা বলিয়াছে, “বিবি-সাব ত সোল্লর না।” কন্যাপক্ষীর লোকেরা কিংকর্তব্য-বিমুঢ় হইয়া বরের দিকে চাহিয়া রহিলেন। বরের ভাই রাগ করিয়া বলিলেন, তিনি খুন করিবেন। উপস্থিত লোকেরা বলিলেন, “তুমি স্বচক্ষে দেখ, পাত্রী সুল্লরী কি না।”

বর-কন্যার শুভ-দৃষ্টি হইল। পরদিন বর নব-বধুর সমস্ত অলঙ্কার লইয়া পলায়ন করিলেন। বাড়ী গিয়া ভাইকে শাসাইলেন যে, তাঁহাকে ফাঁকি দিয়া একটা কুৎসিতা পাত্রীর সহিত বিবাহ দেওয়া হইয়াছে, এজন্য তিনি তাঁহাদের বিরুদ্ধে ‘ড্যামেজ স্ট’ আনিবেন। সকিনার ভাগ্যে আর স্বামীগৃহে যাওয়া ঘটে নাই।

ভাতা গফুরের মুখদর্শন বন্ধ করিলেন। কিছুদিন পরে সে বেলা মরিল। গফুর একজন বিধবাকে বিবাহ করিলেন। প্রায় তিন বৎসর পরে সকিনার ভ্রাতৃত্বয় ‘দেন মোহর’ (স্ত্রীধন)-এর জন্য নালিশ করিয়া গফুরকে ব্যতিব্যস্ত করিয়া তুলিলেন। এ সব গোলমালে আরও দুই বৎসর অতিবাহিত হইল। গফুর বে-গতিক দেখিয়া শ্যালকদের সহিত সন্ধির প্রস্তাব করিলেন; তাঁহারা ইহাতে সন্মত হইলেন।

গফুর আমাকে এবং আরও কয়েকজন আত্মীয়া মহিলাকে সঙ্গে লইয়া বউ আনিতে চলিলেন। আমরা নানাবিধ বস্ত্র ও অলঙ্কার প্রভৃতি অনেক উপঢৌকন লইয়া ক’নেকে ফুসলাইতে গেলাম—“আরসী আন্ছি, কাঁকই আন্ছি, চুল বান্ধনের ফিতা আন্ছি।”

কিন্তু সে সব দেখে কে?—সকিনার তখন ভয়ানক জ্বর।

গফুর স্বয়ং বধুর শুশ্রূষা করিতে লাগিলেন, মাথা টিপেন, বাতাস করেন ইত্যাদি। কিন্তু বদরসিক সকিনা তাঁহার প্রতিদান কি দিলেন, জানেন। তাঁহার জ্বর ছাড়িলে আমরা বউ লইয়া যাইতে প্রস্তুত হইলাম। যাত্রার পূর্বদিন বউ বরকে পত্র লিখিলেন। গফুর আমাকে সে পত্র দেখাইলেন। আজি পর্যন্ত সে পত্রের প্রত্যেকটি শব্দ আমার বেশ স্মরণ আছে। তাহা এই :

“আদাব জানিবেন,—

“আপনাকে কষ্ট দেওয়া আমার ইচ্ছা নয়। কিন্তু স্পষ্ট কথা এই : আপনার সহিত ইহজীবনে আমার মিলন অসম্ভব। আপনি একটা পরিচারিকার কথায় আমাকে গ্রহণ করিতে অস্বীকার করিয়াছিলেন, তাহা কি আপনার স্মরণ নাই? আপনার “বেলা যারে ‘সোল্লর’ কইব, সেই হইবে ‘সোল্লর’।” সে

আমাকে 'সোল্লর' বলিয়া সাঁটি ফিকেট না দেওয়াতে যে আমার বিবাহ 'পাশ' হইল
নাই,—এ অপমান,—আমার মতে সমস্ত নারীজাতির প্রতি এই অপমান, আন্ধি
অদ্যাপি ভুলিতে পারি নাই। অধিক বলা বাহুল্য। ইতি—

“আপনার পদ-দলিতা
সকিনা।”

• • • •

সকিনার ভ্রাতৃগণ পত্রের বিষয় অবগত হইয়া অতিশয় ক্রুদ্ধ হইলেন।
সকিনার হাত পা বাঁধিয়া 'প্যাক্' করিয়া আমাদের সহিত পাঠাইবেন বলিয়া শপথ
করিলেন। অভাগিনী সকিনা দেখিলেন, সমস্ত জগৎ তাঁহার বিরোধী; তখন
অনন্যোপায় হইয়া সন্ধ্যার গাঢ় অন্ধকারে কুপে ঝাঁপ দিলেন। ভাগ্যহীনাদের
জন্য মৃত্যু এত সহজ নহে। একটি দাসী তাহা দেখিতে পাইয়া কোলাহল
করিল, ফলে সকিনা কুপ হইতে উত্তোলিতা হইলেন।

• • • •

আমি বহুকষ্টে ভ্রাতৃত্বকে বুঝাইলাম যে, তাঁহারা আর কিছুদিন অপেক্ষা করুন,
সকিনার মন ভাল হইলেই আপনি পতি-গৃহে যাইবেন।

অগত্যা আমরা তাঁহাকে ছাড়িয়া আসিতে বাধ্য হইলাম।

উক্ত ঘটনার ৭ বৎসর পরে সকিনা স্বীয় ভ্রাতৃবধুদের সহিত কলিকাতায়
আসিলেন। সে সময় আমিও উন্মাদ রোগ হইতে আরোগ্যলাভ করিয়াছিলাম।
সেই সময় দুইটি সম-দুঃখিনীতে—অর্থাৎ সকিনাতে ও আমাতে বেশ ভাব হইল।
তিনি আমাকে একটি সংবাদপত্রে তারিণী-ভবনের বিবরণ দেখাইলেন। অতঃপর
আমরা উভয়ে তারিণী-কর্মালয়ে আসিলাম। আত্মীয়গণ প্রাণপণে বাধা দিলেন,
কিন্তু আমরা শুনিলাম না।

সকিনা-কাহিনী বিবৃত হইলে পর সৌদামিনী উষার দিকে চাহিয়া বলিলেন,—
“এখন উষাদি'র পালা।”

উ। আমার ত প্রেম-কাহিনী নহে, তাহাতে বিরহ-বিকারও নাই। সন্ধিও
নহে, বিচ্ছেদও নহে।

সৌ। তবুও “কেন যোগীবেশে ভ্রম এ বিজন-কাননে?”

উ। রাকিয়াদি'র পাষাণ, হেলেনদি'র উন্মাদ, সকিনাদি'র লম্পট মাতাল,
কিন্তু আমারটির এ তিন গুণের এক গুণও নাই—

সৌ। “কোন গুণ নাই তার মুখেতে আগুন।”

স। আহা! অমন কথা বলিও না,—বেচারী এই দীর্ঘ ২০ বৎসরের বিরহেও শাঁখা খুলেন নাই। এখন ভূমিকা ছাড়, উষাদি'। তোমার 'তিনি'র গুণগান কর।

উ। আমার 'তিনি' কাপুরুষ।

সৌ। বাহবা! নহিলে কি—“ঘরের ব্রাহ্মণী কিরে তারিণী-ভবনে?”

উ। আমাদের বাড়ীতে ডাকাত পড়িয়াছিল। তাহারা 'ভদ্রলোক' ডাকাত ছিল,—পিস্তলহস্তে আক্রমণ করিয়াছিল। আমার কামরায় কেবল আমার স্বামী ও আমি ছিলাম। ডাকাতেরা পদাঘাতে দ্বার ভাঙ্গিয়া কামরায় প্রবেশ করিল। তদর্শনে আমার পতি-দেবতা জানালা টপ্কাইয়া পলায়ন করিলেন। আমি তখন ছেলে মানুষ, বয়স মাত্র ১৭ বৎসর—সেই ডাকাতদের হাতে আমি একা। আমি তবু প্রত্যুৎপন্নমতিত্ব দেখাইলাম,—অঞ্চল হইতে চাবির রিং খুলিয়া তাহাদের দিলাম; অঙ্গে যাহা কিছু অলঙ্কার ছিল—শাঁখা ব্যতীত সমস্ত উন্মোচন করিয়া দিলাম। প্রথমে তাহারা আমার সহিত মাতৃ-সম্বোধনে কথা বলিতেছিল; একজন বলিল—“মা লক্ষ্মী, আর কোথায় কি আছে, বল দেখি?” অন্য একজন বলিল—“তুমি বেশ লক্ষ্মী মেয়ে।” অতঃপর সম্ভবতঃ আমাকে সম্পূর্ণ একাকিনী পাইয়া তাহারা ইংরাজীতে কি পরামর্শ করিল। তখন আমি ইংরাজী মোটেই জানিতাম না, স্মৃতরাং তাহাদের কথা বুঝিতে পারি নাই।

দস্যুগণ আমার মুখে কাপড় বাঁধিয়া এবং হাত বাঁধিয়া আমাকে টানিয়া লইয়া চলিল। গৃহদ্বার অতিক্রম করা পর্যন্ত বাড়ীর কোন লোককে দেখিতে পাইলাম না—অথচ আমার দেবর, ভাণ্ডার প্রভৃতি ছিলেন চারি জন! আমি হৃদয়ের সমস্ত শক্তি সঞ্চয় করিয়া, একমাত্র বিপদভঞ্জন—অসহায়ের সহায় পরেশশুরকে মনে মনে ডাকিতে লাগিলাম। আহা! তেমন করিয়া একাগ্রচিত্তে ঈশ্বরকে আর কখনও স্মরণ করি নাই।

অন্ধকার রাত্রি, বন্যপথ দিয়া কাঁটা-জঙ্গলে পদতল রুধিরাক্ত করিয়া দস্যুদের সহিত চলিলাম। সেই পথে তিনজন লোক লঠনহস্তে যাইতেছিল,—তাহারা আমাদের দেখিতে পাইল। দস্যুগণ তখন আমাকে ছাড়িয়া পলায়ন করিল। সে লোকেরা দ্রুতপদে আমার নিকট আসিয়া আমার বন্ধনমোচন করিয়া বলিল—“মা! কোন ভয় নাই, আমরা কংগ্রেস কমিটির ডলান্টিয়ার। তোমার বাড়ী কোথা বল; চল, তোমায় রাখিয়া আসি।”

সেই লোক তিনটি আমাকে গৃহাভিমুখে লইয়া চলিল; একে ত পদব্রজে চলিবার অভ্যাস নাই, দ্বিতীয়তঃ কন্টকাঘাতে পদতল ক্ষতবিক্ষত হইয়াছিল,

স্বভাৱে বাড়ী পৌছিতে ভোর হইয়া গেল। স্বদেশে উপস্থিত হইয়া ডাকাডাকি করিলে আমাদের পুরাতন ঝি কেটার মা আসিল। তাঁহারা আমাকে কেটার মা'র হাতে দিয়া চলিয়া গেলেন।

প্রথমে শাশুড়ীর সহিত সাক্ষাৎ হইল; তিনি আমাকে দেখিয়া ভেউ ভেউ করিয়া কাঁদিতে লাগিলেন। বড়-জা বলিলেন—“সেজ বউ! তুমি কোন্ আঙ্কেলে আবার এখানে ফিরে এলে?” মেজ-জা বলিলেন—“পীরিত জমেছিল ভালই, চার জনে নিয়ে গেল; তিন জনে দিয়ে গেল।” তখন আমি শূশ্রুমাতার ক্রন্দনের কারণ বুঝিলাম। সমস্ত দিন স্বামীর দর্শন পাইলাম না। জায়েরা বিক্রপ-পট্টকারী ছাড়া অন্য ভাষায় কথা কহিলেন না। শাশুড়ী কেবল ক্রন্দন-ক্রিয়াই করিতে থাকিলেন। আমি আকাশ পাতাল ভাবিয়া কর্তব্য স্থির করিতে পারিতেছিলাম না। আত্মহত্যা ব্যতীত অন্য কোন পথ সম্মুখে দেখিলাম না। অনলে জীবন উৎসর্গ করিতে কৃতসঙ্কর হইয়া রাত্রির জন্য প্রতীক্ষা করিতে লাগিলাম।

হে। যে কাপুরুষ আপন স্ত্রীকে রক্ষা না করিয়া জানালায় লক্ষ দিয়া পলায়ন করিল, তাহার জন্য কোন দণ্ড তোমাদের সমাজে নাই?

সৌ। না—ইহ-জগতে নাই; আশা করি, পরলোকে নিশ্চয় স্তুবিচার আছে।

উ। সন্ধ্যার সময় কেটার মা আমাকে বলিল, “বউ-দি। চল আমার সঙ্গে।” আমি বলিলাম—“তোমার সঙ্গে যাইব কেন?” কেটার মা বলিল—“তুমি যে ডাকাডাকির সঙ্গে গেলা, ওনারা আর তোমাকে ধরে নেবেন না।” আমি তাহাকে আমার আত্মহত্যার সঙ্কল্প জানাইলে সে বলিল—“আভাগি। নিজে ম'রে পেয়ী হ'বি কেন? ওনাদের মুখে কালী দিয়া পরের বাড়ী রাঁধুনীর কাজ কর।” ঝির কথায় আমারও সাহস হইল; সত্যই ত, নিজে মরিব কেন? যাঁহারা আমার এ লাঞ্ছনার কারণ, তাঁহাদের মুখে কালী দিব। আমি হাতের নিকট আর কিছু না পাইয়া আমার সপ্তমবর্ষীয়া নন্দ, ধুমস্ত গিনির হাতের বালা দুইটি লইয়া ঝির সঙ্গে এক বসনে চলিলাম।

চারি পাঁচ দিন পরে ঝি আমাকে বলিল যে, আমার জন্য রাঁধুনীর কাজ ঠিক করিয়াছে, আগামী পরশু তথায় লইয়া যাইবে। কিন্তু কেটার মা আমাকে চুপি চুপি বলিল যে, আমাকে তাহার শাশুড়ী কোন পতিতা স্ত্রীলোকের নিকট বিক্রয় করিয়াছে। আমার মাথাচ বেদ বজ্রাঘাত হইল। কিছুদিন পরে আত্মসম্বরণ করিয়া

দীননয়নে তাহার দিকে চাহিয়া বলিলাম—“বউ! তবে আমার কি হবে?” সে কাঁদিয়া ফেলিল। পরে সে আমাকে বলিল, তাহারা কলিকাতায় ষাইবার সময় আমাকে সঙ্গে লইয়া ষাইবে।

পরদিন কেটা চাকুরী উপলক্ষে বউ-সহ কলিকাতায় ষাইবে, আমি লুকাইয়া তাহাদের সঙ্গী হইলাম। কেটার শাঙড়ী একটা স্কুলে দাসীবৃত্তি করে, আমি তাহার সহিত সেই বালিকা-স্কুলে রাঁধুণীর কাজে গেলাম। পরে জানিলাম, সে “স্কুল” তারিণী-কর্মালয়। আমি ত এক বসনে গৃহত্যাগ করিয়াছিলাম; সে কাপড়খানি অত্যন্ত মলিন হইয়াছিল। অন্য কাপড় কিনিবার সুবিধা হয় নাই, কারণ সেই বাল্য দুইটির বিনিময়ে কেটার বউ আমাকে কলিকাতায় আনিয়াছে, এই যথেষ্ট।

আমি কেটার শাঙড়ীর সহিত মিসিস্ সেনের সম্মুখে আনীতা হইলে, তিনি আসন ত্যাগ করিয়া আমাকে আলিঙ্গন করিলেন। আমি ত অবাচ্। এত স্নেহ আমার জন্য! আমি অত্যধিক কৃতজ্ঞতায় আনন্দে মুচ্ছিতপ্রায় হইলাম। তিনি তখনই আমাকে স্তানাগারে পাঠাইয়া দিলেন। প্রায় পক্ষকাল পরে স্তানাস্তে বস্ত্র পরিবর্তন করিলাম।



মিসিস্ সেন আমাকে নিজ ব্যয়ে উচ্চশিক্ষা দান করিলেন। মাত্র তিনটি নম্বরের জন্য আমি বি-এ ফেল হইয়াছি। অতঃপর ট্রেনিং পাশ করিয়াছি, এখন আমি তারিণী-বিদ্যালয়ের প্রধানা শিক্ষয়িত্রী।

সি। সমাজের এইসব নালীষায়ের কি ঔষধ নাই? বাতুলের সহিত চিরজীবন আবদ্ধ থাকিতে হইবে, বিনা কারণে পরিত্যক্তা হইতে হইবে, অবমানিতা হইয়া মাতালের সহিত সপত্নী সমভিব্যাহারে ষয় করিতে অনিচ্ছা প্রকাশ করিলে সহোদর ভাই হাত পা বাঁধিয়া তাহার সঙ্গে পাঠাইতে চাহিবেন, স্বামী বাতায়ন উল্লঙ্ঘনে পলায়ন করিলেন বলিয়া স্ত্রীকে ঘারে ঘারে ঘুরিতে হইবে,—ইহার কি কোন প্রতিকার নাই?

সৌ। আছে! সে প্রতিকার এই তারিণী-ভবনের ‘নারী-ক্লেণ-নিবারণী-সমিতি’। এস, যত পরিত্যক্তা, কাঙ্ক্ষালিনী, উপেক্ষিতা, অসহায়ী, লাঞ্চিতা,—সকলে এস। তারপর সমাজের বিরুদ্ধে আমাদের যুদ্ধ ঘোষণা! আর তারিণী-ভবন আমাদের ‘কেলা’।

হে। রাক্ষাসবু’র অকারণ ‘তালকের’ বিরুদ্ধে কোন আইন নাই কি?

১। রা। থাকিলেও আমি তাহার শরণ লইতে যুগা বোধ করি। যে নিষ্টিবনের মত পরিত্যাগ করিয়াছে, আবার তাহার দিকে ফিরিয়া দেখা কেন ?

স। আমিও ত ঐ জন্যই তারিণী-ভবনে আসিয়াছি। আমিও দেখাইতে চাহি যে, দেখ, ভোনাদের 'ঘর-করা' ছাড়া আমাদের আরও পথ আছে। স্বামীর 'ঘর করাই' নারী-জীবনের সার নহে। মানব-জীবন খোদাতালার অতি মূল্যবান দান,— তাহা শুধু "রাঁধা-উননে ফু-পাড়া আর কাঁদার" জন্য অপব্যয় করিবার জিনিস নহে। সমাজের বিরুদ্ধে আমাদের যুদ্ধ ঘোষণা করিতেই হইবে।

উ। তাহা হইলে শান্তিপ্ৰিয় বাঙ্গালীর ঘরে ঘরে অশান্তির চিত্তা জ্বলিবে যে !

রা। চাহি না, শান্তি। চাহি না, যত্নের মত নিষ্ক্রিয় ক্লীব শান্তি !! আর এই 'অবরোধ'-প্রথার মস্তক চূর্ণ করিতে হইবে *—এইটাই যত অনিষ্টের মূল। লাধি ঝাঁটা হজম করিয়া 'অবরোধ'-প্রথার সম্মানরক্ষা,—আর নহে।

হে। আমিও একবার আকাশ-পাতাল আলোড়ন করিয়া দেখিব, ইংলণ্ডের এই জঘন্য আইন পরিবর্তিত হয় কি না।**

রাত্রি অধিক হওয়ায় সকলে শয়ন করিলেন। সিদ্ধিকা আঙনের সৌন্দর্য ভাবিতে ভাবিতে নিদ্রাভিত্ত হইলেন।

* "অবরোধ প্রথার মস্তক চূর্ণ" কথাটা শুনিয়া পাঠক-পাঠিকা কর্ণে অঙ্গুলী দিবেন না, দোহাই। আমাদের 'শরীয়াত' অনুযায়ী অন্তঃপুর এবং ভারতীয় 'অবরোধ'—ইহা সম্পূর্ণ দুইটি বিভিন্ন বস্তু। ছয় বৎসর পূর্বে "আল-এসলাম" পত্রিকার কোরআন শরীফ ও হাদিসের দলিল-সহ এ সম্বন্ধে একটি অতি চমৎকার প্রবন্ধ বাহির হইয়াছে। তাছাতে স্পষ্টরূপে দেখান হইয়াছে যে, "পর্দার" সহিত "অবরোধ" প্রথার কোন সম্পর্ক নাই। "শরীয়াত" আমাদিগকে "পর্দার" (বস্ত্রাবৃত্তা) থাকিতে বলে,—“অবরোধে” বন্দিনী থাকিতে কখনও বলে না। এই কথা লাহোরের তানবুজ মওলানা সৈয়দ মমতাজ আলী সাহেবও বলেন। বাহা হউক, এখানে সে সব বিষয় আলোচ্য নহে।

** ইংরাজী সংবাদপত্রের সেই কাটিং হইতে এই অংশ অবিকল উদ্ধৃত করিবার লোভ সম্বরণ করিতে পারিলাম না। যথা :—

'Referring to Lord Birkenhead's sympathy she said :—“He could hardly say less, could he? But I refuse to be down-hearted. * * But now I feel if it is required of me I must come forward and help in securing alteration of the law. I'll do anything to secure that.” ইংরাজ-সভনার উপস্থিত উক্তি।

এখন—“গৃহ-কারা বন্দিনী, লাঞ্ছিতা জাগো।

বাংলার ভদিনী, বাংলার মা গো !”

পঞ্চদশ পরিচ্ছেদ

স্বয়ং কবিতা

অপরাহ্নে উষা, রাফিয়া, সিদ্দিকা ও সৌদামিনী পীরপাহাড়ে বেড়াইতে আসিয়াছেন। সৌদামিনী ও সিদ্দিকা একখণ্ড পাথরের উপর উপবেশন করিলেন ; রাফিয়া ও উষা অন্যদিকে গেলেন।

সৌ। আর কতক্ষণ বসিবে ?

সি। আজি একটু দেখিতে চাই সুৰ্বটা অস্তকালে কেমন দেখায়। পাহাড়-স্রবণ ত এই শেষ।

সৌ। তবে অনেকক্ষণ বসিতে হইবে। আমার আপত্তি নাই। দেখি, উষারা কোন্ দিকে গেলেন।

সি। দিদি, তুমি যদি একটু জল আনিতে পারিতে—আমার বড় তৃষ্ণা—

সৌ। তবে তুমি বস, আমি দেখি, এখানে কাহারও নিকট জল পাই কি না।

সৌদামিনী চলিয়া গেলে সিদ্দিকা নিবিষ্টচিত্তে মুগ্ধনেত্রে প্রকৃতির শোভা দেখিতে লাগিলেন। দেখিয়া দেখিয়া মোহিত হইতেছিলেন। আকাশে নানা বর্ণের অলকমালা, পশ্চিমে স্নবর্ণ রবি, নীচে এই বিবিধ তরুলতা-শোভিত সৌম্য মহান পীরপাহাড়—এত সব কাব্য দেখিয়া সৃষ্টিকর্তার শির-নৈপুণ্যের প্রশংসা না করিয়া কি থাকা যায় ?

অদ্য সিদ্দিকা বড়ই ম্রিয়মানা ; কত কি ভাবিতেছেন, সে দুশ্চিত্তার অস্ত নাই। কি যেন ভাবিয়া একটি দীর্ঘনিঃশ্বাস ত্যাগ করিলেন। চক্ষে দুই চারি বিলু অশ্রু দেখা দিল। অতিশয় ক্লান্তি বোধ করিতেছেন, পিপাসাও ক্রমে প্রবল হইতেছে। সৌদামিনী কখন ফিরিবেন, সেই আশায় পথ দেখিতেছেন।

কাহার মৃদু পদশব্দ শ্রুত হইল,—বুঝি সৌদামিনী আসিতেছেন। সিদ্দিকা অভিমানে মাথা তুলিয়া না দেখিয়াই বলিলেন, “তুমি এখন আসিলে। আমি ত ভাবিয়াছিলাম, তুমি আর আসিবে না। তোমার জন্য পথ দেখিতে দেখিতে প্রাণ ওষ্ঠাগত হইল—” বলিতে বলিতে সহসা মুখ তুলিয়া দেখেন, সে ত সৌদামিনী নহেন—সে যে লতীফ।

লতীফ অত্যন্ত বিস্মিত হইলেন।—একি ! সিদ্দিকা, যাঁহাকে তিনি পাষণ-প্রতিমা বলিয়া জানেন—সেই পাষণ-প্রতিমা তাঁহার জন্য অপেক্ষা করিতেছেন ?—

কেন? অত আশা করা যাইতে পারে না। তিনি ব্যস্তভাবে জিজ্ঞাসা করিলেন,—“সিদ্ধিকা! তুমি আমার জন্য অপেক্ষা করিতেছিলে? ইহা কি সত্য না আমার শুনিবার ভুল?”

সিদ্ধিকা নিস্তব্ধ হইলেন। আপনাকে সহস্র ধিক্কার দিতে লাগিলেন যে, না দেখিয়া কেন কথা কহিলেন। এখন যদি পর্বত বিদীর্ণ হইত তবে বেশ হইত—সিদ্ধিকা তনুাধ্যে নুকাইতেন। কিন্তু পর্বত দুর্ভেদ্য পাষণ। ভাল হইত, যদি লতীফ উত্তর না পাইয়া চলিয়া যাইতেন। কিন্তু তাহাও ত হইল না—লতীফ সম্মুখস্থিত শিলাখণ্ডে বসিলেন।

সিদ্ধিকা। (মৃদুস্বরে) আমি আপনাকে বলি নাই।

লতীফ। তবে কাহাকে বলিলে? এখানে ত আমি ছাড়া আর কেহ নাই।

সি। আমি সৌদামিনীদি'র জন্য অপেক্ষা করিতেছিলাম। আমি আপনাকে তিনি ভ্রমে ও-কথাগুলি বলিয়াছি—ক্ষমা করিবেন। সে যাহা হউক, আপনি এভাবে আমার নাম ধরিয়া ডাকিলেন কেন? আর এরূপ ঘনিষ্ঠভাবে আমাকে “তুমি” বলিতেছেন কেন?

ল। তোমাদের তারিণী-ভবনে ত সকলেই পরস্পরের নাম ধরিয়া ডাকেন এবং “তুমি” সম্বোধনে কথা কহেন। তুমি কি সে নিয়মের বাহিরে?

সি। আমি সে নিয়মের বাহিরে নহি সত্য, কিন্তু আপনি ত তারিণী-ভবনের কোন ‘ভগিনী’ নহেন।

ল। ‘ভগিনী’গণ আমাকে ‘পথে কুড়ান ভাই’ বলিয়া সম্মানিত করিয়াছেন।

সি। আমি কখনও আপনাকে ‘পথে কুড়ান ভাই’ বলি নাই। অতএব আমাকে ক্ষমা করিবেন।

ল। তুমি প্রতিবাদ না করিয়া প্রতিশোধ লও—অর্থাৎ তুমিও আমাকে ‘লতীফ’ এবং ‘তুমি’ বল।

অনেকক্ষণ উভয়ে নীরব রহিলেন, কেহ কিছু বলিলেন না—যদিও বলিবার অনেক কথা ছিল। অতঃপর লতীফ মৌনভঙ্গ করিয়া বলিলেন,—“অমন করিয়া পশ্চিম আকাশে কি দেখিতেছ?”

সি। অন্তরান্ রবি।

ল। (ঈষৎ হাস্যে) সূর্যের ত প্রতিদিন উদয় ও অস্ত হয়, তাহাতে আর নূতন কি?

সি। নূতনত্ব নাই বটে, কিন্তু দেখুন, আজিকার এ দৃশ্য বড় মনোহর। সূর্য যাইতেছে—যেন বড় শ্রান্ত ক্লান্ত হইয়া গৃহে গমন করিতেছে। আর বিধাদিনী ধরণী স্তানমুখে তাহার দিকে করুণ-নয়নে চাহিয়া আছে—যেন বলিতেছে, ‘আমায় আঁধারে ফেলিয়া কোথায় যাও ? একবার এদিকে দেখ !’ অন্য দিকে নবোদিত চন্দ্রমা ঈষৎ হাসিয়া মেদিনীকে সাস্তুনার স্বরে বলিতেছে,—‘চিন্তা কি ? আমি আছি। আমি শীতল বিমল চন্দ্রিকা দিব !’

ল। তুমি যে এমন সুন্দর কবি, তাহা জানিতাম না। আমি জানিতাম, তুমি নিজে কবিভা। তোমার নিজের সম্বন্ধে এমনই একটা কবিতাপূর্ণ গল্প বল না।

সি। আপনার জীবনের কোন গল্প বলুন, আমি তাহাই শুনিব।

ল। আমার জীবনের এক গল্পে ত তোমরাই নাম্বিকা। উল্লেখযোগ্য আর কোন ঘটনা নাই। তুমি স্বয়ং কবিভা—তোমার গল্প মনোরম হইবে।

সি। আপনি ব্যারিস্টারী উপলক্ষে কত জায়গায় বেড়ান, তাই একটা কিছু বলুন না। (সৌদামিনী আসিলেন, দেখিয়া) দিদি ! তুমি বড় শীঘ্র আসিলে,—আমি ত এখনও মরি নাই।

সৌ। বালাই। মরিবে কেন ? জল আনিতে বিলম্ব হইয়াছে সত্য। তা তুমি ত একা ছিলে না যে, দেৱীটা নিতান্ত অসহ্য বোধ হইতেছিল !

ল। একাই ত ছিলেন, আমি সবেমাত্র আসিয়াছি।

এই সময় তথায় রাফিয়া এবং উষা আসিলেন।

ল। (রাফিয়াকে নমস্কার করিয়া) বেগম সাহেবাকে সেদিন প্রথম-দর্শনে চিনিতে পারি নাই ; পরে মা ও রফীকার মুখে সব শুনিয়াছি।

রা। তাহাতে কি হইল ?

ল। কিছু না ; আপনার সঙ্গে আলাপ হইল।

রা। আপনার সঙ্গে আলাপের জন্য কেহ লালায়িত ছিল কি ?

ল। ইয়া আলাহ্ ! আমার সঙ্গে আলাপ করিবার জন্য কেহ লালায়িত হইবে কেন ? আমি শাপগ্রস্ত হতভাগা !

রা। অত বৈরাগ্য দেখাইবেন না,—গৃহ শূন্য হওয়া বরং স্নেহের বিষয়, কারণ অন্য একাট নবীনা গৃহিণী আসিবেন।

ল। (সিদ্ধিকার প্রতি) তবে শুন, একাট গল্প মনে পড়িল। একবার একটা মোকদ্দমায় বালিকা আসামী ছিল।

সৌদামিনী নীচে নামিয়া তাঁহাদের গাড়ীর সংবাদ আনিতে গিয়াছেন দেখিয়া সিদ্দিকা বলিলেন, “এখন আমরা তাঁবুতে ফিরিয়া যাইতেছি, আর একদিন শুনিব।

রা। গল্পটা অবশ্যই মনোহর হইবে; আজই শুনা যাক।

ইতিমধ্যে বালক ভৃত্য আসিয়া সংবাদ দিল, গাড়ীওয়ালা আর অপেক্ষা করিতে চাহে না।

সি। (লতীফের প্রতি) আপনার গল্প আর একদিন শুনিব।

সৌদামিনী ফিরিয়া আসিয়া তাঁহাদিগের দিকে অগ্রসর হইয়া ডাকিলেন,—
“এস পদ্মরাগ!”

ল। ‘পদ্মরাগ’—কে?

সৌ। আমরা সিদ্দিকাকে ‘পদ্মরাগ’ বলিয়া ডাকি।

ল। (সিদ্দিকার সলজ্জ রক্তিম মুখের দিকে চাহিয়া) সৌন্দর্য হিসাবে নামটি ঠিক হইয়াছে; কিন্তু প্রস্তরবৎ কাঠিন্যে ‘পদ্মরাগ’ না হইলেই রক্ষা।

সৌ। শুনিয়াছি ‘আল্‌মাস্’ শব্দের অর্থ হীরক। তবে হীরাও কি পাথর নহে?

উ। হাঁ দিদি! পাথরে পাথরেই টক্কর।

তাঁহারা চলিয়া গেলে লতীফ সিদ্দিকার সেই দুরগামী মূর্তি অনিমেঘলোচনে দেখিতে লাগিলেন; এবং সিদ্দিকা যে বলিয়াছেন, “আমি কখনও আপনাকে ‘পথে কুড়ান ভাই’ বলি নাই” সেই কথা ভাবিতে লাগিলেন। সত্যই ত সিদ্দিকা অন্যান্য ‘ভগিনী’দের ন্যায় কখনও তাঁহাকে শ্রদ্ধা-সম্বোধন করেন নাই। কেন? আরও মনে পড়িল, সেদিন তাঁহার পত্নীবিয়োগ সংবাদে সিদ্দিকার মুখের ভাবান্তর হইয়াছিল। লতীফ ঐ গল্প উপলক্ষে সিদ্দিকাকে আরও কিছুক্ষণ আটক রাখিতে ইচ্ছুক ছিলেন :—

“পূজা উপাসনা সকলি যে ফাঁকি,

এই উপলক্ষে, দেখি। তোমারে দেখি।”

আর সিদ্দিকা ভাবিলেন, ঐ গল্প উপলক্ষে আর একদিন লতীফের সহিত কথা কহিবার সুযোগ হইবে। আজি গল্পটা শুনিয়া ফেলিলে ভবিষ্যতের জন্য আর আশা থাকিবে না।

ষোড়শ পরিচ্ছেদ

বীরবালা

অদ্য লতীফ বিশেষ করিয়া রাফিয়া, সকিনা ও সোদামিনীকে ডাকিতে আসিয়াছেন। লতীফের মাতা তাঁহাদিগকে দেখিতে ইচ্ছা করেন। কার্যবশতঃ তাঁহাদের যাইতে বিলম্ব হইল; বিশেষতঃ রাফিয়ার টাইপিং কিছুতেই যেন শেষ হইতেছিল না, তাই লতীফ প্রায় দেড় ঘন্টা অপেক্ষা করিলেন। ভগিনীগণ সকলেই স্ব স্ব কার্যে ব্যস্ত ছিলেন। কেবল উষা একবার আসিয়া এক নিঃশ্বাসে বলিয়া গেলেন :—

“আমরা এখন বড় ব্যস্ত আছি। তুমি কাল আবার আসিও, ভাই! আমরা এখানে আর বেশী দিন থাকিব না। আগামী শুক্রবারে কলিকাতায় যাইব।”

পথে যাইতে যাইতে লতীফ বলিলেন—“বেগম সাহেবা ত চমৎকার টাইপ করিতে শিখিয়াছেন।”

রা। আপনাদেরই জুতার প্রসাদে।

ল। ওহো! কেবল টাইপিং নহে, অস্ত্র-চিকিৎসায়, অর্থাৎ মিছরীর ছুরিকা প্রয়োগেও আপনি সিদ্ধহস্ত।

স। তাহাও ত আপনাদেরই কল্যাণে।

ল। তা বেশ, আমাদের কৃপায় সকিনা খানম ‘সিভিল সার্জন’, রাফিয়া বেগম ‘টাইপিষ্ট’, আর (সিদ্ধিকাকে কিছু দূরে দেখিয়া) সিদ্ধিকা খাতুন কি হইয়াছেন?

রা। কবি।

সো। সিদ্ধিকা অতি চমৎকার কবিতা লিখেন; ইংরাজী কবিতা লিখিয়া— ইংরাজ মহিলাদের সহিত প্রতিযোগিতা করিয়া তিন বার পুরস্কার পাইয়াছেন। তুমি তাঁহার লেখা কখনও দেখ নাই?

ল। না, আমার সে সৌভাগ্য হয় নাই।

এদিকে সিদ্ধিকা ডাবিলেন, আর বুঝি লতীফের সহিত দেখা হইবে না। আগামী পরশুঃই ত তাঁহারা যাইবেন। আজ তিনি লতীফের সহিত একটি কথাও কহেন নাই। কিছু ত বলা উচিত ছিল। লতীফও তাঁহাকে কিছু বলেন নাই যে, সেই কথার উত্তর-ছলে তিনি কোন কথা বলিতেন। লতীফ হয়ত এই জন্য বিরক্ত আছেন যে, তাঁহার ‘তুমি’ বলার অনুরোধ রক্ষা করা হয় নাই।

কি বলিয়া কথা আরম্ভ করিবেন, সিদ্দিকা তাহাই ভাবিতেছিলেন।—এদিকে লতীফ সৌদামিনী প্রমুখ সহ চলিয়া গেলেন। তখন অগত্যা পশ্চাৎ হইতে ডাকিবেন মনে করিয়া তিনিও অনুগমন করিলেন।

লতীফ বুঝিয়াছিলেন, সিদ্দিকা কিছু বলিতে চাহেন,—তাই আরও একটু বেশী ঔপাস্যভাব প্রকাশ করিয়াছিলেন। এখন সিদ্দিকা অনুসরণ করিয়া এতদূর আসিলেন দেখিয়া ফিরিয়া দাঁড়াইলেন।

সি। সেদিন যে গল্প বলিতে চাহিয়াছিলেন, তাহা যে আর শুনাইলেন না ?

ল। তুমি কি সত্যই শুনিতে চাও ?

সি। হাঁ, নিশ্চয় শুনিব।

ল। আগামীকাল বলিব।

সৌ। না, আজই সন্ধ্যায়। আমাদের বিশেষ কোন কাজ নাই, তোমার কষ্ট না হইলে আসিও।

* * * *

সন্ধ্যার সময় লতীফ গল্প আরম্ভ করিলেন। শ্রোত্রী মাত্র চারিজন,—সিদ্দিকা, উষা, রাফিয়া ও সৌদামিনী।

ল। প্রায় আড়াই বৎসর হইল, আমি একবার চুয়াডাঙ্গায় গিয়াছিলাম। সেখানে তখন রবিন্সন্ সাহেব নীলের চাষ করিতেন।—

রবিন্সন্ সাহেবের নাম শুনিয়া সিদ্দিকা শিহরিয়া উঠিলেন, কিন্তু তৎক্ষণাৎ আবার সে ভাব গোপন করিলেন। তাঁহার ভাব-পরিবর্তন লতীফ লক্ষ্য করিলেন বটে, কিন্তু কিছু বুঝিতে পারিলেন না। তিনি পূর্ববৎ বলিয়া যাইতে লাগিলেন :—

রবিন্সন্ জনৈক সম্ভ্রান্ত মুসলমান জমিদারের সহিত বিবাদ করেন। ঐ বিবাদ ক্রমে বদ্ধিত হইল। সেই সময় মহম্মদ সোলেমান সাহেব (সেই জমীদার) হঠাৎ খুন হইলেন। তাঁহার বিধবা, একাট শিশুপুত্র ও জনৈক কুমারী ভগ্নী ছাড়া আর কেহ ছিল না। তাঁহার ১৯ বৎসর বয়স্ক পুত্রটিও সেই রাতে নিহত হয়।

সৌ। ইস্ ! একেবারে জোড়া খুন !!

ল। তাহাই ত হইয়াছিল। প্রতিবেশিগণ বলে, সে রাতে তাহাদের বাড়ী ডাকাতি হয়; সেই দস্যুরা তাহাদের হত্যা করিয়াছিল। আর তাঁহার অসহায়

বিধবা ও ভগিনী বলেন যে, সে ডাকাত আর কেহ নহে—স্বয়ং রবিন্সন্ সাহেব
ও তাঁহার দলবল। কারণ কোন জিনিস চুরি হয় নাই—ভাঙ্গিয়া নষ্ট করা
হইয়াছিল মাত্র ; তবে এ ডাকাত আর কে ?

রবিন্সন্ কয়েকবার সোলেমান সাহেবের সহিত দেখা করিতে গিয়াছিলেন,
তাই রবিন্সন্কে তাঁহাদের চাকরেরা চিনিত।

রবিন্সন্ অত্যন্ত ক্রুদ্ধ হইলেন, মিসিস্ সোলেমানের বিরুদ্ধে মিথ্যা অপবাদ
দেওয়ার মোকদ্দমা আনিলেন। তিনি প্রকাশ করিলেন যে, উক্ত জমিদার,
তাঁহার সম্পত্তিতে ভগিনী অংশভাগিনী হইবেন বলিয়া, নামমাত্র বিবাহ দিয়া
ভগিনীকে চিরকাল অবিবাহিতা রাখিয়াছেন, অর্থাৎ তাঁহার স্বামীর সহিত মিলন
হইতে দেন নাই, এই কারণে বাতা ভগ্নীতে সর্বদা মনান্তর ছিল। সেই জন্য
বাতা এবং বাতুপুত্র উভয়কে হত্যা করিয়া তাঁহার ভগ্নী নিজের পথ পরিষ্কার
করিয়াছেন।

রবিন্সন্ প্রাণপণে সেই অসহায়। বালিকাকে আসামী সাজাইতে চেষ্টা করিতে
লাগিলেন। 'সাহেব'লোক—কি না করিতে পারেন ? রবিন্সনের সহিত পূর্ব
হইতে আমার আলাপ ছিল, তিনি আমাকে বেশ শ্রদ্ধা-সমাদরও করিতেন। তিনি
আমাকে সময়ে সাহায্য করিতে ডাকিলেন। আমি তখন রবিন্সনের ব্যারিস্টার
হইয়া সেখানে গেলাম ; আমার দৈনিক ফি ২০০ শত টাকা।

সোদামিনী প্রশ্ন করিয়া উঠিলেন—মেয়েটির বয়স কত ছিল ?

ল। রবিন্সন্ আমাকে বলিয়াছিলেন, ২৮ বৎসর ; আর স্থানীয় লোকেরা
বলিয়াছিল, ১৮।১৯ বৎসর।

সো। 'সোনায় সোহাগা' বলিতে হয় ; নিজে হত্যা করিয়া দোষ চাপাইলেন
—বাতুহারা ভগ্নীর উপর। (সিদ্ধিকার প্রতি) কি বল পদ্মরাগ, তোমার কি
বিশ্বাস হয় যে, ভগ্নী বাতুবধ করিবেন ?

সি। শুনাই যাউক না, কি হইল। বিশ্বাস না হইলেও 'সাহেবলোক' ত
অপরাধী হইতে পারেন না।

উ। কিন্তু ভগ্নীর বিরুদ্ধে প্রমাণ কি ছিল ?

ল। রবিন্সন্ প্রমাণ সংগ্রহ করিয়াছিলেন। সোলেমান সাহেবের পুত্র যে
ছোঁরায় নিহত হন, সে ছোঁরাখানি শ্রীমতি জয়নবের সম্পত্তি। জয়নবদের
চাকরদিগকে উৎকোচ দ্বারা রবিন্সন্ বশীভূত করিয়াছিলেন। পুলিশও তাঁহার
কন্ঠায় ছিল। পুলিশকে ত খুনী আসামী ধরিতেই হইবে ; তাহারা সহজে একাট

অসহায় বালিকাকে 'আসামী' বানাইতে পারিলে অনর্থক অন্য আসামী ধরিবার কষ্ট স্বীকার করিবে কেন ?

এই সময় সকিনা তখার আসিলেন দেখিয়া লতীফ তাঁহার দিকে চাহিয়া সকৌতুকে বলিলেন,—“আপনার মনে আছে ত, 'বেলা যা'রে সোন্দর কইব, সেই হইব 'সোন্দর' ? এ ক্ষেত্রেও 'পুলিশ যা'রে আসামী কইব, সেই হইব আসামী' !!!”

স। হাঁ, আরও মনে আছে, 'পুলিশ যা'রে আসামী সাজাইল, সেই ব্যক্তি খুনের দায় হইতে বে-কস্বর মুক্তি পাইলেও, পুলিশ পাইল পুরস্কার দশ হাজার ট্যাকা'।

ল। রবিন্সন্ আরও দেখিলেন, জয়নব থাকিতে তিনি তাঁহাদের জমিতে সহজে নীলের চাষ করিতে পারিবে না। কারণ, জয়নব অতিশয় বুদ্ধিমতী ছিলেন এবং উচ্চশিক্ষা প্রাপ্ত হইয়াছেন। সোলেমান সাহেব তপ্পীকে অত্যন্ত ভালবাসিতেন বলিয়া তাঁহাকে সুশিক্ষা দিয়াছিলেন। সুতরাং জয়নবকে ঠকান সহজ নহে। অতএব তিনি যাহাতে কোন মতে দেশান্তরিতা হন, রবিন্সন্ তাহাই করিতে কৃতসঙ্কল্প হইলেন।

আমি রবিন্সনের ব্যারিস্টার-রূপে তাঁহার সমুদয় অভিসন্ধি ও সঙ্কল্পের বিষয় অবগত হইয়া ছদ্মবেশে জয়নবদের বাড়ী গেলাম। বহু কষ্টে তাঁহার ভ্রাতৃবধুর সহিত সাক্ষাৎলাভ করিয়া তাঁহাদিগকে পলায়ন করিতে উপদেশ দিলাম। শুধু উপদেশ নহে,—গোপনে গোপনে তাঁহাদের পলায়নের উপায়—অর্থাৎ নৌকা ও পান্থী ঠিক করিয়া দিলাম। আমার ইচ্ছা ছিল যে, রবিন্সন্ খানায় যথাবিধি সংবাদ দিবার পূর্বেই ইঁহারা সরিয়া পড়ুন; পরে ওয়ারেন্ট বাহির হইলে দেখিয়া লইব। রবিন্সন্ যাহাতে আমার উপর নির্ভর করিয়া সম্পূর্ণ নিষ্ক্রিয় থাকেন, আমি সেজন্যও সচেষ্ট রহিলাম।

উ। তোমার মস্তকের সহিত তুমি এমন বিশ্वासঘাতকতা কেন করিলে ?

ল। তাহার যথেষ্ট কারণ ছিল, সে কথা আমাকে জিজ্ঞাসা করিও না।

রা। তাহা লতীফ সাহেবের 'গুপ্তকথা'।

স। অথবা 'প্রাণের দারুণ ব্যথা' (তিনি ও রাফিয়া অপরের অলক্ষ্যে দৃষ্টি বিনিময় করিলেন)।

দ্বিতীয় দিন আবার যখন মিসিস্ সোলেমানকে জানাইতে গেলাম যে, সবস্তু প্রস্তুত, অদ্য গভীর রজনীতে তাঁহাদের হাইতে হইবে, তখন তিনি বলিলেন যে,

জয়নব আত্মহত্যা করিতে মনস্থ করিয়াছেন, তিনি পলায়ন করিবেন না। আমি বলিলাম—“কোন ধর্মই আত্মহত্যা অনুমোদন করে না। বিশেষতঃ মুসলমান কখনই আত্মহত্যা করিতে পারে না। অতএব তাঁহাকে এ পাপচিন্তা হইতে নিবৃত্ত করুন; এবং আপনারা প্রস্তুত থাকিবেন, আমি রাত্রি বারটার সময় পাখীসহ আসিব। মাত্র দুই জন দাসী সঙ্গে লইবেন।”

যথাসময়ে সকলকে লইয়া ঘাটে পৌঁছিলে জানিতে পারিলাম, জয়নব বিবি আইসেন নাই। আমার অত্যন্ত বিরক্তি বোধ হইল, কিন্তু তখন কিছু ভাবিবার সময় নহে। মিসিস্ সোলেমানকে নৌকায় তুলিয়া দিয়া সেই পাখীসহ আবার জয়নবের সন্ধানে ছুটিলাম। তখন বর্ষাকাল, ভাদ্রমাসের শেষ, পথে জল-কাদার অস্ত নাই; শারদীয় গুরুপক্ষ হইলেও আকাশ মেঘাচ্ছন্ন,—অমাবস্যা অপেক্ষাও ঘোর অন্ধকার। আমি কোন বাহন সংগ্রহ করিতে পারি নাই; সুতরাং আমাকে পদশ্রদ্ধেই মিসিস্ সোলেমানের পাখীর অনুসরণ করিতে হইয়াছিল। আপনারা আমার সেই কর্দমাক্ত মুক্তি অনুমান করিয়া দেখুন।

বাড়ী গিয়া দেখি, দানানের সমস্ত দ্বার-জানালা ভিতর হইতে বন্ধ, বাহির হইতে কোথাও কিছু দেখা যায় না। জয়নব বিবি কামরার ভিতর কি করিতেছেন তাহা জানিবার কোন উপায় নাই। আমি হাত-পা-বাঁধা লোকের মত ছটফট করিতে লাগিলাম—আমার সকল চেষ্টা পরিশ্রম ব্যর্থ হইল।—অবশেষে রবিন্সনের মনোবাঞ্ছাই পূর্ণ হইল, অর্থাৎ জয়নব অপসারিতা হইলেন ॥

জনৈক বিশুদ্ধ ভূতের সাহায্যে প্রাচীর উল্লঙ্ঘন করিয়া প্রান্তরে গেলাম। সেই মুহূর্তে শশীও মেঘমুক্ত হইল; সেই ক্ষণিক চন্দ্রালোকে দেখি, একটি দ্বার খুলিয়া অনেকগুলি কাপড় লইয়া একটি স্ত্রীলোক বাহির হইল। আমি তাহার অনুগমন করিতে মনস্থ করিলাম; কিন্তু আকাশ আবার মেঘাবৃত হওয়ায় আমি আর কিছুই দেখিতে পাইলাম না। সে বাড়ীর পথ-ঘাট আমার পরিচিত ছিল না। বলিয়া ঘোর অন্ধকারে আমি তাহার অনুসরণ করিতে না পারিয়া কিংকর্তব্যবিমূঢ় হইয়া দাঁড়াইয়া রহিলাম। হইতে পারে, জয়নবের কর্তব্য কঠোর—উদ্দেশ্য মহান্। আর আমি কেবল ভূতের বোঝা বহন করিলাম।

সহসা আলোক দেখিয়া আমি চমকিয়া উঠিলাম। একটা খড়ের ঘরের ভিতর আগুন জলিতেছিল। আমার ত মাথা ঘুরিয়া গেল। অতি কষ্টে বেড়া ভাঙ্গিয়া ঘরে প্রবেশ করিলাম; বাহা দেখিলাম, তাহা মনে হইলে এখনও শরীর রোমাঞ্চিত হয়। সে অতি ভয়ঙ্কর দৃশ্য। দেখি কি, সেই কাপড়গুলি চতুর্দিকে দাউ দাউ

করিয়া অনিতেছে, আর বীরবালা জয়নব সেই অনলের মাঝখানে অটলভাবে দাঁড়াইয়া !!

সৌ। উঃ! ছুঁড়ীর কি সাহস! যদি আশ্বহত্যাই উদ্দেশ্য ছিল, তবে বিষ খাইতে পারিত, গলায় দড়ী দিলেও হইত। কিন্তু পুড়িয়া মরা!—কি ভয়ানক মৃত্যু!

সিদ্ধিকা কোন প্রকার বিস্ময় প্রকাশ না করিয়া তাঁহার স্বাভাবিক ধীর শাস্তভাবে বলিলেন,—“কেন দিদি, পুড়িয়া মরণটা তোমার পসন্দ হইল না?”

সৌ। না, অত নিষ্ঠুর মৃত্যু উচিত নহে। জলে ডুবিলে হইত।

ল। আমি এখন বলি যে আমার বিবেচনায়, তিনি যাহা করিয়াছিলেন, তাহাই করা উচিত ছিল।

সৌ। কেন উচিত ছিল, কারণ বল।

ল। তিনি হয়ত ভাবিয়াছিলেন, অন্য কোন উপায়ে আশ্বহত্যা করিলে দেহ নষ্ট হইত না। পুলিশ ও ডাক্তার তাঁহার শবদেহ পরীক্ষা করিবে—এ চিন্তা তাঁহার অসহ্য ছিল।

সৌ। ঠিক—ঠিক বলিয়াছ। আমার মাথায় অত কথা আইসে নাই!

ল। আমি কিরূপে তাঁহাকে অগ্নিকুণ্ড হইতে বাহির করিলাম, বলিতে পারি না। যখন সংজ্ঞা লাভ করিলাম, তখন দেখি, তিনি ও আমি প্রাঙ্গণে দাঁড়াইয়া—তাঁহার হাতখানি আমি ধরিয়া আছি। জয়নব তীব্রস্বরে বলিলেন—“হাত ছাড়ুন—যাইতে দিন!” যেন আমি তাঁহার নিতান্তই অজ্ঞাবহ দাস।

আমি ব্যস্তভাবে বলিলাম,—“আমি আপনাকে ছাড়িতে পারি না, আপনি আমার—” কথাটা শেষ না হইতেই আবার ছকুম হইল—“ছাড়ুন!”

আমি পুনরায় বলিলাম, “ছাড়িব কি,—চলুন; আপনার জন্য পাষ্টী আনিয়াছি—আপনার ভাবীজ্ঞান আপনার জন্য অপেক্ষা করিতেছেন—আর কালবিলম্ব করা উচিত নহে।” কিন্তু তিনি আর এক হেঁচকা টানে হাত ছাড়াইয়া দৌড়িলেন, আমিও পিছু পিছু ছুটিয়া তাঁহার অঞ্চল ধরিলাম। পোড়া অঞ্চল (অঞ্চল দগ্ধ হইয়াছিল) আমার হাতে ছিঁড়িয়া আসিল। তিনি দালানের ভিতর গিয়া দ্বার রুদ্ধ করিলেন।

আমি কতক্ষণ অবাক হইয়া দাঁড়াইয়া রহিলাম। অনন্তর অন্যান্য লোক আলোক দেখিয়া ঘরের আগুন নিবাইতে আসিল। যৎকালে তাহার আগুন নিবাইতে ব্যস্ত ছিল, সেই সময়টা জয়নবের অনুকূলে ছিল। তিনি কি করিতেছিলেন, জানিতে পারিলাম না।

বাহিরে আসিয়া দেখি, আমার আনীত সে পাকীখানা অস্তহিত হইয়াছে।
বেহারাদেরও দেখিতে পাইলাম না। আমি আর সে পাকীর সন্ধান না করিয়া
আপন বাসস্থানে প্রত্যাগমন করিয়া স্নান করিলাম। তখন রাত্রি অনুমান ৪টা।
আমি অত্যন্ত ক্লান্ত হইয়াছিলাম—ঘুমাইয়া পড়িলাম।

পরদিন আমি আপন মনে বনে-জঙ্গলে খুঁজিয়া নিবিড় বনে একটি কুপ
দেখিতে পাইয়াছিলাম। বোধ হয়, ঐ কুপে ডুবিয়া জয়নব বিবি জীবনের আলা
জুড়াইয়াছেন।

আমার ব্যারিস্টারীর এইটি উল্লেখযোগ্য করুণ কাহিনী।

উ। (দুঃখিতভাবে) আজি পর্যন্তও জান না, জয়নব বিবি মরিয়াছেন
কি না?

ল। না। কিন্তু এখনও আমার মনে হয়, জয়নব সেই পাকীতে কোথাও
গিয়াছিলেন—হয়ত তিনি বাঁচিয়া আছেন।

রা। কবি বলেন, 'প্রণয়ীর হৃদয় দর্পণস্বরূপ—প্রণয়িনীর অবস্থা জানিতে
পারে।'

ল। বেগম সাহেবা যদি মিছরীর ছুরী সম্বরণ না করেন তবে আর আমার
গল্প বলা হইবে না।

সৌ। না ভাই, তুমি বল। রাফিয়া-বু, তুমি মন দিয়া শুন। (লতীফের
প্রতি) আর তাঁহার ভ্রাতৃবধু?

ল। তিনি এখন শাস্তিতে আছেন। জয়নবকে দূর করাই রবিন্গনের
উদ্দেশ্য ছিল। জয়নব হইতে অভিনয় শেষ হইয়াছে। এ প্রকার আত্মত্যাগ
তোমাদের সেবাব্রত অপেক্ষা কম প্রশংসনীয় নহে। খানম্ সাহেবা সিভিল-
সার্জনরূপে মানুষকে কাটিয়া কুটিয়া শাস্তিদান—অর্থাৎ আরোগ্যদান করেন—
আর জয়নব আপনাকে খবংস করিয়া চুয়াডাঙ্গাকে শাস্তিদান করিয়াছেন।

স। ঐ দেখুন, উদোর বোঝা বুদোর ষাড়ে। প্রকৃত ব্যাপার এই যে,
সিভিল-সার্জন যাহাকে কাটিয়া ক্ষত-বিক্ষত করেন, তাহার ক্ষত অঙ্গে আমি প্রলেপ
দিয়া পটি বাঁধি—কাটাকাটি আমার কাজ নহে।

উ। রমণী শৈশব হইতেই আত্মত্যাগ শিক্ষা করে। কুমারী-জীবনে পিতা
ও ভ্রাতার জন্য স্বার্থত্যাগ করে, বিবাহিত জীবনে স্বামীর জন্য এবং শেষে সন্তানের
জন্য আত্মত্যাগ করে। কাহারও আত্মত্যাগ কেবল গৃহজীবনে সীমাবদ্ধ থাকে—
কাহারও আত্মত্যাগ সংসারময় ব্যাপ্ত হয়।

সপ্তদশ পরিচ্ছেদ

‘জুবিলী’ ও পুরস্কার বিতরণ

তারিণী-ভবনে ভারী ধুম পড়িয়াছে। এ বৎসর চারি পাঁচটি বিষয়ের অনুষ্ঠান এক সঙ্গে হইবে। প্রথম দিন বিদ্যালয়ের বিংশবর্ষীয় জুবিলী, দ্বিতীয় দিন ‘নারী-ক্লেম-নিবারণী সমিতি’র অষ্টাদশ বাৎসরিক অধিবেশন, তৃতীয় দিন কর্মালয়ের মুসলমান ভগিনীগণ ‘মিলাদ শরীফ’ পাঠ ও শ্রবণ করিবেন, চতুর্থ দিন বিদ্যালয়ের ছাত্রীদের পুরস্কার-বিতরণ, পঞ্চম দিন বিদ্যালয়-পরিভ্রমণ। পুরাতন ‘বালিকা’দের ‘চিরহরিৎ সন্মিলনী’র অধিবেশন হইবে, এবং দুই দিন বিশ্রামের পর তারিণী-ভবনে প্রস্তুত শিল্পদ্রব্যের প্রদর্শনী হইবে। এ প্রদর্শনী এক সপ্তাহ পর্যন্ত প্রদর্শিত হইবে। ইহাতে বিদ্যালয়ের সপ্তমবর্ষীয়া বালিকা হইতে আরম্ভ করিয়া কর্মালয়ের সকল শ্রেণীর স্ত্রীলোকের স্বহস্ত-নির্মিত দ্রব্যসমূহ থাকিবে।

‘চিরহরিৎ সন্মিলনী’ কেবল তারিণী-বিদ্যালয়ের পুরাতন ছাত্রীদের সমিতি ; তাহাতে উক্ত বিদ্যালয়ের ছাত্রী ব্যতীত অপর কাহারও সম্বন্ধ নাই। তারিণী উহার নাম এইজন্য ‘চিরহরিৎ’ রাখিয়াছেন যে, কালে উহাতে মাতা-পুত্রী উভয় শ্রেণীর মহিলাগণ সমভাবে যোগদান করিবেন। সন্মিলনীর দিন ‘মাতা-কন্যা’ সম্বন্ধ ভুলিয়া, উভয়ে যে এই বিদ্যালয়ের ‘ছাত্রী’ এই সম্বন্ধ স্মরণ রাখিতে হইবে।

প্রধানা শিক্ষয়িত্রী হইতে আরম্ভ করিয়া ঝি-চাকর পর্যন্ত সকলের মুখেই একটা উৎসব আনন্দের প্রফুল্লতা। প্রত্যেকেই স্ব-স্ব কর্তব্যসাধনে তৎপর ; প্রত্যেকেরই ইচ্ছা—তাহার ভাগের কাজ আগে সমাধা হউক। যেন ‘বিয়ে-বাড়ীর কোলাহল’।

লতীফ পুরস্কারের খেলনা ইত্যাদি ক্রয় করিবার ও ঘর সাজাইয়া দিবার ভার গ্রহণ করিয়াছেন। এতব্যতীত পুরস্কার বিতরণ-কারিণী মহিলাও তাঁহাকে সংগ্রহ করিতে হইবে। সেজন্য তিনি দেশের রাণী মহারাণী প্রভৃতির সঙ্গে পত্র-ব্যবহার করিতেছেন।

একবার গৃহাভ্যন্তরে প্রবেশ করিয়া দেখা যাউক, কে কি করিতেছেন :—
মিস্ চাকরুলা পদ্ম একটা আলমারী খুলিয়া পরিচারিকাদের দ্বারা তাহার অভ্যন্তরস্থ জিনিস বাহির করাইতে ব্যস্ত আছেন।

ঝি। ক্যাতাবগুনো কোথায় রাখবো মা ? একটু দেখিয়ে দাও।

চারু । এস আমার সঙ্গে ।

জনৈক্য শিক্ষয়িত্রী ।—কই, মিস্ দত্ত কোথা ? ঐ যে । মিস্ দত্ত, দেখুন ত এই মেয়ে দুইটিকে 'বনদেবী' সাজাইলে কেমন হয় ?

চারু । বেশ হইবে । আর তিনটি মেয়ে সংগ্রহ করুন ।

অপর একজন শিক্ষয়িত্রী ।—শুনুন মিস্ দত্ত, এ মেয়েরা বলে কি । এরা 'প্রাইজের' দিন আসিবে না ; কে নাকি ইহাদের বলিয়াছে যে ইহারা 'প্রাইজ' পাইবে না !

চারু । সে কি । 'প্রাইজের' দিন আসিবে বই কি ।

মেয়েরা । না, আমাদের মা বারণ করিয়াছেন ।

চারু । বেশ, আসিও না ।

শিক্ষয়িত্রী । 'আসিও না' বলিলে চলিবে কেন, মিস্ দত্ত ? ওরা যে 'চিঃ'র মেয়ে !

চারু । আপনি অন্য মেয়ে ধরুন ।

উষা । অমিয়া । তোমার বোর্ডার ছাত্রীদের লিখিত সে পদ্য আমাকে কখন দেখিতে দিবে ?

অমিয়া । আজ্ঞে, কাল পাইবেন ।

উষা । বেহারা, জা'ফরী খানম্কে সালাম দাও । (জা'ফরী খানম্ আসিলে, তাঁহার প্রতি) কেয়া খানম্ সাহেবা, আপু'কি মুসলমান লাড়কীয়েঁক। 'নজম্' কাহাঁ তক্ হয় ?

জা । কেয়া বাতাওঁ । কল্কাভেকি লাড়কিয়ঁ কেয়া উর্দু বোল্নে সক্তী হয়্যেঁ ? হব্ লফ্জ্*** মেঁ বাংলা লহ্জা ।*** ময়ঁ তো থক্ গেরী ।

বিভা । ও ভাই মিস্ দত্ত । মুসলমান মেয়েদের বাঙ্কাল। পদ্য বলা শুন আসিয়া । যেন কি বিপদে পড়িয়াছে ।

চারু । আসি ; এই আলমারীটা বন্ধ করি আগে ।

উষা । চারু-দি' ! তোমার কামরাটা কবে খালি করিয়া দিবে ?

চারু । আর দুই দিন পরে ।

উ । তুমি আজ চারি দিন হইতে আমাকে বলিতেছ—'দুই দিন পরে ।'

* 'নজম'—কবিতা ।

** 'লফ্জ্'—শব্দ ।

*** 'লহ্জা'—উচ্চারণভঙ্গী ।

চা। কি করি দিদি। একদণ্ড নিশ্চিতভাবে বসিয়া জিনিস পত্তরগুলো গুছাইতে পারি না—সমস্ত দিন—‘মিস দত্ত দেখুন’, আর ‘মিস দত্ত শুনুন’।—আমি দশভূজা দুর্গা হইলে বেশ হইত।

উ। আমি কিন্তু দশমুণ্ড রাবণ হইতে চাই—তাহা হইলে এক একটা মাথাকে এক একটা বিষয় চিন্তা করিবার ভার দিতাম।

তারিণীর ‘আফিস’-কামরাও টাইপ-রাইটারের শব্দে মুখরিত। তারিণী নিরুপমা নাম্নী শিক্ষয়িত্রীকে বলিলেন,—“নিরু। তোমার জুবিলী-ইতিহাস লেখা কি শেষ হইল?”

নিরু। আজ্ঞে হয়েছে। একবার ভাল ক’রে প’ড়ে দেখে দিই।

তা। বড় দেবী করিয়া ফেলিলে, আজই ছাপাখানায় পাঠাইতে হইবে। ও রাফিয়া-বু! তোমার টাইপিং কত দূর?

রা। এখনও বহুদূরে।

(রাজমিন্ত্রী দ্বারদেশ হইতে)

“মাইজী। চুণা ষট গিয়া।”

তা। আর কয় কামরা বাকী?

রাজমিন্ত্রী। আউর পাঁচ কামরা বাকী। চুণেকা রুপেয়া দিজিয়ে।

জ। সরকার বাবুসে মাঙ্গে।

(সরদার কোচম্যান দ্বারদেশ হইতে)

“ছজুর। সাত নম্বর গাড়ীকা চাক্কা বদলী হোগা।”

তা। বদলো যা’কে।

কোচ। পিত্তল পালিশ কা দাম দিজিয়ে।

তা। সরকার বাবুসে মাঙ্গে।

(উড়ে মালী দ্বারদেশ হইতে দস্তবিকাশ করিয়া)

“মাইজী, ম’তে আগে রঙের টঙ্কা দিউ না।”

তা। সরকার বাবুকে বল টঙ্কা দিতে।

মালী। সরকার বাবু টঙ্কা দিউছি না—মুই কিমতি ফুলের টব রজিবুঁ প এত্তেগুলা টব।

তা। আহ্ জ্বালালে। ডাক ত সরকার বাবুকে।

মালী। (সরকার বাবুকে আসিতে দেখিয়া) সরকারবাবু আসুছন্তি।

তা। সরকারবাবু। আজ্ঞ এষের সবাইকে আমার পিছনে লেলিয়ে দিয়েছেন কেন?

সরকার। না মা! ওরা বড় দুট্টু! আমি বল্লেম. সবুর কর, মা'র কাছ থেকে টাকা এনে দি। তা ওরা শুনলে না, উপরে চলে এল। পূর্বে যে টাকা দিয়েছেন, এই তার হিসাব নিন্। আমাকে এখন আর কিছু টাকা দিন।

তা। পদ্মরাগ, তুমি এ হিসাবের খাতাটা এখন রাখ, অন্য সময় দেখা যাইবে। আর সরকার বাবুকে ১০০ টাকা আনিয়া দাও।

বেহারা কোন আগন্তুক ভদ্রলোকের কার্ড আনিয়া দিল।

তা। (কার্ড পড়িয়া) মিঃ আল্‌মাস্—আচ্ছা সাহেবকে সালাম দাও।

লতীফ অনেকগুলি খেলনা ইত্যাদি লইয়া আসিয়াছেন। উষা অন্যান্য শিক্ষয়িত্রীর সাহায্যে সেগুলি যথাস্থানে রাখিয়া বলিলেন, "ভাই! আরও গোটা চল্লিশ পুতুল কিনিতে হইবে।"

বিভা। হাঁ, ছোট মেয়েই ত বেশী।

কোরেশা। বাঁশী, ঝুনঝুনিও আনিবেন।

ল। বেশ। একটা ফর্দ লিখিয়া দিন।

তা। মিঃ আল্‌মাস্, আপনি আবার এখনই চলিলেন? একটু বসুন, বিশ্রাম করুন।

সৌদামিনী পরিচারিকাকে লতীফের জন্য চা আনিতে ইঙ্গিত করিলেন।

তা। সৌদামিনী-দি', তোমাদের সব ঠিক হইল ত?

সৌ। আমাকে আর জিজ্ঞাসা করিও না! অনেকগুলি সেলাই এখনও সম্পূর্ণ হয় নাই।

তা। উষা-দি', তুমি আমায় শেষে লজ্জা দিবে নাকি? তোমাদের মেয়েদের কি কত দূর? শুনিতেছি. মুসলমান মেয়েরা নাকি ঠিক-মত বাঙালা উচ্চারণ করিতে পারে না?

উ। তাহারা উর্দুও ত পারে না! যাহা হউক, চিন্তা করিও না—সময়ে সব ঠিক হইয়া যাইবে। তোমাদের পুরস্কার-বিতরণকারিণীও ত এখনও ঠিক হয় নাই।

তা। (চা-পানরত লতীফের দিকে মিষ্টায়ের খালা অগ্রসর করিয়া দিয়া) হাঁ, মিঃ আল্‌মাস্, আপনার সে মহারাণীর কি সংবাদ?

ল। সকালে দেখা করিতে গিয়াছিলাম. দেখা হয় নাই। আবার পরশু: যাইব। মহারাণীরা বড় ভোগান, কোন লাট-মহিষীর চেষ্টা করিব?

তা। আমরা দীনা কাঙ্গালিনী—লাট-মহিষী চাহি না। অন্য কোন রাজ-কর্মচারীর পত্নী হইলে চলিবে। ষষ্ঠা লেডী চ্যাটার্জি বা তরুণ কেহ—

ল। লেডী চ্যাটার্জি এখন দিল্লীতে।

উ। ভাই বিভা, যাও ত এই মোড়ের কনস্টবলকে বল, তাহার স্ত্রী আলিয়া আমাদের বিদ্যালয়ে পুরস্কার দিয়া যাউক।

বি। কিন্তু তাহার বেতন যে মোটে ৮ আট টাকা। সেও রাজ-কর্মচারী বটে, তবে বেতন অল্প।

উ। ক্ষতি কি? এই আট টাকার কনস্টবল কালে আটশত টাকা বেতনের রায় বাহাদুর ইন্সপেক্টর হইতে পারে। আমরা অগ্রিম সম্মান দিয়া রাখিতে চাই!

সৌ। রায়-বাহাদুর হউকই আগে।—

তা। ওহো! তখন আমাদের বিদ্যালয়ে পুরস্কার বিতরণ করিতে আলিলে তাঁহার সম্মানের ব্যাঘাত হইবে যে! আর তাঁহার স্বাস্থ্যও তখন ক্ষণভঙ্গুর হইবে।

বি। চল ভাই পদ্মরাগ, মেয়েদের গান শুনিবে।

সি। আমি যে গানের 'গ' বুঝি না।

বি। তবে আমি একা কি করিয়া উহাদের গান ঠিক করিব?

কো। ও আর ঠিক হইবে না, উহার ভিতর 'ইন্দুর' প্রবেশ করিয়াছে।

সি। এ কি কোরেশা-বি! উহা পারমাখিক গান—উহা লইয়া বিক্রপ করা উচিত নহে।

কো। এই না তুমি বলিলে—তুমি গানের 'গ' বুঝ না?

সি। গানের তান-লয় বুঝি না বটে, শব্দ ত বুঝি। 'তার মাঝে ইন্দু'কে আপনি 'ইন্দুর' বলেন।

বি। এস উষা-দি! আর সময় নাই। যদি রাহিলা নিতান্তই স্বর মিলাইতে না পারে, তবে উহাকে ছাড়িয়া দিব।

উ। চল—আমার ভাগের কাজে কিন্তু কেহই সাহায্য কর না। ইংরাজী কবিতা লইয়া একাই বকিয়া মরি।

কো। না, উষা-দি! তুমি আগে আমার ড্রিল্‌এর অভ্যাস (rehearsal) দেখ। নিসিন্ সেন আমাকে যত সব কচি কচি মেয়ে দিয়াছেন, তাহারা না পারে ঠিকমত পা কেলিতে, না পারে হাত তুলিতে। গান রাত্রে শুনিলেও চলিবে।

বি। কক্ষণও না।—গান বেশী মুক্ছিল, কারণ তাহা হাত ধরিয়া দেখান যায় না।

তা। বিভা, তুমি ব্যস্ত হও কেন? উমা-দি' ড়িল্ ঠিক করুন। তোমার গানের অভ্যাস এইখানে মিঃ আলমাস্-এর সমক্ষে করাও; তিনি একজন ওস্তাদ।

বি। মুসলমান মেয়েরা ত উঁহার সম্মুখে আসিবে না।

ল। হাঁ, মেয়েদের এখানে আনিবার প্রয়োজন নাই। (সিদ্দিকার প্রতি) সিদ্দিকা! তুমি স্বয়ং গাহিয়া উহাদের গান কয়টা ঠিক করিয়া দাও।

সি। বেশ বলিয়াছেন, আমি কিন্তু গানের 'গ'ও জানি না।

ল। কারসিয়ঙ্গে থাক। কালীন আমি স্বকর্ণে তোমার হারমোনিয়ম বাদ্য শুনিয়াছি।

সি। (সলজ্জভাবে) একটু সুর তাল জ্ঞান আছে বটে, কিন্তু গলা ভাল নয় বলিয়া গাহিতে পারি না।

ল। (রাফিমার প্রতি) আপনি একটা গান করুন।

রা। আমি চেষ্টাইতে পারি বটে, কিন্তু আমার সুর তাল জ্ঞান নাই।

ল। বেশ।—আপনার কণ্ঠস্বর এবং সিদ্দিকার সুর-তাল—এই দুই একত্রে করিয়া আপনারা উভয়ে মিলিয়া গাহিবেন। দোহাই আপনার, আর কোন আপত্তি শুনিব না। মিস্ চক্রবর্তী! আপনি এই দুইজনকে ধরুন ত, আপনার গান ঠিক হইয়া যাইবে।

এ বৎসর বিদ্যালয়ের পুরস্কার ভাণ্ডারে লতীফ স্বয়ং ১০০০ এক হাজার টাকা দান করিয়াছেন এবং চাঁদা তুলিয়া আরও দুই হাজার টাকা সংগ্রহ করিয়াছেন। 'নারীক্লেশ-নিবারণী সমিতি'তেও তিনি ৫০০ টাকা দান করিয়াছেন।

অষ্টাদশ পরিচ্ছেদ

মরীচিকা

যথাকালে তারিণী-বিদ্যালয়ের জুবিলী ও শিল্প-প্রদর্শনী ইত্যাদি সম্পন্ন হইয়া গিয়াছে। কিন্তু নতীফের মাতা, ভগ্নী ও মাসীমা এখনও কলিকাতায় আছেন। মাতা অনেকটা হুঁটপুঁট হইয়াছেন। তিনি প্রায়ই তারিণী-ভবনে বেড়াইতে যান। তাঁহার অমায়িক স্নেহে তারিণী-ভবনের সকলেই তাঁহার ভক্ত হইয়াছে। বোধ হয় তিনি যেন তারিণী-ভবনে কোন হারান বস্তুর অনুসন্ধান করিতে আইসেন অথবা মরীচিকা লক্ষ্য করিয়া ঘুরিয়া বেড়ান। তাঁহার বিশেষ মনোযোগ সিদ্দিকার প্রতি; পক্ষান্তরে সিদ্দিকা যথাসম্ভব তাঁহার নিকট হইতে দূরে থাকিতেন। এক দিন তিনি সিদ্দিকার হাত ধরিয়া বলিলেন, “একি মা! তুমি হাতে দু’গাছি চুড়ি পর্যন্ত রাখ না, বড় বিশ্রী দেখায়।”

তারিণী তথায় উপস্থিত ছিলেন, তিনি উত্তর দিলেন, “সুশ্রী দেখান ত বাঞ্ছনীয় নহে। এখানে কয়েক জন হিন্দু মহিলা আছেন, তাঁহারা কুসংস্কারবশতঃ শাঁখা ছাড়িতে পারেন নাই। সুখের বিষয়, আপনাদের মুসলমান সমাজে কোন কুসংস্কার নাই।”

নতীফের মাতা।—তুমি বেশ মুসলমান-ভক্ত মেয়ে। তোমার মত যদি আর ২০।২৫ জন মেয়ে থাকিতেন তবে বাঙ্গালার সৌভাগ্য হইত।

নতীফের মাতা প্রায় প্রতিদিন তারিণী-ভবনের ‘ভগিনী’ ও শিক্ষয়িত্রীদের ছয়জন করিয়া এক এক দলকে মধ্যাহ্ন কিম্বা নৈশ-ভোজনে নিমন্ত্রণ করিতেছেন—তারিণী হইতে আরম্ভ করিয়া কোরেশা, বিভা, জা’ফরী প্রভৃতি সকলের নিমন্ত্রণ হইয়া গিয়াছে। এখন কেবল শেষ ছয় জন—রাফিয়া, সকিনা, সিদ্দিকা, সৌদামিনী, উষা ও নলিনী—বাকী আছেন।

অদ্য রফীকা তাঁহাদিগকে মধ্যাহ্ন-ভোজনের নিমিত্ত লইয়া যাইতে আসিয়াছেন। সকলেই সানন্দচিত্তে যাইতে সন্মত হইয়াছেন; কেবল সিদ্দিকা যুক্তকরে অব্যাহতি প্রার্থনা করিলেন। কিন্তু রফীকা অনুনয় বিনয় আরম্ভ করায় সিদ্দিকা বলিলেন—“আপনি একবার অশ্রু-বিলম্বনে সিদ্ধিলাভ করিয়াছিলেন বলিয়া কি বারবার সেরূপ আশা করেন?”

রফীকা। আমি আপনার কথা বুঝিলাম না। ‘অশ্রু-বিলম্বনে সিদ্ধিলাভ’ কেমন? আপনার কোন কোন কথা আমার নিকট হেঁয়ালীবৎ বোধ হয়।

সেদিন মুঞ্জে বলিয়াছিলেন—“আপনারাই ত আমার বাইবার পথ রাখেন নাই।”
সে কথারই বা কি অর্থ ?

রাফিয়া । (সহাস্যে) পদ্মরাগ-প্রহেলিকা,—

“পঞ্জিতে বুঝিতে পারে দু’ চারি দিবসে,
মুখেতে বুঝিতে নারে বৎসর চল্লিশে !”

র । ভাবীজান, পায়ে পড়ি,—আপনি একটু বুঝাইয়া দিন ।

রা । আমি নিজেই বুঝি না ।

অতঃপর সিদ্ধিকা বিদ্যালয়ের বোর্ডিং বিভাগে রন্ধন ও বাজারের তদন্ত করিতে গেলেন । মেট্রনের অস্থখ, তাই সিদ্ধিকা তাঁহার ভাগের কাজ করিতে আসিয়াছেন । রফীকাও সঙ্গে আসিলেন ।

তারিণী-ভবনে যেমন নানা জাতি, নানা ধর্ম এবং নানাশ্রেণীর লোক আছে, সেইরূপ নানাদেশেরও পরিচারিকা—ভুটিয়া, নেপালী, বেহারী, সাওঁতাল, কোল, মাল্লাজী ইত্যাদি আছে । একজন গাঙ্গামী আয়া বাজার সওদা বাহির হইতে আনিয়া দিতেছিল, আর সিদ্ধিকা ফর্দ দেখিয়া সে সব বুঝিয়া লইতেছিলেন । কি একটা জিনিস কম হওয়ায় তিনি আয়াকে সে বিষয় জিজ্ঞাসা করিলেন ; সে সহজে না বুঝায়, তিনি স্বর কিঞ্চিৎ উচ্চ করিয়া বলিলেন—“বাঙ্গালী দুঘল কই ?” সে তৎক্ষণাৎ বলিল—“এই এখন আনিতে যাই ।”

র । (উচ্চহাস্যে) ‘বাঙ্গালী দুঘল’ ! এ আবার কি ?

সি । আলু । উহার আলুকে ‘বাঙ্গালী দুঘল’ বলে । আপনি পানির কোন শ্রুতিকটু নাম জানেন কি ?

র । মনে হয় না ত । ‘জল’, ‘সলিল’, ‘মা-আ’, ‘আব’, ‘বারি’,—ও সব নামেই ত বেশ কোমল তরল ভাব আছে ; কেবল ইংরাজী ‘ওয়াটার’ একটু কটমটে শুনায় ।

সি । ইহা অপেক্ষা আর কোন শ্রুতিকঠোর নাম বলিতে পারিলেন না ?

র । না । আপনি নানাদেশ ভ্রমণ করিয়াছেন—আপনি বলুন ।

সি । ‘মাইচুরেড়ো ।’

র । ও বাবা ।

এমন সময় সৌদামিনী প্রভৃতি যাত্রার জন্য প্রস্তুত হইয়া তথায় আসিলেন । রফীকা আর একবার সিদ্ধিকাকে অনুরোধ করিয়া অকৃতকার্য হওয়ায় অপর সকলকে লইয়া চলিয়া গেলেন ।

○ ○ ○ ○
 আহারান্তে সকলে গর করিতেছিলেন। সৌদামিনী লতীফের মাতাকে বলিলেন—“না, না! আমরা সিদ্ধিকার প্রকৃত পরিচয় জানি না।”

ল-মা। রাখু মা! তুমি জান?

মা। না, খালা আন্না, সিদ্ধিকা আমাকে নিজেই সব্বদে কিছু বলেন নাই।

ল-মা। বাপু! এক সঙ্গে তিন বৎসর আছ, অথচ পরিচয় জান না।

উ। আমরা একসঙ্গে আছি বটে, কিন্তু আপন আপন কাজে ব্যস্ত থাকি—কে কাহাকে জিজ্ঞাসা করে—“তুমি কোন্ গগনের তারা, কিম্বা কোন্ বাগানের ফুল?”

ল-মা। আমি ১২।১৩ বৎসর পূর্বে একটি নবমবর্ষীয়া বালিকাকে দেখিয়া-ছিলাম, তাহার সহিত সিদ্ধিকার অনেকটা সাদৃশ্য দেখিতে পাই।

স। মানুষের মত কি মানুষ হয় না?

র। একেবারে অবিকল নাক চোখ এক প্রকার হইবে কি?

স। তাহা ঠিক বলা যায় না। আমাদের বিদ্যালয়ে কয়েক জোড়া বালিকা আছে,—তাহারা দুই দুইটি একই প্রকার; ফজীলা ও মাহমুদা—কে কোন্টি তাহা আমি সহজে চিনিতে পারি না।

ল-মা। বেশ বাপু! তোমরা কেহ সিদ্ধিকার পরিচয় না জান, তাই সই। কিন্তু তাহাকে আমার পুত্রবধূ করিয়া দাও।

সৌ। সে বিষয়ে আমাদের হাত কি?

ল-মা। মিসিস্ সেনকে বলিয়া এই বিবাহ ঘটাইয়া দাও।

উ। সিদ্ধিকা আপনাদের জাতের মেয়ে, তাঁহার বিবাহ মিসিস্ সেন কি করিয়া দিবেন?

ল-মা। তিনি যে সকলের অভিভাবিকাস্বরূপা।

ন। তাই বলিয়া তিনি কাহারও বিবাহ দিতে পারেন না।

র। তিনি কাহারও বিবাহে বাধাও ত দিতে পারেন না।

ন। অবশ্যই না। কিন্তু এ ক্ষেত্রে আপনারা তাঁহাকে কি করিতে বলেন?

র। কন্যা-কর্ত্রী সাজিয়া বিবাহ দিতে বলি।

মা। আম রফীকা, আমি আজই তোম বিয়ে দিয়ে দিচ্ছি।

র। আমার বিয়ে আর আপনাকে দিতে হয় না।

রা। তবে সিদ্ধিকার বিবাহ দিতে পারে, কাহার সাধ্য ? সিদ্ধিকা স্বয়ং সম্মত না হইলে কেহ তাহার বিবাহ দিতে পারে না।

স। ভাল কথা, খালা আস্মা। আপনি কি আর পাত্রী পান না ? অমন সচ্চরিত্র ধনে মানে শ্রেষ্ঠ সুপুরুষকে কে না কন্যাদান করিবে ?

উ। তাই ত ; এ অজ্ঞাতকুলশীলা মেয়ে লইয়া আপনারা কি করিবেন ? ধনে মানে আপনাদের সমকক্ষ পরিবারে চেষ্টা দেখুন।

ল-মা। লতীফ যে আর কোথাও বিবাহ করিতে চাহে না।

স। বেশ ত। এ পোড়া ভারতবর্ষে অনেক বিধবা আছে, দুই চারিটি বিপত্নীকও থাকুন।

রা। তাই ত, বিবাহের জন্য আবার তাঁহাকে পীড়াপীড়ি কেন ? জোর করিয়া বিবাহ দেওয়ার সাধ কি আপনাদের মিটে নাই ?

র। ওঃ। এতক্ষণে আমি সিদ্ধিকা বিবির হেয়ালী বুঝিলাম ! ভাইজানকে বিবাহে সম্মত করাইবার জন্য আমি যে কাঁদিয়াছিলাম, তিনি আমাকে সে কথার খোঁটা দিয়াছেন।

ল-মা। এবার আমি পীড়াপীড়ি করিতেছি না। সে নিজের ইচ্ছামত বিবাহ করুক—আমি তাহাকে সংসারী দেখিয়া নিশ্চিন্ত হই।

ন। তবে আপনি পাত্রী খোঁজেন কেন ?

ল-মা। আমি তাহাকে পাত্রীর সন্ধান দিয়া বলিব, “দেখ বাপু, এখানে এক ঘর, সেখানে এক ঘর,—যে ঘরে তোমার ইচ্ছা বিবাহ কর।”

রা। কিন্তু আপনার মনোনীত ঘরগুলির তালিকায় সিদ্ধিকার নাম কেন ? তাঁহার না আছে জমিদারী বিষয় সম্পদ, না আছে নগদ টাকা ও অনঙ্কার। তিনি কর্মালয়ে প্রতি মাসে ২০০ টাকা বেতন প্রাপ্ত হন ; তাহা হইতে অতি সামান্য ৩০।৪০ টাকা খাওয়া-পরায় ব্যয় করিয়া অবশিষ্ট টাকা তিনি আবার তারিণী-ভবনের অর্থভাণ্ডারে চাঁদ দেন। এ হেন দীনা কাঙ্গালিনী তপস্বিনী আপনাদের দৃষ্টি আকর্ষণ করিল কিসে ?

ল-মা। আমরা টাকার প্রার্থী নহি।

রা। আপনার বাবার এরূপ বৈরাগ্য কবে হইতে হইয়াছে ?

ল-মা। চুয়াডাঙ্গার সে কন্যার বিবাহের সময় হাজীসাহেব সম্পত্তির কথা তুলিয়াছিলেন, তাহাতে আমাদের কোন হাত ছিল না। সে কথার খোঁটা আমাকে লাগে কেন ?

সৌ। মা, অনুমতি দিন, আমরা এখন আসি।

র। সিদ্ধিকা-লাভের কোনও উপায় বলিয়া দিয়া যান।

স। আবদার মঙ্গল নহে!—আমরা কি সিদ্ধিকাকে ধরিয়া দিব? তাঁহার কোন অভিভাবক থাকিলে হয়-ত তিনি সিদ্ধিকাকে বাঁধিয়া তোমাদের হাতে সমর্পণ করিতেন।

সৌ। সিদ্ধিকা হয়ত একজনকে মন-প্রাণ সমর্পণ করিয়াছেন। তবে?

র। তাহা হইলে আমরা তাঁহার মন ফিরাইতে চেষ্টা করিব।

স। ঈশ! আশ্পর্দ্ধা দেখ! তুমি সিদ্ধিকার পিছনে লাগিয়াছ কেন? সে বেচারী কোন অজ্ঞাত কারণে সর্বত্যাগিনী হইয়া তারিণী-ভবনে একটু জুড়াইতে আসিয়াছেন।

র। জুড়াইতে থাকিলে ত আপত্তি ছিল না,—এখন যে পোড়াইতে আরম্ভ করিয়াছেন।

রা। যে দাহ্য, সে দগ্ধ হইবে, সেজন্য দুঃখ কি? পতঙ্গ চিরকাল পুড়িবে।

র। আর আমরা কি সিদ্ধিকা বিবির ধরা পাইব না?

সৌ। বোধ হয়, না। বৃথা মরীচিকার অনুসরণে ফল কি?

ল-মা। মা! তুমি কিরূপে জানিলে সে মরীচিকা? সে কি স্পষ্ট বলিয়াছে যে বিবাহ করিবে না?

র। বিশেষতঃ আমার ভাইকে বিবাহ করিবেন না, এই কথা বলিয়াছেন কি?

উ। ইচ্ছা হয়, অনুসরণ করিয়া দেখুন।

লতীফ পার্শ্ববর্তী কক্ষে থাকিয়া ইহাদের সমস্ত কথোপকথন শ্রবণ করিতেছিলেন। তিনি দীর্ঘনিঃশ্বাস পরিত্যাগ করিয়া মনে মনে বলিলেন, “সত্যই এ মরীচিকা! খোদাতালা আমাকে সবই দিয়াছেন—দিলেন না কেবল ‘সুখ’! আমার ভাগ্যে ‘সুখ’ মরীচিকা হইয়া গেল ॥”

উনবিংশ পরিচ্ছেদ

বিদ্যালয়ে দরবার

তারিণী 'অফিস'-কামরায় অনেকগুলি খাতা-পত্র লইয়া ব্যস্ত আছেন। সিদ্দিকা তাঁহার 'পার্সনাল এসিস্ট্যান্ট', স্তত্রাং তিনিও উপস্থিত আছেন। রাকিয়া এবং সিদ্দিকা তারিণীর দক্ষিণহস্তস্বরূপা। কিঞ্চিৎ দূরে আর একটি টেবিলে রাকিয়া, সকিনা, সৌদামিনী ও উষা স্ব-স্ব কার্যে ব্যাপ্তা আছেন। এমন সময় সরকার বাবু আসিয়া বলিলেন,—

“দোহাই মা ! আমি আর এখানে কাজ করিব না।”

তারিণী। কেন, সরকার বাবু ?

সর। মার খাইয়া যে চাকুরী করিতে পারিবে, সেই এখানে থাকিবে। বাহিরে এত হটগোল হইয়া গেল, আপনারা তাহা শুনিতে পান নাই কি ?

তা। বলুন শুনি, ব্যাপারখানা কি ? কে আপনাকে মারিতে আসিয়াছে ?

সর। আপনার কয়েকজন ছাত্রীর অভিভাবকেরা দল বাঁধিয়া আজ আমাকে মারিতে আসিয়াছিলেন। শৈলবালার খুড়া বলিলেন—“শৈল পুরস্কার পায় নাই কেন ?” আমি বলিলাম—‘হয় ত পাশ হয় নাই, তাই।’ তিনি তখন চীৎকার স্বরে গালি দিয়া বলিলেন, “পাজি ব্যাটা। নছ্চার ব্যাটা। তুই বসে বসে কি করিস্ ? মেয়েগুলোকে পাশও করাতে পারিস্ না ?” আমি তাঁহাদের বঁঝাইতে চেষ্টা করিলাম যে, মেয়ে পাশ হওয়া—না হওয়ায় আমার কোন হাত নাই। তদন্তরে তাঁহারা আমায় মারিতে আসিলেন। আমার নাক লক্ষ্য করিয়া হরিমতির পিতা যে ধুধি তুলিয়াছিলেন—

বেহার। আমি মাঝে এসে না পড়লে সরকার মশায়ের নাক ভেঙ্গে দিত আর কি !

তা। আমার এখানকার কাজ ছাড়িলেই কি আর ওরূপ ঘটনা হইবে না, মনে করেন ? আপনি ব্যাটা ছেলে, আপনাকে ত ধুধির বদলে লাথি দিয়াই জীবন-সংগ্রাম করিতে হইবে।

উ। বলিহারী বাই বাঙ্গালী বাচ্ছা। নাক লক্ষ্য করিয়া ধুধি তুলিয়াছিল বলিয়া চাকুরি ছাড়িতে হইবে ॥

সর। অনুযোগ করেন কেন মা ? কেবল ইহাই কি একমাত্র ঘটনা ? সুলীলার পিতা বলিলেন—“তোমার কি বাবার গাড়ী ?—আমার মেয়েদের জন্য গাড়ী পাঠান না কেন ? আমার বাছারা প্রাইভেট সময় স্কুলে যেতে পেলেন না।”

তা। 'উষা-দি'। প্রাইজের দিন কি স্মৃশীলারা তিন ভগ্নী উপস্থিত ছিল না ?

উ। (হাজিরা-বহি দেখিয়া) না, সেদিন উহারা ছিল না। প্রায় একমাস হইতে উহারা আইসে না।

তা। স্মৃশীলাদের জন্য গাড়ী কেন পাঠান না, সরকার বাবু ?

সর। উহারা যখন ভক্তি হইয়াছিল, তখন আপনি অতদূর গলির ভিতর 'বাস' পাঠাইতে অস্বীকৃতা হওয়ায় মেয়েরা গোরাচাঁদ রোডে জহর চামড়াওয়ালার বাড়ী আসিয়া অপেক্ষা করিত ; প্রতিদিন তাহারা সেইখান হইতে গাড়ীতে উঠিত এবং বিকালে তাহাদের ঐ খানেই নামাইয়া দেওয়া হইত। এখন স্মৃশীলার বাবা নিজের বাসার দ্বারে গাড়ী লইয়া যাইতে বলেন। তাহা ত আপনি বারণ করিয়াছেন, কাজেই গাড়ী যায় না।

তা। (ছাত্রীদের ঠিকানার খাতা দেখিতে দেখিতে) আমি ত রাসেখাদের বাড়ীও 'বাস' পাঠাইতে নিষেধ করিয়াছিলাম, কিন্তু রাসেখা ও জমীলা ত আসিতেছে ; ইহার কারণ কি ?

সর। রাসেখার পিতা কোচম্যান ও সহসকে বখ্শিশ দিতে অস্বীকার করায় তাহারা দুষ্টানী করিয়া আপনাকে মিথ্যা কথা বলিয়াছিল যে, সে বাড়ীর হাতার ভিতর গাড়ী যাইবার পথ নাই। পরে আমি আপনার আদেশে তাহাদের বাড়ী দেখিয়া আসিয়া বলিলাম, "বেশ পথ আছে।" সেইদিন হইতে গাড়ী যায়।

তা। সরকারবাবু, আপনি এখন যাইতে পারেন। আমাদের অনেক কাজ আছে—এক রাশি চিঠি পড়িতে ও তাহাদের উত্তর লিখিতে হইবে।

উষা সরকারবাবুর হস্তে এক দীর্ঘ তালিকা দিয়া বলিলেন—“এই মেয়েদের বাড়ী দেখিয়া পথ স্বল্পে তিন দিনের মধ্যে রিপোর্ট করিবেন।”

তা। ও জানকি, ও নীহার, তোমাদের টাইপিং একটু স্বগিত রাখ। পদ্মরাগ, তুমি এখন চিঠি পড়া আরম্ভ কর।

সি। এই শুনুন ১ নম্বর চিঠি :—“সবিনয় নিবেদন শাননীয়াসু—”*

তা। রক্ষা কর পদ্মরাগ! পাঠগুলো ছাড়—কেবল পত্রাংশ এবং লেখকের নাম ধাম পাঠ কর।

* অনেকগুলি পর নামা হৃদয়ের ইংরাজী ভাষায় লিখিত ছিল, তাহাদের অনুবাদ দেওয়া গেল।

সি। (কষ্টে হাস্য সম্বরণ করতঃ) “আমার মেয়ে উমিলা এবার প্রাইজ পাইল না কেন ? আপনাদের ত বাঁধিগৎ—উত্তর আসিবে, ‘পাশে প্রথম কিছা দ্বিতীয় হয় নাই।’ কিন্তু ‘প্রথম’ না হওয়া কাহার দোষ ? আপনারা বৎসর ভরিয়া টাকা লইতে জানেন, আর কিছু কর্তব্য আছে কি না, তা জানেন না। আপনি মেয়েমানুষ, তাই কিছু বলিলাম না।”

২নং চিঠি :—“আমার মেয়ে জুলেখা পাঁচ বৎসর হইতে আপনার স্কুলে পড়ে ; প্রতি বৎসর সে পরীক্ষায় প্রথম হইত। এবার তাহার অসুখের জন্য ৮।৯ মাস কামাই করিয়াছে বলিয়া তাহাকে একটা প্রাইজ দিলেন না। এক্ষেমন আপনাদের বিবেচনা ? মেয়েলী বুদ্ধি লইয়া আর কত ভালরূপে কাজ করিবেন ? স্কুলের কর্ম-নির্বাহক সভায় যদি কোন পুরুষ থাকিত তবে দেখিতেন, স্কুল পরিচালনা কিরূপে হয়।”

৩নং চিঠি :—“আমার মেয়ে নিরুপমার নাম কাটিয়া দিবেন। সে প্রাইজের দিন গোল করিয়াছিল বলিয়া আপনাদের বিভা নাম্নী গুরুমা তাহার প্রতি চক্ষু রাঙাইয়াছিল। হাতের কাছে পাইলে আমি বিভার চক্ষু উৎপাটন করিতাম।”

উ। কে আছ, বিভা-দি’কে একবার ডাক ত !

তা। এখন না, আরও চিঠি শুনি আগে।

৪নং চিঠি :—“স্কুল করিতে জানেন না ত রাখিয়াছেন কেন ?—কেবল নাম কিনিবার জন্য ? আমার মেয়ে প্রভাবতী তিন মাস হইতে পড়িতেছে ; না হ’ল সে পাশ, না পেলে সে একটা পুতুল ছাড়া আর কিছু।”

৫নং চিঠি :—“আমার মেয়ে আব্বাসী তিন মাস হইতে স্কুলে পড়িতেছে, এখনও হিজ্জি করিতে পারে না।”

৬নং চিঠি :—“আমার মেয়ে আতিফা বেগম এখনও রাত্রে বিছানা ভিজায়, তাহাকে একটু শাসন করিতে পারেন না ? তবে আপনারা স্কুলে কি শিক্ষা দেন ?”

৭নং চিঠি :—“আক্ষেপ যে, আপনার বিদ্যালয়ে গবর্নমেন্টের হাত নাই ; নচেৎ মজা দেখাইতাম। আমার মেয়ে মনোরমা দুই মাস হইতে স্কুলে যায়, এখনও পর্বস্ত তাহার ‘আকার’ ‘ইকার’ শিক্ষা হয় নাই।”

৮নং চিঠি :—“আমার মেয়ে প্রজ্ঞাসুন্দরী কাহারও কথা শুনে না, মাতাকে গালি দেয়। পড়া-লেখাও তথৈবচ। দেখি—এডুকেশন মিনিস্টারকে বলিয়া কোন প্রকারে আপনার স্কুলের অনিষ্ট করিতে পারি কি না। এমন নামের স্কুল থাকার চেয়ে না থাকাই ভাল।”

৯নং চিঠি :—“আমার মেয়ে সরমাসুল্লমী আপনাদের মেট্রিক ক্লাসের ছাত্রী ; সে প্রাইজের দিন অপর মেয়েদের সঙ্গে ঝগড়া ও মারামারি করিতেছিল। এই অপরাধে আপনাদের জনৈক জুনিয়র শিক্ষয়িত্রী সারদা তাহাকে চপেটাঘাত করিয়াছে। সারদা আপনার নিকট রিপোর্ট করিতে পারিত ; তাহা না করিয়া নিজের হাতে আইন লইল কেন ? যাহা হউক, সরমাকে একরূপ গুরুতর আক্রমণ (Criminal assault) করার জন্য আমি সারদার বিরুদ্ধে ফৌজদারী ‘কেস্’ করিতে ও আপনাকে সাক্ষী মানিতে বাধ্য হইলাম।

“পুনশ্চ—আপনি সারদাকে যথাবিধি শাস্তি দিয়া আমার নিকট ক্ষমা প্রার্থনা করিলে অব্যাহতি পাইতে পারেন।”

১০নং চিঠি :—“আমার দুধের বাছা লীলা একটা পুতুল ছাড়া আর কিছু পায় নাই। সে কাঁদিয়া খুন হইল। আপনার স্কুল গবর্নমেন্টের অধীন নহে, নচেৎ দেখাইয়া দিতাম কেমন স্কুল ! আমার পিসে মহাশয়ের খুড়তাতো ভাগিনেয়ের শৃঙ্গরের আপন মেসো স্বয়ং এডুকেশন মিনিষ্টারের শালা !”

উক্ত প্রকারের আরও অনেক পত্র পাঠিত হইল। পরে কোরেশা, জা'ফরী ও বিভাকে ডাকিয়া উষা ছাত্রীবৃন্দের অভিভাবকদের অভিযোগ-পত্র দেখাইলেন। বিভা ও কোরেশা “আসি” বলিয়া আবার বিদ্যালয়ে চলিয়া গেলেন।

কিয়ৎক্ষণ পরে কোরেশা একদল মুসলমান বালিকা লইয়া এবং বিভা ও সারদা একদল নানা-ধর্মাবলম্বিনী ছোট বড় বালিকা লইয়া আসিলেন।

কোরেশা। (১) আব্বাসী গত নভেম্বর মাসে স্কুলে আসিয়াছে। সে সময় আমরা বাৎসরিক পরীক্ষার জন্য পুরাতন পাঠের পুনরাবৃত্তি করাইতেছিলাম, কাহাকেও নূতন পড়া দেওয়া হইত না। ডিসেম্বর মাসের প্রথমার্ধ পরীক্ষায় এবং শেষার্ধ প্রাইজের জন্য প্রস্তুত হওয়ায় ব্যয়িত হইয়াছে। জানুয়ারীর প্রথম সপ্তাহ প্রাইজ ও জুবিলীর হেঙ্গামে অতিবাহিত হইয়াছে। অদ্য জানুয়ারীর ২১শে তারিখ—আব্বাসী এই দুই সপ্তাহে কি পরিমাণ লেখাপড়া শিখিয়াছে, পরীক্ষা করিয়া দেখুন।

তা। রাফিয়া-বু, আপনি উহার ‘বোগ্‌দাদী কায়দা’ পাঠের ‘হিজেজ’ ‘মতন’ ইত্যাদি পরীক্ষা করুন।

রাফিয়া পরীক্ষা করিয়া বলিলেন, “পাঁচ বৎসরের মেয়ে, দুই সপ্তাহে বাহা শিখিয়াছে, তাহা আশাতীত।”

কো। (২) অতিক্রম ১২ বৎসরের মেয়ে—বাড়ীতে রাত্রে বিছানা ডিক্রায়, সেজন্য স্কুল দায়ী। (৩) জুলেখা এ বৎসর ৯ মাস অনুপস্থিত ছিল, তবু পাশ

হওয়া এবং প্রাইজ পাওয়া চাই। তার পর দেখুন, (৪) মরিয়ম্ ডাকাতের মত দুর্দান্ত মেয়ে, অষ্টপ্রহর তাহার কোঁদল নিবৃত্ত করিতে হয়, পড়া করিনে কখন ? (৫) আলিয়া আধ-পাগলী মেয়ে, স্কুলে আসিতে 'বাস'এর জানালা ভাঙিত, অপর মেয়েদের মারিত, খামচাইত, কামড়াইত,—বহু কষ্টে তাহাকে ৮ মাসের পরিশ্রমে সোজা করিয়া পথে আনিয়াছিলাম ; ইদানীং অঙ্ক ইত্যাদি বেশ শিখিয়াছিল ; সেই সময় তাহাকে ছাড়াইয়া দেশে লইয়া গেলেন। দুই বৎসর ঘরে রাখিয়া পূর্ণসাত্রায় পাগলী সাজাইয়া আবার স্কুলে দিয়াছেন। আজি পত্র দিয়াছেন যে, তিন বৎসর হইতে তাঁহার মেয়ে স্কুলে আছে, কিন্তু কিছুই শিখে নাই। (৬) আমিনা পাঞ্জাবী মেয়ে, তাহার ভাষা কেহ বুঝিত না। সেও আমাদের কথা বুঝিত না। বহু কষ্টে দুই মাসে সে যখন আমাদের ভাষা বুঝিতে আরম্ভ করিয়া কিছু কিছু পড়িতে লাগিল, তখন “পড়া ত কিছু হয় না” অজু-হাতে তাহাকে ছাড়াইয়া লইলেন। (৭) জাহেদা কচদেশীয় মেয়ে—তাহার সম্বন্ধেও ভাষা না বুঝিবার বিড়ম্বনা ছিল। তিন মাস পরে যখন তাহাকে অনেকটা সুপথে আনিলাম, তখন ‘পড়া হয় না’ বলিয়া ছাড়াইয়া অন্য স্কুলে দিলেন।

সারদা। কোরেশা-বি, আপনার কৈফিয়ৎ এখন রাখুন। আমার নিবেদন একটু শুনুন :—(১) এই যে নিরুপমা তৃতীয়—এ মিডল ক্লাসের ছাত্রী—কলহ-বিদ্যায় চূড়ামণি ; ইহার মাথায় দেখুন, কত উকুন, পায়ে ঘা, কাপড় মলিন,—কিছুতেই এ সব শোধরাইতে পারিতেছি না। ইহার মাতাকে চিঠি দিলে, তিনি ঝির প্রতি দাঁত-মুখ খিচাইয়া বলেন, ‘‘গুরু-মা’রা আছে কি কৰ্তে?’’ (২) এখনও দেখুন, উমিলার গায়ে অনুমান ১০২ ডিগ্রী জ্বর, পেটে প্লীহা কত বড়, প্রত্যহ বিদ্যালয়ে আইসে, আমরা বেঞ্চের উপর শোয়াইয়া রাখি, কখনও আতুরাশ্রমে রাখিয়া আসি। এ মেয়ে কিরূপে পাশ হইবে, বলুন ত ? (৩) প্রভাবতীর বয়স সাড়ে তিন বৎসরের অধিক নহে, সে কি পাশ করিবে ? (৪) সরমা পুরস্কার বিতরণের পরক্ষণেই অপর মেয়েদের সঙ্গে ভয়ানক ঝগড়া ও মারামারি আরম্ভ করিল—তখনও লেডী চ্যাটার্জি বিদায় হন নাই। অন্য মেয়েরা ধমক মানিল, সরমা কিন্তু আমার সঙ্গে মুখামুখি আরম্ভ করিল—তখন অগত্যা আমি তাহার গালে এক চড় মারিলাম। সে সময় উষা-দি’ ও আপনি ৮০০ লোকের ভীড়ের মধ্যে, তখন আমি কোথায় যাইতাম আপনাদের নিকট রিপোর্ট করিতে ? আমার বিরুদ্ধে ফৌজদারী মোকদ্দমা হইবে, হউক ;—আমিও দেখিয়া লইব, তিনি কত বড় ‘পুলিশ-ছানা’। (৫) মনোরমার পিতা স্কুলের প্রবীণ

ইন্সপেক্টর কি না. সেইজন্য দুই মাসে (গত ডিসেম্বর এবং বর্তমান জানুয়ারী) মেয়ের 'আকার' 'ইকার' জ্ঞান চাহেন । মেয়ের যে বই নাই, স্ট্রেট-পেন্সিল নাই, সারা গায়ে পাঁচড়া ভরা—বেঞ্জে বসিতে পারে না. গায়ে ১০২ ডিগ্রী জ্বর, সে খোঁজ রাখেন না !

বিভা । এখন আমার নিবেদন শুনুন :—(১) এই যে আতিকা, ইহার নিশ্চয়ই কোন রোগ আছে, সেই জন্য রাতে বিছানা ভিজায় । লেডী ডাক্তার মিস্ বোস সপ্তাহে দুইবার বোর্ডার ছাত্রীদের স্বাস্থ্য পরীক্ষা করিতে আইসেন । তিনি দুই তিন মাস হইল, আতিকাকে পরীক্ষা করিয়া বলিয়াছেন, ইহার শীঘ্র চিকিৎসা করান দরকার । সেই হইতে ক্রমাগত ৪১৫ বার আতিকার মাকে চিকিৎসার জন্য লিখিয়াছি : কিন্তু তাঁহারা কেবল আমাদিগকেই শাসন করিতে বলেন (৬নং পত্র দেখুন) । (২) এই যে একদল কচি খুকি, ইহাদের বয়স ৩; হইতে ৪ বৎসরের অধিক নহে ; ইহাদের একমাত্র কাজ—ক্রাসে কাপড় নষ্ট করা । (৩) এই যে এক শ্রেণী, ইহাদের মাথা খারাপ—অনুক্ষণ ছটোপাটি ও মার-খর করে, ইহারা কোন গুরু-মা'র কথার বাধ্য নহে । (৪) এই যে এক গুচ্ছ—ইহাদের জামা খুলিয়া দেখুন, সর্বাস্থে পাঁচড়া, মাথায় উকুন, গায়ে ১০১ হইতে ১০৩ ডিগ্রী জ্বর । ইহারা প্রায় সমস্ত দিন আতুরাশনে থাকে. সেখানে যথানিয়মে ইহাদের ঔষধ ও পথ্য দেওয়া হয় ।

ভা । 'উষা-দি' ! তুমি এ ভ্রমগ্রস্তা, পাঁচড়া-বিক্ষতা বালিকাদের বিদ্যালয়ে আনাও কেন ?

উ । আমি ত ইহাদের আনিতে বারণ করি ; কিন্তু ঐ সকল বাড়ী হইতে অন্যান্য মেয়ে এবং উহাদের দিদি, মাসী, পিসীকে আনিতে 'বাস্' যায় । সেই সময় উহাদের মাতা জোর করিয়া উহাদের পাঠান । বি আনিতে না চাহিলে কত্রীরা তাহার সঙ্গে ঝগড়া করেন—“তোর বাবার কি ? আমরা মাসে মাসে মাইনে দিই—মেয়ে নিরে যাবি নে ? মেয়ের জ্বর হয়েছে ত তোর বাবার কি ?”

সৌদামিনী । মিসিস্ সেন. তুমি দয়া করিয়া তারিণী-ভবনের আর দুইটি শাখা বৃদ্ধি কর—একটা 'তারিণী-নার্সারী', আর একটা 'তারিণী-বাতুলালয়' ।

বিভা । তাহা হইলে 'তারিণী-সূতিকাগৃহ'ই বাকী থাকে কেন ?

উ । কোন চিন্তা করিও না—ঈশ্বরেচ্ছায় মিসিস্ সেন বাঁচিয়া থাকুন, কালে তাহাও হইবে ।

তা। উষা-দি'। তুমি আর ব্রহ্মশাপ দিও না। তুমি এখন তোমার মল-বল লইয়া বিদ্যালয়ে যাও, আমি এ পত্রগুলির উত্তর লিখাই। জ্ঞানকী ও নীহার, তোমরা স্ব স্ব টাইপিং শেষ কর। রাফিয়া-বু, আপনি আমার সঙ্গে পাঠাগারে আসুন; পদ্মরাগ, তুমি চিঠিগুলি লইয়া আইস, মণি।

বিংশ পারচ্ছেদ

লকেট রহস্য

এখন বহুদিন হইতে সিদ্দিকা কোরেশার সঙ্গে না থাকিয়া রাফিয়া ও সকিনার সহিত একটা স্বভঙ্গ কামরায় বাস করেন। রাত্রি অনুমান সাড়ে নয়টা; তাঁহারা কল্পলাবৃত্তা হইয়া স্ব স্ব শয্যায় শয়ন করিয়াছেন, কেহ নিদ্রা যান নাই। সৌদামিনী আসিয়া ঘারে আঘাত করায় সিদ্দিকা উঠিয়া দ্বার খুলিলেন।

সৌ। ভাই পদ্মরাগ! আমি তোমাকেই বিরক্ত করিতে আসিয়াছি, কিছু মনে করিও না।

সি। স্বচ্ছন্দে বল।

সৌ। সেই যে তুমি প্রতিজ্ঞা করিয়াছিলে, তোমার 'লকেট রহস্য' বলিবে, জুবিলী ইত্যাদি হেঙ্গামে এতদিন তাহা শুনিবার সুবিধা হয় নাই—স্বাভি শুনিতে চাই।

সি। বেশ। তুমি বস দিদি! আমি আলোটা নিবাইয়া আসি। কারণ সকিনাবু'দের ঘুমের ব্যাঘাত হইতে পারে।

সৌ। আমি এখানে বসিব না: চল. মিসিস্ সেনের কামরায়, তিনিও শুনিবেন।

সি। সে কি দিদি! তুমি একা শুনিবে বলিয়া কথা ছিল! আমি মিসিস্ সেনের সম্মুখে বলিতে পারিব না।

সৌ। কথাটা তাঁহারও শুনা প্রয়োজন, কারণ তিনি আমাদের সকলের উপর বিশেষ তীক্ষ্ণ দৃষ্টি রাখেন, এবং ইহা তাঁহার কর্তব্যও বটে। জান ত, মেয়ে-মানুষকে মাটির হাঁড়ীর সঙ্গে তুলনা করা হয়—যেহেতু মৃগায় পাত্র অতি সামান্য কারণেই অপবিত্র হয়।

সি। কিন্তু আমার ইতিহাস—

“এ হ’তে পবিত্র প্রেম জীবের সংসারে
হয় নাই, হইবে না লোক-লোকান্তরে।”

সৌ। তবে আর সন্কোচ কিসের? চল, সে লকেটটাও লইয়া চল, মিসিস্ সেনকে দেখাইবে।

সিদ্ধিকা কাগজের কোঁটা শুদ্ধ লকেট আনিয়া সৌদামিনীর হাতে দিলে, তিনি তাহা সিদ্ধিকার গলায় পরাইয়া দিলেন।

সি। (সজ্জনমননে) এ কি করিলে দিদি! এটা যে অপয়া জিনিস।

সৌদামিনী সিদ্ধিকার রোদনে অপ্রতিভ হইয়া মগ্গুহে বলিলেন, “ভগিনী! তোমার মনে কষ্ট দেওয়া আমার ইচ্ছা নহে। কিন্তু এটা ত কঠে—বক্ষে রাখিবারই বস্তু!”

তারিণীর কামরার দ্বারদেশে আসিয়া সৌদামিনী অতি ধীরে ধীরে কড়া নাড়িলেন। তারিণী আরাম-কেদারায় উপবেশন করিয়া একখানি পুস্তক দেখিতেছিলেন; কড়ার শব্দ শুনিয়া ডাকিলেন—“আইস।”

সৌ। সিদ্ধিকার সেই লকেটের ইতিহাস অদ্য শুনিতে হইবে, কিন্তু তোমার সন্মুখে বলিতে লজ্জা করে।

তা। (সৌহসিক্ত স্বরে) না, আমাকে লজ্জা করিতে হইবে না—এখানে তুমি আমাকে সর্বাপেক্ষা অকপট সহৃদয়া বন্ধু বলিয়া জানিবে। আমার হৃদয়ভরা সহানুভূতি পাইবে।

সিদ্ধিকার অশ্রু তখনও বিন্দুর পর বিন্দু ঝরিতেছিল।

সৌ। এ কি পদ্পরাগ! তোমাকে আমরা অতি গভীরহৃদয়া বলিয়া জানি— আজি তোমার এ দুর্বলতা কেন?

তা। থাক, এত কষ্ট করিয়া তোমাকে কিছু বলিতে হইবে না।

সি। (অশ্রুসম্বরণ করিয়া) না, কষ্ট কিসের? শুনুন:—আমার বয়স যখন মাত্র ১২ বৎসর, সেই সময় আমার ব্রাতার শ্যালকের সহিত আমার বিবাহ হইল। আমি অতি শৈশবে পিতৃহীন হইয়াছিলাম, এক মাত্র জ্যেষ্ঠ ভ্রাতা আমার অভিভাবক ছিলেন। আমি তাঁহার জ্যেষ্ঠ পুত্রের সমবয়স্ক ছিলাম বলিয়া তিনি আমায় অত্যন্ত ভালবাসিতেন। আমি তাঁহার কল্যাণে কখনও পিতৃ-অভাব অনুভব করি নাই। ভাইজান আমার এত অল্প বয়সে বিবাহ দিতে ইচ্ছুক ছিলেন না; কিন্তু মাতা বলিলেন, এমন সর্বগুণালঙ্কৃত বর সহজে পাওয়া যাইবে না, অন্তত:

ইহাকে আটক করিয়া রাখা যাউক। স্মৃতরাং তিন বৎসর পরে বিবাহ হওয়ার শর্তে আমার ‘আক্দ্’ হইল। ‘আক্দ্’ একরূপ সম্পূর্ণ বিবাহই, কেবল বর-ক’নের সাক্ষাৎ হয় না। আমার সম্প্রদান-ক্রিয়া ঐ তিন বৎসর পরে অনুষ্ঠিত হইত।

তা। ‘হইত’—ইহার অর্থ কি ?

সি। তাহা আজি পর্যন্ত হয় নাই। বিবাহের কিছুকাল পরে মাতার মৃত্যু হইল। সে সময় “আছে” বলিতে আমার ভাইজান এবং তাঁহার পরিবার ব্যতীত আর কেহ ছিল না।

যথাকালে বরপক্ষ হইতে বিবাহ সম্পন্ন করার জন্য তাকিদ-পত্র আসিল। কিন্তু বরের জ্যেষ্ঠতাত আমার ভাগের সম্পত্তি পূর্বে লিখিয়া চাহিলেন। তাঁহাকে অবিশ্বাস করা হইতেছে ভাবিয়া ভ্রাতা উক্ত প্রস্তাবে বিরুদ্ধ হইলেন এবং সম্পত্তি লিখিয়া দিতে অস্বীকৃত হইলেন। প্রভুত্বের বরের পিতৃব্য স্পষ্ট জানাইলেন যে, সম্পত্তি না পাইলে তাঁহারা আমাকে গ্রহণ করিবেন না এবং তিনি স্বীয় ভ্রাতুষ্পুত্রের বিবাহ অন্যত্র দিতে বাধ্য হইলেন।

ভাইজান একরূপ নির্ভুর অবমাননার জন্য প্রস্তুত ছিলেন না। তিনি যেন বজ্রাহত হইলেন। আমারও মনে হইল যেন আমাকে পদাঘাতে বিতাড়িত করা হইয়াছে।

তা। তোমাদের সামাজিক প্রধানসারে তাঁহারা তোমার মত অমূল্যরত্নকে বধুরূপে বরণ করিয়া লইতে অস্বীকার করিলেন ? তোমার বরের মতও কি তাহাই ছিল ?

সি। বরের মত কি ছিল, বলিতে পারি না। ভাইজান বরকে রেজেস্ট্রি পত্র লিখিয়া জিজ্ঞাসা করিলেন, এ বিষয়ে তাঁহার ব্যক্তিগত মত কি ? তিনি সে পত্রের উত্তর দিলেন না। ইহার পক্ষকাল পরে আমরা শুনিলাম, তিনি আবার বিবাহ করিয়াছেন। এ সংবাদে আমি যতটা মর্মান্বিত হইলাম, ভাইজান তদপেক্ষা শতগুণ ক্ষুব্ধ হইলেন। তিনি মাস দুই পর্যন্ত একরূপ আহার নিস্ত্রা ত্যাগ করিয়াছিলেন। আমাকে দেখিলেই উচ্ছ্বসিতহৃদয়ে রোদন করিতেন।

কিয়ৎপরিমাণে আত্মসম্বরণ করিয়া ভাইজান আমাকে বলিলেন, “আয় জয়নু’—আমার প্রকৃত নাম জয়নব—“তুই জীবন-সংগ্রামের জন্য প্রস্তুত হ। মুষ্টিমেয় অল্পের জন্য যাহাতে তোকে কোন দুর্ভাগ্য পুরুষের গলগ্রহ না হইতে হয় আমি তোকে সেইরূপ শিক্ষা-দীক্ষা দিয়া প্রস্তুত করিব। তোকে বাল-বিধবা কিম্বা

চিরকুমারীর ন্যায় জীবন-যাপন করিতে হইবে ; তুই সেজন্য আপন পায়ে দৃঢ়ভাবে দাঁড়া !”

তা। আহা। “পতন না হ’তে তনু
দাহন হইল আগে !”

সি। (অশ্রু-মোচন করিয়া) ভাইজান আমাকে প্রাণপণে জমীদারী সংক্রান্ত সকল বিষয় শিক্ষা দিলেন। তিনি সর্বদা বলিতেন, জমীদারের প্রধান কর্তব্য— প্রজ্ঞা-পালন ; প্রজ্ঞা-শোষণ বা প্রজ্ঞা-দহন নহে। তাঁহার সাধ্যানুসারে আমাকে সকল প্রকার স্মৃশিক্ষা দিলেন।

যে দিন আমার বয়স ১৮ বৎসর পূর্ণ হইল, সেইদিন ভাইজান আমাকে আমার ভাগের সম্পত্তি বুঝাইয়া দিয়া দলিল-পত্র সমস্ত আমাকে দান করিলেন।

ভাইজান বলিলেন, “তোমার সম্পত্তিলাভের বিষয় আপাততঃ গোপন থাকুক। আমি একবার সে নরাধমের বন্ধন হইতে তোমাকে মুক্ত করিবার চেষ্টা করিয়া দেখি। যদি তিনি তোমাকে ‘তালাক’ দেন তবে ত পরম মঙ্গল, তোমার জীবনের গতি অন্য দিকে ফিরিবে। আর যদি ‘তালাক’ না দেন তবে আর গতি কি—তোমাকে ‘চিরদিন এ জীবন তারি তরে কাঁদিতে’ হইবে,—অর্থাৎ তুমি নিজেকে বাল-বিধবা জ্ঞান করিবে।”

সে সময় বরের পিতৃব্য পরলোকগমন করিয়াছিলেন, সুতরাং তিনি তখন সম্পূর্ণ স্বাধীন। ভাইজান তাঁহাকে যত পত্র লিখিতেন, সব আমাকে দেখাইতেন ; এবং তাঁহার যত চিঠি আসিত, তাহাও আমাকে পড়িতে দিতেন। তদবধি আমি তাঁহার ‘মনোগ্রাম’, হস্তাক্ষর ও স্বাক্ষর চিনি।

তা। কিন্তু তাঁহাকে সশরীরে কখনও দেখ নাই ?

সি। (নতমস্তকে) তাঁহাকে প্রথম দেখিয়াছি কারসিয়ঙ্গে—আপনার বাগায়। কিন্তু তখন তাঁহাকে চিনিতাম না।

তা। আমার বাগায়—কারসিয়ঙ্গে—কে তিনি ?

সৌ। সম্ভবতঃ মিষ্টার আল্‌মাস্। তোমার লকেটে তাঁহারই ফটো আছে না ?

সি। হাঁ। কিন্তু লকেট ও ফটো আমি সাক্ষাৎসম্বন্ধে তাঁহার নিকট হইতে প্রাপ্ত হই নাই।

সৌদামিনী তারিণীকে সিদ্ধিকার কণ্ঠস্থিত লকেট দেখাইলেন।

তা। মিঃ আল্‌মাস্ তোমার ভাইকে কি উত্তর দিলেন ? তিনি তোমাকে ‘তালাক’ দিতে সম্মত হইলেন ?

সি। না। তিনি সন্ধির প্রস্তাব করিলেন। প্রায় ছয় মাস পত্র লেখালেখির পর তাঁহার মাতার এক মাতুল যৌলবী জোনাব আলী আমাদের বাড়ী আসিলেন। একদা ভাবীজান আমার হাত ধরিয়া তাঁহার কামরার বাহির দিকের রুদ্ধ জানালার নিকট লইয়া গেলেন। আমরা তথায় নিঃশব্দে দাঁড়াইয়া ভাইজান ও জোনাব আলী মিয়ান কথোপকথন শুনিতে লাগিলাম। ভাইজান ক্রুদ্ধভাবে যাহা বলেন, জোনাব আলী অতি বিনীতভাবে তাহাতেই সায় দিয়া বলিতেছিলেন—

“হাঁ, আপনি যাহা বলিতেছেন সব সত্য। আমি আপনার সব কথা মাথায় রাখি। বৃদ্ধের প্রার্থনা এই যে, আপনি লতীফকে এই বিবাহ-রজ্জুতে বাঁধিয়া স্বহস্তে ইচ্ছানুরূপ শাস্তি দিন।”

ভাইজান একটি পাঁচনলী পিস্তল তুলিয়া বলিলেন,—

“আমার মনোমত শাস্তি এই,—দেখুন ইহাতে মাত্র তিনটি গুলি আছে,—প্রথম গুলিতে লতীফ আল্‌মাস্কে শেষ করিব, দ্বিতীয়টিতে জয়নবকে এবং তৃতীয় গুলিতে আমি আত্মহত্যা করিব।—”

জোনাব আলী তাড়াতাড়ি বলিলেন,—“দোহাই আল্লাহ! অমন সঙ্কল্প করিবেন না।”

* * * *

ভাবীজান নিজের ভাইয়ের পক্ষাবলম্বন করিয়া ভাইজানকে সবিনয় মিষ্টভাষায় বুঝাইতে লাগিলেন যে, লতীফের কোন দোষ নাই, তিনি গুরুজনের পীড়নে নিতান্ত বাধ্য হইয়া আবার বিবাহ করিয়াছেন। তোমার এ কি একগুঁয়েমী—লোকে কি সপত্নী লইয়া ঘর করে না? ‘পিয়া যাকে চায়, সেই সোহাগিনী’—আমাদের জয়নু যে ‘সোহাগিনী’ হইবে, ইহাতে কণামাত্র সন্দেহ নাই।”

ভাইজান বলিলেন, “উহার স্ত্রী বর্তমানে আমি কিছুতেই জয়নুকে সম্প্রদান করিব না। আমার একমাত্র ভগ্নী—আমার অতি আদরের জয়নুকে উপেক্ষা করিল।—এজন্য লতীফকে চিরজীবন কাঁদিতে হইবে।”

সৌ। বেচারী ত এখন সত্যই কাঁদিতেছেন!

সৌদামিনীর কথায় সিদ্ধিকা কিঞ্চিৎ বিজয়গর্বে মৃদু হাস্য করিলেন।

তা। অভিসম্পাতটা হাড়ে হাড়ে লাগিয়াছে।

সি। একদিন ভাবীজান আমাকে ডাকিয়া পাঁচটি মূল্যবান অলঙ্কার দেখাইয়া বলিলেন, “একজন সওদাগর এগুলি বিক্রয় করিতে আনিয়াছে, ইহার মধ্যে তুমি যোঁট পসন্দ কর, আমি কিনিয়া দিব।” ভাইজান মৃদুহাস্যে বলিলেন, “যদি জয়নু সবগুলি পসন্দ করে?” ভাবীজান উত্তর দিলেন, “চিন্তা নাই—আমি

সবই কিনিয়া দিব।” আমি এই লকেটটাকে সর্বাপেক্ষা স্বল্পমূল্যের মনে করিয়া উহার দিকে ইঙ্গিত করিলাম।

সৌ। তুমি লকেটের বহিরাংশের মণি-মুক্তাখচিত কারুকার্য দেখিয়া মনোনীত করিয়াছিলে, না, তাহার আভ্যন্তরীণ ফটো দেখিয়া ?

সি। তখন আমি ফটো দেখি নাই। ভাবীজান সহাস্যে তৎক্ষণাৎ উহা আমার কণ্ঠে পরাইয়া দিলেন। আমি লকেট খুলিতে যাইতেছিলাম, তিনি আমার হাত চাপিয়া ধরিয়া বলিলেন, “স্ববরদার! এখন ওটা খুলিস্ না—ষেদিন তোর বর আসবে, সেইদিন খুলবি।” ভাইজানও সহাস্যে বলিলেন, “ওটা খুলিস্ না।” বহুদিন পরে সেইদিন ভাইজানকে প্রাণ খুলিয়া হাসিতে দেখিয়াছিলাম।

পরে জানিলাম, বাস্তবিক সে অলঙ্কারগুলি কোন সওদাগর বিক্রয়ার্থ আনে নাই,—তাহা জোনাব আলী মিয়াঁ আমার জন্য আনিয়াছিলেন। সে সময় উভয় পক্ষে সম্ভবতঃ সন্ধি হইয়া যাইত। কিন্তু সেই রাত্রে এক লোমহর্ষক দুর্ঘটনা হইল। ভাইজান ও তাঁহার জ্যেষ্ঠপুত্র মারা পড়িলেন—(সিদ্ধিকার বাক্রোধ হইল)।

কিয়ৎক্ষণ পরে তারিণী জিজ্ঞাসা করিলেন, “তাহার পর ?”

সি। তাহার পর ঘটনাচক্রের আবর্তনে আমি গৃহত্যাগ করিতে বাধ্য হইলাম। কণ্ঠস্থিত লকেটের বিষয় আর আমার মনেই ছিল না। এখানে আসিয়া প্রথম দিন স্নান করিবার সময় উহা আমার হাতে ঠেকিল। আমি উহাকে ‘অপয়া’ জ্ঞানে ত্যাগিল্যভাবে একটা বাল্লে ফেলিয়া রাখিলাম।

আমরা কারসিয়দ্দ হইতে ফিরিয়া আসিবার এক মাস পরে আমি এক দিন ট্রাঙ্ক ঝাড়িয়া গুছাইতেছিলাম, দৈবাৎ সেই সময় সৌদামিনী দিদি সেখানে গিয়া লকেটটাকে দেখিতে পাইলেন। তিনি কৌতূহলবশতঃ তাহা হাতে লইয়া খুলিয়া দেখিলেন,—লকেটের আভ্যন্তরীণ ফটো আমি সেই দিন প্রথম দেখিয়াছি। ইহাই আমার ‘লকেট-রহস্য’।

একবিংশ পরিচ্ছেদ

সমাজের প্রতিদান

“ভাই বানু ! তুমি এবার পুরস্কার বিতরণের দিন আসিলে না কেন ? তাহার পর আমাদের ‘চিরহরিৎ-সন্মিলনী’তেও আসিলে না, এজন্য তোমাকে ক্ষমা করিতে পারি না। এখন আবার নূতন করিয়া কোণের বউ হইয়াছ না কি ?” এই বলিয়া শাহিদা বানুর গাল টিপিয়া দিলেন।

তারিণীর বসিবার ঘরে (ড্রয়িং-রুমে) বসিয়া এই তরুণীদ্বয় গল্প করিতে-ছিলেন। ইঁহারা উভয়ে তারিণী-বিদ্যালয়ে এক শ্রেণীতে অধ্যয়ন করিতেন। ছয় সাত বৎসর হইল ইঁহারা বিদ্যালয় ত্যাগ করিয়া বিবাহিতা হইয়াছেন। বানু তাঁহার প্রথম কন্যা পঞ্চমবর্ষীয়া জরিনাকে বিদ্যালয়ে দিতে আসিয়াছেন।

তারিণী জরিনাকে কোলে লইয়া আদর করিতে করিতে বলিলেন, “ভাই ত, আশ্চর্য্যের বিষয় ! মুসলমান মেয়েদের মধ্যে এই রেজিয়া বানুই আমাদের সর্বপ্রথম ছাত্রী—সেই বানু এত সাধের জুবিলীর দিন অনুপস্থিত ! কেন না ?”

বানু। (সাশ্রুণয়নে) মাসীমা ! এজন্য আমি দায়ী নহি—আমার শাশুড়ী আমাকে আসিতে দেন নাই।

শাহিদা। জ্বালা’লে দেখি। প্রতি বৎসর প্রাইজে ও ‘চিরহরিৎ-সন্মিলনী’তে আসিয়া থাক, এবার তৃতীয় ছেলের মা হইলে পর আসিতে বাধা দিলেন ! অন্যান্য বার আসিতে কিরূপে ?

বা। প্রতি বৎসর—প্রতি মাসেই ‘নারী-ক্লেশ-নিবারণী’ সমিতির অধিবেশনের দিন তারিণী-ভবনে আসিবার সময় ঝগড়া হইত। এবার তিনি বাড়ী ছিলেন না বলিয়া আমার শাশুড়ীর জয় হইল। আমরা আমার এখানে আসায় ঘোর আপত্তি করেন, বলেন—“তারিণী-ভবনে পর্দা নাই।”

কামরার অপরপ্রান্তে সকিনা ও রাফিয়া নিশ্চিন্তে গল্প করিতেছিলেন। তাঁহারা বানুর শেষ কথাটি শুনিতে পাইয়া এদিকে ‘মনোযোগ’ দিলেন। রাফিয়া বলিলেন.--

“হাঁ মা বানু। তোমার শাশুড়ী উঠানে বসিয়া পুরুষ চাকরদের সমক্ষে স্থান করিয়া ‘পর্দা’ রক্ষা করেন, আর আমরা সর্বদা বস্ত্রাবৃত্তা থাকিয়াও ‘বে-পর্দা’ !”

স। তোমরা যে বাহিরের চাকরের সম্মুখে বাহির হও,—তঁাহারা কেবল ‘গৃহ-পালিত’ চাকরের সঙ্গে মিশামিশি করেন।

রা। আমরা চাকরের সম্মুখে বাহির হই—তাহাদের দ্বারা পা টিপাই না ত।

শা। ওঃ! আমি ভুলিয়াই গিয়াছিলাম, পুরুষ চাকরেরা নাকি বানুর নন্দদের গা-মাথা টিপে, পা টিপে, তাহাতে ‘পর্দার’ ব্যাঘাত হয় না।

বা। আর তোমার নন্দ ও জায়েদের পোষাকের কথা বল না! সেই নেটের ‘আজিয়া’ আর পাতলা ফিন্ফিনে হাওয়ার সাড়ী!—সেই বেশে তঁাহারা দেবর নন্দাই—সকলের সম্মুখে বাহির হন। শাশুড়ী লম্বা হইয়া খাটে শুইয়া আছেন, আর জামাই আসিয়া সেই খাটে বসিলেন।

স। বাপু! তোমরা যে বড় বোকা! অবরোধে (চতুষ্পাচীরের অভ্যন্তরে) উলঙ্গ থাকিলেও কেহ ‘বে-পর্দা’ হয় না।

উ। আচ্ছা বাপু বানু! এখানে ‘পর্দা নাই’ বলিয়া না হয় না আসিলে; কিন্তু তোমার শাশুড়ী ত খুব বড়লোক. দুই চারি শত টাকা জুবিলী-ফাওে দিলেন না কেন?

বা। টাকা চাহিয়াছিলান বলিয়াই ত ঝগড়াটা বেশী পাকিল। মাসীমাকে এমন সব বিশ্বী কথা বলিলেন, যাহা শুনিলে কর্ণে অঙ্গুলি দিতে হয়।

শা। বটে? মাসীমাকে বিশ্বী কথা—কি বলিলেন, শুনি?

বা। আমি বলিতে পারিব না।

শা। আমার কানে কানে বল, লক্ষ্মী বোন্টি আমার!

বানুর কথা শুনিয়া শাহিদা ক্রোধে অধর দংশন করিয়া বলিলেন—“বটে! তঁাহারা এমন ছোটলোক! মাসীমাকে এমন কথা! বানু এমন নিরীহ শাশু মেয়ে, তাই ও সব কথা সহ্য করিয়াছে! আমি হইলে খুনাপুনি হইয়া যাইত।”

সৌ। আচ্ছা বাপু! শুনিই না, কি কথাটা?

শা। আমি মুখে আনিতে পারিব না, বানু বলুক।

বা। বাজি, * তুমি লিখিয়া দাও।

শাহিদা অপরের অগোচরে লিখিয়া কাগজখণ্ড ভাঁজ করিয়া উষার হাতে দিলেন। উষা উচ্চহাস্যে একটি শব্দ বানান করিয়া পড়িলেন—“ব-এ একার, তালব্য শ-এ য-ফলা অকার।”

* পালী ভাষায় বড় ভয়ীকে ‘বাজী’ বলে। বানু মোগলকন্যা।

সৌদামিনী কাগজখণ্ড হাতে লইয়া বলিলেন, “.....”র মত বলিয়াছে, মিসিস্ সেনকে ত ‘পতিতা’ বলে নাই, তবে এত রাগ কেন ?

তা । ব্রাহ্ম-সমাজের লোকেরা ত আমাকে স্পষ্ট “—”ই বলে ; মুসলমান সমাজ এখনও পর্যন্ত আমাকে তত ভালবাসেন না !

সিদ্ধিকা কয়েকখানি পত্রহস্তে আসিয়া বলিলেন, “মাফ করিবেন, এই চিঠিগুলি নিন ।”

সিদ্ধিকাকে প্রস্থানোদ্যতা দেখিয়া তারিণী বলিলেন—“বস পদ্মরাগ ! ইঁহারা আমাদের পুরাতন ছাত্রী—ইঁহাদের সহিত আলাপ কর ।”

উ । পদ্মরাগ, আগে পত্রগুলি পড়িয়া শুনাও—পরে মেয়েদের সঙ্গে আলাপ করিও ।

বা । গুরু-মা ! আপনি নিজেই পড়ুন না ।

উ । ইহার অধিকাংশই আমার প্রেম-লিপি হওয়া সম্ভব । সে রকম চিঠি একা পড়িতে স্মৃথ বোধ হয় না ।

তারিণী ১০।১২ খানা পত্র উন্মেষ দিকে অগ্রসর করিয়া দিয়া বলিলেন, “এইগুলি তোমার প্রেম-লিপি ।” (অর্থাৎ ছাত্রীবৃন্দের অভিভাবকদের অভিযোগ-পত্র ।)

পত্রগুলি পঠিত হইলে শাহিদা বলিলেন, “অনেকেই ধমকাইয়াছেন যে মেয়ে ছাড়াইয়া লইবেন । তাহাতে মাসীমার কি ক্ষতি হইবে ?”

উ । এই সমস্ত সানাউল্লাহ্, পানাউল্লাহ্, ঘোষ, বোসের মেয়ে তারিণী-বিদ্যালয় ত্যাগ করিলে মিসিস্ সেনের চৌদ্দপুরুষ নরকে ষাইবে !

বিভা কয়েকখণ্ড কাগজহস্তে আসিয়া বলিলেন, “এ অমূল্য কাগজগুলি আমি স্বহস্তে আপনাদের দিতে আসিলাম । আমিও একখানা পাইয়াছি ।”

শা । কাগজগুলি ‘সমন’এর মত দেখাচ্ছে ; কিসের ‘সমন’ ?

বি । ইন্সপেক্টর অমূল্যধন বাগচী সারদা শিক্ষয়িত্রীর বিরুদ্ধে নালিশ করিয়াছেন । মিসিস্ সেন এবং আমরা সাক্ষী । ইহা সেই সাক্ষীর ‘সমন’ ।

শা । বটে ? হাঁ, আমিও ত কিছু কিছু শুনিয়াছি । তিনি না কি দরখাস্তে লিখিয়াছেন যে, সারদা গুরু-মা সরমাকে ভীষণবেগে আক্রমণ করিয়া মাথায় ও পৃষ্ঠে সবলে চপেটাঘাত করিয়াছেন ; তাহার ফলে সরমা মুচ্ছিত হইয়াছিল, তিন ঘন্টা অজ্ঞান ছিল । বাড়ী গিয়া সমস্ত রাত্রি প্রবল জ্বরে ছটফট করিয়াছে, একটুও শ্রমায় নাই ।

বা। আমিও শুনিয়াছি, তিনি নাকি ঐ মর্মে তিন জন ডাক্তারের সাটি ফিকেটও দাখিল করিয়াছেন।

সৌ। তাহা করিবেনই ত। “পুলিশের অসাধ্য ক্রিয়া নাহি চরাচরে।”

বি। সরমা সেই তিন বৎসর বয়স হইতে স্কুলে আসিত, আমরা তাহার কত উপদ্রব, দৌরাত্ম্য সহ্য করিয়াছি; এখন সে মোটীক্ ক্লাসে আসিয়া আমাদের এই প্রতিদান দিল।

তা। সেজন্য দুঃখ কেন. বিভা? তুমি ইহাপেক্ষা আর কি আশা করিয়াছিলে?

শা। এই ত বানুর শাশুড়ী বলিয়াছিলেন যে, বড়-মাসীমা রাজ্যের সব টাকা আয়সাৎ করেন—‘তারিণী-ভবন’ নামে একটা বিশেষ ব্যবসায়ের দোকান খুলিয়াছেন; বাঙ্গালার বউ-ঝিকে ঘরের বাহির করিয়াছেন। তিনি অতিশয় স্বার্থপর ও অর্ধ-পিপাচ। আর—আর—প-তি-তা স্ত্রীলোকদের মত তাঁহার অর্ধ-পিপাসা! কিন্তু মাসীমা এই ব্যবসায় না করিলে তিনি বানুর মত অমন সর্বগুণভূষিতা পুত্রবধু পাইতেন কোথা হইতে?

বা। টাকা আয়সাৎ করার অপবাদটা আমার মনে সব চেয়ে বেশী লাগিয়াছে। যিনি নিজের সর্বস্ব—চারি লক্ষ নগদ টাকা দেশহিতকর কার্যে ব্যয় করিয়াছেন এবং এখনও করিতেছেন—তিনি পরের টাকা আয়সাৎ করিবেন?

শা। কেবল টাকা নহে—যিনি তাঁহার মূল্যবান জীবনের ২২টি বৎসর, স্বাস্থ্য, শক্তি, সামর্থ্য—সব দেশের জন্য উৎসর্গ করিয়াছেন, তাহার প্রতিদানে এই পাইলেন?

বা। “আত্মীবন পূজিলাম দেব দ্বিজগণে,
তার কি এ ফল বাছা! তুমি যাও বনে?”

এই সময় পরিচারিকা সকলের জন্য চা-খাবার লইয়া আসিল।

তা। (চা ঢালিতে ঢালিতে)—মা। তোমরা এত দুঃখিত হইতেছ কেন? লোকে গুরুপ বলিয়াই থাকে; ‘ও-সব কথা’ বর্তবা নহে। এখন তোমরা চা খাও। কই জরি না, আয় এদিকে!

সৌ। তাই ত, দেশ ও সমাজ কি মিসিস্ সেনকে কাঁদিয়া পায়ে ধরিয়া বলিতে আসিয়াছিল যে, “দীন-তারিণি! আমাদের তারণ কর। আমাদের জন্য টাকা, স্বাস্থ্য, জীবন উৎসর্গ কর?” ইনি কেন দেশ-সেবা করিতে গেলেন? দেশ কি ইঁহার সেবা চায়?

“তুমি বল মন প্রাণ দিয়াছ তাহায় ;
কেন দাও ? করে দাও ? সে ত নাহি চায় !”

রা । সোদামিনী-দি’, তোমার কথা মানিলাম, “মন প্রাণ সে ত নাহি চায়,” কিন্তু লইতে আইসে কেন ? মিসিস্ সেন কি য়ারে য়ারে “প্রাণ নেবে গো ?” বলিয়া ‘ফেরী’ করিয়া বেড়ান ? আসল কথা এই যে, আমরা লইব, খাইব, গালিও দিব ।

চায়ের পেয়ানা হাতে লইয়া বিভা বলিলেন—“যে যত বড় হয়, তাহার দাম্বিষ্ণু তত বেশী । সে তত অধিক গালি শুনে । মিসিস্ সেন এ সব জালা-যন্ত্রণা বহন না করিলে আর কে করিবে ? (বানু ও শাহিদার প্রতি) তোমাদের মনে নেই, সেই যে ইংরাজী পদ্যপাঠে পড়িয়াছিলে,—ইংলণ্ডের কোন রাজা মনোদুঃখে জল-যন্ত্র-পরিচালকের টুপীর সহিত মুকুট বদল করিতে চাহিয়াছিলেন ?”*

ষাটবিংশ পরিচ্ছেদ

পাষণ-প্রতিমা

লতীফ বিষম সমস্যায় পড়িয়াছেন । প্রায় ৯ বৎসর পূর্বে জয়নবের সহিত তাঁহার যে ‘আক্দ্’ হইয়াছিল, সে কথা ভুলিতে পারেন না । লতীফকে এখন তাঁহার সহিত জীবনযাত্রা নির্বাহ করিতে হইবে, ইহাই হইতেছে তাঁহার কর্তব্য । কিন্তু হৃদয়ের গুচ্যতম প্রদেশ হইতে কে যেন বলে, একবার এক অজ্ঞাতা রমণীকে বিবাহ করিয়া পাঁচ বৎসর বিষময় ফল ভোগ করিয়াছ : জয়নবও সেইরূপ অপরিচিতা ! অথচ সিদ্ধিকা ত সর্বগুণে বাঞ্ছনীয় । আর এক কথা, জয়নব অনুপস্থিত আর সিদ্ধিকা উপস্থিত । বিবেক বলে—‘না, না, সিদ্ধিকার বিষয় ভাবা উচিত নহে, জয়নবকে লইয়াই তাঁহাকে ঘর করিতে হইবে ।’

লতীফ জয়নবকে আকাশ-পাতাল খুঁজিতে বিরত হন নাই । কিন্তু জয়নব সম্বন্ধে কোন কল্পনা করিতে গেলে সিদ্ধিকা আসিয়া পথরোধ করিতেন—সুতরাং জয়নব ও সিদ্ধিকা এক হইয়া যাইত । ষোড়শ পরিচ্ছেদে বর্ণিত ‘বীরবাল’,

* “Thy mealy cap is worth my crown,
Thy mill my Kingdom’ sfee.”

যাঁহাকে লতীফ অনল হইতে উদ্ধার করিতে গিয়াছিলেন, সেই জয়নব লতীফের 'হারানিধি'। সে রাত্রি তাঁহার সর্বাঙ্গে কাদা-মাখাই সার হইয়াছিল,—মাছ ধরিতে পারেন নাই! কি দুরদৃষ্ট! এ দীর্ঘ আড়াই বৎসরেও যখন জয়নবের সন্ধান পাওয়া গেল না, তখন তিনি সম্পূর্ণরূপে জয়নবের আশা ত্যাগ করিলেন।

সিদ্ধিকার দিক্ হইতে লতীফ যদিও কখনও কোন আশা প্রাপ্ত হন নাই, তবু আশার বিরুদ্ধে আশা পরিত্যাগ করিতে পারেন নাই। তিনি নানা ইচ্ছিতে সিদ্ধিকাকে মনের কথা, প্রাণের ব্যথা জানাইতেন; সিদ্ধিকা নিবিকার—নিবাত্ নিরুপ প্রদীপের ন্যায় অটল থাকিয়া, নীরব প্রত্যাখ্যান করিতেন। এমন মুক বধির ভাব দেখাইতেন যে, আর তাঁহাকে কিছু বলা চলিত না।

এবার পাঁচ ছয় মাস মুন্সের ও কলিকাতায় ঘুরিয়া লতীফ এখন বাড়ী আসিয়া দেখিলেন, জমীদারী সংক্রান্ত অনেক অবশ্যকর্তব্য কার্য বাকী পড়িয়া রহিয়াছে। এত দিন সালেহার অত্যাচারে গৃহে ভিত্তিতে পারেন নাই; এখন গৃহে মনোযোগ দিবেন, মনে করিলেন। বাড়ীর সন্নিহিত উদ্যানটি নদীর ধারের দিকে আরও কিঞ্চিৎ বাড়াইলে এবং তাহাতে ছোট একটি টিনের বাংলো নির্মাণ করিলে, তাহা মনোরম উদ্যান-বাটিকা হইবে। কিন্তু এ সব করিয়া কি হইবে? তাঁহার গৃহলক্ষ্মী কই? ভাল করিয়া অতি স্পষ্টভাষায় আর একবার সিদ্ধিকার নিকট বিবাহের প্রস্তাব করিয়া দেখিলে হয় না?

তাহাই হইল। তিনি সিদ্ধিকাকে এক দীর্ঘ পত্র ইন্সিওর করিয়া পাঠাইলেন। পত্রের ভাষা এমন সুকৌশলে রচিত হইল যে, সিদ্ধিকা—উত্তর—সদুত্তর হউক অথবা অসন্তোষজনক উত্তরই হউক—দিতে বাধ্য হইবেন। উত্তর না দিলে "মৌনঃ সন্নতি-লক্ষণঃ" বলিয়া শর পড়িবেন। সুতরাং এবার তাঁহার মুক হওয়া খাটিবে না।

বাংলো প্রস্তুত হইয়া গিয়াছে। লতীফ দুইজন মালীর সহিত বাগানের যেখানে বাহা সাজে সেইরূপ লতা-গুল্ম দিয়া বাগান সাজাইতেছিলেন। ভাবিতে-ছিলেন, উদ্যান-বাটিকার নাম রাখিবেন—'Ruby কুঞ্জ'। সেই সময় ডাক-পিয়ন একখানি ইন্সিওর-করা পত্র আনিয়া দিল। পত্রখানি উন্মুক্ত উদ্যানে বসিয়া পাঠ করিতে সাহস হইল না। পত্রহস্তে লতীফ আপন কানরায় গিয়া দ্বার রুদ্ধ করিলেন। অনেকক্ষণ পরেও সাহেব ফিরিয়া আসিলেন না দেখিয়া মালীরা হতভম্ব হইয়া বসিয়া রহিল।

বেলা প্রায় তিনটা—এখনএ সাহেবের স্নানাহার হয় নাই। চাকরেরা সন্তরে দ্বারে মৃদু আঘাত করিয়া সাহেবের সাজা-শব্দ না পাইয়া ফিরিয়া

বাইতেছে। তিনি কি ঘুমাইয়াছেন? না, এরূপ অসময়ে তিনি ত ঘুমান না! ভৃত্যবর্গ অনন্যোপায় হইয়া রক্ষীকার সপ্তমবর্ষীয় পুত্রকে দ্বারদেশে আনিয়া “মাশ্বা! মাশ্বা—” বলিয়া কাঁদিবার জন্য দণ্ডায়মান করিয়া দিল। এই বালকটিকে লতীফ অত্যন্ত ভালবাসেন! কি জ্বালা! নির্জনে একটু কাঁদিবারও সুবিধা পাওয়া যায় না! নিজের কামরায় অবরুদ্ধ থাকিবারও উপায় নাই! তাঁহার উচ্ছ্বসিত হৃদয়ের ভাষা ছিল—

“প্রাণ কাঁদে প্রিয়া লাগি ভীম যাতনায়!

ইচ্ছা হয় ছুটে যাই, যেথা জীব-জন্তু নাই,

কেঁদে আসি প্রাণভরে পড়িয়া ধরায়!”

লতীফ সে ‘নিষ্ঠুর’ পত্রখানি একটা বাস্ত্বে ফেলিয়া নিঃশব্দে দ্বার খুলিয়া রোরুদ্যমান বালককে উপেক্ষা করিয়া মাঠে চলিয়া গেলেন। ধীরে ধীরে পদচারণা করিতে করিতে ভাবিতেছেন, সিদ্ধিকা কি হৃদয়হীনা পাষণ্ড!—প্রেম দূরে থাকুক, সাধারণ দয়া মায়া সহানুভূতি পর্বস্ত নাই! সেই যে কবি বলিয়াছেন—

“উত্তরিয়া ‘না’, পাষণ্ডী বলিল আবার,

‘ইথে যদি মর তবে কি করিব আর?’”

মানুষ এমন প্রাণহীন অসার পদার্থ হ’তে পারে! তাহা হউক,—আর তাঁহাতে মনে স্থান দিবার প্রয়োজন নাই! তিনি ত স্পষ্টাক্ষরে তাঁহার অনুসরণ করিতে নিষেধ করিয়াছেন। তবে আর কেন? কিন্তু সে কথা ভাবিতেও যে হৃদয় শতধা হয়! তাহাকে ভুলিলে আর থাকে কি? কবি বলেন, প্রেমিক জলিয়া স্মৃখী হয়, তবে প্রেমিক কাঁদে কেন? ঐ রোদনেই ত স্মৃখ। সে স্মৃখ-সাগরে যে একবার ডুবিয়া যায়, সে আর উঠিতে চাহে না!—

“হায় রে হায়! প্রেমিক যে জন, সে কেন চায় ভালবাসা?

দিলে নিলে বদল পেলে ফুরিয়ে গেল প্রেম-পিপাসা।

প্রেমে চায় ভালবাসি, পরাব না পরব কাঁসি,

চায় না প্রেম কেনা বেচা—ভালবেসে পুরায় আশা।”

বেশ বেশ, তাহাই হইবে,—

‘সিদ্ধিকা! তোমায় ভালবাসিব আবার!’

এ পাপ-জগতে কিছুই অসম্ভব নহে। হইতে পারে, লতীফের রোদন নিষ্ফল হইবে না। হইতে পারে, ‘পাষণ্ড-প্রতিমা’ এক সময়ে দয়া-প্রতিমা!

হইবে। এ বিচিত্র নাট্যাশালারূপে জগতে কিছুই অসম্ভব নহে। আবার দুই-চারি বিন্দু অশ্রু ঝরিল। ছি! এ কি! অদ্য তাঁহার পুরুষোচিত ধৈর্যরক্ষা অসম্ভব হইল কেন? আত্মসম্বরণ করা অসম্ভব হইল কেন? আশা লইয়াই মানুষ বাঁচে—নিরাশ হইবার প্রয়োজন নাই। কিন্তু—

“এমন করিয়া আর বল দেখি কতবার
গড়িয়া আশার মঠ পুনরায় তাজিব?”

ক্রমে যে তিনি নদীর ধারে আসিয়া পড়িয়াছেন, লতীফ তাহা বুঝিতেই পারেন নাই। নদীবক্ষে জেলে-ডিক্কার নাবিকদের কোলাহলে তিনি যেন সংজ্ঞালাভ করিলেন। এবার ভালমতে অশ্রুমোচন করিলেন। ছি! লোকে দেখিলে কি বলিবে! তিনি নিবিষ্টচিত্তে দাঁড়াইয়া তরঙ্গিনীর তরঙ্গ গণনা করিতে লাগিলেন। কে একজন পশ্চাৎ হইতে তাঁহার চক্ষু চাকিল।

“জোনাব আলী নানা! কি সংবাদ?”

“জোনাব আলীর ত মরণ নাই, তাহার সংবাদ ভালই। কিন্তু তোমার আজ কি হইয়াছে? শুনিলাম, স্তানাহার হয় নাই, রোক্তদ্যমান মা'শুককে আদর করা হয় নাই, কেন?”

ল। মানুষের মেজাজ কি সব সময় এক রকম থাকে? তাহা ছাড়া আমার কি একটু হাসিবার কাঁদিবার স্বাধীনতা নাই?

জো। রোদন-ক্রিয়া ত আজি দেড় বৎসর হইতে—অর্থাৎ বউ-কর্তীর মৃত্যুকাল হইতে চলিতেছে, কিন্তু কখনও এরূপ রক্তচক্ষু ক্রমশ দেখিয়াছি বলিয়া মনে পড়ে না। নিশ্চয় আমাদের ঘরে আর কেহ সিঁদ দিয়াছে বা ডাকাডাকি করিয়াছে। কে সে? বল ত, ডাকাত ধরিবার চেষ্টা করি। (লতীফকে পূর্ববৎ নির্বাক দেখিয়া) তুমি আশৈশব জোনাব নানাকে বড় ভালবাস—তাহার নিকট কিছু গোপন কর না—আজ আমিও ‘পর’ হইলাম না কি?

ল। আমরা ‘চরের’ মোকদ্দমাটা হারিয়াছি, তাহা তুমি শুন নাই কি?

জো। শুনিয়াছি। কিন্তু ইহাও জানি, মোকদ্দমা হারিয়া কাঁদিবে, সে ধাতুতে লতীফ গঠিত হয় নাই।

ল। এ মোকদ্দমায় অনেকগুলি টাকা নষ্ট হইয়াছে।

জো। আবার চাতুরী! আমি এত বোকা নই। তোমার প্রকৃত দুঃখের কারণ বল। যত দূর জানি, তোমার পরলোকগতা প্রণয়িনীর সঙ্গে তোমার

শ্রুণয়ের কোন সন্দেহ ছিল বলিয়া বোধ হয় না। তবে এ ‘হিয়া দগ-দগি, পরাণ-পোড়ানি’ কাহার জন্য ?

ল। তোমার মস্তিষ্ক উর্বর—যাহা ইচ্ছা করিয়া করিয়া যাও।

জো। দেখিব দাদা, কখনও ধরা পড়ি কি না।

দুর্ভাগ্যবশতঃ লতীফ তখনই ধরা পড়িলেন। তিনি পুনরায় চক্ষু মুছিবার জন্য রুমাল বাহির করিবা মাত্র একখানি পত্র তাঁহার পকেট হইতে পড়িয়া গেল। জোনাব আলী তৎক্ষণাৎ তাহা কুড়াইয়া লইলেন। তিনি বিজয়গর্বে হাসিয়া বলিলেন,—“এখন ?”

ল। ‘এখন’ কি ? কোন্ গুচু তত্ত্ব আবিষ্কার করিলে ?

জো। আবিষ্কার করিলাম—“সিদ্ধিকা”। হঁ-মা (অর্থাৎ লতীফের মাতা) ও রফীকার মুখে ঐ নাম শুনিয়াছি বটে।

ল। কেবল স্বাক্ষর দেখিয়া বিচার করা উচিত নহে। আদ্যস্ত পাঠ কর, তাহার পর বিচার করিবে।

জো। (পত্র পাঠ করিয়া) হস্তাক্ষর আমার পরিচিত বলিয়া বোধ হয়। ইহা জয়নব বিবির হস্তাক্ষরের ন্যায়। সন্ধির প্রস্তাব লইয়া যখন চুয়াডাঙ্গায় ধরা দিয়া বসিয়াছিলাম, তখন সে বিবির হাতের লেখা অনেকবার দেখিবার সৌভাগ্য হইয়াছিল। তিনিই ত সে বাড়ীতে সর্বেসর্বা কর্ত্রী ছিলেন। চাকরেরা ‘ছজুর’ অপেক্ষা ‘সাহেবজাদী’কেই বেশী ভয় করিত।

লতীফের ধমনীতে ধমনীতে তড়িত-প্রবাহ ছুটিয়া গেল। তাই ত, জয়নবের কয়েকখানি পত্র তাঁহার নিকটও ত আছে। কিন্তু তিনি কেমন অন্ধ হইয়া আছেন—একবারও সে চিঠি সিদ্ধিকার চিঠির সহিত মিলাইয়া দেখেন নাই। তিনি মনোভাব গোপন করিয়া জোনাব আলীকে বলিলেন, “তুমি নিশ্চয় বলিতে পার—এ পত্রের লেখিকা সেই ব্যক্তি ?”

জো। না ভাই, হলফ করিয়া বলিতে পারি না ; আর সে প্রায় তিন বৎসর হইল—তাঁহার হস্তাক্ষর দেখিয়াছিলাম। তবে আমার মনে হয়—উভয় হস্ত-লিপিতে সাদৃশ্য আছে।

ল। এখন চিঠিখানা ফেরত দাও।

জো। পত্রে ত কোন কথাই নাই ; আরম্ভ—“সবিনয় নিবেদন,” শেষ—“বিনীতা সিদ্ধিকা” ; এরূপ অকর্মণ্য কাগজখণ্ড এত যত্নে রাখিয়াছ কেন ?

ল। কোনরূপে রহিয়া গিয়াছে।

জো। তাহা হইলে একটা বাজের মধ্যে অথবা কোন কাগজের ঘুপে পড়িয়া থাকিত—পকেটে থাকিবার ছলে তোমার বুকের উপর থাকিত না।

ল। পকেটে পড়িয়া থাকা কি ভুল হইতে পারে না ?

জো। (পুনরায় পত্রের তারিখ দেখিয়া) না, কারণ চিঠিখানি অনেক দিনের,—তুমি যখন দাজিলিং হইতে আসিয়াছ, সেই সময়ের। যদি তদবধি উহা পকেটেই থাকিত তবে এতদিন রজক-হস্তে প্রাণভ্যাগ করিত। আর তুমি আমাকে ঠকাইতে পারিবে না। আমার চুল রৌদ্রে পাকে নাই—আমিও ত যৌবন অতিক্রম করিয়াই বৃদ্ধ হইয়াছি। এককালে আমিও ত্রিশ বত্রিশ বৎসরের যুবা ছিলাম।

ল। তোমার বার্ষিক্যে কেহ সন্দেহ করিতেছে কি ? বক্তৃতা ত অনেক শুনাইলে, এখন পত্রখানি দাও।

জো। এমন রাবিশ চিঠি লইয়া কি করিবে ?

ল। যাহাই করি না কেন, তোমার ক্ষতি-বৃদ্ধি কি ?

জো। নিতান্তই ছাড়িবে না, তবে আর কি করা যায় ? আচ্ছা, ঐ শ্রোতে ফেলিয়া দিই—তুমি ধর।

ল। এ খেলা সহজ নহে। যদি ধরিতে না পারি,—আর তীরে উঠিব না।

জো। এত গভীর ভালবাসা ! কেবল একখানি সাধারণ পত্রের জন্য এতটা উৎসর্গ করা হইবে ?

ল। দিবে কি না বল !

জোনাব আলী অগত্যা পত্রখানি ফিরাইয়া দিয়া বিমর্ষভাবে লতীফের বিষয় চিন্তা করিতে লাগিলেন।

ল। কি ভাবিতেছ, নানা ?

জো। আমি তোমার প্রেমের গভীরতা পরীক্ষা করিতেছিলাম। যদি প্রণয়-লিপি হইত তবে তাহার জন্য এরূপ আগ্রহাতিশয়া শোভা পাইত !

পত্রখানির জন্য এতটা আগ্রহ প্রকাশ করিয়াছেন বলিয়া এখন লতীফের লজ্জা হইল। কিন্তু তিনি ত আশ্চর্যবিস্মৃত হইয়াছিলেন, তখন উচিত অনুচিত বিচার করিবার জ্ঞান ছিল না। ভয় ছিল,—যদি অরসিক জোনাব আলী পত্রখানি নষ্ট করিয়া ফেলেন ! তিনি নতমস্তকে ভাবিতে লাগিলেন যে নিজের ঘরে,—এমন কি পথে, ঘাটে মাঠে—কোথাও একটু নির্জনে চিন্তা করিবার সুবিধা নাই—

মানুষ এমন পরাধীন ! আর সে চিন্তাও ত কিছু স্বার্থ-চিন্তা নহে—একটা নির্মম পাষণ-প্রতিমার আলোচনা মাত্র ।

জো । (সানুনয়ে) সত্যই তোমার জোনাব-নানাকে কিছু বলিবে না ? সিদ্ধিকা খাতুন সন্ন্যাসাশ্রমে থাকিয়াও চুরিবিদ্যা ছাড়েন নাই ।

ল । আমাকে ছাড়িয়া এখন তাঁহাকে আক্রমণ কেন ?

জো । যেহেতু—এই যে বিরস বদন, সজল নয়ন, উদাস মন—“সিদ্ধিকারে । মুলীতুতা তুমিই তাহার ।

লতীফ আবার ভাবিলেন,—কি বিপদ । হৃদয়ের গূঢ়তম প্রদেশে যে বেদনা লুক্কায়িত আছে, এত সতর্কতা সত্ত্বেও তাহা কিরূপে ব্যক্ত হইয়া পড়িল—এখন তাহা মা জানেন, রফীকা জানে, জোনাব নানা জানেন, তারিণী-ভবনেও অনেকেই জানেন । কেবল এ বেদনা বুঝিল না—সেই পাষণ-প্রতিমা ।

ত্রয়োবিংশ পরিচ্ছেদ

ঋণ-শোধ

“ঐ শিলাখণ্ড পর্যন্ত উঠ ত দেখি ।” বরিয়াতু পাহাড়ের একখণ্ড শিলার প্রতি অঙ্গুলি নির্দেশ করিয়া তারিণী সিদ্ধিকাকে বলিলেন—“পাহাড়ের ঐ শিলাখণ্ড পর্যন্ত উঠ ত দেখি ।”

কাতিক মাস, পূজার ছুটি । তারিণী মাত্র চারিজন সঙ্গিনীসহ রাঁচীতে পক্ষকাল যাপন করিবার জন্য আসিয়াছেন । এবার তাঁহারা পাচক সঙ্গে আনিতে পারেন নাই, নিজেরাই পালাক্রমে রন্ধন করেন । অদ্য উষা ও রাফিয়া রন্ধনের জন্য বাসায় রহিলেন ; কোরেশাও শিরঃপীড়া বশতঃ বাহির হইতে পারেন নাই । সহজে একটা পুষ্পপুষ্প* পাওয়া গেল বলিয়া তারিণী কেবল সিদ্ধিকাকে লইয়া বরিয়াতু পাহাড়ে বেড়াইতে আসিয়াছেন ।

* পুষ্পপুষ্প.—শাম্পানীর মত গাড়াবিশেষ । ইহা দুই কিছা ততোধিক মানুষে টানে । একজন পশ্চাতে ও একজন সম্মুখে থাকে । সস্তবতঃ পশ্চাদিক হইতে তৈলা দেওয়া হয় বলিয়া ইহার নাম ‘পুষ্পপুষ্প’ (Push-push) হইয়াছে ।

অপর দিকে অশুপদ-ধ্বনি শ্রবণে তাঁহারা সেইদিকে চাহিলেন। একজন বৃদ্ধ ইংরাজ অশ্বারোহণে পাহাড়ে উঠিবার চেষ্টা করিতেছেন। তাঁহাকে দেখিয়া সিদ্ধিকা স্তম্ভিত হইলেন। তখন সায়ান্ন রবির রঞ্জিত ছটায় আকাশ রঞ্জিত হইয়াছে। সিদ্ধিকা ধীরে ধীরে নামিয়া আসিয়া বলিলেন—“বড় দিদি! চলুন, এখন বাসায় যাই।”

তা। হাঁ চল; যাইতে যাইতে হয় ত রাত্রি হইবে। পুষ্পুষে মাত্র দুইজন কুলী।

তারিণী ও সিদ্ধিকা পুষ্পুষের জানালা দিয়া পথের দৃশ্য এবং পাহাড় দেখিতে-ছিলেন। দেখিলেন, সে অশ্বারোহীও ফিরিয়া আসিতেছেন। ঐ যা! ষোড়াটা কিসে টক্কর লাগিয়া পড়িয়া গেল! ষোড়া ত উঠিয়া দাঁড়াইল, আরোহী আর উঠিল না। তারিণীর পুষ্পুষ আরও কিছুদূর চলিয়া গেল।

আবার তাঁহারা পুষ্পুষের পশ্চাতে চাহিয়া দেখিলেন, শ্বেতাঙ্গটি তখনও ভুতলে পড়িয়া আছেন, আর ছিন্নরাশ ষোড়া আরোহীর পাশে দাঁড়াইয়া যেন তাঁহার পতনের জন্য অনুশোচনা করিতেছে। নিকটে একটিও লোক নাই যে তাহাদের সাহায্য করিবে। তখন সায়ান্ন-গগনে মাত্র একটি তারকা দেখা দিয়াছে। তারিণী ভাবিলেন, লোকটা এ অবস্থায় পড়িয়া থাকিলে শৃগাল কুকুরে টানাটানি করিবে।

পুষ্পুষ ফিরাইয়া লইয়া তাঁহারা কুলীষয়ের সাহায্যে আহত লোকটিকে গাড়ীতে তুলিলেন। পুষ্পুষে কোন প্রকার বেঞ্চ বা উচ্চ আসন নাই—তাহার সমতল মেঝেতে স্বচ্ছন্দে শয়ন করা যায়। মৃতকর লোকটিকে সেইখানে শয়ন করাইয়া দিয়া তারিণী ও সিদ্ধিকা পদব্রজে চলিলেন।

কিয়দূরে একটি ছোট মসজিদে মগরেব-কালীন (সাক্ষ্য) উপাসনা হইতেছিল। তথা হইতে জন আনিয়া তারিণী আহত ব্যক্তির চক্ষু ও মুখে দিয়া তাহার জ্ঞান-সঞ্চারের বৃথা চেষ্টা করিলেন। সিদ্ধিকা পথপার্শ্বে সায়ান্ন নামাজ শেষ করিয়া স্বীয় অঞ্চল ছিঁড়িয়া তাহার মাথায় ও বাহুতে পটা বাঁধিয়া দিলেন। পুষ্পুষ-ওয়ালাদের লোকটাকে হাসপাতালে পৌঁছাইয়া দিতে বলিয়া তাঁহারা পদব্রজে তাহার অনুসরণ করিলেন। পুষ্পুষ মুহূর্তমধ্যে তাঁহাদিগকে পশ্চাতে ফেলিয়া অতবেগে চলিয়া গেল।

প্রভুভক্ত ষোড়াটি পুষ্পুষের সঙ্গে চলিল। তদর্শনে সিদ্ধিকা বলিলেন,—“দেখিলেন, বড়দিদি! ষোড়াটা আপনিই পুষ্পুষের সঙ্গে যাইতেছে।”

তা । তাই ত, এইসব ষোড়া গরু ভালবাসার ষতখানি প্রতিদান দিয়া থাকে, মানুষ যদি ইহার দশনাংশও দিত—

সি । তাহা হইলে আপনার ছাত্রীদের অভিভাবকগণ আপনাকে এমন স্মরণ * উপাধিরস্বে ভূষিত করিতেন না ।

তা । (উচ্চহাস্যে) ওহো ! সেদিনকার কথা তুমি এখনও ভুলিতে পার নাই ? তা 'নীচ যদি উচ্চ ভাষে, স্নুবুদ্ধি উড়ায় হাসে' । কাহারও কথায় কি আর গায়ে ফোকা পড়ে ?

সি । গায়ে ফোকা না পড়ুক, মনে ফোকা পড়ে !

আহারান্তে রাত্রি ১০টার সময় উষা জিজ্ঞাসা করিলেন, “তোমরা এত কষ্ট করিয়া বারিমাতু হইতে তিন চারি মাইল পথ পদব্রজে আসিলে কেন ? তোমাদের সে পুষ্পুষ কি হইল ?”

তারিণী তখন সেই পথে-কুড়ান আহত ইংরাজের কথা বলিলেন ।

কোরেশা বঙ্গভাষায় কথা বলিতে ভালবাসেন ; তিনি বলিলেন—“পুষ্পুষ-ওয়াল ভাড়া লইতে আসিলে জানা যাইবে, তাহাকে হাসপাতালে দিয়াছে, না, কোথায় ।”

সি । পুষ্পুষ-কুলীদের অগ্রিম ভাড়া এবং বখশিশ চুকাইয়া দেওয়া গিয়াছে । তাহার আর আসিবে না ।

কো । মিসিস্ সেন ! আপ্লোক এমন কাচা কাম করিলেন কেন ? কুলীরা জখমী লোকটাকে রাস্তা মেন্ ফেলিয়া দিয়া আপনা বর গিয়াছি ।

তা । পাটনা কিম্বা কলিকাতার ঠিকা-গাড়ীওয়াল হইলে সেরূপ করিত । রাঁচীর কোল, সাওঁভালেরা এখনও তত সভ্য হয় নাই । যাক্, হাসপাতাল ত এখান হইতে অনেক দূরে নহে, আমি এখনই মালীকে পাঠাইয়া সংবাদ আনিতেছি ।

পরদিন প্রাতঃকালে তারিণী, উষা ও সিদ্ধিকা সেই আহত ইংরাজটির সংবাদ লইতে গেলেন । তাঁহার পকেটে কিছু টাকা, নোট-বহি ও কার্ড-কেস পাওয়া গিয়াছে । সিদ্ধিকা তাঁহার একখানি কার্ড চাহিয়া লইয়া দেখিলেন । কার্ড-দর্শনে তিনি পুনরায় রোমাঞ্চিত হইলেন,—কার্ডে নাম ও ঠিকানা ছিল,—

“মিস্টার চার্লস জেম্‌স্ রবিনসন,
প্লেণ্টার এণ্ড জমিনডার,
চুয়াডাঙ্গা ।”

সিদ্ধিকা তারিণীর অনুমতি লইয়া হাসপাতালে নিঃ রবিনসনের শুশ্রূষা করিতে লাগিলেন। তিনি তথায় রাত্রিবাস করিতেন না, কেবল সমস্ত দিন থাকিতেন। তাঁহার সহিত পালাক্রমে তারিণী ও অপার মহিলাগণ হাসপাতালে থাকিতেন। একদিন রাফিয়া বিরক্ত হইয়া বলিলেন,

“মিসিস্ সেন, এবার সিদ্ধিকাকে আতুরাশ্রমের ভার দিবেন, রোগীসেবা করিয়া উহার সাধ মিটুক !”

তা। কি করি বোন্। ‘নেপাল যাও—কপাল সাথেই’। এখানকার হাসপাতালে যত্ন করিবার তেমন লোক নাই। আমি পদ্মারাগের এই মহৎ দয়াধর্মে বাধা দিতে চাহি না।

একদিন পরেই রবিনসনের জ্ঞান হইল; তাঁহার মস্তকের আঘাত তত গুরুতর ছিল না। বাহু এবং উরুদেশের আঘাতই সাক্ষাতিক ছিল। তিনি আর্তনাদ করিতেছিলেন, “হায় মৃত্যু। মৃত্যু হয় না কেন?”

রেভারেণ্ড হেনরী হোয়াইট নামক একজন পাদ্রী, রবিনসনকে দেখিতে আসিয়া তাঁহার পার্শ্বে বসিলেন। রবিনসনের যত্নণা,—শারীরিক ক্ষতের জন্য তত নহে, কিন্তু তাঁহার কলুষিত আত্মা পাপ-তাপে দগ্ধ, সেই যত্নণায় তিনি ছট্‌ফট্‌ করেন। তিনি পাদ্রীর হাত ধরিয়া বলিলেন,—“যদি আমি মরিতেছি, তবে আমাকে অবশ্য পাপ স্বীকার করিতে হইবে। আহা! আমি মরিতেছি!! ও হোয়াইট। পিতা। আপনি আমার পাপস্বীকার শুনিবেন?”

হোয়াইট তাঁহাকে সান্ত্বনা দিতে চেষ্টা করিয়া ব্যর্থকাম হইলেন। রবিনসন উঠিয়া বসিতে চেষ্টা করিলেন, পারিলেন না। তীব্রস্বরে বলিলেন,—“সত্যই আমি মরিব? আমার মরণ বড় শীঘ্র আসিল—”

সিদ্ধিকা এক পাত্র দুধ-ব্রাণ্ডি আনিয়া রোগীকে খাইতে দিলেন। রবিনসন বলিলেন,—“নার্স! তুমি জ্ঞান না, আমি কেমন হৃদয়হীন পাষণ্ড। একবার আমার পাপের বোঝা একটু নিরীহ বালিকার স্কন্ধে দিয়া—তাহাকে মারিয়া,— আমি বাঁচিয়া আছি।”

ছয় দিন হইতে রবিনসন হাসপাতালে আছেন। তাঁহার অবস্থা ক্রমশঃ মন্দ হইতেছে; আরোগ্যের সম্ভাবনা নাই। অপরাহ্নে শ্বেতাশ্রম রেভারেণ্ড হোয়াইট আসিলেন। রবিনসনকে অধীর দেখিয়া, তিনি তাঁহাকে ঘুমাইতে চেষ্টা করিতে বলিলেন।

রবিন। (উচ্চেস্বরে) আমার ঘুম নাই—আমার শান্তি নাই! হোয়াইট, আপনি জ্ঞানেন না, আমি কি। আমি রাগে অন্ধ হইয়া নরহত্যা করিয়াছি।—

হাঁ, ঐ দেখ, তাহার আন্না আমাকে ভয় দেখাইতেছে ! ও হোয়াইট ! আমাকে রক্ষা করুন ।—

রোগী এই পর্বস্ত বলিয়া ভয়ে কাঁপিতে কাঁপিতে মুচ্ছিত হইলেন । উষা তাঁহাকে একটু টনিক ঔষধ পান করাইলেন । সিদ্ধিকা বাতাস করিতে লাগিলেন ।

জ্ঞান হইলে রবিনসন উঠিয়া বসিলেন । বিনীতভাবে পাত্রীকে বলিলেন, “পিতা, সকলকে বিদায় দিন, কেবল আপনাকে আমার মনের কথা বলিব ।” হোয়াইট সকলকে প্রস্থান করিতে ইচ্ছিত করিলেন ।

এখন কেবল পাপী ও পাত্রী রহিলেন । ইহাদের এই গুণটা বেশ যে, মৃত্যুকালে পাপ স্বীকার করে । ইহাতে পরলোকে মুক্তি হয় কি না, আল্লাহ্ জানেন ; কিন্তু আমাদের একটি লাভ এই যে, লোকটার জীবনের সংক্ষিপ্ত ইতিহাস জানিতে পারি ।

রবিন । আমি চুয়াডাঙ্গায় অনেক দিন নীলের চাষ করিতেছিলাম । কত লোকের প্রতি অত্যাচার করিয়াছি তাহার ইয়ত্তা নাই । সেই দরিদ্র লোকদের অভির্শাপে আমার এই দশা হইয়াছে । কত শম্যাপূর্ণ ক্ষেত্র নষ্ট করিয়াছি, সংখ্যা নাই । পাপের মাত্রা ক্রমে গুরু হইতে গুরুতর হইয়া চলিল । শেষে স্থানীয় জমীদার মহম্মদ সোলেমানের নিকট ৫০ বিঘা জমী চাহিলাম । তিনি দিলেন না । ভয় প্রদর্শন করিলাম, তিনি ভীত হইলেন না । তিনি অতি মহৎ লোক ছিলেন । তাঁহার বিরুদ্ধে প্রজাদের বিদ্রোহী করিতে চেষ্টা করিলাম, তাহাও ব্যর্থ হইল । তখন আর ধৈর্য রক্ষা করিতে পারিলাম না—আর সহ্য হইল না—

পাত্রী । তুমি অত উত্তেজিত হইও না, ধীরে ধীরে কথা কও ।

রোগীর মাথাটা চলিয়া পড়িল । হোয়াইট আর একটা বালিশ আনিয়া তাঁহার মাথার নীচে দিলেন ।

র । আমাকে বাধা দিবেন না, বলিতে দিন, যাহা বলিবার আছে, বলিব । ইচ্ছা হইল, সোলেমানকে ডাকিয়া আনিয়া কুকুরের মত গুলী করি ! তাহা তখন ঘটিল না । সোলেমানকে যথেষ্ট তিরস্কার করিলাম, তিনিও সমান সমান উত্তর দিলেন । আমাকে ‘সাহেব লোক’ মনে করিয়া কিছুমাত্র ভয় করিলেন না । ইহা কি আমার সহ্য হয় ? কি ?—তিনি কি মোগল রাজ্যে বাস করিতেছিলেন যে, তাঁহার এমন নির্ভীক স্বভাব ?

আমি সেই রাত্রে দলবল লইয়া গিয়া প্রথমতঃ সোলেমানের গলা কাটলাম । তাঁহার অষ্টাদশবর্ষীয় পুত্র আজিজ আমার প্রতি এক খানা ছোরা নিক্ষেপ করিল—

ছোৱা লক্ষ্যৰূপে হইল। সেই ছোৱা লইয়া তাহাকে হত্যা কৰিলাম। তাহাকে বধ কৰা আমাৰ অভিপ্ৰায় ছিল না, কিন্তু সে কেন পিতাৰ হইয়া যুঝিতে আসিল ? কেন আমাৰ প্ৰতি ছোৱা নিক্ষেপ কৰিল ? পিতা ! ঐ দেখুন সোলেমান !— আমাকে ৰক্ষা কৰুন ! ৰক্ষা—

হোয়াইট। ক্ষান্ত হও, আৰু ও সব কথা বলিও না। এখন শাস্ত হও, ধুমাইতে চেষ্টা কৰ।

ৰ। না, এখন আৰু ভয় নাই,—আমি যাহা বলিতেছিলাম, শুনুন, আমি ফিৰিয়া আসিবাৰ সময় শুনিলাম, একাট বালিকাকৰ্ণ আমাকে ইংৰাজী ভাষায় শাসন কৰিয়া বলিল,—“আমি সব দেখিলাম মিঃ ৰবিন্‌সন্। আপনাৰ নিস্তাৰ নাই।” তখন আৰু ফিৰিয়া গিয়া বালিকাৰ সহিত যুদ্ধ কৰিতে ইচ্ছা হইল না। আমি বীৰেৰ মত দ্ৰুতপদে চলিয়া আসিলাম।

হোয়াইট। (স্বগতঃ) কি বীৰস্বৰ প্ৰশংসা !

ৰ। পৰদিন হইতে তাহাদেৰ ওখানে ডাকাতিৰ তদন্ত আৰম্ভ হইল। সোলেমানৰ ভগ্নী ভাল কৰিয়া লেখাপড়া শিখিয়াছিল। সেই আমাকে তিৰস্কাৰ কৰিয়াছিল। আজি আমা-কৰ্তৃক যে ছোৱায় নিহত হইয়াছিল, সে ছোৱাখানি জয়নব বিবিৰ, এই ভিত্তিৰ উপৰ নিৰ্ভৰ কৰিয়া আমি জয়নবকেই নৱহত্যাৰ জন্য আসামী কৰিতে চেষ্টা কৰিলাম।

আমাৰ জনৈক বন্ধু ব্যাৰিষ্টাৰ ছিলেন, তাঁহাকে আমাৰ পাপকাৰ্ণে সহায়তা কৰিবাৰ জন্য ডাকিলাম। ব্যাৰিষ্টাৰ মিঃ লতীফ আল্‌মাস্ আমাৰ অভিসন্ধি অবগত হইয়া খুব উৎসাহেৰ সহিত জয়নবকে আসামী সাজাইয়া দিতে প্ৰতিশ্ৰুত হইলেন। তিনি ৱাত্ৰিকালে ছদ্মবেশে সোলেমানৰ বাড়ী গিয়া দেখিলেন, জয়নব চিতা সাজাইয়া মধ্যস্থলে দণ্ডায়মান আছে। সে সময় মিঃ আল্‌মাস্ তাহাকে ৰক্ষা কৰিলেন। পৰদিন তাহাৰ আৰু কোন চিন্তা পাওয়া গেল না। হয়-ত সে অগাধ ভলে ডুবিয়া আত্মহতিনী হইয়াছে। পিতা—

ৰবিন্‌সন্ হঠাৎ নীৰব হইলেন। তিনি ভয়ে কাঁপিতেছিলেন। আবাৰ চীৎকাৰ কৰিয়া বলিলেন—“পিতা, পিতা ! আমায় ৰক্ষা কৰুন। আপনি কি মনে কৰেন, আমি মুক্তি পাইব ? আহা ! না,—আমাৰ মুক্তি কোথায় ?”

হোয়াইট অনেক কষ্টে তাঁহাকে শাস্ত কৰিয়া বলিলেন, “তুমি নিশ্চয় মুক্তি পাইবে, দৈশ্বৰ দয়াৰ সাগৰ।” ৰোগী ক্ৰীণ কৰুণ স্বৰে বলিলেন,—

“নরহত্যা করিয়া আমার যত পরিতাপ হইতেছে, তাহা অপেক্ষা সহস্রগুণঃ পরিতাপ জয়নবের জন্য হয়। আমি তাহাকে আত্মহত্যা করিতে বাধ্য করিয়াছি। আমি কেন সে নির্দোষ বালিকার প্রতি অত্যাচার করিলাম?”

হোয়াইট। তবে এখন তুমি কি করিতে চাও? কি করিতে পারিলে তোমার মনে সান্ত্বনা হইবে?

র। আমি চাই—জয়নব জীবিত আছে, ভাল আছে,—এই কথা শুনিতে। তাহা হইলে সুখে মরিতে পারি।

হো। তুমি আগাকে যাহা বলিলে, এ সব কথা লিখিয়া দিলে জয়নবের উপকার হইতে পারে। লিখিবে?

র। অবশ্য আমি লিখিব। কাগজ কলম দাও।

লিখিবার সরঞ্জাম আনীত হইলে রবিন্সন্ কম্পিতহস্তে লিখিতে আরম্ভ করিলেন,—লিখিতে না পারিয়া হোয়াইটকে বলিলেন,—“আপনি লিখুন, আমি বলিয়া যাই। পরে আমি স্বাক্ষর করিব।”

তাহাই হইল। সে দিন স্বাক্ষর করা হইল না, কারণ রাত্রি হইয়াছিল। পরদিন দুইজন বিশুদ্ধ উকিল ও ম্যাজিস্ট্রেটকে ডাকাইয়া তাঁহাদের সমক্ষে রবিন্সন্ স্বাক্ষর করিলেন।

অদ্য রবিন্সনের অবস্থা বড় শোচনীয়। তাহার মুখে মৃত্যুর ছায়া পড়িয়াছে,—পাপী হউক, পাষাণ হউক,—যেই হউক, সে এখন মরিতেছে! ক্রমশঃ রবিন্সনের ব্যস্ততা বৃদ্ধি হইল—তিনি কেবল এ-পাশ ও-পাশ করিতেছেন আর সময় সময় বলিতেছেন—“জয়নব, তুমি কোথায়? তোমার প্রতি যে অত্যাচার করিয়াছি, তাহার যথেষ্ট প্রতিফল পাইলাম।” কতক্ষণ পরে চিৎকার করিয়া বলিয়া উঠিলেন, “কে আছ? তোমরা কেহ জয়নবের সংবাদ বলিতে পার?—এ অস্তিত্বকালে আমাকে শাস্তি দিতে পার?”

সি। আপনি যাহা চাহেন, তাহাই পাইবেন। আপনি আরোগ্যলাভ করুন।

র। (বিকটহাস্যে) আরোগ্যলাভ?—আর না। যাহা চাই, তাহাই দিবে? আচ্ছা, জয়নবের সংবাদ দাও দেখি।

সি। শুনুন, আমি নিশ্চয় জানি, জয়নব জীবিত আছে। সুখে নিরাপদে আছে।

র। (পূর্ববৎ হাসিয়া) আহা! পরদুঃখকাতরা বালিকা! তুমি আমাকে ঠকাইবে? অমন মনগড়া দুই চারি কথা কে না বলিতে পারে?

সি। আপনি কি প্রমাণ চাহেন ? সে জয়নব রাঁচীতেই আছে।

র। আমি তাহাকে দেখিতে চাহি।

সি। দেখিলে আপনি চিনিবেন ? আপনি তাহাকে কখনও দেখিয়াছেন কি ?

র। তাহার কথা শুনিয়াছিলাম ; কণ্ঠস্বর চিনিব বলিয়া বিশ্বাস হয়।

সি। ইহাও আপনার ভুল। প্রায় তিন বৎসর হইল, একবার তাহার কথা শুনিয়াছিলেন, তাহা আবার চিনিবেন ? তবে চিনিতে পারেন কই ?

এবার রোগী বিস্ফারিত-নয়নে সিদ্ধিকার মুখপানে চাহিলেন, যেন চিনিতে চেষ্টা করিতেছেন। পরে বলিলেন, “তুমি কিরূপে জান যে তিন বৎসর পূর্বে আমি তাহার কথা শুনিয়াছিলাম ?”

সি। জয়নব আমাকে জানাইয়াছে।

র। (সহসা সিদ্ধিকার হাত ধরিয়া) এখন বুঝিলাম,—তুমি—তুমি সেই জয়নব। হাঁ বুঝিয়াছি ! বল, তুমি নিজ মুখে বল যে, তুমি জয়নব, তবে আমি হাত ছাড়িব।

সি। যদি এই কথার উপর আপনার শাস্তি নির্ভর করে, তবে বলি,—আমি সেই অভাগিনী জয়নব।

র। (সিদ্ধিকার হাত ছাড়িয়া) আমাকে প্রত্যরপা করিলে না ত ?

সি। আপনার সন্দেহ দূর করিবার জন্য যাহা ইচ্ছা প্রার্থ্য করুন।

র। তবে সত্যই তুমি জয়নব। বল, তুমি কিরূপে পলায়ন করিয়াছিলে ? আর এখানে কিরূপে আসিলে ?

সি। আমি প্রাতার ইংরাজী পোষাক পরিয়া ছদ্মবেশে একখানি সাড়ী ও কয়েক শত টাকা একটা হ্যাণ্ডব্যাগে লইয়া বাহির হই। সৌভাগ্যক্রমে আমাদের বহির্বাটিতে একটা পান্থী উপস্থিত ছিল, তাহাতেই আমি স্টেশনে গেলাম। তাড়াতাড়ি যাইয়া ট্রেন পাইলাম। সেই গাড়ীতে নৈহাটীতে আসি। সেখান হইতে হুগলী যাওয়ার ইচ্ছা ছিল, কিন্তু ট্রেন ফেল হওয়ার সেইখানে রাত্রিযাপন করিতে বাধ্য হই। আমি অন্যমনস্কভাবে পদচারণা করিতে করিতে একটা সজ্জিদের পার্শ্বে আসিয়া পড়ি। সেই পথে তারিণী বিদ্যালয়ের তিনজন শিক্ষয়িত্রী,—মিস্ উষারানী চ্যাটার্জি, মিস্ হরিমতি ঘোষ ও মিস্ বিভা চক্রবর্তী যাইতেছিলেন ; তাঁহাদিগকে আমার কল্পিতা ভগিনীকে আশ্রয় দিতে সনির্বন্ধ অনুরোধ করিলাম।

হোয়াইট সেই কক্ষের এক কোণে দাঁড়াইয়া রোগী ও সেবিকার কথাবার্তা মনোযোগের সহিত শুনিতেছিলেন। সিদ্ধিকাকে খামিতে দেখিয়া তিনি বলিলেন,—“বলিয়া যান, ইতস্ততঃ করিবেন না। রবিন্সন্স আর বেশীক্ষণ বাঁচিবেন না।”

সি। তাঁহারা আশ্রয়দানে সম্মত হইলে আমি সন্ধ্যার ট্রেনে কলিকাতায় গেলাম। ঠিকাগাড়ীতে বসিয়া পুরুষ-বেশ পরিবর্তন করিয়া শাড়ী পরিলাম। এইরূপে আমি তারিণী-ভবনে আসিয়াছি। এতকাল হাঁহারা আমাকে ‘সিদ্ধিকা’ নামে জানিতেন,—আজি আমার প্রকৃত পরিচয় জানিলেন।

সিদ্ধিকার গল্প শুনিয়া তারিণী ও তাঁহার সঙ্গিনীগণ যুগপৎ বিস্মিত ও সন্তুষ্ট হইলেন। এখন তাঁহারা বুঝিলেন, কেন তারিণী-ভবনের কোন লোক সিদ্ধিকার ‘ভাই’কে দেখিতে পায় নাই।

র। জয়নব! তুমি আছ, দেখিলাম। এখন আমি সুখে মরিতে পারি। তুমি কিন্তু আশাতীত ঋণ শোধ করিলে। আমি তোমার অশান্তির কারণ হইয়াছিলাম, তুমি আমার শান্তির কারণ হইলে,—স্বহস্তে আমার সেবা করিলে! তুমি ধন্য! তুমি বীরবাল! আমি তোমাকে এক হাজার টাকা পারিতোষিক দিব।

সি। আমি আপনার এক পয়সাও লইব না। আপনার অন্তিমকালে শুশ্রূষা করিতে পারিলাম, ইহাই আমার যথেষ্ট পুরস্কার। এত দিনে আপনার ঋণ শোধ হইল।

র। (পাদ্রীর প্রতি) পিতা! হোয়াইট! এখন আর পাখিব চিন্তা নাই। পিতা! নিকটে আসুন! এখন আমার আর কোন দুঃখ নাই—আর—আমার জন্য প্রার্থনা—

রবিন্সন্স আর কথা কহিতে পারিলেন না। শয্যায় এলাইয়া পড়িলেন। আর উঠিলেন না—সব শেষ হইয়া গেল।

চতুর্বিংশ পরিচ্ছেদ

সুবর্ণরেখা

তারিণী সদলবলে সুবর্ণরেখা নদীর পুলে বেড়াইতে আসিয়াছেন। অপরাহ্ন চারিটার সময় সেতুর উপর দিয়া ট্রেন যাইবে, ইঁহারা নীচে থাকিয়া সে দৃশ্য দেখিবেন। পুষ্পুষের কুলীরা বলিয়া গেল যে তাহারা সন্ধ্যা ছয়টায় আসিয়া তাঁহাদের লইয়া যাইবে।

সুবর্ণরেখা এ সময় বর্ষাকালের মত খরস্রোতা না হইলেও তাহার স্রোত এখনও মথেষ্ট বেগবতী। নদী গভীর নহে—সমস্ত নদীর জল ‘হরে দরে হাঁটু জল’ হইবে, কিন্তু স্রোতের বেগ কি ভীষণ! এ নদী পাহাড়ের উপর দিয়া বহিয়া চলিয়াছে। পাহাড় উচ্চ নহে, বড় বড় শিলাখণ্ড বিশেষ। নদীতল কর্দম ও উপল খণ্ডে পরিপূর্ণ। নদী প্রশস্তও নহে। এই অল্প-পরিসর নদীটুকু কেহ পদব্রজে পার হইতে পারে না বলিয়া ইহার উপর সেতু নির্মিত হইয়াছে। ট্রেনও এই পুলের উপর দিয়া চলে।

তারিণী সেতুর নিম্নে বালির উপর বড় একটা শতরঞ্জি পাতিয়া সকলকে লইয়া বসিয়াছেন। কিয়ৎক্ষণ পরে উষা, কোরেশা ও সিদ্ধিকা নদীর জলে নামিলেন। সিদ্ধিকা এখন পূর্ববৎ সে গভীর চিন্তামণ্ডা বিষাদময়ী মূর্তি নহেন। রবিনসনের মৃত্যুর পর হইতে তাহার এই শুভ পরিবর্তন ঘটিয়াছে। এখন তিনি সদানন্দা হাস্যময়ী কিশোরী,—তাঁহার প্রফুল্লতা, হাসির ফোয়ারা ও স্ফুর্তি দেখে কে! সেতুর অনতিদূরে একখানি বৃহৎ প্রস্তরের উপর বসিলেন। তাঁহার বিলম্বিত চরণযুগলের উপর দিয়া উমিমালা বহিয়া যাইতে লাগিল। উষা ও কোরেশা কিঞ্চিৎ দূরে অপর দুই খণ্ড শিলায় উপবেশন করিলেন।

সাম্রাট উপাসনার সময় যৎকালে রাফিয়া ও কোরেশা তারিণীর শতরঞ্জির উপর নামাজ পড়িলেন, সিদ্ধিকা সেই শিলাখণ্ডের উপর উপাসনা সমাপ্ত করিলেন। তারিণী সোৎস্রকে দেখিতেছিলেন যে, উচ্ছ্বসিত বীচিমালা আসিয়া সিদ্ধিকাকে ডিঙ্কাইয়া না দেয়। উমিমালা “ধরি ধরি” করিয়াও সিদ্ধিকাকে ধরিতে পারিল না।

কুলিরা তখনও আসিল না। অদ্য কৃষ্ণপক্ষের প্রতিপদ তিথি, শশাঙ্ক বিলম্বে উদিত হইবে। এই সব ভাবনায় তারিণী উষিগ্ন হইলেন। সেই সময় দেখেন, কোথা হইতে লতীফ আসিয়া উপস্থিত। তারিণী সহর্ষে তাঁহাকে অভিবাदन

করিয়া বসিতে বলিলেন । মাত্র চারি পাঁচ দিন হইল, তিনি রাঁচি আসিয়াছেন ।
পুষ্পুষ্ আসে নাই শুনিয়া লতীফ বলিলেন,—

“সে জন্য কোন চিন্তা নাই, আপনারা দুইবারে আমার মোটরে যাইবেন ।
আর একটু বসুন ।”

রাফিয়া ও তারিণীর সহিত কিছুক্ষণ কথাবার্তার পর লতীফও জুতা মোজা
খুলিয়া জলে নামিলেন । তিনি সিদ্ধিকার নিকট গেলেন না ; কারণ কয়েক মাস
হইল, সিদ্ধিকা তাঁহার চিঠির উত্তরে যে নির্ভুর পত্র লিখিয়াছেন, তাহা লতীফ
অদ্যাপি ভুলেন নাই । তিনি উষার পার্শ্বে দাঁড়াইয়া বলিলেন, “দিদি !
ছেলেটিকে (অর্থাৎ কোরেশার তিন বৎসরের পুত্রটিকে) সাবধানে রাখিবে, এ
শ্রোতের মুখে পড়িলে আর রক্ষা নাই ।”

কোরেশা । এখানে আর ডুবিয়া মরিতে হয় না ।

উ । ডুবিলে না সত্য, কিন্তু জলের শ্রোত এমন ভীষণ যে শিলাখণ্ডের উপর
আছাড় খাইতে খাইতে মরিতে হইবে ।

লতীফ বসিবার জন্য স্বীয় ছড়ির সাহায্যে একখণ্ড সুবিধাজনক প্রস্তরের
অনুসন্ধান করিতে করিতে কিরূপে সিদ্ধিকার উপবিষ্ট প্রস্তরখণ্ডে আসিয়া বসিলেন,
তাহা তিনি বুঝিতেই পারেন নাই । তাঁহার উভয়ে কল্লোলিনীর মধুর সঙ্গীত
শ্রবণে আত্মহারা হইয়া স্বিরদৃষ্টিতে তাহার নৃত্যশোভা দেখিতেছিলেন । এই
স্ববর্ণরেখা নদীটি তাঁহাদের নীরব প্রেমের অতি সুললিত মনোরম উপমা—নদী
দিবানিশি অবিশ্রান্ত পাহাড়ের চরণে মাথা ঠুকিয়া মরিতেছে,—আর পাহাড় তাহার
তরঙ্গ-প্রেমাধাতে ক্ষত-বিক্ষত—চূর্ণ-বিচূর্ণ হইয়া শতধা হইতেছে । এই যে
মিলনের মধ্যে বিচ্ছেদ—বিচ্ছেদের মধ্যে মিলন—ইহা বড় চমৎকার ! বড়
চিন্তহারী !!

এদিকে সন্ধ্যা উত্তীর্ণ হইয়া গেল, কখন যে শশী গগনে উদিত হইল, তাহা
কেহ জানিতেই পারিলেন না । কোথা হইতে একখণ্ড কৃষ্ণবর্ণ মেঘ আসিয়া
স্বধাকরকে আচ্ছন্ন করিল । কিছুক্ষণ পরে লতীফ বলিলেন, “এই নদীর মত
অনেক বোকা লোকই পাথরে মাথা ঠুকিয়া মরে ।”

প্রসন্নবদনা সিদ্ধিকা উত্তর দিলেন, “আর পাথর বুঝি চূর্ণ হয় না ?”

ল । কিন্তু সাধারণ প্রস্তর অপেক্ষা পদ্মরাগ একটু বেশী মজবুত—

“সেই জন্যই ত পদ্মরাগ এখনও টিকিয়া আছে ।”

লতীফ পশ্চাতে চাহিয়া দেখিলেন, তারিণী । তিনি অত্যন্ত অপ্রতিভ হইয়া
ভাবিতে লাগিলেন,—তারিণী গুরুপ কথা কেন বলিলেন ।

তারিণী হস্ত-ত তাঁহার কথাটিও শুনিয়াছেন, ভাবিয়া সিদ্ধিকাও অভিশঙ্ক লজ্জিতা হইলেন।

গগনে পূর্ণচন্দ্রে সহসা মেঘমুক্ত হইয়া সকলের মুখের উপর ঋনিকটা উজ্জ্বল চন্দ্রিকা চালিয়া দিল। তারিণী সেই স্নেহযোগে লতীফ ও সিদ্ধিকার অপ্রতিভ মুখভাব দেখিয়া আনন্দ অনুভব করিলেন। অতঃপর বলিলেন, “চল পদ্যরাগ, পুষ্পপুষ্প আসিয়াছে।”

তাঁহারা সকলে চলিয়া যাইতেছেন দেখিয়া লতীফ ভাবিলেন, তারিণীর সহিত এ সময় একটিও কথা না বলা অভদ্রতা হইয়াছে। তাই তিনি ঝরিতপদে জল ছিটাইতে ছিটাইতে অগ্রসর হইয়া বলিলেন, “শুনিলাম, মিসিস্ সেন এ আপনারা না কি সেদিন আবার একজন আহত লোক কুড়াইয়া আনিয়াছিলেন?”

তা। হাঁ মিঃ আল্‌মাস্। ঢেঁকীর আর অন্য কাজ কি আছে?

ল। ঈশানবাবু বলেন, আপনি যেখানেই যান, হাসপাতাল আপনার সঙ্গে যান।

তা। এবার আমার সঙ্গে হাসপাতাল নাই; সেই আহত ইংরাজটিকে স্থানীয় হাসপাতালে দিয়াছিলাম। আজি চারিদিন হইল বেচারার মার গিয়াছেন।

ল। আপনারা প্রত্যহ তাঁহাকে দুই বেলা দেখিতে যাইতেন. এবং আপনার সঙ্গিনীগণ হাসপাতালে গিয়া তাঁহার শুশ্রূষা করিতেন।

তা। আপনি এত সংবাদ কোথায় পাইলেন?

ল। সমস্ত রাঁচিময় এ কথা রাষ্ট্র। ফুলের সৌরভ কি প্রচ্ছন্ন থাকে?

রাফিয়া। (সিদ্ধিকার কানে কানে) সেইজন্য দুই ভ্রমর পদে পদে অনুসরণ করে।

পঞ্চবিংশ পরিচ্ছেদ

বিশ্ব-শ্রেণিকার

বিদ্যালয়ের গ্রীষ্মাবকাশের সময় তারিণী-ভবনের বাড়ী মেরামত হইয়াছে। এখন জিনিস-পত্র ষাখান্ধানে গুছাইয়া রাখা হইতেছে। অধ্যক্ষ সিদ্দিকা দুইজন পরিচারিকার সাহায্যে পাঠাগারের একটি আলমারীতে পুস্তক সাজাইয়া রাখিতেছেন। বেলা তখন অপরাহ্ন। তাঁহার মাথার উপর হইতে অঞ্চল সরিয়া পড়িয়াছে, আলুলায়িত অলকগুচ্ছ বৈদ্যুতিক পাখার গরম বাতাসের তাড়নায় বিক্ষিপ্ত হইতেছে; কিন্তু সেদিকে তাঁহার কক্ষপ নাই, তিনি একাগ্রচিত্তে তালিকার সহিত পুস্তকগুলি মিলাইয়া লইতেছেন।

তারিণী বসিবার ঘরে কয়েকজন মহিলা অতিথির অভ্যর্থনায় ব্যস্ত আছেন। এই সময় তাঁহার বালক-ভৃত্য কোন ভদ্রলোকের আগমন সংবাদ দিল। তিনি বালককে বলিলেন, “আফিস কামরা ত বড় অগোছাল রহিয়াছে, ভদ্রলোককে পাঠাগারে বসাও; আমি শীঘ্রই আসিতেছি।”

আদম শরীফ* তদনুসারে অভ্যাগতকে পাঠাগারে লইয়া গেল। তথায় তিনি নীরবে দাঁড়াইয়া মুগ্ধনয়নে সিদ্দিকার পুস্তক সাজান দেখিতে লাগিলেন। পরিচারিকায় সিদ্দিকাকে সাবধান করিতে যাইতেছিল, কিন্তু ভদ্রলোকটি তাহাদিগকে ইঙ্গিতে বারণ করিলেন। সিদ্দিকা এমন তনুয় ছিলেন যে, তাহাদের মৃদু হাস্য এবং চক্ষুর ইঙ্গিত দেখিতে পান নাই। অবশেষে আগন্তুক বলিলেন,—

“সিদ্দিকা, এখন তুমি যোগ শিক্ষা করিতেছ না কি? বড় যে গস্তীর ভাব দেখি।”

সিদ্দিকা চমকিয়া উঠিয়া এবং ত্রস্তভাবে বস্ত্রাঞ্চল সন্মরণ করিয়া, “এ কি, আপনি এখানে!—বসুন।” বলিয়া আবার পুস্তকসজ্জায় মনোনিবেশ করিলেন।

লতীফ। অতিথির অভ্যর্থনা এই রূপেই হয় নাকি?

সিদ্দিকা। (নশ্বরে) ক্ষমা করিবেন, আমার কাজ শেষ হইতে আর অধিক বিলম্ব নাই। আর আপনি ত আমার অতিথি নহেন!

লতীফ এখন সিদ্দিকার প্রকৃত পরিচয় অবগত আছেন। এই সিদ্দিকা—যাঁহাকে তিনি প্রাণতুল্য ভালবাসেন—তাঁহার সেই ধর্মপত্নী জয়নব। সেইজন্য

* বালক-ভৃত্যের নাম “আদম-শরীফ”। গাজামের (মাদ্রাজের) মুসলমানদের নাম ঐ ধরণের হইয়া থাকে। ভদ্রত্যা জেলেনীদের নাম আরও অদ্ভুত, যথা—‘গাভাসী’।

অদ্য তিনি একটু জোর করিয়া সিদ্ধিকার সহিত ঘনিষ্ঠতা বৃদ্ধি করিতে প্রয়াস পাইলেন। সিদ্ধিকা অগত্যা তাঁহার সহিত “তুমি” সম্বোধনে কথাবার্তা বলিতে সন্মত হইলেন। এই যৎসামান্য জয়লাভের পর লতীফ বলিলেন,—

“প্রায় আট মাস পরে দেখা হইল, তবু ত তুমি যথোপযুক্ত আগ্রহের সহিত আমায় স্বাগত সম্ভাষণ করিলে না।”

সি। তুমি এতটা আশা করিলে কেন? তুমিই ত একমাত্র স্নেহভাজন বা চিন্তার বিষয় নহ। যাহার হৃদয়ে কেবল একজনের স্থান থাকে, সে তাহাকে ঘোল আনা বন্ধ দিতে পারে; যাহার চারিজন বন্ধ থাকে, সে প্রত্যেককে চারি আনা দিবে। এইরূপ যাহার প্রেমে যত বেশী অংশী থাকে, তাহার প্রেমের ভাগ প্রত্যেকের জন্য ততই কম হইয়া পড়ে। হৃদয়টি সীমাবদ্ধ, তাহার পরিমাপ বাড়িতে পারে না। তুমি এ বিশ্ব-প্রেমিকার নিকট এক পয়সা,—না,—এক পাই পরিমিত স্নেহের অধিক আশা করিতে পার না। কত ‘পথে কুড়ান’ লোকের কথা আমাকে ভাবিতে হয়।

ল। আমি এখন তোমার সেরূপ ‘পথে কুড়ান লোকের’ তালিকায় নহি। তুমি বাহা বলিলে, তাহা অপরের পক্ষে খাটে—আমার সম্বন্ধে নহে। আমি তোমার নিকট—ঘোল আনা না হউক,—একটু অধিক যত্নের আশা করি,—না, দাবী করি; আর তোমার বন্ধুতার উত্তরে বলি, হৃদয় সীমাবদ্ধ হইবে কেন? বিশেষতঃ বিশ্ব-প্রেমিকার হৃদয় সীমাবদ্ধ হইলে বিশ্ব স্থা- হইবে কোথায়?

সি। যে স্থান আছে, তাহাতেই থাকিবে। যেখানে—যে ঘরে—পাঁচটি কামরায় দশ জন থাকিত, সেই পাঁচ ঘরে পাঁচশত জনও থাকিবে। এই জন্য স্থান অবশ্য কম হইবে, এবং যত্নের ভাগে টানাটানি পড়িবে।

ল। তর্ক করিতে ইচ্ছুক ছিলে বটে, কিন্তু পারিলে না। না, হৃদয় সীমাবদ্ধ নহে। উহা অনলের মত, যত বাতি জ্বালাও—সমভাবে জ্বলিবে। যত পতঙ্গ পোড়াইতে পার—পুড়িবে।

সি। (সিঁতলসুখে) দক্ষ পতঙ্গের প্রতি দয়া হয় বটে; কিন্তু ইহাও বলি, পতঙ্গের কি কোন দোষ নাই?

ল। দোষ আছে বই কি। সর্বাপেক্ষা প্রধান দোষ এই যে, সে সৌন্দর্য-ভিখারী—প্রেমের ভিখারী। স্তত্রাং ভিক্ষুকের লাঞ্ছনাই তাহার উপযুক্ত প্রাপ্য। সেইজন্য সে প্রাণশনে প্রায়শ্চিত্ত করে।

সি। ইহা যতান্ত দুঃখের বিষয়, সন্দেহ নাই; কিন্তু উপায় কি—

বুলবুলে দিলেন প্রভু স্তমধুর স্বর,
পতঙ্গের ভাগ্যে হ'ল পুড়িয়া মরণ ;
দিলেন আমার ভাগ্যে শোক-নিপীড়ন,
দেখিলেন,—সব হ'তে যাহা কষ্টকর । *

ল । আর আমার ভাগ্যে দিয়াছেন, মরীচিকার অনুসরণ করা ।

সি । যদি জানই “মরীচিকা,” তবে বৃথা অনুসরণ কেন ? তোমার জীবনে
কি অন্য কাজ নাই ?

ল । মানুষের মন যদি সুবোধ বালকের মত যুক্তি-তর্কের বশীভূত হইত তবে
এ পাপ পৃথিবী হইতে অর্ধেক যন্ত্রণা ঘুচিয়া যাইত । যাহা হউক, আমার দৃঢ়
বিশ্বাস যে, এখন আমার সিদ্ধিকা-নাভে কোন অন্তরায় নাই ।

সি । আবার বৃথা আশা ! তা তুমি বাতাসে ঘর বাঁধিতেছ—বাঁধ । যত
উচ্চ স্থিতল ত্রিতল প্রাসাদ নির্মাণ করিতে চাও—কর ।

ল । আর তোমার ইচ্ছা হইলে আমার অতি সাধের অট্টালিকা পদাঘাতে চূর্ণ
করিয়া ধূলিসাৎ করিও ।

ষড়বিংশ পরিচ্ছেদ

সন্ধির চেষ্টা

“শুন পদ্মরাগ, আমি ত তোমার সহিত কৌতুক পরিহাস করি না, অতি
গভীরভাবে বলিতেছি, তুমি সন্ধি করিয়া লও ।”

তারিণীর বসিবার ঘরে উষা, সিদ্ধিকা ও সৌদামিনী গল্প করিতেছিলেন ।
রবিবার—অবসরের দিন, স্নাতরাং তাঁহারা খোশগল্প করিতেছিলেন । কিঞ্চিৎ দূরে
তারিণী “মুসলমান” নামক দৈনিক ইংরাজী সংবাদপত্র দেখিতেছিলেন এবং মাঝে
মাঝে ইহাদের গল্পে যোগদান করিতেছিলেন । উপরোক্ত কথাগুলি তিনিই
বলিলেন ।

* “বুলবুল কো দিলা নালা—পরওয়ানে কো অননা,

গম,—হাম কো দিলা। সব সে বো মুকিল নজর আয়া !”

সিন্ধিকা । এ ক্ষেত্রে ত যুদ্ধ-বিগ্রহ নাই, তবে আর 'সচ্ছ' কিসের, বড় দিদি ?

তারিণী । পূর্বে যাহা কিছু ঘটয়াছিল—তোমার বিবাহ, বরপক্ষের দুর্ব্যবহার, তুমি সে সব সম্পূর্ণ ভুলিয়া যাও । এখন একটি নূতন মানুষ মিঃ লতীফ আলমাগকে বিবাহ করিয়া সংসারধর্ম পালন কর ।

সি । নূতন পুরাতন সব একাকার হইয়া গিয়াছে ; 'সংসারধর্ম' আমার জন্য নহে । সেই যে সম্পত্তি লিখিয়া না পাওয়ার জন্য 'পদাধাতে বিভাঙিত' হইয়াছিলাম, সে অবমাননা কি করিয়া ভুলিব ? তাঁহারা আমার সম্পত্তি চাহিয়াছিলেন,—আমাকে চাহেন নাই ! আমরা কি মাটির পুতুল যে, পুরুষ যখন ইচ্ছা প্রত্যাখ্যান করিবেন, আবার যখন ইচ্ছা গ্রহণ করিবেন ? আমি সমাজকে দেখাইতে চাই যে, 'স্বযোগ' জীবনে একবার ছাড়া দুইবার পাওয়া যায় না ;—তোমরা পদাধাত করিবে আর আমরা তোমাদের পদলেহন করিব, সে দিন আর নাই ।* আমি আজীবন তারিণী-ভবনের সেবা করিয়া নারী-জাতির কল্যাণ-সাধনের চেষ্টা করিব এবং অবরোধ-প্রথার মূলোচ্ছেদ করিব ।

তা । না, না, না । তারিণী-ভবন এত বড় মহামূল্য জীবনের 'বলি' পাইবার উপযুক্ত নহে । সে রাক্ষসী নহে ।

সৌদামিনী । তুমি বরং সংসারী হইয়া তারিণী-ভবনের সেবা অধিক পরিমাণে করিতে পারিবে । এই ত তারিণী-বিদ্যালয়ের পুরাতন ছাত্রীগণ,—শাহিদা, রেজিয়া বানু, তরঙ্গিনী, জ্ঞানদা—ইঁহারা পূর্ণমাত্রায় তারিণী-ভবনের সেবা করিতেছেন । পরন্তু ইঁহারা সকলেই স্বামীপুত্র লইয়া পরম সুখে সংসারযাত্রা নির্বাহ করিতেছেন । কেবল বানুর শাওড়ীটা একটু খিটখিটে মেজাজের লোক, কিন্তু বানুর স্বামী একটি রত্নবিশেষ । আমরা তোমার দ্বারা মিঃ আলমাস্-রূপ রত্নের পৃষ্ঠপোষকতা লাভের আশা করি ।

তা । হাঁ, আমরা তাহাই পরম লাভ জ্ঞান করিব । আনাদের কথা রাখ, পদুৱাগ ।

সি । বড় দুঃখের বিষয়, বড় দিদি । আপনিও ঐ কথা বলেন ? আমি যদি উপেক্ষা লাঞ্চার কথা ভুলিয়া গিয়া সংসারের নিকট ধরা দিই, তাহা হইলে ভবিষ্যতে এই আদর্শ দেখাইয়া দিদিমা ঠাকু'মাগণ উদীয়মানা তেজস্বিনী রমণীদের বলিবেন, "আর রাখ তোমার পণ ও তেজ—ঐ দেখ না, এতখানি বিভ্রমনার

* "মতিচূর" ২য় খণ্ডের "নারীস্বল্লী" গল্পের গাদটীকা চষ্টবন্ধ ।

পরে জন্মব আবার স্বামী-সেবাই জীবনের সার করিয়াছিল।” আর পুরুষ-সমাজ সগর্বে বলিবেন, “নারী যতই উচ্চশিক্ষিতা, উন্নতমনা, তেজস্বিনী, মহীরগী, গরীয়সী হউক না কেন,—ধুরিয়া ফিরিয়া আবার আমাদের পদতলে পড়িবেই পড়িবে।” আমি সমাজকে দেখাইতে চাই, একমাত্র বিবাহিত জীবনই নারী-জন্মের চরম লক্ষ্য নহে ; সংসারধর্মই জীবনের সারধর্ম নহে। পক্ষান্তরে আমার এই আত্মত্যাগ ভবিষ্যতে নারীজাতির কল্যাণের কারণ হইবে বলিয়া আশা করি।

তারিণী আসন ত্যাগ করিয়া আসিয়া সিদ্ধিকার পিঠ চাপড়াইয়া বলিলেন, “ধন্য মেয়ে। ভবিষ্যৎ নারীজাতির কল্যাণের নিমিত্ত এইরূপ আত্মোৎসর্গেরই প্রয়োজন। বাঞ্ছনীয় বিষয় যত মূল্যবান, তাহার জন্য উৎসর্গও ততই মহার্ঘ হওয়া চাই। অবশ্য ঈশ্বর অন্ধ ও বধির নহেন,—সকিনার জীবনপাত, জন্মবের আত্ম-বলিদান কখনও বিফল হইবে না। ভারত মাতা। কে বলে তুই দীনা কাঙ্গালিনী ? তোর এ হেন দুহিতারত্ব থাকিতে তুই কিসের ভিখারিণী ?”

উষা। এই যে ‘পতি পরম গুরু’—এই ভাবটাই মারাত্মক। পুরুষ যাহাই করুন না কেন,—অবলা সরলার জন্য ‘পতি পরম গুরু’ ‘পতি বিনে নাই গতি’। কেন বাপু ? এত বড় বিশাল ধরণী কি তোমাদেরই একচেটিয়া বাসস্থান ?

সৌ। সিদ্ধিকার এই মহান্ আত্মত্যাগের ফলে মুসলমান পুরুষগণ ভবিষ্যতে কোন ‘আক্দ্’ করা মেয়েকে উপেক্ষা-রূপ পদাঘাত করিবার পূর্বে অন্ততঃ একটু ইতস্ততঃ করিবে। আর বিবাহ যেন সম্পত্তি ও অলঙ্কারের জন্য না হয়। কন্যা পণ্যদ্রব্য নহে যে, তাহার সঙ্গে মোটর গাড়ী ও তেতলা বাড়ী ‘ফাউ’ দিতে হইবে। বেশ বোন্ পদ্মরাগ,—

তবে এই অশ্রুধারা

প্লাবিত করিবে ধরা,

সাহারা উর্বরা করি’ ফলাবে স্নফল।

সি। আমি তারিণী-ভবনেরও বদনাম করিব না যে ‘যত লক্ষ্মীছাড়ীর দল ঐখানে গিয়া জুটিয়াছে।’ আমি চুয়াডাঙ্গায় ফিরিয়া যাইব। আমার অষ্টমবর্ষীয় শ্রাতৃপুত্র যতদিন ‘সাবালক’ না হয়, ততদিন তাহার এবং জমীদারির তত্ত্বাবধান করিব ; আর সেই সঙ্গে পতিত মুসলমান-সমাজের ললনাবৃন্দকে জাগ্রত করিতে প্রাণপণে চেষ্টা করিব।

সৌ । কিন্তু মিঃ আল্‌মাস্‌ তোমাকে প্রাণের সহিত ভালবাসেন । তাঁহার জীবনটা অভিশপ্ত করিবে ?

সি । তা আর কি করা যায় ? (অতি নিশ্চয়)—না হয় প্রতিদানে আমিও তাঁহাকে ভালবাসিব ।

সেই সময় আদম শরীফ আসিয়া লতীফের আগমন-সংবাদ দিল । তারিণী হাসিয়া বলিলেন, “মিঃ আল্‌মাস্‌ আসিয়াছেন, এখন তোমরা সম্মুখ-যুদ্ধে জয়-পরাজয়ের মীমাংসা কর ।”

উ । কি বল পদ্মরাগ, সম্মুখীন হইতে পারিবে ?

সি । সম্মুখ-সমরে সিদ্ধিকা পরাজিত নহে ।

তা । (ভূত্যের প্রতি) সাহেব কো সালাম দাও ।

সৌ । আমি মিঃ আল্‌মাসের পক্ষাবলম্বন করিব ।

উ । আমিও তাঁহার সমর্থন করিব ।

তা । তাহা হইলে বেচারী পদ্মরাগ যে একেবারে একেলা হইবে ।

সৌ । তুমি উঁহার পক্ষে থাকিও ।

তা । আমি কোন পক্ষেই থাকিতে পারি না—আমি নিরপেক্ষ ।

উ । তবে অদ্য পদ্মরাগের অনল-পরীক্ষা ।

সি । ‘তামাম্‌ জাহান যদি হয় এক দিকে,
কি করিতে পারে তার আল্লাহ্‌ যদি থাকে !’

লতীফ আসিয়া পড়িলেন । যথাবিধি নমস্কার, প্রতি-নমস্কারের পর এদিক্-ওদিক্‌কার দুই চারি কথা বলিয়া তারিণী কক্ষান্তরে প্রস্থান করিলেন । লতীফও এই স্ত্রযোগ অনুেষণ করিতেছিলেন । তিনি উষাকে বলিলেন,—

“দিদি ! শুনিয়াছি মিঃ রবিন্‌সনের মৃত্যুকালে তথায় জয়নব উপস্থিত ছিলেন ; পরে তিনি কোথায় গিয়াছেন, বল ত ।”

উ । জয়নব বিবির সন্ধান আমি কি জানি ?

ল । ছি দিদি ! ‘পথে কুড়ান’ ভাইকে কি ছলনা করতে আছে ?

উ । সেই জন্য বাস্তবিক ছোট ভাইয়ের মত কথায় কথায় আন্দোলন কর । এখন তোমার বায়না কোথাকার জয়নব বিবির সন্ধান বলিতে হইবে ।

ল । বড় ভগিনীর মত আদর কর বলিয়া ‘আসুরে’ হইয়াছি । লক্ষ্মী দিদিটি আমার ! এখন আমার আন্দোলন রক্ষা কর ।

সৌ । কিন্তু সে জয়নব বিবির জন্য তোমার এত মাথাব্যথা কেন ?

ল । যেহেতু তিনি আমার বিবাহিতা পত্নী ।

সি । ওঃ ! সেই জন্যই তাঁহার খোঁজ রাখেন না ।

সৌ । দেখ বোন, সত্য কথা শ্রুতিকটু হইলেও আমি একটা সত্য কথা বলিব । উনি এখন তোমারই খোঁজে ব্যস্ত আছেন, তাই ধর্মপত্নীর সংবাদ রাখেন না ।

এ কথা শুনিয়া লতীফ লজ্জিত হইলেন ; সিদ্ধিকার বদনমণ্ডলও পদ্মরাগবৎ আরক্ত হইল । লতীফ বলিলেন,—

“দিদি ! আর অনুযোগ করিও না, এখন খোঁজ নইতেই আসিয়াছি ।”

সৌ । ‘খোঁজ নইতে আসা’—তা চুয়াডাঙ্গায় না গিয়া এখানে কেন ?

ল । তিনি এখন চুয়াডাঙ্গার বাহিরে ।

উ । আর তারিণী-বিদ্যালয়ের অভ্যন্তরে !

ল । (সিদ্ধিকার দিকে বক্র দৃষ্টিপাত করিয়া) ঠিক তারিণী-বিদ্যালয়ের না হউক, তারিণী-কর্মালয়ের অভ্যন্তরে বটেন ।

সৌ । (উচ্চহাস্যে) এ অপবাদ মন্দ নহে—যত লোকের বউ হারাইবে, তাহারা তারিণী-ভবনে খানাতলাসী করিতে আসিবে ! আমরা কি লোকের বউ-ঝি-চোর ?

ল । আমাকে জ্বোনাব আলী নানা বলিয়াছেন—“তারিণী-ভবনে গকুরের স্ত্রী (সকিনা খানম) আছেন, মুজফ্ফরের স্ত্রী (রাফিয়া বেগম) আছেন ; দেখ গিয়া—তোমারটিও সেইখানে আছেন ।”

উ । তাহা হইলে একবার সদলবলে তারিণী-ভবন আক্রমণ করিয়া দেখ ।

ল । তোমরা ধর্মতঃ বল দেখি, জয়নব এখানে নাই কি ?

সৌ । এখানে মাত্র কয়েকটি মুসলমান মহিলা আছেন, যথা—কোরেশাবি, জা'ফরী—

ল । আহা ! তাঁহাদের পরিচয় ত সকলেরই জানা আছে । এখানে অজ্ঞাত-কুলশীলা কেবল সিদ্ধিকা । লোকে উকিল ব্যারিষ্টারদের বদনাম করে যে, তাহারা নাকি সত্যকে মিথ্যা—কালোকে সাদা বলিয়া প্রমাণ করিতে প্রয়াস পায়—

উ । বদনাম কেন দাদা, অতি সত্য কথা ;—এই ত এখনই তুমি সিদ্ধিকাকে জয়নব বলিয়া প্রমাণ করিতে চেষ্টা করিতেছ ।

ল। আর তোমরা সমভাবে তাহার বিপক্ষতা করিতেছ! যাহা হউক, সিদ্ধিকা কি আমার সঙ্গে তাঁহার বিবাহ অস্বীকার করেন? তাহা যে দিবাকরের ন্যায় সত্য ঘটনা।

উ। আমি এ সম্বন্ধে কিছু বলিতে চাই। জন্মবের সহিত তোমার বিবাহ ব্যাপার ত তোমার পিতৃব্যের ইচ্ছায় হইয়াছিল—আবার তাঁহারই ইচ্ছায় পণ্ড হইয়াছিল; তাহাতে তোমার নিজের কোন মতামত ছিল না। তবে আর এ বিষয় লইয়া এখন তুমি মাথা ঘামাও কেন?

ল। আমাদের বিবাহ ত পণ্ড হয় নাই—তাহা পণ্ড করাও অপরের ক্ষমতার বাহিরে।

উ। কিন্তু তোমার পিতৃব্যই ত সর্বেসর্বা ছিলেন—তাঁহার সম্মুখে তুমি একটা শাস্ত্রীগোপাল মাত্র। তিনি ইচ্ছা করিলে তোমার ঘরাই বিবাহ ভঙ্গ করাইয়া দিতেন।

ল। পিতৃব্য কি করিতেন, না করিতেন, সে কথা লইয়া এখন তর্ক করা বৃথা। ফল কথা, আমাদের বিবাহ অটুট রহিয়াছে।

সি। উষা-দি'। আমি বলি, তুমি হাতের চুড়িটা ভাঙ্গিবাব জন্য দূরে ছুঁড়িয়া ফেলিয়াছ, পদদলিত করিয়াছ,—কিন্তু যদি পরমায়ু-বলে চুড়িটা না ভাঙ্গিয়া থাকে, তবে আর তাহাকে কুড়াইয়া লইতে চেষ্টা কেন?

ল। ইহা তোমার ভুল—চুড়ি ইচ্ছা করিয়া ফেলিয়া দেওয়া হয় নাই, দুর্ঘটনা বশত: হস্তস্থলিত হইয়াছিল; কিন্তু উষাদিদির ভাগ্যবলে তাহা নাই। এখন তিনি পরম আগ্রহের সহিত উহাকে তুলিয়া লইবেন—ইহাই স্বাভাবিক।

সৌদামিনী সিদ্ধিকার মুখের প্রতি চাহিলেন, কিন্তু তাঁহার মুখমণ্ডলে কোন ভাবান্তর দেখিতে পাইলেন না। তখন মৃনুস্বরে তাঁহাকে বলিলেন, “আশা করি, তোমার আর কোন উদ্ভর নাই; সুতরাং ‘মৌনঃ সন্নতি’—”

সি। আইনজ্ঞের সহিত বৃথা তর্কে নষ্ট করিবার মত সময় আমার নাই—আমি চলিলাম।

ল। ‘চলিলাম’ কি?—হয় তুমি বিবাহ অস্বীকার কর, নয় ধরা দাও।

সি। (স্মিতমুখে) ‘ধরা’ কি কেহ স্বেচ্ছায় দেয়?

সৌ। তাই-ত ধরিতে পারিলে ‘তোমার!’ তা ভাই, তুমি আদালতের শরণ লও না কেন? আইন ত চিরদিন তোমাদেরই অনুকূলে।

ল। তাহাতে লাভ কি ? আদালতের কৃপায় না হয় সিদ্ধিকার উপর দখল পাইলাম, তাহাতে ত তাঁহাকে পাওয়া হইল না। আমি চাই সিদ্ধিকার আত্যন্তরীণ মানুষটিকে।

উ। সিদ্ধিকার ভিতরের মানুষটিকে আজি পর্যন্ত জয় করিতে পারিলে না, তবে আর কি করিলে ভাই ?

ল। কি জান দিদি। দৈব ঘটনাবলী কতকটা আমাদের বৃষ্টিশ বিচারের মত—রামের পাপের জন্য শ্যামকে ভুগিতে হইবে, আর শ্যামের পুণ্যফল ভোগ করিবে কানাই। আমি যে ভুগিতেছি, ইহা আমার স্বকৃত দোষের জন্য নহে।

সি। মানুষের নিজের ব্যক্তিগত ইচ্ছাই সব চেয়ে বড় জিনিস নহে। পারিপাশ্বিক ঘটনাবলীর সম্মুখে নিজের ইচ্ছা এবং স্বার্থকে অনেক সময়ে বলি দিতে হয়।

ল। খোঁদাতা'লা তোমার মঙ্গল করুন—তোমার মুখে একথা শুনিয়া পরম সুখী হইলাম। এখন তুমি বুঝিয়াছ যে, হামিদের মাতার সহিত বিবাহ—আমার ইচ্ছাকৃত ছিল না। আর তোমাকে উপেক্ষাও আমি করি নাই। আমি তোমাকে পাইবার জন্য স্নযোগের অপেক্ষা করিতেছিলাম; দুর্ভাগ্যবশতঃ স্নযোগের সহিত দুর্যোগও আসিল।

সৌ। সে কিরূপ ?

ল। পিতৃব্যের মৃত্যুর পর আমি যখন দুলা ভাইকে অর্থাৎ সোলেমান সাহেবকে পত্র লিখিতে বসিলাম, সেই সময় তাঁহার পত্র আগে পাইলাম। তিনি জয়নবকে 'তালাক' দিতে লিখিয়াছিলেন। আমি যতই শান্তির কথা লিখি, তিনি ততই রাগ করেন। সঙ্গে সঙ্গে বুঝুও (তাঁহার স্ত্রী) কেবল দীর্ঘ পত্র লিখিয়া গালি দিতেছিলেন। দুলাভাই লিখিলেন যে, তাঁহার ভগ্নীরও ইচ্ছা 'তালাক' পাওয়া। আমি তাঁহাকে লিখিলাম যে, আমাকে অনুমতি দিলে আমি স্বয়ং জয়নব বিবির সহিত পত্র-ব্যবহার করিয়া এ বিষয়ের মীমাংসা করিব। তিনি অনুমতি দিলেন, আমি জয়নবকে পত্র লিখিলাম। তিনি উত্তর দিলেন যে, এ বিষয়ে তাঁহার নিজের কিছু বক্তব্য নাই; তাঁহার ভ্রাতা ও ভ্রাতৃজায়ার কৃত নিষ্পত্তিই তাঁহার শিরোধার্য। আমি বড় ফাঁফরে পড়িলাম;—এদিকে দুলাভাই তরবারিহস্তে আমাদের বিবাহ-বন্ধন ছেদন করিতে প্রস্তুত; ওদিকে জয়নব বলেন, তাহাই তাঁহার শিরোধার্য। শেষে জোনাব আলী নানাকে চুয়াডাঙ্গায় পাঠাইলাম। তিনি প্রায় দুইমাণ ধম্মা দিয়া দুলাভাইকে অনেক বুঝাইয়া সন্ধিতে সন্নত করাইতে চেষ্টা করিলেন। তিনি যখন সন্নত হইলেন, সেই সময় পাজী রবিন্‌সন্ তাঁহাকে

ও আজিঙ্কে (তাঁহার পুত্র) হত্যা করিল ॥ তাহার পরবর্তী ঘটনা আমি সেদিন মুন্দেরে তোমাঙ্গিকে 'বীরবালা' গল্পে শুনাইয়াছি ।

উ । চুয়াডাঙ্গার জয়নবকে উদ্ধার করিতে গিয়াও ত তোমার 'বোকা টিক-টিকির' দশা হইয়াছিল । তুমি সর্বাঙ্গে কাদা মাখিয়া পান্ধী লইয়া গেলে তাঁহাকে সঙ্গে লইয়া যাইবে বলিয়া ; এদিকে জয়নব তোমারই আনীত পান্ধীতে পলায়ন করিলেন ।

ল । তাই ত, সে সব ঘটনার জন্য কি আমিই দায়ী ?

উ । ভাই, আমি তোমাদের বিবাহ-পদ্ধতি বুঝি না,—তুমি রইলে রসুলপুরে, পাত্নী রইলেন চুয়াডাঙ্গায়—অথচ উভয়ের বিবাহ হইয়া গেল ; বিবাহ যদি হইল, তবু বরক'নের শুভ-দৃষ্টি বাকী রহিল ।

ল । আর 'শুভ-দৃষ্টি' যদি হইল, তবু মিলন বাকী রহিল ।

সৌ । তোমাদের 'শুভ-দৃষ্টি' আবার কবে হইল ?

ল । কারসিয়ঙ্কে ।—যে দিন আমি সংজ্ঞা লাভ করিয়া প্রথম চক্ষু খুলিলাম, সেদিন ইঁহাকেই দেখিলাম ।

সৌ । সে দেখা ধর্তব্য নহে—'শুভ-দৃষ্টি'র দৃষ্টিতে তুমি কোন্ দিন সিদ্ধিকাকে দেখিয়াছ, তাহাই বল ।

লতীক হাসিলেন, কিছু বলিলেন না ।

সৌ । তোমার ভগ্নীপতির হত্যাকারীকে ধরিবার কোন চেষ্টা হইল না ?
মি: রবিন্সন্ নির্বিধে বিচরণ করিতে লাগিলেন ?

ল । চেষ্টা হয় নাই—কে বলে ? 'সাহেবলোক'কে ধরা ত সহজ ব্যাপার নহে । বুবুকে রসুলপুরে রাখিয়া আমি পুনরায় চুয়াডাঙ্গায় গিয়া রবিন্সনের বিরুদ্ধে প্রমাণ সংগ্রহের যোগাড় করিতে লাগিলাম । তখন চুয়াডাঙ্গার বাতাস বড় দূষিত ছিল—কেহই রবিন্সনের বিরুদ্ধে কিছু বলিতে সাহস করিল না । যাহা হউক, বহু কষ্টে প্রায় তিন বৎসর পরে যখন তাঁহার নামে গ্রেপ্তারী পরওয়ানা বাহির করা হইল, তাহার পূর্বদিন তিনি রাঁচি যাত্রা করিলেন । আবার রাঁচিতে যেদিন ওয়ারেন্ট পৌঁছিল, রবিন্সন্ তখন মৃত্যুশয্যায় ।

সৌ । তারপর তোমার সিদ্ধিকা-সমস্যার কি হইল ?

ল । তিনি বোধ হয় রাফিয়া বেগম, স্কিনা খানম প্রভৃতির অভিশপ্ত বিবাহ-জীবনের কাহিনী শুনিয়া সংসারধর্মে বীতশ্রদ্ধ হইয়াছেন । তাঁহাদের কাহিনী অত্যন্ত করুণ, তাহাতে সন্দেহ নাই ; কিন্তু তাই বলিয়া কি এ জগতে কেহ বিবাহ করিবে না ?

উ । তাই ত হিন্দুসমাজে বাল-বিধবার সংখ্যা অল্প নহে, তবু ত বালিকাদের বিবাহ হইতেছে । স্বয়ং রাফিয়াবু'র কন্যাশয়েরও বিবাহ হইয়াছে ।

সৌ । তোমার কি বক্তব্য, পদ্মরাগ ?

সি । অভিশপ্ত বিবাহ-জীবনের কাহিনী শ্রবণের বহুপূর্বে আমি যেদিন চুয়াডাঙ্গা ত্যাগ করিতে বাধ্য হই, সেই দিনই জীবনের গন্তব্য পথ ঠিক করিয়া লইয়াছিলাম । এমন কি, যে দিন ভাইজান নিহত হইলেন, সেই দিনই আমি বুঝিতে পারিয়াছিলাম যে, আমার সংসারধর্ম-পালন খোদাতা'র অভিপ্রেত নহে ।

ল । আমি ইহাই তোমার শেষ উত্তর বলিয়া মানিতে প্রস্তুত নহি । তোমাকে পুনর্বিবেচনা করিবার জন্য আরও একটু সময় দিলাম । ব্যক্তিগতভাবে আমার বিরুদ্ধে তোমার কোন অভিযোগ থাকে ত তাহাও বল । আমার ত একমাত্র অপরাধ—হামিদের মাতাকে বিবাহ করা ।

সি । ব্যক্তিগতভাবে তোমার বিরুদ্ধে আমার কিছুই বলিবার নাই । তুমি যে গুরুজনের আদেশ পালনের নিমিত্ত নিজের ইচ্ছা ও সুখ বলিদান দিয়াছিলে, সে জন্য আমি তোমাকে আন্তরিক শ্রদ্ধা করি । আর হামিদের মাতাও এখন জীবিত নাই, স্মরণ্য সে কথায় আর প্রয়োজন কি ? আল্লাহ্ জানেন, আমার মনে কোন বিষেষভাব নাই ।

উ । তাহা হইলে তোমরা উভয়ে 'করমর্দন করিয়া বন্ধু হও' ।

ল । সিদ্ধিকা, স্পষ্ট বল, তুমি আমার গৃহিণী হইবে কি না ?

সি । না । তুমি তোমার পথ দেখ, আমি আমার পথ দেখি ।

সপ্তবিংশ পরিচ্ছেদ

বিদায়

বেলা প্রায় ৪টা, সিদ্দিকা আপন মনে ট্রাকে জিনিসপত্র গুছাইতেছেন। আগামীকল্য প্রত্যুষে তাঁহাকে দেশে যাইতে হইবে। তাঁহার ব্রাতুবধু তাঁহাকে লইয়া যাইতে আসিয়াছেন। তিনি রাফিয়ার কন্যা গওহর বেগমের বাসায় অতিথি হইয়াছেন। সিদ্দিকা একে একে সকলের নিকট বিদায় গ্রহণ করিয়াছেন; বাকী আছেন কেবল তারিণী। আশ্রমবাসিনী ভগিনীগণ তাঁহাকে স্ব স্ব সাুতিচ্ছ উপহার দিয়াছেন এবং তাঁহাকে শীঘ্র ফিরিয়া আসিতে অনুরোধ করিয়াছেন। সিদ্দিকার নয়নপল্লব তখনও আর্দ্র ছিল, এমন সময় কে দ্বারে করাঘাত করিল। “আসুন।” বলিয়া সিদ্দিকা চাহিয়া দেখিলেন, তারিণীর সহিত তাঁহার ব্রাতৃজায়া রশীদা ও উষা আসিয়াছেন।

রশীদা। (সিদ্দিকার মস্তকে হস্তাবমর্শন করিয়া) দেখি, তোমার মাথায় জটা আছে না কি ?

তারিণী। আপনি একেবারে জটধারিণী চাহেন ?

র। আমি ইদানিং জয়নুর বিষয় যেরূপ শুনিয়াছি, তাহাতে তাহাকে জটা-জটধারিণী সন্ন্যাসিনী বলিয়া আমার ধারণা জন্মিয়াছিল। জয়নু, তোমার জিনিসপত্র ঠিক হইয়াছে কি ? গাড়ী আনিতে বলি ?

সি। আপনি আর একটু বসুন ; চারিদিকে বেড়াইয়া তারিণী-ভবন ভাল করিয়া দেখুন।

র। আমি দুই ঘন্টা ধরিয়া খুব ‘সয়ের’ করিয়াছি, সঙ্গে সঙ্গে মিসিস্ সেনকেও হয়রান করিয়াছি।

তা। আমাদের হাঁটিবার অভ্যাস আছে ; আপনিই ক্লান্ত হইয়াছেন।

র। তবে এখন চল জয়নু।

সি। আমি আগামীকল্য প্রাতঃকালে যথাসময়ে আপনার ওখানে হাজির হইব, এখন আমি আপনার সঙ্গে যাইতে পারিব না।

র। অত ভোরে আবার কে তোমাকে লইতে আসিবে ?

তা। কাহাকেও আসিতে হইবে না, আমরা সিদ্দিকাকে পৌছাইয়া দিব। ভালু আয়া আপনাদের বাসা চিনে, সে এবং ঈশানবাবু সঙ্গে যাইবেন।

উষা। আমিও যাইব। একেবারে স্টেশন পর্যন্ত গিয়া আপনাদের ট্রেনে তুলিয়া দিয়া আসিব।

র। (সিদ্ধিকার প্রতি) তুমি যে বিয়ের ক'নের মত কাঁদিয়া চক্ষু ফুলাইয়াছ তুমি মিসিস্ সেন, আপনারা স্নেহ-মমতার ডোরে জয়নুকে একেবারে বাঁধিয়া ফেলিয়াছেন, সে আর আপনাদের ছাড়িয়া যাইতে চাহে না।

তা। একরূপ মনে করা আপনার সৌজন্য। পক্ষান্তরে সিদ্ধিকাই আমাদের সকলকে বাঁধিয়া ফেলিয়াছেন—

উ। এবং বাঁধিয়া রাখিয়া এখন ছাড়িয়া চলিয়াছেন।

রশীদা প্রস্থান করিলে পর অবশিষ্ট কার্য সমাধা করিয়া সিদ্ধিকা তারিণীর নিকট বিদায় গ্রহণের নিমিত্ত গেলেন। ভক্তি ও আবেগভরে তারিণীর পদচুম্বন করিয়া সিদ্ধিকা কিছু বলিতে যাইতেছিলেন, কিন্তু তাঁহার কঠরোধ হইল—কিছুই বলিতে পারিলেন না।

তারিণী তাঁহার ললাট চুম্বন করিয়া বলিলেন, “তোমার যাওয়ায় আমি তত দুঃখিত নহি ; কারণ আজি যাইতেছ, দুই মাস কি ছয় মাস পরে আবার আসিবে। তুমি যে সমাজের সমূহ কল্যাণের নিমিত্ত দাম্পত্য জীবনে জলাঞ্জলি দিলে, ইহাতেই আমার অধিক দুঃখ হইতেছে। কৃত্য সমাজ তোমার এ অমূল্য দানের মহিমা হৃদয়ঙ্গম করিবে না। সমাজসেবা করিতে গেলে আজীবন অভিসম্পাত কুড়াইতে হইবে। এখনও সময় আছে—ঘরে ফিরিয়া যাও পদ্মরাগ।”

সি। না বড়দিদি। আর ফিরিবার উপায় নাই। সেদিন তাঁহাকে স্পষ্টই বলিয়াছি—“তুমি তোমার পথ দেখ।”

তা। তবে আশীর্বাদ করি, তোমার এ আত্মত্যাগের ফলে তোমার সাধু উদ্দেশ্য সফল হউক,—তুমি চিরসুখী হও। অতঃপর তারিণী বাস্পাকুল লোচনে পুনরায় সিদ্ধিকার ললাট চুম্বন করিয়া তাঁহাকে বিদায় দিলেন।

সিদ্ধিকা “বিদায়-পর্ব” সমাধা করিয়াছেন বটে, কিন্তু একজনের নিকট বিদায়-গ্রহণ তখনও বাকী। জীবনে আবার তাঁহাকে কখনও দেখিতে পাইবেন কি না, কে জানে? চূয়াডাঙ্গায় গিয়া আবার আপাততঃ সিদ্ধিকাকে সামাজিক অবরোধ-প্রথার বলিনী হইতে হইবে, স্ত্রুতরাং লতীফ সেখানে গেলে দেখা হইবে না। যদি দৈবাৎ অদ্য লতীফ এখানে আসিতেন, তবে শেষ দেখা—জন্মশোধ শেষ দেখা দেখিয়া লওয়া হইত। ঐরূপ চিন্তা করিতে করিতে অন্যমনস্কভাবে সিদ্ধিকা বসিবার ঘরে গেলেন। সে কক্ষটি তাঁহার স্বহস্তসজ্জিত—তারিণী তাঁহারই হাতে ইহার সজ্জাভার দিয়া রাখিয়াছিলেন। তখন সন্ধ্যা উত্তীর্ণ হইয়াছিল, কিন্তু তিনি বৈদ্যুতিক আলো জালিলেন না। নিভৃত চিন্তার অনুকূল বলিয়া এই নির্জন

অন্ধকার কক্ষই তাঁহার নিকট বাঞ্ছনীয় বোধ হইল। তাঁহার স্মরণ হইল, ৪।৫ মাস পূর্বে এই কক্ষে তিনি লতীফকে “তুমি তোমার পথ দেখ” বলিয়া বিদায় দিয়াছেন। তদবধি আর লতীফের সহিত দেখা হয় নাই—হয়-ত জীবনে আর দেখা হইবে না। সিদ্দিকা অশ্রুসম্বরণ করিতে পারিলেন না। তাঁহার ভ্রাতা বলিয়াছিলেন, “জয়নু! তুই চিরকুমারী বা বাল-বিধবার ন্যায় জীবন-যাপন করিতে প্রস্তুত হ’।”

সিদ্দিকা নিজেকে ‘চিরকুমারী’ জ্ঞান করিবেন না, কারণ চিরকুমারী নিঃশ্ব; তাহার শূন্য হৃদয় অবলম্বনহীন। তরুণ নিঃস্বল দরিদ্র জীবনভার অতি দুর্ব্বহ। তিনি নিজেকে বিধবা মনে করিবেন, যেহেতু বিধবার স্বামী-স্মৃতিরূপ বহুমূল্য সম্পদ থাকে। পতিধ্যান তাহার জীবনের নিত্যসহচর। তাহা না থাকিলে বিধবা বাঁচিবে কি লইয়া? ভীষণ কন্টকাকীর্ণ সংসারে পতি-স্মৃতি তাহার একমাত্র সহায়। সংসারের কশাঘাতে যখন সে ক্ষতবিক্ষত হয়, তখন স্বামী-চিন্তাই প্রলেপের মত তাহার দগ্ধহৃদয় শীতল করে; তাহাই তাহার সান্ত্বনা। দেবর, ভাণ্ডার এবং অপর আত্মীয় স্বজন ছলে কৌশলে সম্পত্তি কাড়িয়া লইতে পারে, কিন্তু এই—

“সতীর দেবতা পতি, জীবনের সার,
তেঁই যাচি পূজিবারে চরণ তোমার”—

ভাব হু অপহরণ করিতে পারে না। ইহাই বিধবার জীবনসর্বস্ব।

সহসা “হিয়া তস্রীফ লাইয়ে” বলিয়া আদম শরীফ আসিয়া বাতি জালিয়া দিল। সিদ্দিকা স্বারদেশে চাহিয়া দেখিলেন, আগন্তক ব্যক্তি লতীফ। অদ্য অতকিতভাবে লতীফের সহিত চারি চক্ষুর মিলন হইল।

“আপ বইটিয়ে, মাইজী আবি পূজা পাট কর্তা হয়। পূজা হো জানেনে মাইজী আবি আবেগা” বলিয়া আদম শরীফ লতীফকে আশ্বস্ত করিয়া চলিয়া গেল।

লতীফ কিঞ্চিৎ বিস্মিতভাবে বলিলেন, “সিদ্দিকা, তুমি আজ বুবুর সঙ্গে যাই নাই?”

সি। আমি যাইতেছি, এ সংবাদ তুমি কোথায় পাইলে?

ল। তুমি আমার সংবাদ রাখ না বটে, কিন্তু আমি তোমার সব সংবাদ রাখি। আমি ত তোমার মত পাষণ নহি—আমার হৃদয় আছে। হাঁ, ভাল কথা মনে পড়িল,—তুমি সেদিন বলিয়াছিলে যে, তুমি তোমার পথ দেখিবে।

বেশ, চুরাডাকার পথ ব্যতীত আরও কোন পথ আছে না কি, এ কথা জিজ্ঞাসা করিতে পারি কি ?

সি। আমি তোমার কথা ঠিক বুঝিতে পারিলাম না।

ল। তবে শুন, আমি তোমাকে অনর্থক বিবাহ-বন্ধনে আবদ্ধ রাখিয়া কষ্ট দিতে চাহি না। আমি তোমার পথের কন্টক হইয়া তোমার জীবন বিঘাত করিতে ইচ্ছুক নহি। তুমি যাহাতে সুখী হও,—সস্তুষ্ট থাক, তাহাই আমার জীবনের লক্ষ্য। সেই জন্য তোমাকে আমি এখন যথাবিধি ত্যাগপত্র (তালাক্) দ্বারা মুক্তি দিতে চাহি।

সি। (কিষ্কিৎ ব্যস্তভাবে) না, আমি মুক্তি চাহি না। তুমি এমন নিষ্ঠুর কথা বলিতেছ কেন ?

ল। (নিঃস্বরে) দেখ, চক্ষুলজ্জা কিম্বা মিথ্যা লোকলজ্জা তুলিয়া যাও, তোমার মনের কথা বল।

সি। (কষ্টে আত্মসম্বরণ করিয়া) সত্য বলিতেছি, আমি তোমা হইতে বিচ্ছিন্ন হইতে চাহি না।

ল। কেন, ৪১৫ বৎসর পূর্বে যখন দুলাডাই আমাকে তানাকের জন্য পীড়া-পীড়ি করিতেছিলেন সে সময় তোমার ইচ্ছাও তাহাই ছিল।

সি। (সলজ্জভাবে) তখন আমি তোমাকে জানিতাম না যে।

ল। আমার সহিত পরিচয় হওয়ার পরেও এই ত সেদিন তুমি আমার গৃহলক্ষী হইতে অস্বীকৃত হইয়াছ—তুমি তোমার পথ দেখিবে, বলিয়াছ।

সি। কিন্তু তোমায় 'তালাক্' দিতে বলি নাই ত ?

ল। আমি তোমার প্রহেলিকা বুঝি না। তবে আমার জীবন-সঙ্গিনী হইতে আপত্তি করিলে কেন ? (সিদ্ধিকাকে নিরুত্তর দেখিয়া স্বেহসিক্ত স্বরে) আমি নীচ স্বার্থপর নহি ; বলিয়াছি ত, তোমার সুখ-সৌভাগ্যই আমার বাঞ্ছনীয়। আমি তোমার সর্বাঙ্গীণ মঙ্গলকামনা করি। এই মহান উদ্দেশ্যে তোমাকে বন্ধনমুক্ত করিতে চাহিতেছি।

সি। যদি আমার সুখ-সম্ভোগই তোমার কাম্য হয় তবে আমার বিনীত অনুরোধ, তুমি আবার বিবাহ করিয়া সংসারী হও, আমি তাহাতেই পরম সুখী হইব।

ল। আমাকে এ কথা বলা বৃথা। আমার আর অন্য বাঞ্ছা নাই ; আমি—

“পরাণ দিয়েছি তারে, তারি তরে রাখিব ;

জন্যাস্তরে দেখা হলে তারি হাতে সঁপিব।”

আমার অর্থ শাস্তি সম্পূর্ণ তোমার হাতে । তুমি বেশ জান, তোমাকে পাইলে
আমার—

স্বরগ মুকতি পুণ্য কিছু নাহি প্রয়োজন,
জনম-জনম ধরি তোমারেই কামনা ।

সি । তোমার সহধর্মিণী হওয়া সহস্র বার বাঞ্ছনীয়—লক্ষ বার বাঞ্ছনীয় ;
কিন্তু এ সৌভাগ্য আমার জন্য নহে । (সাশ্রুণয়নে যুক্তকরে) আমাকে আর ও
কথা বলিও না ।

ল । (ব্যথিত স্বরে) তাহা হইলে আমি এত কাল পৌত্তলিকের ন্যায়
কেবল পাষণ-প্রতিমার পূজা করিলাম ? আমার বিদীর্ণ হৃদয় জিজ্ঞাসা করিতে
চাহে—

রমণীরে ! বল দেখি, এ জীবনে কখন কি
দারুণ যন্ত্রণা মম উদিয়া স্মরণে,
এক বিন্দু অশ্রু তোর ঝরেছে নয়নে ?

তদুত্তরে সিদ্ধিকা স্বীয় কণ্ঠস্থিত লকেট হার উন্মোচন করিয়া লতীফের হস্তে
দিলেন । লতীফ লকেট খুলিয়া দেখেন—তাঁহারই ফটো । তদর্শনে তিনি
বিস্ময়বিমুঢ় হইলেন ।

সি । এখন দেখিলে, তোমার চেয়েও পৌত্তলিক আছে ।

লতীফ কিছু বলিতে যাইতেছিলেন, কিন্তু তনু হুর্তে তথায় তারিণী আসিলেন,
অতরাং আর কিছু বলা হইল না ।

অষ্টবিংশ পরিচ্ছেদ

সহযাত্রী

আবার সেই বাণীয় শকটে সিদ্ধিকা। আজি কিন্তু স্বদেশ ছাড়িয়া অজ্ঞাত অপরিচিত বিশাল জগতের তরঙ্গে মিশিতে যাওয়া নহে। অদ্য জননী জনাভূমির স্নেহময় কোড়ে ফিরিয়া যাওয়া। এ যাত্রাতেও সিদ্ধিকা নিরানন্দ। তিনি স্বয়ং স্বাত্বধুকে আসিতে লিখিয়াছিলেন, এবং স্বেচ্ছায় তাঁহার সহিত যাইতেছেন, তবু অত্যন্ত ব্যথিত হৃদয়ে চলিয়াছেন। এখন সিদ্ধিকা যেন স্বর্গ হইতে বিদায় লইলেন। তারিণী-ভবনে আবার কখন আসিতে পারিবেন, কে জানে? তাঁহার নীরব যন্ত্রণা বর্ণনাতীত।

ট্রেনে রশীদা, তাঁহার পুত্র, পরিচারিকা এবং সিদ্ধিকা ছিলেন। গাড়ী রিজার্ভ করা ছিল। তখনও গাড়ী ছাড়িতে কিঞ্চিৎ বিলম্ব ছিল, তাই উষা তাঁহাদের নিকট বসিয়াছিলেন। কিয়ৎক্ষণ পরে লতীফ সেই ট্রেনে উঠিলেন। সিদ্ধিকা প্রথমে স্বীয় চক্ষুকে বিশ্রাস করিতে পারিলেন না,—ইহাও কি সম্ভব? সম্ভব না হইলেও ত সত্য। লতীফ যে রশীদার সহোদর ভ্রাতা, এ কথা সিদ্ধিকার মনেই ছিল না। উষা গাড়ী হইতে নামিয়া যাইবার সময় বলিলেন,—

“পদ্মরাগ। মি: আল্‌মাস্ তোমার সহযাত্রী।”

ট্রেন ছাড়িলে পর রশীদা সিদ্ধিকার প্রতি ‘ভালবাসার অত্যাচার’ আরম্ভ করিলেন। তিনি খোকাকে মাঝের বেঞ্চে শয়ন করাইয়া তাহার নিকট আয়াকে বসাইলেন। পরে সিদ্ধিকাকে বলিলেন,—

“তারিণী-ভবনের ভগিনীগণ তোমাকে ‘পদ্মরাগ’ বলিয়া ডাকেন কেন? তুমি যে ‘আল্‌মাস-বনিতা’, সেই জন্যই কি?”

সি। ‘জয়নব’ নামের জন্য যেমন আমি দায়ী নহি, সেইরূপ ‘পদ্মরাগ’ নামের জন্যও নহি।

র। তোমার নাম ‘পদ্মরাগ’ কে রাখিয়াছে?—লতীফ?

সি। আজে না। আমি যে দিন প্রথমে মিসিস্ সেনের সম্মুখে আনীতা হই, তখনই তিনি আমার ‘পদ্মরাগ’ বলিয়াছিলেন।

র। তবু আমার বলিতে ইচ্ছা করে—

“পদ্মরাগ-আল্‌মাস-কথা জানিল কি ছলে নামদাত্রী?”

ভাল কথা, তুমি সেই দারুণ দুর্ভোগের দিন আমার সঙ্গে না গিয়া এত বিড়ম্বনা ভোগ করিলে কেন ?

সি। আপনি একজন সম্পূর্ণ অপরিচিত লোকের সঙ্গে পনায়ন করিলেন বলিয়া আমি আপনার সঙ্গিনী হইতে সাহস করি নাই।

র। আমি সে মুখোস-পরা অজ্ঞাত লোকের সঙ্গে যাইবার সময় তবু নিজের ঘরের দুইজন চাকরানী এবং একজন বিশ্বাসী চাকর সঙ্গে লইয়াছিলাম। তুমি ত তাহাও কর নাই—তুমি যে একেবারে একাকিনী দিগ্বিজয়ে বাহির হইয়াছিলে।

সি। আমার ত দিগ্বিজয়ের ইচ্ছা ছিল না—আমার ইচ্ছা ছিল অন্য প্রকার।

র। কি ইচ্ছা ছিল, শুনি ?

সি। আত্মহত্যা করা।

র। তাহা করিয়া ফেলিলে একরূপ ভালই হইত—সব লেখা সম্পূর্ণ মুছিয়া যাইত। অবশ্য, আমি সে পাপ কার্যের অনুমোদন করি না। খোঁদা না করেন, কাহারও যেন সে দুর্ভাগি না হয়। যাহা হউক, আল্লাহের সহিত তোমার ‘রু-নোমাই’ (বর-ক’নের শুভদৃষ্টি) কখন এবং কোথায় হইয়াছে ?

লতীফ বলিতে যাইতেছিলেন ‘গত সন্ধ্যায় বিসিগ্ সেনের ড্রয়িং-রুম’, কিন্তু বলিলেন না। মৃদুহাস্যে রসনা সংযত রাখিলেন। অতঃপর রশীদা বলিলেন,—

“আমার বড় ঘুম পাইতেছে। জয়নু। তুমি ও-পার্শ্বের বেঞ্চে গিয়ে বস, আমি একটু শুই।”

সি। কেন, আপনি গত রাত্রে ঘুমান নাই ?

র। না, জানই ত, নূতন জায়গায় আমার ঘুম হয় না।

সি। আর এই গাড়ীর বেঞ্চখানা বোধ হয় আপনার বহু-পরিচিত জায়গা ?

র। (সহাস্যে) যা, তর্ক করিস্ নে। সর্ এখান হ’তে।

সিদ্ধিকা অগত্যা লতীফের সহিত একাসনে বসিলেন। লতীফ জানালা খুলিয়া বহির্ভাগের শোভা দেখিতেছিলেন, অথবা অনামনরূভাবে কেবল চাহিয়াছিলেন। লতীফ জানেন, সিদ্ধিকার সহিত বাক্যালাপ করিবার সুবিধা হয় ত আর কখনও পাইবেন না। তবে তাঁহার ভগিনীর অনুকম্পায় প্রাপ্ত এ শেষ সুযোগটা বৃথা নষ্ট করা অনায়াস হইবে। তাই তিনি সময়ের সদ্ব্যবহার আরম্ভ করিলেন। সিদ্ধিকার নিকটবর্তী হইয়া জিজ্ঞাসা করিলেন,—

“সিদ্ধিকা, তুমি আর কখনও এ পথে চুয়াডাঙ্গায় গিয়াছিলে ?”

সি। আমি এ পথে পূর্বে কোথাও গিয়াছি বলিয়া মনে পড়ে না।

ল। কলিকাতা ছাড়িয়া বাইতে তোমার কিছু কষ্ট বোধ হইতেছে কি ?

সি। কষ্ট, কলিকাতার জন্য নহে, কিন্তু তারিণী-ভবন ছাড়িয়া বাইতে বড় কষ্ট হইতেছে।

ল। তা' তুমি ত ইচ্ছা করিলে তারিণী-ভবনে আবার বাইতে পার।
কিন্তু—

আবেগে লতীফের কণ্ঠরোধ হইল ; তিনি আশ্বদমন-চেটায় তাড়াতাড়ি জানালার দিকে চাহিলেন। তাঁহার অনুচ্চারিত শব্দ কয়টি স্মৃতিমান হইয়া সিদ্ধিকার চক্ষুর সম্মুখে প্রতিভাত হইল—“কিন্তু আমার সঙ্গে আর দেখা হইবে না।”

দুঃখের দিন ফুরাইতে চাহে না—সুখের সময় দেখিতে না দেখিতে, সুখানুভব করিতে না করিতে অনন্তে বিলীন হইয়া যায়। ট্রেনের গতি অদ্য লতীফের নিকট অভিশয়—অতিরিক্ত দ্রুত বলিয়া বোধ হইতেছে। সিদ্ধিকাও তাহাই ভাবিতেছিলেন—হতভাগা ট্রেনটা একটু ধীরপদ-বিক্ষেপে চলিলে ক্ষতি ছিল কি ?

রশীদা চক্ষু মুদ্রিত করিয়াছিলেন মাত্র, তাঁহার চক্ষে নিদ্রা ছিল না। তিনি উঠিয়া বসিয়া সিদ্ধিকাকে সম্বোধন করিয়া বলিলেন,—

“সুদন জয়নু। আর একটা কথা হঠাৎ মনে পড়িল।”

সি। বলুন।

ল। সেই যে বিপদের সময়, তুমি অস্তহিতা হইলে পর, বড় দুঃখে ও নৈরাশ্যে জ্ঞানাব আলী নানার আলীত অলঙ্কারগুলি ফিরাইয়া দিয়াছি, তিনি তাহা ফর্দের সহিত মিলাইয়া দেখিয়া লইবার সময় সেই লকেট হারের ‘কেস’টা খুলিয়া বলিলেন—“এটা ত খালি।” আমি সে সময় তাঁহাকে ধমক দিয়া বলিয়াছিলাম,—“তবে হারটা আমি গিলিয়া ফেলিয়াছি।” তাহার পর বহুদিন পরে আমার মনে পড়িল যে, লকেট হারটা আমি তোমার গলায় পরাইয়া দিয়াছিলাম। অতঃপর তাহা কি হইল,—তুমি কোথাও রাখিয়াছিলে, না, আমি অনামনস্কভাবে কোথাও ফেলিয়া দিয়াছি,—কিছুই আমার মনে পড়ে না। তুমি এ বিষয়ে কিছু বলিতে পার কি, জয়নু ?

লতীফ চক্ষুভরা ‘দুষ্টামী’ নইয়া সিদ্ধিকার উত্তর শ্রবণের নিমিত্ত উৎকর্ণ হইয়া অপেক্ষা করিতে লাগিলেন। কিন্তু সিদ্ধিকা নিরুত্তর রহিলেন ; অধিকন্তু গত সন্ধ্যায় অপ্রশ্চাৎ বিবেচনা না করিয়া যে দুর্বলতা প্রকাশ করিয়াছিলেন, অর্থাৎ লতীফকে লকেট দেখাইয়াছিলেন, তাহা স্মরণ করিয়া সিদ্ধিকা অত্যন্ত সঙ্কটচিতা ও লজ্জিত হইলেন। তিনি কিছুতেই লতীফের দিকে চাহিতে পারিতেছিলেন

অবরোধ-বাসিনী

নিবেদন

কতকগুলি ঐতিহাসিক ও চাক্সস সত্য ঘটনার হাসি-কান্না লইয়া “অবরোধ-বাসিনী” রচিত হইল। পাঠক-পাঠিকাগণ অধিকাংশ স্থলে হাসিবেন, সন্দেহ নাই ; কিন্তু কোন কোন স্থলে তাহাদের মনে সমবেদনার উদ্বেক হইবে এবং আমার বিশ্বাস তাঁহারা ‘তাহেরা’ মরহুমার অকাল মৃত্যুতে দুই বিন্দু অশ্রু বিসর্জন না করিয়া থাকিতে পারিবে না।

অবসরপ্রাপ্ত স্কুল-ইনস্পেক্টর পরম ভক্তিভাজন জ্ঞান-বৃদ্ধ মৌলবী আবদুল করিম সাহেব বি. এ. এম. এল. সি. দয়া করিয়া “অবরোধ-বাসিনী”র ভূমিকা লিখিয়া দিয়াছেন, সেজন্য তাঁহাকে আন্তরিক কৃতজ্ঞতা জানাই।

আমি কারসিয়ং ও মধুপুর বেড়াইতে গিয়া স্মরণ স্মদর্শন পাথর কুড়াইয়াছি ; উড়িষ্যা ও মাদ্রাজে সাগরতীরে বেড়াইতে গিয়া বিচিত্র বর্ণের বিবিধ আকারের খিনুক কুড়াইয়া আনিয়াছি। আর জীবনের ২৫ বৎসর ধরিয়া সমাজসেবা করিয়া কাঠমোল্লাদের অভিসম্পাত কুড়াইতেছি।

হজরত রাব্বিয়া বগরী বলিয়াছেন, ‘ইয়া আল্লাহ্ ! যদি আমি দোজখের ভয়ে এবাদত করি, তবে আমাকে দোজখে নিক্ষেপ কর ; আর যদি বেহেশতের আশায় এবাদত করি তবে আমার জন্য বেহেশত হারাম হউক।’ আল্লাহর ফজলে সমাজ-সেবা সম্বন্ধে আমিও এখন ঐরূপ বলিতে সাহস করি।

আমার ত প্রত্যেকটি লোম গুনাহগার ; সুতরাং পুস্তকের দোষ-ত্রুটির জন্য এবার পাঠক-পাঠিকাদের নিকট ক্ষমা প্রার্থনা করিলাম না।

বিনীতা—

গ্রন্থকর্তা

ভূমিকা

“অবরোধ-বাসিনী” লিখিয়া লেখিকা আবাদের সমাজের চিন্তাধারার আর একটা দিক খুলিয়া দিয়াছেন। অনেকে অনেক প্রকার ইতিহাস লিখিয়া বশব্দী হইয়াছেন; কিন্তু পাক-ভারতের অবরোধ-বাসিনীদের লাহনার ইতিহাস ইতিপূর্বে আর কেহ লিখেন নাই।

পুস্তকখানি পাঠ করিয়া বারম্বার এই কথাই মনে পড়ে,—আমরা কোথা হইতে আসিয়া কোথায় গিয়া পড়িয়াছি। যে মুসলিম সমাজ এককালে সমস্ত জগতের আদর্শ ছিল, সেই সমাজের এক বিরাট অংশ এখন প্রায় সমস্ত জগতের নিকট হাস্যাস্পদ হইয়া দাঁড়াইয়াছে, একথা বলিলে, বোধ হয়, অত্যাক্তি হইবে না।

কোথায় বীরবালা খাওলা ও রাজিয়া অশ্বপৃষ্ঠে আরোহণপূর্বক পুরুষ যোদ্ধাদের সহিত যুদ্ধ করিয়াছেন, আর কোথায় বঙ্গীয় মুসলিম নারী চোরের হস্তে সর্বস্ব সমর্পণ করিয়া নীরবে অশ্রু বিসর্জন করিতেছেন।

আমার দৃঢ় বিশ্বাস, “অবরোধ-বাসিনী” পাঠে যুগান্ত জাতির চিন্তা-চক্ষু উন্মীলিত হইবে।

সর্বশেষে লেখিকাকে এই সংসাহসের জন্য ধন্যবাদ জানাই। “অবরোধ-বাসিনীর” প্রতি পাঠক-পাঠিকাদের সহৃদয় দৃষ্টি আকর্ষণ করিতেছি।

আবতুল করিম (বি. এ., এম. এল. সি.)

অবরোধ-বাসিনী

আমরা বহুকাল হইতে অবরোধে থাকিয়া থাকিয়া অভ্যস্ত হইয়া গিয়াছি ; সুতরাং অবরোধের বিরুদ্ধে বলিবার আমাদের—বিশেষতঃ আমার কিছুই নাই । যেহোনীকে যদি জিজ্ঞাসা করা যায় যে, “পচা মাছের দুর্গন্ধ ভাল না মন্দ ?” সে কি উত্তর দিবে ?

এস্থলে আমাদের ব্যক্তিগত কয়েকটি ঘটনার বর্ণনা পাঠিকা ভগিনীদিগকে উপহার দিব—আশা করি তাঁহাদের ভাল লাগিবে ।

এস্থলে বলিয়া রাখা আবশ্যিক যে, গোটা ভারতবর্ষে কুলবালাদের অবরোধ কেবল পুরুষদের বিরুদ্ধে নহে, যেয়ে মানুষদের বিরুদ্ধেও । অবিবাহিতা বালিকাদিগকে অতি ঘনিষ্ঠ আত্মীয়া এবং বাড়ীর চাকরানী ব্যতীত অপর কোন স্ত্রীলোকে দেখিতে পায় না ।

বিবাহিতা নারীগণও বাজীকর-ভানুমতী ইত্যাদি তাহালাওয়ালী স্ত্রীলোকদের বিরুদ্ধে পর্দা করিয়া থাকেন । যিনি যত বেশী পর্দা করিয়া গৃহকোণে যত বেশী পেচকের মত লুকাইয়া থাকিতে পারেন তিনিই তত বেশী শরীফ ।

শহরবাসিনী বিবিরাও মিশনারী মেমদের দেখিলে ছুটাছুটি করিয়া পলায়ন করেন । মেম ত মেম—শাড়ী-পরিহিতা খ্রীস্টান বা বাঙ্গালী স্ত্রীলোক দেখিলেও তাঁহারা কামরায় গিয়া অর্গল বন্ধ করেন ।

[১]

সে অনেক দিনের কথা । রংপুর জিলার অন্তর্গত পায়রাবন্দ নামক গ্রামের জমিদার বাড়ীতে বেলা আন্দাজ ১টা—২টার সময় জমিদার-কন্যাগণ জোহরের নামাজ পড়িবার জন্য ওজু করিতেছিলেন । সকলের ওজু শেষ হইয়াছে, কেবল “আ” খাতুন নাম্নী সাহেবজাদী তখনও আঙ্গিনায় ওজু করিতেছিলেন । আলতার মা বদনা হাতে তাঁহাকে ওজুর জন্য পানি চালিয়া দিতেছিল । ঠিক সেই সময় এক মস্ত লম্বাচোড়া কাবুলী স্ত্রীলোক আঙ্গিনায় আসিয়া উপস্থিত । হায়, হায়, সে কি বিপদ । আলতার মা’র হাত হইতে বদনা পড়িয়া গেল—সে চোঁচাইতে

মাগিল—“আউ আউ ! মরদটা কেন আইল !” সে জীলোকটি হাসিয়া বলিল, “হেঁ মরদানা ! হান্ মরদানা হায় ?” সেইটুকু শুনিয়াই “আ” সাহেবজাদী প্রাণপণে উর্ধ্বশ্বাসে ছুটিয়া তাঁহার চাচী আশ্রয় নিকট গিয়া হাঁপাইতে হাঁপাইতে ও কাঁপিতে কাঁপিতে বলিলেন, “চাচী আম্মা ! পায়জামা পরা একটা মেয়ে মানুষ আসিয়াছে !” কর্ত্রী সাহেবা ব্যস্তভাবে জিজ্ঞাসা করিলেন, “সে তোমাকে দেখিয়াছে ?” “আ” সরোদনে বলিলেন “হাঁ !” অপর মেয়েরা নামাজ ভাঙ্গিয়া শশব্যস্তভাবে ঘরে অর্গল দিলেন—যাহাতে সে কাবুলী জীলোক এ কুমারী মেয়েদের দেখিতে না পায়। কেহ বাধ ভালুকের ডয়েও বোধ হয় অমন করিয়া কপাট বন্ধ করে না।

[২]

ইহাও একটি ঐতিহাসিক ঘটনা। পাটনায় এক বড় লোকের বাড়ীতে শুভ-বিবাহ উপলক্ষে অনেক নিমন্ত্রিতা মহিলা আসিয়াছেন। অনেকে সন্ধ্যার সময়ও আসিয়াছেন। তন্মধ্যে হাশমত বেগম একজন। দাসী আসিয়া প্রত্যেক পাক্ষীর ঘর খুলিয়া বেগম সাহেবাদের হাত ধরিয়া নামাইয়া লইয়া যাইতেছে, পরে বেহারাগণ খালি পাক্ষী সরাইয়া লইতেছে এবং অপর নিমন্ত্রিতার পাক্ষী আসিতেছে। বেহারা ডাকিল—“মামা ! সওয়ারী আয়া !” মামারা মস্তর গমনে আসিতেছে। মামা যতক্ষণে হাশমত বেগমের পাক্ষীর নিকট আসিবে ততক্ষণে বেহারাগণ সওয়ারী নামিয়াছে ভাবিয়া পাক্ষী লইয়া সরিয়া পড়িল। অতঃপর আর একটি পাক্ষী আসিলে মামারা পাক্ষীর ঘর খুলিয়া যথাক্রমে নিমন্ত্রিতাকে লইয়া গেল।

শীতকাল। যত পাক্ষী আসিয়াছে ‘সওয়ারী’ নামিলে পর সব খালি পাক্ষী এক প্রান্তে বট গাছের তলায় জড় করিয়া রাখিয়া দেওয়া হইয়াছে। অদূরে বেহারাগণ বসিয়া রান্না করিতেছে। তাহারা বিবাহ বাড়ী হইতে জমকালো সিধা পাইয়াছে। রাত্রিকালে আর সওয়ারী খাটিতে হইবে না। স্নাতরাং তাহাদের ভারী ক্ষুতি—কেহ গান গায়, কেহ তামাক টানে, কেহ খেইনী খায়—এইরূপে আমোদ করিয়া খাওয়া-দাওয়া করিতে রাত্রি ২টা বাজিয়া গেল।

এদিকে মহিলা মহলে নিমন্ত্রিতাগণ খাইতে বসিলে দেখা গেল—হাশমত বেগম তাঁহার ছয় মাসের শিশুসহ অনুপস্থিত। কেহ বলিল, ছেলে ছোট বলিয়া হয় ত আসিলেন না। কেহ বলিল, তাঁহাকে আসিবার জন্য প্রস্তুত হইতে দেখিয়াছে—ইত্যাদি।

পরদিন সকাল বেলা যথাক্রমে নিমন্ত্রিতাগণ বিদায় হইতে লাগিলেন—একে একে খালি পাক্ষী আসিয়া নিজ নিজ ‘সওয়ারী’ লইয়া যাইতে লাগিল। কিছুক্ষণ পরে একটি ‘খালী’ পাক্ষী আসিয়া দাঁড়াইলে তাহার দ্বার খুলিয়া দেখা গেল হাশমত বেগম শিশু পুত্রকে কোলে লইয়া বসিয়া আছেন। পৌষ মাসের দীর্ঘ রজনী তিনি ঐ ভাবে পাক্ষীতে বসিয়া কাটাইয়াছেন।

তিনি পাক্ষী হইতে নামিবার পূর্বেই বেহারাগণ পাক্ষী ফিরাইয়া লইয়া গেল—কিন্তু তিনি নিজে ত শব্দ করেনই নাই—পাছে তাঁহার কণ্ঠস্বর বেহারা শুনিতে পায়, শিশুকেও প্রাণপণ যত্নে কাঁদিতে দেন নাই—যদি তাহার কান্না শুনিয়া কেহ পাক্ষীর দ্বার খুলিয়া দেখে। কষ্ট সহ্য করিতে না পারিলে আর অবরোধ-বাসিনীর বাহাদুরী কি ?

[৩]

প্রায় ৪০।৪৫ বৎসর পূর্বের ঘটনা। কয়েক ঘর বঙ্গীয় সম্ভ্রান্ত জমিদারের মাতা, মাসী, পিসী, কন্যা ইত্যাদি একত্রে হজ্ব করিতে যাইতেছিলেন। তাঁহারা সংখ্যায় ২০।২৫ জন ছিলেন। তাঁহারা কলিকাতায় রেলওয়ে স্টেশন পৌঁছিলে পর সন্দের পুরুষ প্রভুগণ কার্যোপলক্ষে অন্যত্র গিয়াছিলেন। বেগম সাহেবা-দিগকে একজন বিশুদ্ধ আত্মীয় পুরুষের হেফাজতে রাখা হয়। সে তত্রলোকটিকে লোকে হাজী সাহেব বলিত, আমরাও তাহাই বলিব। হাজী সাহেব বেগম সাহেবাদের ওয়েটিং রুমে বসাইতে সাহস পাইলেন না। তাঁহার উপদেশ মতে বিবি সাহেবারা প্রত্যেকে মোটা মোটা কাপড়ের বোরকা পরিয়া স্টেশনের প্লাটফর্মে উবু হইয়া (Squat) বসিলেন; হাজী সাহেব মস্ত একটা মোটা ভারী শতরঞ্জি তাঁহাদের উপর চাকিয়া দিলেন। তদবস্থায় বেচারীগণ এক একটা বোচকা বা বস্তার মত দেখাইতেছিলেন। তাঁহাদিগকে ঐরূপে চাকিয়া রাখিয়া হাজী সাহেব এক কোণে দাঁড়াইয়া ঝাড়া পাহারা দিতেছিলেন। একমাত্র আল্লাহ্ জানেন, হজ্বযাত্রী বিবিগণ ঐ অবস্থায় কয় ঘন্টা অপেক্ষা করিতেছিলেন—আর ইহা কেবল আল্লাহ্‌তালারই মহিমা যে তাঁহারা দম আটকাইয়া মরেন নাই।

ট্রেন আসিবার সময় জনৈক ইংরাজ কর্মচারী ভাঙ্গা ভাঙ্গা হিন্দিতে হাজী সাহেবকে বলিলেন, “মুন্সি। তোমরা আসবাব হিয়াছে হাটা লো। আভি ট্রেন আবেগা—প্লাটফর্ম পর খালি আদমি রহেগা—আসবাব নেহি রহেগা।” হাজী সাহেব যোড়হস্তে বলিলেন, “হজুর, ঐ সব আসবাব নাহি—আওরত হার।”

কর্মচারীটি পুনরায় একটা 'বস্ত্রায়' জুতার ঠোকরা মারিয়া বলিলেন, “হা, হা— এই সব আসবাব হাটা লো।” বিবিরা পর্দায় অনুরোধে জুতার গুতা খাইয়াও ছু শব্দটি করেন নাই।

[৪]

উড়িষ্যার অন্তর্গত রাজকণিকায় একজন ভদ্রলোক চাকুরী উপলক্ষে ছিলেন। বাসায় তাঁহার মাতা, দুইজন ভগিনী এবং স্ত্রী ছিলেন। বর্ষার সময়। তাঁহার বান্দলোর চারিজন পাখাটানা কুলি পালক্রমে সমস্ত দিন ও রাত্রি পাখা টানিত। সাহেব টুরে বাহিরে গিয়াছেন, রাত্রিকালে তাঁহার স্ত্রীর কামরায় একজন চাকরাণী শুইয়াছেন। তাঁহার ভগিনীগণ অন্য কামরায় ছিলেন।

সে অঞ্চলে গরমের সময় লোকে বেশী বিছানা ব্যবহার করে না। রাত্রিকালে প্রবল বেগে বৃষ্টি হওয়ায় সাহেবের স্ত্রীর শীত বোধ হইল। তবু তিনি চাকরাণীকে ডাকিয়া পাখা বন্ধ করিতে বলিলেন না। ক্রমে শীত অসহ্য হওয়ায় প্রথমে তিনি বিছানার চাপরখানি গায়ে দিলেন, তাহাতেও শীত না গেলে তিনি বিছানার দরি (শতরঞ্জি) ও স্ফুঞ্জী তুলিয়া গায়ে দিলেন। কিন্তু হতভাগা পাখা-কুলী আরও জ্বোরে পাখা টানিতে লাগিল। তখন অগত্যা বউ বিবি ঐ দরি চাদর সমস্ত গায়ে জড়াইয়া পালঙ্কের নীচে গিয়া শুইলেন।

পরদিন সকালে একজন চাকরাণী কামরায় ঝাটা দিতে আসিয়া পালঙ্কের নীচে সাধা একটা কি দেখিয়া দিল ঝাঁটার বাড়ি—ঝাঁটার চোটে তাড়াতাড়ি বউ বিবি পাশ ফিরিলেন।—বেচারী চাকরাণী যেন মরিয়া গেল।

[৫]

ই. আই. রেলযোগে কোন বেহারী ভদ্রলোক সস্ত্রীক পশ্চিমে বেড়াইতে যাইতেছিলেন। তিনি স্ত্রীকে লেডীর কক্ষে না দিয়া নিজের সঙ্গেই রাখিলেন। তাঁহার সেকেণ্ড ক্লাসের টিকিট লইয়াছিলেন। বেগম সাহেবা বোরকা পরিয়াই রহিলেন। এক সময় সাহেব বাথরুমে থাকিতে ট্রেন কোন স্টেশনে থামিল। অপর এক যাত্রী কোথাও স্থান না পাইয়া ঐ কক্ষে উঠিয়া অতি সম্বুচিতভাবে বসিয়া একটা জানালা দিয়া মুখ বাহির করিয়া রহিলেন। এদিকে পূর্বোক্ত সাহেব বাথরুম হইতে আসিয়া দেখেন, তাঁহার স্ত্রী অনুপস্থিত। কি করিবেন— তখন চলন্ত ট্রেন। পরবর্তী স্টেশনে আগন্তুক ভদ্রলোকটি নামিয়া গেলেন।

আমাদের কথিত সাহেবও নামিয়া ষ্টেশনের পুলিশে সংবাদ দিলেন যে, তাঁহার স্ত্রী অমুক ও অমুক ষ্টেশনের মধ্যবর্তী স্থানে হারাইয়াছে ।

বেচার পুলিশ বিভিন্ন ষ্টেশনে টেলিগ্রাম করিল যে কালো বোরকায় আবৃত এক মহিলার খোঁজ কর । একজন কনেটবল বলিল, “একবার এই গাড়ীখানাই ভাল করিয়া খুঁজিয়া দেখি না । যে বেঞ্চে সাহেব বসিয়াছিলেন, কনেটবল সেই বেঞ্চের নীচে কালো একটা কি দেখিতে পাইয়া টানিয়া বাহির করিবা মাত্র সাহেব টেঁচাইয়া উঠিলেন, “আরে ছোড় ছোড়—ওহি ত মেরা মর হায় !” পরে জানা গেল সেই নবান্বত ভদ্রলোককে দেখিয়া ইনি বেঞ্চের নীচে লুকাইয়া ছিলেন ।

[৬]

ঢাকা জেলায় কোন জমিদারের প্রকাণ্ড পাকা বাড়ীতে দিনে দু'পুরে আঙুন লাগিয়াছিল । জিনিসপত্র পুড়িয়া ছারখার হইল—তবু চেষ্টা করিয়া যথাসম্ভব আসবাব সরঞ্জাম বাহির করার সঙ্গে বাড়ীর বিবিদেরও বাহির করা প্রয়োজন বোধ করা গেল । হঠাৎ তখন পাঙ্কী, বিশেষতঃ পাড়ারগায়ে এক সঙ্গে দুই চারিটা পাঙ্কী কোথায় পাওয়া যাইবে ? অবশেষে স্কিন্ধ হইল যে একটা বড় রঙীন মশারীর ভিতর বিবিরা থাকিবেন, তাহার চারিকোণ বাহির হইতে চারিজনে ধরিয়া লইয়া যাইবে । তাহাই হইল,—আঙুনের তাড়নায় মশারী ধরিয়া চারিজন লোক দৌড়াইতে থাকিল, ভিতরে বিবিরা সমভাবে দৌড়াইতে না পারিয়া হোঁচট খাইয়া পড়িয়া দাঁত, নাক ভাঙ্গিলেন, কাপড় ছিঁড়িলেন । শেষে ধানক্ষেত দিয়া কাঁটাবন দিয়া দৌড়াইতে দৌড়াইতে মশারীও ছিঁড়িয়া খণ্ড খণ্ড হইয়া গেল ।

অগত্যা আর কি করা যায় ? বিবিগণ একটা ধানের ক্ষেতে বসিয়া থাকিলেন । সন্ধ্যায় আঙুন নিবিয়া গেলে পর পাঙ্কী করিয়া একে একে তাঁহাদের বাড়ী লইয়া যাওয়া হইল ।

[৭]

প্রায় ২৫ বৎসর পূর্বে বঙ্গদেশের জনৈক জমিদারের বাড়ীতে বিবাহ হইতেছিল । অতিথি অভ্যাগতে বাড়ী গন্ গন্ করিতেছে । খাওয়া-দাওয়ার রাত্রি ২টা বাড়িয়া গিয়াছে, এখন সকলের মুম্বাইবার পালা । কিন্তু চোর চোটা-ভু মুম্বাইবে না—এই সুযোগ তাহাদের চুরি করার ।

সিঁধ কাটিয়া চোর ঘরে প্রবেশ করিয়াছে। একজন চৌকিদার চোরের সাড়া পাইয়া বাড়ীর কর্তাদিগকে সংবাদ দিয়াছে। কর্তারা ছিলেন, পাঁচ ছয় ভাই। তাঁহারা প্রত্যেকে কুঠার হস্তে সে ঘরটার চারিদিকে ঘুরিয়া বেড়াইতে-ছিলেন চোরের সন্ধানে। চোরকে পাইলে সে-সময় তাঁহারা কুঠার দিয়া কাটিয়া খণ্ড খণ্ড করিতেন। হুঁ—চোরের এত বড় আশ্পর্ক।

ঘরের ভিতর বিবিরা চোরকে দেখিয়া আরও জড়সড় হইয়া চাদর গায়ে দিয়া শুইলেন—একেবারে নীরব, যেন নিঃশ্বাস ফেলিবারও সাহস নাই। বিশেষতঃ ‘বেগানা মরদটা’ যেন তাঁহাদের নিঃশ্বাসের শব্দও না শুনে। চোর নিঃশব্দচিত্তে সিঁধুক ভাঙ্গিয়া নগদ টাকা গহনা পত্র বাহির করিয়া লটল। পরে একে একে প্রত্যেক বিবির হাত পায়ের গহনা খুলিয়া লইতে লাগিল। তাহা দেখিয়া বিবিরা তাড়াতাড়ি নাক, কান ও গলার অলঙ্কার খুলিয়া শিয়রে রাখিতে লাগিলেন। ইহাতে চোরের বেশ সুবিধাই হইল—সে আর অনর্থক বেগম খানমদের নাক বা গলা স্পর্শ করিবে কেন? সেই ঘরে একটি ছিল নূতন বউ—সে বেচারী নাকের নখটি ত খুলিয়া দিয়াছেন, কিন্তু তাঁহার কানের মুম্বকা প্রভৃতি গহনাগুলি পরস্পরে জড়াইয়া বড় জটিল হইয়া পড়িল—কিছুতেই খোলা গেল না। চোর মহাশয় ভদ্রতার অনুরোধে কিয়ৎক্ষণ অপেক্ষা করার পর কলম-তারামু ছুরি দিয়া বউ বিবির উভয় কান কাটিয়া লইয়া গহনার পুটুলিতে তরিয়া সেই সিঁধ-পথে পলায়ন করিল।

ঘরের ভিতর এত কাণ্ড হইয়া গেল—বাহিরে পুরুষগণ কুঠার হস্তে চোরের জন্য অপেক্ষা করিতেছেন। কিন্তু বিবিরা কেহ টু’ শব্দ করিলেন না—পাছে “বেগানা মরদটা” তাঁহাদের কণ্ঠস্বর শুনে। চোর নিরাপদে বাহির হইয়া গেলে পর বিবিরা হাউমাউ আরম্ভ করিয়া দিলেন।

পাঠিকা ভগিনী! এইরূপ আমরা অবরোধ-প্রকার সম্মান রক্ষা করিয়া থাকি।

[৮]

এক বাড়ীতে আগুন লাগিয়াছিল। গৃহিণী বুদ্ধি করিয়া তাড়াতাড়ি সমস্ত অলঙ্কার একটা হাত বাক্সে পুরিয়া লইয়া ঘরের বাহির হইলেন। ঘরে আসিয়া দেখিলেন সমাগত পুরুষেরা আগুন নিবাইতেছেন। তিনি তাহাদের সম্মুখে বাহির না হইয়া অলঙ্কারের বাস্কাটি হাতে করিয়া ঘরের ভিতর খাটের নীচে গিয়া

বসিলেন। তদবস্থায় পুড়িয়া মরিলেন, কিন্তু পুরুষের সম্মুখে বাহির হইলেন না।
খন্য! কুল-কামিনীর অবরোধ!

[৯]

এক মৌলবী সাহেবের মৃত্যু হইল। তাঁহার একমাত্র পুত্র এবং বিধবা
অবশিষ্ট ছিলেন। মৌলবী সাহেব কিছু রাখিয়া যান নাই, স্নতরাং অতি কষ্টে
তাঁহার বিধবা সংসার চালাইতেন। পুত্রের বিবাহের জন্য বহু কষ্টে কতকগুলি
অলঙ্কার গড়াইলেন। অলঙ্কারগুলি বেশ ভারী দামের হইল। বিবাহের দুই
তিন দিন পূর্বে সিঁধ কাটিয়া চোর গৃহে প্রবেশ করিল। সে ঘরে তিনি একমাত্র
দাসীসহ শুইয়াছিলেন। চোরের সাড়া পাইয়া তিনি উঠিয়া বসিলেন এবং চুপি চুপি
বাঁদীকে জাগাইলেন। চোর ভাবিল, সর্বনাশ—দেই দৌড়।

কিন্তু চোরের সঙ্গীরা বলিল, আচ্ছা, একটু ফিরিয়া দাঁড়াইয়া দেখি না কি হয়।
হইল বেশ মজা—

বিবি সাহেবার সঙ্কেত মত দাসী একখানা কাপড় দিয়া তাঁহার খাটের সম্মুখে
পর্দা টানাইয়া দিল। পরে চাবির গোছা দেখাইয়া চোরদিগকে বলিল, “বাপু
সকল। তোমরা এদিকে আসিও না, তোমরা যাহা চাও, আমি সিন্দুক খুলিয়া
বাহির করিয়া দিতেছি।” পরে সমস্ত দামী কাপড় ও অলঙ্কার বাহির করিয়া
চোরের হাতে দিল। তাহারা গহনা নাড়িয়া চাড়িয়া দেখিয়া বলিল,—“নথ
কই?—সেটা সিন্দুকে আছে বুঝি?” কত্রীর সঙ্কেত অনুসারে দাসী
বলিল, “দোহাই! তোমরা এদিকে আসিও না—আম্মা সা’ব কেবল নথটা
রাখিয়াছেন যে পরশু দিন বিয়া—একেবারে কোন গয়না রহিল না—নথটাও না
থাকিলে বিয়া হয় কি করিয়া? তা যদি তোমরা চাও, তবে নেও—নথ লও—
পর্দার এদিকে আসিও না।”

চোরেরা ভারী খুশী হইয়া পরস্পর গল্প করিতে করিতে চলিয়া গেল।
তখন রাত্রি তিনটা কি চারিটা। এত সহজে সিঁছিলাত করায় আনন্দের আতিশয্যে
তাহারা একটু জোরে কথা কহিয়াছিল। পথে চৌকিদার তাহা শুনিতে পাইয়া
তাহাদিগকে ধরিবার জন্য তাড়া করে। সকলে পলাইল। একটি চোর হোঁচট
খাইয়া পড়িয়া যাওয়ায় চৌকিদার তাহাকে ধরিয়া ফেলিল। অগত্যা সে চৌকি-
দারের সঙ্গে চুরি-করা বাড়ী দেখাইয়া দিতে গেল। ততক্ষণে ভোর হইয়াছে।

চৌকিদার গিয়া দেখে, বিবি সাহেবা তখনও পর্দার অন্তরাল হইতে বাহির
হন নাই—“বদি ব্যাটারা আবার আসে”—তবে তাঁহাকে দেখিতে পাইবে যে।

দাসীকেও চাঁচামেটি করিতে দেন নাই যে শোরগোল শুনিয়া যদি কোন পুরুষ মানুষ তাঁহার ঘরে প্রবেশ করে। চোরের হাতে সর্বস্ব সমর্পণ করিয়া তিনি অবরোধ-প্রথার সম্মান রক্ষা করিলেন।

[১০]

কোন জমিদার গৃহিণী ছোট ভাইয়ের বউ আনিবার জন্য ভাইয়ের শুল্ক বাড়ী গিয়াছেন। একদিন হঠাৎ গিয়া দেখেন নববধুকে তাঁহার স্বাতৃবধু ভাত খাওয়াইতেছেন। ভাতের বাসনে একটা কাঁচা মরিচ ছিল। তিনি সরল মনে জিজ্ঞাসা করিলেন, “আমাদের বউ ঝাল খাইতে ভালবাসে নাকি?” বউয়ের ভাবীজান উত্তর দিলেন, “হ্যাঁ, বড় ঝাল খায়।”

পরে তিনি বউ লইয়া নৌকাযোগে কলিকাতায় আসিলেন। পথে তিন চারি দিন নৌকায় থাকা হইল। এই সময়ে তিনি যাহা কিছু রান্না করাইতেন, তাহাতেই অতিরিক্ত ঝাল দেওয়াইতেন। আসল কথা এই যে, বউ মোটেই ঝাল খাইতে অভ্যস্তা নহেন। ঝাইবার সময় কাঁচা লঙ্কার খোশবু শুঁকিয়া শুঁকিয়া ভাত খাইতেছিল। তাই ঠাট্টা করিয়া তাঁহার ভাবীজান ঝাল খাওয়ার কথা বলিয়াছিলেন। ফলে বেচারীর প্রাণ লইয়া টানাটানি।

ননদ মহাশয় কাঁচা লঙ্কা দিয়া মুড়ি মাখিয়া ভাই-বউকে আদর করিয়া কাছে বসাইয়া খাওয়াইতেন। বউ-এর দুই চক্ষু বহিয়া টস্ টস্ করিয়া জল পড়িল— মুখ জিহবা পুড়িয়া যাইত—তবু বড় ননদকে মুখ ফুটিয়ে বলেন নাই যে, তিনি ঝাল খান না !! ও সর্বনাশ! একে নূতন বউ, তাতে বড় ননদ—প্রাণ গেলেও কথা কহিতে নাই।

[১১]

গত ১৯২৪ সনে আমি আরায় গিয়াছিলাম। আমার দুই নাতিনীর বিবাহ এক সঙ্গে হইতেছিল, সেই বিবাহের নিমন্ত্রণে গিয়াছিলাম। নাতিনীদের ডাক নাম মদু ও সবু। বেচারীরা তখন “মাইয়া খানায়” ছিল। কলিকাতার ড. বিবাহের পাত্র ৫১৬ দিন পূর্বে “মাইয়া খানা” নামক বন্দীখানায় মেয়েকে রাখে, কিন্তু বেহার অঞ্চলে ৬১৭ মাস পর্বন্ত এইরূপ নির্জন কারাবাসে রাখিয়া মেয়েদের আধনরা করে।

আমি মজুর জেলখানায় গিয়া অধিকক্ষণ বসিতে পারি না—সে রুদ্ধ গৃহে আমার দম আটকাইয়া আসে। শেষে এক দিন একটা জানালা একটু খুলিয়া দিলাম। দুই মিনিট পরেই এক মাতব্বর বিবি, “দুলহিন্কে হাওয়া লাগেগী” বলিয়া জানালা বন্ধ করিয়া দিলেন। আমি আর ভিত্তিতে না পারিয়া উঠিয়া আসিলাম। আমি সবুদের জেলখানায় গিয়া মোটেই বসিতে পারিতাম না। কিন্তু সে বেচারীরা ছয় মাস হইতে সেই রুদ্ধ কারাগারে ছিল। শেষে সবুর হিষ্টিরিয়া রোগ হইয়া গেল। এইরূপে আমাদের অবরোধে বাস করিতে অভ্যস্ত করা হয়।

[১২]

পশ্চিম দেশের এক হিন্দু বধু তাহার শাশুড়ী ও স্বামীর সহিত গঙ্গাস্থানে গিয়াছিল। স্নান শেষ করিয়া ফিরিবার সময় তাহার শাশুড়ী ও স্বামীকে ভিড়ের মধ্যে দেখিতে পাইল না। অবশেষে সে এক ভদ্রলোকের পিছু পিছু চলিল। কতক্ষণ পরে পুলিশের হস্তা—সেই ভদ্রলোককে ধরিয়া কনষ্টেবল বলে, “তুমি অনুকের বউ ভাগাইয়া লইয়া যাইতেছ।” তিনি আচম্বিতে ফিরিয়া দেখেন : আ রে ! এ কাহার বউ পিছন হইতে তাঁহার কাছার খুঁটি ধরিয়া আসিতেছে।—প্রশ্ন করায় বধু বলিল, সর্বক্ষণ মাথায় ঘোমটা দিয়া থাকে—নিজের স্বামীকে সে কখনও ভাল করিয়া দেখে নাই। স্বামীর পরিধানে হলদে পাড়ের ধুতি ছিল, তাহাই সে দেখিয়াছে, এই ভদ্রলোকের ধুতির পাড় হলদে দেখিয়া সে তাঁহার সজ্জ লইয়াছে।

[১৩]

আজিকার (২৮শে জুন, ১৯২৯) ঘটনা শুনুন। স্কুলের একটি মেয়ের বাপ লম্বা চওড়া চিঠি লিখিয়াছেন যে, মোটর বাস তাঁহার গলির ভিতর যায় না বলিয়া তাঁহার মেয়েকে ‘বোরকা’ পরিয়া মামার (চাকরানীর) সহিত হাঁটিয়া বাড়া আসিতে হয়। গতকল্য গলিতে এক ব্যক্তি চায়ের পাত্র হাতে লইয়া যাইতেছিল, তাহার ধাক্কা লাগিয়া হীরার (তাঁহার মেয়ের) কাপড়ে চা পড়িয়া গিয়া কাপড় নষ্ট হইয়াছে। আমি চিঠিখানা আমাদের জনৈক শিক্ষয়িত্রীর হাতে দিয়া ইহার তদন্ত করিতে বলিলাম। তিনি ফিরিয়া আসিয়া উর্দু ভাষায় যাহা বলিলেন, তাহার অনুবাদ এই :—

“অনুসন্ধানে জানিলাম, হীরার বোরকায় চক্ষু নাই। (হীরাকা বোরকা যে আঁধ নেহি হয়।) অন্য মেয়েরা বলিল, তাহারা গাড়ী হইতে দেখে, মানা প্রায় হীরাকে কোলের নিকট লইয়া হাঁটাইয়া লইয়া যায়। ‘বোরকা’য় চক্ষু না থাকার হীরা ঠিকমত হাঁটিতে পারে না—সেদিন একটা বিড়ালের গায়ে পড়িয়া গিয়াছিল—কখনও হেঁচট খায়। গতকল্য হীরাই সে চায়ের পাত্রবাহী লোকের গায়ে ধাক্কা দিয়া তাহার চা ফেলিয়া দিয়াছে।”*

দেখুন দেখি, হীরার বয়স মাত্র ৯ বৎসর—এতটুকু বালিকাকে ‘অন্ধ বোরকা’ পরিয়া পথ চলিতে হইবে। ইহা না করিলে অবরোধের সম্মান রক্ষা হয় না।

[১৪]

প্রায় ২১।২২ বৎসর পূর্বেকার ঘটনা। আমার দূর-সম্পর্কীয়া এক মামী-শাশুড়ী ভাগলপুর হইতে পাটনা যাইতেছিলেন; সঙ্গে মাত্র একজন পরিচারিকা ছিল। কিউল স্টেশনে ট্রেন বদল করিতে হয়। মামানী সাহেব অপর ট্রেনে উঠিবার সময় তাঁহার প্রকাণ্ড বোরকায় জড়াইয়া ট্রেন ও প্লাটফর্মের মাঝখানে পড়িয়া গেলেন। স্টেশনে সে সময় মামানীর চাকরানী ছাড়া অপর কোন স্ত্রীলোক ছিল না। কুলিরা তাড়াতাড়ি তাঁহাকে ধরিয়া তুলিতে অথসর হওয়ায় চাকরানী দোহাই দিয়া নিষেধ করিল—“খবরদার। কেহ বিবি সাহেবার গায়ে হাত দিও না।” সে একা অনেক টানাটানি করিয়া কিছুতেই তাঁহাকে তুলিতে পারিল না। প্রায় আধ ঘন্টা পর্বস্ত অপেক্ষা করার পর ট্রেন ছাড়িয়া দিল।

ট্রেনের সংঘর্ষে মামানী সাহেব পিষিয়া ছিন্ন ভিন্ন হইয়া গেলেন,—কোথায় তাঁহার ‘বোরকা’—আর কোথায় তিনি। স্টেশন ভরা লোক সবিস্ময়ে দাঁড়াইয়া এই লোমহর্ষণ ব্যাপার দেখিল,—কেহ তাঁহার সাহায্য করিতে অনুমতি পাইল না। পরে তাঁহার চূর্ণপ্রায় দেহ একটা গুদামে রাখা হইল; তাঁহার চাকরানী প্রাণপণে বিনাইয়া কাঁদিল আর তাঁহাকে বাতাস করিতে থাকিল। এই অবস্থায় ১১ (এগার) ঘন্টা অতিবাহিত হইবার পর তিনি দেহত্যাগ করিলেন। কি ভীষণ মৃত্যু।

* এখনই আমাচ মাসের মাসিক “মোহাম্মদী”তে শ্রীমতী আমিনা খাতুনের লিখিত প্রবন্ধের একস্থলে দেখিলাম,—কতক্ষণের জন্য নাক, মুখ, চোক বন্ধ করিয়া বেড়ান (এইরূপ পর্দার পরপুরুষের ঘাড়ো পড়া সম্ভবপর)—উহা ইসলামের বাহিরের পর্দা।”

[১৫]

হৃগলীতে এক বড়লোকের বাড়ীতে বিবাহ উপলক্ষে এক কামরায় অনেক বিবি জড় হইয়াছেন। রাত্রি ১২টার সময় বোধ হইল, কেহ বাহির হইতে কামরার দরজা ঠেলিতেছে, জ্বোরে, আশ্বে—নানা প্রকারে দরজা ঠেলিতেছে। বিবিরা সকলে জাগিয়া উঠিয়া ধর ধর কাঁপিতে লাগিলেন—নিশ্চয় চোর দ্বার ভাঙ্গিয়া গৃহে প্রবেশ করিবে। আর বিবিদের দেখিয়া ফেলিবে। তখন এক জাহাঁবাজ বিবি সমস্ত অলঙ্কার পরিয়া ফেলিলেন, অবশিষ্ট পুটলী বাঁধিয়া চাপা দিয়া চাকিয়া রাখিলেন। পরে বোরকা পরিয়া দ্বার খুলিলেন। দ্বারের বাহিরে ছিল—একটা কুকুরী। তাহার বাচ্চা দু'টি ষটনাবশতঃ কামরার ভিতর ছিল, আর সে ছিল বাহিরে। বাচ্চার নিকট আসিবার জন্য সেই কুকুরী দরজা ঠেলিতেছিল।

[১৬]

বেহার শরীফের এক বড়লোক দাজিলিং যাইতেছিলেন; তাঁহার সঙ্গে এক ডজন “মানব-বোঝা” (human-luggage) অর্থাৎ মাসী পিসী প্রভৃতি ৭ জন মহিলা এবং ৬ হইতে ১৩ বৎসর বয়সের ৫ জন বালিকা। তাঁহারা যথাক্রমে ট্রেন ও স্টামার বদল করিবার সময় সর্বত্রই পাঙ্কীর ব্যবস্থা করিয়াছিলেন। মনিহারী ষাট, সক্রিগলি ষাট ইত্যাদিতে পাঙ্কী ছিল। বিবিদের পাঙ্কিতে পুরিয়া স্টামারের ডেকে রাখা হইত। আবার ট্রেনে উঠিবার সময় তাঁহাদিগকে পাঙ্কীসহ মালগাড়ীতে দেওয়া হইত। কিন্তু ই. বি. রেলওয়ে লাইনে আর পাঙ্কী পাওয়া গেল না। তখন তাঁহারা ট্রেনের রিজার্ভ করা সেকেন্ড ক্লাসের গাড়ীতে বসিতে বাধ্য হইলেন।

শিলিগুড়ি স্টেশনেও পাঙ্কী বেহারা পাওয়া গেল না। এত বড় বিপদ—বিবিরা দাজিলিংগের ট্রেনে উঠিবেন কি করিয়া? অতঃপর দুইটা চাদর চারিজন লোকে দুই দিকে ধরিল,—সেই চাদরের বেড়ার মধ্যে বিবিরা চলিলেন। হতভাগা পর্দাধারী চাকরেরা ঠিক তাল রাখিয়া পার্বত্য বন্ধুর পথে হাঁটিতে পারিতেছিল না। কখনও ডাইনের পর্দা আগে যায়, বামের পর্দা পিছনে থাকে; কখনও বামের পর্দা অগ্রসর হয়, আর ডাইনের পর্দা পশ্চাতে। বেচারী বিবিরা হাঁটিতে আরও অপটু—তাঁহারা পর্দা ছাড়িয়া কখনও আগে যান, কখনও পিছনে রহিয়া যান। কাহারও জুতা খসিয়া রহিয়া গেল—কাহারও দোপাটা উড়িয়া গেল।

[১৭]

প্রায় ১৪ বৎসর পূর্বে আমাদের স্কুলে একজন লক্ষ্মী নিবাসী শিক্ষয়িত্রী ছিলেন, নাম আখতারছাই। তাঁহার তিনটি কন্যাও এই স্কুলে পড়িত। একদিন তিনি একালের মেয়েদের নির্লজ্জতার বিষয় আলোচনা প্রসঙ্গে নিজের মেয়েদের বেহায়া-পনার কথা বলিয়া দুঃখ প্রকাশ করিলেন। কথায় কথায় নিজের বধু-জীবনের একটা গল্প বলিলেন—“এগারো বৎসর বয়সে তাঁহার বিবাহ হইয়াছিল। শুল্কর বাড়ী গিয়া তাঁহাকে এক নির্জন কক্ষে থাকিতে হইত। তাঁহার এক ছোট নন্দ দিনে তিন চারি বার আসিয়া তাঁহাকে প্রয়োজন মত বাথ-রুমে পৌঁছাইয়া দিত। একদিন কি কারণে সে অনেকক্ষণ পর্যন্ত তাঁহার সংবাদ লয় নাই। এদিকে বেচারী প্রকৃতির তাড়নায় অধীর হইয়া পড়িলেন। লক্ষ্মী-এ মেয়েকে বড় বড় ভামার পানদান যৌতুক দেওয়া হয়। তাঁহার মস্ত পানদানটা সেই কক্ষেই ছিল। তিনি পানদান খুলিয়া সুপারীর ডিবেটা বাহির করিয়া সুপারীগুলি একটা রুমালে চালিয়া ফেলিলেন। পরে তিনি সেই ডিবেটা যে জিনিস দ্বারা পূর্ণ করিয়া খাটের নীচে রাখিলেন, তাহা লিখিতব্য নহে। সন্ধ্যার সময় তাঁহার পিতামহের চাকরানী বিছানা ঝাড়িতে আসিলে তিনি তাঁহার গলা ধরিয়া কাঁদিয়া ডিবেট দুর্দশার কথা বলিলেন। সে তাঁহাকে সান্ত্বনা দিয়া বলিল, “থাক, তুমি কেঁদ না ; আমি কালই ডিবেটা কালাই (Tinning) করাইয়া আনিয়া দিব। সুপারী এখন রুমালেই বাঁধা থাকুক।”

[১৮]

লাহোরের জনৈক ভুক্তভোগী ডাক্তার সাহেবের রোগিণী দর্শনের বর্ণনা এই—

সচরাচর ডাক্তার আসিলে দুইজন চাকরানী রোগিণীর পালঙ্কের শিয়রে ও পায়ের দিকে একটা মোটা বড় দোলাই ধরিয়া দাঁড়ায় ; ডাক্তার সেই দোলাইয়ের একটু ফাঁকের ভিতর হাত দিয়া রোগিণীর নাড়ী পরীক্ষা করেন।*

এক বেগম সাহেবা নিউমোনিয়া রোগে ভুগিতেছিলেন। আমি বলিলাম,

● আমাকে জনৈক নন-পর্দা মহিলা জিজ্ঞাসা করিয়াছিলেন, (লেডী ডাক্তারের অভাবে পুরুষ) ডাক্তারকে জিহবা দেখাইতে হইলে আপনি কি করিবেন ? দোলাই ফুটা করিয়া ডাক্তার ভিতর হইতে জিহবা বাহির করিয়া দেখাইবেন নাকি। আমি পাঠিকা জল্পিদিকে ঐ প্রশ্নের এবং আমার নিম্নোক্ত প্রশ্নের উত্তর দিতে অনুরোধ করি। ডাক্তারকে চোখ, দাঁত এবং কান দেখাইতে হইলে তাঁহার। কি উপায়ে দেখাইবেন ?

কেফড়ার অবস্থা দেখা দরকার ; আমি পিঠের দিক হইতে দেখিয়া নইব । হুকুম হইল, “স্টেটসিকোপের নল, যেখানে বলেন, চাকরানী রাখিয়া দিবে ।” সকলেই জানেন, কেফড়া বিভিন্ন স্থান হইতে পরীক্ষা করিলে পর রোগ নির্ণয় করা সম্ভব হয় । কিন্তু আমি অগত্যা কর্তার হুকুমে রাজী হইলাম । চাকরানী নলটা দোলাইয়ের ভিতরে বেগম সাহেবের কোমরে নেফার (পায়জামার উপরাংশের) কিছু উপরে রাখিল । কিছুক্ষণ পরে আমি আশ্চর্য হইলাম যে কোন শব্দ শুনিতে পাই না কেন ? দুঃসাহসে ডর দিয়া দোলাই একটু উঠাইয়া দেখিলাম,—দেখি কি নলটা কোমরে লাগান হইয়াছে । আমি বিরক্ত হইয়া উঠিয়া আসিলাম ।*

[১৯]

জনৈক রেলপথে ভ্রমণকারীর বৃত্তান্তের সারাংশ এই—স্টেশনে টিকিট কেটে মনে মনে একটা হিসেব করলাম । তিনখানা ইন্টার ক্লাসের টিকিটের দরুন দেড় মণ জিনিস নিতে পারবো, কিন্তু আমাদের জিনিস-পত্তর ওজন করলে পাঁচ মণের কম কিছুতেই হবে না । অনেক ভেবে-চিন্তে লগেজ না করাই ঠিক করলাম । মেয়েদের গাড়ীতে জিনিস-পত্তর তুলে দিলে আর কে চেক করতে আসবে ?

* * * *

খোঁকা জিজ্ঞাসা করলে,—তোমার সঙ্গে কোন জ্যান্ত লগেজ আছে না কি ?

আবার আছে না কি ! একেবারে এক জোড়া ! একে বুড়ি, তায় আবার খুড় খুড়ি ।

খোঁকা বলে—তবেই সেরেছে ।

* * * *

যখন ঘুম ডাঙল, তখন বেশ রাত হয়েছে ।

অনুমানে বুঝলাম, একটা বড় স্টেশনে গাড়ী থেমে আছে । হঠাৎ মনে হ'ল, বহরমপুর হবে হয়ত । দরজাটা খুলে নামতে যাব, এমন সময় মনে হ'ল যেন স্তনতে পেলাম, আমারই নাম ধরে কারা ডাকাডাকি করছে—‘ও টুনু—টুনু, এ তো ভারী বিপদে আজ পড়লাম, টুনু রে ।’

* ডাক্তার সাহেবের নিজের ডাক্তার গুনুন—‘না হাওলা বেলা কুণ্ডে । মন্ন দিক হো কর উঠ আরা । আর নওলাব সাহেব পুহতে হে’ কে কেয়া গাভা লাগা ? “মন্ন কেয়া থাক ষাতাত, কে কেয়া গাভা লাগা ?”

একে মেয়েলী গলা, তার উপর আবার করুণ। আমি ব্যস্ত হয়ে তাড়াতাড়ি নেমে পড়লাম। দেখলাম, দুই বুড়ী মাটিতে দাঁড়িয়ে মহা কান্নাকাটি শুরু করেছে, আর জ্বিনিসপত্তরগুলোও সব নামানো হয়েছে। চারদিকে তিন চার জন কুলী ঘিরে দাঁড়িয়ে রয়েছে।

আমার মেজাজ গরম হয়ে উঠল। টি. টি. সি. অর্থাৎ চেকারগুলো রাত্রিবেলা মেয়েদের গাড়ী চেক ক'রে—মালপত্তর সব নামিয়ে দেবে এতো কম অন্যায কথা নয়। আমি কুলিগুলোকে খুব বকে দিলাম, জ্বিনিস-পত্তর আবার গাড়ীতে তুলে দিতে বললাম। আর একবার কুলিগুলোকে এক চোট বকে দিলাম, এবং টি. টি. সিদের নামে যে রিপোর্ট করতে হবে, সে রকমও অনেক কথা বললাম।

ঠাকুরমা কেঁদে বলেন, “আরে টুন্সু, আমরা যে এসে পড়েছি।”

অবশেষে একটা কুলী সাহস করে বলে, বাবু ষাট আ গিয়া।

আমি ঠাকুরমাকে বললাম,—তা হলে টি. টি. সি. চেক করে নামিয়ে দেয়নি— ষাটে এসে পড়েছ; সে কথা আমাকে আগে বললেই হ'ত, এ জন্য কান্নাকাটি কেন?

[২০]

ঈশ্বরক পাঞ্জাবী বেগম সাহেবা নিম্নলিখিত গল্প কোন উর্দু কাগজে লিখিয়াছেন—

আমরা একটা গ্রামে কিছুকাল ছিলাম। একবার তত্রত্য কোন সম্ভ্রান্ত লোকের বাড়ীতে আমাদের নিমন্ত্রণ ছিল। সেখানে গিয়া কুমারী মেয়েদের প্রতি যে অত্যধিক জুলুম হইতে দেখিলাম, তাহাতে আমি প্রাণে বড় আশাত পাইলাম।

আমরা যথাসময় তথায় পৌঁছিয়া জিজ্ঞাসা করিলাম, বাড়ীর মেয়েরা কোথায়? শুনিতে পাইলাম, তাহারা সকলে রান্না ঘরে বসিয়া আছে। আমি তাহাদের সহিত সাক্ষাৎ করিতে চাহিলে, কেবল একা আমাকে সেইখানে ডাকিয়া লওয়া হইল। রান্না ঘরে তন্নানক গরম আর স্থানও অতিশয় অল্প। কিন্তু উপায়ান্তর না দেখিয়া সেইখানে বসিয়া সেই ‘মজলুম’ কিন্তু মিষ্টভাষিনী বালিকাদের সহিত কথাবার্তা কহিতে লাগিলাম।

একজন দয়াবতী বিবি আমাদের প্রতি কৃপাপরবশ হইয়া বলিলেন, “তোমরা লাভখানে লুকাইয়া উপরে চলিয়া যাও।”

আমি মনে করিলাম, সম্ভবতঃ পুরুষ মানুষদের সম্মুখীন হওয়ার আশঙ্কা আছে, তাই সাবধানে লুকাইয়া যাইতে বলিলেন । কিন্তু পরে জানিলাম, এ পর্দা সাধারণ অভ্যাগতা মহিলাদের বিরুদ্ধে ছিল । উক্ত বিবি সাহেবার হুকুমে দুইজন মেয়ে-মানুষ মোটা চাদর ধরিয়া পর্দা করিল, আমরা সেই চাদরের অন্তরাল হইতে উপরে চলিয়া গেলাম ।

উপরে গিয়া আমি আরও বিপদে পড়িলাম । আমি মনে করিয়াছিলাম, ছাদের উপর আরামে বসিবার কোন কামরা হইবে, অথবা কমপক্ষে বর্ষাতি চালা হইবে । কিন্তু সেখানে কিছুই ছিল না । একে ত প্রথর রৌদ্র, দ্বিতীয়তঃ বসিবারও কিছু ছিল না । সমস্ত ছাদ জুড়িয়া অর্ধ শুষ্ক ঝুঁটে ছড়ান ছিল ; তাহার দুর্গন্ধে প্রাণ ওষ্ঠাগত হইতেছিল । বহু কষ্টে একজন চাকরানী একটা খাটিয়া আনিয়া দিল, আমরা অগত্যা তাহাতেই বসিলাম । নীচে বাজনা বাজিতেছিল, উৎসব হইতেছিল । কিন্তু অভাগিনী অনুচা বালিকা কয়টি অপরাধিনীর ন্যায় রৌদ্রে বসিয়া ঝুঁটের দুর্গন্ধে হাঁপাইতেছিল । কেহই ইহাদের আরামের জন্য একটুকু খেয়াল করিতেছিল না ।

[২১]

বঙ্গদেশের কোন জমিদারের বাড়ী পুণ্যাহের উৎসব উপলক্ষে নাচ গান হইতেছিল । নর্তকীরা বাহিরে যেখানে বিরাট শামিয়ানার নীচে নাচিতেছিল, সে স্থানটা বাড়ীর দেউড়ীর কামরা হইতে দেখা যাইত । কিন্তু বাড়ীর কোনও বিবি সে দেউড়ীর ঘরে যান নাই । নৃত্য দর্শন ও সঙ্গীত শ্রবণের সৌভাগ্য লইয়া বিবিরা ধরাধামে আসেন নাই ।

জমিদার সাহেবের একটি তিন বৎসর বয়স্কা কন্যা ছিল । মেয়েটি দিব্যি গৌরাদ্বী । তাহাকে আদর করিয়া কেহ বলিত, চিনির পুতুল, কেহ বলিত, ননীর পুতুল । নাম সাবেরা । ভোবের সময় রৌশনচোকির ভৈরবী আলাপে নিদ্রিত পাখীরা জাগিয়া কলরব আরম্ভ করিয়াছে । সাবেরার 'খেলাইও' (আধুনিক ভাষায় 'আয়া') জাগিয়া উঠিয়াছে । তাহার সাধ হইল, একটু নাচ দেখিতে যাইবে । কিন্তু সাবেরা তখনও ঘুমাইতেছিল । স্নতরাং খেলাই সে নিদ্রিতা শিশুকে কোলে লইয়া দেউড়ীর ঘরে নাচ দেখিতে গেল ।

যেখানে বাঘের ডয়, সেখানেই রাত হয় । কর্তা সেই সময় বহির্বাট হইতে অন্তঃপুরে আসিতেছিলেন । দেখিলেন, সাবেরাকে কোলে লইয়া খেলাই ঝড়ঝড়

পাখী তুলিয়া তামাসা দেখিতেছিল। তাঁহার হাতে একটা মোটা লাঠি ছিল, তিনি সেই লাঠি দিয়া খেলাইকে প্রহার আরম্ভ করিলেন। খেলাইয়ের চীৎকারে বিবিয়া দৌড়িয়া দেউড়ী ধরে আসিলেন। এক লাঠি লাগিল সাবেরার উরুতে। তখন কর্তার ভাতুবন্ধু অগ্রসর হইয়া বলিলেন, “ছোট সাহেব, করেন কি! করেন কি! মেয়ে মেরে ফেলবেন?” প্রহারবৃষ্টি তৎক্ষণাৎ থামিয়া গেল। জমিদার সাহেব সক্রোধে কহিলেন, “হতভাগী নিজে নাচ দেখবি দেখ না, কিন্তু আমার মেয়েকে দেখাতে আনলি কেন?”

কিন্তু প্রকৃতপক্ষে শিশু ত খেলাইয়ের কাঁধে মাথা রাখিয়া গভীর নিদ্রায় মগ্ন ছিল—সে বেচারী কিছুই দেখে নাই। বাড়ীময় শোরগোল পড়িয়া গেল—সাবেরার মুখের মত শাদা ধবধবে উরুতে লাঠির আঘাতে এক বিশ্রী কালো দাগ দেখিয়া কর্তাও মরমে মরিয়া গেলেন। এইরূপে লাঠির গুতায় আমাদের অবরোধ কারাম বন্দী করা হইয়াছে।

[২২]

শিয়ালদহ স্টেশনের প্লাটফরমে ভরা সন্ধ্যার সময় এক ভদ্রলোক ট্রেনের অপেক্ষায় পায়চারী করিতেছিলেন। কিছু দূরে আর একজন ভদ্রলোক দাঁড়াইয়া ছিলেন; তাঁহার পার্শ্বে এক গাঙ্গা বিছানা ইত্যাদি ছিল। পূর্বোক্ত ভদ্রলোক কিঞ্চিৎ ক্রান্তি বোধ করায় উক্ত গাঙ্গার উপর বসিতে গেলেন। তিনি বসিবা মাত্র বিছানা নড়িয়া উঠিল—তিনি তৎক্ষণাৎ সভয়ে লাফাইয়া উঠিলেন। এমন সময় সেই দণ্ডায়মান ভদ্রলোক দৌড়িয়া আসিয়া সক্রোধে বলিলেন—“মশায়, করেন কি? আপনি স্ত্রীলোকদের মাথার উপর বসিতে গেলেন কেন?” বেচারী হতভস্ত হইয়া বলিলেন, “মাফ করবেন মশায়। সন্ধ্যার আঁধারে ভালমতে দেখিতে পাই নাই, তাই বিছানার গাঙ্গা মনে করিয়া বসিয়াছিলাম। বিছানা নড়িয়া উঠায় আমি ভয় পাইয়াছিলাম যে, এ কি ব্যাপার।”

[২৩]

অপরের কথা দূরে থাকুক। এখন নিজের কথা কিছু বলি। সবে মাত্র পাঁচ বৎসর বয়স হইতে আমাকে স্ত্রীলোকদের হইতেও পর্দা করিতে হইত। ছাই কিছুই বুঝিতাম না যে, কেন কাহারও সন্মুখে যাইতে নাই; অথচ পর্দা করিতে হইত। পুরুষদের ত অন্তঃপুরে যাইতে নিষেধ, স্ততরাং তাহাদের অত্যাচার

আমাকে সহিতে হয় নাই। কিন্তু যেয়ে মানুষের অবাধ গতি—অথচ তাহাদের দেখিতে না দেখিতে লুকাইতে হইবে। পাড়ার স্ত্রীলোকেরা হঠাৎ বেড়াইতে আসিত; অমনি বাড়ীর কোন লোক চক্ষুর ইসারা করিত, আমি যেন প্রাণ ভয়ে যত্রতত্র—কখনও রান্নাঘরে ঝাঁপের অন্তরালে, কখনও কোন চাকরাণীর গোল করিয়া জড়াইয়া রাখা পাটির অভ্যন্তরে, কখনও তক্তপোষের নীচে লুকাইতাম।

বাচ্চাওয়ালী মুরগী যেমন আকাশে চিল দেখিয়া ইঙ্গিত করিবা তাত্র তাহার ছানাগুলি মায়ের পাখার নীচে পলায়, আমাকেও সেইরূপ পলাইতে হইত। কিন্তু মুরগীর ছানার ত মায়ের বুক স্বরূপ একটা নিদিষ্ট আশ্রয় থাকে, তাহারা সেইখানে পলাইয়া থাকে; আমার জন্য সেরূপ কোন নিদিষ্ট নিরাপদ স্থান ছিল না। আর মুরগীর ছানা স্বভাবতঃই মায়ের ইঙ্গিত বুঝে—আমার ত সেরূপ কোন স্বাভাবিক ধর্ম (instinct) ছিল না। তাই কোন সময় চক্ষের ইসারা বুঝিতে না পারিয়া দৈবাৎ না পলাইয়া যদি কাহারও সম্মুখীন হইতাম, তবে হিতৈষিনী মুরুন্নিগণ, “কলিকালের মেয়েরা কি বেহায়া, কেমন বেগমরং” ইত্যাদি বলিয়া গঞ্জনা দিতে কম করিতেন না।

আমার পঞ্চম বর্ষ বয়সে কলিকাতা থাকাকালীন আমার দ্বিতীয়া ভ্রাতৃবধুর খালার বাড়ী—বোহার হইতে দুইজন চাকরাণী তাঁহাকে দেখিতে আসিয়াছিল। তাহাদের ‘ফ্রী পাশপোর্ট’ ছিল,—তাহারা সমস্ত বাড়ীময় ঘুরিয়া বেড়াইত, আর আমি প্রাণ ভয়ে পলায়মান হরিণ শিশুর মত প্রাণ হাতে লইয়া যত্রতত্র—কপাটের অন্তরালে কিবা টেবিলের নীচে পলাইয়া বেড়াইতাম। ত্রিতলে একটা নির্জন চিল-কোঠা ছিল; অতি প্রত্যুষে আমাকে খেলাই কোলে করিয়া সেইখানে রাখিয়া আসিত; প্রায় সমস্ত দিন সেইখানে অনাহারে কাটাইতাম। বোহারের চাকরাণীময় সমস্ত বাড়ী তন্ন তন্ন করিয়া খুঁজিবার পর অবশেষে সেই চিল-কোঠারও সন্ধান পাইল। আমার এক সহবয়সী ভগিনী-পুত্র, হালু দোড়াইয়া গিয়া আমাকে এই বিপদের সংবাদ দিল। ভাগ্যে সেখানে একটা ছাপরখাট ছিল, আমি সেই ছাপরখাটের নীচে গিয়া নিঃশ্বাস বন্ধ করিয়া রহিলাম—ভয়, পাছে আমার নিঃশ্বাসের সাড়া পাইয়া সেই হৃদয়হীনা স্ত্রীলোকেরা খাটের নীচে উকি মারিয়া দেখে। সেখানে কতকগুলি বাক্স পেটারা, মোড়া ইত্যাদি ছিল। বেচারি হালু তাহার (৬ বৎসর বয়সের) ক্ষুদ্র শক্তি লইয়া সেইগুলি টানিয়া আনিয়া আমার চারি ধার দিয়া আমাকে ধিরিয়া রাখিল। আমার খাওয়ার খোঁজ খবরও কেহ নিয়মমত লইত না। মাঝে মাঝে হালু খেলিতে খেলিতে চিল-কোঠায় গিয়া উপস্থিত হইলে, তাহাকেই ক্ষুধা তৃষ্ণার কথা বলিতাম। সে কখনও এক প্লাস

পানি, কখনও খানিকটা 'বিগ্নি' (খই বিশেষ) আনিয়া দিত । কখনও বা খাবার আনিতে গিয়া আর ফিরিয়া আসিত না—ছেলে মানুষ ত, তুলিয়া বাইত । প্রায় চারিদিন আমাকে ঐ অবস্থায় থাকিতে হইয়াছিল ।

[২৪]

বেহার অঞ্চলে শরীফ ঘরানার মহিলাগণ সচরাচর রেলপথে ভ্রমণের পথে ট্রেনে উঠেন না । তাঁহাদিগকে বনাতের পর্দা ঢাকা পাঙ্কীতে পুরিয়া, সেই পাঙ্কী ট্রেনের মালগাড়ীতে তুলিয়া দেওয়া হয় । ফল কথা, বিবিরা পথের দৃশ্য কিছুই দেখিতে পান না । তাঁহারা ব্রুকবণ্ড চায়ের মত vacuum টিনে প্যাক হইয়া দেশ ভ্রমণ করেন । কিন্তু এই কলিকাতার এক ঘর সম্ভ্রান্ত পরিবার উহার উপরও টেকা দিয়াছেন । তাঁহাদের বাড়ীর বিবিদের রেলপথে কোথাও যাইতে হইলে প্রথমে তাঁহাদের প্রত্যেককে, পাঙ্কীতে বিছানা পাতিয়া, একটা তালপাতার হাত পাখা, এক কুজা পানি এবং একটা প্লাস-সহ বন্ধ করা হয় । পরে সেই পাঙ্কীগুলি তাঁহাদের পিতা কিম্বা পুত্রের সম্মুখে চাকরেরা যথাক্রমে—(১) বনাতের পর্দা দ্বারা প্যাক করে ; (২) তাহার উপর মোম-জমা কাপড় দ্বারা সেলাই করে ; (৩) তাহার উপর খারুম্মার কাপড়ে ঘিরিয়া সেলাই করে ; (৪) তাহার পর বোম্বাই চাদরের দ্বারা সেলাই করে ; (৫) অতঃপর সর্বোপরে চট মোড়াই করিয়া সেলাই করে । এই সেলাই ব্যাপার তিন চারি ঘন্টা ব্যাপিয়া হয়—আর সেই চারি ঘন্টা পর্যন্ত বাড়ীর কর্তা ঠায় উপস্থিত থাকিয়া খাড়া পাহারা দেন । পরে বেহারা ডাকিয়া পাঙ্কীগুলি ট্রেনের ব্রেকভ্যানে তুলিয়া দেওয়া হয় । অতঃপর গন্তব্য স্থানে পৌঁছিবার পর, পুনরায় পুরুষ অভিভাবকের সম্মুখে ক্রমান্বয়ে পাঙ্কী-গুলির সেলাই খোলা হয় । সেলাই খুলিয়া পাঙ্কীগুলি বনাতের পর্দা ঢাকা অবস্থায় রাখিয়া চাকরেরা সরিয়া যায় । পরে কর্তা স্বয়ং এবং বাড়ীর অপর আত্মীয় এবং মেয়েমানুষেরা আসিয়া পাঙ্কীর কপাট খুলিয়া মুমূর্ষা বন্দিনীদের অগ্গণ অবস্থায় বাহির করিয়া যথারীতি মাথায় গোলাপ জল ও বরফ দিয়া, মুখে চামচ দিয়া পানি দিয়া, চোখে মুখে পানির ছিঁটা দিয়া বাতাস করিতে থাকেন । দুই ঘন্টা বা ততোধিক সময়ের শুশ্রূষার পর বিবিরা স্বেপ্ত হন ।

[২৫]

“অবরোধ-বাসিনী”র ১১নং প্যারায় লিখিয়াছি যে, আমি গত ১৯২৪ সনে আমার দুই নাতিনের বিবাহোপলক্ষে আরায় গিয়াছিলাম । কিন্তু আমি আর

শহরটার সেই বাড়ীখানা এবং আকাশ ছাড়া আর কিছুই দেখিতে পাই নাই । আমার 'মেয়েকে' (অর্থাৎ মেয়ের মৃত্যুর পর জানাতার দ্বিতীয় পক্ষের স্ত্রীকে) সেই কথা বলায় তিনি অতি মিনতি করিয়া আমাকে বলিলেন, “আম্মা, আপনি যদি দয়া করিয়া শহর দেখিতে চান, তবে আমরাও আপনার জুতার বরকতে শহরটা একটু দেখিয়া লইব । আমরা সাত বৎসর হইতে এখানে আছি, কিন্তু শহরের কিছুই দেখি নাই ।” সদ্যপরিণীতা মজু এবং সবুও সকাতরে বলিল, “হাঁ নানি আম্মা, আপনি আন্বাকে বলিলেই হইবে ।”

আমি ক্রমান্বয়ে কয়েকদিন বাবাজীবনকে একখানা গাড়ী সংগ্রহ করিয়া দিতে বলায়, তিনি প্রতিদিনই অতি বিনীতভাবে জানাইতেন যে, গাড়ী পাওয়া যায় না । শেষের দিন বিকালে তাঁহার ১১ বৎসর বয়স্ক পুত্র আমাদের সংবাদ দিল যে, যদি বা একটা ভাড়াটে গাড়ী আসিয়াছে, কিন্তু তাহার জানালার একটা পাখী ভাঙ্গা । মজু অতি আশ্চর্যের সহিত বলিল, “সেখানটায় আমরা পর্দা করিয়া লইব—আম্মার ওয়াস্তে তুমি গাড়ী ফেরত দিও না ।” সবু ফিস্ ফিস্ করিয়া বলিল, “ভালই হইয়াছে, ঐ ভাঙ্গা জানালা দিয়া ভালমতে দেখা যাইবে ।” আমরা যত বারই গাড়ীতে উঠিতে যাইবার জন্য ভাড়া দিই, ততবারই শুনি : সবুর করুন, বাহিরে এখনও পর্দা হয় নাই ।

কিছুক্ষণ পরে গাড়ীতে গিয়া দেখি, সোবহান আম্মাহ্ ! দুই তিন খানা বোম্বাইয়ে চাদর দিয়া গাড়ীটা সম্পূর্ণ ঢাকিয়া ফেলা হইয়াছে । জানাতা স্বয়ং গাড়ীর দরজা খুলিয়া দিলেন, আমরা গাড়ীতে উঠিবার পর তিনি স্বহস্তে কাপড় দিয়া দরজা বাঁধিয়া দিলেন । গাড়ী কিছু দূরে গেলে, মজু সবুকে বলিল, “দেখ এখন ভাঙ্গা জানালা দিয়া ।” সেই পর্দার এক স্থলে একটা ছিদ্র ছিল, মজু, সবু এবং তাহাদের মাতা সেই দিকে ঝুঁকিয়া পড়িয়া দেখিতে লাগিলেন, আমি আর সে ফুটা দিয়া দেখিবার জন্য তাহাদের সহিত কাড়াকাড়ি করিলাম না ।

[২৬]

আমাদের ন্যায় আমাদের নামগুলি পর্যন্ত পর্দানশীনা । মেয়েদের নাম জানা যায়, কেবল তাহাদের বিবাহের কাবিন লিখিবার সময় । এক মন্ত জমিদারের তিন কন্যার বিবাহ একই সঙ্গে হইতেছিল । মেয়েদের ডাকনাম, বড় গোল্লা, মেঝো গোল্লা এবং ছোট গোল্লা—প্রকৃত নাম কেহই জানে না । তাহাদের সম্পর্কের এক চাচা হইলেন বিবাহ পড়াইবার মোল্লা । কন্যাদের বয়স অনুসারে

তিন জন বরের বয়সেরও তারতম্য ছিল। তিন জন বরই বিবাহ কেব্বে অনুপস্থিত। আমরা পাঠিকাদের সুবিধার নিমিত্ত বরদিগকে বয়স অনুসারে ১নং, ২নং এবং ৩নং বলিব।

মোম্বা সাহেবের হাতে তিন বর এবং তিন কন্যার নামের তালিকা দেওয়া হইয়াছে। তিনি যথাসময় বিবাহের মন্ত্র পড়াইতে বসিয়া ভ্রমবশতঃ বর ও কন্যাদের নাম গোলমাল করিয়া ১নং বরের সহিত ছোট গেম্‌লার বিবাহ দিয়া দিলেন; ৩নং বরের সহিত মেজো গেম্‌লার বিবাহ দিলেন। এখন ২নং বরের সহিত বড় গেম্‌লার বিবাহের পালা। মেজো ও ছোট গেম্‌লার বয়স খুব অল্প,— ১১ এবং ৭ বৎসর, তাই তাহারা কোন উচ্চ বাচ্য করে নাই। কিন্তু বড় গেম্‌লার বয়স ১৯ বৎসর; সে লুকাইয়া ছাপাইয়া মুরুব্বিদের কথাবার্তা শুনিয়া জানিয়াছিল, তাহার বিবাহ হইবে, ১নং বরের সহিত। আর বরের নামও তাহার জানা ছিল। সুতরাং ২নং বরের নাম লইয়া মোম্বা সাহেব যখন বড় গেম্‌লার 'এজেন' চাহিলেন, সে আর কিছুতেই মুখ খোলে না। মা, মাসীর উৎপাদন সহ্য করিয়াও যখন সে কিছু বলিল না, তখন তাহার মাতা আর ধৈর্য ধারণ করিতে না পারিয়া মোম্বা সাহেবকে বলিলেন, "হাঁ, গেম্‌লা 'হ' বলেছে; বিয়ে হয়ে গেছে, তুমি আর কতকক্ষণ হয়রান হবে।" তিনি বলিলেন, আমরা গেম্‌লার মুখের 'হ' শুনি নাই, তবে কি আপনার 'হ' লইয়া আপনারই বিবাহ পড়াইব নাকি? তদুত্তরে ক'নের মা তাহার পিঠে এক বিরাট কিল বসাইয়া দিলেন। অবশেষে গেম্‌লা বেচারী 'হ' বলিল কিনা, আমরা সে খবর রাখি না।

এদিকে যথাসময় টেলিগ্রাফযোগে ৩০ বৎসর বয়স্ক ১নং বর যখন জানিলেন যে, তাহার বিবাহ হইয়াছে, (১৯ বৎসর বয়স্ক বড় গেম্‌লার পরিবর্তে) সর্বকনিষ্ঠা ৭ম বর্ষীয়া ছোট গেম্‌লার সহিত, তখন তিনি চাটয়া লাল হইলেন,— শাশুড়ীকে লিখিলেন কন্যা বদল করিয়া দিতে; নচেৎ তিনি তাহার বিরুদ্ধে জুয়াচুরির শোকদ্দমা আনিবেন, ইত্যাদি ইত্যাদি।

[২৭]

প্রায় ১০।১১ বৎসরের ঘটনা। বলিয়াছি ত বেহার অঞ্চলে বিবাহের তিন মাস পূর্বে 'মাইয়া খানায়' বন্দী করিয়া মেয়েদের আধমরা করা হয়। ও কখনও ঐ বন্দীশালায় বসিবার মেয়াদ,—যদি বাড়ীতে কোন দুর্ঘটনা হইয়া বিবাহের তারিখ পিছাইয়া যায় তবে বৎসর কালও হয়; এক বেচারী সেইরূপ ছয় মাস পর্যন্ত

বন্দিনী ছিল। তাহার শ্রান, আহার প্রভৃতির বিষয়েও যথাবিধি যত্ন লওয়া হইত না। একেই ত বিহারী লোকেরা সহজে শ্রান করিতে চায় না, তাহাতে আবার ‘মাইয়া খানার’ বন্দিনী যেকোন কে যখন শ্রান করাইবে? ঐ সময় মেয়ে মাটিতে পা রাখিবে না—প্রয়োজন মত তাহাকে কোলে করিয়া শ্রানাগারে লইয়া যাওয়া হয়। তাহার নড়াচড়া সম্পূর্ণ নিষেধ। সমস্ত দিন মাথা গুঁজিয়া একটা খাটিয়ার উপর বসিয়া থাকিতে হয়, রাত্রিকালে সেখানেই শুইতে হয়। অপরে মুখে তুলিয়া ভাতের খাস খাওয়ায়, অপরে ‘অবখোরা’ ধরিয়া পানি খাওয়াইয়া দেয়। মাথার চুলে জটা হয়, হটক—সে নিজে মাথা আঁচড়াইতে পারিবে না। ফল কথা, প্রত্যেক বিষয়ের জন্য তাহাকে পরের মুখাপেক্ষী হইয়া থাকিতে হয়। যাহা হটক, ছয় মাস অন্তর সেই মেয়েটির বিবাহ হইলে দেখা গেল, সর্বদা চক্ষু বুজিয়া থাকার ফলে তাহার চক্ষু দুইটি চিরতরে নষ্ট হইয়া গিয়াছে।

[২৮]

বহুকালের ঘটনা। বহু পুণ্যফলে আরবদেশীয় কোন মহিলা কলিকাতায় তশরীফ আনিয়াছিলেন। তিনি ভাঙ্গা ভাঙ্গা উর্দু বলিতে শিখিয়াছিলেন। যখন দলে দলে বিবিরা পাক্ষীযোগে তাঁহার জেয়ারত করিতে আসিতেন, তিনি পাক্ষী দেখিয়া হয়রান হইতেন যে এ ‘আজাব’ কেন?

একদিন পূর্ববঙ্গের এক বিবি আসিয়াছিলেন। আরবীয়া মহিলা কুশল প্রশ্ন-প্রসঙ্গে আগন্তুক বিবির স্বামীর কুশল জিজ্ঞাসা করিলে উত্তর দান কালে বাঙ্গাল বিবি মাথার ঘোমটা টানেন আর বলেন, “তানি ত বালই আছেন। তানার আবার কি অইব? তানি ত বালই আছেন।” বোচারী আরবীয়া বিবি বুঝিতেই পারিলেন না যে, স্বামীর কুশল বলিবার সময় ঘোমটা টানার প্রয়োজন হইল কেন?

আরবীয়া বিবি বাঙ্গালার বিবিদের পাক্ষীতে উঠা ব্যাপারটা কৌতূকের সহিত দাঁড়াইয়া দেখিতেন। একদিন এক বোরকা-পরিহিতা পাক্ষীতে উঠিলেন, তাঁহার কোলে দুই বৎসরের শিশু, সঙ্গে পানদান, একটা বড় কাঠের বাস্ক, একটা কাপড়ের গাঁঠরী এবং এক কুজা পানি। পাক্ষীটার বেতের ছাউনি ভাঙ্গা ছিল, তাহা পূর্বে কেহ লক্ষ্য করে নাই। বেহারাগণ যখন পাক্ষী তুলিল, অমনি মড় মড় করিয়া পাক্ষীর বেতাসন ভাঙ্গিতে লাগিল। পাক্ষীর দুই পার্শ্বে দুইজন বরকন্দাজ চলিয়াছে—তাঁহার শিশুটিকে সন্ধান করিয়া জিজ্ঞাসা করিল, “সাহেবজাদা, মড় মড় শব্দ

করে কি ?” কিন্তু পান্ধী হইতে কোন উত্তর আসিল না।—একটু পরে গোট পায় হইয়া পান্ধীটা অভ্যস্ত হালুকা বোধ হওয়ায় বেহারাগণ খমকিয়া দাঁড়াইল। ওদিকে ভাঙ্গা পান্ধী গলাইয়া বোরকা-পরা বিবি ছেলেকে আকড়িয়া ধরিয়া মাটিতে বসিয়া পড়িয়াছেন ; গাঁঠরী, পানদান সব ইতস্ততঃ বিক্ষিপ্ত। কুজা ভাঙ্গিয়া পানি পড়িয়া তিনি ভিজিয়া গিয়াছেন,—কিন্তু তবু মুখে বলেন নাই—“পান্ধী ধামাও।” কলিকাতার রাস্তায় এই ব্যাপার।—বেচারী আরবের বিবি তাড়াতাড়ি চাকরানী পাঠাইয়া বিবিটিকে আনাইয়া বলিলেন, “বিবি, পান্ধীর এমন তামাসা দেখিবার জন্য আমি প্রস্তুত ছিলাম না।”

[২৯]

একবার আমি কোন একটি লেডীজ কনফারেন্স উপলক্ষে আলীগড়ে গিয়াছিলাম। সেখানে অভ্যাগতা মহিলাদের নানাবিধ বোরকা দেখিলাম। একজনের বোরকা কিছু অদ্ভুত ধরণের ছিল। তাঁহার সহিত আলাপ পরিচয়ের পর তাঁহার বোরকার প্রশংসা করায় তিনি বলিলেন,—“আর বলিবেন না—এই বোরকা লইয়া আমার যত লাঞ্ছনা হইয়াছে।” পরে তিনি সেই সব লাঞ্ছনার বিষয় যাহা বলিলেন, তাহা এই :—

তিনি কোন বাঙ্গালী ভদ্রনোকের বাড়ী শাদীর নিমন্ত্রণে গিয়াছিলেন। তাঁহাকে (বোরকা-সহ) দেখিবা মাত্র লেখানকার ছেলেমেয়েরা ভয়ে চীৎকার করিয়া কে কোথায় পানাইবে, তাহার ঠিক নাই। আরও কয়েক ঘর বাঙ্গালী ভদ্রনোকের সহিত তাঁহার স্বামীর আলাপ ছিল, তাই তাহাকে সকলের বাড়ীই যাইতে হইত। কিন্তু যতবার যে বাড়ী গিয়াছেন, ততবারই ছেলেদের সভয় চীৎকার ও কোলাহল সৃষ্টি করিয়াছেন। ছেলেরা ভয়ে ধর ধর কাঁপিত।

তিনি একবার কলিকাতায় আসিয়াছিলেন। তাঁহারা চারি পাঁচ জনে বোরকা-সহ খোলা মোটরে বাহির হইলে পথের ছেলেরা বলিত, “ও মা। ওগুলো কি গো ?” একে অপরকে বলে, “চুপ কর।—এই রাত্রিকালে ওগুলো ভুত না হয়ে যায় না।” বাতাসে বোরকার নেকাব একটু আধটু উড়িতে দেখিলে বলিত—“দেখ রে দেখ। ভুতগুলার শুঁড় নড়ে। বাবা রে। পাল্লা রে।

তিনি এক সময় দাঙ্গিলিং গিয়াছিলেন। য়ুম স্টেশনে পৌঁছিলে দেখিলেন, সমবেত জনসংগলী একটা বামন লোককে দেখিতেছে—বামনটা উচ্চতায় একটা ৭।৮ বৎসরের বালকের সমান, কিন্তু মুখটা বয়োঃপ্রাপ্ত যুবকের, মুখ-ভরা দাড়ী

গোঁফ । হঠাৎ তিনি দেখিলেন, জনমণ্ডলীর কৌতুকপূর্ণ দৃষ্টি তাঁহার দিকে । দর্শকেরা সে বামন ছাড়িয়া এই বোরকা-ধারিণীকে দেখিতে লাগিল ।

অতঃপর দাজিলিং পৌছিয়া তাঁহারা আহাৰাস্তে বেড়াইতে বাহির হইলেন, অর্থাৎ রিক্শ গাড়ীতে করিয়া যাইতেছিলেন । ‘নেলে’ গিয়া দেখিলেন, অনেক ভীড় ; সেদিন তিব্বত হইতে সেনা ফিরিয়া আসিতেছিল, সেই দৃশ্য দেখিবার জন্য লোকের ভীড় । তাঁহার রিক্শখানি পথের এক ধারে রাখিয়া তাঁহার কুলিরাও গেল,—তামাসা দেখিতে । কিয়ৎক্ষণ পরে তিনি দেখেন, দর্শকেরা সকলেই এক একবার রিক্শর ভিতর উকি মারিয়া তাঁহাকে দেখিয়া যাইতেছে ।

তিনি পদব্রজে বেড়াইতে বাহির হইলে পথের কুকুরগুলা ঘেউ ঘেউ করিয়া তাঁহাকে আক্রমণ করিতে আসিত । দুই একটা পার্ভত্য ষোড়া তাঁহাকে দেখিয়া ভয়ে সওয়ার-শুদ্ধ লাফালাফি আরম্ভ করিত । একবার চায়ের বাগানে বেড়াইতে গিয়া দেখেন, তিন চারি বৎসরের এক বালিকা মস্ত চিল তুলিয়াছে, তাঁহাকে মারিতে । *

একবার তাঁহার পরিচিতা আরও চারি পাঁচজন বিবির সহিত বেড়াইবার সময় একটা ক্ষুদ্র ঝরণার ধারে কঙ্করবিশিষ্ট কাদায় সকলেই বোরকায় জড়াইয়া পড়িয়া গেলেন । নিকটবর্তী চা বাগান হইতে কুলিরা দৌড়িয়া আসিয়া তাঁহাদের তুলিল ; আর স্নেহপূর্ণ ভৎসনায় বলিল, “একে ত জুস্তা পরেছ, তার উপর আবার ষেরাটোপ,—এ অবস্থায় তোমরা গড়াইবে না ত কি করিবে ?” আহা । বিবিদের কারচুবি কাজ করা দো-পাটা কাদায় লতড়-পতড়, আর বোরকা ভিজিয়া তর-বতর ।

কেবল ইহাই নহে, পথের লোক রোরুদ্যমান শিশুকে চুপ করাইবার নিমিত্ত তাঁহাদের দিকে অঙ্গুলী নির্দেশ করিয়া বলিত,—“চুপ কর, ঐ দেখ মক্কা মদিনা যায়,—ঐ ।—ষেরাটোপ জড়ানো জুজুবুড়ী,—ওরাই মক্কা মদিনা ॥”

[৩০]

কোন একটি কূলে শীলে ধন্য সৎপাত্রেস সহিত এক জমিদারের বয়োপ্রাপ্তা কন্যার বিবাহ ঠিক হইয়াছিল । কি কারণে বরের পিতার সহিত কন্যাকর্তার

* বাঙ্গালী ও গুর্খায় প্রভেদ দেখুন, যৎকালে বাঙ্গালী ছেলেরা ভয়ে চীৎকার করিয়া দৌড়াদৌড়ি করিয়া পলাইত, সে সময় গুর্খাশিশু আত্মরক্ষার জন্য চিল তুলিয়াছে সে ভয়ানক বস্তুকে মারিতে ।

স্বগড়া হওয়ায় বিবাহের সম্বন্ধ ভাঙ্গিয়া গেল । ইহাতে পাত্রী বারপরনাই দুঃখিতা হইল ।

কন্যার পিতা তাড়াতাড়ি অন্য বর না পাইয়া নিজের এক দুরাচার ভ্রাতৃপুত্রের সহিত কন্যার বিবাহ দিতে বসিলেন । সে বেচারী তাহার খুড়তাতো ভাইয়ের কুকীর্তির বিষয় সমস্তই অবগত ছিল,—কত দিন সে নিজেই ঐ মাতালটাকে তেঁতুলের শরবত খাওয়াইয়া এবং মাথায় জল ঢালিয়া তাহার মাতলামী দূর করিতে চেষ্টা করিয়াছে । সুতরাং এই বিবাহে তাহার ষোল আপত্তি ছিল ।

কিন্তু পাত্রী ত মুক,—তাহার বাক্শক্তি থাকিয়াও নাই । তাহার একমাত্র সম্বল নীরব রোদন । তাই সে কেবল কাঁদিয়া কাঁদিয়া চক্ষু ফুলাইয়াছে, আহার নিজে ত্যাগ করিয়াছে । কিন্তু নির্ধুর পিতামাতার কক্ষেপ নাই,—তাঁহারা ঐ মাতালের সহিত তাহার বিবাহ দিবেনই দিবেন । এইরূপেই আমাদের কাঠমোলা শ্রেণীর মুকুন্দিগণ শরিয়তের গলা টিপিয়া মারিয়া ইসলাম ও শরিয়ত রক্ষা করিতেছেন ।

বিবাহ-সভায় বসিয়া পাত্রী কিছুতেই ‘হ’ বলিতেছিল না । মাতা, পিতামহী প্রভৃতির অনুনয়, সাধ্য-সাধনা, মিষ্ট ভৎসনা,—সবই সে দুই চক্ষের জলে ভাসাইয়া দিতেছিল । অবশেষে একজনে অতর্কিতে কন্যাকে খুব জোরে চিমটি কাটিল ; সেই আঘাতে সহসা “উহ ।” বলিয়া সে কাতর ধ্বনি করিয়া উঠিল । সেই “উহ” কে “হ” বলিয়া ধরিয়া লইয়া তাহার বিবাহ-ক্রিয়া সমাপ্ত হইল । সোবহান্ আম্মাহ্ ! জয়, অবরোধের জয় !

[৩১]

একবার কোন স্থলে চলন্ত ট্রেনে মেয়েমানুষদের কক্ষে একটা চোর উঠিল । চোর বহাল তবিয়তে একে একে প্রত্যেকের অলঙ্কার খুলিয়া লইল ; কিন্তু লজ্জায় জড়সড় লজ্জাবতী অবলা সরলা কুলবালাগণ কোন বাধা দিলেন না । তাঁহারা সকলে ক্রমাগত ষোমটা টানিতে থাকিলেন । “তওবা । তওবা । কাহাঁ সে মর্দুয়া আ গয়া ।” বলিয়া কেহ কেহ বোরকার নেকাষ টানিলেন । পরে চোর স্বাশয় ট্রেনের এলার্ভের শিকল টানিয়া গাড়ী খামাইয়া নিবিষ্টে নামিয়া গেল ।

[৩২]

ভাংনীর জন্মদার সাহেবের ডাক নাম,—ধরুন,—বাচ্চা মিয়া । তাঁহার পক্ষীর নাম হাসিনা খাতুন । হাসিনার পিতার বিশাল সম্পত্তি,—অগাধ টাকা ।

একবার বাচ্চা মিয়া জীকে বলিলেন, “আমার টাকার দরকার, আজই তোমার পিতার নিকট পত্র লিখাইয়া টাকা আনাইয়া দাও।” যথাসময়ে টাকার পরিবর্তে তথা হইতে মিতব্যয়ের উপকারিতা সম্বন্ধে এক বক্তৃতার ন্যায় পত্র আসিল।

বাচ্চা মিয়ার শৃঙ্গুর অনেকবার জামাতাকে টাকা দিয়াছেন। এখন টাকা দানে তাঁহার অরুচি জন্মিয়া গিয়াছে। তাই কন্যাকে টাকা না পাঠাইয়া উপদেশ পাঠাইলেন। ইহাতে বাচ্চা মিয়া রাগ করিয়া জীর ‘নাইওর’ (পিত্রালয়) যাওয়া বন্ধ করিয়া দিলেন।

এক দিকে পিতামাতা কাঁদেন, অপর দিকে হাসিনা নীরবে কাঁদেন—পরস্পরে দেখা সাক্ষাৎ আর হয় না। কিছুকাল পরে হাসিনার ভ্রাতা তাঁহাকে দেখিতে আসিলেন।

তিনি সোজা ভাংনী না গিয়া পথে দুই ক্রোশ নূরে ফুলচৌক নামক গ্রামে তাঁহার মাসীমার বাড়ীতে উপস্থিত হইলেন। পরদিন প্রাতঃকালে ভাংনীতে সংবাদ পাঠাইলেন যে, তিনি অপরাহ্নে তথায় যাইবেন।

যাহাতে ভ্রাতা ও ভগিনীতে দেখা না হইতে পারে, সে জন্য বাচ্চা মিয়া এক ফন্দী করিলেন। তিনি জীকে বলিলেন যে, তাঁহাদের লইয়া যাইবার জন্য ফুলচৌকী হইতে লোক আসিয়াছে। হাসিনা স্বামীর চালবাজী জানিতেন, সহসা তাঁহার কথায় বিশ্বাস করিলেন না। তিনি কোন প্রকারে জানিতে পারিয়াছিলেন যে, অদ্য অপরাহ্নে তাঁহার ভাই সা’ব আসিবেন।

বাচ্চা মিয়া পুনরায় কহিলেন, “ভাই সা’বের মাথা ধরিয়াছে, তিনি আজ আসিতে পারিবেন না। সেই জন্য খালা আশ্রা ইয়ার মাহমুদ সর্দারকে পাঠাইয়াছেন আমাদের লইয়া যাইতে। তুমি আমার কথা বিশ্বাস না কর ত চল দেউড়ী ঘরে গিয়া স্বকর্ণে সর্দারের কথা শুন।”

তদনুসারে দেউড়ী ঘরের ঝরের বাহিরে ইয়ার মাহমুদকে ডাকিয়া আনা হইল। ঘরের ভিতর হইতে বাচ্চা মিয়া জিজ্ঞাসা করিলেন, “ইয়ার মাহমুদ! তুমি এখন ফুলচৌকী হইতে আইস নাই?” সে উত্তর করিল, “হাঁ, হজুর! আমিই খবর নিয়া আসিয়াছি—” বাচ্চা মিয়া তাড়াতাড়ি অন্য কথা পাড়িয়া তাহাকে আর বেশী কিছু বলিতে দিলেন না।

হাসিনা হাসি-খুশী, মাসীমার বাড়ী যাইতে প্রস্তুত হইলেন। তাঁহার জন্য বানাতের ষেরাটোপ টাকা পাকী সাজিল, তাঁহার বাদীদের জন্য খেরুমার ওয়াড় ষেরা গোটা আটেক ডুলী সাজিল, বাচ্চা মিয়ার মেয়ানা (খোলা পাকী বিশেষ)

সাজিল। আর্দালী, বরকন্দাজ, আলাবরদার, সোটাবরদার ইত্যাদিসহ তাঁহারা বেলা ১টার সময় রওয়ানা হইলেন।

পথে যখন হাসিনা বুঝিতে পারিলেন যে, দুইখানি ডিঙ্গী নৌকা জুড়িয়া তার উপর তাঁহার পাকী রাখিয়া নদী পার করা হইতেছে, তখন তিনি রোদন আরম্ভ করিলেন যে, ফুলচোকী বাইতে ত নদী পার হইতে হয় না—আল্লা রে, আল্লাহ্ ! সা'ব তাঁহাকে এ কোন জায়গায় আনিলেন !! পাকীতে মাথা ঠুকিয়া কামা ছাড়া অবরোধ-বাসিনী আর কি করিতে পারে ?

[৩৩]

প্রায় ১৮ বৎসর হইল, কলিকাতায় একটা দেড় বৎসর বয়স্ক শিশুর জ্বর হইয়াছিল। তাঁহাদের অবরোধ অতি কঠোর,—তাই অতটুকু মেয়েকেও কোন হি-ডাক্তার দেখিতে পাইবেন না, স্নতরাং শি-ডাক্তার আসিয়াছেন। বাড়ী ভরা যে স্ত্রীলোকেরা আছেন, তাঁহাদের একমাত্র 'শরাফত' ব্যতীত আর কোন গুণ নাই। তাঁহারা লেডী ডাক্তার মিস গুপ্তকে ধিরিয়া দাঁড়াইয়া আছেন। মিস গুপ্ত দেখিয়া গুনিয়া রোগী-মেয়েকে গরম জলে স্নান করাইতে চাহিলেন।

শি-ডাক্তার মিস গুপ্ত চাহেন গরম জল,—বিবির। দেখেন একে অপরের মুখ। তিনি চাহেন ঠাণ্ডা জল,—বিবির। বলেন, “বাপ্ রে। ঠাণ্ডা জলে স্নান করালে মেয়ের জ্বর বেড়ে যাবে।” ফল কথা, বেচারী মিস গুপ্ত সে দিন কিছুতেই তাঁহাদিগকে নিজের বক্তব্য বুঝাইতে পারিলেন না। তিনি বাহিরে আসিয়া কর্তার নায়েব সাহেবকে সমস্ত বলিয়া বিদায় হইবার সময় বলিলেন, তিনি এ বাড়ীতে আর আসিবেন না। নায়েব সাহেব অনেক অনুনয় বিনয় করিয়া তাঁহাকে ১৬ ফী গছাইয়া দিয়া পর দিন আবার আসিতে বলিলেন।

পরদিন আবার শি-ডাক্তার মিস গুপ্তকে লইয়া বাড়ীর গিন্নীদের গওগোল আরম্ভ হইল। বে-গতিক দেখিয়া নায়েব সাহেব তাঁহার পরিচিতা জনৈকা মহিলাকে আনিয়া মিস গুপ্তের নিকট পাঠাইয়া দিলেন। বাঁগাপাণি (নায়েব সাহেবের প্রেরিতা সেই বাঙ্গালী মহিলা) আসিয়া দেখেন, লেডী ডাক্তার রাগিয়া ভূত হইয়া আছেন। আর সমবেত বিবির। দাঁড়াইয়া ভয়ে ধর ধর কাঁপিতেছেন,— তাঁহাদের মুখে খান দিলে খই ফোটে। শেষে মিস গুপ্ত গর্জন করিয়া বলিলেন, “বয়্ তাহায়া দেখেনে নেহী আয়ী হেঁ।”

বীণাপাণি চুপি চুপি বিবিদের জিজ্ঞাসা করিলেন যে, ব্যাপার কি ? তাঁহারা বলিলেন, বুঝিতে পারি না,—তিনি তোয়ালে চাহেন, টব চাহেন, কিন্তু আমরা যাহা দেই, তাহাই দূরে ছুঁড়িয়া ফেলেন ।

পরে তিনি মিস গুপ্তকে তাঁহার বিরক্তির কারণ জিজ্ঞাসা করায় তিনি হাতের ঘড়ী দেখিয়া বলিলেন, “দেখুন দেখি । আধ ঘন্টার উপর হয়ে এ’ল, এখন পর্যন্ত ষ্বেয়কে স্নান করাবার জন্য কোন জিনিস পেলুম না ।” বীণা গভয়ে বলিলেন, “উহারা যে জিনিস দেন, তাই নাকি আপনি পছন্দ করেন না ?”

মিস গুপ্ত বলিলেন, কি করে পছন্দ করব বলুন দেখি ? আমি চাই একটা বাথ-টাব, তাতে বসিয়ে শিশুকে স্নান করাব, ওঁরা দেন আমাকে এতটুকু একটা একসেরা ডেকচি—কাজেই আমি ছুঁড়ে ফেলেছি । আপনি বলুন, এতটুকু ডেকচির ভিতর আমি শিশুকে বসাই কি ক’রে ? আমি চাই নরম পুরাতন কাপড়, শিশুর গা মুছে দেবার জন্য, ওঁরা দেন আমাকে নুতন খস্খসে তোয়ালে,—কাজেই আমি ছুঁড়ে ফেলে দিয়েছি । আমাকে ঐশ্বর্য দেখান যে, নুতন তোয়ালে আছে । এঁরা মনে করেন যে, এঁরা পীর—তাই everybody should worship them ।

শেষে বীণা সমস্ত জিনিস যোগাড় করিয়া দিয়া শিশুকে স্নান করাইতে মিস গুপ্তের সাহায্য করিলেন । তখন রাগ পড়িয়া গিয়া তাঁহার মুখে হাসি ফুটিল ; বিবিরাও নিঃশ্বাস ছাড়িয়া বাঁচিলেন ।

[৩৪]

শুনিয়াছি বঙ্গদেশের কোন শরীফ খান্দানের বাড়ীর নিয়ম এই যে, বিবাহের সময় কন্যাকে ‘হঁ’ বলিয়া এজেন দিতে হয় না । মেয়ের কণ্ঠস্বরের ঐ ‘হঁ’ টুকুই বা পর-পুরুষে শুনিবে কেন ? সেই জন্য বিবাহ-সভায় মোটা পর্দার একদিকে পাত্রীর উকিল, সাক্ষী, আত্মীয়স্বজন এবং বর-পক্ষের লোকেরা থাকে, অপর পাশে কন্যাকে লইয়া স্ত্রীলোকেরা বসে । পর্দার নীচে একটা কাঁসার থালা থাকে,—থালার অর্ধেক পর্দার এপারে, অপর অর্ধাংশ পর্দার ওপারে থাকে ।

বিবাহের কলেবা পড়ার পর কন্যার কোন সজিনী বা চাকরাণী একটা সরোতা (যাঁতী) সেই থালার উপর ঝানাৎ করিয়া ফেলিয়া দেয়—যাঁতীটা সশব্দ পুরুষের দিকে গিয়া পড়িলে বিবাহ-ক্রিয়া সমাপ্ত হয় ।

এই প্রসঙ্গে আমার আর একটি কথা মনে পড়িল। লক্ষ্মী-এর এক বিবির সহিত আমার আলাপ আছে। একদিন তাঁহার বাড়ী বেড়াইতে গিয়াছি; কিছুক্ষণ পরে তাঁহার সপ্তম বর্ষীয় পুত্র দুষ্টানী করায় তিনি তাহাকে “হারামী—” বলিয়া গালি দিয়া মারিতে উদ্যত হইলেন। ছেলে পলাইয়া গেলে পর আমি তাঁহাকে বিনা সঙ্কোচে জিজ্ঞাসা করিলাম, এ গালি তিনি কাহাকে দিলেন,—ছেলেকে, না ছেলের মাতাকে? তিনি তদুত্তরে সহাস্যে বলিলেন যে, বিবাহের সময় যদিও তিনি বয়োপ্রাপ্তা ছিলেন তথাপি কেহ তাঁহার মতামত জিজ্ঞাসা করে নাই। বিবাহ মজলিসে তিনি ‘হঁ’ ‘হাঁ’ কিছুই বলেন নাই; জবরদস্তী তাঁহার শাদী দেওয়া হইয়াছে। স্মৃতরাং তাঁহার “সব বাচ্চে হারামজাদে!”

[৩৫]

মরহুম মোলবী নজীর আহমদ খাঁ বাহাদুরের প্রসিদ্ধ গ্রন্থে লিখিত দিল্লী গদরের সময় অবরোধ-বন্দিনী মহিলাদের দুর্দশার বর্ণনা হইতে অংশ বিশেষের অনুবাদ এই :

রাত্রি ১০টার সময় আমার ভাইজানকে কাপ্তেন সাহেবের প্রেরিত লোকটি বলিল যে, আমরা রাত্রি ২টার সময় বিদ্রোহীদের আক্রমণ করিব। আপনাদের বাড়ীর নিকটেই তোপ লাগান হইয়াছে। অতএব, আপনারা আক্রমণের পূর্বেই প্রাণ লইয়া পলায়ন করুন। এ সংবাদ শুনিবা মাত্র আমাদের আত্মা শুকাইয়া গেল। কিন্তু কোন উপায় ছিল না।

শেষে আমরা পদব্রজে যাত্রা করিতে বাধ্য হইলাম। সে দিনের দুঃখের কথা মনে হইলে এখনও মনে দুঃখ হয়, হাসিও পায়। এক কর্ত্রী সাহেবা সমস্ত ধন-দৌলত ছাড়িয়া পানদান সঙ্গে লইয়া চলিলেন। হতভাগীদের মোটেই হাঁটিবার অভ্যাস নাই—এখন প্রাণের দায়ে হাঁটিতে গিয়া কাহারও জুতা খসিয়া রহিয়া গেল, কাহারও ইজারবন্দ পায়ে জড়াইয়া গেল; সে দিন যাঁর পায়জামার পায়চা যত বড় ছিল, তাঁহারই হাঁটিতে তত অধিক কষ্ট হইতেছিল। ভাইজান সে সময় তিষ্ঠ বিরক্ত হইয়া তাঁহাদের বলিতেছিলেন, “কমবখতিরা আরও দুই ধান নয়নস্ব্খের পায়জামা বানাও। লাহোরের রেশমী ইজারবন্দ আরও জরির ঝালর লাগাইয়া লম্বা কর।”

বেচারারা বাজারের পথে চলিলেন; তাগো রাত্রি ছিল, তাই রক্ষা। অর্থাৎ আমাদের তৎকালীন দুর্গতি দেখিবার জন্য লোকের ভিড় হয় নাই। আহা রে ১

সকলের পা ফুলিয়া ভারী হইল যেন এক এক মণ,—দুই পা চলেন আর হেঁচট খান, বার বার পড়েন। একজন পথে বসিয়া একেবারে এলাইয়া পড়িলেন যে, আর তিনি হাঁটিতে পারিবেন না। কেবল পায়ে ব্যথা নয়, আমাদের সর্বাত্মক বেদনা হইয়া গেল। বেচারী বিবিদের লাঞ্ছনার অবধি ছিল না।

কিছুদূর যাইয়া দেখি, হাজার হাজার গোরা আর শিখ সৈন্য সারি বাঁধিয়া চলিয়া আসিতেছে। তাহা দেখিবা মাত্র ভয়ে আমাদের প্রাণ উড়িয়া গেল। আরও চলচ্ছক্তিবিহীন হইয়া পড়িলাম।

অবশেষে বহু কষ্টে কিছুদূর গিয়া ভাইজান চারটা গাধা সংগ্রহ করিলেন। শেষে গাধায় উঠিয়া বিবির রক্ষা পাইলেন।

[৩৬]

শীতকাল। মাঘ মাসের শীত। সেই সময় কোথা হইতে এক ভালুকের নাচওয়ালারা গ্রামে আসিল। গ্রামে কোন নূতন কিছু আসিলে প্রথমে তাহাকে জমীদার বাড়ীতে হাজিরা দিতে হয়। তদনুসারে ভালুকওয়ালারা জমীদার বাড়ীতেই অতিথি হইয়াছে। প্রশস্ত দালানের উত্তর দিকের মাঠে প্রত্যহ ভালুকের নাচ হয়,—গ্রামশুদ্ধ লোকে আসিয়া নাচ দেখে। কিন্তু বাড়ীর বউ স্ত্রী সে নাচ দেখা হইতে বঞ্চিত।

ছোট ছেলেরা এবং বুড়ী চাকরাণীরা আসিয়া গিন্নীদের নিকট গল্প করে,— ভালুকে খেমটা নাচ নাচে; ধমকা নাচ নাচে। এমন করিয়া ভালুকওয়ালার সঙ্গে কুস্তি লড়ে; এমন করিয়া পাছাড় ধরে।—ইত্যাদি। এইসব গল্প শুনিয়া শুনিয়া কর্তার দুইজন অল্পবয়স্কা পুত্রবধুর সাধ হইল যে, একটু নাচ দেখিবেন। বেশী দূর যাইতে হইবে না, ছোট বউবিবির কামরার উত্তর দিকের জানালার ঝরোকা (খড়খড়ির পাখী) একটু তুলিলেই স্পন্দিত দেখা যায়।

যেই বধুয় ঝরোকা তুলিয়াছেন, অমনি তাঁহাদের চারি বৎসর বয়স্কা ননদ জোহরা দৌড়াইয়া আসিয়া বলিল যে, সেও দেখিবে। একজন তাহাকে কোলে তুলিয়া দেখাইতে লাগিলেন। জোহরা কখনও বাড়ীর উঠানে নামিয়া কুকুর বিড়াল পর্যন্ত দেখে নাই,—এখন দেখিল একেবারে ভালুক। ভালুক কুস্তি লড়িতেছিল, তাহা দেখিয়া জোহরা ভয়ে চীৎকার করিয়া অজ্ঞান হইয়া পড়িল। ভালুকের নাচ দেখা মাথায় থাকুক—এখন জোহরাকে লইয়া তাঁহারা ব্যস্ত হইয়া পড়িলেন।

জোহরার জ্ঞান হইল বটে, কিন্তু তাহার ভয় গেল না। রাত্রিকালে হঠাৎ চীৎকার করিয়া জাগিয়া উঠিয়া ভয়ে থর থর কাঁপে। অবস্থা সঙ্কটাপন্ন দেখিয়া সুদূর সদর জেলা হইতে বহু অর্থ ব্যয়ে ডাক্তার আনিতে হইল। ডাক্তার সাহেব সকল অবস্থা শুনিয়া জিজ্ঞাসা করিলেন, শিশু কোন প্রকারে ভয় পাইয়াছিল না কি ? কথা গোপন থাকে না, জানা গেল ভালুকের নাচ দেখিয়া ভয় পাইয়াছিল।

এদিকে কর্তা সন্ধান লইতে লাগিলেন, জোহরাকে ভালুক-নাচ দেখাইল কে ? খেলাই আশা প্রভৃতি সকলে একবাক্যে অস্বীকার করিল যে, তাহারা সাহেবজাদীকে ভালুকের নাচ দেখায় নাই। অবশেষে জানা গেল, বউ বিবির। দেখাইয়াছেন। তখন তাঁহার ক্রোধ চরমে উঠিল। জোহরা মরে মরুক, তাহাতে কর্তার তত আপত্তি নাই ; কিন্তু এই যে বাড়ীময় রাষ্ট্র হইল যে, তাঁহার পুত্রবধুগণ বেগানা মরদের তামাসা দেখিতে গিয়াছিলেন তিনি এ লজ্জা রাখিবেন কোথায় ? ছি ! ছি ! ভিন্ন ধর্মান্বলম্বী সিভিল সার্জন ডাক্তারও শুনিয়া মৃদু হাসিলেন যে, বউয়ের। ভালুকের নাচ দেখিতে গিয়াছিলেন।

লাজে খেদে ক্রোধে অধীর হইয়া কর্তা বধুদের তলব দিলেন। মাথায় একহাত ঘোমটা টানিয়া শূণ্ডরের সম্মুখে দাঁড়াইয়া বধুদ্বয় লজ্জায় অভিমানে থর থর কাঁপিতেছিলেন, (সেই মাঘ মাসের শীতেও) ঘামিতেছিলেন, আর পদতলস্থিত পাখরের মেঝেকে হয় ত বলিতেছিলেন :—

“ওমা বসুন্ধরা ! বিদর গো স্বরা—
তোমাতে বিলীন হই !”

তাই ত, পর্দানশীনদের ধরাপৃষ্ঠে থাকিবার প্রয়োজন কি ? দস্ত কড়মড় করিয়া,—“বউমা’রা শুন ত—” বলিয়াই অতি ক্রোধে কর্তার বাক্রোধ হইল। তখন তাঁহার “গোশ্বায় অল্পদ কাঁপে, আঁখি হইল লাল”—তিনি বউমাদের বিনা লুপে চিবাইয়া খাইবেন, না, আন্ত গিলিবেন, তাহা ঠিক করিতে পারিতে-
ছিলেন না !

[৩৭]

একবার পশ্চিম দেশ হইতে ট্রেন হাবডায় আসিবার সময় পথে বালী ষ্টেশনে তিন জন বোর্কাধারিণী লোক স্ত্রীলোকদের কক্ষে উঠিল। কক্ষে আরও অনেক মুসলমান স্ত্রীলোক ছিল। ট্রেন ছাড়িলে পরও তাহারা সবিস্ময়ে দেখিতে লাগিল যে, নবাগতা তিনজন বোর্কার নেকাব (মুখাবরণ) তুলিল না। তখন তাহাদের

মনে সন্দেহ হইল যে, ইহারা না জানি কি করিবে। আর তাহারা লম্বাও খুব ছিল। খোদা খোদা করিয়া লিনুয়া ষ্টেশনে ট্রেন খামিলে যখন মেয়ে টিকেট কালেক্টার তাহাদের কামরায় আসিলেন, তখন সকলেই তাঁহাকে ঐ বোর্কা-ধারিণীদের বিষয় বলিল। টিকেট কালেক্টার তাহাদের দিকে অগ্রসর হইতে না হইতেই তাহাদের এক জন ষ্টেশনের বিপরীত দিকে ট্রেনের জানালা দিয়া লাফাইয়া পলাইয়া গেল; তিনি “পুলিশ—পুলিশ” বলিয়া চৈঁচাইতে চৈঁচাইতে এক জনকে ধরিয়া নেকাব তুলিয়া, দেখেন,—তাহার মুখে ইয়া দাড়ি,—ইয়া গৌফ। তিনি ব্যস্ত হইয়া বলিলেন, “কি আশ্চর্য! বোর্কার ভিতর দাড়ি গৌফ!”

[৩৮]

আমার পরিচিতা জনৈকা শি-ডাক্তার মিস শরৎকুমারী মিত্র বলিয়াছেন, “বাবা! আপনাদের—মুসলমানদের বাড়ী গেলে আমাকে যা নাকাল হতে হয়! না পাওয়া যায় সময়মতো একটু গরম জল, না পাওয়া যায় এক খণ্ড নেকড়া।”

একবার তাহাকে বহুদূর হইতে একজন ডাকিতে আসিয়া জানাইল যে, বউ-বেগমের দাঁতে ব্যথা হইয়াছে। তিনি যথাসম্ভব দাঁতের ঔষধ এবং প্রয়োজন বোধ করিলে দাঁত তুলিয়া ফেলিবার জন্য যন্ত্রপাতি সঙ্গে লইয়া গিয়াছেন। সেখানে গিয়া দেখেন, দাঁতে বেদনা নহে,—প্রসব বেদনা। তিনি এখন কি করেন? ভাগলপুর শহর হইতে জমগাঁও চারি ক্রোশ পথ। এতদূর হইতে আবার সেই একই ষোড়ার গাড়ীতে ফিরিয়া যাওয়া অসম্ভব; কারণ ষোড়া ক্লান্ত হইয়াছে। জমগাঁও শহরতলী,—পাড়া গ্রামের মত স্থান, সেখানে ষোড়ার গাড়ী কিম্বা পাখী পাওয়া যায় না।

কোন প্রকারে ভাগলপুরে ফিরিয়া আসিয়া তৎকালীন উপযোগী যন্ত্রপাতি লইয়া পুনরায় জমগাঁও বাইতে বাইতে রোগিণীর দফা শেষ হওয়ার সম্ভাবনা। মিস মিত্র সে বাড়ীর কত্রীকে জিজ্ঞাসা করিলেন যে, এরূপ মিথ্যা কথা বলিয়া তাঁহাকে অনর্থক ডাকা হইল কেন? উত্তরে কত্রী বলিলেন, “পুরুষ চাকরের ঘারা ডাক্তারণীকে ডাকিতে হইল, স্ত্রেরাং তাহাকে দাঁতে ব্যথা না বলিয়া আর কি বলিতাম? ভোবা ছিয়া! মর্দুয়াকে ও-কথা বলিতাম কি করিয়া? আপনি কেমন ডাক্তারণী যে, লোকের কথা বুঝেন না?”

[৩৯]

সমাজ-আমাদিগকে কেবল অবরোধ-কারাগারে বদ্ধ করিয়াই ক্ষান্ত হয় নাই। হজরত আয়শা সিদ্দিকা নাকি ৯ বৎসর বয়সে বয়োপ্রাপ্ত হইয়াছিলেন ; সেই জন্য সম্ভ্রান্ত মুসলমানের ঘরের বালিকার বয়স আট বৎসর পার হইলেই তাহাদের উচ্চহাস্য করা নিষেধ, উচ্চৈশ্বরে কথা বলা নিষেধ, দৌড়ান লাফান ইত্যাদি সবই নিষেধ। এক কথায়, তাহার নড়াচড়াও নিষেধ। সে গৃহকোণে মাথা গুঁজিয়া বসিয়া কেবল সুচী-কর্ম করিতে থাকিবে,—নড়িবে না। এমন কি ক্রতগতি হাঁটিবেও না।

কোন এক সম্ভ্রান্ত ঘরের একটি আট বৎসরের বালিকা একদিন বিকালে উঠানে আসিয়া দেখিল, রান্নাঘরে চালে ঠেকান একটা ছোট মই আছে। তাহেরার (সেই বালিকা) মনে কি হইল, সে অন্যমনস্কভাবে ঐ মইয়ের দুই ধাপ উঠিল। ঠিক সেই সময় তাহার পিতা সেখানে আসিয়া উপস্থিত হইলেন। তিনি কন্যাকে মইয়ের উপর দেখিয়া দিগ্বিদিক্ জ্ঞানশূন্য হইয়া তাহার হাত ধরিয়া এক হেচকা টানে নামাইয়া দিলেন।

তাহেরা পিতার অতি আদরের একমাত্র কন্যা,—পিতার আদর ব্যতীত অন্যদের কখনও লাভ করে নাই ; কখনও পিতার অপ্রসন্ন মুখ দেখে নাই। অদ্য পিতার রুদ্রমুতি দেখিয়া ও রূঢ় হেচকা টানে সে এত অধিক ভয় পাইল যে, কাঁপিতে কাঁপিতে বে-সামাল হইয়া কাপড় নষ্ট করিয়া ফেলিল।

অ-বেলায় স্নান করাইয়া দেওয়া হইল বলিয়া এবং অত্যধিক ভয়ে বিহ্বল হইয়াছিল বলিয়া সেই রাতে তাহেরার জ্বর হইল। একে বড় ঘরের মেয়ে, তার আবার অতি আদরের মেয়ে, স্নতরাং চিকিৎসার ক্রটি হয় নাই। স্নদূর সদর জেলা হইতে সিভিল সার্জন ডাক্তার আনা হইল। সেকালে (অর্থাৎ ৪০।৪৫ বৎসর পূর্বে) ডাক্তার ডাকা সহজ ব্যাপার ছিল না। ডাক্তার সাহেবের চতুর্গুণ দর্শনী, পান্ধী ভাড়া, তদুপরি বত্রিশজন বেহারার সিধা ও পান তামাক বোগান—সে এক বিরাট ব্যাপার।

এত বয়সে তৃতীয় দিনেও তাহেরার জ্বর ত্যাগ হইল না। ডাক্তার সাহেব বে-গতিক দেখিয়া বিদায় হইলেন। পিতার রূঢ় ব্যবহারের নিষ্ঠুর প্রত্যুত্তর দিয়া তাহেরা চিরমুক্তি লাভ করিল। (ইমালিনাছি ওয়া ইয়া ইলায়হি রাজ্জিউন।)

[৪০]

এক ধনী গৃহে কন্যার বিবাহ উপলক্ষে ধুমধাম হইতেছিল। বাড়ীভরা আত্মীয় কুটুম্বিনীর হট্টগোল—কিছুরই অভাব নাই। নবাগতদিগের জন্য অনেক নুতন চালাঘর তোলা হইয়াছে। একদিন ভরা সন্ধ্যায় কি করিয়া একটা নুতন খড়ের ঘরে আঙুন লাগিল। শোরগোল শুনিয়া বাহির হইতে চাকর-বাকর, লোকজন আসিয়া দেউড়ীর ঘরে অপেক্ষা করিতে লাগিল, আর বারম্বার হাঁকিয়া জিজ্ঞাসা করিতে লাগিল, পর্দা হইয়াছে কিনা,—তাহারা অন্দরে আসিতে পারে কি না? কিন্তু অন্তঃপুর হইতে কে উত্তর দিবে? আঙুন দেখিয়া সকলেরই ভাবা-চেকা লাগিয়া গিয়াছে। এদিকে আঙুন-লাগা ঘরের ভিতর বিবির বলাবলি করিতেছেন যে, প্রাক্ষণে পর্দা আছে কিনা,—কোন ব্যাটা ছেলে থাকিলে তাঁহারা বাহির হইবেন কি করিয়া?

অবশেষে এক বুড়া বিবি ভয়ে জ্ঞানহারা হইয়া উচ্চৈঃস্বরে বলিলেন, “আরে ব্যাটার! আঙুন নিবাইতে আয় না। এ সময়ও জিজ্ঞাসা—পর্দা আছে কিনা?”

তখন সকলে উর্দ্ধশ্বাসে দৌড়াইয়া আঙুন নিভাইতে আসিল। কিন্তু আঙুন-লাগা ঘরের বিবির বাহিরে যাইতে গিয়া যেই দেখিলেন, প্রাক্ষণ পুরুষ মানুষে ভরা, অমনি তাঁহারা পুনরায় ঘরে গিয়া ঝাঁপের অন্তরালে লুকাইলেন। সৌভাগ্যবশতঃ গোটা কয়েক সাহসী তরুণ যুবক বিবিদের টানা হেঁচড়া করিয়া বাহিরে লইয়া আসিল। নচেৎ তাঁহারা সেইখানে পুড়িয়া পসন্দা কাবাব হইতেন।

[৪১]

রায় শ্রীযুক্ত জলধর সেন বাহাদুর গত ১৩৩৫ সনে লিখিয়াছেন :—দেকালের পর্দা।—আমি যে সময়কে সেকাল বলিয়াছি তা সত্য-ত্রৈতা-স্বাপর যুগ নয়, কিন্তু সে আমাদের যৌবনকালের কথা—এই পঞ্চাশ বৎসর পূর্বের কথা। সে সময় আমরা পর্দার যে রকম কঠোর, তথা হাস্যকর ব্যবস্থা দেখিয়াছিলাম, সে সকল দৃশ্য এখনও আমার চোখের সম্মুখে ছবির মত জাগিয়া আছে। তারই গুটি কয়েক মূশ্যের সামান্য বর্ণনা দিতে চেষ্টা করিব।

সেই সময় একদিন কি জন্য যেন হাবড়া ষ্টেশনে গিয়েছিলাম। আমি তখন কলেজে পড়ি। ষ্টেশনের প্লাটফর্মে গিয়ে দেখি কয়েকজন বরকন্দাজ যাত্রীর ভীড় সরিয়ে পথ কর্ছে। এগুতে সাহস হোল না; হয়ত কোন রাজা-মহারাজা

গাড়ীতে উঠবেন, তারই জন্য তার সৈন্য সামন্ত নিরীহ ষাত্রীদের ধাক্কা দিয়ে সরিয়ে দিচ্ছে। এই ভেবে রাজা-মহারাজার আগমন-প্রতীক্ষায় একটু দূরে দাঁড়িয়ে রইলাম।

তিন চার মিনিট হয়ে গেল, রাজা আর আসেন না। শেষে দেখি কিনা— একটা মশারি আসছেন। মশারির চার কোণা চারজন সিপাহী ধ'রে ধীরে ধীরে এগিয়ে আসছেন। আমি ত এ দৃশ্য দেখে অবাক—এ ব্যাপার ত পূর্বে কখনও দেখি নাই। আমার পাশেই এক ভদ্রলোক দাঁড়িয়েছিলেন। তাঁকে জিজ্ঞাসা করলাম, “এমন ক'রে একটা মশারি যাচ্ছে কেন?” তিনি একটু হেসে বলেন, “আপনি বুঝি কখনও মশারির যাত্রা দেখেন নাই? দেখছেন না কত সিপাহী সাত্তী যাচ্ছে। বিহার অঞ্চলের কোন্ এক রাজা না জমিদারের গৃহিণী ঐ মশারির মধ্যে আবরু রক্ষা ক'রে গাড়ীতে উঠতে যাচ্ছেন। বড় মানুষের বৌ কি আপনার আমার স্নমুখ দিয়ে আর দশ জনের মত যেতে পারেন; তাঁরা যে অসূর্যস্পশ্যা।” এই বলেই ভদ্রলোকটি হাসতে লাগলেন। আমি এই পর্দার বহর দেখে হাস্য সংবরণ করতে পারলাম না। হাঁ, এরই নাম পর্দা বটে—একেবারে মশারি যাত্রা।

আর একবার কি একটা যোগ উপলক্ষে গঙ্গা-সূানের ব্যবস্থা ছিল। লোক সমারোহ দেখবার জন্য এবং এ বৃদ্ধ বয়সে ব'লেই ফেলি, গঙ্গাসূান ক'রে পাপ মোচনের জন্যও বটে, বড়বাজারে আদ্য-শ্রাদ্ধের ষাটে গিয়েছিলাম। তখন শীতকাল, সূানের সময় অপরাহ্ন পাঁচটা।

ষাটে দাঁড়িয়ে লোক-সমারোহ দেখছি, আর ভাবছি এই দারুণ শীতের মধ্যে কেমন ক'রে গঙ্গাসূান ক'রব। এমন সময় দেখি ঘেরাটোপ আগাগোড়া আবৃত একখানি পান্ডী ষাটে এল। পান্ডীর চার কোণ ধ'রে চারজন আর্দালী, আর পান্ডীর দুই দুয়ার বরাবর দুইটি দাসী। বুঝতে বাকী রইল না যে কোন ধনাঢ্য ব্যক্তির গৃহিণী বা কন্যা বা পুত্রবধু সূান করতে এলেন। বড় মানুষের বাড়ীর মেয়েরা এমন আড়ম্বর ক'রেই এসে থাকেন, তাতে আশ্চর্যের কথা কিছুই নেই।

কিন্তু তারপর যা দেখলাম, হাস্যরসের এবং করুণ-রসের একেবারে চূড়ান্ত। আমি মনে করেছিলাম, গঙ্গার জলের কিনারে পান্ডী নামানো হবে এবং আরোহিনীরা অবতরণ ক'রে গঙ্গাসূান ক'রে আসবেন। কিন্তু, আমার সে করুণা আকাশেই থেকে গেল। দেখলাম বেহারী মায় আর্দালী দাসী দুইটি—পান্ডী নিয়ে জলের মধ্যে নেবে

গেল। যেখানে গিয়ে পাঙ্কী থামলো, সেখানে বোধ হয় বুক-সমান জল। বেহারারা তখন পাঙ্কীখানিকে একেবারে জলে ডুবিয়ে তৎক্ষণাৎ উপরে তুললো এবং তারপরেই পাঙ্কী নিয়ে তীরে উঠে এসে, যেভাবে আগমন, সেইভাবেই প্রতিগমন। আমার হাসি এলো পাঙ্কীর গঙ্গাস্থান দেখে; আর মনে কষ্ট হ'তে লাগল, পাঙ্কীর মধ্যে যাঁরা ছিলেন, তাঁদের অবস্থা স্মরণ ক'রে। এই শীতের সন্ধ্যায় পাঙ্কীর মধ্যে মা-লক্ষ্মীর ভিজ্ঞে কাপড়ে হি-হি ক'রে কাঁপছেন। এদিকে তাঁদের স্থান। হোলো, তা তো দেখতেই পেলাম। এরই নাম পর্দা।—

সেন মহাশয় পাঙ্কীর 'গঙ্গাস্থান' দেখিয়া হাসিয়াছেন। আমরা শৈশবে চিলমারীর ঘাটে 'পাঙ্কীর ব্রহ্মপুত্রনদের স্থান' শুনিয়া হাসিয়াছি। পরে ভাগলপুরে গিয়া পাঙ্কীর রেল ভ্রমণের বিষয় শুনিয়াছি।

একবার একটি ত্রয়োদশ বর্ষীয়া নব-বিবাহিতা বালিকার শৃঙ্গুরবাড়ী যাত্রা স্বচক্ষে দেখিয়াছি, তাহা বেশ স্পষ্ট মনে আছে। ভাগলপুর প্রভৃতি স্থানে জুন মাসে রৌদ্র কিরূপ প্রখর হয়, তাহা সকলেই জানেন।

জুন মাসে দিবা ৮ ঘটিকার সময় সে বালিকা নববধূকে মোটা বেনারসী শাড়ী পরিয়া মাথায় আধ হাত বোমটা টানিয়া পাঙ্কীতে উঠিতে হইল। সেই বোমটার উপর আবার একটা ভারী ফুলের 'সেহরা' তাহার কপালে বাঁধিয়া দেওয়া হইল। পরে পাঙ্কীর ঘর বন্ধ করিয়া জরির কাজ করা লাল বানাতের ঘেরাটোপ ধারি পাঙ্কী ঢাকা হইল। সেই পাঙ্কী ট্রেনের ব্রেকড্যানের খোলা গাড়ীতে তুলিয়া দেওয়া হইল। এই অবস্থায় দণ্ড ও সিদ্ধ হইতে হইতে বালিকা চলিল তাহার শৃঙ্গুর-বাড়ী—যশিদী !!

[৪২]

সেদিন (৭ই জুলাই ১৯৩১ সাল) জনৈক মহিলা নিম্নলিখিত ঘটনা দুইটি বলিলেন :—

বহু বর্ষ পূর্বে তাঁহার সম্পর্কের এক নানিজন পশ্চিম দেশে বেড়াইতে গিয়া ফিরিয়া আসিলেন। তিনি যথাসময়ে টেলিগ্রামযোগে তাঁহার কলিকাতায় পৌঁছিবার সময় জানাইয়াছিলেন। কিন্তু সেদিন তুফানে সমস্ত টেলিগ্রামের তার ছিঁড়িয়া গিয়াছিল এবং কলিকাতার রাস্তায় সাঁতার-জল ছিল। সুতরাং এখানে কেহ নানিজানের টেলিগ্রাম পাই নাই এবং হাবড়া স্টেশনে পাঙ্কী লইয়া কেহ তাঁহাকে আনিতেও যাই নাই।

এদিকে যথাসময়ে নানিজ্ঞানের রিভার্ড-করা গাড়ী হাবড়ায় পৌঁছিল, সকলে নামিলেন, জিনিসপত্রও নামান হইল ; কিন্তু পাণ্ডী না থাকায় নানিজ্ঞান বোর্কা পরিয়া থাক। সঙ্গেও কিছুতেই নামিতে সম্মত হইলেন না। অনেকক্ষণ সাধ্য-সাধনার পর নানা সাহেব ভারী বিরক্ত হইয়া বলিলেন, ‘তবে তুমি এই ট্রেনেই থাক, আমরা চলিলাম।’ বেগতিক দেখিয়া নানিজ্ঞান মিনতি করিয়া বলিলেন, “আমি এক উপায় বলিয়া দিই, আপনারা আমাকে সেইরূপে নামান।” উপায়টি এই যে, তাঁহার সর্বদে অনেক কাপড় জড়াইয়া তাঁহাকে একটা বড় গাঁটরীর মত করিয়া বাঁধিয়া তিন চারি জনে সেই গাঁটরী ধরাধরি করিয়া টানিয়া ট্রেন হইতে নামাইল। অতঃপর তদবস্থায় তাঁহাকে বোড়ার গাড়ীতে তুলিয়া দেওয়া হইল।

[৪৩]

এক বোর্কাধারিণী বিবি হাতে একটা ব্যাগ-সহ ট্রেন হইতে নামিয়াছেন। তাঁহাকে অন্যান্য আসবাব-সহ এক জায়গায় দাঁড় করাইয়া তাঁহার স্বামী কার্যান্তরে গেলেন। কোন কারণবশতঃ তাঁহার ফিরিয়া আসিতে কিছু বিলম্ব হইল। এদিকে বিবি সাহেবা দাঁড়াইয়া অশ্রু বর্ষণ করিতে লাগিলেন। তাঁহার অধুনা ক্রন্দন-শব্দ শুনিয়া এবং শরীরের কম্পন দেখিয়া ক্রমে লোকের ভীড় হইল। লোকেরা দয়া করিয়া জিজ্ঞাসা করিল, “আপনার সঙ্গে লোকের নাম বলুন ত, আমরা তাঁহাকে ডাকিয়া আনি।” তিনি একবার আকাশে সূর্যের দিকে ইসারা করেন আর একবার হাতের ব্যাগ তুলিয়া দেখান। ইহাতে উপস্থিত লোকেরা কিছুই বুঝিতে না পারিয়া হাসিতে হটগোল বাধাইয়া দিল।

কিছুক্ষণ পরে এক ব্যক্তি হাঁকাইতে হাঁকাইতে সেখানে দৌড়াইয়া আসিয়া জিজ্ঞাসা করিলেন, “কি হইয়াছে ? ভীড় কেন ?” ঘটনা শুনিয়া তিনি হাসিয়া বলিলেন, “আমার নাম ‘আফতাব বেগ’, তাই আমার বিবি সূর্যের দিকে ইসারা করিয়া দেন আর হাতের বেগ (ব্যাগ) দেখাইয়াছেন।”

[৪৪]

জনাব শরকদ্দীন আহমদ বি. এ. (আলীগড়) আজিমাবাদী নিম্নলিখিত ঘটনাত্তর কোন উর্দু কাগজে লিখিয়াছেন। [আমি তাহা অনুবাদ করিবার লোভ সম্বরণ করিতে পারিলাম না।] যথা :

গত বৎসর পর্যন্ত আমি আলীগড়ে ছিলাম। যেহেতু সেখানকার ষ্টেশন বিশেষ একরূপ জাঁকজমকে ই. আই. আর. লাইনে অস্থিতীয় বোধ হয়, সেই জন্য আমি প্রত্যহই পদব্রজে ভ্রমণের সময় ষ্টেশনে যাইতাম। সেখানে অন্যান্য তামাসার মধ্যে অনেকগুলি ১৩শ শতাব্দীর বোর্কা আমার দৃষ্টিগোচর হইয়াছিল। আর খোদা মিথ্যা না বলান, প্রত্যেক বোর্কাই কোন না কোন প্রকার কৌতুকাবহ ছিল। তন্মধ্যে মাত্র তিনটি ঘটনা এখানে বিবৃত হইল।

প্রথম ঘটনা এই যে, একদিন আমি আলীগড় ষ্টেশনের প্লাট-ফরমে পায়চারি করিতেছিলাম, সহসা পশ্চাদিক হইতে আমার গায়ে ধাক্কা লাগিল। মুখ ফিরাইয়া দেখিলাম যে, এক বোর্কাধারিণী বিবি দাঁড়াইয়া আছেন; আর আমাকে শাসাইয়া বলিতে লাগিলেন, “মিয়া দেখে চলেন না?” তাঁহার কথায় আমার প্রবল হাসি পাইল, কারণ তিনি ত আমার পশ্চাতে ছিলেন, সুতরাং দেখিয়া চলা না চলার দায়িত্ব কাহার, তাহা সহজেই অনুমেয়। আমি তাঁহাকে কেবল এইটুকু বলিলাম, “আপনি মেহেরবাণী করিয়া বোর্কার জাল চক্ষের সম্মুখে ঠিক করিয়া নিন” এবং হাসিতে হাসিতে অন্যত্র চলিলাম।

[৪৫]

দ্বিতীয় ঘটনা এই যে, একদিন আবার আমি কতিপয় বন্ধুর সহিত আলীগড় ষ্টেশনে তামাসা দেখায় মশগুল ছিলাম। এমন সময় আমাদের সন্নিকটে একটি শিশুর কান্নার শব্দ শুনিতে পাইলাম। আমরা চারিদিকে চাহিয়া দেখিলাম— কিছুই দেখিতে পাইলাম না। আবার কিছুক্ষণ পরে শুনিলাম, কোন শিশু আমাদের অতি নিকটে চোঁচাইতেছে। কিন্তু এদিক সেদিক দেখিয়া কিছুই ঠিক করিতে পারিলাম না। আমার বন্ধুরা কিছু বুঝিতে পারিলেন না। কিন্তু যেহেতু বোর্কা সম্বন্ধে আমার যথেষ্ট অভিজ্ঞতা আছে তাই আমি অনুসন্ধানে প্রবৃত্ত হইলাম। শেষে দেখি কি, এক বোর্কাধারিণী বিবি যাইতেছেন, তাঁহারই বোর্কার ভিতর হইতে শিশুর রোদনের শব্দ আসিতেছে :

ঘটনা ছিল এই যে, বিবি সাহেবা শিশুকে বোর্কার ভিতর লুকাইয়া রাখিয়াছিলেন; সে গরমে অস্থির হইয়া চীৎকার করিতেছিল। তাই কেহ শিশুকে দেখিতে পায় নাই, কেবল কান্না শুনিতে পাওয়া যাইতেছিল। আমি বন্ধুদের ঐ তামাসা দেখাইয়া দিলাম। আর হাসিতে হাসিতে আমাদের যে কি দশা হইল, তাহা আর কি বলিব ?

আমি পূর্বের ন্যায় আবার একদা আলীগড় স্টেশনের প্লাট-ফরমে পায়চারি করিতেছিলাম। সম্মুখে এক “সফেদ গোল” (সাদা দল) আসিতে দেখিলাম। নিকটে আসিলে দেখিলাম, আগে আগে এক প্রবীণ ভদ্রলোক এক হাতে পানদান অপর হাতে পাখা লইয়া আসিতেছেন; তাঁহার পশ্চাতে কয়েকটি বোর্কাধারিণী পরস্পরে জড়াজড়ি করিয়া মিলিত হইয়া আসিতেছেন। এই কাফেলাটি অধিক শুরে না যাইতেই এক মাল-ঠেলা গাড়ীর সম্মুখীন হইল। উহার সহিত টঙ্কর খাইয়া এক বিবি যেই পড়িলেন, অমনি সমস্ত পার্টি তাঁহার সহিত গড়াইল।

সন্ধ্যার সময়, গাড়ী আসিতেছিল, যাত্রীদের হাঙ্গামা ছিল—এমত স্থলে প্লাট-ফরমের উপর ঐরূপ আশ্চর্য জিনিস পড়িয়া থাকিতে দেখিলে কে না অগ্রসর হইয়া দেখিবে? অতি শীঘ্র বেশ একটা ভীড় জমা হইল। প্রত্যেকই ভূপতি-তাদের সাহায্য করিতে ইচ্ছুক ছিল; কিন্তু স্ত্রীলোককে স্পর্শ করিবে কে? সঙ্গের বৃদ্ধ ভদ্রলোকটির জন্য আরও দুঃখ হইতেছিল; বেচারী একা, আর এই বিপদ! শেষে আমি বলিলাম, “হজরত! আপনিই উহাদের তুলুন না; দেখুন তো বিবিদের কোথাও আঘাত লাগে নাই ত?”

বেচারী যখন তাঁহাদের তুলিতে লাগিলেন, আমি দেখিলাম যে বিবিরা আপন আপন বোর্কা পরস্পরের বোর্কার সহিত বাঁধিয়া লইয়াছিলেন এবং অগ্রবর্তিণীর বোর্কার দামন ধরিয়া সকলেই চক্ষু বুঝিয়া চলিতেছিলেন। এখন আমার সম্মুখে এই সমস্যা ছিল যে, অগ্রবর্তিণীর বিবি এই মাল-ঠেলা গাড়ী দেখিলেন না কেন যে, এ বিপদের সম্মুখীন হইতে হইল? আমি তাঁহার বোর্কার দিকে দৃষ্টিপাত করিয়া দেখিলাম যে, তাঁহার বোর্কার জাল,—যাহা চক্ষের সম্মুখে থাকা চাই, তাহা মাথার উপর পিছনে সরিয়া গিয়াছে। ইহাতে স্পষ্টই প্রতীয়মান হইল যে, বিবি সাহেবা কেবল আন্দাজে হাঁটিয়া আসিতেছিলেন।

এখন অবস্থা এই হইয়া দাঁড়াইল যে, বেচারী ‘বড়ে মিঠা’ একজনকে উঠাইতে গেলে অপর সকলের উপরই টান পড়ে,—সুতরাং প্রথম বিবি আবার সেই টানে ‘বড়ে মিঠা’র হাত-ছাড়া হইয়া যান। এইরূপে অনেক টানা হেঁচড়ার পরে বিবিরা উঠিয়া দাঁড়াইতে পারিলেন।

[৪৭]

কবির ভাষায় বলিতে ইচ্ছা করে :

“কাব্য উপন্যাস নহে, এ মম জীবন,
নাট্যালা নহে, ইহা প্রকৃত ভবন।”

প্রায় তিন বৎসরের ঘটনা, আমাদের প্রথম মোটর বাস প্রস্তুত হইল। পূর্বদিন আমাদের স্কুলের জনৈক শিক্ষয়িত্রী, মেম সাহেবা মিস্ত্রীখানায় গিয়া বাস দেখিয়া আসিয়া সংবাদ দিলেন যে, মোটর ভয়ানক অন্ধকার*** “না বাবা ! আমি কখনও মোটরে যা'ব না।” বাস আসিয়া পৌঁছিলে দেখা গেল,—বাসের পশ্চাতে ঘারের উপর সামান্য একটু জাল আছে এবং সম্মুখ দিকে ও উপরে একটু জাল আছে। এই তিন ইঞ্চি চওড়া ও দেড় ফুট লম্বা জাল দুই টুকরা না থাকিলে বাসখানাকে সম্পূর্ণ ‘এয়ার টাইট’ বলা যাইতে পারিত।

প্রথম দিন ছাত্রীদের নুতন মোটরে বাড়ী পৌঁছান হইল। চাকরাণী ফিরিয়া আসিয়া সংবাদ দিল—গাড়ী বড় গরম হয়,—মেয়েরা বাড়ী যাইবার পথে অস্থির হইয়াছিল। কেহ কেহ বমি করিয়াছিল। ছোট মেয়েরা অন্ধকারে ভয় পাইয়া কাঁদিয়াছিল।

দ্বিতীয় দিন ছাত্রী আনাইবার জন্য মোটর পাঠাইবার সময় উপরোক্ত মেম সাহেবা মোটরের ঘারের খড়খড়িটা নামাইয়া দিয়া একটা রঙীন কাপড়ের পর্দা ঝুলাইয়া দিলেন। তথাপি ছাত্রীগণ স্কুলে আসিলে দেখা গেল,—দুই তিন জন অজ্ঞান হইয়াছে, দুই চারিজনে বমি করিয়াছে, কয়েক জনের মাথা ধরিয়াছে, ইত্যাদি। অপরাহ্নে মেম সাহেবা বাসের দুই পাশের দুইটি খড়খড়ি নামাইয়া দুই খণ্ড কাপড়ের পর্দা দিলেন। এইরূপে তাহাদের বাড়ী পাঠাইয়া দেওয়া গেল।

সেই দিন সন্ধ্যায় আমার এক পুরাতন বন্ধু নিসেস মুখার্জি আমার সহিত দেখা করিতে আসিলেন। স্কুলের বিবিধ উন্নতির সংবাদে আনন্দ প্রকাশ করিয়া বলিলেন,—‘আপনাদের মোটর বাস ত বেশ সুন্দর হইয়াছে। প্রথমে রাস্তায় দেখে আমি মনে করেছি যে, আলমারী যাচ্ছে না কি—চারিদিকে একেবারে বন্ধ, তাই বড় আলমারী বলে ভ্রম হয়। আমার ভাইপো এসে বলে, “ও পিসীমা ! দেখ, সে Moving Black Hole (চলন্ত অন্ধকূপ) যাচ্ছে।” তাই ত, ওর ভিতর মেয়েরা বসে কি ক’রে ?’

তৃতীয় দিন অপরাহ্নে চারি পাঁচ জন ছাত্রীর মাতা দেখা করিতে আসিয়া বলিলেন, “আপকা মোটর ত খোঁদা কা পানাহ্ ! আপ লাড়কীয়ো কো জীতে

জী কবর যে ভর রহি হয়।” আমি নিতান্ত অসহায়ভাবে বলিলাম, কি করি, এরূপ না হইলে ত আপনাবাই বলিতেন, “বে পর্দা গাড়ী।” তাঁহারা অত্যন্ত উদ্বেজিত হইয়া বলিলেন, “তবে কেয়া আপ জান মারকে পর্দা করেছী? কালসে হামারী লাড়কীয়াঁ স্কুল যে নেহী আয়েছী।” সে দিনও দুই তিনটি বালিকা অজ্ঞান হইয়াছিল। প্রত্যেক বাড়ী হইতে চাকরাণীর মারফতে ফরিয়াদ আলিয়াছিল যে, তাহারা আর মোটর-বাসে আসিবে না।

সন্ধ্যার পর চারিখানা ঠিকানা-রহিত ডাকের চিঠি পাইলাম। ইংরাজী চিঠির লেখক স্বাক্ষর করিয়াছেন, “Brother-in-Islam.” বাকী তিনখানা উর্দু ছিল—দুইখানা বেনামী আর চতুর্থখানায় পাঁচ জনের স্বাক্ষর ছিল। সকল পত্রের বিষয় একই—সকলেই দয়া করিয়া আমাদের স্কুলের কল্যাণ কামনায় লিখিয়াছেন যে, মোটরের দুই পার্শ্বে যে পর্দা দেওয়া হইয়াছে, তাহা বাতাসে উড়িয়া গাড়ী বে-পর্দা করে। যদি আগামীকাল্য পর্যন্ত মোটরে ভাল ব্যবস্থা না করা যায়, তবে তাঁহারা ততোধিক দয়া করিয়া ‘খবিছ’ ‘পলীদ’ প্রভৃতি উর্দু দৈনিক পত্রিকায় স্কুলের কুৎসা রচনা করিবেন এবং দেখিয়া লইবেন, এরূপ বে-পর্দা গাড়ীতে কি করিয়া যেয়েরা আসে।

এ তো ভারী বিপদ,—

“না ধরিলে রাজা বধে,—ধরিলে ভুজঙ্গ।”

রাজার আদেশে এমন করিয়া আর কেহ বোধ হয়, জীবন্ত সাপ ধরে নাই। অবরোধ-বলিনীদের পক্ষ হইতে বলিতে ইচ্ছা করিল,—

“কেন আসিলাম, হায়! এ পোড়া সংসারে,
কেন জন্ম লভিলাম পর্দা-নশীন ধরে।”

—সমাপ্ত—

ব্রাতা-ভগ্নী

সাধারণতঃ দুই মতের লোক দেখা যায়। একদল উন্নতি চাহে, পরিবর্তন চাহে; অপর দল বলে, “আমাদের যাহা আছে, তাহাই থাকুক, পরিবর্তনের কাজ নাই।” প্রথমোক্ত দলকে আমরা উদার মতাবলম্বী এবং শেষোক্তকে রক্ষণশীল বা গোঁড়া বলিব। অধিক স্থলে আমাদের ব্রাতৃগণ উদার মতাবলম্বী এবং ভগ্নীদল রক্ষণশীল হইয়া থাকেন। ক্রমে কালের বিচিত্র গতির আবির্ভবে এখন কোন কোন স্থলে তাহার বিপরীত অবস্থাও দেখা যায়। অর্থাৎ ব্রাতা সেই “সেকেলে গোঁড়া” আর ভগ্নী নব-বিভায় আলোকিত।

এ প্রবন্ধে আমাদের সমাজের কোন কোন ক্ষতের উল্লেখ দেখিয়া যেন ব্রাতৃ-সমাজ ক্ষুণ্ণ না হন; কারণ, বলিয়াছি ত, নালী-খায় অস্ত্র-চিকিৎসার প্রয়োজন। কেহ মনে করিবেন না যে, আমরা চিকিৎসা করিতে বসিয়াছি। আমরা কেবল রোগ দেখাইয়া দিতেছি,—যাঁহারা সমাজের হাকিম (সমাজ-সংস্কারক) চিকিৎসা করিবেন তাঁহারা হই।

“আগুন লেগেছে ঘরে,

আমি শুধু এনেছি সংবাদ। সুখ-নিদ্রা
দিয়েছি ভাঙায়ে।”

আমাদের কার্য কেবল ঐ পর্যন্ত।

এখন আসুন, পাঠিকা! আমরা এইখানে নীরবে দাঁড়াইয়া কাজেব, সিদ্ধিকা ও সুফিয়ার কণ্ঠোপোকখন শুনি। তাহা হইলে বুঝিতে পারিব, ইঁহাদের কে রক্ষণশীল এবং কে উদার মতের পক্ষপাতী।

কাজেব যেন ক্রুদ্ধ হইয়াছেন, তিনি তর্জন গর্জন করিয়া বলিলেন,—“তোমার পত্রের ভাবে বোধ হইতেছিল যে, অনাহারে বিবস্মাবস্থায় নিতান্ত যন্ত্রণার সহিত ডাইয়েরা মাতাকে কয়েদ করিয়া রাখিয়াছেন, আর তুমি একমাত্র মায়ের সুসুস্থান—কাণ্ডাকাণ্ড (১)-জ্ঞানশূন্য হইয়া মায়ের উদ্ধারের জন্য ঘরে ঘরে ভিক্ষা করিয়া বেড়াইতেছ।”

সিদ্ধিকা। আমার পত্রের ভাষা এক প্রকার এবং ভাব অন্য প্রকার ছিল, তাহা জানিতাম না। তোমরা ভাষা ছাড়িয়া কেবল ভাবটা পাঠ করিরাছ,

• বিশেষতঃ নানা কারণে বাধ্য হইয়া ঐসকল পুঁতিগল্পের দুরারোগ্য ক্ষতের উল্লেখ করা গেল। ব্রাতৃ-সমাজই আমাদেরকে ও-সব ব্যভিচে বাধ্য করিয়াছেন। “ভণা” লে শুনিতে হয়।”

বেশ। কিন্তু আমি জানি, আমার ভাব, ভাষা, অক্ষর, স্বাক্ষর—সবই আমার নিজের এবং একই প্রকার। আমি তো আর নিজের ভাব মাতার ভাষায় কন্যার হস্তাক্ষরে লিখাইয়া মাতার দ্বারা স্বাক্ষর করাই না। তবে আমার চিঠির ভাব ও ভাষার প্রভেদ হইবে কেন?

কাজেব সিদ্ধিকার কথার উত্তর না দিয়া পূর্ববৎ বলিয়া যাইতে লাগিলেন—
“মায়ের কি এমন কষ্ট হইয়াছে? আজ ২০ বৎসর যাবত এই কুপুত্রেরা মায়ের ভরণপোষণের ভার বহন করিয়া আসিতেছে। এই ১৫ বৎসরের মধ্যে বদবধি তোমার বিবাহ হইয়াছে, তুমিই বা কি এমন স্বর্ণ চালিয়া দিয়াছ?”

সিদ্ধিকা। আমি স্বর্ণ চালিয়া দিব কোথা হইতে, ভাই? আমার শুল্ক শাস্ত্রী কি মন্ত জমিদারী ছাড়িয়া মরিয়াছেন?

কাজেব। যদি কিছু করিতেই পার না, তবে আর বৃথা কল্পনা খরচ কর কেন? আর এই এক বৎসরের মধ্যে এত কি পরিবর্তন হইল যে, তুমি এমন বেহায়া বেগমরতের (লজ্জাহীনার) মত মামাতো ভাইয়ের নিকট সহসা পত্র লিখিলে?

সি। এই এক বৎসরের মধ্যে মাতার অসুখ বৃদ্ধি হইল; এই এক বৎসরের মধ্যে অলবায়ু পরিবর্তনের নিমিত্ত মাতার অন্যত্র যাওয়া আবশ্যিক হইল, কারণ ডাক্তার বলিয়াছেন, এ রোগের ঔষধ নাই, কেবল পশ্চিমাঞ্চলে কতক দিন থাকিলেই আরোগ্য হইবেন, তাই “কাণ্ডাকাণ্ডা” জ্ঞানশূন্য হইয়াছি। আর মামাতো ভাইকে পত্র লিখা যে “বেহায়া বেগমরতের” (নিভান্ত লজ্জাহীনার) কাজ, তাহা জানিতাম না। আমি ত সকলকে সহোদরের মত জ্ঞান করি। যদি তোমাকে পত্র লিখা দোষণীয় না হয়, তবে তাঁহাকে পত্র লিখিলে দোষ হইবে কেন?

কাজেব। এতদিন যে তুমি তাদৃশ্য স্মৃশিকা পাইয়াছিলে না এবং আজিকাল বেক্রম স্বাধীনতা ও উন্নতি লাভ করিয়াছ, তাহাও করিয়াছিলে না, তখন মায়ের খবরগিরী কে করিত? তখন কি অবস্থা ছিল?

এবার স্মৃশিকা উত্তর দিলেন, “যখন তোমরা শিশু ছিলে ও মাতার ভরণপোষণের ভার বহনে অসমর্থ ছিলে, তখন কি অবস্থা ছিল? তোমাদের ন্যায় স্পুত্রের দল যদি অনুগ্রহণ না হই করিত, তথাপি মাতার দিন কাটিত কি না? তোমরা যেমন বড় হইয়া মাতার ভার লইয়াছ, তক্রম এখন আমরাও বড় হওয়াতে আমাদেরও কর্তব্য হইয়াছে মাতৃচরণ-সেবা করা। মানুষ জন্মিলে

তাহার কাজও এখনো, কেহ না অনিলেও তাহার অন্য অর্গতের কিছু ঠেকিয়া থাকে না ।

কাজেব । যদি এমনই কোন কষ্ট তোমাদের করনা-অনুযায়ী তোমরা গড়াইয়া নিয়া থাক, তবে যৎকিঞ্চিৎ টাকা দান করিলেই ত হইত । টাকা হইলে বাঘের দুধ পাওয়া যায়, আর টাকা পাইয়া মা আপন খাওয়া-পরার যত্নটা নিবারণ করিতে পারিতেন না ?

সুফিয়া । ব্রাতার গৃহে থাকাকালীন মাকে টাকা পাঠাইতাম কিরূপে ? গৃহস্থামী টাকা ফেরৎ দিতেন যে ? যে বাটাতে অবলাদের নামের চিঠি মারা যায়, সে বাটাতে কি টাকা নিরাপদে মায়ের হাতে পড়িত ? আর, ভাই ! টাকা হইলে বাঘের দুধ পাওয়া যায়, এ-কথা তোমরা বেশ জান, তাই অবলা হাতে এক পয়সা থাকিতে দাও না । আমার বেশ মনে আছে, কি কি কৌশলে তোমরা মায়ের নিকট হইতে এক একটি পয়সা দুহিয়া বাহির করিয়া লইতে । সম্ভবতঃ হাতে দু'পয়সা রাখিবার অভিপ্রায়েই স্ত্রীলোকেরা অলঙ্কার ব্যবহার করে । কিন্তু, হয় কপাল । ললনারা কেবল জড় স্বর্ণের বোঝা বহন করেন ; অলঙ্কার ভাঙ্গিবার বা বিক্রয়ের ক্ষমতা তাঁহাদের নাই । তোমাদের ইচ্ছামত তোমরা এক একটি অলঙ্কার মোচন করিয়া বাঁধা দাও—যাহা ইচ্ছা কর । তোমাদের ৫০ টাকার আবশ্যক হইলে আমাদের ৫০০ টাকার গহনা সুদের চাপায় মারা যায় । বল ত ভাইয়া । মায়ের অতগুলি অলঙ্কারের শ্রদ্ধ কাহার করিয়াছে ?— তোমরা । পুরুষ প্রভুরা !! স্বর্ণভার বহন করে অভাগিনী অবলারা, আর স্বর্ণ ভোগ করে ভাগ্যবান সবলেরা । টাকা হইলে কি না পাওয়া যায় ? তাই অন্তঃপুরে বন্দিনীদের হাতে টাকা থাকিতে দেওয়া হয় না ।

সি । কিরূপে মাতার হাত খালি করিতে হয়, তাহা পুত্রেরা বেশ জানেন ; কিরূপে ধনবতী শাশুড়ীকে জব্দ করিয়া তাঁহার সর্বস্ব হস্তগত করিতে হয়, তাহা জামাতারা বেশ জানেন । কিরূপে বিধবা ভগ্নীকে সর্বস্বান্ত করিতে হয়, সে কৌশলও ব্রাতুবৃন্দ অবগত আছেন । এমন কি মৃত ব্রাতার সম্পত্তির শেষ কণ্টকুও করায়ত্ত করিবার জন্য ব্রাতারা অনেক সময় অসহায়্য ব্রাতুবধুকে নিকাহ(বিবাহ)-ও করিয়া থাকেন ।

কা । ওঃ, বুঝিলাম । মায়ের সেরূপ কোন কষ্টের জন্য তোমরা অস্থির হও নাই, তোমরা নিজেরা যেরূপ স্বাধীন, মাতাকেও তরূপ স্বাধীনতা দিবার জন্যই বোধ করি এত ব্যস্ত । নেহের ও মাতৃভক্তির মাত্রাটা একটু কম রাখাই ভাল । তোমরা উচ্চশিক্ষা পাইয়াছ বলিয়া তোমাদের পক্ষে অনেক কাজই শোভা

পায়, কিন্তু মুসলমান—(সগর্বে) বাহারা মুসলমান শাস্ত্রের নিয়ম মত চলিতে বাধ্য ও তদ্রূপ চালচলনকে ঘৃণা করে না, তাহারা ত সহসা তোমাদের অনুকরণ করিতে অক্ষম ।

সি । বাহারা তোমার মত মুসলমান, তাহারা মুসলমান নামের যোগ্য কি না, পূর্বে তাহার মীমাংসা হওয়া চাই । কেবল গো-মাংস ভক্ষণই মুসলমানের চিহ্ন নহে । তোমার বর্ণিত “মুসলমান” নামধারী ব্যক্তির কোন মন্দ কাজ করিতে বাকী রাখে নাই ; মিথ্যা বলা, পরস্বাপহরণ করা, জাল-জুয়াচুরি করা—নানা প্রকার অসাধু ব্যবহার করা ত প্রায় তাহাদেরই নিত্যকর্ম । তাহাদের মুসলমান বলিলে পবিত্র “মুসলমান” শব্দটি কলঙ্কিত হয় ।

সুফিয়া । ভাই । তোমার আদর্শ একদল মুসলমান এমন আছেন যে, তাঁহারা কোরান শরীফের এক পৃষ্ঠা দেখিয়াছেন, অপর পৃষ্ঠা দেখেন নাই । তাঁহারা “সূরা নেসার” ৩৪শ আয়েত দেখিয়াছেন, “সূরা নুর” ২য় এবং “সূরা মায়দা”র ৯১ আয়েত দেখেন নাই ॥

সি । ঐ “সূরা নেসা”রই ২৪শ আয়েতের প্রথমাংশ দেখিয়াছেন, শেষাংশ দেখেন নাই । *

সু । ঠিক তাঁহারা করিতে না পারেন, এমন কোন কুকাাজ নাই— তাঁহারা শব ধারা সম্পত্তি লিখাইয়া লইতে পারেন ! তাঁহাদের কৌশলে দুই দিনের মৃতদেহ জ্বানবন্দী দেয় ।

সি । আর যদি সেই “—” শাখা নদীটার বাক্শক্তি থাকিত, তবে সে বলিতে পারিত, (২০।৩০ বৎসর পূর্বে) সে কত লোককে গোপনে নরহত্যা করিয়া তাহার গর্ভে শব ডুবাইতে দেখিয়াছে ; আর কত অসহায় ব্যক্তি

* (৬) সূরা ‘নেসার’ উক্ত আয়েতের অর্থ এই—“পুরুষ স্ত্রীলোকের উপর কর্তৃত্ব রাখে, ঈশ্বর তাহাদের একজনকে অন্যজনের উপর শ্রেষ্ঠতা দান করিরাছেন বলিরা” ইত্যাদি ।

(২) সূরা “নূরের” ঐ অংশে কুপথগামীদের প্রতি একশত কশাঘাতের বিধান আছে ।

(৩) সূরা “মায়দার” ঐ আয়েতের অনুবাদ এই—“মদ্য ও দ্রুত ক্রীড়াতে ভোমাদিদের মধ্যে ঈর্ষা ও শত্রুতা স্থাপন এবং ভোমাদিগকে ঈশ্বর-স্মরণ ও উপাসনা হইতে নিরত্ত রাখা শরতান ইহা ভিশু ইচ্ছা করে নাই, অনন্তর তোমরা কি (সুরাপান হইতে) নিরত্ত হইবে ?”

(৪) এবং সূরা ‘নেসা’র ২৪শ আয়েতের প্রথমাংশ এই—

তাহার তটস্থিত অরণ্যে নৈশ অন্ধকারে প্রাণবায়ু হারাইয়াছে। আর বলিতে পারিত, সে কত হতভাগ্যের মৃত্যুকালীন আত্ননাদ শুনিয়াছে—

সু। (ভাতার প্রতি) সেই হত্যাকাণ্ডগুলির অধিকাংশই তোমার তথাকথিত “মুসলমান”দের দ্বারা সম্পাদিত।

কা। কোন্ শাখা নদীর তীরে নরবলি দেওয়া হইত? আমি তা জানি না।

সি। জান না? বুকে হাত দিয়া দেখ ত? স্থানটার স্মৃষ্টি পরিচয় দিতে হইবে না কি? “গোপ্তির নিকট ফণ্ডি” * করিতে নাই; এই নীতিবাক্য মনে রাখিও।

সু। যাঁহারা উক্ত প্রকারে “মুসলমান শাস্ত্রের নিয়ম” প্রতিপালন করিয়া থাকেন, তাঁহারা আমাদের অনুকরণ করিবেন কিরূপে?

সি। ঈশ্বরকে ধন্যবাদ যে, আমরা তাদৃশ কপটাচারী “মুসলমান” নহি। গলার জোরে তোমরা আমাদেরকে “নাস্তিক” “কাফের”—যাহাই বল না কেন, “নরহত্যা” বা “গুপ্তঘাতক” বলিতে পার না।

কা। (সিদ্ধিকার কথায় কর্ণপাত না করিয়া) তোমরা যেমন মক্কা মদীনা বেড়াইতে গিয়া উষ্ট্রারোহণ, গর্দভারোহণ—কিছুই বাকী রাখ নাই, মুসলমান অশিক্ষিতা কুলরমণীগণের পায়ের জড়তাই আজিও ভাঙ্গে নাই—

সু। (স্বগত) এখন “মুসলমান রমণীর” পালা। (প্রকাশ্যে) তোমার আদর্শ কতকগুলি অশিক্ষিতা মুসলমান কামিনীর পায়ের জড়তা ভাঙ্গে নাই বটে, কিন্তু তাঁহারা ঐ জড়িত পদে এমন এক এক লক্ষ দিয়াছেন যে, তাহাতে, তাঁহাদের পদচাপে সমাজের অস্থিপুঞ্জ চূর্ণ হইয়াছে। কেহ বা ঐ জড়িত পদে এক লাফে পবিত্রে “জেনানা” ত্যাগ করিয়া কুপথে নাঁড়াইয়াছেন। তাদৃশ অশিক্ষিতা রমণীর প্রশংসা করা তোমাকেই সাজে।

কা। দেখ সূফিয়া। আমাকে বেশী রাগাইও না। মনে রাখিও, মাতাকে বৎসর বৎসর দেশ-বিদেশের হাওয়া খাওয়াইবার জন্য তোমরা দুই ভগ্নী

“এবং সধবা নারী (অবেধ), কিন্তু তোমাদের দক্ষিণ হস্ত বাহ্যর উপর অধিকার করিয়াছে, তাহাকে (অর্থাৎ দাসদাসীর দলকে!) তোমাদের সম্মুখে জিপি করিয়াছেন;” আর শেষাংশ এই—“এ সকল ব্যতীত তোমাদের জন্য বিধি হইয়াছে যে, তোমরা আপন ধন দ্বারা (কাবিন যোগে) সুরক্ষক অব্যাভিচারী হইয়া (বিবাহ) অপ্ৰেমাণ কর, অনন্তর * * * তাহাদিগকে তাহাদের নির্ধারিত যৌতুক রূপে দান কর।”

* ইহা পূর্ববঙ্গের প্রচলিত কথা।

যে রূপ ব্যবস্থা করিতে চাও—মায়ের কুপুত্র কয়টি—এই অশিক্ষিত বর্বরদের জীবনে অথবা নিতান্ত পক্ষে যে কয় দিন তাহাদের তত্ত্বাবধানে মাতা আছেন, ততদিন পর্যন্ত তোমাদের এ সাধ পূর্ণ হওয়া কঠিন, বরং অসম্ভব।

সু। মাতাকে তোমরা স্বাস্থ্যপ্রদ স্থানে বাইতে দিবে না, বেশ। মাতার অসুখে তোমরা আর ব্যথিত হইবে কেন? প্রবাদ আছে, “পুত্রের স্নেহ ততদিন পর্যন্ত, যে পর্যন্ত সে স্ত্রীলাভ না করে, আর কন্যার স্নেহ কখনও হ্রাস হয় না।” তোমরা এখন ক্ষমতাশালী বড়লোক,—তোমাদের নিকট মাতা একজন সামান্য “অবোধ মেয়ে মানুষ” মাত্র। এবং তোমাদেরই আশ্রিতা। আর আমাদের জন্য মাতা তুলনা-উপমা-রহিতা—স্বর্গের আশীর্বাদ বিশেষ। এই মাতৃত্বপ্রেম আমাদের পক্ষে ঈশ্বর-প্রেমের নমুনা দেখায়। আমরা মাতৃত্বচরণে চিরকাল শিশু থাকি; চিরকাল তাঁহার চরণ-ছায়ার প্রত্যাশিনী। চিরদিন তাঁহার আশীর্বাদ আকাঙ্ক্ষা করি। তাই ইচ্ছা করি, মাতা অনেক দিন বাঁচিয়া থাকুন। আর সে-বার তোমাকে নিতান্ত কাতরভাবে লিখিয়াছিলাম, “মাতা অত্যন্ত পীড়িত আছেন, তুমি দেখ গিয়া। * * * বৃদ্ধা মাতা কতদিনই বা বাঁচিবেন—।” তাহা শুনিয়া তোমার হৃদয় দ্রব হয় নাই, বরং গুরু ভাষায় উত্তর লিখিয়াছিলে, “আমার এখন তহসিলের সময়—এক পদ নড়িবার যো নাই।” ধন্য পুত্র-হৃদয়। তোমরা মাতার মৃত্যু কামনা কর, যেহেতু তাহা হইলে মাতার “ভরণ পোষণের ভার” হইতে রক্ষা পাইবে। আমরা মাতাকে “তত্ত্বাবধানে” রাখিব একরূপ আশ্রয় করি না,—কেবল মাতৃত্বচরণ সেবা করিতে চাহিয়াছিলাম। আর চাহিয়াছিলাম, ধর্মপরায়ণা পুণ্যবতী জননীকে অপবিত্রা পিশাচীদের সংশ্রব হইতে দূরে রাখিতে। তাই। অন্তঃপুরের উদ্দেশ্য ত এই যে, সংসারের অপবিত্রতা হইতে কুল-লনাবৃন্দকে সুরক্ষিত রাখা? কিন্তু পবিত্র অন্তঃপুরেও যদি পিশাচিদের অব্যাহত গতি থাকে, তবে কুলবালারা কোথায় লুকাইবে? কি ভাঙ্গাসাই হয়, যখন মাতা “মগ্নবের” নমাজ পড়িতে (সন্ধ্যাকালীন উপাসনা করিতে) দাঁড়ান—আর বৈঠকখানা হইতে সেতার-সংযোগে পিশাচি-কণ্ঠ-নিঃসৃত সঙ্গীত তাঁহার কর্ণকুহরে সুধা ঢালিতে থাকে ॥ আমাদের এখানে মাতা ওরূপ কুৎসিত গান শুনিতে পাইতেন না যে। সেই জন্য তোমরা সুপুত্রেরা তাঁহাকে “তত্ত্বাবধানে” রাখিয়া তাদৃশ সঙ্গীত শ্রবণ হইতে বঞ্চিত করিতে চাও না। বেশ। বেশ ॥

ক। তা পুত্র-ভবন পবিত্র হউক, অপবিত্র হউক, মাতা তাহা ত্যাগ করিয়া জামাতৃ-ভবনে থাকিতে পাইবেন না, একথা নিশ্চয় জানিও। পুত্র জীবিত থাকিতে তিনি জামাতৃ-অন্ন গ্রহণ করিবেন কেন?

সিদ্ধিকা। থাক, জামাতৃ-গৃহে তাঁহার পদধূলি দিবার আবশ্যিক নাই।
ঈশ্বর-কৃপায় তোমরাই দীর্ঘজীবী হইয়া যাবের “অভিতারক” থাক।

কা। তোমার পত্র পাঠ করিয়া বাস্তবিকই বড়ই কষ্ট হইয়াছিল—

সি। (স্বগত) আবার ঐ একই কথা। (প্রকাশ্যে) পত্রখানা ছিঁড়িয়া ফেলিলেই বালাই যাইত।

কা। পত্র ধ্বংস করিলে কি স্মৃতিও ধ্বংস হইত? বোধ হয় আমাদের বংশের উপর খোদাতালার নিতান্তই “গজব” (ক্রোধ, আক্রোশ বা অভিশাপ) পড়িয়াছে যেজন্য এ বংশের পুত্রগুলি এইরূপ অশিক্ষিত ও বর্বর এবং কন্যা-গুলি এক একটি নক্ষত্র। নচেৎ এই ত হাসদে ভাইয়ের পাঁচ পাঁচটি ভগ্নী অত বড় শহরে বিলাত-ফেরতা এবং সুশিক্ষিতা অবস্থাপন্ন স্বামীদের সঙ্গে অনায়াসে প্রকৃত মুসলমানের ঘরের কুল-কন্যাদের মত সংসার করিতেছে; আজিও একটি মেয়েও সুশিক্ষিতা স্বাধীন *^১ bright star (উজ্জ্বল নক্ষত্র) সাজে নাই।

সি। হাসদে ভাইয়ার ভগ্নীরা উজ্জ্বল নক্ষত্র সাজেন নাই, বেশ ভাল কথা। কিন্তু তাঁহাদের বংশের পুত্রেরা বিষদানে পিতৃহত্যা করিয়া এবং কন্যারা গোপনে নানা কাণ্ড করিয়া সমাজে কীতিশূন্য স্থাপন করিয়াছেন। যাক্ ভাই। অন্য লোকের পারিবারিক কথায় আমাদের কাজ নাই,—তুমি তাহাদের নাম সগর্বে, সগৌরবে উল্লেখ করিলে, তাই আমিও দু’কথা বলিতে বাধ্য হইলাম।

কা। (ভগ্নীদের কথায় কর্ণপাত না করিয়া) খোদাতালার নিকট আরাধনা করি যে, তিনি যেন এই পরিবারের অশিক্ষিত বর্বর পুরুষগুলিকে অচিরে ধ্বংস করিয়া ফেলেন, যে তাহারাও উজ্জ্বল নক্ষত্রের ঝকঝকিতে চক্ষু ধাঁধা হইয়া মুখ ছাপাইয়া না বেড়ায়—

সি। উজ্জ্বল নক্ষত্রের ঝকঝকিতে চক্ষু ধাঁধা লাগিবে কেন? চক্ষু ধাঁধা লাগিয়াছিল সেই দিন—যেদিন কাসেদ ভাইয়ের স্ত্রী ও শ্যালিকাদিগকে মেলায় দেখিয়াছিল—

সু। আর সেই মেলায় দুলাভাইকে*^২ তাহাদের সন্মুখে দেখিয়া মুখ লুকাইয়াছিল। একদিকে কাসেদ ভাই ভাবির * নিকট হইতে দশ হাত দূরে

*^১ কাজেব ক্লেথত্তরে কথার কথার বেচারী বঙ্গভাষার মতুপাত করিতেছেন।
পাঠিকা “কান্তাকান্ত”, “সুশিক্ষিত অবস্থাপন্ন”, “মেয়ে সুশিক্ষিতা (স্ট্রীজিঙ্গ) স্বাধীন (সুংজিঙ্গ)” ইত্যাদি কতই মজার কথা শুনিতে পাইতেছেন।

*^২ ভগ্নিপতিকে “দুলাভাই” বলা হয়।

* “ভাবি” ভ্রাতৃবধু।

সরিয়া দাঁড়াইলেন, অপর দিকে তুমি পলায়নের পথ খুঁজিতেছিলে। “বেখানে বাঘের ভয়, সেই খানে রাত হয়”—দুলাভাইয়ের নিকট তুমি সর্বদা ফাসেদ ভাইয়ের শৃঙ্খলায়নের পর্দার ধুব প্রশংসা করিতে কি না।

কা। (সলজ্জভাবে) এসব আজগুবি কথা তোমরা কোথায় শুনিয়াছ ?

সু। দুলাভাই নিজে বলিয়াছেন।

কা। তিনি ঠাটা করিয়া বলিয়া থাকিবেন।

সি। আর এক কথা মনে পড়িল। তুমি যে আমাদের মক্কাশরীফ ভ্রমণের কথা বলিয়া বিজ্ঞপ করিয়াছ, তাহার উত্তর দিতে তুলিয়াছিলাম।

কা। প্রত্যেকটা কথার উত্তর না দিলে কি তোমাদের মানহানি হইবে ?

সি। মানহানি হইবে না বটে ; কিন্তু এখন আর সেদিন নাই যে আমরা তোমাদের চাবুক নীরবে পরিপাক করিব—

সু। বাস্তবিক এখন আর সেদিন নাই।

কা। সূফিয়া। তুমি আর স্বীরে লুন দিও না। তোমরা দুইজন—
আমি একা।

সু। তুমি একাই আমাদের দু'জনের সমান।

কা। হায়। এখন আর সেদিন নাই যে। আচ্ছা সিদ্ধিকা। আমাদের চাবুক পরিপাক করিবে না ত কি করিবে ? তোমরাও আমাদের চাবুক মারিবে না কি ?

সি। না, চাবুক মারিব না—রোদনই করিব ; তবে প্রভেদ এই যে, পূর্বে নীরবে রোদন করিতাম, এখন উচ্চকণ্ঠে রোদন করিব, যাহাতে বাহিরের লোকের দয়া উদ্ভিক্ত হয়। —যাহাতে জগৎ আমাদের দুঃখে সহানুভূতি করিতে পারে !

কা। বেশ। কাঁদ—

সি। আমরা ত যাহা হউক, মদীনা শরীফে উষ্টারোহণে “থপ্ থপ্” করিয়া বেড়াইয়াছিলাম। আর যাঁহারা এদেশের অন্তঃপুরের জানালা হইতে উঁকি খুঁকি মারিয়া পথিককে নাকের নোলক, মুখের ঝলক দেখাইয়া থাকেন,—শিবিকা ছাড়া একপল নড়েন না, অথচ বোটা দোহার্য পর্দায় ঝড় বড় ছিঁড় করিয়া কেলেঙ্গ, তাঁহারা ষুঝি প্রচলিত অবরোধ-প্রথার মানন্য করেন ? কেমন ?

সু। মনে পড়ে, মৌলবী নইয়ুদ্দীন সাহেব প্রণীত “জোব্দাতল মসায়লে” পাঠ করিয়াছি,—“গহনার বন্ধনিতো আমার নমাজই যেন কেমন কেমন হইল ॥”

তোমরা মনে কর, গোপনে কোন কাজ করিলে দোষ হয় না। আর চতুস্ত্রাচারের ভিতর কয়েদ থাকার সহিত “মুসলমান শাস্ত্রের” সংশ্রব কি? কোন মুসলমান-প্রধান দেশেই ত ঈদৃশ অন্তঃপুর প্রথা নাই—এই ভারতে ও-প্রথা হইয়াছে কেবল অবলা-পীড়নের উদ্দেশ্যে। মক্কাশরীফে কি শিবিকা আছে? সে দেশে “উল্টা গাধা” ছাড়া আর বাহন কই?

কা। কি বলিলে?—অবরোধ-প্রথা শাস্ত্রের বিধান নহে? তোমরা কোরান শরীফ দেখাইয়া এ-কথা প্রমাণিত করিতে পার?

সি। অবশ্য পারি। কিন্তু আমাদের কথা প্রমাণের পূর্বে তোমরা প্রমাণিত কর—ভারতের বর্তমান পর্দা কোরান শরীফের অনুমোদিত। আমাদের ত রাঙা চক্ষু দেখাইয়া চুপ করাইতে পার; কিন্তু গত অক্টোবর মাসের (১৯০৪ খ্রীস্টাব্দের) “দি ইণ্ডিয়ান লেডিজ ম্যাগাজিন” (“ভারত ললনার পত্রিকা”) দেখ নাই? মাননীয় মীর সুলতান মহিউদ্দীন সাহেব বাহাদুর ৫০০.০০ টাকা পুরস্কার দিবেন, যদি কেহ বর্তমান অবরোধ-প্রথাকে কোরান শরীফের বিধান বলিয়া প্রমাণিত করিতে পারেন। তিনিই প্রকৃত বাহাদুর। ভাই! তুমিই কেন পুরস্কারটা নিতে চেষ্টা কর না? ঐ পত্রিকায় সৈয়দ সাজ্জাদ হায়দার সাহেবের এবং মীর্জা আবুল ফজল সাহেবের পর্দা সংক্রান্ত মন্তব্যগুলিও দয়া করিয়া পাঠ কর। ঐ কৃত্রিম অন্তঃপুর-বন্ধন মোচন হইলে সমাজে অবাধে জ্ঞান শিক্ষা প্রচলিত হইতে পারে। তখন এ শিক্ষার গতিরোধ করা অসম্ভব হইবে।

কা। যদি আমাদের গায়ে জোর থাকে, তবে প্রাণপণে জ্ঞান শিক্ষার গতিরোধ করিবই। অন্ততঃ আমার কন্যাদিগকে আমি পড়াইব না। তোমাদের পড়াইয়া যথেষ্ট কর্মফল পাইলাম। আর না—এ নেড়ামাথা লইয়া বেলতলায় আর যাইব না।

সি। বেলতলায় যাইতে হইবেই। গত কাতিক মাসের “নবনূর” পত্রিকায় “আধুনিক শিক্ষা” দেখ নাই? মাননীয় লেখক ভ্রাতাটি ঠিক বলিয়াছেন, “ভারতীয় মহিলাকুলের ইউরোপীয় শিক্ষালাভে বিষময় ফল” ফলিতে পারে; (আমরা ইহা স্বীকার করি না) কিন্তু নীলকণ্ঠের ন্যায় সে বিষ কণ্ঠে ধারণ করিতে হইবে।” বুঝিলে?

কা। তোমরা এখন স্বাধীনতার চুড়ায় উঠিয়াছ, কাজেই ধরাখানা সর। হেন দেখ। আহা! এখন মনে হইলে গা শিহরিয়া ওঠে। এখন তোমাদের সহকারে সেই অন্তঃপুরে মাতাকে এই নিষ্ঠুর ভ্রাতারা কয়েদ

রাখিয়াছিল, তখন একটু স্বাধীনতার নিঃশ্বাস দিয়া সংবাদ লয়, এমন লোকও ছিল না ! হায় ! এমন দিনও গিয়াছে !

সি। ঠিক ত, সকলেরই স্মৃদিন কুদিন চলিয়া যায়—পড়িয়া থাকে না। আমারও মনে হইলে হৃৎকম্প হয়, যখন পিতার নির্ভুর আদেশ শুনিয়া তুমি দারুণ অভিমানে বিষভক্ষণ করিয়াছিলে। হায় ! তোমারও তেমন দিন গিয়াছে,—যেদিন পিতা স্বয়ং গৃহস্বামী ছিলেন, আর তোমরা সকলে তাঁহার অধীন ও আশ্রিত ছিলে। “আমার বাটা” বলিতে সে সময় তোমাদের এক ইঞ্চ (কিংবা এক অঙ্গুলি) পরিমাণ ভূমিও ছিল না। কালের বিচিত্র গতি!—

কা। কেন, তোমরা কি এত শীঘ্র ভুলিয়া গেলে? সেই বৃহৎ অট্টালিকা নামত: “পিত্রালয়” ছিল বটে, কিন্তু এই মাতাদের নিজ ব্যয়ে ও যত্নে রক্ষিত হইত। ধর্ম ও স্বভাব কুকুর, কুকুরীকেও শিক্ষা দেয় যে কোন অবস্থায় নিজের benefactorকে (উপকারী ব্যক্তিকে) ত্যাগ করিও না। কিন্তু ধন্য স্বাধীন চিন্তা! তুমি সকলই অবহেলা করিতে পার।

সু। বিধবা মাতাকে শিশু কন্যাসহ নিজ ব্যয়ে রক্ষা করিয়াছ, ইহার ন্যায় অসাধারণ উপকারের কাজ যেন আর কেহই করে না। পিতা থাকিলে আমরা তোমাদের গলগ্রহ হইতাম কেন? আর “স্বাধীন চিন্তা” কিসে কুকুরীর অপেক্ষা নিকট বা কৃতস্ন হইল? তোমাদের ন্যায় মহা অনুগ্রাহকের আমরা কি অপকার করিয়াছি? তোমরা যে অন্নবস্ত্র দিয়া, বাটীতে আশ্রয় দিয়া প্রতিপালন করিয়াছ, সেজন্য সর্বদা কৃতজ্ঞতা স্বীকার করিয়া থাকি; আর কত প্রশংসা চাও? যদি বল ত নগরে নগরে, গ্রামে গ্রামে এই বলিয়া ঢোল পিটাই—

‘আমরা বেনিফেক্টর ক’ ভাই—*

মাতাকে অন্ন দিয়াছি সবাই।

আমাদের গুণের নাই ক তুলা,

শৈশবে গুপ্তীর টিপি নাই গলা।

আমরা মহা-উপকারী ক’ ভাই—”!

বাস্তবিক, শিশুকালে আমাদের গলা টিপিয়া পাতকুয়ায় ফেলিয়া দিলেই পারিতে; অন্তঃপুরের ভিতর ফৌজদারী আপদ ত ঢুকিতে পারিত না! পিতৃ-হীনা অসহায় কনিষ্ঠাকে প্রতিপালন করিয়াছ, সে-কথা সগর্বে মুখে আনিবে?

* আমরা বিভ্রান্ত ফেরতা ক’ ভাই

সাহেব সেজেছি সবাই— এই গানের অনুকরণ।

এই ত আমাদের বালক চাকরটা যাহা কিছু উপার্জন করে, সব ছোট ভাই ভগ্নীকে খাওয়ায়। ইহার পিতামাতা নাই; জ্যেষ্ঠ ভ্রাতাও শিশু তিনটিকে অধিক সাহায্য করে না। হেদায়েত এগার বৎসর বয়ঃক্রম হইতে যাহা উপার্জন করিতেছে, সব ছোট ভাই ভগ্নীর নিমিত্ত ব্যয় করিতেছে। এখন ইহার বয়স ১৬ বৎসর; এবার কম মাসের বেতন জমা করিয়া বড় ছুঁড়িটার বিবাহ দিয়াছে। ১৬ বৎসরের বালক ষেরূপ আত্মত্যাগ করিতে পারে; এতটা কি তোমরা আমাদের জন্য করিয়াছ? কই, হেদায়েত ত মনে করে না যে, 'ভগ্নীকে বিবাহ দিয়া চির-কৃতজ্ঞতাপাশে বাঁধিলাম' বরং নিজের একটা গুরুতর কর্তব্য সাধন করিয়াছে, এই মনে করে। ইহাযে (কাপড় প্রস্তুত করা ব্যতীত) একটি পয়সা নিজের জন্য ব্যয় করিতে দেখি না। এখন কি এই অসভ্য; অশিক্ষিত, ছোট জাতীয় (জোলা তাঁতি) বালকদের নিকট আমাদের উচ্চবংশজাত, সেন্ট জেভিয়ার কলেজের ছাত্ররা—সুসভ্য (৫০ বৎসরের) প্রবীন মিয়া বাবুরা ভদ্রতা শিখিবেন ?

কাজেব এখন পুনরায় অন্তঃপুর কয়েদের কথা তুলিলেন,—

“আর এক কথা, তোমরা দুই উজ্জ্বল নকত্র মাতাকে অন্তঃপুর কয়েদ হইতে উদ্ধার করিবার নিমিত্ত মামাতো ভাইকে চিঠি না লিখিয়া মোখে ভাইকে লিখ নাই কেন? তোমরা ত তাঁহাকে অতিশয় ভক্তি কর, কারণ তিনি বিলাত-ফেরতা—সাক্ষাৎ উদারতার প্রতিমূর্তি!”

সি। তিনি যদি পত্রের উত্তর দিতেন, তবে আর দুঃখ ছিল কি?

কা। হাঁ—! তুমি যেমন বিষমুখী। মুখ নহে—যেন ছুরী, ক্ষুর। ঐ মুখের গুণে কেহ তোমায় দেখিতে পারে না।

সি। সত্য কিঞ্চিৎ কটু শুনায়, তাই বলিয়া মধুমাখা মিথ্যা বলিতে শিখিব না। না, ভাই। মুখের দোষ নহে, অন্য কারণ থাকিতে পারে। বিলাত-ফেরতা লোকেরা অবলার ক্রন্দনে কর্ণপাত করিবেন না, ইহা অসম্ভব। চিঠির উত্তর দিতে শিখেন না তবে তাঁহারা বিলাতে গিয়া কি শিখেন?

সু। তিনি হয়ত অবলাকে চিঠির উত্তর পাইবার উপযুক্ত মনে করেন না।

সি। সম্ভবতঃ তাই। কিন্তু আক্ষেপ এই, তাঁহাদের ন্যায় উচ্চশিক্ষা-প্রাপ্ত লোকেরাও স্ত্রীজাতির উপকারের নিমিত্ত ক্ষুদ্র হইতে ক্ষুদ্রতম স্বার্থত্যাগ করিতে চাহেন না।

সু। পরের উপকারের প্রত্যাশাই বা কর কেন? “বাহুবলই বল”— আত্মনির্ভরতা চাই। যতদিন অভাগিনী যুক্তিজ্ঞানহীনা অবলা সরলাগণ নিজের

ভালমন্দ বুঝিতে সক্ষম না হন, ততদিন তাঁহাদের উপকার করিতে গেলেও বেশী ফল হইবে না।

সি। আমি এই বিষয়ে তোমার সহিত একমত হইতে পারি না। অবলা সরলাগণ যুক্তিজ্ঞানহীনা নহেন—তাঁহারা বুঝেনও সব; কিন্তু প্রভুদের অত্যাচারে মাথা তুলিতে পারেন না—মাথা তুলিতে অক্ষম বলিয়াই বুঝিয়াও অববোধের ন্যায় নীরব থাকেন। এবং সমর সময় অনিচ্ছা সত্ত্বেও প্রভুদের ‘হাঁ’ তে ‘হাঁ’ নিশাইয়া থাকেন।

কা। প্রভুদের অত্যাচারে মাথা তুলিতে পারে না, এ কথা বল কেন? ‘বরং তোমাদের কেহ একটুকু মাথা উঠাইলে আমরা তাঁহাকে আকাশে চড়াইতে চেষ্টা করি * * * * পণ্ডিতা রমাবাই কতগুলি সংস্কৃত শ্লোক মুখস্থ করিয়া দেশটাকে যে তোলপাড় করিয়াছিলেন—’ *

সি। পণ্ডিতা রমাবাইকে মাথায় তুলিয়াছিল, যেহেতু তিনি তোমাদেরই শিখান বুলি মুখস্থ করিয়াছিলেন। যতদিন তোমাদের পালিতা সারিকা তোমাদেরই শিখান বুলি বলিবে—“পড় বাবা মতীজ্ঞান,”—ততদিন ত তাঁহাকে আদর করিবেই; মাথায় তুলিবেই। যেদিন সে “পড় বাবা মতীজ্ঞান” না বলিয়া আর কিছু বলে, সেদিন আর নিস্তার কই?

কা। আমরা ললনা-পীড়ন ছাড়া আর কিছুই করি নাই কি? তাজমহল, মতি মসজিদ ইত্যাদি নির্মাণ করি নাই কি?

সি। এক তাজমহলের জন্য কোটি কোটি ধন্যবাদ দিই। এখন জিজ্ঞাসা করি, তাজমহলের সংখ্যা কত? কয়টা তাজমহল এ বঙ্গদেশে আছে?

সু। বঙ্গে বহুসংখ্যক প্রপীড়িতা ললনার উদ্দেশ্যে অনেক মহল হইতে পারিত। তবে কথা এই যে, তাদৃশ অসহায়্যা মহিলাবৃন্দের সমাধির উপর “অবলা-পীড়নের” স্মৃতি রক্ষার্থে কোন “পয়জার-মহল” নিমিত্ত হয় নাই। হাহা হউক, ইহাকে আর কি বলিব, আমাদের বিলাত-ফেরতা মেজে ভাইও যখন এমন গোঁড়া হইয়াছেন।

সি। বেচারি বিলাত-ফেরতা ভাইয়ের দোষ দিব কি,—তিনি ঐ কোরান শরীফের এক পৃষ্ঠাদর্শী মুসলমানদের দলে মিশিয়া ‘শিভালরী’ (অবলার প্রতি সম্মান প্রদর্শন) তুলিয়াছেন। অঙ্কভাবে গড্ডালিকা-প্রবাহে ভাসিয়া চলিয়াছেন।

সু। তাই বটে। এ স্থলে শ্রীযুক্ত বিজ্ঞানন্দ্রলাল রায়ের সেই হাসির গানটা আমার মনে পড়ে,—

“ভেসে যাব যাব হচ্ছি ফাউল ও বিফের বন্যায় *১

এমন সময় দিলেন দেশুর গোটা কত কন্যায়।

ছেড়ে দিলেম পথটা বদলে গেল মতটা

অমন অবস্থায় পড়লে সকলেরি মত বদলায় !”

কাজেব। বিলাত-ফেরতাই হও আর আমেরিকা-ফেরতাই হও, দেশ-কালের নিয়ম-অনুসারে চলিতেই হইবে। এক এক দেশের এক এক পদ্ধতি। এক দেশের রীতি অন্য দেশে চলিবে না। ‘ইংলণ্ডে প্রতি গৃহে অগ্নিকুণ্ড বারমাস প্রয়োজন — ভারতে কঠোর শীতকালেও তাহার ততটা আবশ্যক মনে হয় না।’ * ২

সি। তাই না কি? ‘ভারত’ অর্থে কেবল কলিকাতা বুঝায় নাকি? দাঙ্গিলিং, শিমলা, মুলতান, কাশ্মীর প্রভৃতি দেশে * ৩ “কঠোর শীতকালেও অগ্নিকুণ্ডের ততটা আবশ্যক মনে হয় না?”

কা। শিমলা, কাশ্মীর শীতপ্রধান স্থান বটে, কিন্তু হিমালয় পর্বতটা ভারতের অন্তর্ভুক্ত নহে।

সি। বটে! যে হিমালয়কে অতি প্রাচীনকাল হইতে সমগ্র ভারতবাসী হিন্দু পূজা করিয়া আসিতেছে, সেই হিমাদ্রিকে — সেই ভারতের আরাধ্য দেবতাকে আজি তুমি বিনাদোষে ভারত হইতে নির্বাসিত করিলে? আচ্ছা, বৃদ্ধ হিমালয়কে না হয় তাড়াইলে; কিন্তু আমাদের লাহোর এবং দিল্লী, আখা প্রভৃতি নগরের প্রতি তোমার কি ব্যবস্থা? এগুলি ভারতের অন্তর্ভুক্ত কিনা?

কা। ও-সব নগরে ইংলণ্ডের মত শীত হয় না।

সি। ঠিক ইংলণ্ডের মত না হইলেও অগ্নিকুণ্ডের প্রয়োজন হয়। প্রত্যেক বুড়ী খালিয়ার নীচে “আফ্লেট” (কাঠ কয়লার আগুন, তুষ ও ষ্টেপূর্ণ হাঁড়ি বিশেষ) রাখিয়া শয়ন করে। একবার ষ্টেটের গন্ধে বিরক্ত হইয়া কোন বুড়ীকে আফ্লেট দূর করিতে বলিয়াছিলাম। সে বলিল, “আমার আফ্লেটকে দূর করা

* ১ “ফাউল ও বিফের বন্যায়,” অর্থাৎ মুরগী ও গো-মাংসের বন্যায়।

* ২ গত আশ্বিন মাসের ‘নবনূর’ দ্রষ্টব্য।

* ৩ শিমলা হইতে এ বৎসর (অর্থাৎ ১৩১১ সালে) শীতের জ্বলুমে লোক পলায়ন করিয়াছে, কাশ্মীরের পথঘাট তুমারাহিত।

বে কথা, আমাকে এ বাড়ী হইতে তাড়ানোও সেই কথা।” বাস্তবিক শরনকক্ষে (কেবল কয়লার আগুনের) একটি আক্ষেপ না রাখিলে ভাল মতে নিজা হয় না — বেন রক্ত পর্বন্ত শীতল হইয়াছে, এইরূপ মনে হয়। তুমি বোধ হয় কেবল কলিকাতার শীত (temperature) দেখিয়া সমগ্র ভারতের ভাগ্য নির্ণয় করিয়াছ।

সু। হাঁ, তাহাই করিয়াছেন। ভাই। তুমি ভুট্টার গাছ দেখিয়াছ? ভুট্টা গাছে নানা রঙের ফুল হয়; ইহার পাতা ছাঁটিয়া তোমাদের ইলেকট্রিক পাখার ফলা (blade) প্রস্তুত হয়! আর ইহার গুঁড়ির কাঠে তোমাদের আরাম কেদারা তৈয়ার হয়।

কা। (সহাস্যে) ওগো। তোমরা মহাপণ্ডিত — ভূগোল, খগোল, অজুদ (উদ্ভিদ) বিদ্যা, রসায়নাদি সমস্ত বিদ্যা তোমাদের কণ্ঠস্থ; তোমাদের মত পণ্ডিতের সহিত তর্ক করা আমার ভারী অর্বাচীনতা। ক্ষমা কর পণ্ডিত মহাশয়।

সি। কটু বলিলে বা বিক্রম করিলে তর্ক হয় না। যদি তর্কে না পার, যথাবিধি পবাজয় স্বীকার কর।

কা। (সরলভাবে সিদ্ধিকার কথার উত্তর না দিয়া) মহাপণ্ডিতই হও, আর সাহাই হও, তোমরা আমাদের সমতুল্য হইতে পারিবে না — কখনই না।

সু। সমতুল্য কেন, আমরা তোমাদের অপেক্ষা অনেক বিষয়ে শ্রেষ্ঠ।

কা। তা কি হয়? “মানবের মানসিক বল তাহার brain-এর (মস্তিষ্কের) উপর নির্ভর করে। পুরুষের এবং স্ত্রীলোকের ব্রেন ওজন ও পরীক্ষা করিয়া দেখা গিয়াছে যে, স্ত্রীলোক অপেক্ষা পুরুষের ব্রেন অনেক পরিমাণে অধিক।”

সি। তা হউক। বড় বস্তুতে সারভাগ অন্ন থাকে। ছোট বস্তু অধিক সারবান হয়। এই দেখ না, রাশিয় কতা বড় মস্ত, আর জাপান কত ক্ষুদ্র — শেষে পোর্ট আর্ধার কে নইল? প্রকৃত বীর — প্রকৃত যোদ্ধা কে?

কা। এই রুশ-জাপানের যুদ্ধটা না হইলে তুমি ছোট বড়র দৃষ্টান্ত কোথায় পাইতে?

সি। দৃষ্টান্তের অভাব হইত? — নিত্য প্রকৃতি চক্ষে আঙ্গুল দিয়া দেখাইতেছে। এই দেখ ছোট মরিচ (লঙ্কা) ও বড় মরিচ — একটা ষান মরিচে যত ঝাল হয়, তিনটা বড় মরিচে তত হয় না।

কা। তা' ঝালের পরিমাণ — বিষের পরিমাণ ত তোমাদের ভাগেই বেশী পড়িয়াছে। জুর বুদ্ধি, কুটনীতি, কপটতা, ছলনা — এই সব উপাদানেই

ত তোমরা গঠিতা । যত দুর্কর্মের মূল কারণ তোমরা ।

সি । হাঁ, যত সব প্রসিদ্ধ ডাকাত আমরাই ; যত জালিয়াত, সিদ্ধহস্ত জুয়াচোর, রাজবিদ্রোহী, সব আমরাই । জেলে অধিক সংখ্যক স্ত্রীলোকই পচে । নব্বুরদ, ফেরাউন এবং সুবিখ্যাত তাস্তিয়া ভীলও স্ত্রীলোক ছিল ॥

কা । দুর্কর্মে স্ত্রীলোকের হাত প্রকাশ্যে না থাকুক, মূলে তাহারা থাকে । “স্বর্গোদ্যানে তোমরাই আমাদের পতনের পথপ্রদর্শক ছিলে, টুয় সময়ের তোমরাই নায়িকা ছিলে, লঙ্কাকাণ্ডে তোমাদেরই পদানুসারে ষাটয়াছিল, কারবালার সে ভীষণ কাণ্ডেও তোমরাই অভিনেত্রী ছিলে” । *

সি । হাঁ, মাঝিয়ার কন্যার সহিত হজরত আলীর কন্যার বৃদ্ধ হইয়াছিল । আর সেনাপতি ছিলেন হজরত শহরবানু ॥

কা । “স্ত্রীলোক যে unreasonable (যুক্তিজ্ঞানহীনা) ইহা তাহাদের প্রকৃতি ।” তোমরা প্রতি কথায় যুক্তিহীনতার পরিচয় দাও । পুরুষ জাতি স্বভাবতঃই যুক্তিশক্তিবিশিষ্ট ।

সু । ঠিক ! তাই লঙ্কাকাণ্ডে সীতাদেবীকে অভিনেত্রী বলিয়া তুমি হঠাৎ সমস্ত যুক্তিশক্তি ব্যয় করিয়া ফেলিলে ! ভাই । একটা উদাহরণ শুন, আমার হাঁপানী রোগ আছে, ডাক্তার আমাকে কলা খাইতে নিষেধ করিয়াছেন । কিন্তু মর্তমান কলা দেখিয়া লোভ সঞ্চরণ করিতে না পারিয়া আমি গোটা কত কলার শ্রাদ্ধ করিলাম — অতঃপর আমার হাঁপানী বৃদ্ধি হইল ! এখন বল ত, হাঁপানী বৃদ্ধির অন্য কে দোষী হইবে ? আমি, না কলা ?

কা । তুমি দোষী হইবে, কারণ লোভ সঞ্চরণ করিতে পার নাই ।

সি । দোহাই তোমার যুক্তির ! — সব দোষ কলার ॥ কারণ, কলা সীতাদেবী, সুফিয়া রাবণ । ভাইয়া ! তোমার যুক্তির বলিহারী যাই ॥

কা । আচ্ছা, এ-কথা এখন থাকুক । ছোট বড় সম্বন্ধে আর কি উদাহরণ দিতে পার ?

সি । অনেক দিতে পারি ; — বঙ্গদেশে বেল ফুল বড় বড় হয়, পশ্চিমাঞ্চলে ছোট হয় । কিন্তু বঙ্গীয় ফুল (বড় ফ্রেন) অপেক্ষা পশ্চিমে ফুলে (ছোট ফ্রেনে) গন্ধ বেশী থাকে ।

কা । তা থাকিতে পারে, আমি জানি না ।

সি । আচ্ছা, বড় লেবু অপেক্ষা ছোট কাগজি লেবু ভাল, এ-কথা স্বীকার কর ?

* গত আশ্বিন এবং কাঠিক মাসের ‘নবনূর’ দ্রষ্টব্য ।

কা । হাঁ, আমরা বাতাবী লেবু, তোমরা কমলা লেবু ।
 সি । অবশ্য । বড় ব্রেন মিশ্রী, গুড় ; ছোট ব্রেন স্যাক্সিন, স্যাকারিন !*
 কা । আজি যথেষ্ট বকিলাম, এখন উঠি ।
 স্ন । কিন্তু তুমি যথেষ্ট পরাজয় স্বীকার কর নাই ।
 কা । তাহা করিবও না । আমাদের গায়ে জোর বেশী ।

ঐ পর্যন্ত বলিয়াই কাজেব প্রস্থান করিলেন ।
 স্নফিয়া উচ্চকণ্ঠে বলিলেন, — “আমাদের রসনায় জোর বেশী — !”
 কাজেব হয়ত তাহা শুনিলেন না ।
 তবে ভগ্নী পাঠিকা । আমরাও এখন বিদায় হই ।

‘নবনু’

৩য় বর্ষ, ২য় সংখ্যা,
 জ্যৈষ্ঠ, ১৩১২ সন ।

* “স্যাক্সিন” ও “স্যাকারিন” প্রত্যন্ত মিল্ট চিনি বিশেষ । সাধারণ চিনি অপেক্ষা
 ইহা ১৬ গুণ (অথবা তদপেক্ষাও) অধিক মিল্ট ।

তিন কুড়ে

বাল্যকালে গল্প শুনেছিলাম,—এক যে ছিলেন রাজা, তাঁর বাড়ীতে ছিল তিন জন কুড়ে। তারা কোন কাজ করত না, কেবল দিন রাত শুয়ে থাকত। রাজবাড়ীর লক্ষ্মরখানা থেকে কেউ দয়া ক’রে দু’টি চারটি ভাত এনে দিলে, তারা সেইখানে শুয়ে শুয়েই খেয়ে নিত। এই রকমে তাদের অলস জীবন কাটিয়ে দিয়ে তারা কোন রকমে বেঁচে ছিল। কিছু দিন পরে রাজবাড়ীর অন্যান্য চাকররা মনে করলে, ‘বাঃ, এ’ত বেশ মজা। এ কুড়েরা কোন কাজ করে না, তবু নিয়ম মত দু’বেলা খেতে পাচ্ছে, তবে আমরা এত খেটে মরি কেন? চল, আজ থেকে আমরাও কুড়ে হই।’ বাস্? এই না বলে তারা সবাই শুয়ে পড়লো।

এদিকে রাজা বাহাদুর দেখলেন, এ ত বড় বিপদ। এখন যে সমস্ত বাড়ী-ঘর কুড়েতে ভরে গেছে। এতগুলি কুড়েকে লক্ষ্মরখানা থেকে কাহাঁতক খাওয়াবেন? আর খাওয়াতে চাইলেও এখন লক্ষ্মরখানার ভাত রাঁধে কে? সবাই ত ‘কুড়ে’ হয়ে পড়ে আছে। তিনি তখন মন্ত্রীকে ডেকে মন্ত্রণা চাইলেন যে, কি করা যায়? মন্ত্রী মশাই বলেন, “তাই ত; আমার আসনখানাও আর কেউ ঝেড়ে মুছে দিচ্ছে না।” (রাজার সিংহাসন ত কেউ মুছতই না, তবে মন্ত্রী মশাইকে চাকররা একটু আধটু ভয় করত।) “আচ্ছা মহারাজ! আপনি চিন্তা করবেন না, আমি এক্ষুনি প্রতিকার করছি।”

এই না বলে মন্ত্রী মশাই তখনই একজন খয়েরখাই চাকরকে হুকুম দিলেন, “দে বেটা কুড়ে-বাড়ীতে আঙুন লাগিয়ে।” অমনি বাড়ীময় চারিদিকে আঙুন দাউ দাউ করে জলে উঠলো। সেখানে যত কুড়ে যুমিয়ে ছিল, তারা সবাই ধড়মড় করে জেগে উঠে পালিয়ে গিয়ে আশ্রয়স্থল করলে। কিন্তু সেই যে পূর্বের তিন কুড়ে ছিল, তারা তখনও উঠল না। এখন তাদের মাথার কাছে আঙুন দাউ দাউ করে জলতে লাগলো সেই তীব্র উত্তাপে কাতর হয়ে একজন অপর একজনকে বলে—

১ম কুড়ে। দ্যাখ হে ভাই! আজ রবি কত জলে?

২য় কুড়ে। কেই আংখি ধোলে?

৩য় কুড়ে। ঘন ঘন রা’ কাড়িস্ না, বাই বান খেলে।

অবশেষে রাজা যখন দেখলেন যে, এরা হচ্ছে আসল কুড়ে — এদের সাহায্য না করলে এরা পুড়ে কাবাব হবে; তখন তিনি লোক-লঙ্করকে হুকুম দিলেন, ওদের ধরাধরি করে বের করতে। সেপাই সম্বরীরা তাদের টেনে হিচড়ে নিয়ে একটা নিরাপদ পথের ধারে শুইয়ে দিলে।

শুনতে পাই, বাঙ্গালা মুমুকু নাকি প্রায় পৌণে তিন কোটি মুসলমানের বাস। এঁরা সেই তিন কুড়ে, — নড়াচড়া, চনাফেরা কিছু করেন না; কেবল কুস্তকর্ণের মত শুয়ে শুয়ে ঘুম পাড়েন। গত এপ্রিল মাসে যখন কলকাতায় — তথা সারা বাঙ্গালায় দাঙ্গা হাঙ্গামার আগুন ভীষণ বেগে জ্বলে উঠল, তখন যেখানে যত নকল 'কুড়ে' ছিল, তারা সবাই গা ঝাড়া দিয়ে জেগে উঠে উন্নতির চেষ্টায় লেগে গেল, কিন্তু আমরা তিন কোটি কুড়ে সেই পূর্বের মতই পাশ ফিরে ঘুমুচ্ছি। 'স্যার' অমুক দয়া করে দু' চারটা চাকুরি জুটিয়ে দিবেন, শেঠ অমুক খয়রাত ফাও থেকে কিছু দান করবেন — তাতেই কোন রকমে আমাদের দিন কেটে যাবে। তারপর গোনা দিন কয়টা শেষ হলে পরকালে বেহেস্ত ত আমাদের জন্যই রিজার্ভ হয়ে আছে। সেখানে আমরা ছাড়া আর কে যাবে? চার দিনের দুনিয়া, ইহাকে চায় কে? কোন মতে ভবনদী পার হ'লেই অনন্ত-কালের জন্য অফুরন্ত বেহেস্ত আর অসংখ্য ছরী !!

গত ২৯শে নবেম্বর একজন বোম্বাইয়ের মহিলা আমাদের স্কুল দেখতে এসেছিলেন। কতক্ষণ এদিক ওদিক ঘুরে ফিরে দেখার পর তিনি আমায় বলেন, “মাফ করবেন, আপনাদের বাঙ্গালী মুসলমানের মত অকর্মণ্য এবং জুয়াচোর আর কোথাও নেই। ওয়াক্ফ সম্পত্তির মতওয়াল্লিরা টাকা ভেঙ্গে আত্মসাৎ করেন। এই ত গত ইলেকশনের সময় একজন মোটা গোছের মতওয়াল্লি দশ হাজার টাকার মদ কিনে খেলেন ও বন্ধুদের খাওয়ালেন।” ইত্যাদি, ইত্যাদি।

আমি।—যদি আপনি এই কথা বলছেন, তবে আমাকেও অনুমতি দিন, বোধহয়ে লোকের কথা কিছু বলি। শেঠ ছোটানী খিলাফত ফাওর ১৬,০০,০০০ \ টাকা—

বোধহয়ে মহিলাটি আমার কথায় বাধা দিয়ে শেঠ সাহেবের পক্ষ সমর্থন করে যা বলেন, তা'তে আমি বেশ বুঝলুম, শেঠ সাহেব হজুগে পড়ে নিতান্ত নিরুপায় হয়েই টাকাগুলো নষ্ট করেছেন। তারপর তিনি পুনরায় মাফ চেয়ে

আমাকে জুতা মারতে আরম্ভ করলেন ; যথা—

বোধেয়ে মহিলা ।—দেখুন, আমি নিজের জাতের বড়াই করতে চাই না ; তবে বাস্তব ঘটনার কথা বলছি । এত বড় কলকাতা শহরের বাঙ্গালী মুসলমানদের কয়টা প্রতিষ্ঠান — মোসাকেরখানা, হাসপাতাল ইত্যাদি আছে ? এখানে যা কিছু আছে, সব বোম্বাইয়ে এবং দিল্লীওয়াল সওদাগরদের । সব চেয়ে বড় মসজিদটা — যেটাকে বাঙ্গালার গবর্নর বাহাদুর নত-মস্তকে মেনে নিয়েছেন, সেটাও বাঙ্গালীদের নয় । এখানে দশটা এতিম-খানা হলেও সকল দুঃস্থ গরীবের অভাব মোচন হত না — তবু সে স্থলে যে একটা মাত্র আছে, তাও বোধেয়ে লোকদের দ্বারা পরিচালিত । * * * কি লজ্জার বিষয়, এই কলকাতায় বাঙ্গালী মুসলমান মেয়েদের জন্য এমন একটা বালিকা-স্কুল নাই, যাঁতে তারা বাংলা ভাষায় শিক্ষা লাভ করতে পারে । এই ধরুন না, আপনাদের এই স্কুলটা — ঘোল বৎসর হয়ে গেল, আজ পর্যন্ত এটাকে না পারলেন হাই-স্কুল করতে, না পারলেন বোডিং হাউস খুলতে । †

আমি ।—এখানকার মেয়েরা একটু বড় হলেই পর্দার অনুরোধে তাদের বাপ মা স্কুল থেকে ছাড়িয়ে নেন । হাই-স্কুলে পড়বে কে ?

বো — ম । মাফ করবেন, অমন কথা বলবেন না । মেয়েরা লরেটা, কনভেন্ট, ডায়োসেসন এবং অন্যান্য অ-মুসলিম স্কুলে যেয়ে প্রকৃত ধর্মভাবের মাথা খাচ্ছে । এই ত দু' বছর হ'ল, আপনাদের গ্রামের একটি মেয়ে কোন মুসলমানের বাড়ীতে বা বোডিং হাউসে স্থান না পেয়ে নিতান্ত দীনভাবে বহু কষ্টে বেধুন কলেজে আশ্রয় নিয়ে, বি. এ. পাশ করলে । * * * আর পর্দার কথা বলছেন ? — পর্দা আমাদের বোম্বাইয়ে যথেষ্ট আছে । নাই — বরং আপনাদেরই । সকল রকম অধিকার বঞ্চিত হয়ে চার দেওয়ালের মাঝখানে বন্দি হয়ে থাকার নাম পর্দা নয় । আপনারা কোরান শরীফ পড়েন কি ? না শুধু তাবিজ (হেমায়েল শরীফ) করে গলায় ঝুলিয়ে রাখেন ? * * *

ফল কথা, আমি উক্ত বোধেয়ে মহিলার কথা-কথাঘাতে জর্জরিত হয়ে পড়লুম । কিন্তু জানি না, উপরোক্ত কথার খোঁচায় আসল তিন (কোটি) কুড়ের গায়ের কোথাও একটু আঁচড় লাগবে কিনা !!

বার্ষিক সওগাত, ১৩৩৩

† আপাততঃ চম্ভিশ জন বাঙ্গালী শিক্ষাধিনী ছাত্রী পাইলে সাখাওয়ারত মেমোরিয়াল বালিকা স্কুলে বাঙ্গালী-মাথা খোলা যাইবে ।

পরী টিবি

মসুরী পাহাড়ে বেড়াইতে গিয়া এই সুন্দর সুদৃশ্য ক্ষুদ্র পাহাড়টুকুর নাম না শুনিয়াছে, এমন কে আছে ? ইহাকে ইংরাজীতে “Witches Hill” বলে। এই পাহাড়ের ইংরাজী ও দেশী নামে চমৎকার সাদৃশ্য দেখা যায়। “পরীটিবি” শুনিলেই সেই শৈশবকালীন শ্রুত রূপকথার দৈত্য, পরী এবং পরীস্থানের কথা মনে পড়ে। আর “Witches Hill”-এর অর্থও “বাদুকরীর পাহাড়”। সুতরাং এই নামের কারণ অনুসন্ধান করিবার আকাঙ্ক্ষা স্বতঃই মনে জাগরুক হয়।

উপরোক্ত ভাবের আবেশে একদিন আমি বন্ধুবর মি: শফীকের সহিত মহা তর্কযুদ্ধ আরম্ভ করিয়া দিলাম। তর্কের বিষয় ছিল এই যে, উক্ত উচ্চ ক্ষুদ্র পাহাড়ে কখনও দৈত্য-পরী অবস্থান করিত কিনা। এবং এখনও কি পরী-টিবিতে পরী বাস করে ? অনেকক্ষণ তর্কের পর ধার্য হইল যে, আগামী-কল্য অতি প্রত্যুষে পরীটিবিতে বেড়াইতে যাওয়া হউক এবং এমন কোন অঙ্কার গুহার অনুেষণ করা যাউক যদ্বারা পরীস্থানে যাইবার পথ পাওয়া যায়।

পরদিন শফীক ও আমি প্রাতঃকালে ৫টার সময় পকেট ইলেকট্রিক আলোর সাহায্যে বিভিন্ন টিলা অতিক্রম করিয়া পরীটিবিতে পরীস্থানের কল্পনা করিতে করিতে রকউড কলেজের সন্নিহিত রাস্তায় আসিয়া পড়িলাম। আকাশ পরিষ্কার ছিল — একখণ্ড মেঘও ছিল না। আমরা এই হাজার দেড় হাজার ফিট উচ্চতায় দাঁড়াইয়া দৈত্যকূলের সম্পূর্ণ হইতে ও আবশ্যিক হইলে তাহাদের সহিত যুদ্ধ করিতে সম্পূর্ণ প্রস্তুত ছিলাম। আমার বন্ধুটি (শফীক) স্বভাব-কবি, তিনি পথে কল্পিতা পরীদের সহিত কথা বলিতে আরম্ভ করিয়া দিলেন।

রকউড কলেজের পশ্চাৎ দিক অতিক্রম করিয়া শেষে আমরা সেই সুউচ্চ পাহাড়ের পাদমূলে আসিয়া পড়িলাম। এই স্থান হইতে খাড়া চড়াই আরম্ভ হইয়াছে। উঁচু নীচু আঁকাবাঁকা পথে ১৫ মিনিট পর্যন্ত উত্তিবার পর ক্লাস্তি বোধ হওয়ায় আমরা বিশ্রামার্থে থামিলাম। স্থানটি অতি সুন্দর। চতুর্দিকে হরিৎ দুর্বাশ্লেষ দেখা যাইতেছিল, — পঞ্চাশ গজ দূরে পাদপ শ্রেণী ছিল। সেখানে গিয়া আমরা গাছে ঠেস দিয়া বসিয়া লিগারের ধূম পান করিতে করিতে প্রাকৃতিক দৃশ্যের সৌন্দর্য উপভোগ করিতে লাগিলাম।

আমার সিগারেট তখনও খাওয়া শেষ হয় নাই, এমন সময় পশ্চাৎ হইতে কেহ আসিয়া হাত দিয়া আমার চক্ষু চাকিল। আমি আত্মসম্বরণ করিতে না পারিয়া বলিয়া ফেলিলাম, “শকীক! তুমি কি ছেলেমী কর। এই কি তোমাঙ্গা করিবার—” আমার বুকের কথা শেষ না হইতেই কিছু দূরে শকীকের কণ্ঠস্বর শুনিলাম,— “you are a fool শহীদ!” আমাকে “ফুল” বলা শকীকের উচিত কি অনুচিত তাহা ভাবিবার সময় ছিল না। আমি তাড়াতাড়ি উঠিয়া দাঁড়াইলাম, শকীকও ব্যস্তভাবে উঠিয়া দাঁড়াইতেছে। সর্বপ্রথমে আমাদের দৃষ্টি বাহার প্রতি পড়িল, তাহা পঞ্চ পরীর একটি গুচ্ছ ছিল— সত্যিকার পরী! ঠিক তেমনই অবয়ব, তেমনই পোষাক,— যেক্রপ গল্পে পাঠ করিয়াছি এবং ছবিতে দেখিয়াছি। নানাবিধ পরীর গল্পে এবং সেক্সপিয়রের “Mid summer night’s dream”-এ বাহা পাঠ করিয়াছি— সেই দৃশ্য চক্ষের সম্মুখে আসিতে’ বারবার চক্ষু রগড়াইয়া ভাল করিয়া দেখিতে চেষ্টা করিতেছিলাম, আর ভাবিতেছিলাম, “হে আল্লাহ! ইহা স্বপ্ন দেখিতেছি, না আমি জাগ্রত!” *

ইতিমধ্যে জনৈক পরী অগ্রসর হইয়া ইংরাজীতে দৃঢ়স্বরে জিজ্ঞাসা করিল— “আপনারা এমন অসাবধানভাবে পরীস্থানের মহারাজা বখ্ত আজম শাহ-এর রাজ্যের অন্তর্গত উপত্যকায় অনধিকার প্রবেশ করিয়াছেন কেন? আপনারা কি জানেন না যে, এ-স্থানটি আমাদের রাজকুমারী ‘মমতাজ গুল’-এর বেড়াইবার জন্য নির্দিষ্ট হইয়াছে? তিনি মহারাজা বখ্ত আজম এবং মহারানী “মিহির গুল”-এর একমাত্র কন্যা।”

আমি ও শকীক কিংকর্তব্যবিমূঢ় হইয়া পরস্পরের মুখ দর্শন করিতে লাগিলাম। ইংরাজী ভাষায় কথা বলে, এ কেমন পরী? আর ইহাদের এশিয়াই নামই বা কেন? হঠাৎ মনে পড়িল, পরীগণ সকল প্রকার ভাষা জানে। আর সম্ভবতঃ আমাদের পোষাক-পরিচ্ছদ দেখিয়া আমাদের গম্বন্ধে ইহাদের স্বাস্থ ধারণা জন্মিয়াছে। আমি শশব্যস্তে টুপী খুলিয়া ইংরাজী ধরনে অভিভাদন করিয়া উত্তর দিলাম,— “সুন্দরী মহিলা। আমার বন্ধু মিষ্টার শকীক এবং আমি আপনাদের দেখিয়া অত্যন্ত আশ্চর্যান্বিত হইয়াছি এবং আমরা অত্যন্ত লজ্জিত হইলাম যে, আমরা অজ্ঞাতসারে অনধিকার প্রবেশের অপরাধ করিয়াছি।

* পরীচিবিতে হার্লার প্রারম্ভে শকীক বলিয়াছিলেন যে, আমরা সৈত্যদের সম্মুখীন হইতে এবং তাহাদের সহিত যুদ্ধ করিতে প্রস্তুত ছিলাম। এখন মাত্র পাঁচ জন পরীকে দেখিয়াই হতভয় হইয়া গিয়াছেন! সৈত্যের সহিত যুদ্ধ ত অনেক দূরের কথা।

যদি জানিতাম যে, এস্থান কাহারও নিজস্ব, তাহা হইলে কখনই এদিকে আসিতাম না, যদিও তাহাতে আমরা আপনাদের সহিত আলাপ করিবার সুখে বঞ্চিত থাকিতাম। যদি আপনাদের সঙ্গে রাজকুমারী সমতাজ গুল উপস্থিত থাকিয়া থাকেন, আমরা উভয়ে তাঁহার নিকট শ্রদ্ধার সহিত স্তম্ভ প্রার্থনা করিতে প্রস্তুত আছি,—যাহা প্রকৃত ভঙ্গলোকের করা উচিত।”

প্রথমা পরী উত্তর দিল, — “এখন আপনারা এত সহজে নিকৃতি পাইতে পারেন না। রাজকুমারী এখানে উপস্থিত নাই; কিন্তু অতি নিকটেই একটা পাহাড়ের উপর বিশেষ একটা সাপ্তাহিক উৎসব করিতেছেন। আপনাদের উভয়কে তথায় যাইতে হইবে। রাজকুমারী স্বয়ং বিচার করিয়া যাহা বিবেচনা করিবেন, তাহাই মানিতে হইবে।”

আমরা উভয়ে একবাক্যে বলিয়া উঠিলাম “রাজী।” শাস্তির ভয় অপেক্ষা পরীদের উৎসব দেখিবার আগ্রহই বলবতী হইয়াছিল।

পরীগণ অগ্রসর হইয়া আমাদের চক্ষে রুমাল বাঁধিতে লাগিল, “ভঙ্গলোকের ন্যায় আপনারা সসন্মানে শপথ করুন যে, পথে যাইবার সময় আপনারা কিছু দেখিতে চেষ্টা করিবেন না।” আমরা তাহাই করিলাম। এখানে আমাদের যাত্রা এইরূপে আরম্ভ হইল যে, এক পরী আমার দক্ষিণ হস্ত এবং অন্য পরী আমার বাম হস্ত ধরিয়াছিল, — সম্ভবতঃ এইরূপে দুই পরী শফীককেও ধরিয়া লইয়া যাইতেছিল। আমি কিছুই দেখি নাই, — কারণ দেখিবার অনুমতি ছিল না।

আমার বড় আশ্চর্য বোধ হইতেছিল যে, এ কেমন পরী যে উড়ে না এবং আমাদিগকেও উড়াইয়া না লইয়া পায়ে হাঁটাইয়া লইয়া যাইতেছে। শরতের এই পরিষ্কার আকাশে উড়িতে বেশ লাগিত। কিন্তু কিছু বলিবার সাহস হইল না। কারণ ভয় ছিল যে, কোন প্রকার আপত্তি আমাদের শাস্তি বৃদ্ধি করিয়া দিবে। প্রায় দশ মিনিট পরে স্মৃধুর সঙ্গীত-ধ্বনি শুনিতে পাইলাম। আমার মনে হইল, এখন আমরা রাজকুমারীর উৎসব-গৃহের নিকটে আসিলাম।

ক্রমে সঙ্গীত-ধ্বনি নিকটবর্তী হইলে উভয় পরী—যাহারা মুনকীর-নকীরের মত আমার দক্ষিণ ও বামে সঙ্গে সঙ্গে আসিয়াছে — আমার চক্ষু হইতে রুমাল খুলিল। দেখিলাম, অতি অপূর্ব দৃশ্য। পঁচিশ-ত্রিশজন পরী নানা রঙের পরিচ্ছদে সুশোভিতা হইয়া অতি নিপুণতার সহিত আধুনিক ইংরাজী নৃত্য “কন্সট্র্যুয়েট” নাচিতেছিল। তাহাদের মধ্যে হরিষর্গের পরিচ্ছদ পরিয়া

একজন অসামান্য রূপসী বালিকা ছিলেন। তাঁহার মাথায় মুকুট ছিল, যাহা মরকত-মণি দ্বারা ভূষিত বলিয়া মনে হইল। আলোক-রশ্মি সেই মণি-মাণিক্য-শোভিত মুকুটে পড়িয়া এক অভিনব আলোক-রাজ্য রচনা করিয়াছে। এদিকে তিন চারিজন পরী ধরাসনে বসিয়া বেহালা, সেতার, বাঁজো এবং ক্লারিওনেট বাজাইতেছিল। শফীক ও আমি স্বপ্নাবিষ্টের ন্যায় দাঁড়াইয়া এই সব দেখিতে লাগিলাম। আমাদের সঙ্গিনী পরীগণও নৃত্যে যোগদান করিল।

পাঁচ ছয় মিনিট পৰ্যন্ত আমরা মুগ্ধ নেত্রে ঐ দৃশ্য দেখিবার পর কিয়ৎকাল বিশ্রামের জন্য নৃত্যগীত খামিল। আমাদের সঙ্গে যে পরীরা আসিয়াছিল, তাহাদের একজন রাজকুমারীর দিকে অগ্রসর হইয়া তাঁহার কানে কানে কি বলিল। তিনি মৃদুহাস্যে আমাদের দিকে দৃষ্টিপাত করিয়া বলিলেন;— “আপনারা ভারী অন্যায, এমন কি বড় ভারী অপরাধ করিয়া ফেলিয়াছেন; ইহার শাস্তিও তজ্জপ কঠোর হইবে। অর্থাৎ আপনাদিগকে আমাদের সঙ্গে নাচিতে হইবে।”

চার্জ ফ্রেম করা ও সঙ্গে সঙ্গে দণ্ডাজ্ঞা শ্রবণ করিয়া আমরা উভয়ে কাঁচ হইয়া গেলাম। আমাদের জন্য এ শাস্তি বাস্তবিকই কঠোর ছিল। কারণ আমরা নাচিতে জানিলে ত নাচিব? আমি তাড়াতাড়ি সবিনয় করপুটে বলিলাম,— “সুল্লরী রাজকুমারী মমতাজগুল! আমার বন্ধু এবং আমি বড় দুঃখিত যে, আমরা নাচিতে জানি না। কিন্তু আমার বন্ধু গানে ওস্তাদ। আপনি যদি অনুমতি করেন, ত আমরা পালাক্রমে গাহিতে পারি।”

আমার কথায় পরিগণ হর্ষধ্বনি করিয়া উঠিল এবং রাজকুমারী ভাল গান শুনিবার আশায় আমাদের অগ্রিম ধন্যবাদ দিয়া ফেলিলেন। অতঃপর শফীক ও আমি বাদ্যকারিণী পরীদের নিকট গিয়া বসিলাম এবং পালাক্রমে হাফেজ, গালেব, খসরু এবং মীর সাহেবের কয়েকটা গজল গাহিলাম। প্রত্যেকটি গানের সমাপ্তিতে পরীগণ অতি জোরে করতালি দিতেছিল। অবশেষে আমরা উঠিয়া দাঁড়াইলাম এবং আমি বলিলাম,— “মাননীয় রাজকুমারী! এখন আমরা বিদায় হই।”

তখন সমস্ত গীত-বাদ্য খামিয়া গেল। রাজকুমারী সুল্লধর মৃদু হাস্যে বলিলেন,— “মেসার্স শাহীদ এণ্ড শফীক! আমি মমতাজগুল এবং উপস্থিত পরীবৃন্দ আপনাদের উভয়কে আন্তরিক ধন্যবাদ জ্ঞাপন করিতেছি যে, আপনারা অতি সুল্লর গানে আমাদের চমৎকৃত করিয়াছেন। কিন্তু আপনারা কি এখনও

রকউড কলেজের ছাত্রীবৃন্দকে এই স্থলের ছদ্মবেশ ধারণের ও 'ক্যান্সি ফ্রেস পিকনিক'-এর জন্য শুভ্রইচ্ছা (মোবারকবাদ) জ্ঞাপন করিবেন না ?" ইহা শুনিয়া সকলে উচ্চহাস্য করিলেন ।

দ্বিতীয়বার আমরা পরস্পরের মুখ অবলোকন করিলাম — ইহারা তবে পরী নয় — সত্যিকার মানুষ ! পরে আমরাও প্রাণ ভরিয়া উচ্চহাস্য করিলাম । পরে আমি বলিলাম, — “আমরা আপনাদিগকে একবার নয়, শত সহস্র বার মোবারকবাদ জানাইতেছি । আমরা আপনাদের নিকট অত্যন্ত কৃতজ্ঞ যে, আমাদের পরীচিবি ভ্রমণকে আপনারা আমাদের আশার অতিরিক্ত মনোরম করিয়া দিলেন ।”

পরে আমি যখন আমাদের ভ্রমণের উদ্দেশ্য বর্ণনা করিলাম, তখন তাহারা খুব হাসিলেন । অন্তঃপর সকলের সহিত করমর্দন করিয়া এবং পুনরায় তাঁহাদিগকে ধন্যবাদ দিয়া আমরা বিদায় হইলাম ॥ *

সংগত

কাণ্ডিক, ১৩৩৩

বলিগর্ত

(নির্জনা সভ্য ঘটনা অবলম্বনে)

কলেজ বন্ধ হইয়াছে। গরমের ছুটি। বারান্দায় বসিয়া আছি। হঠাৎ দেখি — কমলা দিদি হাঁপাইতে হাঁপাইতে সিঁড়ি ভাঙিয়া আসিলেন। কমলা দেবী কংগ্রেস সেবিকা, চরকা ও খন্দর প্রচার তাঁহার ব্রত। তাঁহার সঙ্গে জাহেদা বিবি নাম্নী একজন মুসলিম মহিলাও আসিয়াছেন। কমলা একটা চেয়ার টানিয়া বসিয়াই বলিলেন, —“সব দেশ জয় করিয়াছি, এখন চল বলিগর্তে।”

আমি জিজ্ঞাসা করিলাম, “সে আবার কোথায়?”

জাহেদা উত্তর দিলেন, “সে আমার মামার বাড়ী, মামা নেই, এখন মামাতো ভাইদের রাজস্ব।”

আমি। বেশ ত, খুব সহজেই চরকার প্রচলন করিতে পারিবেন।

কমলা। ও হো। তুমি যত সহজ মনে করিয়াছ, তাহা নয়। সে গ্রাম অত্যন্ত দুর্গম, তাহার উপর সেখানে জাহেদার প্রবেশ নিষেধ।

আমি। তার অপরাধ?

কমলা। আমার সঙ্গে ঘুরে বেড়ায়, একটু লেখাপড়া জানে, খন্দর পরে, নিরামিষ খায়।

আমি। তা হ'লে নাই বা গেলে বলিগর্তে। বিশেষতঃ যাঁর মামাতো ভাই-এর বাড়ী, তাঁরই যখন প্রবেশ নিষেধ।

কমলা। তা কি হয়? আমি যে কমলা — সর্বত্র আমার অব্যাহত ঘর। বিশেষতঃ ঐ প্রবেশ নিষেধ বলিয়াই প্রবেশ করিতে হইবে। আর তোমাকে আমাদের সঙ্গে যাইতে হইবে।

আমি। না ভাই। তোমরাই যাও।

কমলা। আ রে! তুমি না গেলে আমাদের আয়োদ্য ভাল জন্মিবে না। চরকা চালাইতে পারিলে মিসিস্ খট্-খটেদের হাতের তৈরী সুতায় প্রস্তুত প্রথম খন্দরখানা তোমাকে দিব। বলিগর্তের জমীদার বাঁ বাহাদুর কশাই-উদ্দীন খট্-খটের দেওয়ান মিস্টার জাহেরদার ফরফরে এখন কলিকাতায় আছেন। চল, তাঁহার সহিত দেখা করিয়া সব ঠিকঠাক করিয়া আসি। ওঠ বীণা! লক্ষ্মীটি। চল শীগগীর।

অগত্যা আমি তাঁহাদের সঙ্গে মিস্টার ফরফরের বাসায় গেলাম। তাঁহার আর দুইটি ভাইও তথায় উপস্থিত ছিলেন। তাঁহারা অত্যন্ত আদর আপ্যায়নে আমাদের অভ্যর্থনা করিলেন। আমি মনে মনে আশ্চর্য হইলাম যে, এত আদর-বন্দ পাইয়াও কেন জাহেদা বিবি বলেন যে, মামাতো ভাই-এর বাড়ীতে তাঁহার প্রবেশ নিষেধ। হাঁ, বলিতে তুলিয়া গিয়াছিলাম, এই দেওয়ান মিস্টার জাহেরদার ফরফরে জমীদারের সহোদর এবং অপর দুই ভ্রাতৃলোক তাঁহার বৈমাত্রেয় ভাই। হাঁহারা কেহই জমীদারীর অংশ পান নাই, মাসিক বৃত্তি পাইয়া থাকেন।

জাহেদা বলিগর্তে যাইবার ইচ্ছা প্রকাশ করা মাত্র মিঃ ফরফরে প্রাণ খুলিয়া বলিলেন, — “হাঁ বুঝ। চল। তোমার মামার বাড়ী, তুমি আমাদের নিমন্ত্রণের অপেক্ষা রাখ ? তুমি যখন বলিবে, আমি স্বয়ং আসিয়া তোমাকে লইয়া যাইব, আমি নিজে না আসিতে পারিলে ইহাদের (ভাইদের প্রতি অঙ্গুলি নির্দেশ করিয়া) দুই জনের এক জনকে পাঠাইয়া দিব। তুমি কখন যাইবে, বল ? তুমি যে মুহূর্তে সংবাদ দিবে, তখনই ইহাদের কেহ আসিয়া তোমাকে লইয়া যাইবে।

জাহেদা।—ভাই! আমি ত একা যাইব না; এই কমলা দিদি এবং বীণাপানি দেবীও আমার সঙ্গে যাইবেন। আমাদের সকলের পাথের ...

মিঃ ফরফরে।—কোন চিন্তা নাই, বুঝ। তুমি বিধা-সঙ্কোচ করিও না। চলুন সকলে, আমাদের মাথায় থাকিবেন। আপনাদের দেখিলে ভাই সাহেব অত্যন্ত সুখী হইবেন।

অতঃপর আমরা যাত্রার আয়োজন করিতে লাগিলাম। ইতিমধ্যে মিঃ ফরফরে স্বস্থানে ফিরিয়া গেলেন। তিনি গুপ্তপুর জেলার টাউনে থাকেন। গুপ্তপুর হইতে বলিগর্ত চল্লিশ পঞ্চাশ মাইল দূরে। বলিগর্তে মিঃ খট্‌খটেকে এখনও আমাদের বিষয় জানান হয় নাই; জাহেদা মিঃ ফরফরের সঙ্গেই পত্র ব্যবহার করিতেছিলেন। যাইবার তারিখ ঠিক করিয়া জাহেদা বিবি মিঃ ফরফরকে কোন ভাইকে পাঠাইতে লেখায় তিনি উত্তর দিলেন যে, তাহারা উভয়ে বলিগর্তে চলিয়া গিয়াছে, বকর-ইদের পূর্বে ফিরিবে না; বিশেষতঃ এ সময় দাঙ্গা-হাঙ্গামার ভয় আছে। তাই ঝাঁ বাহাদুর খট্‌খটে কাহাকেও ঘরের বাহির হইতে দিবে না। জাহেদা যদি অপর কাহারও সহিত গুপ্তপুর যান, তবে তিনি তথা হইতে সহজেই তাঁহাদিগকে বলিগর্তে পাঠাইয়া দিতে পারিবেন। তাঁহারা গেলে খট্‌খটে ভাই সাহেব বড়ই সুখী হইবেন।... ..

পরে জাহেদা নিখিলেন যে, পাথের পাইলে তাঁহারা রওয়ানা হইতে পারেন। উজর আসিল যে, তাঁহার ন্যায় দরিদ্র লোক অত টাকা কোথায় পাইবেন ?

তবে ঝাঁ বাহাদুর খটখটে ইচ্ছা করিলে ৫০০ টাকাও দিতে পারেন। যাহা হউক, জাহেদা ভাবিলেন, বলিগর্তে পৌঁছিলে আর টাকার অভাব হইবে না।

যথাসময় আমরা যাত্রা করিলাম। গুপ্তপুর যাইবার পূর্বে পথে বিষ্ণুগঞ্জ এক বন্ধুর বাড়ীতে এক সপ্তাহের জন্য অতিথি হইলাম। বিষ্ণুগঞ্জ হইতে গুপ্তপুর মাত্র ৮-১০ মাইলের পথ। লোকে দৈনিক দুই তিন বার যাতায়াত করে। বিষ্ণুগঞ্জে অবস্থিতি কালে আমরা জানিতে পারিলাম, মিঃ ফর্ফরে নিজকে বড়ই বিপন্ন মনে করিতেছেন; আর আমরা বাহাতে বলিগর্তে যাইতে না পারি, তজ্জন্য প্রাণপণে ষড়যন্ত্র করিতেছেন। লজ্জায় জাহেদা বিবির মুখখানা এতটুকু হইয়া গেল। কিন্তু কমলা বলিলেন, — “কিছুতেই ছাড়িব না — বলিগর্তে নিশ্চয়ই যাইব, যাই আগে গুপ্তপুরে। মিঃ ফর্ফরে তাঁহার স্নাতার এত প্রশংসা করিয়াছেন—এহেন ধার্মিক সাধক মহাপুরুষকে একবার দেখিতেই হইবে।”

অতঃপর আমরা গুপ্তপুরে গেলাম। কিন্তু জাহেদা বিবি আমাদের লইয়া অন্যত্র গেলেন — মিঃ ফর্ফরের বাড়ী যাইতে দিলেন না। দুই তিন দিন পরে ভদ্রতার অনুরোধে মিঃ ফর্ফরে আমাদের বিশেষভাবে নিমন্ত্রণ করিয়া দুই দিনের জন্য লইয়া গেলেন। তথায় মিঃ ফর্ফরে এবং তাঁহার স্ত্রী ডালিমকড়া আমাদেরিগকে বলিগর্ত সম্বন্ধে যাহা বলিলেন, তাহা এই, —

এখন বলিগর্তে যাইবার কোন পথ নাই — খানা, ডোবা ইত্যাদি কাদায় পূর্ণ। জল প্রচুর নহে বলিয়া নোকা চলিতে পারে না। পথ শুষ্ক এবং সমতল নহে বলিয়া পাখী ও মোটর চলিতে পারে না। পথের কোন স্থান আবার পাহাড়ের মত উচ্চ। লোকে গৌরীশঙ্কর আরোহণের চেষ্টা করিয়াছে, কিন্তু এখন কেহই বলিগর্তে অবতরণের চেষ্টা করিতে সাহস পায় না। সে অনেক কষ্ট—অনেক কষ্টে জেলে ডিঙ্গী বা অপর কোন বাহনে বলিগর্তের পত্রাদি শহরে আইসে। আপনারা পথের অত কষ্ট লাজনা সহ্য করিতে পারিবেন না। আর যদিই বহু কষ্ট করিয়া যান, তবে থাকিবেন কোথায় ?

ঝাঁ বাহাদুর খটখটের বিশাল প্রাসাদে ছাগল, গরু, ভেড়া, মুরগী ইত্যাদি

থাকে। অঙ্গনে দিনে দুপুরে সর্প-বৃশ্চিক কিল্‌বিল্‌ করে। সন্ধ্যার পরে এক জাতি পতঙ্গ উড়ে — তাহারা এমন দংশন করে— উঃ! হাত পা ফুলিয়া যায় আর চুলকাইতে চুলকাইতে প্রাণ যায়। ঝাঁ বাহাদুর মশারির ভিতর বসিয়া ভাত খান— এই ত অবস্থা। আর তিনি স্বয়ং দোতলায় থাকেন। দোতলায় বেশী কামরা নাই যে, আপনাদের স্থান দিতে পারিবেন। তাঁহার তিন জন স্ত্রী তিন স্নুট ঘর দখল করিয়া আছেন। তাঁহারা সকলেই দোতলায় একরূপ বন্দী অবস্থায় থাকেন। মিঃ খট্‌খটেকে একটা চেয়ারে বগাইয়া বহির্বাটিতে লইয়া যাওয়া হয়। চাকরেরা তাঁহাকে চেয়ারে বহিয়াই ইতস্ততঃ লইয়া বেড়ায় — তিনি স্বয়ং কখনও মাটিতে পা রাখেন না। পাছে সাপে কামড়ায়। মিঃ খট্‌খটে পরম ধার্মিক— দিবানিশি কোরআন, হাদীস, তফসীর এবং তস্বীহ লইয়াই থাকেন — জমিদারী না দেখিলেই নয়, তাই অতটুকু সাংসারিক কাজ করেন। মুসলমান ধর্মীয় শাস্ত্রে সূদ প্রদান করা এবং গ্রহণ করা উভয়ই সমান পাপ। দরিদ্র প্রজাবুল অন্যত্র টাকা ধার না করিয়া তাঁহার নিকট হইতে ধার করে। তিনি অতি উচ্চ হারে সূদ গ্রহণ করেন; কারণ শাস্ত্রে সূদ গ্রহণ নিষিদ্ধ; স্নতরাং ধর্ম বিনিময়ে সূদ লইতে হয়; ধর্ম কি এমন সম্ভা যে, তাহা অল্প মূল্যে বিক্রয় করা যায়? তাঁহার বাড়ীর সকলেই — বাঁদী, গোলায় পর্যন্ত অতি নিষ্ঠাবান ধার্মিক। তাহারা হাদীসের অতি অস্পষ্ট কিম্বদন্তীও অতি নিষ্ঠার সহিত পালন করিয়া থাকেন। কবে কোন্‌ কাফের জিহ্মা চাঁচিয়া কুল্লি করিয়াছিল, সেইজন্য সে বাড়ীর কেহ মুখ ধুইবার সময় জিব-ছোলা দ্বারা জিব পরিষ্কার করেন না।

জেহাদের পুণ্য অর্জনের নিমিত্ত তাঁহারা বাড়ীর দাসী এবং প্রজাদের ধরিয়া আনিয়া নির্মমভাবে প্রহার করেন। পাঠিকা শুনিয়া আশ্চর্য হইতে পারেন যে, ব্রিটিশ গবর্নমেন্টের আমলেও বহু দেশে “দাসী” আছে? ঐ সব দাসী প্রকাশ্য হাতে বাজারে ক্রীতা হয় নাই; ইহারা দরিদ্র প্রজার ঘর হইতে ছলে বলে কৌশলে ধরিয়া আনা দাসী। এইরূপে বাড়ীর বিবিগণ বাঁদী মারিয়া এবং ঝাঁ বাহাদুর প্রজা ঠেঙ্গাইয়া জেহাদের পুণ্য অর্জন করিয়া থাকেন। কালে ভদ্রে যদি কোন দাসী কোন প্রকারে পায়খানার নর্দমা গলাইয়া পলায়ন করে, তবে তাহাতে ঝাঁ বাহাদুর বাঁদী “আজাদ” (অর্থাৎ মুক্তিদান) করার পুণ্য লাভ করেন।

পুণ্যশ্রোক ঝাঁ বাহাদুর অবরোধ প্রথারও ঘোর পক্ষপাতী। একবার

চিকিৎসার নিমিত্ত তিনি গুপ্তপুরে সপরিবারে আসিয়াছিলেন। সেই সময় তাঁহার কিশোরী বিধবা ভগিনী এবং কতিপয় ভাগিনেয়ী আবদার করিল যে, তাহাদিগকে একবার বাড়ীর মোটর গাড়ীতে করিয়া গুপ্তপুর শহরটা দেখাইয়া আনিতে হইবে। অগত্যা মোটর গাড়ীটা মোটা বোম্বাই চাদরে সম্পূর্ণ জড়াইয়া তাহার ভিতর বিবিদের বসাইয়া সমস্ত শহর ঘুরাইয়া আনা হইল। বেচারীগণ আবছায়ার মত সামান্য সূর্যের আলো ছাড়া আর কিছুই দেখিতে পায় নাই। তথাপি মিঃ খট্‌খটে তাহাদিগকে বলিলেন, “দেখ তোমরা মোটরে বেড়াইতে গিয়া অসংখ্য পুরুষের মুখ দেখিয়াছ সে জন্য এখনই আমার সম্মুখে ‘তওবা’ (অনুতাপ) কর এবং প্রতিজ্ঞা কর জীবনে আর কখনও মোটরে উঠিতে চাহিবে না।”

মিঃ জাহেরদার ফর্করে খাঁ বাহাদুর খট্‌খটের সহোদর ভাই কিনা, তাই তিনিও পরম ধার্মিক। শরিয়তের অতি তুচ্ছ কিম্বদন্তীও তিনি নিষ্ঠার সহিত পালন করেন। তাঁহার মতে মানুষের ফটো তোলা ভয়ানক পাপকার্য। তিনি গুপ্তপুরের একটি অনাথ আশ্রমের সেক্রেটারী হইয়া বহু পুণ্য (ছোট লোকে বলে বহু টাকা) অর্জন করিতেছেন। আমরা পরম্পরে শুনিতে পাইলাম, একদা তিনি উক্ত অনাথ আশ্রমে বঙ্গের লাট বাহাদুরকে নিমন্ত্রণ করিয়াছিলেন। লাট বাহাদুর বিদায় হইলে পর তাঁহার কতিপয় বন্ধু লাট সাহেবের সহিত তাঁহাদের একটা প্রপ ফটো তোলা হয় নাই বলিয়া আক্ষেপ করায় মিঃ ফর্করে বলিলেন, “তাই ত ভাই, এমন প্রয়োজনীয় কথাটা আমাকে একটু পূর্বে স্মরণ করাইয়া দিলে না। সমস্ত কার্যই হইয়া গেল, শুধু এই অত্যাবশ্যক কাজটি বাদ পড়িল। আজ এই মস্ত ডুলটার জন্য আমার কিরূপ আক্ষেপ হইতেছে, তাহা আমি কথায় ব্যক্ত করিতে পারিতেছি না।” তাঁহার এই উক্তি শ্রবণে জনৈক দুষ্টবুদ্ধি লোক উঠিয়া দাঁড়াইয়া উপস্থিত সমস্ত ভদ্রলোককে লক্ষ্য করিয়া বলিলেন, “এতদিন আমরা জানিতাম যে, আমাদের বন্ধুর মিঃ ফর্করের মতে মানুষের ফটো তোলা বেজায় অমার্জনীয় পাপ। কিন্তু আমাদের সে বন্ধুবরের মতেই দেখিতেছি যে, লাট সাহেবের ফটো তোলায় কোন পাপ নাই, বরং উহাতে পুণ্যার্জনই হয়।” (সকলের হাস্য।) নিমন্ত্রণের দিন লাট সাহেব মিঃ ফর্করের কাজের প্রশংসা করিয়া দু’ছত্র লিখিয়া গেলেন। মিঃ ফর্করে সেই দু’ছত্রের দস্তে ফুলিয়া প্রায় দ্বিগুণ হইয়া গেলেন। তিনি শুধু ফুলিয়াই কান্ত হইলেন না; বরং তিনি সেই দু’ছত্র লেখা অবলম্বনে একখানি

৮।১০ পেজী বই ছাপাইতেও কুষ্ঠিত হইলেন না। অতঃপর সেই বই প্রত্যেকের ঘরে ঘরে বিতরণ করিতে তাঁহার দুই দিন অফিস কামাই হইল। তিনি সকলের নিকট বলিতে লাগিলেন; “ম্যাজিষ্ট্রেট ? সে ত একজন petty officer ! কমিশনর ?..... সে ত একজন নগণ্য চাকর। আমি কি উহাদিগকে ‘কেয়ার’ করি ? বরঞ্চ তাহারাই আমার সম্মান করিতে বাধ্য, কারণ আজকাল আমার পত্র-ব্যবহার (communication) স্বয়ং লাট বাহাদুরের সঙ্গে হয়।” ইত্যাদি।

মি: খট্‌খটে পুরুষের জন্য চারি বিবাহ করা অতি প্রয়োজনীয় “সুন্নত” মনে করেন; আর হিন্দুয়ানী সকল প্রথাকে অতি ঘৃণার চক্ষে দেখেন। কিন্তু নিজের ত্রয়োদশ বর্ষীয়া বিধবা ভগিনীর বিবাহের প্রস্তাবে এই বলিয়া আপত্তি করিলেন যে, “আমরা যখন হিন্দুর দেশে আছি, তখন তাহাদের আচার নিয়মের প্রতি সম্মান প্রদর্শন করিতে আমরা বাধ্য। কোন সম্ভ্রান্ত বংশীয়া বিধবার বিবাহ হয় না।” ইত্যাদি।

ঝাঁ বাহাদুর স্বয়ং তিন স্ত্রীর ভার বহন করিতেছেন; চতুর্থ স্ত্রীর স্বান রিজার্ভ করা ছিল, একটি অসামান্য রূপসী জমিদার-কন্যার জন্য। দুর্ভাগ্যবশত: কোন কোন দিন তিনি সুরার মত্ততায় বোতল হস্তে গুপ্তপুরের পথে ছুটাছুটি করিয়াছিলেন। দুষ্ট লোকেরা সেই কথাটুকু উপরোক্ত জমিদার-গৃহিণীকে বলিয়া দেয়। ফলে সে বিবাহ ফস্কাইয়া গেল। আজ পর্যন্ত তাঁহার চতুর্থা স্ত্রীর পদটা শুন্যই আছে; যেহেতু এখন (তিনি ব্যাধি-ভোগে চলচ্ছক্তিহীন হওয়ায়) আর কোন ‘চোক খাগী’ তাঁহাকে কন্যা দানে সম্মত নয়।

ঝাঁ বাহাদুর খট্‌খটের ভুরি ভুরি গুণের মধ্যে একতম গুণ এই যে, তিনি অত্যন্ত বশোবস্তী লোক। বর্ষার সময় চাঁল, ডাল ইত্যাদি খাদ্যদ্রব্য বাজারে সহজপ্রাপ্য নয় বলিয়া তিনি পূর্বেই সমস্ত জিনিস পর্যাপ্ত ক্রয় করিয়া রাখেন। ধান এত অধিক পরিমাণে সঞ্চিত থাকে যে, পরে ধানের গাছ গজাইয়া সে গোলাটাই ধানের ক্ষেত হইয়া যায়। পৈয়াজ ও নারিকেল গাছে দালানের প্রায় প্রত্যেক কামরাই পরিপূর্ণ। আলুর গাছগুলি ক্রমশ: লতাইয়া মি: খট্‌খটের দোতারা পর্যন্ত উঠিয়াছে।

বলিগর্তের “ডব্লিউ. সি” (পায়খানা) সম্বন্ধে ভগিনী ডালিমকড়া (মিসিস্ ফরুকা) বাহা বর্ণনা করিলেন, তাহা নিতান্ত রুচি-বিরুদ্ধ বলিয়া

তৎসম্বন্ধে আমরা মসি কাগজ নষ্ট করিলাম না।

মি: খটখটে সম্প্রতি আজরাইল নামক জনৈক হাকীমের চিকিৎসাধীন আছেন। হাকীম সাহেব প্রতি সপ্তাহে ২০০ টাকা দর্শনী পাইয়া থাকেন। শুনিয়াছি, এই চিকিৎসার ফলে খাঁ বাহাদুর অতি ক্রতগতি 'মোকাম মাহমুদা' (স্বর্গের পর্বোচ্চ প্রকোষ্ঠের) দিকে অগ্রসর হইতেছেন। আমরা কায়মনোবাক্যে তাঁহার ক্রত আরোগ্য কামনা করিয়া মিষ্টার ও মিসিস্ ফ্রফরার নিকট বিদায় লইয়া আসিলাম।

গাড়ীতে উঠিতে কমলা দিদি বলিলেন, "আচ্ছা দাদা। অপেক্ষা করুন। বলিগর্ভে যাইবার পথ যদি ধরাধামে না পাই, তবে কিছু কাল পরে আমরা এরোপ্লেন-যোগে আসিয়া একেবারে খাঁ বাহাদুর মিষ্টার কশাই-উদ্দিন খটখটের দোতালার ছাদের উপর নামিব।"

নওরোজ

আশ্বিন, ১৩৩৪

মাসিক মোহাম্মদী

জ্যৈষ্ঠ, ১৩৩৫

পঁয়ত্রিশ মণ খানা

কিছু দিন হইল মাসিক “সওগাত”-এর কোন সংখ্যায় “আশরাফ ও আতরাফ” শীর্ষক একটি ছবি দেখিয়াছিলাম। ছবির বিষয় এই যে, আশরাফ যুগায় নাক সিটকাইয়া আতরাফকে বলিতেছেন,—“তুমি দূরে থাক, আমার নিকট আসিও না।” আশরাফের এই ব্যবহারে বড় রাগ হইল—এত বড় আশ্পর্ষা! মানুষকে যুগা! ইচ্ছা হইল, তখনই আশরাফদের বিরুদ্ধে জেহাদ ঘোষণা করিয়া দেই। কিন্তু তাহাতে একটু অসুবিধা ছিল। অসুবিধা এই যে, আমি নিজে আশরাফ-এর তালিকায় নাম লিখাইয়া ফেলিয়াছি। সুতরাং জেহাদ ঘোষণা করিলে যদি প্রথম তরবারি আমারই গলায় পড়ে তবে সে সমাজ-সংস্কারের ইচ্ছা-আকাঙ্ক্ষা সবই সাফ হইয়া যাইবে।

তখন আমার চেষ্টা হইল, আশরাফদের গর্ব খর্ব করিয়া তাহাদিগকে আতরাফের সংগে একাসনে বসাইয়া এক পংক্তিতে ভোজন করান যায় কিনা। তাহাতেও ছিল একটা বাধা। তাহা এই যে, সেরূপ ভোজের আয়োজন করিতে হইলে আমাকেই গাঁটের পয়সা খরচ করিতে হয়। আমি স্বয়ং উভয় দলকে নিমন্ত্রণ করিলে তবে ত তাহাদের একাসনে বসাইতে পারি? কিন্তু শুকুর আলহামদু লিল্লাহ্। একটা সুযোগ জুটিয়া গেল। ১১ই শরীফের দিন (অর্থাৎ রবিউস্সানি চাঁদের ১১ই তারিখে) মল্লিকপুরে বড় ধুমধামের সহিত মৌলুদ শরীফের ভোজ হইয়া থাকে। মল্লিকপুর কলিকাতা হইতে রেলযোগে মাত্র অর্ধ ঘন্টার পথ। কলিকাতা হইতে পৌর, ফকীর, আতরাফ, আশরাফ ইত্যাদিতে ট্রেন বোঝাই-করা লোকে সেখানে যায়। দিনের সময় মৌলুদ শরীফ শুবণ ও বিনা পয়সায় ভোজন আর রাত্রিকালে আতসবাজী দর্শন—সুতরাং মল্লিকপুর সে সময় লোকে লোকারণ্য। গত ১১ই শরীফের দিন আমিও গেলাম।

মৌলুদ শরীফ শুবণের পালা নিবিষ্টে নীরবে শেষ হইল—এখন ভোজের পালা। আয়োজনকারী মতওয়াল্লিগণ পাকা মুসলমান—হাঁহারা আতরাফ ও আশরাফ নিবিশেষে শুধু এক পংক্তিতে নয়—একাসনে, শুধু একাসনেও নয়—

এক বাসনে ভোজন করেন। আমার প্রাণ আনন্দে নাচিয়া উঠিল। এইরূপ একটা একাকার মিলনের দৃশ্য দেখাই আমার আকাঙ্ক্ষা ছিল। বাহবা! শুধু মেথর-চানারে এবং ভদ্রলোকে নয়—স্ত্রী-পুরুষেও অবাধ মিশামিশি। অবশ্য হিংস্রটে আশরাফ ললনাগণ নিজেদের একঘরে করিয়া দোতলায় চিকের অস্তরালে লুকাইয়াছিলেন।

মন-ভরা ডেগের পর ডেগ নাচিতেছে; বাবুচিগণ সকলকে দুই হাতে খানা বিতরণ করিতেছে। তথাপি আতরাফ নরনারী গৃধিনী-শকুনির মত ডেগের উপর ঝুঁকিয়া পড়িয়া দু'হাতে খানা লুট করিতেছে। খানা লুকাইয়া রাখিবার পাত্র — পায়খানার বদনা, পুরাতন টিন ও পরিত্যক্ত মাটির হাঁড়ি। শেষে বাবুচিগণ ক্লান্ত হইয়া দোহাই দিল যে, মতওয়াল্লি সাহেবগণ আসিয়া না দাঁড়াইলে তাহারা ডেগের চাকনা তুলিবে না। তাঁহারা আসিয়া পরস্পর হাত ধরাধরি করিয়া ডেগ ঘিরিয়া দাঁড়াইলেন। তাড়াছড়া খাইয়া পুরুষেরা সরিয়া পড়িল। কিন্তু আতরাফ বীর নারীগণ মতওয়াল্লিদের বগলের নীচ দিয়া ষাইয়া যে কোন নোংরা বাসনে ডেগের খানা লুটিতে লাগিল। এক একবার খাদেমগণ তাহাদের বাসন কাড়িয়া লইয়া দূরে ছুঁড়িয়া ফেলিতেছে—বীরবালা আবার সেই কাদামাখা বাসন কুড়াইয়া লইয়া খানায় ডুবাইয়া দিতেছে !!

তাহার পর দোতলার চিকের অস্তরালের দৃশ্য দেখুন। তখন ভরা বর্ষাকাল—সুতরাং কাদার অভাব নাই। আতরাফ কুল কামিনীগণ নোংরা কাদামাখা পায় আশরাফ বিবিদের হাত-পা, কাপড়, বোর্কা মাড়াইয়া তাঁহাদের অতিষ্ঠ করিয়া তুলিতে লাগিল। তাহাদের নগ্ন শিশুগণ যত্রতত্র মলমূত্র ত্যাগ করিতেছে—কিন্তু কেহ একটু আপত্তির 'উঁহ' পর্যন্ত বলিতেছেন না; কারণ, অদ্য এমন মোবারক দিন—১১ই শরীফ। এক একবার সিঁড়ির উপর ইতর-ভদ্র—সকল প্রকার পুরুষ মানুষেরা আসিয়া বিবিদের একনজর দেখিয়া ষাইতেছে—ইহাতেও কাহাকেও আপত্তি করিতে দেখিলাম না। (বিবাহ বাড়ীতে এবং মহররমের সময় ইমামবাড়ায় বিবির পুরুষদের ধাক্কা-ধাক্কিও খাইয়া থাকেন, ইহাতে “মোম্বা-ই-পর্দার” অবমাননা হয় না।) অতঃপর ভোজনের পালা। আতরাফ কামিনীগণ যথাসাধ্য পোলাও, কালিয়া, কাবাব, রুট, জরদা, ফিরনী লুটিয়া লইবার পর এখন উপরে আসিয়া বিবিদের সঙ্গে মিশিয়া বসিয়া গেল। সকলে একাসনে বসিয়া একই বাসনে বসিয়া খাইবে। বড় বড় সেনীতে

মধ্যস্থলে খানিকটা খানা—সেই সেনীর এক একটির চারিদিকে ঘিরিয়া চার-পাঁচজন করিয়া খাইতে বসিয়াছে। জানি না, ইহা সেই কাদামাখা বাসনের লুট-করা খানার অবশিষ্ট খানা, না অপর কোন সদ্য তৈয়ার খানা ছিল। যাহা হউক, খাওয়া আরম্ভ হইল—ছেলেদের নোংরা হাত, কাহারও নাক বাহিয়া শ্লেষ্মা পড়িতেছে, কাহারও কান বাহিয়া পুঁজ পড়িতেছে, কেহ খাইতে খাইতে হাঁচিতেছে, কেহ কাশিতেছে। সোবহান আল্লাহ! আতরাফু ও আশরাফের কি অপূর্ব মিলন! ছেলেদের মুদ্রত্যাগেরও বিরাম নাই। এইরূপে হাঁচি ও কাশির মধ্যে খানা খাওয়া শেষ হইল।

শুনিয়াছি, এইরূপ ভোজনের ফলে ‘ময়মন’ বিবির কলিকাতায় ফিরিয়া আসিয়া ছয়-সাত মাস রোগ ভোগ করিয়া থাকেন। রোগ ভোগ না করিলেই আশ্চর্যের বিষয় হইত। অনেকে যে ছয় মাস পরে সারিয়া উঠেন, তাহাও কপালের জোর বলিতে হইবে।

রাত্রি ১১টা পর্বস্ত মিলন-উৎসব এবং আতসবাজী দেখিয়া আমি স্টেশন অভিমুখে চলিলাম। পথে কয়েকজন মতওয়াল্লি সাহেবের সহিত দেখা হইল; তাঁহারা পরস্পরে বলাবলি করিতেছিলেন—“দেখিয়ে না, পঁয়ত্রিশ মণ খানা ইম্‌তেরহ সে লুট হো গয়া; ইস্ ওয়াক্ত হাম্ লোগোঁকো ওয়াস্তে, এক চাওল বাকী নেহী রহা। আব খানা ফের পাকে গা, তব হাম্ লোগোঁকো নসীব হোগা।”

আমি শিয়ালদহ স্টেশনে নামিয়া আর অধিক দূর যাইতে পারিলাম না,—বড় ক্লান্ত ছিলাম। মওলা আলীর দরগাহে আসিয়া বারান্দায় শুইয়া পড়িলাম, দরগাহ্‌ওয়াল তাড়া দিয়া বলিল, “এটা হোটেল নয়; যাও ইটালী বাজারের বারান্দায় শোও গে।” আমি বলিলাম, “না বাপু। আমি আর উঠিতে পারিব না—বিশেষত: আমার পেটে তখন পঁয়ত্রিশ মণ খানার বোঝা; তাহা লইয়া আমি একেবারে এলইয়া পড়িয়াছি।” যাহা হউক, দরগাহ্‌ওয়ালার সহিত কিছুক্ষণ কথা কাটাকাটির পর আমি সেইখানে শুইয়া পড়িলাম। মল্লিকপুরের কথাই ভাবিতে ভাবিতে চাহিয়া দেখি কি,—

(১) এক বিরাট মিছিল যাইতেছে; হাতি-ঘোড়া, আসা-বরদার, সোটা-বরদার, তাহাদের হাতে সোনার আসা ও সোটা। হাতির উপর জড়াও হাওদা, তাহাতে জরির পোশাক পরা এক স্নপুরুষ ছিলেন; হাতির উপর আরও অনেক জরীর পোশাক পরা লোক ছিলেন। (২) তাহার পর আর এক মিছিল—ইঁহার উৎকৃষ্ট ঘোড়ায় খুব জমকাল পোশাক পরিয়া সওয়ার

ছিলেন, ইঁহাদের সঙ্গে চাঁদির আসা ও সোটা ছিল। অতঃপর ১নং মিছিল, ইঁহাদের পোশাক সাদাসিধে ছিল, ষোড়াগুলিও দুর্বল (নেহরু-মিছিলের ষোড়ার মত) 'মর কটুয়া'। সঙ্গে বরকন্দাজ আর আসা-সোটাও নাই। অনন্তর দেখি (৪) এক ব্যক্তি সামান্য ময়লা পোশাক পরিয়া একটা আধমরা ষোড়ায় চড়িয়া অতি ধীরে ধীরে একা যাইতেছেন। তাঁহার চেহারা অতি স্মন্দর, কিন্তু মনে হইল যেন তিনদিনের উপবাসী। (৫) সর্বশেষে দেখি, এক বৃদ্ধ ময়লা ও ছেঁড়া কাপড় পরিয়া পদব্রজে যাইতেছেন—“জীর্ণ-শীর্ণ, রুগ্নকায়, মলিন বদন; শতশ্রমি বাসে করি অঙ্গ আবরণ।” মনে হইল, তিনি কোন দুভিক্ষপীড়িত দেশ হইতে আসিয়াছেন, হয়ত মাসাধিককাল হইতে অন্ন জোটে নাই। তিনি অতি কষ্টে খালি পায় রেল লাইনের বন্ধুর পথে চলিয়াছেন। ইঁহারা সকলেই মল্লিকপুর অভিমুখে যাত্রা করিয়াছেন।

সকলে অদৃশ্য হইলে আমি একজন পথিককে তাঁহাদের পরিচয় জিজ্ঞাসা করিলাম। সে বলিল, ১নং মিছিলে গেলেন দেশের যত পীর-মোরশেদ যথা—গাজী, মাদার, সত্যপীর ইত্যাদি। দেশের লোকে তাঁহাদের পূজা করে, এইজন্য তাঁহাদের এত সমৃদ্ধি। তাঁহারা তাই হীরা জওয়াহেরাতে গাঁতার দেন। ২ নং মিছিলে যত আউলিয়া ছিলেন, দেশের লোকে তাঁহাদের পূজা করে; দেখ না, এখানে এক দরগাহ, সেখানে এক দরগাহ, তবে প্রথমোক্তদের চেয়ে একটু কম। ৩ নং মিছিলে ছিলেন যত পয়গাম্বর; তাঁহাদের ত এদেশের লোকে তত মানে না, তাই তাঁহাদের ষোড়াগুলি দানা পায় না। ৪ নং ব্যক্তি একা যাইতেছিলেন, তিনি ছিলেন আমাদের আখেরী জামানার পয়গাম্বর মোহাম্মদ মোস্তাফা সাল্লাল্লাহু আলায়হিস্ সালাম। তাঁহাকে ত এদেশের লোকে মানে না, তাই তিনি খাইতে-পরিতে পান না। ৫ নং লোকটি ছিলেন স্বয়ং আল্লাহ মিয়া (নাউজ বিল্লাহি মিন্‌হা)। সে বেচারাকে ত আমরা ভুলিয়াও কখনও মনে করি না, কাজেই তাঁহার এইরূপ দৈন্য। আমি অবাধ হইয়া আরও কিছু জিজ্ঞাসা করিব মনে করিতে ছিলাম, এমন সময় আজান-ধ্বনি কর্ণে প্রবেশ করিল—“আল্লাহ আকবর।” আমি জাগিয়া দেখি, সেই বারান্দায় মাটিতে শুইয়াই আছি। তাই ত, মওলা আলী দরগাহে শুইয়া ছিলাম বলিয়া পীর-পয়গাম্বরদের স্বপ্নে দেখিলাম।

মাসিক মোহাম্মদী

চৈত্র, ১৩৩৫

বিয়ে-পাগলা বুড়ো*

শুনিয়াছি, সারদা বিল পােসের সঙ্গে সঙ্গে “কচি মেয়ের সহিত বুড়ো বরের বিবাহ নিষিদ্ধ” বলিয়া আর একটি বিল পােস হইবার কথা ছিল। ব্যবস্থাপক সভায় এই বিল পাশ হইলে শরিয়তের নামে তাহার বিরুদ্ধে আপত্তি তোলা হইত কিনা, তাহা অনুমান করা সহজ নহে। অদ্য দুই তিন জন বিয়ে-পাগলা বুড়ের বিবাহের ইতিহাস পাঠিকা ভগিনীদের উপহার দিব। আশা করি, ইহা পাঠে তাঁহারা অশ্রু সঞ্চরণ করিতে পারিবেন না।

১

পূর্ববঙ্গের একটি পল্লীগামে একজন সত্তর বর্ষীয় বর ক্রমে সাতজন বিবিকে নিরাপদে জামাতে পৌছাইয়া দিয়া অষ্টমবার বিবাহ করিতে চাহিলেন। গ্রামের দুষ্ট লোকেরা বেচারার দুর্গাম রচনা করিয়াছিল যে, বুড়াটা বউ-খেঁকো; কাজেই আর কেহ তাঁহাকে কন্যাদানে সঙ্গত হয় না। মাতবর সাহেব বৃদ্ধ হইলেও বিবিধ খেজাবের কল্যাণে তাঁহার মাথার চুল ঘোর কৃষ্ণবর্ণ ছিল; দাড়ি-গোঁফ কলপ-রঞ্জিত করিয়া ভ্রমর-কৃষ্ণ মুখশ্রী বেশ সুলন্দর করিয়া লইয়াছেন। তাঁহার নগদ টাকাও যথেষ্ট আছে। বাস্ত-ভরা রূপার গয়না, একটা সোনার সিঁধি এবং হলুদী মাক্‌ড়ী, সিল্ক-ভরা কাপড়, তবু কোন হতভাগা তাঁহাকে কন্যাদানে সঙ্গত নয়।

অবশেষে পাড়ার কতিপয় যুবকের মনে দম্মার উদ্রেক হইল। তাহারা বহু কষ্টে একটি পাত্রী ঠিক করিয়া মাতবর সাহেবকে জানাইল যে, কুমারী মেয়ে পাওয়া গেল না; একটি বাল-বিধবা আছে। বয়স একটু বেশী। ২২।২০ বৎসর, আর একটু ছুঁপুঁট লম্বা গোছের মেয়ে। তিনি কিঞ্চিৎ চিন্তা করিয়া বলিলেন, “তা ভালই, কুমারী যখন পাওয়া যায় না, তা আর কি করা।”

ষট্‌কেরা বলিল, “বিধবা বটে, তবে পাঁচ বৎসর বয়সে বিবাহ হইয়াছিল, ছয়মাস পরেই বিধবা হইয়াছিল। তদবধি পিতামাতার অন্ন খংস করিতেছে; এখন মুরুন্দিরা তাহাকে পাত্রস্থা করিতে চায়। যদি আপনি পছন্দ না করেন, এ তবে সম্বন্ধ ছাড়িয়া দেওয়া যাউক।”

* অধিকন্তু সত্য ঘটনা অবলম্বনে লিখিত।

বুদ্ধ তাড়াতাড়ি সোৎসাহে বলিলেন, “না, না, এ-সম্বন্ধ ছাড়া হইবে না। বয়স একটু বেশী হওয়ায় স্নবিধাই হইবে, ভালমতে ঘর গেরস্তি করিতে পারিবে।”

যথাকালে মাতবর সাহেব বরবেশে বিবাহ-সভায় উপস্থিত হইলেন। বিবাহ বেশ ঘটাই করিয়া হইতেছে। ঘটকেরা তাহার নিকট হইতে অনেক টাকা লইয়া খুব ধুমধামের সহিত আয়োজন করিয়াছে।

ক'নের সম্পর্কের এক নানী এবং পাড়ার ছেলের দল বিবাহ সভায় উপস্থিত থাকিয়া আচার-পদ্ধতি পালন করিতেছে—এ নিয়ম, সে নিয়ম, নিয়ম আর শেষ হয় না। ছোকরাগুলি মুখ টিপিয়া হাসে, আর ফিস্ ফিস্ করিয়া নানীবিবির সহিত কথা কহিয়া সেই উপদেশ-মত কাজ করে। বরের সম্মুখে বড় মোটা ধেরুমার পর্দা, সেই পর্দার অপর পার্শ্ব হইতে স্ত্রীলোকদের চাপা হাসি শোনা যাইতেছে। বর অধীরভাবে শুভদৃষ্টির জন্য অপেক্ষা করিতেছেন; বিলম্বের জন্য মনে মনে গ্রাম্য আচার-পদ্ধতির মুগুপাত করিতেছেন। তিনি পার্শ্বোপবিষ্ট ক'নের অলঙ্কারের মৃদু বনবনি শুনিতেছেন; আর সতৃষ্ণ নয়নে ক'নের দিকে দৃষ্টিপাত করিতেছেন। পাত্রীর হাত-পা সব মোটা বানারসী শাড়ীতে ঢাকা, কিছুই দেখা যায় না; কেবল ক্রেপের ওড়নার ভিতর হইতে বাদলা জড়ানো স্থূল ও সূদীর্ঘ চুলের বেণী দেখা যাইতেছে। চুলের বেণীটা ক'নের পিঠ বাহিয়া ফরাশের উপর পড়িয়াছে। বুদ্ধ মনে মনে ভারী সন্তুষ্ট যে, আর কিছু না হইলেও আমার বউ যেন কেশর-রানী! এ গ্রামে এমন ঘন লম্বা চুল আর কার আছে?

অনেকক্ষণ প্রাণঘাতী ধৈর্যের পর দর্পণ আসিল, এখন শুভদৃষ্টি। অবগুণ্ঠন তুলিবার সময় পর্দার অপর পার্শ্বস্থিত চাপা হাসি কলহাস্যে পরিণত হইল, এদিকে বুদ্ধ চমকাইয়া উঠিলেন;—বউএর মুখে ইয়া দাড়ী, ইয়া গৌফ! বউ খিল খিল করিয়া হাসিয়া এক টানে মাথার পরচুলাটা খুলিয়া বরের সম্মুখে রাখিল। হতভম্ব বর তখন দাড়ি-গৌফশোভিত ক'নেকে চিনিলেন যে, সে তাহার সম্পর্কের নাতি কালুমিয়া। সে দস্ত বিকাশ করিয়া বলিল, “নানা ডাই! শ্যাঘে আপনে আমাইরে বিয়া করলেন?” মাতবর সাহেব অতি ক্রোধে কি বলিবেন, ঠিক করিতে না পারিয়া কেবল বলিলেন, “তোমরা যে এমন নাদান, তা জানতাম না।” আর সক্রোধে সেই বাদলা জড়ানো সূন্দর বেণীটাকে তুলিয়া এক আছাড় দিলেন। পরে যথাসম্ভব ক্রতগতিতে সে স্থান ত্যাগ করিলেন।

পাটনায় এক ৬৫/৭০ বৎসরের কাজী সাহেব ক্রমাগত কয়েকটি স্ত্রী বিয়োগের পর পুনরায় বিবাহ করিতে চেষ্টা করিলেন। এ ক্ষেত্রে তিনিও “জরু-খাওকা” উপাধি লাভ করিয়াছিলেন বলিয়া সহজে আর জরু ধরিতে পারিতে ছিলেন না। তাঁহার মেহদী-রঞ্জিত দাড়ির জালে কোন সুন্দরীই ধরা পড়িল না।

অবশেষে কয়েকজন প্রৌঢ় ভদ্রলোক উপরোক্ত কাজী সাহেবের জন্য ঘটকালী করিবার নিমিত্ত আসরে নামিলেন। কন্যা সহজে পাওয়া যায় না; কারণ শহরে যে কয়টি বিবাহ-যোগ্য পাত্রী ছিল, তাহাদের বিবাহ হইয়া গিয়াছে। সুতরাং বহু অর্থব্যয়ে একজনের ১০ম বর্ষীয়া কন্যা সংগ্রহ করা গিয়াছে। কন্যা-পক্ষকে ছয় সাত মাস পর্যন্ত অনেক পর্বা-তেহারী দিতে হইল; চাকরদের বখশিশ দিতে হইল।

এই প্রকারের অনেক খরচ-পত্র, কাণ্ড-কারখানার পর কোন এক শুভ দিনে বিবাহের তারিখ ধার্য হইল। যথাকালে বর প্রাক্ষণে শামিয়ানার নীচে আনীত হইলেন। এই বিবাহ-সভায়ও এ রহম সে রহম নানাবিধ মেয়েলী রহম (অর্থাৎ স্ত্রী-আচার) শেষ হইলে পর বর ক'নের শুভদৃষ্টি হইবার সময় প্রভাত হইয়া গেল। বর সানন্দে দেখিলেন, বালিকা বধুর কপালে নানাবিধ রঙ্গের চাঁদ-তারা চুম্বকি আঁটা হইয়াছে, গাল দুটি আফ্‌সা জড়িত হইয়া ঝক্‌মক্ করিতেছে। সে কি সুন্দর! বধুর সৌন্দর্য উথলিয়া পড়িতেছে। পাটনার নিয়ম-অনুসারে ক'নেকে একজন মিরিয়াসিন* কোলে তুলিয়া লইয়া বাসর-ঘরে চলিল, বরের আচকানের সম্মুখের দামনের সহিত ক'নের বানারসীর দোপাটার এক কোণ বাঁধিয়া দেওয়া হইল। বর সেই গ্রন্থি ধরিয়া ধীরে ধীরে পাত্রীর সঙ্গে সঙ্গে চলিলেন।

সহসা পাত্রী মিরিয়াসিনের কোল হইতে লাফাইয়া নামিয়া দিল দৌড়। বেচারী কাজী সাহেবের হাতে ক'নের ওড়নার কোণের গ্রন্থি ছিল, সুতরাং অগত্য। তাহাকেও সঙ্গে সঙ্গে দৌড়াইতে হইল। দৌড়াইবার নির্দিষ্ট পথ পূর্ব

* মিরিয়াসিন এক প্রকার গায়িকা বিশেষ; ইহার পুরুষের মজলিসে গীতিবাদ্য করে না। কেবল মেয়ে-মহলে বাদ্যযন্ত্র বাজাইয়া নাচগান করে এবং বিবাহ ইত্যাদি উৎসবে স্ত্রী-আচার পালন করে।

হইতেই ঠিক করা ছিল ; তদনুসারে পায়ের অলঙ্কারসমূহ ছড়া, মল, ঘুওর, পরিচ্ছন্ন, পা-জ্বেব ইত্যাদি ঝুমুর ঝুমুর ঝুমুর ঝুমুর শব্দে বাজাইতে বাজাইতে পাত্রী চলিল, বাহিরের পুষ্করিণীর চতুর্দিকে ঘুরিয়া,—সেখানে রাখাল ছোকরাগুলি করতালি দিয়া তাহাদের পিছু পিছু ছুটিল । পরে বাগানে দৌড়াইতে গেল, সেখানে মালীরা হা হা করিয়া হাসিয়া উঠিল । অতঃপর পাত্রী গেল নহবৎখানায়, সেখানে বাজনদারেরা তবলা সারেঙ্গী বাজাইয়া গান করিতেছিল । তাহারা করতালি দিয়া গলা ছাড়িয়া গাহিল, “বাঃ বেটি বাঃ ! দৌড়তি হয়ী দুল্হিন্ তোমহে মোবারক বড়ে মিয়াঁ ! আজী ভাগতী হয়ী দুল্হিন্ তোমহে মোবারক বড়ে মিয়াঁ !!”

চারিদিকে খুব খানিকটা চক্কর দিয়া ক’নে গিয়া উঠিল কর্তার বৈঠকখানায় । সেখানে অনেক সাহেব-সুবো অভ্যাগত ভদ্রলোক উপস্থিত ছিলেন । তাঁহারা হাসিয়া আকুল—লুটাপুটি । তাঁহাদের সম্মুখে দাঁড়াইয়া পাত্রী একে একে তাহার সমস্ত অলঙ্কার খুলিয়া ফেলিল । বানারগী শাড়ী দোপাট্টা সব খুলিয়া ফেলিলে দেখা গেল যে, একটি দিব্যকাস্তি বালক ॥ আহা বেচারী কাজী সাহেব ।

৩

ভাগলপুরের এক স্টেশন-মাস্টার বয়োপ্রাপ্ত পৌত্র ইত্যাদি বর্তমানেও পঞ্চম বার বিবাহ করিবার ইচ্ছা প্রকাশ করিলেন । তিনি এখন স্টেশন-মাস্টারের কাজ হইতে অবসর লইয়াছেন । তিনি মুজফ্ফরপুরের অধিবাসী । বহুকাল ভাগলপুরে ছিলেন বলিয়া সেখানকার লোকেরা তাহাকে বিলক্ষণ চিনে এবং তাঁহাকে স্টেশন-মাস্টার বলিয়া ডাকিতেই ভালবাসে ।

মুজফ্ফরপুরে ঝাঁ সাহেবের পৈত্রিক বিষয়-সম্পত্তি যথেষ্ট আছে । স্ত্রী-পুত্র সেইখানেই থাকে । তাঁহার প্রথম স্ত্রী বিয়োগ হওয়ার সময় ছেলেমেয়েরা সব ছোট ছিল । স্মৃতরাং তাহাদের প্রতিপালনের নিমিত্ত তাঁহাকে দ্বিতীয়বার বিবাহ করিতে হইল ।

ঝাঁ সাহেবের দ্বিতীয় স্ত্রীর মৃত্যুর সময় মেয়েরা বিবাহিত ছিল, কিন্তু ছেলেদের বিবাহ হয় নাই, স্মৃতরাং ছেলেদের বিয়ে-থা দিবার সময় কুটুম্ব সাক্ষাতের সমাদর অভ্যর্থনা ইত্যাদি করিবার জন্য নিতান্ত বাধ্য হইয়া তাঁহাকে তৃতীয়বার দার পরিগ্রহ করিতে হইল ।

ঝাঁ সাহেবের গৃহ যখন বধু, জামাতা, বয়োপ্রাপ্ত পৌত্র, দৌহিত্র ইত্যাদিতে পরিপূর্ণ সেই সময় তাঁহার তৃতীয় খানম দেহত্যাগ করিলেন । এবার তাঁহার

বন্ধুরা বলিলেন, “দুই-চার বৎসর পরে পৌত্রের বিবাহ দিয়া বধু আনিবেন, নিজে আর বিবাহ করিবেন না।” কিন্তু ঝাঁ সাহেব বলিলেন, “ঘর সামলাইবে কে ? বড় বউ, মেজ, সেজ এবং ছোট বউ এরা তিন চারি বা ততোধিক সন্তানের মাতা হইয়াছে সত্য ; কিন্তু হাজার হউক তবু তাঁহারা ছেলে মানুষ বই ত নয়। এত বড় সংসার দেখিবে কে ?” বন্ধুদের সহানুভূতি না পাইয়া শেষে তিনি অতি গোপনে এক দ্বাদশবর্ষীয়া বালিকাকে পত্নীরূপে ঘরে আনিলেন। বউয়েরা সে সময় পিত্রালয়ে গিয়াছিল, বাড়ীতে কেহ ছিল না।

বউয়েরা বাড়ীতে আসিয়া জানিতে পারিল যে, তাহাদের নতুন শাশুড়ী আসিয়াছেন। তাহাদের দেখিয়া শাশুড়ী তাড়াতাড়ি কামরার দ্বারে অর্গল দিলেন। বউয়েরাও আড়ি পাতিয়া রহিল। যেই একবার দ্বার খুলিল, অমনি সেজ বউ একেবারে শাশুড়ীকে কোলে তুলিয়া আনিয়া বারান্দায় তক্তপোষের উপর বসাইয়া দিল। ছেলেমেয়ের দল দুলাইন দেখিবার জন্য ঘিরিয়া দাঁড়াইল, এ বলে “দুলাইন দাদী”, ও বলে “দুলাইন নানী।”

ফল কথা, চতুর্থা খানম মোটেই ঘর সংসার দেখেন না, কেবল পৌত্রী দৌহিত্রীদের সঙ্গে তাশ খেলে আর গল্প করে। এই জন্য ঝাঁ সাহেবকে পঞ্চম বার বিবাহ করিতে হইতেছে। পোড়া মুজফ্ফরপুরে বিবাহের স্বেধা না হওয়ায় তিনি সহানুভূতি ও সহায়তা, দুই পাইলেন।

যথাসময় ঝাঁ সাহেবের বিবাহ হইয়া গেল, শুভদৃষ্টিও হইল। বাসর-ঘরে পাত্রীকে লইয়া যাওয়া মাত্র তাঁহার মুচ্ছা হইল। সেবা শুশ্রূষার জন্য স্ত্রী লোকেরা আসিয়া ঘিরিয়া ফেলিল, কাজেই ঝাঁ সাহেবকে বাহিরে যািতে হইল।

ঝাঁ সাহেব কয়েক দিন শৃঙ্গুর বাড়ীতে অবস্থান করিয়া শেষে অন্যত্র বাসা লইলেন। ইতোমধ্যে তিনি আর একবারও নববধুকে দেখিতে পান নাই, কারণ সর্বক্ষণ হাকীম, ডাক্তার ও স্ত্রীলোকদের ভিড় থাকিত।

অবশেষে স্থির হইল যে, দুলাইনের পারিবারিক হাকীমের চিকিৎসা হইবে। সেজন্য প্রতিদিন সকালে হাকীম সাহেবের নিকট বধুর কারুরা * পাঠাইতে হইবে। চাকর-বাকর ঠিকমত কথা শুনে না, কারুরা নিয়মমত হাকীমের নিকট প্রেরিত না হওয়ায় রোগ বাড়িয়াই চলিয়াছে। অগত্যা ঝাঁ সাহেব নিজেই

* কারুরা—মূত্র। আর যে কাচের পাত্রে এ জিনিসটা পরীক্ষার নিমিত্ত রাখা হয়, তাহাকে কারুরা বলে।

প্রতিদিন সকালে আসিয়া কারুরা লইয়া হাকীম সাহেবের নিকট যাইতে লাগিলেন। তাঁহাকে চিকিৎসার সমস্ত ব্যয়ভার বহন করিতে হইতেছে।

হাকিম সাহেব প্রত্যহ স্মিতমুখে ৫ দর্শনী লইয়া কারুরা দেখিতেন। আর দুলাইনের আরোগ্য বিষয়ে ঝাঁ সাহেবকে আশ্বাস দিয়া নানাবিধ দুর্মূল্য ফল—যথা, আঙ্গুর, বেদানা, বিহী—বিশেষতঃ যে সকল ফল তখন ভাগলপুরে পাওয়া যাইত না, তাহারই ব্যবস্থা করিতেন। ঝাঁ সাহেব জগৎ ছানিয়া সেই সব ফল পথ্য আনাইয়া শৃঙ্গুর বাড়ীতে হাজির করিতেন।

এইরূপে প্রায় দুই মাস অতীত হইলে একজন চাকর একটু রুক্ষভাবে ঝাঁ সাহেবকে বলিল, “কি আপনি রোজ রোজ কারুরা লইতে আসেন? এখানে আর কারুরা নাই, আমাদের সকলেরই কারুরা পরীক্ষা করা হইয়া গিয়াছে। আর দরকার নাই।” তিনি তখন একবার অন্দরে গিয়া দুলাইনকে দেখিতে চাহিলে, সে বলিল, তাঁহার দুলাইন বলিয়া কোন পদার্থ এ বাড়ীতে নাই।

এ কথা শুনিয়া ঝাঁ সাহেব যেন আকাশ হইতে পড়িলেন। তিনি আশ্বসংযম করিয়া পুনরায় জিজ্ঞাসা করিলেন, “তবে যে গোন্দম রঙের ভোলী ভোলী পেয়ারী স্মরত দেখিয়াছি, সে কে?” উত্তর হইল, “সে বাজারের অমুক নর্তকী ছিল, সেদিন সে ভাড়ায় আসিয়াছিল—চলিয়া গিয়াছে।”

ঝাঁ সাহেব অত্যন্ত ক্রুদ্ধ হইয়া জনৈক উকিলের নিকট পরামর্শ লইতে গেলেন যে, এইসব বেঈমান দাগাবাজদের বিরুদ্ধে ফৌজদারী মোকদ্দমা করা যায় কিনা। উকিল সাহেব সমস্ত শুনিয়া তাঁহাকে সান্ত্বনা দিয়া বলিলেন, “আপনার লাঞ্ছনা যথেষ্ট হইয়াছে; এখন আদালতে নালিশ করিয়া আরও খানিকটা লাঞ্ছনা কিনিয়া অর্থ নষ্ট করিতে চাহেন কি? আপনি বরং ভালয় ভালয় দেশে ফিরিয়া যান।”

বৃদ্ধ ফোঁপাইয়া কাঁদিয়া বলিলেন, “জরা খেয়াল করনে কি বাত—মেরা চার হাজার রুপেয়া বরবাদ হয়—কোয়ী হাতভী না আয়ী, আওর মালাউন বদ বখতৌনে মুঝসে নওকরৌকো কারুরা তক চোলায়া। হ—হ—হ!!”

କ ବି ତା

সূচী

	বিষয়			পৃষ্ঠা
১।	বাসি ফুল	৫৫৭
২।	শশধর	৫৬০
৩।	নলিনী ও কুমুদ	৫৬২
৪।	কাঞ্চনজঙ্ঘা	৫৬৫
৫।	সওগাত	৫৬৭
৬।	আপোল	৫৬৮
৭।	নিরুপম বীর	৫৭০

বাসি ফুল

“পিসীমা । তোমার তরে আনিয়াছি ফুল,”
এত বলি’ আসি’ ছুটি’ হাতে দিল ফুল দু’টি
চেয়ে’ দেখি, আনিয়াছে দু’টি বাসি ফুল ।

“পিসীমা । তোমারি তরে এনেছি এ-ফুল ।”
সকালে কাননে গিয়ে বাসি ফুল কুড়াইয়ে
পিসীমারে দিতে এসে হাসিয়ে আকুল ।

‘পিসীমা । তোমার তরে আনিয়াছি ফুল ।’
শুনে সে বচন-সুধা দূরে গেল তৃষ্ণা-ক্ষুধা,
স্বর্গ-মর্ত্য একাকার হয়ে গেল ভুল ।

মরি । সে স্বর্গের শিশু মরতে অতুল ।—
তাহারে স্মরিয়া তাই আপনা ভুলিয়া যাই,
কোন্ বিধি গ’ড়েছিল সে ননী পুতুল ?

কি দিয়ে কে গ’ড়েছিল সে প্রেম-মুকুল ?
ইন্দ্রধনু-বর্ণ দিয়ে চন্দ্রিকা-নাবণ্য নিয়ে
পারিজাত-গন্ধ দিয়ে মানিক অতুল ?

ললিত রাগিণী নহে তার সমতুল,—
নহে সুখস্বপ্ন-সম, নহে ধন-রত্ন-সম,—
সে ত নহে বসোরার গোলাপ-মুকুল !

তুলনার উপযুক্ত নহে—সে অতুল ।
তার সেই উপহার, কি দিব তুলনা তার ?
কোটি কোহিনুর নহে তার সমতুল ।

প্রেমের সে উপহার জগতে অতুল ।
কোথা পাব সে আদর ? কোথা সেই স্নেহ-স্বর,
হৃদয়-জুড়ান সেই সোহাগ অমূল ?

স্নেহের শিশির-মাখা সেই বাসি ফুল ।
অমিয়া চালিয়া বুকে কে আর সহায় মুখে
কহিবে, “পিসিমা ! ধর, আনিয়াছি ফুল !”

“পিসিমা ! তোমারি তরে এনেছি এ-ফুল ।”
সেই কথা পুনরায় শুনিতে পরান চায়,—
কোথা সে বালক মোর প্রেমের পারুল ?

ভুতলে চামেলী জুঁই নহে অপ্রতুল,—
আছে কত পুষ্পলতা, শুধু নাই সেই কথা,—
“পিসিমা ! তোমারে দিতে আনিয়াছি ফুল ।”

সেই কথা শুনিতে এ পরান ব্যাকুল ।
বাজে কি স্বরগ-পুরে গন্ধর্বের বীণা-সুরে
“পিসিমা ! তোমারি তরে এনেছি এ-ফুল ?”

কি দিলে আবার পাব স্নেহের পুতুল ?
কোন যজ্ঞ-তপস্যায় বাঁচিয়ে সে পুনরায়
হাসিয়ে আনারে দিবে দু’টি বাসি ফুল ?

সে স্নেহ আদর কেন জগতে দুর্মূল ?
রত্ন-প্রসারিনী ধরা বিবিধ রতনে ভরা,
তথাপি নিলে না হেথা দু’টি বাসি ফুল ।

বিধি সর্বশক্তিমান, নিভাস্ত এ ভুল ।
নতুবা শক্তি তার নাই কেন পুনর্বার
ফিরাইয়ে দিতে মোর সে প্রেম-পুতুল ?

বিধি সর্বশক্তিমান, ইহা নহে ভুল ;—
 নতুবা আর কে পারে সমাহিত করিবারে
 অমন স্বরগ-শিশু, বিশ্বে যে অতুল ?

পাব না প্রাণের ধন, পাব না সে ফুল ।
 আর শুনিবে না প্রাণ সে ললিত কণ্ঠতান—
 প্রেমের পীযুষ-ভরা রাগিণী মঞ্জুল ।

শুধু স্মৃতি-কুণ্ডে ফুটে আছে 'বাসি ফুল'
 সে মুখের স্মৃতি-সুখ ভরিয়া রেখেছে বুক,
 অঙ্কিত সে চিরতরে, হইবে না ভুল ।

নবম্বর

ফাল্গুন, ১৩১০ সন ।

শশধর

কি ভাবিছ শশধর । বসি' নীলাসনে ?
কি রেখেছ শশধর । হৃদয়ে গোপনে ?
ল'কাতে পারোনি তাহা প্রভুত যতনে, আহা ।
দেখা যায় কালো ছায়া ও চাঁদ-বদনে ।
কি ভাবিছ শশধর । বসি যোগাসনে ?

পুষিছ হৃদয়ে তুমি প্রেমের অনল ?
পুড়িয়ে হয়েছে কালো তাই হৃদিতল ।
না বুঝে' অবোধ নরে কত অনুমান করে,
অথবা অমিয়া বসে ভীষণ গরল
হৃদয়ে পুরিয়া— মুখে হাসিছে কেবল ।
নীরবে দগধ হও, নীরবে যাতনা সও,
নীরবে নীহার-রূপে ঝরে আঁরিজল ।
পুষিছ হৃদয়ে শশি, প্রেমের অনল ।

দু'টি সাত্বনার কথা তোমারে যে বলে,
নাই কি এমন কেহ বিশু-ভুমণ্ডলে ?
এত তারা আছে, কেহ তোমারে করে না স্নেহ ?
তাই তুমি, শশধর । বসিয়া বিরলে,
নিশীথে জুড়াও প্রাণ ভিজি' আঁরিজলে ।
এ নিষ্ঠুর চরাচর শুনে না কাতর সুর,—
ঢালে না করুণা-বারি যবে প্রাণ জলে ।
দু'টি সাত্বনার কথা কেহ নাহি বলে ।

কি দেখিছ, শশধর । আমার হৃদয় ?
তোমারি কলঙ্ক-সম অন্ধকারময় ।

শুধু পাপ, তাপ, ভয়, শোকে পূর্ণ এ-হৃদয়,
এ নহে উজ্জ্বল স্তম্ভ সরলতাময় ।
কি দেখিবে, শশধর, এ পোড়া হৃদয় ?

এ নহে কোমল স্নিগ্ধ স্বচ্ছ স্ননির্মল,—
এ হৃদয়ে স্তরে স্তরে তীব্র হলাহল !
নৈরাশ্য বেদনা শত, কালানল-শিখা কত,
কি ক'রে দেখাব, শশি ! তোমা সে-সকল ?
এ নহে পবিত্র রম্য স্বচ্ছ স্ননির্মল ।

তোমার কলঙ্ক, শশি ! মুছিবে কেমনে ?
যাবে না কলঙ্ক তব কোন শুভক্ষণে
ও-কলঙ্ক হৃদি 'পরে র'বে যুগ-যুগান্তরে ;
তাই বুঝি ভাব সদা বসি' যোগাসনে—
ঔঁধার কালিমা-রেখা মুছিবে কেমনে ?

নবম্বর

চৈত্র, ১৩১০ সন ।

নলিনী ৩ কুমুদ

নলিনী ।

দুর্বল হৃদয় পারে না বহিতে দারুণ যন্ত্রণা হেন ;
জীবন-সর্বস্ব হারায়েছি যদি, পরান যায় না কেন ?
শরীর-পিঞ্জরে এ প্রাণ-বিহগ থাকিতে চাহে না আর,
এস মৃত্যু ! স্বরা কর বিদুরিত দুঃসহ জীবন-ভার ।

কুমুদ ।

সখি ! কি অপূর্ব শোভা স্বভাবের, দেখ দেখি, খোজ আঁধি

নলিনী ।

দেখেছি অনেক, কি দেখিব আর, এখন মরণ বাকি ।

কুমুদ ।

কৌমুদী-স্নাত বিশু-চরাচর । যেন ডুবিয়াছে সব
রক্ত-সাগরে । এ পুণিমা-শশী, আ মরি । কি অভিনব !
কোথা বা মানকে মধুর হাসিছে আনন্দে শতেক ফুল ;
সুধাকর প্রেম-সুধা পান হেতু ব্যাকুল চকোর-কুল ।
কোথা বা অলক ধীরে আসি' চাহে ঢাকিতে বিধুর মুখ,
অপ্রতিভ শশী কহিবেন, “এ কি !” তাহে মেঘ পাবে সুখ ।
আসীন পূর্ণেন্দু তারকা-খচিত নীলাম্বর-সিংহাসনে,
হেরি এ মনোজ্ঞ অপরূপ শোভা কত ভাব হয় মনে ।

নলিনী ।

দেখ সখি তুমি পরান ভরিয়া বিশুর সৌন্দর্যরাশি ;
মম এ নয়ন দৃষ্টিশক্তিহীন, অধর ডুলেছে হাসি ।
দগ্ধ হৃদয়ে এখন কেবল মরণ-আকাঙ্ক্ষা আগে,
সুখ-সাধময় জীবন আমার ছিল কতক্ষণ আগে ।

ষখন অরুণ দিয়েছিল দেখা জীবন-প্রভাতে মম
 সে-সময় মনে হয়েছিল ধরা নন্দনকানন-সম ।
 শ্যামলা ধরণী প'রেছিল দীপ্ত কনক কিরণ-বাগ,
 শিশির-আপ্নুতা কিশোরী বনরী ছড়াত হীরক-ভাস ।
 পুরব-গগনে বালার্কের বিভা হেরি' নরনারীগণ
 নব আশা ল'য়ে হৃদয়ে নবীন উৎসাহে বাঁধিয়া মন
 অদৃষ্টের শ্রোতে সস্তরিতে পুনঃ অগ্রসর হয় ভবে ।
 নিরাশ-যামিনী হইলে প্রভাত আশা কেন নাই হবে ?
 কলকঠে পাখী গাহিত হরষে, ফুটিত মুকুল কত ;
 ফুল সূর্যমুখী হয়েছিল স্নখ-সোহাগের ভারে নত ।
 বসর-শুশ্রুনে কত না শুনেছি আশার মোহিনী বাণী,
 রচি' কল্পনায় প্রসূন-রাজস্ব তাহাতে ছিলাম রাণী ।
 অর্ধ-নিমীলিত নয়নে দেখেছি সুখের স্বপন শত,
 ভাবিতাম, ধন্য অবনী ভিতরে কে আছে আমার মত ?

কুমুদ ।

এই দেখ সখি ! এখন ত আছে তেমনি উৎফুল্ল ধরা ;
 তবু কেন তুমি ভাব মন-দুঃখে : প্রকৃতি বিষাদে ভরা ?

নলিনী ।

ভাস্করের সনে গেছে অস্তাচলে জীবন-আনন্দ মম,
 ছিল যে সরসী সুখের আলয়, এবে কারাগার-সম
 দিতেছে যন্ত্রণা ; এ-জগতে আর থাকিতে বাসনা নাই ।
 জাগিয়া সহিয়া অশেষ যাতনা এখন ঘুমাতে চাই ।

কুমুদ ।

আহা ! সখি, তুমি পুণিমা-নিশির শোভা দেখে হ'তে স্মখী
 পারিলে না, তাই এ সুখ-জগতে তুমি অপ্রসন্ন-মুখী ।

নলিনী ।

প্রফুল্লতা আসে আপনি আননে হৃদি উল্লসিত হ'লে,
ডাকিতে হয় না তা'রে সবিনয়ে ; রবি-তাপে যথা গলে
আপনি তুষার, আয়াস করিয়া গলাতে হয় না তা'রে ।
তুমি চাহ বালা, নিরানন্দ জনে ভাসাতে আনন্দ-ধারে ;
অগ্নি স্নেহময়ি । বৃষ্টিতে পার না নৈরাশ্য কাহারে বলে ;
কেমন সে-জ্বালা যাহাতে আমার মরম অন্তর জ্বলে ।

কুমুদ ।

তা হলে ভগিনি । চাহি না বৃষ্টিতে তোমার প্রাণের জ্বালা
ভাবি, শশধরে দিব উপহার কোন্ ফুলে গাঁথি' মালা ।

নলিনী ।

হায় যম । আর কতক্ষণ হবে অপেক্ষা করিতে মোরে ?
দেখি, পাই কি না শাস্তি-বারিকণা ডুবিলে এ সরোবরে ॥

নবম্বর

আষাঢ়, ১৩১১

কাঞ্চনজঙ্ঘা

কুজাটিকা মাত্র নাই গগন-মণ্ডলে ;
এ-সময় কাঁদঘিনী কোথা গেছে চলে ?
পেয়ে দিব্য অবসর মেঘবৃষ্ণ দিবাকর
সগর্বে আসীন হয়ে সুনীল অম্বরে
ছড়াইছে হাসি' হাসি' উজ্জ্বল কিরণরাশি,
ভাগাইছে জ্যোতিঃধারে বিশু-চরাচরে ।
পেয়ে' সে প্রথর কর হাস্যময় চরাচর
কিরণ-ঝলকে যেন হাসিছে পুলকে
জীবজন্তু, নর, দেব তুলোকে দ্যুলোকে ।
এদিকে একটি দু'টি বনফুল আছে ফুটি',
ওদিকে চায়ের ফুল মাধুরী ছড়ায় ।
বহে মৃদু সমীরণ করে সিংধ প্রাণ মন,
বসন্তের গন্ধ যেন তাহে পাওয়া যায় ।
সাগর-লহরী-প্রায় স্তরে স্তরে শোভা পায়
ভূধর-তরঙ্গমালা ত্রিদিকে বিস্তৃত ;
কেবল দক্ষিণ দেশে অতি অপক্লপ বেশে
হরিৎ প্রান্তরখানি রয়েছে নিদ্রিত ।
পূর্বের পর্বতখানি আপনারে শ্রেষ্ঠ জানি'
গৌরব-গরবে যেন চুঞ্চিছে গগন ।
পশ্চিমের উপত্যকা দাঁড়িয়ে রয়েছে একা
বুকে ল'য়ে গোটা কত সুরম্য ভবন ।
ওকি ও অনেক দূরে উত্তর-গিরির চূড়ে
সুপাকার মুক্তা হেন ও কি দেখা যায় ?
ও বুঝি কাঞ্চনজঙ্ঘা ? তাই ত কাঞ্চনজঙ্ঘা ।
কি হেতু 'কাঞ্চন' নাম কে দিল উহায় ?
ও ত স্বর্ণবর্ণ নয়, মুক্তা-নিভ সমুদয়
ধবল তুষার-সুস্ত্র অতি মনোহর ।
মরি ! কিবা সমুজ্জ্বল রবি-করে ঝলমল
করে । কত মনোরম প্রাণমুগ্ধকর ।

শ্যামল ভূধররাজি যেন গো ডুপতি সাজি'
 কাঙ্কনে মুকুট-রূপে পরেছে মাথায় ।
 এমন ভূষণ পেয়ে গিরিরাজ ধন্য হ'রে
 প্রণমিছে নতশিরে কাঙ্কনের পা'য় ।
 নির্মল তুমার গ'লে কাঙ্কনের পদতলে
 বহিছে নীহার-নদী কত না সুল্লর ।
 কে যাবে ও-হিমদেশে কে কহিবে দেখে এসে'
 সে কেমন রম্যস্থান—সৌন্দর্য-আকর ?
 না জানি কতই তাহা বিমল শীতল, আহা !
 তাই বলি, ও-কাঙ্কন ভূতলে অতুল,
 যশস্বী উহারে পেয়ে হ'ল গিরিকুল ।

কিন্তু সেই মহাকবি আঁকিয়া এমন ছবি
 আপনি অদৃশ্য হয়ে আছেন কোথায় ?
 পরস্পরে তরুলতা কহিছে তাহারি কথা
 যেন বলিতেছে : “বিভু এই ত হেথায় ।”
 সেদিকে ফিরালে আঁখি বিস্ময়ে চাহিয়া থাকি
 বিভু যেন স'রে যান মরীচিকা-প্রায় ।
 কিন্তু সে চরণ-রেখা সর্বত্রই যায় দেখা,
 কুমুম-সৌরভে তাঁর গন্ধ পাওয়া যায় ।
 (ভাব-চক্ষু আছে যার দেখিতে কি বাকি তার ?
 সে স্মৃতি চক্ষে তাঁর দরশন পায় ।)
 অক্ষুট নীরব স্বরে প্রকৃতি প্রচার করে,—
 “শিল্পীর মহিমা শিল্প আপনি জানায় ।”

নবম্বর

পৌষ, ১৩১১

“ঈগেল্‌স্‌ জেগ্‌” নামক পর্বত-নিধর হইতে বধ্যাঙ্কে (আকাশ নির্মল থাকিলে) প্রাকৃতিক সৌন্দর্য বরূপ দেখায় তদবলম্বনে রচিত । গিরি ‘কাঙ্কনজঙ্ঘা’ প্রায় সর্বদা মেঘের অন্তরালে লুপ্তায়িত থাকে ; স্ততরাং তাহার দর্শন-লাভ সাধারণ ব্যাপার নহে ।

সওগাত

জাগো বঙ্গবাসি !
দেখ, কে দুয়ারে
অতি ধীরে ধীরে করে করাঘাত ।

ঐ শুন শুন !
কেবা তোমাদের
স্বমধুর স্বরে বলে : “সুপ্রভাত !”

অলস রঞ্জনী
এবে পোহাইল,
আশার আলোকে হাসে দিননাথ ।

শিশির-সিক্ত
কুসুম তুলিয়ে
ডালা ভরে নিয়ে এসেছে “সওগাত” ।

সওগাত

১ম বর্ষ, ১ম খণ্ড, ১ম সংখ্যা

অগ্রহায়ণ, ১৩২৫

আপীল

কারো আছে জমিদারী,
কেহ বা উপাধিদারী,—
বাঙ্গালা বিহারে মোরা যত কিছু ধারী,—
সকলে মিলিয়া এই আবেদন করি ।—

প্রাণে মরি সেও ভাল,
শতবার মৃত্যু ভাল,
লাঙ্গুল-বিরহ কিন্তু সহিতে না পারি ।
বোম্বাই নগরে ধাম,
'ভারত সময়' নাম—
শ্ৰেতাঙ্গ পত্রিকা এক রাগিয়াছে ভারী,
মহাক্রোধে করেছে সে এ হুকুম জারি,—
'যত মুক ভদ্র* পাও,
লাঙ্গুল কাটিয়া দাও ।
তা হ'লে হইবে দণ্ড উচিত সবারি ।”

“বোবার অরাতি নাই”—
এই সত্য জানি তাই
নীরব ছিলাম মোরা ল্যাজ-প্রাপ্তগণ ।
একি শুনি অকস্মাৎ,
বিনা মেঘে বজ্রপাত—
মৌন দোষে হবে না কি লাঙ্গুল কর্তন ।
এস তবে সহচর,
সপ্তমে তুলিয়া স্বর
উচ্চকণ্ঠে করি আজি সবারে জ্ঞাপন,
আমরা করিনি কভু আইন লঙ্ঘন ।

Moderates, who are keeping silence ought to be deprived of their titles.

কোথা কোন্ দুরাচার
 'সিডিসন' পরচার
 করে, তার শিরে হোক এই অশনি পতন ।
 কোথা কে বিদ্রোহী জন,
 কর এবে সম্বরণ
 লেখনী, রসনা আর স্বরাজ-স্বপন ;
 করিও না অপব্যয় অমূল্য জীবন ।

স্বাক্ষর—

যত ভূমি-অধিকারী ।
 যে ক'টি লাঙ্গুল-ধারী ।
 যার আছে জমিদারী ।
 যত সভ্য অনাহারী ।

সাধনা

ফাল্গুন, ১৩২৮

নিরুপম বীর

বিচারক বলে, “কানাই তোমার
গলায় পড়িবে কাঁসি !”
শুনি’ শ্যামলাল বেপরোয়া ভাবে
হাসিল ধূণার হাসি ।
রাখিতে পরের পরান যে জন
দেয় নিজে বলিদান,
সে কি বিচলিত কাঁসির আদেশে ?
মৃত্যু তুচ্ছজ্ঞান ।

এ মর-জগতে কানাইয়ের তুল
কে আছে কোথায় আর ?
শ্যামের গরিমা অতুল অতুল
তুলনা নাই যে তার ।
মরিয়া কানাই হইবে অমর
সাধ্য কি বধে তারে ?
মৃণ্ময় দেহ এক শুধু শ্যাম
ছিল বাঁধা সংসারে ;
তাজ্জি’ সে পিঁজর চলিল কানাই,
এবে শত কোটি শ্যাম
ভারত-গগনে দেখা দিবে পুনঃ ।
(ধন্য তোমার নাম ।)

শ্যাম-ঋণ-পাশে রয়েছে যে বাঁধা
সকল বঙ্গবাসী,
অনেকে তাদের করিল প্রণতি
শ্যামে কাঁরাগারে আসি’ ।

অগতে শ্যামের বিপুল আদর
 হ'ল না বর্তমানে,—
 যদিও ভকতি নীরব প্রবাহ
 বহে বাজালী প্রাণে ।
 যত কৃত্যু হোক সংসার
 তবু এ কানাই-স্মৃতি
 ভারত-হৃদয়ে স্বর্ণাকরে
 অগরুক র'বে নিতি ।
 বীর সন্তান অাগিয়া প্রভাতে
 স্মরিবে কানাইনাম ;
 প্রাতঃস্মরণীয় কানাই মোদের,
 বল বল “বন্দে শ্যাম ।”

ধুমকেতু

১ম বর্ষ, ১১শ সংখ্যা,

৫ আশ্বিন, ১৩২৯

SULTANA'S DREAM

1908

SULTANA'S DREAM

One evening I was lounging in an easy chair in my bed-room and thinking lazily of the condition of Indian womanhood. I am not sure whether I dozed off or not. But, as far as I remember, I was wide awake. I saw the moonlit sky sparkling with thousands of diamond-like stars, very distinctly.

All on a sudden a lady stood before me ; how she came in, I do not know. I took her for my friend, Sister Sara.

"Good morning," said Sister Sara. I smiled inwardly as I knew it was not morning, but starry night. However, I replied to her, saying, "How do you do?"

"I am all right, thank you. Will you please come out and have a look at our garden?"

I looked again at the moon through the open window, and thought there was no harm in going out at that time. The men-servants outside were fast asleep just then, and I could have a pleasant walk with Sister Sara.

I used to have my walks with Sister Sara, when we were at Darjeeling. Many a time did we walk hand in hand and talk light-heartedly in the Botanical gardens there. I fancied, Sister Sara had probably come to take me to some such garden, and I readily accepted her offer and went out with her.

When walking I found to my surprise that it was a fine morning. The town was fully awake and the streets alive with bustling crowds. I was feeling very shy, thinking I was walking in the street in broad daylight, but there was not a single man visible.

Some of the passers-by made jokes at me. Though I could not understand their language, yet I felt sure they were joking. I asked my friend, "What do they say?"

"The woman say that you look very mannish."

"Mannish?" said I, "What do they mean by that?"

"They mean that you are shy and timid like men."

"Shy and timid like men?" It was really a joke. I became very nervous, when I found that my companion was not Sister Sara, but a stranger. Oh, what a fool had I been to mistake this lady for my dear old friend, Sister Sara.

She felt my fingers tremble in her hand, as we were walking hand in hand.

"What is the matter, dear, dear?" she said affectionately.

"I feel somewhat awkward," I said in a rather apologising tone, "as being a *pardahnishin* woman I am not accustomed to walking about unveiled."

"You need not be afraid of coming across a man here. This is Ladyland, free from sin and harm. Virtue herself reigns here."

By and by I was enjoying the scenery. Really it was very grand. I mistook a patch of green grass for a velvet cushion. Feeling as if I were walking on a soft carpet, I looked down and found the path covered with moss and flowers.

"How nice it is," said I.

"Do you like it?" asked Sister Sara. (I continued calling her "Sister Sara," and she kept calling me by my name.)

"Yes, very much; but I do not like to tread on the tender and sweet flowers."

"Never mind, dear Sultana; Your treading will not harm them; they are street flowers."

"The whole place looks like a garden," said I admiringly. "You have arranged every plant so skilfully."

"Your Calcutta could become a nicer garden than this, if only your countrymen wanted to make it so."

"They would think it useless to give so much attention to horticulture, while they have so many other things to do."

"They could not find a better excuse;" said she with smile.

I became very curious to know where the men were. I met more than a hundred women while walking there, but not a single man.

"Where are the men?" I asked her.

"In their proper places, where they ought to be."

"Pray let me know what you mean by 'their proper places'."

"O, I see my mistake, you cannot know our customs, as you were never here before. We shut our men indoors."

"Just as we are kept in the Zenana?"

"Exactly so."

"How funny," I burst into a laugh. Sister Sara laughed too.

"But dear Sultana, how unfair it is to shut in the harmless women and let loose the men."

"Why? It is not safe for us to come out of the zenana, as we are naturally weak."

"Yes, it is not safe so long as there are men about the streets, nor is it so when a wild animal enters a market-place."

"Of course not."

"Suppose, some lunatics escape from the asylum and begin to do all sorts of mischief to men, horses and other creatures, in that case what will your countrymen do?"

"They will try to capture them and put them back into their asylum."

“Thank you ! And you do not think it wise to keep sane people inside an asylum and let loose the insane ?”

“Of course not !” said I laughing lightly.

“As a matter of fact, in your country this very thing is done ! Men, who do or at least are capable of doing no end of mischief, are let loose and the innocent women shut up in the zenana ! How can you trust those untrained men out of doors ?”

“We have no hand or voice in the management of our social affairs. In India man is lord and master. He has taken to himself all powers and privileges and shut up the women in the zenana.”

“Why do you allow yourselves to be shut up ?”

“Because it cannot be helped as they are stronger than women.”

“A lion is stronger than a man, but it does not enable him to dominate the human race. You have neglected the duty you owe to yourselves and you have lost your natural rights by shutting your eyes to your own interests.”

“But my dear sister Sara, if we do everything by ourselves, what will the men do then ?”

“They should not do anything, excuse me ; they are fit for nothing. Only catch them and put them into the zenana.”

“But would it be very easy to catch and put them inside the four walls ?” said I, “And even if this were done, would all their business, political and commercial—also go with them into the zenana !”

Sister Sara made no reply. She only smiled sweetly. Perhaps she thought it useless to argue with one who was no better than a frog in a well.

By this time we reached sister Sara's house. It was situated in a beautiful heart-shaped garden. It was a bungalow with a corrugated iron roof. It was cooler and nicer than any of

our rich buildings. I cannot describe how neat and how nicely furnished and how tastefully decorated it was.

We sat side by side. She brought out of the parlour a piece of embroidery work and began putting on a fresh design.

"Do you know knitting and needle work?"

"Yes : we have nothing else to do in our zenana."

"But we do not trust our zenana members with embroidery!" she said laughing, "as a man has not patience enough to pass thread through a needlehole even!"

"Have you done all this work yourself?" I asked her pointing to the various pieces of embroidered teapoy cloths.

"Yes."

"How can you find time to do all these? You have to do the office work as well? Have you not?"

"Yes. I do not stick to the laboratory all day long. I finish my work in two hours."

"In two hours! how do you manage? In our land the officers, magistrates,—for instance, work seven hours daily."

"I have seen some of them doing their work. Do you think they work all the seven hours?"

"Certainly they do!"

"No, dear Sultana, they do not. They dawdle away their time in smoking. Some smoke two or three choroots during the office time. They talk much about their work, but do little. Suppose one choroot takes half an hour to burn off, and a man smokes twelve choroots daily; then you see, he wastes six hours every day in sheer smoking."

We talked on various subjects; and I learned that they were not subject to any kind of epidemic disease,—nor did they suffer from mosquito-bites as we do. I was very much astonished to hear that in Lady-land no one died in youth except by rare accident.

"Will you care to see our kitchen?" She asked me.

“With pleasure,” said I, and we went to see it. Of course the men had been asked to clear off when I was going there. The kitchen was situated in a beautiful vegetable garden. Every creeper, every tomato plant was itself an ornament. I found no smoke, nor any chimney either in the kitchen,—it was clean and bright; the windows were decorated with flower garlands. There was no sign of coal or fire.

“How do you cook?” I asked.

“With solar heat,” She said, at the same time showing me the pipe, through which passed the concentrated sunlight and heat. And she cooked something then and there to show me the process.

“How did you manage to gather and store up the sun heat?” I asked her in amazement.

“Let me tell you a little of our past history then. Thirty years ago, when our present Queen was thirteen years old, she inherited the throne. She was Queen in name only, the Prime-minister really ruling the country.”

“Our good Queen liked science very much. She circulated an order that all the women in her country should be educated. Accordingly a number of girls’ schools were founded and supported by the Government. Education was spread far and wide among women. And early marriage also was stopped. No woman was to be allowed to marry before she was twenty-one. I must tell you that, before this change we had been kept in strict-purdah.”

“How the tables are turned,” I interposed with a laugh.

“But the seclusion is the same,” she said. “In a few years we had separate Universities, where no men were admitted.”

“In the capital, where our Queen lives, there are two Universities. One of these invented a wonderful baloon, to

which they attached a number of pipes. By means of this captive baloon which they managed to keep afloat above the cloud-land, they could draw as much water from the atmosphere as they pleased. As the water was incessantly being drawn by the University people no cloud gathered and the ingenious Lady Principal stopped rain and storms thereby."

"Really ! Now I understand why there is no mud here !" said I. But I could not understand how it was possible to accumulate water in the pipes. She explained to me how it was done ; but I was unable to understand her, as my scientific knowledge was very limited. However, she went on,—

"When the other University came to know of this, they became exceedingly jealous and tried to do something more extraordinary still. They invented an instrument by which they could collect as much sun-heat as they wanted. And they kept the heat stored up to be distributed among other as required.

"While the women were engaged in scientific researches, the men of this country were busy increasing their military power. When they came to know that the female Universities were able to draw water from the atmosphere and collect heat from the sun, they only laughed at the members of the Universities and called the whole thing 'a sentimental nightmare' !"

"Your achievements are very wonderful indeed ! But tell me, how you managed to put the men of your country into the zenana. Did you entrap them first ?"

"No".

"It is not likely that they would surrender their free and open air life of their own accord and confine themselves within the four walls of the zenana ! They must have been overpowered."

“Yes, they have been !”

“By whom ?— by some lady-warriors, I suppose ?”

“No, not by arms.”

“Yes, it cannot be so. Men’s arms are stronger than women’s”.

“Then ?”

“By brain.”

“Even their brains are bigger and heavier then women’s. Are they not ?”

“Yes, but what of that ? An elephant also has got a bigger and heavier brain than a man has. Yet man can enchain elephants and employ them, according to their own wishes.”

“Well said, but tell me please, how it all actually happened. I am dying to know it !”

“Women’s brains are somewhat quicker than men’s. Ten years ago, when the military officers called our scientific discoveries ‘a sentimental nightmare’, some of the young ladies wanted to say something in reply to those remarks. But both the Lady-Principals restrained them and said, they should reply, not by word, but by deed, if ever they got the opportunity. And they had not long to wait for that opportunity.”

“How marvellous !” I heartily clapped my hands.

“And now the proud gentlemen are dreaming sentimental dreams themselves.

“Soon afterwards certain persons came from a neighbouring country and took shelter in ours. They were in trouble having committed some political offence. The king who cared more for power than for good government asked our kind-hearted Queen to hand them over to his officers. She refused, as it was against her principle to turn out refugees. For this refusal the king declared war against our country.

“Our military officers sprang to their feet at once and marched out to meet the enemy.

"The enemy however, was too strong for them. Our soldiers fought bravely, no doubt. But in spite of all their bravery the foreign army advanced step by step to invade our country.

"Nearly all the men had gone out to fight ; even a boy of sixteen was not left home. Most of our warriors were killed, the rest driven back and the enemy came within twenty-five miles of the capital.

"A meeting of a number of wise ladies was held at the Queen's palace to advice and to what should be done to save the land.

"Some proposed to fight like soldiers ; others objected and said that women were not trained to fight with swords and guns ; nor were they accustomed to fighting with any weapons. A third party regretfully remarked that they were hopelessly weak of body."

"If you cannot save your country for lack of physical strength, said the Queen, try to do so by brain power".

"There was a dead silence for a few minutes. Her Royal Highness said again, 'I must commit suicide if the land and my honour are lost.'"

"Then the Lady Principal of the second University, (who had collected sun-heat), who had been silently thinking during the consultation, remarked that they were all but lost ; and there was little hope left for them. There was however, one plan which she would like to try, and this would be her first and last efforts ; if she failed in this, there would be nothing left but to commit suicide. All present solemnly vowed that they would never allow themselves to be enslaved, on matter what happened."

"The Queen thanked them heartily, and asked the Lady Principal to try her plan."

"The Lady Principal rose again and said, 'before we go out the men must enter the zenanas. I make this prayer for the sake of purdah.' 'Yes, of course', replied Her Royal Highness."

“On the following day the Queen called upon all men to retire into zenanas for the sake of honour and liberty.

“Wounded and tired as they were, they took that order rather for a boon ! They bowed low and entered the zenanas without uttering a single word of protests. They were sure that there was no hope for this country at all.

“Then the Lady Principal with her two thousand students marched to the battle-field, and arriving there directed all the rays of the concentrated sun-light and heat towards the enemy.

“The heat and light were too much for them to bear. They all ran away panic-stricken, not knowing in their bewilderment how to counteract that scorching heat. When they fled away leaving their guns and other ammunitions of war, they were burnt down by means of the same sun-heat.

“Since then no one has tried to invade our country any more.’

“And since then your country-men never tried to come out of the zenana ?”

“Yes, they wanted to be free. Some of the Police Commissioners and District Magistrates sent word to the Queen to the effect that the Military Officers certainly deserved to be imprisoned for their failure ; but they never neglected their duty and therefore they should not be punished and they prayed to be restored to their respective offices.

“Her Royal Highness sent them a circular letter intimating to them that if their services should ever be needed they would be sent for, and that in the meanwhile they should remain where they were.

“Now that they are accustomed to the purdah system and have ceased to grumble at their seclusion, we call the system ‘Murdana’ instead of ‘zenana’.”

"But how do you manage" I asked Sister Sara, "to do without the Police or Magistrates in case of theft or murder?"

"Since the 'Murdana' system has been established, there has been no more crime or sin; therefore we do not require a Police-man to find out a culprit, nor do we want a Magistrate to try a criminal case."

"That is very good, indeed. I suppose if there were any dishonest person, you could very easily chastise her. As you gained a decisive victory without shedding a single drop of blood, you could drive off crime and criminals too without much difficulty!"

"Now, dear Sultana, will you sit here or come to my parlour?" she asked me.

"Your kitchen is not inferior to a queen's boudoir!" I replied with a pleasant smile, "but we must leave it now; for the gentlemen may be cursing me for keeping them away from their duties in the kitchen so long." We both laughed heartily.

"How my friends at home will be amused and amazed, when I go back and tell them that in the far-off Ladyland, ladies rule over the country and control all social matters, while gentlemen are kept in the Murdanas to mind babies, to cook and to do all sorts of domestic work; and that cooking is so easy a thing that it is simply a pleasure to cook!"

"Yes, tell them about all that you see here."

"Please let me know, how you carry on land cultivation and how you plough the land and do other hard manual work."

"Our fields are tilled by means of electricity, which supplies motive power for other hard work as well and we employ it for our aerial conveyances too. We have no rail road nor any paved streets here."

"Therefore neither streets nor railway accidents occur here," said I. "Do not you ever suffer from want of rainwater?" I asked.

“Never since the ‘water baloon’ has been set up. You see the big baloon and pipes attached thereto. By their aid we can draw as much rain water as we require. Nor do we ever suffer from flood or thunderstorms. We are all very busy making nature yield as much as she can. We do not find time to quarrel with one another as we never sit idle. Our noble Queen is exceedingly fond of Botany ; it is her ambition to convert the whole country into one grand garden.”

“The idea is excellent. What is your chief food ?”

“Fruits.”

“How do you keep your country cool in hot weather ? We regard the rainfall in summer as a blessing from heaven.”

“When the heat becomes unbearable, we sprinkle the ground with plentiful showers drawn from the artificial fountains. And in cold weather we keep our room warm with sun-heat.”

She showed me her bathroom, the roof of which was removable. She could enjoy a shower bath whenever she liked, by simply removing the roof (which was like the lid of a box) and turning on the tap of the shower pipe.

“You are a lucky people !” ejaculated I. “You know no want. What is your religion, may I ask ?”

“Our religion is based on Love and Truth. It is our religious duty to love one another and to be absolutaly truthful. If any person lies, she or he is——.”

“Punished with death ?”

“No ; not with death. We do not take pleasure in killing a creature of God,—specially a human being. The liar is asked to leave this land for good and never to come to it again.”

“Is an offender never forgiven ?”

“Yes, if that person repents sincerely.”

“Are you not allowed to see any man, except your own relations ?”

“No one except sacred relations.”

"Our circle of sacred relations is very limited to, even first cousins are not sacred."

"But ours is very large ; a distant cousin is as sacred as a brother."

"That is very good. I see Purity itself reigns over your land. I should like to see the good Queen, who is so sagacious and far-sighted and who has made all these rules."

"All right," said Sister Sara.

Then she screwed a couple of seats on to a square piece of plank. To this plank she attached two smooth and well-polished balls. When I asked her what the balls were for, she said, they were hydrogen balls and they were used to overcome the force of gravity. The balls were of different capacities to be used according to the different weights desired to be overcome. She then fastened to the air-car two wing-like blades, which, she said, were worked by electricity. After we were comfortably seated she touched a knob and the blades began to whirl, moving faster and faster every moment. At first we were raised to the height of about six or seven feet and then off we flew. And before I could realize that we had commenced moving we reached the Garden of the Queen.

My friend lowered the air-car by reversing the action of the machine, and when the car touched the ground the machine was stopped and we got out.

I had seen from the air-car the Queen walking on a garden path with her little daughter (who was four years old) and her maids of honour.

"Halloo ! you here !" cried the Queen addressing Sister Sara. I was introduced to Her Royal Highness and was received by her cordially without any ceremony.

I was very much delighted to make her acquaintance. In course of the conversation I had with her, the Queen told me that she had no objection to permitting her subjects to trade

with other countries. "But," she continued, "no trade was possible with countries where the women were kept in the zenanas and so unable to come and trade with us. Men, we find, are rather of lower morals and so we do not like dealing with them. We do not covet other people's land, we do not fight for piece of diamond though it may be a thousand-fold brighter than the Koh-i-Noor, nor do we grudge a ruler his Peacock Throne. We dive deep into the ocean of knowledge and try to find out the precious gems, which Nature has kept in store for us. We enjoy Nature's gifts as much as we can."

After taking leave of the Queen, I visited the famous Universities, and was shown over some of their manufactories, laboratories and observatories.

After visiting the above places of interest we got again into the air-car, but as soon as it began moving I somehow slipped down and the fall startled me out of my dream. And on opening my eyes, I found myself in my own bed-room still lounging in the easy-chair !!

গল্পশিষ্ট

রোকেয়া-পরিচিতি

সূচীপত্র

বিষয়			পৃষ্ঠা
বেগম রোকেয়ার সাহিত্য-কীর্তি	৫৯১
আবদুল কাদীর			
মিসেস্ আর. এস. হোসেন	৫৯৬
অধ্যাপক কাজী আবদুল ওদুদ এম.এ.			
“বতিচুর”	৫৯৭
আবুল হসেন এম.এ., এম.এল্.			
Sultana's Dream	৬০০
আবুল হসেন এম.এ., এম.এল্.			
“বতিচুর”	৬০৩
মিসেস্ এন্. রহমান			
দরদী আশা	৬০৪
কবি শাহাদাৎ হোসেন			
দুঃসাহসিকা	৬০৭
কবি গোলাম মোস্তফা			

বেগম রোকেয়ার সাহিত্য-কীর্তি আবদুল কাदिर

আধুনিক কালের গোড়ার দিকের বাদ্গালী মুসলমানের সাহিত্য-সাধনা অনেকখানিই প্রতিক্রিয়াশূলক। মীর মোশাররফ হোসেন হইতে আরম্ভ করিয়া মিসেস্ এম্. রহমান পর্যন্ত মুসলমানের সাহিত্য-চর্চা বাংলা সাহিত্যের ইতিহাসে অসামান্য কিছু নয়; তবে সে-সাহিত্যে প্রতিবাদ ছাড়াও এমন সৃষ্টি কিছু আছে, যাহাকে অনবদ্য না হইলেও সুস্থ ও স্বাভাবিক বলা যাইতে পারে। তবু এ-কথা অসত্য নহে যে, সে-সাহিত্যের মূলে সাহিত্যিক প্রেরণার চাইতেও বড় জিনিস ছিল 'আমরাও আছি' এই মনোভাব। হিন্দু সাধকদের সৃষ্টি-চাকল্যে সচেতন হইয়া নিজেদের বৈশিষ্ট্য ও কৃষ্টি-মাহাত্ম্য প্রচার-কল্পে একালের প্রথম দিকের মুসলিম সাহিত্যিকরা আত্মনিয়োগ করিয়াছিলেন। মীর মোশাররফ হোসেন 'জঙ্গনামা'-র উপর ভিত্তি করিয়া 'বিষাদ-সিন্ধু' লেখেন; নবীনচন্দ্রের অনুবর্তিতায় কায়কোবাদ এবং হেমচন্দ্রের অনুভাবে শান্তিপুরের মোজাম্মেল হক্ কাব্য-সাধনার অগ্রসর হন। এই সমস্ত রচনায় বাংলার পরিবেষ্টনের প্রভাব— নৈতিক ও সাংসারিক জীবনের বেদনা— কোনো রূপলাভ করিতে পারিয়াছে কি না সন্দেহ। 'বঙ্গবিধবা'-র হাহাকার মোজাম্মেল হকের অন্তরে অপূর্ব বেদনার সৃষ্টি করিয়াছে, অথচ স্বগমাজের অজ্ঞানতা ও অপ্রেমের খবরদারি তাঁহার মধ্যে বিশেষ-কিছু নাই। আসলে হিন্দু মনীষীরা পর্বাধিক্রমে যাহা পরিবেশন করিতেছিলেন, মুসলমান সাহিত্যিকরা সে-সবকেই সাহিত্য-সাধনার সহজ উপাদান করিয়া লইয়াছিলেন,— আর অত্যন্ত অনায়াসে মুসলিম সাধনার যাহা পাওয়া যায়, তাহাই নিজেদের চিৎপ্রকর্ষের পরিচয় স্বরূপ দেশবাসীর সম্মুখে উপস্থিত করিয়াছিলেন। পরিপার্শ্বের সঙ্গে সম্পর্কবিচ্যুত এই যে সাহিত্য, ইহার একটা সফল হইল এই যে, এ-দেশের হিন্দু-মুসলমান উভয় সম্প্রদায়ই তাহার রসগ্রহণে ও অভিনন্দনে অগ্রসর হইতে বেশী বেগ পাইল না।

অবশ্য সেই সাহিত্যিকরা যে সমস্যা একেবারে বোঝেন নাই তাহা নহে। কোরবানী সম্পর্কে কথা বলিতে গিয়া মীর মোশাররফ হোসেন তাঁর স্বগম্মদায়ের অপ্রিয় হইয়াছিলেন। সহজ সৌন্দর্য-দৃষ্টিসম্পন্ন কবি কায়কোবাদ হিন্দু ও মুসলমানকে

সাংস্কৃতিক মানুষ-রূপে না দেখিয়া স্বাভাবিক মানুষ-রূপে দেখিবার যে-প্রয়াস পাইয়াছিলেন, তার ফলে স্বসমাজের নিকট হইতে কম গণনা লাভ করেন নাই। বিশেষতঃ, 'সমাজ ও সংস্কারক'-রচয়িতা পণ্ডিত রেয়াজউদ্দীন ও 'অনল-প্রবাহে'র কবি ইসমাইল হোসেন শিরাজী 'প্যান ইসলাম'-আদর্শের আলোকে নব-উদ্দীপনা সঞ্চার করিতে গিয়া স্বসমাজের অন্তহীন দুর্গতির দিকেও দৃষ্টি দিয়াছিলেন। অবশ্য এ-কথা নিঃসঙ্কোচে স্বীকার করা যায় যে, সৈয়দ শিরাজী, মৌলানা মোহাম্মদ আকরম খাঁ প্রমুখ সমাজের জন্য কল্যাণায়োজনের চেষ্টায় মৌলানা মনিরুজ্জামানেরই সহযাত্রী। স্বদেশ-সমস্যা, নারী-সমস্যা, শিক্ষা-সমস্যা, কৃষক-সমস্যা, দেশ-মুক্তি-সমস্যা, ভাষা-সমস্যা ইত্যাদি নিয়া মৌলানা মনিরুজ্জামান যথেষ্ট চিন্তা-ভাবনা করিয়াছিলেন—সেকালের সমস্যা-সাহিত্যে তার রূপরেখা অভিযোগ ও অভিমানের আবেগ-বাহুল্য নিয়া ফুটিয়া আছে।

ইহাদের রচিত সাহিত্যে বৃহত্তর দেশের সমস্যা সম্পর্কে দায়িত্বহীনতা, ধ্যানীর ঔপাসীনোর চাইতে প্রতিবাদের বিক্ষুব্ধতা, এ-সমস্ত দোষ-ত্রুটিই হয়ত ইহার দিকে দেশবাসীর সশঙ্ক দৃষ্টি আকর্ষণ করিতে পারে নাই। কিন্তু হিন্দু প্রতিভার অনুবর্তনে বা চিন্তাধারার প্রতিক্রিয়ায় নহে, আধুনিক বাংলার হিন্দু-মুসলমান নিবিশেষে সকল মহিলা-সাহিত্যিকদের মধ্যে সর্বশ্রেষ্ঠ প্রতিভা বেগম রোকেয়া নিজের ব্যক্তিত্ব ও বেদনার রসে সাহিত্য-সৃষ্টিতে অগ্রসর হইয়াছিলেন। অবরুদ্ধ মুসলমান অন্তঃপুরে এহেন শাণিতবুদ্ধি প্রেম-পরায়ণা রুচিস্বল্প প্রতিভার আবির্ভাব এক বিস্ময়কর ব্যাপার। হিন্দু ও মুসলমানকে তিনি কবি কায়কোবাদের মতোই সহজ দৃষ্টিতে দেখিতে পারিয়াছিলেন; অধিকন্তু তিনি ছিলেন পরিপার্শ্বের সন্ততি। কোনো মত-বিশ্বাসের অন্ধ-উত্তেজনায় তিনি দুর্বলচিন্তার পরিচয় দেন নাই; ইসলামকে তিনি মনুষ্যস্ব-সাধনার এক চমৎকার আদর্শ-রূপে গ্রহণ করিয়াছিলেন। ধর্ম অর্থে তিনি আল্লাহর অনুধ্যানই বুঝিয়াছিলেন। 'পিপাসা'-প্রবন্ধে কারবালা-কাহিনী ব্যাখ্যান করিয়া শেষে বলিয়াছেন : "এ-হৃদয়ের পিপাসা তুচ্ছ বারি-পিপাসা নহে। ইহা অনন্ত প্রেম-পিপাসা। ঈশ্বর একমাত্র বাহনীর, আর সকলে পিপাসী—ঐ বাহনীর প্রেমময়ের প্রেম-পিপাসী।"

তাঁহার চারিপাশের যে-সমাজ—অবরোধবন্দি নিগূহীতা নারী-সমাজ, তাহারই অজ্ঞানতা ও নিরীকতার বেদনা তাঁহাকে অন্তর করিয়া তুলিয়াছিল। "আমাদের এ' বিশ্বব্যাপী দাসত্বের কারণ কেহ বলিতে পারেন কি?"—এই প্রশ্নের অন্তরালে যে দাহ, তাহার তীব্রতা তাঁহার সমস্ত রচনার সঞ্চারিত হইয়া আছে।

নারী-বিষেধী শপেনহৰ্ বুলিয়াছেন : One need only look at a woman's shape to discover that she is not intended for either too much mental or too much physical work. কিন্তু বেগম রোকেয়া বুলিয়াছেন— ‘স্বীকার করি যে, শারীরিক দুর্বলতাবশতঃ নারীজাতি অপর জাতির সাহায্যে নির্ভর করে ; তাই বুলিয়া পুরুষ প্রভু হইতে পারে না ।’ The soul of a woman has something obscure and mysterious in it— এই কথা তিনিও যে জানিতেন, তাহা “কুম্বমের সৌকুমার্য হরিণের কটাক্ষ নিদ্রার মোহ ইত্যাদি তেত্রিশটি উপাদানে ললনা নিমিত্ত হইয়াছে”—উজ্জ্বলিত হইয়া যায় ; কিন্তু নারীর সেই আত্মিক প্রকৃতির বিশ্লেষণে অগ্রসর না হইয়া সামাজিক জীবনের ক্রমভঙ্গতার দিকেই তিনি অধিক দৃষ্টি দিয়াছিলেন। “বাস্তবিক অলঙ্কার দাসত্বের নিদর্শন বই আর কিছু নয় ;”— নারীর এই আত্মার দাসত্ব স্বাধীনতার জন্য তিনি প্রস্তাব করিয়াছিলেন : “অলঙ্কারের টাকা ঘারা জেনানা-স্বুলের আয়োজন করা হউক ।” জীশিকার ব্যবস্থা যথাযোগ্যরূপে হইলেই নারীর উন্নতি অনিবার্য হইবে ; তার কুসংস্কারপ্রিয়, রক্ষণশীল অথচ ক্যাশনবিলাসী, আবেগপ্রধান প্রকৃতি প্রকৃতিস্বতা লাভ করিবে ; Complete equality with man makes her quarrelsome, a position of supremacy makes her tyrannical, এই দুর্নাম বুচিয়া যাইবে ; এই সহজ অথচ স্পষ্ট বিশ্বাস তাঁর ছিল। “আমরা পুরুষের ন্যায় স্মৃশিক্ষা ও অনুশীলনের সম্যক সুবিধা না পাওয়ায় পশ্চাতে পড়িয়া আছি।” স্ত্রীরাং পুরুষ-প্রতিষ্ঠিত সমাজ-ব্যবস্থার প্রতি তাঁর আক্রোশ অশোভন নয়। “আপনারা মহান্দীয় আইনে দেখিতে পাইবেন যে, বিধান আছে, পৈত্রিক সম্পত্তিতে কন্যা পুত্রের অর্ধেক ভাগ পাইবে ; এ নিয়মটা কিন্তু পুস্তকেই সীমাবদ্ধ।” পুরুষ কর্তৃক “অর্দ্ধাঙ্গী”র দাবী সম্পর্কে এই উপেক্ষা দেখিয়া তিনি দুঃখ-কোঙে ব্যবস্থা দিয়াছিলেন— “পুরুষের সমকক্ষতা লাভের জন্য আমাদেরকে যাহা করিতে হয় তাহাই করিব।” আর্ধনৈতিক দিক দিয়া নারীর স্বাধীনতাকেই তিনি বুজির অন্যতর উপায় মনে করিয়াছিলেন।

‘মতিচূর’ ১ম ও ২য় খণ্ডে Sultana's Dream, ‘পদ্মরাগ’, ‘অবরোধ-বাসিনী’ প্রভৃতি কয়েকখানা গ্রন্থে তাঁর জীবনের ঐকান্তিক স্বপ্ন অভিনব রূপ লাভ করিয়া আছে। ‘মতিচূর’ ২য় খণ্ডে সৌরভগণ, ডেলিশিয়া-হত্য্যা, জ্ঞান-কল, নারী-সৃষ্টি, নার্স নেলী, মুক্তি-কল প্রভৃতি গল্প ও রূপকথা আছে। মেরী কেরেলির Murder of Delicia উপন্যাস হইতে সঙ্কলিত গল্পটিতে তিনি

দেখাইয়াছেন যে, পুরুষ-শাসিত সমাজে সভ্যদেশেও নারীর দুঃখের অবধি নাই ; আর 'নার্স নেলী'তে গৃহের আভ্যন্তরীণ পবিত্রতার দিকে দৃষ্টি দিতে তিনি ইঙ্গিত করিয়াছেন। অন্যান্য গল্পগুলিতে নারীর মর্যাদা সম্পর্কে বলা হইয়াছে। 'জ্ঞান-ফল' রূপকথাটি আদম-হাওয়ার কাহিনী নিয়া রচিত ; আদি-পুরুষ বলিতেছেন : 'কি আপদ। আমি রমণীকে রাখিতেও চাহি না, ফেলিতেও পারি না।' তদবধি নারী অভিশাপ-রূপে পুরুষের গলগ্রহ হইয়া রহিয়াছে— তাঁর এই cynical মন্তব্য দুঃসহ বেদনা হইতেই উদ্ভূত।

তাঁর Sultana's Dream ব্যঙ্গরসায়ক রচনা—'নারীস্থানের' এক অদ্ভুত পরিকল্পনা। সেখানে নারীর বাহুবলে নয়, মস্তিষ্ক-বলে পুরুষ পরাস্ত ; নারী-প্রতিষ্ঠিত সেই স্বপ্ন-সমাজে পুরুষ minor— 'মর্দানা'বাসী। নারীর এবিধ বিবর্তনের কারণ সম্বন্ধে তিনি বলিয়াছেন : "শিক্ষার বিমল জ্যোতিতে কুসংস্কার-রূপ অন্ধকার দূরীভূত হইয়া গেল।"

'মতিচূর' ১ম খণ্ডে 'বোরকা' প্রবন্ধে তিনি লিখিয়াছেন : "অবরোধের সহিত উন্নতির বেশী বিরোধ নাই।...এই অবরোধ-প্রথা না থাকিলে মানুষ ও পশুতে প্রভেদ কি ?...অবরোধ-প্রথা স্বাভাবিক নহে— নৈতিক।...বোরকা জিনিষটা মোটের উপর মন্দ নহে।...উন্নতির জন্য অবশ্য উচ্চশিক্ষা চাই।...পর্দা কিন্তু শিক্ষার পথে কাঁটা হইয়া দাঁড়ায় না। এখন আমাদের শিক্ষয়িত্রীর অভাব।"

তাঁর 'অবরোধবাসিনী' গ্রন্থে ৪৭টি অবরোধ-সম্পর্কিত দুর্ঘটনার উপাদেয় কাহিনী আছে—অতুলনীয় শ্রেণ্য ও লিপিকুশলতার সঙ্গে তিনি সেগুলি বর্ণনা করিয়াছেন। বিশ্ব-সাহিত্যের ইতিহাসে নারী Humourist বিরল, সেদিক দিয়া 'অবরোধবাসিনী' উল্লেখনীয় কিছু নিশ্চয়ই। তিনি পর্দা চাহিয়াছেন, কিন্তু তার বাড়াবাড়ি পছন্দ করেন নাই ; বলিয়াছেন : "ঐ সকল কৃত্রিম পর্দা কম করিতে হইবে।" তাঁর মধ্যে বিদ্রোহের উদ্গমতার চাইতে এই যে সংযম ও মমত্ববোধের প্রাচুর্য, তার মূলে রহিয়াছে তাঁর নারীপ্রকৃতি। অবশ্য পর্দা বলিতে যে তিনি নারীর সবল ব্যক্তিত্বই বুঝিতেন তার ইঙ্গিত নিম্নোক্ত ছত্রটিতে আছে : "বর্তমান যুগে ইউরোপীয় ভগ্নিগণ সভ্যতার চরম সীমার উঠিয়াছেন, তাঁহাদের পর্দা নাই কে বলে ?"

তাঁর "পদ্মরাগ" উপন্যাসের নায়িকা সিদ্ধিকা কিন্তু বলিতেছে : "আমি আত্মীবন...নারীজাতির কল্যাণ সাধনের চেষ্টা করিব এবং অবরোধ-প্রথার মূলোচ্ছেদ

করিব।... আমি সমাজকে দেখাইতে চাই, একমাত্র বিবাহিত জীবনই নারী-জন্মের চরম লক্ষ্য নহে ; সংসার-ধর্মই জীবনের সারধর্ম নহে।”—সিদ্ধিকা গ্রন্থকর্ত্রীর মানস-সৃষ্টি—এক জলন্ত অগ্নিকণা। এমিয়েল্ বলিয়াছেন : A woman places her ideal in the perfection of love and a man in the perfection of justice.—পুরুষের সমাজ যখন বিচারবিমুখ তখন পুরুষের কাছে চিন্তাসমর্পণ করিতে নারীর পরাঙ্মুখ হওয়া স্বাভাবিক। কিন্তু তবুও সিদ্ধিকার এই বিদ্রোহ বা আত্মত্যাগ সমাজ-ব্যবস্থার পরিবর্তনের উদ্দেশ্যেই, চিরন্তন নারী-প্রকৃতির বিরুদ্ধে নয়—তার প্রশ্ন : স্বামীকে ত্যাগ করিয়া যাইতেছে তবু তার শাস্তনয়নে শোনা :

“স্বরগ মুক্তি পূণ্য কিছু নাহি প্রয়োজন,
জনম জনম ধরি’ তোমারেই কামনা।”

পদ্মরাগের ‘তারিণী-ভবনের’ পরিকল্পনা পাশ্চাত্যের দাতব্য চিকিৎসালয় বা হিন্দুর আশ্রম হইতে ধার করা নয়, এই পুস্তকের পটভূমিতে রহিয়াছে তাঁর জীবনেরই স্বপ্ন। সাখাওয়াৎ মেমোরিয়াল্ গার্লস স্কুল প্রতিষ্ঠা করিয়া সেই স্বপ্নের কিছু বাস্তব রূপ দিতে তিনি প্রাণপণ চেষ্টা করিয়া গিয়াছেন। ‘পদ্মরাগে’-র অনেক ঘটনাই তাঁর নিজস্ব অভিজ্ঞতা-সঞ্জাত। এ সমস্ত রচনায় সহজ সরল অকৃত্রিম বেদনার যে সাবলীল প্রকাশ, তার ভঙ্গীতে রহিয়াছে তাঁর স্বকীয়তা। মেটারলিক্ ‘নারী-প্রসঙ্গে’ বলিয়াছেন : Theirs are still the divine emotions of the first days, and the sources of their being lie deeper far than ours, in all that was illimitable.

মাসিক মোহাম্মদী

শাখ, ১৩৩৯

মিসেস্ আর. এস্. হোসেন

কাজী আবদুল ওহুদ

মিসেস্ আর. এস্. হোসেন আমাদের সমাজে একটি জ্যাস্ত মানুষ। আমার মনে হয়, তাঁর 'মতিচূর' তাঁর স্কুলের চাইতে মোটেই কম গৌরবের নয়।

বাস্তবিকই মিসেস্ আর. এস. হোসেন একজন সত্যিকার সাহিত্যিক। তাঁর একটা বিশিষ্ট Style আছে; সেই Style-এর ভিতর দিয়ে ফুটেছে তাঁর তীক্ষ্ণদৃষ্টি আর কাণ্ডজ্ঞান, আর বেদনা-ভরা অথচ মুক্তি-অভিসারী মন। অবশ্য compromise-ও তাঁর জীবনে ও রচনায় কম নেই; কিন্তু সে compromise ফন্দিবাজের compromise নয়, সে compromise তাঁর নারীর নমনীয়তা ও স্নেহ— বড় স্বাভাবিক।

জীবিত ও মৃত বুড়োদের মধ্যে সত্যিকার মুসলমান সাহিত্যিক সংখ্যায় অতি অল্প— মীর মোশাররফ হোসেন, পণ্ডিত রেয়াজউদ্দীন, কায়কোবাদ, কাজী ইমদাদুল হক ও মিসেস্ আর. এস. হোসেন। এঁদের মধ্যে কাল মিসেস্ আর. এস. হোসেনকে বোধ হয় সর্বশ্রেষ্ঠ আসন দেবে। শুধু মুসলমান সাহিত্যিকদের মধ্যে নয়, গোটা বাংলার নারী সাহিত্যিকদের মধ্যে মিসেস্ আর. এস. হোসেনের স্থান অতি উচৈচ— সর্বোচৈচ কিনা, তা এখন পুরোপুরি বলতে পারছি না, কিন্তু সময় সময় তাই মনে হয়। এমন একটা মাজিত অথচ প্রতিভা-দীপ্ত চিত্ত বাংলাদেশে দুপ্পাপ্য না হলেও সুপ্পাপ্য নয়।

মাসিক সঞ্চয়

অগ্রহারণ, ১৩৩৬

“মতিচূর”*

আবুল হোসেন

আমাদের দুর্গতির আরম্ভ যে কোথায়, তাহাই লেখিকা তাঁহার প্রাঞ্জল, স্মৃষ্টি-সজ্জাবপূর্ণ, দৃষ্টান্ত-বহুল সরল অকপট মাধুর্যময় রচনা দ্বারা দেখাইতে যাইয়া স্বকীয় বেদনার অনুভূতিকে প্রতি ছত্রে ফুটাইয়া তুলিতে সক্ষম হইয়াছেন। লেখিকা বঙ্গীয় নোসলেন নারী-সমাজের আদর্শ। তাঁহার অপরূহা অথবা ভগিনীগণের দুরবস্থা দেখিয়া তাহাদিগকে জ্ঞান, শিক্ষা, নীতি, কর্ম ও স্বাধীনতার প্রবুদ্ধ করিবার জন্য তিনি এই পুস্তকখানি লিখিয়াছেন। পুরুষের নিদারুণ স্বার্থপরতা, শাসন-নীতি ও কঠোর পশুশক্তির ফলে নারীকে যে কিরূপ জঘন্য জীবন-যাপন করিতে হইতেছে, আর তাহাতে যে সমাজ ও দেশের কত অকল্যাণ ও অনর্থ ঘটতেছে, তাহাই অতি সংযত ভাষা ও কোমল শ্রদ্ধার সহিত লেখিকা দেখাইতে প্রয়াস পাইয়াছেন। পুরুষ প্রকৃত সৌভাগ্য-সম্পদ ও সুখ চাহিলে, তাহার মন-বস্তিত্ব ও জ্ঞানকে মজলের পথে চালিত করিতে হইলে, নারীকেও সমভাবে জ্ঞান, শিক্ষা ও স্বাস্থ্য অর্জন করিতে হইবে। লেখিকা নারী-সুলভ সঙ্কোচের সহিত পুরুষের দোষ দেখাইয়াছেন।

পুস্তকে তিনি পুরুষের বিরুদ্ধে এমন কিছুই বলেন নাই, যাহাতে পুরুষেরা আপত্তি করিতে পারে। আমার মনে হয়, পুরুষের অপরাধের তুলনায় তাহাদিগকে তদপেক্ষা আরও অধিক কষাঘাত করা উচিত ছিল। কিন্তু লেখিকার মাহাত্ম্য এই স্থলে প্রকাশ পাইয়াছে বেশী ; তিনি ভগিনীগণের ক্রটিই বেশী করিয়া দেখাইয়াছেন,— পুরুষকে কেবল অজুলি দ্বারা নির্দেশ করিয়া দিয়াছেন মাত্র।

আজ ভারতের নারী-সমাজ এত অবনতির অতল তলে পড়িয়া গিয়াছে কেন ? তাহার একমাত্র কারণ পুরুষ ; পুরুষ নিজের সুখ-স্বার্থের ষোল আনা

*মতিচূর, প্রথম খণ্ড। মিসেস্ আর. এন্. হোসেন প্রণীত। প্রকাশক : গুরুদাস চট্টোপাধ্যায় এণ্ড সন্স, ২০১নং কর্ণওয়ালিস স্ট্রীট, কলিকাতা। প্রাপ্তিস্থান—সাখাওয়াৎ মেমোরিয়েল গার্লস স্কুল, ৮৬/এ, মার্কুলার রোড, কলিকাতা। ছাপা, কাগজ ও বাঁধাই উত্তম। ১০১ পৃষ্ঠা। মূল্য ১।০ পাঁচ দিকা।

পুরা মাত্রায় আদায় করিয়া লইয়া, নারীর ঘর শূন্য করিয়া দিয়াছে। ইহা পশুশক্তির চূড়ান্ত নিদর্শন। নারীকে অস্ত্র, মুর্খ ও প্রিয়বস্তুটি করিতে গিয়া পুরুষ যে কি বিষম ফল লাভ করিয়াছে ও করিতেছে, তাহা আজও তাহার দৃষ্টিগোচর হইতেছে না।

নারী মাতৃরূপিণী। এক জননী একশত শিক্ষকের অপেক্ষা অনেক বড়। জননী গৃহের সর্বময় কর্তা। তিনি গৃহের রাণী। আর গৃহই সর্বাপেক্ষা শ্রেষ্ঠ ও সর্বপ্রথম শিক্ষাক্ষেত্র। এই গৃহে শিশু যে আদর্শ-শিক্ষা, সংস্কার, ধারণা ও কল্পনা প্রাপ্ত হয়, তাহা যাবজ্জীবন তাহার চরিত্র, মন ও কার্যকে নিয়ন্ত্রিত করে। ইহাতে আর ঘিমত হইতে পারে না। এমত অবস্থায় গৃহ-জননী জ্ঞানে-গুণে বিভূষিতা না হইলে শিশু তথা ভবিষ্যৎ মানুষকে কে গঠন করিবে? উত্তম স্বাস্থ্য, শরীর ও মন প্রাপ্ত হইতে হইলে সু-নারী আবশ্যিক। এই সরল কথাটি যে আজও কেহ বুঝিতে চাহিতেছেন না কেন, মাননীয়া মিসেস্ হোসেন সেই চিন্তায় আকুল হইয়া এই পুস্তক রচনা করিয়াছেন। তিনি নারীর সুখ-স্বার্থ ফিরাইতে চাহিয়া যে পুরুষের উন্নতির পথ কত উন্মুক্ত করিতে যাইতেছেন, সেজন্য তাঁহার নিকট ভবিষ্যতে পুরুষ-সমাজ, বিশেষতঃ বঙ্গীয় মোসলেম পুরুষ সমাজ কৃতজ্ঞতা স্বীকার করিবে। পুস্তকখানি নারীকে তাহার ক্ষতস্থান চোখে আঙ্গুল দিয়া দেখাইয়া দিবে, তাহার আত্মশক্তিকে জাগ্রত করিবে, গৃহলা ও জ্ঞানের মর্যাদা বুঝাইয়া দিবে, স্বামীকে প্রভু বলিতে ডুলাইবে, স্বাধীনতা দ্বারা দাম্পত্য-জীবনের মাধুরী ও আনন্দ যে কত গুণ বৃদ্ধিপ্রাপ্ত হয়, তাহা অস্ত্র নারীকে বুঝাইয়া দিবে; এবং অষ্টম বর্ষ বয়স হইতে নারী যে সংস্কার-জ্ঞান পুতুল-ঘরের মধ্য হইতে বহন করিয়া আনে— স্বামীকে দেবতা-জ্ঞানে অন্ধ পূজার উপহার দিতে শিখে, তাহা ডুলাইয়া দিয়া, মাজিত জ্ঞান-বুদ্ধি-বিবেক ও আত্মার স্বেচ্ছাপ্রণোদিত সৌহ-সমতা ও ভালবাসা কাহাকে বলে, তাহা শিখাইয়া দিবে। মিসেস্ হোসেন 'স্বগৃহিণী,' 'গৃহ,' 'অর্ধাজী' ও 'স্বীজাতির অবনতি' প্রবন্ধে নারীর স্বেচ্ছা-জ্ঞান কিরূপে জন্মিতে পারে, তাহা দেখাইতে গিয়া চমৎকার সফলতা লাভ করিয়াছেন।

অবশিষ্ট প্রবন্ধগুলির মধ্যে 'বোরকা' ও 'নিরীহ বাঙালী' পড়িতে বেশ আনন্দ পাওয়া যায়। 'বোরকা'র নূতন অর্থ বহু দৃষ্টান্ত দ্বারা বুঝাইয়া দিয়া, লেখিকা আমাদের অনেক কৌতুহলের তৃপ্তিসাধন করিয়াছেন। হয়ত আমি তাঁহার সকল কথায় সায় দিতে পারি না; তবে তাঁহার নূতন অর্থ বেশ লাগিয়াছে।

‘পিপাসা’ গ্রন্থকে ব্রহ্মাণ্ডের অণু-পরমাণু চরাচর জীবাণু-জীবের মধ্যে খোঁদা-প্রাপ্তির পিপাসা বিদ্যমান দেখিতে পাইয়া লেখিকা অসীমের জন্য স্বীয় তৃষ্ণার পরিচয় দিয়াছেন। সে অত্যন্ত আধ্যাত্মিক কথা।

আমরা প্রত্যেক শিক্ষিত বাঙালীকে এই পুস্তকখানি পাঠ করিতে সাদরে আহ্বান করিতেছি।

বঙ্গীয় মুসলমান সাহিত্য-পত্রিকা

কাতিক, ১৩২৮ সন।

SULTANA'S DREAM

আবুল হুসেন

Sultana's Dream (সুলতানার স্বপ্ন) প্রথম সংস্করণ ১৯০৮ সালে প্রকাশিত হইয়াছিল। কিন্তু এমনই দুর্ভাগ্য আমাদের সমাজ যে, পুস্তকখানি এখনও দ্বিতীয় সংস্করণের মুখ দেখিতে পায় নাই। ইহা ছাড়া দুঃখের বিষয়, এত দিনের মধ্যেও পুস্তকখানি সযত্নে কেহ কোন আলোচনাও করেন নাই। সেদিন ৩৮-পৃষ্ঠার এই ক্ষুদ্র পুস্তিকাখানি পাঠ করিয়া বিস্ময়-রসে যেমন আপ্ত হইয়াছি, তেমনি লেখিকার উদ্দেশ্যে শত সালান প্রেরণ না করিয়া থাকিতে পারি নাই। তাঁহার মতো চিন্তাশীলা নারী প্রকৃতই, নারী জাতি কেন, সমগ্র মানব জাতির গৌরবের পাত্রী।

Sultana's Dream পড়িলে ডাক্তার গালিভারের লিলিপুট দেশের ঘটনা মনে পড়ে। Sultana একজন অপরূপা নারী। গৃহের চতুষ্কোণ হইতেছে তাঁহার বিচরণ ও কর্মক্ষেত্র,—সূর্যের আলোক, চাঁদের কিরণ ও প্রকৃতির মুক্ত নির্মল বায়ু তাঁহার পক্ষে হারান—তাহা ভোগ করিবার জন্য এতটুকু অধিকার তাঁহার ছিল না। বিশুর ঐশ্বর্য, ধন-সম্পদ ও সৌভাগ্য তাঁহার পদতলে ছিল; কিন্তু সেগুলিকে একান্ত করিয়া ভোগ করিবার স্থান ছিল ঐ অর্গলবদ্ধ অন্তঃপুর। তিনি স্বপ্ন দেখিতেছেন: তিনি তাঁহার ভগিনী সারার মতো এক অপরিচিতা নারীর সঙ্গে অন্তঃপুর ত্যাগ করিয়া উন্মুক্ত প্রকৃতির মধ্যে ফুল-বাগান দেখিতে বাহির হইয়াছেন। তিনি প্রকৃতির মধ্যে আসিয়া কত না সন্মোহ ও ত্রস্ত ভীতির পরিচয় দিতেছেন। কিন্তু উক্ত নারী তাঁহাকে বুঝাইয়া দিলেন যে, সে-স্থানকে তাঁহার Ladyland বলেন,—সেখানে পুরুষেরা অন্তঃপুরে আবদ্ধ থাকে, আর নারীগণ বাহিরে সংসার-কর্ম নির্বাহ করিয়া চলে। সেই অপরিচিতা নারীকে সুলতানা 'ভগিনী সারা' বলিয়া ডাকিতেছেন। 'ভগিনী সারা' সুলতানাকে নারীগণের স্বরচিত স্বাধীন স্বচ্ছ নির্মল পারিজাত-কানন দেখাইতেছেন। সুলতানা প্রথম প্রথম পুরুষের ভয়ে আনন্দের সহিত সে-সমস্ত ভোগ করিতে পারিতেছেন

না। পরে 'সারা' নানা প্রকার নিদর্শন দেখাইয়া তাঁহাকে আশুস্ত করিলেন যে, সেখানে বাহিরের রাস্তায় পুরুষের বাহির হইবার অধিকার নাই। সে-দেশ নারীর—পুরুষ নারীর কথায় ওঠে, নারীর কথায় বসে। নারীর রচিত আইন পুরুষকে পরিচালিত করিতেছে। নারীগণের অসাধারণ জ্ঞান-প্রতিভার বিকাশ সেই Lady land-এ কিরূপ আচ্ছাদিত হইয়া উঠিয়াছে, তাহা দেখিয়া সুলতানা নিজের আশ্চর্য মধ্যে প্রবল উৎসাহ ও আশ্চর্য্যে অনুভব করিয়া অতিশয় উৎফুল্ল হইতেছেন। পুরুষগণকে কিরূপে অন্তঃপুরে আবদ্ধ করিতে তাঁহারা সক্ষম হইয়াছেন, কিরূপে 'জেনানা'র পরিবর্তে 'মর্দানা'-র প্রবর্তন সম্ভবপর হইয়াছে, তাহার ইতিহাস শ্রবণ করিয়া সুলতানা অবাক হইতেছেন।

পুরুষের পশুশক্তিকে দমন করিয়া নারীর আভ্যন্তরীণ ঐশী-শক্তিকে প্রথরতর করিতে পারিলে এই দুনিয়াতে যে স্বর্গ-সুখমা রচনা করা যায়, তাহাই এই স্বপ্নের অর্থ বলিয়া আমার বিশ্বাস। ভাগিনী সারার Lady land-এ কোনো কুৎসিৎ আচরণ ও নীতিবিগহিত কর্ম কেহ করিতে পারে না। সেখানে পুলিশ নাই। সে একেবারে সত্য ও ভালবাসার রাজ্য। বস্তুতঃ, নারীজাতি সত্য ও ভালোবাসার সাক্ষাৎ প্রতিমা-স্বরূপ হইতে পারেন, যদি তাঁহাদের মন ও মস্তিষ্কের যাবতীয় শক্তিকে সম্পূর্ণ সুযোগ প্রদানে স্ফুর্তলাভ করিতে দেওয়া হয়। তাহা হইলে আনাদের নারীজাতি পুরুষের পাশে নন্দনকানন ও ঐ Lady land-এর পারিজাতে-'বাগ' প্রতিষ্ঠিত করিতে পারে।

Sultana's Dream-এর মধ্যে পুরুষকে অপরূপ করিবার একমাত্র হেতু : আমাদের নারীজাতির দাসত্ব, অর্থাৎ পুরুষের উপর একান্ত নির্ভরতা। পুরুষ না হইলে আনাদের নারী একেবারে অকর্মণ্য ও অসহায়, মূর্খ ও অস্ত্র বলিয়া সে পুরুষের উপর তাহার জীবনের মাত্র অস্তিত্বটুকুর জন্য নির্ভরশীলা, এ-কথা কেবল পুরুষের দ্বারাই নিখিল বিশ্বে ঘোষিত হইয়াছে, এবং সেই ঘোষণা দ্বারা নারীও তাহার শক্তি আছে এ-কথা বিশ্বাসই করিতে পারে না। পক্ষান্তরে নারী যে ক্ষমতাপন্ন, সে যে পুরুষের মতো, এমন কি তদপেক্ষা অধিকতর প্রতিভাবতী হইতে পারে—তাহার শক্তিকে জাগ্রত করিলে যে প্রকৃতিকে নিজের আয়ত্ত্বাধীন করিয়া পুরুষের বিলুপ্ত সাহায্য ব্যতিরেকে সে দুনিয়ার বুকে নির্মল সৌন্দর্য, সম্পদ ও কল্যাণের বিরাট ক্ষেত্র সৃষ্টি করিতে পারে, তাহা ঐ Lady land-এর নারীদের ক্ষমতার দৃষ্টান্ত দ্বারা মিসেস আর্. এন্স. হোসেন অতি

অসহায় বঙ্গীয়া নারী-হৃদয়ে আত্মবিশ্বাস ও আত্মশক্তির বীজ বপন করিবার উদ্দেশ্যে বোধ করি এই Sultana's Dream রচনা করিয়াছেন।

পুস্তিকাখানি বেকরূপ সুমাজিত বিশ্বুদ্ধ ইংরেজী ভাষায় লেখা, সেকরূপ ভাষা আয়ত্ত করা আমাদের অনেক ইংরাজী-শিক্ষিত যুবকের পক্ষে কঠিন। আশা করি, Sultana's Dream-এর পাঠকগণ স্ব-স্ব পরিবারের নারীগণকে আত্মশক্তিতে উদ্ধৃদ্ধ করিতে চেষ্টা করিবেন।

মিসেস্ আর. এস. হোসেন এই Sultana's Dream দ্বারা নারীকে তাহার অপরিসীম ক্ষমতায় বিশ্বাস জন্মাইতে পারিয়া, গত্যা-সত্যই সমাজের বিপুল কল্যাণের ইঙ্গিত করিতে পারিয়াছেন।*

সাধনা

অগ্রহায়ণ, ১৩২৮ সন।

*Sultana's Dream : মিসেস্ আর. এস. হোসেন প্রণীত। প্রকাশক : এন্স. কে. নাহিড়ী এণ্ড কোং ; ৫৪ নং কলেজ স্ট্রীট, কলিকাতা। ৩৮ পৃষ্ঠা ; মূল্য চারি আনা।

“মতিচূর”

মিসেস এম্. রহমান

বল ‘মতিচূর !’ তুমি জানিলে কেমন
নারীর প্রাণের আলা ? কোন্ শক্তি বলে
প্রবেশ করেছ তুমি বঙ্গ-ললনার
হৃদয়ের মাঝে, যেথা শুধুই বেদনা,—
দগ্ধকৃত চিত্রগুলি অঙ্কিত করিয়া
দেখালে জগৎজনে আঁখিজল দিয়ে ?
বেদনায় অত্যাচারে রক্ত-রাঙ্গা প্রাণ,
তার কি সাধনা ওরে শুধুই রোদন ?
জাগ্রত হইতে হ’বে সকল নারীর
আপনারে করিবারে সফল সার্থক ;
বিদ্রোহের শিখা দিয়ে পুড়াইতে হ’বে
মানুষের অবিচার, সকলের পাপ ;
গঠন করিতে হ’বে নূতন ভারত—
মুক্ত হ’য়ে নারী আজি বাঁচাবে জগৎ ।

আনিয়াছে ‘মতিচূর’ বসন্ত-উষায়
নব-জীবনের গান, নূতন আলোক ।
অবরোধে নারী হেথা চির-গৃহহীনা,—
দাঁড়াবার নাই ঠাঁই এতটুকু তার ।
কুমারীর বলিদান দেখিবে কি, হয় ।
এস তবে আজি ওগো এই বাঙ্গালায় ;
নির্মম সমাজ-রূপ অত্যাচারী-হাতে
নারীর এখানে হয় জীবন্ত সমাধি ।
শ্মশানের ছবি তুমি, ওগো ‘মতিচূর !’
আহত প্রাণের গীত বেদনা-বিধুর ।*

সহচর

আম্বাট, ১৩২৯ ।

*মিসেস আর. এন্. হোসেন সাহেবা প্রণীত ‘মতিচূর’ পড়িয়া ।

দরদী আত্মা শাহাদাৎ হোসেন

রাতের বোরকা তখনো খগেনি, বিনারে মোয়াজ্জিন
সুবে-উশ্বেদ তখনো ঘোষেনি—আগেনি কো আরেফিন ।
নিঁদ-মহলার বন্ধ দুয়ারে তখনো স্বপন-হারী
আঙুলি' আগল তজ্রা-বিভোল ছিটায় রঙের ঝারি ।
কুলায়-নিলবে কল-বিহঙ্গ তখনো কুজনহারা,
উদয়-অচলে জড়িয়ে কুহেলী রূপালী তিমির-পারা ।
সহসা বজ্র-নিপাতে ফাটল ক্রন্দন-কলরোল—
বাংলা মায়ের দুলালী রোকেয়া ছেড়ে' গেছে মা'র কোল ।
মুর্ছা পড়িল গুপ্তিত উষা প্রাচী'র তোরণ-মূলে,
ফাটা-কলিঙ্গার তাজা খুন-ধারা ছুটিল উদয়-কূলে ।
দীর্ঘকণ্ঠে মোয়াজ্জিনের ক্রন্দন হাহাকারে
আকাণ-রুদ্ধে কাঁপিল আজান আর্ত বেদনা-ভারে ।
কোটি কণ্ঠের আহাজারি রোল মাতমের হাহাকার
শূন্য বিমান কাঁপায়ে শ্বনিল, অশ্রুতর পারাবার
দুলিয়া উঠিল নব-কারবালা-প্রান্তর-বুকে আজ ;
নিরবম কাল হরিল মায়ের মাথার মানিক-তাজ ।

সে যে নারী-মণি আলোর নায়িকা তিমির-পন্থে অলি,'
লক্ষ্যের পথে দেখালো আলোক শত বাধা পথে দলি' ।
কূশ-কন্টক কাটিয়া রচিল কুসুমের পথ-রেখা,
বুকের শোণিত-আঁধরে লিখিল যুগের জীবন-লেখা ।
যুগ-যুগান্ত বন্দিনী নারী রুদ্ধ প্রাচীর-পুরে
ফরিয়াদ করে উর্ধ্বে চাহিয়া আর্ত করুণ সুরে ।
সপ্ত তবক আগমান ভেদি' সে কাঁদন করুণার
আরশ কাঁপারে তুফানে আগালো রহমের পারাবার ।

মঠে:-মস্তে বরাভয় ঘোষি', প্রাচী'র উদয়-মূলে
 মুক্তির দূতী নামিল রোকেয়া যুগের কেতন তুলে' ।
 অশ্রু-সায়রে হাসির কমল ফুটিল কন্দগীর,
 খসিয়া পড়িল অবরোধ-রোধে জ্বলুমের জিঞ্জীর ।
 পিঞ্জরে-বাঁধা গতিহারা পাখী চাহিল সমুখে ফিরে,'
 করিত কিরণে দাঁড়ালো আশিয়া মুক্ত আলোর তীরে ।
 লাজ-সঙ্কোচে চির-আনামিতা সাহসে তুলিল শির,
 কুণ্ডিত ভাষা মুক্তি-মুখর—কণ্ঠে বন্দিনীর ।
 ধ্বলিয়া পড়িল আলো-সংঘাতে অন্ধ-সংস্কার ;
 গলিত শবের পচা কঙ্কালে জীবনের সঞ্চার ।
 জড়ে জাগরণ, মুক সে মুখর, অসহায়্য দুর্ব
 পুঞ্জিত ব্যথা-শতদলে জাগে সাহসিকা কুণ্ডলা ।
 বিস্ময়-হত হেরিল মানব নবযুগ-অভিধান—
 বিজয়-মস্ত্রে ফুটিল দীপকে রুদ্ধ ব্যথার গান ।

কাঁদে মজলুমা ব্যথার কমল অশ্রু-সায়র-তীরে
 শত বন্ধনে বাঁধা জ্বলেমের জ্বলুমের জিঞ্জিরে,—
 দেখেছিলে তুমি দরদী আশ্রা মমতার আঁখি তুলে' ;
 ক্ষুদ্র বেদনে তুফানে দরিয়া জাগিল মরম-কূলে ।
 জাগর-শব্দে যুগের জননী জাগাইলে আহ্বান—
 রুদ্ধ প্রাচীর সে-অবরোধের ভেঙে' চুরে' খান্‌খান্ ।
 ছোটে বন্দিনী শৃঙ্খল ছিঁড়ি' তোমার পতাকা-মূলে
 নব-প্রভাতের অরুণ-আলোকে জ্ঞান-সিদ্ধুর কূলে ।
 দীপ্ত দীপিকা জালিলে মরনে, শিখা সে বহিমান্
 ভস্মিত পাপ অজ্ঞতা-তাপ—জ্বলুমের অবসান ।
 অলখে' বসিয়া মারণ-অস্ত্র হানিল তোমার বুক,
 কুম্বুমের ঘাত সহিলে জননী অবহেলে হাসি-মুখে ।
 ক্ষুদ্র গরজে উগরিল বিষ পয়োমুখ বিষধর
 গণ্ডুষে শুষি' দিলে নাগবালা বরাভয় মস্তুর ।

শত প্রলয়ের ঝঞ্ঝার মাঝে অশনি-করকা-পাতে
 হিমগিরি-সম অটল অচল দুর্ভোগ-সংঘাতে ।
 ভব বতিকা দেখায়েছে পথ—দেখাবে ভবিষ্যতে
 নব-আলোকের সন্ধানী আমি । প্রাচী'র উদয়-পথে ।

গেছ যদি ঝাঙ—দরদী আশ্রা, আলোকের পথ বাহি'
 কোটি নমিতার অবহেলিতার অশ্রু-সলিলে নাহি' ।
 যে-লোকে প্রমাণ আজিকে তোমার—এই করে ফরিয়াদ-
 ধরার ধুলায় যে-ভিত্ত গড়িলে—পাকা হয় বুনিয়াদ ।

মাসিক মোহাম্মদী

মাঘ, ১৩৩৯ সন ।

দুঃসাহসিকা

গোলাম মোস্তফা

অঁধার রজনী, নিদ্রিত পুরী, নাহি জন-কোলাহল ;
মরণ-তজ্রা বিছায়েছে তা'র শিখিল নীলাঞ্চল ।
দুর্যোগ-রীতি, নিভিয়া গিয়াছে শিয়রের দীপশিখা ;
ঘরে ঘরে আজি জাগিতেছে শুধু মৃত্যুর বিভীষিকা ।
এ গভীর রাতে কে তুমি জননী, কল্যাণ-দীপাল'
এই বাংলার নিঁদ-মহলার তিমির-দুয়ারে এলে,
মৃত্যু-মলিন অঁধার-কক্ষে করিলে আলোকপাত,
অভয়-মন্ত্র ফুকরি' কঠে দ্বারে দিলে করাঘাত ?
আকুল আবেগে ডাকিয়া কহিলে নিদ্রিত সন্তানে—
“ওরে ওহঁ তোরা, যুমান্ নে আর, জেগে ওহঁ নব প্রাণে ।
দিবসে আলোর দীপালি জ্বালিয়া রাতে কি যুমাৰি আজ ?
কান পেতে শোন—বাহিরে বিশ্বে চলিছে কুচ্কাওয়াজ !
দলে দলে ওই চলে বীরদল জ্বালিয়া মশাল-বাতি,
নব-প্রভাতের আশায় তাহারা পোহাইছে দুখ-রাতি ।
তোরাও আয় রে, যোগ দে' সে নব-জীবনের সাধনায়,
নিদ্রা মিথ্যা, ভুলিস্ নে আর মিছে তার ছলনায় ।”

সাদা দিল না কো কেহ সেই ডাকে—সে আকুল আহ্বানে,
জননী টানিছে এক দিকে, আর মরণ ওদিকে টানে ।
কেহ জাগে, কেহ জাগিয়া যুমান, কেহ ধীরে মেনে অঁখি,
ধিকার দেয় কেহ জননীকে যুমনোরে থাকি' থাকি' ।
সন্তান ভোলে জননীকে, তবু জননী ভোলে কি তায় ?
প্রাণ কাঁদে তার শ্বেহ-মমতায়—কল্যাণ-কাশনায় ।

তাই কি জননী বিপুল ব্যথায় ভরিল তোমার প্রাণ ?
 ভুলে গেলে তুমি আমাদের যত অনাদর অপমান !
 শুচিস্থলর শুভ্রবসনা তপস্বিনীর প্রায়
 বসিলে গহন রাতের আঁধারে আলোর তপস্যায় ?
 ষুমায় পুত্র, ষুমায় কন্যা,—সজাগ প্রহরী-সম
 দরদী জননী শিয়রে জাগিয়া ! দৃশ্য এ অনুপম ।

জননী তোমার সে-মহাসাধনা বিফল হয় নি আজ.
 জেগেছি আমরা, লভেছি চেতনা, পরেছি নুতন সাজ ।
 এই তোমার কোথা তুমি আজ ? জেগে দেখি তুমি নাই ।
 তোমার সবার সবার হৃদয়ে বেদনা হানিছে তাই ।
 নয়ন ভরিয়া তোমারে আজিকে দেখিতে পরাণ চায়,
 শত শ্রদ্ধায় সারা প্রাণ আজি লুটতে চায় ও-পা'য় ।
 কুন্ঠিত অবগুন্ঠিত ওই বোরকায়-ঢাকা মুখ
 খুলে ফেল মা গো । দেখিয়া মোদের ভ'রে যাক সারা বুক !

আজি আলোকের উৎসব চলে মোদের ভুবন ভরি',
 সেই উৎসব-মাঝারে আজিকে তোমারে স্মরণ করি ।
 হে চির-দরদী ! ওই বুকে তব কোথা পেলো এত ব্যথা ?
 হেরেমের তলে কেমনে পশিল আলোকের এ-বারতা ?
 কণ্টক-ভরা বন্ধুর পথ, তিমির-গহন রাত্তি,
 নিষেধের শত বাধা-বন্ধন, সাথে নাই কেহ সাথী,
 তবু সেই পথে বাহির হইলে, ওগো দুঃসাহসিকা !
 জাগাতে তোমার প্রিয় সম্মানে, হাতে ল'য়ে দীপশিখা ।
 না-চলা পথের অগ্রপথিক, ওগো নারীকুল-রাণী !
 চির-দুর্জয় সাহসেরে তব আজিকে ধন্য মানি ।
 এই যে অসীম আলোর পিয়াসা, এই যে আত্মত্যাগ,
 মুক্তির লাগি এই কুতুহল—এ গভীর অনুরাগ,—

ইহাৰে আমৰা সারা প্ৰাণ দিয়া অভিনন্দিত কৰি ;
এৰি লাগি' আজ চিত্ত মোদেৰ গৌৰবে ওঠে ভৱি' ।

শা'জাহান গেছে রাখিয়া ধৰায় প্ৰেমের 'ভাজমহল'—
অমর কৰিয়া রেখেছে প্ৰিয়াৰ বিৰহ-অশ্ৰুজল ;
তুমি রেখে গেলে বাংলার বুক নূতন 'নূরমহল'—
পতিৰ পুণ্য স্মৃতি-মন্দিৰ স্তম্ভ-সমুজ্জ্বল ।
শা'জাহান চেয়ে বড় তুমি প্ৰেমে, পুণ্যে ও গৰিমান,
হাৰ মেনে যায় তাঁহার 'ভাজ' যে এ-ভাষে মনায় ।
সে তো সশ্ৰাট, সীমা নাহি তার বিত্ত-সামগ্ৰী
তুমি যে রিজ্জা, বুক্কেৰ রক্তে গড়েছ এ-মন্দিৰ ।
বাংলার যদি কোথাও মোদের তীৰ্থক্ষেত্ৰ থাকে,
সে হবে তোমার এই মন্দিৰ—রেখে গেলে তুমি যাকৈ ।
এইখানে আসি' যুগে যুগে মোরা নোয়াব মোদের শিৱ,
তোমার পুণ্য স্মৃতিৰে স্মৰিয়া ফেলিব অশ্ৰুনিৰ ।

জননী, তোমাৰে দেখি নাই মোৰা, শুনিয়াছি শুধু বাণী ;
শৰীৰিণী ছিলে, অথবা ছিলে না—আজি বিস্ময় মানি ।
মনে হয় যেন তনু-ঢাকা দূৰ চাতক-পাখীৰ প্ৰায়
তুমি এসেছিলে মোদের গগনে গান শুনাইতে, হায় ।
তুমি যেন কোন গগন-পাৱেৰ স্বপন-দেশেৰ মেয়ে,
এসেছিলে নেমে ঈদেৰ চাঁদেৰ রজত-তৰণী বেয়ে' ।
ফিৰদৌস্ হ'তে নিয়ে এসেছিলে নূৰেৰ দীপ্ত শিখা,
সেই নূৰ দিয়ে দুঃ ক'ৰে গেলে মৃত্যুৰ মৰীচিকা ।
মানবীৰ ৰূপে তুমি আত্মাৰ মূৰ্ত আশীৰ্বাদ ;
তুমি না আসিলে স্মৃতিত কি এই জড়তা ও অবসাদ ?

হে জননী ! চির-অনুপমা তুমি পুণ্যে ও মহিমায়,
 তুমি আমাদের খালেদা খানম নব্যা এ-বাঙলায় ।
 চাঁদ সুলতানা তুমি এ-যুগের, অদীম সাহস প্রাণে
 একা দাঁড়াইয়া যুদ্ধিয়াছ তুমি আঁধারের অভিযানে ।
 তাপসী 'রাবেয়া', তারও চেয়ে তুমি সাধনায় যে গো দড়,
 ধর্মের চেয়ে জ্ঞানের সাধনা সহস্র গুণ বড় ।
 তুমি আমাদের নূতন 'খোদেজা'—সর্বপ্রথম নারী,
 আলোর অমিয় পান করিল যে ভরিয়া হৃদয়-ঝারি ।
 আজিকে যোদের নব-প্রগতির জয়-যাত্রার ভালে
 পরাইয়া তুমি রাজটিকা রহিয়া অন্তরালে ।
 কীর পেয়েছিল প্রাণ ইসলাম দুনিয়ায়,—
 মোরাও লভিব নব প্রাণ তব স্পর্শের মহিমায় ।

আজি মনে পড়ে, জীবনের তব অন্ত-সন্ধ্যাবেলা
 ব্যোমযানে তুমি উঠেছিলে—করি' সব বাধা অবহেলা ।
 কী খেয়াল তব জেগেছিল মনে, হেরেম-বাসিনী নারী,
 তব তিরোধানে এখন সে-কথা বুঝিতে আমরা পারি ।
 শিল্পী যেমন শিল্প রচিয়া দূর হ'তে চেয়ে' দেখে—
 তুমি সেই মতো তব কীর্তির নিয়ে এলে ছবি এঁকে' ।
 দেখে এলে অতি-উর্ধ্ব হইতে মেলি' তব দু'নয়ন—
 এসেছে যোদের জাতির জীবনে কতটুকু স্পন্দন ।
 নব-প্রভাতের অরুণ-আলোর চল-চরণের ধ্বনি
 আকাশের পথে কর্ণে তোমার ওঠেছিল কি গো রণি' ?
 শুনেছিলে কি গো নবীন যুগের জয়যাত্রার ভেরী,
 বুঝেছিলে কি গো—প্রভাতের আর অধিক নাহি ক দেবী ?
 পৌঁছিয়ে দিয়ে নিখিল জাতিরে প্রভাতের দরজায়
 দিবসের আলো না ফুটেতে তাই চ'লে গেলে কি গো, হায় !
 আজি বাংলার মুসলিম যে গো হয়েছে মাতৃহীন,
 বেদনায় শোকে সবার চিত্ত তাই আজি গমগীন্ ।

যাও মাতঃ, তব পুণ্য সিংহিতি চিরকাল র'বে মনে,
 শক্তিরূপিনী তুমি বিদ্যুৎ জাতির জড়-জীবনে।
 নাই বা থাকিলে তুমি দুনিয়ায়, ক্ষতি কি তাহাতে আর ?
 তুমি বেঁচে র'বে মোদের ধেমানে অলক্ষ্যে সবা'কার।

নব-প্রভাতের অরুণ-আলোকে জাগিব আমরা যবে
 মুখর হইবে মোদের ভবন আনন্দ-কলরবে,
 বোন এসে যবে মধুর হাসিয়া দাঁড়াবে ভাইয়ের পাশে,
 সঙ্গিনী যবে চলিবে সঙ্গে অপূর্ব উল্লাসে,
 শীতের কুহেলী-পর্দা ঠেলিয়া নব-বসন্ত যবে
 আসিবে মোদের জীবন-কুঞ্জে অপরূপ গে
 নব-জীবনের স্পন্দনে যবে ভ'রে যাবে সারা প্রাণ,
 বুলবুল যবে গাহিবে আবার মাতায়ে গুলিস্তান,
 সেই পুলকের মাঝারে জননি, তোমা'রে আমরা পা'ব,
 সেই দিন সবে প্রাণ খুলে মোরা তোমার মহিমা গা'ব

মাসিক মোহাম্মদী

মাঘ, ১৩৩৯।